


sc. 19. Pl. 5.



1471





JOANNIS LAURENTII BÉRTI
FLORENTINI
FRATRIS EREMITAE AUGUSTINIANI
LIBRORUM
DE THEOLOGICIS
DISCIPLINIS
TOMUS IV.

In quo traduntur Legum præscriptiones,
humanorumque Officiorum
præcepta.



ROMÆ ATQVE PANTHEON ANNO D. MDCCXL.
EXCEDEBAT ANTONIUS DE RUBEIS

SUPERIORUM PERMISSU.

C E N S U R A.

Preclarissimus Auctor Operis inscripti *De Theologicis Disciplinis* in Tomis quarto & quinto, quos ex commissione Reverendissimi Patris Generalis perlegi, nedum totus Catholicus, & orthodoxus est, verum etiam eandem exhibet, ac in prioribus libris novâ, & gratissimâ methodo concinnatis, exquisitam eruditionem, judicium acutissimum, & moderationem animi singularem. Quamobrem præfatas Ipsius lucubrationes, & nostratibus Theologiæ Candidatis, in quorum gratiam nunc primum prodeunt, & omnibus reconditoris doctrinæ cupidis, & sanioris Theologiæ studiosis utilissimas censeo, & Prelo dignissimas.

Dabam Romæ die 15. Februarii, 1740.

Fr. Joannes Andreas Onofri Genuensis Sacre Theologiæ Magister Procurator Generalis Ordinis Eremitarum S. P. Augustini.

C E N S U R A.

QUoniam A. R. P. Magister Fr. Joannes Laurentius Berti hujusce Romani Collegii Gymnasiarchus optime de saniori Theologia mereri pergit in quarto, & quinto *De Theologicis Disciplinis* Voluminibus, quæ jussu Sapientissimi totius nostri Ordinis Præsulis expendenda suscepi, quos tribus prioribus magno plausu ubique exceptis calculos adjeci, eosdem duobus hisce lubens adjicio. Par siquidem in omnibus est rerum delectus, judicii præstantia, selectæ eruditionis copia, ac religionis integritas: quorum proinde intuitu e re publica erit, ut Typis mandentur. Ita sentiebam ex D. P. Augustini de Urbe hac die 29. Februarii 1740.

Ego F. Hieronymus Augustinus Zazzeri publicus in Romana Sapientia Sacre Scripturæ Interpres, Academiæ Theologicæ in Archigymnasio Urbis Censor, ac S. Rituum Congregat. Consultor.

v

F. F E L I X L E O N I

A J U V E N A T I O

*Sacrae Theologiae Magister totius Ordinis FF. Eremitarum
S. P. Augustini Prior Generalis.*

HArum serie literarum, & nostri Muneris auctoritate tibi Rev. P. Magistro Joanni-Laurentio Berti facultatem concedimus, ut typis mandare possis quartum, & quintum Tomum a te latine compolitos, quorum titulus est, *De Theologicis Disciplinis*, jam a duobus Patribus Magistris nostri Ordinis per Nos deputatis revisos & approbatos; servatis tamen servandis, juxta Decretum sacrosancti Concilii Tridentini, & nostri Ordinis sanctiones, obtentaque ab eis, ad quos spectat, facultate. Datum in Conventu nostro S. P. Augustini de Urbe die 28. Martii 1740.

F. Felix Leoni Generalis.

Nostri mun. aff. Sig.

*Magister Fr. Angelus-Maria de Orgio
Ordinis Secretarius.*

Reg. lib. 1.

I 11-

IMPRIMATUR,

Si videbitur Rmo Patri Magistro Sacri Palatii Apostolici .

Philippus Archiepisc. Theodosiae Vicefg.

C E N S U R A .

Reverendissimi Patris Aloysii Nicolai Ridolfi Sacri Palatii Apostolici Magistri jussa impleturus *Theologicarum Disciplinarum* IV., & V. Volumen ab admodum Rev. Patre Magistro Jo: Laurentio Berti elucubrata diligentissime perlegi . In quibus , haud desciscente a superioribus , & a se ipso auctore , adeo nihil dissonum a recta norma vel fidei , vel morum offendi ; ut immo eruditionem , claritatem , comptamque , ac fluidam orationem plane miratus sim , Quare publicâ luce dignissima reor .

Datum in Conventu S. Mariæ Transpontinæ pridie Idus Januarii , anni 1740.

Fr. Petrus Thomas Cacciari Romani Cleri Examinator , & in Collegio de Propaganda Fide Theologiæ Lector .

C E N S U R A.

Quartum, & quintum Volumen *De Theologicis Disciplinis*, in quibus de Juris, & æqui Regulis, de Humanis Officiis, atque de Divinæ Incarnationis Mysterio differit Adm. Rev. P. Mag., & Stud. Regens Jo: Laurentius Berti Eremita Augustinianus, Reverendissimi P. Aloysii Nicolai Ridolfi Sacri Palatii Apostolici Magistri mandatis obsequens attente legi, idemque de illis judicium tuli, quod de prioribus libris ab eodem doctissimo Auctore feliciter in lucem editis. Omnia videlicet in eo sunt Catholicæ Fidei & bonis moribus consona, sollerter, & ingeniose, perspicue, & eleganter, docte, atque eruditè pertractata. Itaque dignissima censeo, quæ in publicam lucem edantur.

*D. Antonius Andreas Galli Ab. Canon. Regul.
Sanctissimi Salvatoris Sac. Congr. Indicis
Consultor.*

IMPRIMATUR.

Fr. Aloysius Nicolaus Ridolfi Ord. Præd. S. P. A. Magister.

AU-

AUGUSTINI

Servandæ Legis, & Vitæ instituendæ præceptio.



Hæc disciplina ipsa Dei lex est, quæ apud eum fixa, & inconcussa semper manens, in sapientes animas quasi transcribitur, ut tanto se sciant vivere melius, tantoque sublimius, quanto & perfectius eam contemplantur, & vivendo custodiunt diligentius. Adolescentibus ergo studiosis ejus ita vivendum est, ut a veneris rebus, ab illecebris ventris & gutturis, ab immodesto corporis cultu & ornatu, ab inani negotiis ludorum, a torpore somni atque pigritiæ, ab æmulatione, obtreffatione, invidentiâ, ab honorum potestatumque ambitionibus, ab ipsius etiam laudis immodicâ cupiditate se abstineant. Amorem autem pecuniæ totius suæ spei certissimum venenum esse credant: nihil enerviter faciant, nihil audacter. In peccatis autem suorum vel pellant omnino iram, vel ita frenent, ut sit pulsæ similis: neminem oderint, nulla vitia non curare velint. Magnopere observent eam vindicant, ne nimium sit: cum ignoscunt, ne parum. Nihil puniant quod non valeat ad melius: nihil indulgeant quod vertat in pejus. Suos putent omnes, in quos sibi potestas data fuerit. Ita serviant, ut eis dominari pudeat: ita dominantur, ut eis servire delectet. In alienis autem peccatis molesti non sint invito. Inimicitias vitent cautissime, ferant æquissime, finiant citissime. In omni verò contractu atque conversatione cum hominibus, satis est servare unum hoc vulgare proverbium: Nemini faciant quod pati nolunt. Rempublicam nolint administrare nisi perfecti. In omni vita, loco, tempore, amicos aut habeant, aut habere insint. Obsequantur dignis etiam non hoc expectantibus. Superbos minus curent, minime sint. Aptè congruenterque vivant. Deum colant, cogitent, quærant, fide, spe, caritate subnixi. Optent tranquillitatem, atque certum cursum studiis suis, omniumque sociorum, & sibi quibusque possunt mentem bonam, pacatamque vitam. Lib. 11. de Ordine cap. viii.



DE THEOLOGICIS DISCIPLINIS LIBER VICESIMUS.

*De Juris, & æqui Regulis, idest de Legibus,
quæ humanos mores dirigunt,
& coercent.*



UONIAM præcedentibus libris de divina Gratia plura conscripsi, & quibus in rebus Augustiniana doctrina ab erroribus Janfenii, & Catholicum dogma discrepet a placitis Novatorum conatus sum demonstrare, atque id feci præter consuetudinem quorundam Scriptorum, qui aut dissertationes alias præmittunt, aut illas, in quibus sum versatus, diversa methodo, diversisque principiis exornant; necessario faciendum est, ut paucis aperiam, hujus consilii rationem. Cum Janfenianos naviter strenueque debellaverint tam illi, qui Molinae vel Suarefii partibus addicti sunt, quàm alii, qui Dei gratiam in actuosa qualitate constituunt, sed callidi dogmatistæ confugiant ad sententiam eorum, qui juxta Augustinum in sanctæ dilectionis inspiratione putant constituendam, & efficax auxilium contendunt nihil aliud esse quàm delectationem victtricem, atque hinc illegitime inferant, neque gratiam ullam suo unquam carere effectui, neque vigere in hoc infirmitatis statu libertatis in partem utramlibet

To. IV.

A

bet

bet potestatem; pretium operæ me facturum existimavi, si ostenderem Augustinensium neminem denegare sub robusta ac valida delectatione veram relinquenti potentiam, sicuti nec sub minima ac parva facultatem obtemperandi. Postquam verò id pro mea virili explicavi, nullum ex iis, qui gratiam ab intrinseco efficacem repellunt, norunt tamen illam a probatissimis Theologis propugnari, fore arbitror adeo iniquum & malevolum, ut me Jansenianis adnumeret, & non potius fateatur, quod pro sua erga me humanitate testantur ingenui viri, hac differendi ratione a recessu perfugioque, quò in tanta vexatione se recipiunt, Jansenianos ipsos facilius ejici, & exturbari. Ac de naturæ gratiæ, si Nostratum sententiam exposui, omnes alias a Catholicis collustratas honeste excipiens, moderate oppugnans, nullam fuggillans, nec afficiens auctorem aliquem injuriâ; mihi persuadeo eam rem, nisi sit lauli, vituperationi bonorum nequaquam fore. Disputationes denique jam absolutas iis, quas nunc subjiciam, præmissi, quod origo actionum humanarum, quarum præceptiones ac normæ hoc volumine tradam, si fiant ut oportet, & ad finem ultimum referantur, divino ex munere sit repetenda; & si gratia desit, regnet peccatum per mortem, & per legem arguatur tantum prævaricatio. In superioribus itaque libris nihil fortè vel ante rem, vel præter rem disputavi: & cum dederim nunc rationem consilii mei, quod reliquum est operis, ita, ut institui, persolvam.

C A P U T I.

Vocabulum Legis exponitur, ac definitur: traditur partitio legum; & statuitur ad actum voluntatis legem potissimum pertinere.

ERGO præter Gratiâ, quæ humanam adjuvat infirmitatem, necessaria fuerunt rationalibus præcepta quædam & instituta, quæ imperarent quæ faciendæ sunt, & prohiberent contraria: atque hæc instituta LEGES dicimus. Unde Legis nomen sit derivatum, non consentiunt Scriptores: opinantibus quibusdam dici legem a *ligando*, quoniam subditos ad observantiam præceptorum obstringit. Arbitror derivasse potius a *legendo*, utj animadvertit in sua Etymologia Gerardus Vossius, & Prologom. 25. Alphonsus Salmeron. Nam sicut a ducendo Dux, a regendo Rex, ita a legendo lex dicitur, ut demonstrat Latini sermonis consuetudo. Græci appellant *νῦμ* a *νῦμ*, *tribuere*, quodd suum distribuat unicuique: Hebræi autem *תורה*, *Torâ*, quasi *verborum*, ut interpretatur Marinus, *jactationem*. Legere autem, unde derivamus latinum vocabulum, aliquando idem est ac eligere, unde est in Eclo-

gis

gis Virgilianis, *Qui legitis flores, & humi nascentia fraga*: aliquando est idem, ac pervolutare & cognoscere, & lectionem ad librum aliquem adhibere. Juxta priorem legendi significationem ait Augustinus q. 20. in Leviticum: *Legem ab eligendo Latini Auctores appellatam esse dixerunt*; & juxta postremam Isidorus lib. XI. cap. 10. *Dicitur lex, quoniam scribitur, & legenda proponitur*. Igitur qui a ligando derivaverunt, non etymologiæ rationem habuerunt, sed potius muneris ac potestatis. Hinc & varia nomina lex adscivit, cujusmodi sunt, Pactum, Testamentum, Mandatum, Voluntas Domini.

Definitur autem Lex a Cicerone lib. 1. de Legibus, *Restra ratio imperandi, & prohibendi*: a Theologis autem Scholasticis his, aut similibus verbis: *Lex est præscriptum aliquid ab eo, qui communis civitatis curam habet, ad commune bonum directum, & subditis intimatum*. Quæ definitio legem describit comparate ad legislatorem; nam respectu subditorum traditur hæc alia vulgaris: *Lex est mensura actuum humanorum, per quam ad id quod rectum est agendum, & ad id quod prævum est omittendum diriguntur*. In quibus definitionibus explicandis non est, ut immoremur, necesse admodum. Atque tradita Legis definitio cuique legi communis est.

Lex vero alia est naturalis, alia autem positiva. Naturalis dividitur in *aternam*, quæ est rectus universorum ordo a sapientia & providentia Dei prorsus indistinctus, sive, ut ajebat Tullius, *Æternam quiddam, quod universum mundum regit imperandi, prohibendique sapientiâ*: & in *participatam*, quæ est ipsa naturæ vis, & ratio prudentis, sive Auctoris ipso Tullio, *non scripta, sed nata lex, quam non didicimus, accepimus, legimus, verum ex natura ipsa arripimus, hausimus, expressimus: ad quam non docti, sed facti, non instituti, sed imbuti sumus*. Iegem *Positivam*, eam videlicet, quæ a libera legislatoris institutione dependet, ejusque arbitratu ponitur, & constituitur, in divinam, humanamque dispescunt. Et *divina* quidem alia est *antiqua*, quam libri Moysi comprehendunt, alia *Nova* tradita in libris novi Testamenti, maxime Evangeliorum. Lex *humana* ea est, quam homines ferunt: & alia est Ecclesiastica, Civilis altera. *Ecclesiastica* Pontificum decretis, definitionibus Conciliorum, communibus Patrum sententiis, & perantiquâ Ecclesiæ disciplinâ constituta est: *Civilis* sita est in statutis Imperatorum, Reipublicæ constitutionibus, atque popularum consuetudine. Itaque hæc est generalis Legum partitio.

Id vero circa quod versantur leges, Jus appellant. Et istud pariter dividitur in *naturale, positivum, divinum, humanum, Ecclesiasticum, Canonicum, & Civile*, juxta traditas legum divisiones. Ulpianus lib. 1. ff. de Just. & Jure, partitur omne Jus in *publicum, & privatum*: & illud arbitratur esse quod ad statum pertinet rerum Romanarum: hoc autem, idest, jus privatum, aliud esse *naturale*, aliud *jus*

gentium, aliud *jus civile*. Et is quidem *Jus naturale* facit etiam brutis commune: quod etsi potest sensu aliquo probari, cum & inter bruta & res omnes creatas sit forma quædam regiminis, rerumque agendarum mensura; est nihilominus dictum improprie: est enim anima legum ipsa ratio, quæ bruta carent. Nec placet Jurispræcis *jus naturale* in ordine quodam infuso locari, *Romanum* autem in supremo; cum per se constet, jus naturale ampliori latitudine se extendere, *Romanum* speciem aliquam constituere. Magis ergo placet Jus naturale dividere in *primævum*, *secundarium*, & *personale* aut *locale*. Primævum illud est, quod pertinet ad ipsam rationalis naturæ constitutionem; illud scilicet, quo præcipiuntur mutua hominum dilectio, connubia, filiorum educatio, cultus parentum, aliaque humanæ societatis officia, quæ forent in usu etiam si Adam non peccasset, neque suborta esset familiarum divisio. Secundarium est illud, quod exigente usu, & humanis necessitatibus constitutum est: irruente præsertim familiarum divisione, & incommodis crumpentibus ex propagatione humani generis ab Adamo prævaricatore. Atque hoc Jure divisiones Regnorum, Constitutiones Rerumpublicarum, Legationes, Jura belli & pacis, emptio, venditio, locatio, conductio, depositum, mutuum, aliaque contractus fuerunt induciti. *Quæ* cum omnibus Gentibus promissæ communia sint, hoc jus naturæ *secundarium* dicitur a Justiniano lib. 2. Instit. tit. 1., *Jus Gentium*. Personale enim, aut Locale respicit peculiarem locorum, aut personarum conditionem. Sunt vero loca aut Regna, aut Provinciæ, aut Civitates, aut oppida: & omnia statutis quibusdam propriis reguntur. Homines autem sunt aut liberi, aut servi. Et liberi quidem jus habent sic facere, ut volunt, prout lib. 1. de Officiis, & in Paradoxo v. loquitur Cicero. At servi dominio aliorum subjiciuntur, unde & *mancipia* dicuntur, quasi manu ab hostibus capiuntur. Nec tamen homines liberi possunt semper pro arbitrio agere: omnes quippe, ceteri liberi, superioribus legibus obstringuntur; & *parvulus hæres*, auctor Apostolo ad Galat. IV. *nihil differt a servo*: & *Pater assidue illi flagella*, more servorum, ut in Ecclesi. xxx. Emanaverunt enim Jura omnia Gentium, & Personarum a lege suprema, æterna scilicet & naturali, cujus præceptis tenentur omnes. At de divisione Legis & Juris dictum modo.

Reliquum est, ut videamus an ad actum intellectus, aut voluntatis sit lex referenda: qua in re dissentiant Scholastici. Sed parvi momenti quaestio est; atque utrumlibet affirmes, nostra parum interest. Opinor distinguendam esse legem, ut in Legislatore, in Tabulis, & in subdito subjicitur. In Tabulis mortua est, literis conscripta, aut sculpta. In subdito pariter non semper cum voluntate conjuncta est; sæpe enim plurimi, qui legibus tenentur, eas nolunt implere. Igitur de lege quatenus pertinet ad legislatorem instituitur quaestio: eamque paucis

cis

cis reſolvens affirmo legem, etſi intellectionem ſupponat, ad actum voluntatis proprie referri. Legitur enim Pſal. 142. *Doce me facere voluntatem tuam*. Pſ. 1102. *Notas fecit vias ſuas Moysi, filiis Israel voluntates ſuas*. Macch. 1. *Det vobis cor, ut colatis eum, & faciatis ejus voluntatem*. S. P. Auguſtinus lib. 1v. de Civ. Dei cap. 6. ſcribit principio rerum gentium, nationumque fuiſſe pro legibus *Arbitria principum*. Ipſe denique Juſtinianus lib. 1. Inſt. tit. 2. §. 2. *Quod principi placuit, inquit, legis habet vigorem*. Ad voluntatem ergo, arbitriumque Legiſlatoris lex pertinet. Recte Cicero de legibus: *Cum legem dico, nihil aliud intelligi volo, quam imperium, ſine quo nec domus ulla, nec civitas, nec gens, nec hominum univerſum genus ſtare, nec rerum natura omnis, nec ipſe mundus poteſt*. Atque hæc rationi conſentanea ſunt; niſi enim ad rationem mentis accedat judicium imperans honeſta, & prohibens contraria, non habetur lex, ſed ſuſpenſa quædam apprehenſio. Imperare autem & prohibere actus eſt voluntatis; quoniam nihil aliud eſt *Imperare*, quàm intimare, decernere, denuntiare, vel ut Majorum præcepta innotescant, & compleantur. Deinde Lex inferiores dirigit: & directio, etſi pertinet ad intellectum, quatenus eſt perceptio, & propoſitio rerum meliorum; ſi tamen accipiat pro vi illa movendi, & intimatione, quæ in Lege præcipua ſunt, ſpectat ad voluntatem.

Obſciunt: Lex illuminat, dicente Davide, *Præceptum Domini lucidum, illuminans oculos*. II. Lex imperat: at imperare per D. Thomam actus rationis eſt. III. Lex eſt quædam regula & meſura pravi & recti, ad quam humanæ actiones exigi debent. Quæ regula mentis & intellectus eſt opus. IV. Saltim Lex naturæ actus voluntatis non eſt, cum nihil ſit aliud, quam lumen rationis cuique rationali creaturæ manu Formatoris impreſſum.

Reſp. ad 1. Eatenus legem illuminare, quatenus nobis divinam proponit voluntatem, cui obtemperantes, & ſocietatem habentes ad invicem ambulamus in luce. Ad 2. nego quod imperare ſit actus rationis. Ait enim Auguſtinus lib. vii. Conf. cap. 9. *Voluntas imperat*: & D. Thomas 1. 2. q. 71. art. 6. ad 2. *voluntas imperat omnes actus voluntatis*, atque q. 9. art. 1. in Corp. *voluntas movet alias potentias animæ ad ſuos actus*. Quapropter ubi S. Thomas imperium tribuit intellectui, illud accipit pro ſola directione mentis, non pro illa intimatione, & vi movendi, in qua poſſimum lex ſita eſt. Ad tertium dico, utique legem comparate ad ſubditum eſſe meſuram pravi & recti, ſed relate ad Legiſtorem eſſe hujus meſuræ intimationem, & præſcriptionem. Præterquamquod ait Angelicus 2. 2. q. 104. art. 5. primam regulam, cui actiones humanæ conformari debent, eſſe Dei voluntatem, ſecundam aliorum Superiorum imperium. Eadem reſponſio adhibetur ad 4. ſiquidem lex naturæ in homine eſt vis, & acumen ipſum rationis; ſed

sed quatenus a Deo est, dicit intimationem divinæ voluntatis, & æqui rectique præscriptionem, quam rationalis animus intima conscientia, intuetur in semetipso manu Conditoris inscriptam.

C A P U T II.

*Legum conditiones exponit, & pertrahit de illarum
Auctore, & iis, qui legibus
subjiciuntur.*

QUINQUE autem traduntur conditiones legum universalium: ac prima est, *ut lata sit qualibet lex pro aliqua communitate*. Primo quia in eo differt lex a præcepto, quod illa communis est, & istud peculiare. Et lex quidem appellatur præceptum, sed accepto præcepti vocabulo in significatione ampliori & generica, ut habetur lib. 1. ff. de legibus. Habetur præterea lib. 1. Inst. tit. Jura: *Leges non in singulas personas, sed generaliter constituuntur*. Deinde legem æternam ac naturalem esse communem satis compertum est: de legibus autem civilibus & Canonicis idem affirmat in Proœmio Decretalium Gregorius Novus. Prima itaque legum conditio recte constituta est.

Solet opponi primo definitio legis superius tradita, quod sit mensura humanarum operationum. Videtur ergo, ut quemadmodum operari est individuorum, ita ad hæc tantummodo leges pertineant. Datur quoque, ut dictum est supra, & habetur lib. 1. de Const. Princ. *Jus personale*. Insuper *Commune*, *Respublica*, aliaque istiusmodi nomina sunt intentione hominum instituta, ideoque non sunt subiectum legis idoneum. Denique imponitur lex interdum uni tantum, uti sacrificium Abrahami. Allata ergo legum proprietas haud scite præscribitur.

Respondemus, Legem ferri pro aliqua Communitate *distributive*; idest generaliter proponi ita, ut ad omnes singulosque perveniat: ideoque universalis est, & unicuique in particulari normam exhibet æquitatis. Ita ratio, prudentia, ars, facultas referuntur ad plures, etiam si qui his utuntur sint individui. Jura Personalalia & ipsa ad publicum commodum ordinantur; confert enim ad bonum Corporis singulorum, membrorum harmonia, atque ad utilitatem Reipublicæ & communis rei politiam recta munerum, magistratuum, negotiorum, hominumque participio. Præceptum autem uni impositum a lege scernitur: quamquam potest privatis personis imponi a Superiore mandatum pro bono, & commodo Reipublicæ.

Altera conditio est, quod *leges ad commune bonum sunt referendæ*. Hanc legum conditionem etiam Ethnici probavere. Aristoteles enim

enim 8. Eth. cap. 10. *Lex* (inquit) *ſubditorum ſpectat utilitatem* ; & Cicero in 1. de legibus , conſtituendas leges ſcribit *publicæ ſalutis cauſâ* . Hinc ait in V. Etymolog. Iſidorus , *Lex eſt nullo privato commodo , ſed pro communi utilitate Civium conſcripta* . Accedit ratio ; nam Deus pro bono univerſitatis leges ferre per Eſaiam teſtatur hiſce verbis : *Lex a me exit in lucem populorum* . Omnem verò poteſtatem ac principatum a Deo eſſe , teſtantur ſacra eloquia , & natura ipſa proclamât . Quiſquis ergo accepta a ſupremo Numine poteſtate in ferendis legibus utitur , tenetur illius ad exemplum aptare decreta ſua , eaque ſtatuerè in commodum populorum .

Dices fortaſſe nonnullas leges pertinere ad Principes , ut de perſolvendis veſtigalibus ; nonnullas ad milites , ut de manubiis , & auro coronario ; complures ad pupillos , ad libertos , & manumifſos : dari etiam Privilegia , quæ cedunt privatorum utilitati . Reſpondeo leges , quæ lib. I. Inſtit. ff. de *Conſtit. Princ.* dicuntur particulares , ad privatum bonum tanquam ad finem proximum referri , ad commune vero tanquam ad finem ultimum . Et quidem felicitati Reipublicæ plurimum conſert , ſi Principi veſtigalia & portoria ſolvantur : conſulitur enim hoc pacto illius majeſtati & honori , quippe hac ratione facilius ſubditis inferit obſervantiam , hoſtibusque incutit terrorem , atque formidinem . Quod de ceteris dicendum eſt : nam ſi rectus in perſonis prætermittitur ordo , & pupillis patrias fortunas adimere , milites fraudare , ingenuos cum meritoriis verſari fas ſit , nihil erit in civitate non inhonellum ac turpe . Eo etiam tendunt privilegia , quæ conferuntur , ut ipſorum ſpe allekti cives egregiis operibus incumbant , nec ſtudia ſine remuneratione torpeſcant . Aut reſpondemus privilegia privatis hominibus irrogata melius dici *Exemptiones a Lege* , ut ait Gloſſa in Cap. *Erit autem lex* : & Cicero in tertio de Legibus : *Majores noſtri in privatos homines leges ferri noluerunt : id eſt enim privilegium* .

Conditio tertia erit , ut *Lex ſit juſta , neque inhoneſta præcipiat* . S. P. Auguſtinus hanc legis proprietatem tradit in primo de lib. Arb. cap. 5. dicens : *Lex eſſe non videtur , quæ juſta non fuerit* . Conſentit Iſidorus , qui lib. 5. Etymolog. cap. 2. hæc habet : *Lex erit omne quod ratione conſiſterit , quod religioni congruat , quod diſciplinæ conveniat , quod ſaluti proficiat* . Ratio autem fatiſ eſt manifeſta : injuſtitia enim & ſcelera commune bonum non provehant , ſed evertunt .

At dices : Nonne leges fornicationes aliquando permittunt ? Immo ipſe fomes concupiſcentiæ nonne ab Apoſtolo ad Rom. vii. v. 23. *lex* appellatur ? Præterea quanta arbitrio Regum præcipiuntur injuſta ? Ne alia proferamus exempla , Ægyptiorum Rex Pharaô juſſit ut aquis mergerentur Hebræorum infantuli : præcepit Saul ut interficerentur Sacerdotes Domini : alii que innumeri indixerunt decretis ſuis immania , turpia , horrendiſſimæque flagitia . Reſpondeo fornicationem a legibus

legibus non præcipi, sed permitti. Permissio autem peccati, ut videntur majora crimina, non est indecora, sed ipso Numine digna. *Legem quidem satis video* (ait Augustinus loc. cit.) *munitam contra hujusmodi accusationem, quæ in eo populo quem regit, minoribus malefactis, ne majora committerentur, dedit licentiam.* Fomes peccati lex dicitur ab Apostolo ob pœnam culpæ originalis; ut enim miles destitutus stipendio transit ad legem agricolarum, & qui capitur jure belli, servus fit capientis, ita homo per peccatum a lege liberi transit ad captivitatem, quæ est lex pœnalis. Injusta vero decreta virorum principum non leges dicenda sunt, sed Tyrannorum præscriptiones; quippe ut agebat Cicero lib. 1. de Oratore, *Docemur auctoritate nutuque legum domitas habere libidines, coercere omnes cupiditates, nostra tueri, ab alienis mentes, oculos, manus abstinere.*

Quarta legum conditio est, *ut sint perariles*: quæ ex præcedentibus consequitur, & vix a secunda distinguitur. Si enim constitutæ sunt leges publicæ salutis causâ, si præmia conferri jubent, & vitia infestantur, si distinguuntur a tyrannide, quod hæc est dominatus ad subversionem pauperum, lex vero ad regimen æquitatis; consequens est, ut hæc sit utilitatum, opportunitatumque consultrix.

Postrema conditio est, *ut leges sint diurnæ*. Lex enim æterna, cum sit rectus ordo divinæ immutabilis providentiæ, est prorsus invariabilis. Naturalis etiam creata, & hominibus indita nequit a mente rationabilium deleri. Divina lex per Moysen lata, cum effect promissio & figura novi fœderis; perduravit usque ad Joannem & Christi baptismum, atque hujus morte scisso velo templi, & consummatis figuris transiit in Evangelicam. Vigebit hæc usque ad consummationem sæculi. Humanæ leges perseverant post obitum legislatoris, ab eoque successores adipiscuntur auctoritatem statutæ legis, sive hæreditate, sive electione. Oportet ergo, ut leges sint diuinæ, salutare, rectæ, universales, & institutæ ad commodum populorum.

Ferre servatis his conditionibus leges ad Communitates duntaxat spectat, earumque Rectores. Quod probatur cum auctoritate, tum ratione. Isidorus namque lib. 1. ita legem describit: *Lex est Constitutio Populi; secundum quam Majores natu aliquid sanxerunt*: quam descriptionem probat distinctio Decretalium 2. Ratio autem hæc est. Habet lex vim imperandi & coercendi, ut Aristoteles ait x. Ethic. Conditor ergo legis nullus est, nisi qui imperare & coercere potest, idest, Rector communitatis. Ex quibus liquet, quæ domi suæ imperant Patresfamilias, esse quædam particularia statuta, non leges, nisi in quantum illa domus pars est Civitatis, ejusque regimen refertur ad patriam commoditatem. Leges autem a quibusdam privatis præscriptæ tunc auctoritatem obtinuerunt, cum illis accessit publici Magistratus, aut Principis comprobatio.

Jam de iis dicendum eſt , quos legum obſervantia tenet obſtriſtus , a quorum numero excipiunt Novatores cœtum Juſtorum . Tutantur errorem ſuum prava quorundam locorum Scripturæ intelligentia . Ea ſunt , ad Rom. vi. 14. *Non enim ſub lege eſtis , ſed ſub gratia* . Item ad Galat. iii. 4. *ſubintraverunt exploſare libertatem noſtram , quam habemus in Chriſto Jeſu , ut nos in ſervitutem redigerent* : & cap. iii. 19. *Propter tranſgreſſiones (lex) poſita eſt* : nec non cap. v. v. 18. *Quod ſi ſpiritu ducimini , non eſtis ſub lege* . Poſſent & opponere quod habetur in Decret. d. 19. q. 2. *Qui lege privata ducitur , nulla ratio exigit , ut publica conſtringatur* .

Refellitur autem Novatorum ſpiſſus ac turbulentus error locuple-
tioribus ejuſdem Apoſtoli testimoniis . Qui in Epiſt. ad Rom. cap. 3. v. ultimo ſcribit : *Legem ergo deſtruimus per fidem ? Abſit : ſed legem ſta-
nuimus* . Ideſt , *Legem ſiſtimus in his , quæ & nunc novo teſtamento in-
troducenda etiam cumulatioris præcepto prohibentur* , inquit hunc locum citans Tertullianus de Pudicitia . Et capite ejuſdem Epiſtolæ xiii. ait Apoſtoloſ , *Omnis anima poteſtatibus ſublimioribus ſubdita ſit* : quem locum quidam hæreticorum avidè arripiunt , ut evincant etiam ſum-
mos Sacerdotes & Epiſcopos teneri legibus temporalium dominorum ; tametiſi nequeunt iſti facta Sacerdotii comparatione dici *ἐκ τῆς ἐντολῆς τοῦ κυρίου* , præcellentes poteſtates , quoniam ut corpora ſpiritibus , ita temporalis politia eſt ſubjicienda Eccleſiaſtica . Interim eorum confeſ-
ſione conſtat omnem animam , ideoque & juſtam ſubjici Legiſlatoribus . In poſtremo etiam ad Hebræos v. 17. ſcribit Paulus : *Obedite præpoſitis veſtris , & ſubjacete eis* . Sed quid plura ? noane de Juſtis dictum eſt a Domino Jo. xv. 10. *Si præcepta mea ſervaveritis , manebitis in dilectione mea , ſicut & ego Patris mei præcepta ſervavi , & maneo in ejus dilectione* ? Indubitatum eſt ergo , quod nemo quantumvis juſtificatus liberum ſe ab obſervantia mandatorum putare debet : ut definit feſſ. 6. cap. 11. ſacroſancta Synodus Tridentina . Atque his ſuffragatur ratio . Lex enim ratione ſua duo importat ; unum , ut ſit regula rerum agen-
darum : alterum ut reluſtantes bene agere vi , & auctoritate coerceat . At juſti , quamquam ſponte obtemperant legi , atque ſecundum ratio-
nem iſtam ei minime ſubjiciuntur ; reguntur tamen ſuperiorum ſuorum inſtitutis atque mandatis . Legibus ergo inſpecto munere ipſarum præ-
cipuo , quod eſt intimare & dirigere , etiam juſtificati ſubjiciuntur . Quinimo ſubduntur legibus etiam quoad vim coactivam , in quantum poſſunt ab illarum obſervatione deſciſcere , & quandoque a malefactis retrahuntur timore ſupplicii .

Inania autem ſunt , quæ obijciunt Heterodoxi . Nam Apoſtoloſ ad Romanos loquitur de lege moſaica , & de lege premente & minitante , ut opponitur gratiæ adjuvanti , & Evangelio , quod appellatur Act. 14. 3. *λόγος χάριτος* , *verbum gratiæ* . Quare Auguſtinus de Grat. & lib. ar-
bitrio

To. IV.

B

bitrio

bitrio cap. 12. ait: *Non enim estis sub lege, sed sub gratia: non quia lex mala sit; sed quia sub illa sunt, quos reos facit iubendo, non adiuvando. Gratia quippe adjuvat, ut legis quisque sit factor, sine qua gratia sub lege positus tantum erat legis auditor.* In Epistola ad Galatas perspicuum est, sermonem cap. 2. fieri adversus *καυχήσαντες ἑαυτοὺς Ἰουδαίους*, superinductos falsos fratres, Iudæos scilicet simulantes se esse Christianos, & compellentes circumcidi, & jugum veterum legalium iterum imponentes. Nostram ergo libertatem tutatur Paulus a ceremoniis Judaicis, non ab observatione præceptorum. Proximo cap. 3. ait legem positam propter transgressionem declarandas, puniendas, & coercendas, ut Lyranus, Menochius, Estius, alique docti Interpretes observarunt. Eadem est responsio S. P. Augustini de Grat. Ch. cap. 8. Nonnulli particulam *propter* accipiunt, quasi hoc loco significet non finalem causam, sed eventum, ac si diceretur, posita lege sequuntur sunt transgressionem: proferuntque hujus significationis exempla ex Adelphis & Eunuchio Terentii, ex Cicerone in Catilinam, & aliis Latinis Scriptoribus probatissimis. Sed non opus est, ut ad Grammaticos Rhetoresque confugas, dicente eodem Apostolo in seq. cap. v. 23. de probis ac temperatis, *Adversus hujusmodi non est lex*; nimirum sunt justi immunes a pœna & coercionibus, quibus ex adverso obnoxii sunt legum contrafactores. Ex quibus facile exponitur similis locus ad Timoth. 1. cap. 1. v. 9. *Lex justo non est posita, sed injustis*: quoniam justus sponte se legi conformat, & lubens justitiam apprehendit, *non tanquam per pedagum terrentem & suadentem*, inquit S. P. Aug. de Spiritu & lit. cap. x. Idem sensus est alterius testimonii. *Quis enim Spiritus ducit, & caritas trahit, non sunt sub lege premente, & vindicante, sed præcepta legis faciunt animo alacri & libentissimo. Sub lege est enim* (inquit Aug. de Nat. & Grat. cap. 57.) *qui timore supplicii quod lex minatur, non amore justitiae, se sentis abstinere ab opere peccati*; & infra: *Ergo si spiritu ducimini, non adhuc estis sub lege: utique lege, qua timorem incutit, non tribuit caritatem.* Eadem responsione eliditur quod depromptum est ex Decretis.

His communia singulis legibus complexi sumus. Quod ad legum attinet promulgationem loco opportuniore discutiendum est: nam lex naturalis inscripta omnium cordi nullâ promulgatione indiget. Ad singulas ergo leges in particulari examinandas stylum, animumque convertimus.

C A P U T III.

*Pertrahatur de Lege æterna, a qua omnes aliæ
derivantur.*

PRÆCELLIT itaque leges omnes Æterna. Hanc definit S.P. Augustinus libro adverſus Fauſtum XXII. cap. 27. *Lex æterna eſt ratio divina, vel voluntas Dei ordinem naturalem conſervari jubens, perſurbari vetans.* Et in primo de lib. arb. cap. 6. *Ut breviter (inquit) æterna legis notionem quantum valeo verbis explicem, ea eſt, qua juſtum eſt, ut omnia ſint ordinatiſſima.* Æternam hanc legem abſque ullo fidei lumine etiam Ethnici Scriptores aſſecuti fuerunt. Cryſippus lib. 1. de Finibus, Hecato lib. 6. Manlius, cujus extant in priori de Aſtronomia libro hi verſus,

*Hoc opus immenſi conſtruſtum Corpore mundi
Membraque naturæ diverſæ condita formæ
Aeris, atque Ignis, Terræ, Pelagique jacentis
Vis animæ divina regit, ſacroque meatu
Conſpirat Deus, & tacita ratione gubernat.*

Occurrunt ſimilia in IV. Georgicon, & in 6. Æneidon Vergilii, collecta in Apparatu Jur. Canon. ab Emmanuele Gonzalez. Videntur autem hi poetæ operam dediſſe Platonice philoſophiæ, juxta quam, ut reſert Plutarchus lib. 1. de Placitis Philoſoph. *Θὸς ἰσὶ νῦν τοῦ κόσμου, Deus eſt intelligentia & anima mundi.* Præclare Tullius in ſecundo de Legibus. *Hanc video ſapientiſſimorum hominum eſſe ſententiam, Legem nec hominum ingenii excogitatam, nec ſciturum eſſe aliquod populorum, ſed æternum quiddam, quod univerſum mundum regit imperandi, prohibendique ſapientiâ.*

Æterna Lex ita expoſita duas habet quaſi *ἀναλογίας*, ſive ſimilares rationes, unam reſpectu irrationalium creaturarum, & alteram reſpectu hominum & angelorum. Et comparate quidem ad res creatas ſenſu & ratione carentes, quemadmodum in his eſt quædam obedientia improprie dicta, rei ſcilicet arbitrio carentis ſuo; ita lex latè & metaphoriſe appellatur ipſe ordo perpetuæ gubernationis. Quod vero ad rationales pertinet, propriam habet rationem legis, eique vera obedientia reſpondet, videlicet obtemperatio animi libertatem ſuam retinentis. Satis præterea conſtat hanc legem dici æternam, non ex parte rerum agendarum, ſed ipſius Dei cuncta ab æterno diſponentis & ordinantis, eo ferme pacto, quo ſempiternam dicimus prædeſtinationem, providentiam, voluntatemque divinam. Quamobrem necesse non fuit, ut lex iſta promulgaretur ab æterno, ſed hoc tantum, ut inſtitueretur vim habitura in rerum creaturarum conditione. Ex parte tam en

Dei promulgatam ab æterno in Scriptura libri vitæ, & in Verbo divino, docet 1. 2. q. 91. art. 1. ad 2. Doctor Angelicus: quod alii rejiciunt, propterea quod generatio æterni Verbi per se ad constituendam legem non requiratur, alioqui (ait Vasquesius) *solus Pater promulgasset hanc legem*. Sed puto hanc esse inutilem logomachiam. Enimvero si cum D. Thoma distinguamus in promulgatione intimationem ipsam factam verbo, vel scripto, a notitia & audientia subditorum, non video cur Eximii Doctoris responsio sophistice impugnetur. Nos autem qui promulgationem nihil aliud intelligimus, nisi paratæ jam legis propositionem & publicationem, æternam legem institutam dicimus ante tempora sæcularia, promulgatam vero in temporum conditione.

His constitutis locum non habent plura, quæ ab antiquioribus Scholasticis disputantur, veluti hunc lex æterna sit idea rerum existentium in mente Dei: quod contra communiolem sententiam tutatur idem Vasquez. Nos quippe ideam ad perceptionem mentis, legem ad voluntatis decreta referimus, neque aliam inter hæc ponimus distinctionem, nisi connotatorum. Ipsa ergo natura Dei, quatenus omnium rerum rationes exhibet, est idea: quatenus præscribit rerum universarum ordinem & mensuram, est lex æterna. Ex quibus apparct opinionem Vasquesii etiam falsam esse in sententia Thomistarum: qui referunt quidem Legem ad opus intellectus, sed cum Doct. Angelico q. 93. art. 1., tenent ideas respicere proprias naturas singularum rerum, leges vero singulas ad commune bonum Dei sapientia dirigi. Atque hinc est, quod idcas ratione objectorum multiplicant, & legem æternam unam duntaxat constituunt. Similiter docent providentiam in hoc differre a lege, quod illa singulas res in partes distribuit, & nihil jubet, aut vetat; & lex refertur ad unum rectissimumque ordinem universorum, quem perturbari non finit. Verum si dixeris Deum optimum maximum *inferiores partes creaturae suæ convenientissimis legibus admirandæ dispensationis ornare*, & si providentiam dixeris *legem in distributione temporum datam*, id nullatenus improbabo, sed excipiam Augustiniana verba ex lib. de Cathéchiz. rudib. & X. de Civit. Dei cap. 15., absque ulla contradictione. Quippe & legem, & providentiam, & idcam, & si quid aliud divinum dicimus, aut cogitamus unam summam rem esse sine ulla hæsitatione profiteor.

Remanet inquirendum an lex æterna omnium aliarum sit causa, illique Creaturæ omnes subjiciantur. Quantum ad priorem questionis partem respondemus affirmative, ducti auctoritate Sanctorum, Philosophorum consensu, & lumine ipso rationis. Accipe dicta Patrum. Augustinus Tract. 6. in Joan. inquit: *Ipsa jura humana per Imperatores & reges Deus distribuit generi humano*; & in 1. de lib. arbitrio cap. 6. *nihil est in temporali lege justum, quod ab æterna non derivetur*. Idem docet de vera Religione cap. 32. lib. 14. de Trinitate cap. 15. & quæ-
stione

ſtione ſuper Exodum ſeptima ac ſexageſima . Tertullianus in ſuo Apo-
logetico hiſ verbis Gentiles compellat : *ſciatis ipſas quoque leges ve-
ſtras , quæ videntur ad innocentiam pergere , de divina lege , ut anti-
quioris formæ mutatas .* Teneas modo teſtimonium Tullii ſcribentis in
2. Philipp. *Lex nihil aliud eſt , niſi recta , & a numine Deorum tracta ra-
tio .* S. Clemens Alexandrinus probat id fuiſſe omnibus exploratum .
lib. 1. Strom. ex Ethnicorum fabulis : quæ narrant Minoem ad Jovis
antrum venientem per novem annorum circulum , leges ab ipſo Jove
accepſiſſe , Lycurgum pariter ab Apolline , quem frequenter adibat
apud Delphos ; Zeleucum Locrorum leges accepſiſſe a Minerva Plato &
Ariſtoteles literarum monumentis mandarunt . Scriptum eſt autem ali-
bi , Gentilium numina a Cacodæmone fuiſſe conſecta ad æmulationem
veræ divinitatis . Ratio autem hoc idem ſuadet . Primum quia a prima
Cauſſa omnia moventur , & ab una arte procedunt omnes aliæ , aucto-
re ipſo Ariſtotele 1. Eth. Igitur etiam ſuprema æternaque Lex eſt cete-
rarum omnium fons & origo . Deinde omnia quæ ſunt per participatio-
nem perſciſcuntur ab eo quod eſt per eſſentiam , quemadmodum huma-
na ratio quæ eſt participatio divini luminis , & humana poteſtas quæ
eſt participatio divinæ auctoritatis , ſunt a lumine & poteſtate ſupremi
Numinis . Cum ergo lex æterna ſit talis ſeſe atque naturæ ſuæ , opor-
tet , ut ſit cauſſa & fons ceterarum . Præterea neceſſum eſt , ut diximus ,
quamlibet legem eſſe juſtam . Juſticia autem , in qua virtutis ſplendor
eſt maximus , mala prohibet , & recta imperat . At omne malum æter-
na lege prohibitum eſt , omne bonum ipſa æterna lege intentum eſt .
Quolibet ergo lex aliquid aut prohibens , aut imperans ab Æterna di-
manat .

Nec urget quod ſolet opponi legem æternam eſſe immutabilem , &
obſtringere ſubditos jure divino , quæ duo non conveniunt humanæ le-
gi . Ut enim prima Cauſſa eſt independens , & habet modum operandi
longe diverſum a cauſſis ſecundis , & tamen iſtæ ab illa prima Cauſſa
vim ſuam effectricem naturamque participant : ita lex æterna eſt ſum-
me invariabilis neque poteſtate aliqua diſſolvi poteſt , & nihilominus
ab ea trahuntur leges ſingulæ , quas ſæpenumero contingit mutari . Cu-
jus rei hæc idonea ratio profertur : quod prima Cauſſa efficit in aliis
vim agendi , actionem ipſam , & modum actionis , ut hæc neceſſario
operetur , hæc contingenter , pro uniufcujuſque cauſſæ natura . Ita lex
æterna ceteras enititur , ut quolibet obliget juxta dignitatem ac natu-
ram ſuam , videlicet lex naturalis jure naturali , & lex humana jure hu-
mano . Exemplum aliud aſſert Auguſtinus de Vera Religione cap. 17.
loquens de lege veteri & nova , quæ cum ſint ab uno Deo , non iſſedem
tamen præceptis , neque eodem tempore vigerunt . *Poteſt (inquit)
qui hoc putat perturbari , ſi unus medicus alia per miniſtros ſuos imbe-
cillioribus , alia per ſemetipſum valentioribus præcipiat ad reparandam
vel*

vel obtinendam salutem. Ut enim ars medicina cum eadem manet, neque nullo pacto ipsa mutetur, mutat tamen præcepta languentibus, quia mutabilis est nostra valetudo: ita divina providentia cum sit ipsa omnino incommutabilis, mutabili tamen creatura varie subvenit, & pro diversitate morborum alii alia jubet aut vetat, ut a vitio unde mors incipit, & ab ipsa morte naturam suam ad essentiam, ex qua desciunt, idest ad nihilum tendunt, reducat & firmet. Sed dicis mihi, Quare desciunt? Quia mutabilia sunt. Quare mutabilia sunt? Quia non summe sunt. Quare non summe sunt? Quia inferiora sunt eo, a quo facta sunt. Hæc igitur vicissitudo & infirmitas creaturarum postulat diversa præcepta modo leviora, modo rigidiora, omniumque ab una lege incommutabili præscribuntur.

Huic æternæ legi subiecta esse omnia creata, tam necessaria, quam contingentia, res est omnibus manifestissima. Audiatur Augustinus hæc de summo Numine scribens in magno Opere de Civ. Dei cap. xi. libri quinti: *Qui dedit carni originem, pulchritudinem, valetudinem, propagationis fecunditatem, membrorum dispositionem, salutem, concordiam; qui & animæ irrationali dedit memoriam, sensum, appetitum, rationali autem insuper mentem, intelligentiam, voluntatem; qui non solum cælum & terram, nec solum angelum & hominem, sed nec exigui & contemptibilis animantis viscera, nec avis pennulam, nec herba flosculum, nec arboris folium sine suarum partium convenientia, & quadam veluti pace derelinquit, nullo modo credendus regna hominum, eorumque dominationes & servitutes a sua providentia legibus alienas voluisse. Legatur & caput viii. Proverb. a versu 27. ad 32. & Matthæi vi. iisdem numeris. Revera creaturæ aut naturali quadam necessitate operantur, aut contingenter. Si necessitate, connectuntur cum effectis stata firmissimaque divina dispositione: atque ut Augustinus aiebat lib. xi. ejusdem Operis cap. 12. *Nihil a legibus summi creatoris ordinatorisque subtrahitur, a quo pax universitatis administratur.* Contingentia rursus aut naturalia sunt, aut libera. Si naturalia, nutu divinaque ordinatione reguntur: nam, ut inquit Ps. 148. 8. *Regius vates, Ignis, grando, nix, glacies, spiritus procellarum, quæ faciunt verbum ejus,* & Evangelista cap. viii. 27. *venti, & mare obediunt ei.* Si autem agentia libera sunt, ista quidem aut bene agunt aut male. Bona sunt a Deo dirigente ac movente: mala sunt a Deo permittente. *Nihil enim fit visibiliter & sensibiliter, quod non de invisibili & intelligibili summi Imperatoris aula aut jubeatur, aut permittatur, secundum ineffabilem justitiam præmiorum, atque pœnarum, gratiarum & retributionem in ista totius creatura amplissima quadam immensaque republica.* Ita Augustinus in sententiis collectis a Prospero num. 58.*

Objecta quædam a ratione petita, quod contingentibus lex intimari

mari non poſſit , quod careant libertate ac ratione , arbitror eſſe prætermittenda . Dixi enim ſupra æternam legem diverſam habere erga res productas *analogiam* , & reſpectu irrationalium requirendam non eſſe intimationem , aut obedientiam proprie dictam . Sunt tamen è Scholaſticis , qui reponunt his quoque creaturis intimari legem per formam eis inditam , per quam Creatorem ſuum quodammodo ſentiunt , & illi obtemperant . Cetera deprompta ex rebus adverſis , quibus probi viri plerumque jaſtantur , ex infortuniis , oſtentis , eventibusque fortuitis , quæ non videntur à divina lege ordinati , quoniam opponi ſolent ab incredulis adverſus Divini Numinis exiſtentiam , atque providentiſſimam univerſitatis adminiſtrationem , in prima horum librorum Parte fuerunt diſcuſſa .

C A P U T IV.

*Diſputatur de Jure natura primario , & primo queritur
quid ſit , an ſit , & quibus præceptis conſtet
lex naturalis .*

PROXIME ſequitur , ut pertractet diſſertatio noſtra de naturali lege ſpectante ad conſtitutionem rationabilium ; cujus naturam valde affinem eſſe legi æternæ , & unam nihil aliud eſſe , quam alterius tranſcriptionem , ex priori capite , atque ex ſubjectis theſibus comprobatur .

PROPOSITIO I. Lex naturalis eſt ipſius æternæ legis in mente hominum per participationem incommutabilis rationis divinæ facta tranſcriptio .

Hæc definitio traditur ab Auguſtino lib. 83. QQ. q. 53. eamque brevi explanabo . Dicitur *tranſcriptio æterna legis* ; quoniam nullam vim habere poteſt creata natura , quæ ipſi ab auctore ſempiternæ legis non imprimatur . Atque ſecundum hæc priora verba legem naturalem etiam bruta animalia , & creaturæ omnes ſibi habent inſertam . Hinc Plutarchus in Camillo : *Lex (inquit) eſt natura , cajus & beſtia ſunt participes* . Libanius Declam. 44. *Reverentur & fera naturam* . Et quidem bruta amoris alicujus , & æquitatis legem tenere commonſtrat Demoſthenes in Olynthiacis ex cultu parentum etiam beſtiis naturaliter indito : & Cicero in Tuſculanis ex cura , qua feræ pro ſuis partibus ita roſtro , & ungue pugnant , ut vulnera excipiant , nullosque impetus reformident . Animadvertit in his Caſſiodorus etiam ingeneratum deſiderium adulteria vindicandi . De hac lege cecinit Maro in Georgicis :

Omne adeo genus in terris hominumque , ferarumque

Et

*Et genus equorum, pecudes, piscesque volucres
In furias, ignemque ruunt: amor omnibus idem.*

Quæ tamen cum analogia dicta esse, supra præmonui.

In consequentibus verbis exponitur lex naturæ, ut obstringit homines ratione præditos: quos a Deo lumen rationis, & recte operandi regulam participare, nemo, nisi ratione destitutus sit, in dubium vertit. Nam, ut Augustinus scribit ferm. 2. de Verbis Domini: *Quis legem in cordibus hominum scribit, nisi Deus?* Sitam vero naturalem legem in participatione rationis, & interiori quadam intimatione, quæ ut verbis utar Damasceni lib. 4. de Fide cap. 23., conscientiam nostram pertrahit & vellicat, scribit eleganter Marcus Tullius in 1. de Legibus his verbis: *Eadem ratio, cum est in hominis mente confirmata & confecta, lex est.* Ita Maximus Martyr Tom. 5. Bibl. PP. ait: *Lex nature est ratio naturalis, quæ captivum tenet sensum, ad delendam vim irrationalem.* Similia docent Ambrosius Epistola 70. & D. Thomas 1. 2. q. 94. art. 1. & seqq.

Apposite autem additum est hanc rationem divinam a creatura participatam esse *incommutabilem*, cum eadem sit in omnibus, exhibeatque unam summam, & intimam regulam honestatis in singulis hominibus, quantumvis aut educatione, aut locorum, temporum, & morum distantia discrepent ab invicem. De qua re satis differui præcedenti libro xviii. cap. 3. Quod si quis petat, quomodo fieri potest, ut eadem ratio divina una, summa & immutabilis sit participata ab omnibus rationalibus creaturis, & tamen singularum mens creata sit, finita, & mutabilis; respondemus cum Augustino lib. 14. de Trinit. cap. 15. rationem illam divinam, & legem immutabilem transferri *in cor hominis non migrando, sed tanquam imprimendo: sicut imago ex anulo & in ceram transit, & anulum non relinquit.* Mutabilis est ergo omnis homo substantiâ suâ, sed habet spiritum immortalem, cui tanta indita est vis, ut possit se convertere ad lumen indefectibile veritatis, & ad regulam æquitatis summam & immutabilem: quorum primum est lux intima veritatis, quam ex Augustino non uno in loco explicavimus, alterum lex æterna; utrumque autem ipse Deus.

PROPOSITIO II. Existit lex naturalis nuper delineata.

Demonstratur thesis apertissimis verbis Apostoli scribentis ad Romanos cap. 11. v. 14. & 15. *Cum enim gentes, quæ legem non habent, naturaliter ea quæ legis sunt faciunt, ejusmodi legem non habentes ipsi sibi sunt lex. Qui ostendunt opus legis scriptum in cordibus suis, testimonium reddente illis conscientia ipsorum, & inter se invicem cogitationibus accusantibus, aut etiam defendentibus.* Plura huc spectantia collegit Cassianus Collat. 8. cap. 23. & Alardus Gazæus in Commentariis. Hujusmodi sunt, Abelem naturali instinctu nondum lege scripta, mandante didicisse Deo sacrificium de primitivis ovium esse offerendum:

Noemum

Noemum munda animantia diſcreviſſe ab immundis nondum hæc legalè diſtinguente mandato: Henochum ambulafſe coram Domino nullam legis præſcriptionem ab aliquo conſecutum: ex lege naturæ didiciſſe Sem & Japhet non revelandam turpitudinem patris ſui: Abrahamum ea lege ductum Sacerdoti decimas obtuliſſe, Loth excepiſſe humaniter hoſpites ac peregrinos, Jobum pertuliſſe hujus vitæ incommoda mirabili manuſuetudine. Hæc tamen, & ſimilia meminèris accipienda eſſe per excluſionem legis ſcriptæ, non autem divinæ gratiæ: de qua Caſſianus non recte omnino. Huc etiam ſpectant quæ præcedenti propoſitione dicta ſunt. Neque enim arbitror plura eſſe dicenda de veritate, quam ratio ipſa ſuadet. Legis quippe naturalis exiſtentiam demonſtrat ingenuus appetitus virtutis, quæ cum debitum in finem tendat, æternæ legis participatione dirigitur: demonſtrat denique perpetuus conſcientiæ ſtimulus, quem naturalem legem appellat Hieronymus in Epift. ad Algaſiam: quamquam conſcientia & ſynderes ſi verſentur circa ea quæ hic & nunc facta aut facienda ſunt ſingularim, & lex circa commune bonum univerſaliter. Sed quia ab hac lege iniquus deſceſcit: ideo male ſibi conſcium depaſcit ſynderes, latens in pectore fractæ legis teſtimonium: atque ut Juvenalis egregie loquitur,

. Quos diri conſcia fatiſi
Mens habet attonitos, & ſurdo verberare cadit,
Occultum quatiens animo tortore flagellum.

Eſt igitur naturalis, & uniufcujuſque cordi inſcriptæ legis argumentum ſingulare ipſa conſcientia hominum univerſorum. Atque ex his conſtat legem naturalem in omnibus eſſe unam, ſinguliſque præſcribere amorem virtutis & vitiorum abominationem: eſti fuerunt, ac ſunt plerique, qui a recta ratione animum avertentes, inhoneſta præferunt honeſtis; quoniam fere belluinis moribus obbrutuerunt, aut vitiatu fermento cupiditatum, ſi quid propinas dulciculæ potionis, protinus amareſcit. Hinc etiam colligere poſſumus, cur præcepta legis naturæ fuerint literis innovata: quod ſane factum eſt, propterea quod ob vetuſtam vitiorum conſuetudinem, idololatriam, noxiæſque cupiditates cæperat eadem lex deſueſcere. *Quare etiam ſcripto tradita eſt, ut prævaricatores cernerent in Tabulis quod in cordibus non legebant;* ait in Pſalmum 57. Doctorem Aquila.

PROPOſITIO III. Præcepta legis naturæ omnia reducuntur ad duo, ad dilectionem Dei, & proximi.

Arbitror theſim hanc nulla indigere probatione ob apertiſſimam Chriſti ſententiam Matth. xxii. 40. *In his duobus mandatis univerſa lex pendet, & Propheta.* Sane cum lex naturalis ſit participatio legis æternæ, hæc vero omnia in finem ſuum dirigit; necesse eſt, ut in crea-

To. IV.

C

tura

tura rationali, quæ diligendo in proprium finem tendit, lex naturæ amandi præceptis coalescat. Cum ergo, ut Augustinus scribit in primo de Doctrina Christiana cap. 23. quatuor sint diligenda, unum quod supra nos est, alterum quod nos sumus, tertium quod juxta nos est, quartum quod infra nos est, & de secundo & quarto nulla præcepta danda fuerint; sequitur in duobus spectantibus ad Deum qui est supra nos, & proximum qui juxta nos est, universam naturæ legem pendere. Diligendi quippe semetipsum supervacaneum est homini intimare mandatum; primo quia, Auctore Apostolo ad Eph. 5. 29. *nemo unquam carnem suam odio habuit*, ita ut ii quoque, qui dicunt malle se omnino esse sine corpore, non corpus suum, sed corruptionem ejus & gravamen odio habeant: & qui illud continentia, & laborioso opere exercent, non id agant, ne corpore careant omnino, sed ne carnali concupiscentiâ superbiens animum deprimat, & inolitâ lege peccati captivetur. Deinde quantumlibet homo excidat a veritate, remanet illi dilectio sui, & dilectio corporis sui: in qua modum tenere debet, ne placeat sibi tumore superbiæ; nec opus est ut ad hoc addantur præcepto amoris incitamenta. Quod pariter de rebus infra nos positis, cum insit animo pœnalis cupiditas, & inclinatio ad fruendum inferioribus, æquum est cogitare. In his ergo, quæ ad dilectionem sui, bonorumque temporalium pertinere videntur, non est opportunum statuere amandi præceptum, sed amorem se a bono incommutabili avertemem cohibendi potius & refrenandi. Atque id præstant præcepta, quæ dicimus *negativa*, numerum duobus recensitis minime superaddentia, quoniam prohibent duntaxat amoris vitia, depravatam inclinationem, & consequentia opera peccatorum. Postremo dilectio sui, rerumque omnium, quatenus licita est, præscribitur his duobus præceptis. Cum enim jubemur amare Deum super omnia, monemur etiam amare propter Deum, quicquid amamus; quod in Augustiniana Theologia est inhærere tantum bono incommutabili utendo commutabilibus. Quare bona quæque creata ita in usum sunt adsumenda, ut quicquid diligendum cadat in animum, non constringat impetum dilectionis, sed hæc in summum bonum, ut rivulus ad fontem plenissimum, magis tendat. Ac similiter cum dictum est, *Diliges proximum, sicut teipsum*, tui abs te dilectio prætermissa non est. Dilectio autem proximi erat speciali mandato præcipienda, ne homo sibi placens aliis appeteret dominari, & tanquam sibi debitum vindicaret honorem exhibendum Auctori suo. Atque proximum diligendum ab homine tanquam seipsum satis apparet, quod & ipse in eundem finem tendat, eandemque præferat imaginem Creatoris. Quamobrem si recte proximum diligimus, hoc cum illo agendum est, ut etiam ipse diligat Deum super omnia. Hanc tibi ex Augustino naturalem legem figuro: atque ex hac forma perspicis optime, illam præcepto duplicis dilectionis comprehendere.

Nitun-

Nituntur hæc duo præcepta præmotionibus nature lumine notis. Quarum prima eſt, *Diligendum eſſe bonum, malum autem fugiendum*; altera, quæ ex iſta conſequitur, *Quod tibi non vis, alteri ne feceris*. Prima omnem Dei dilectionem dirigit, facta inter bonum & bonum comparatione. Facile eſt enim percipere ſummum bonum eſſe ſolum Deum qui ſumme eſt; cetera ab hoc uno bonitatem & eſſentiam habere; & quod bonitate careant, hoc malum eſſe. Igitur ſummum bonum cauſa ſui ipſius, reliqua ſummi boni cauſa erunt diligenda. Quoniam vero ſummum bonum eſt ſummum eſſe, id eſt, ſumma veritas, ſumma æquitas, ſumma honeſtas: cum malum ſit privatio boni; fugiendum erit mendacium, iniquitas, & turpitudinis, & quidquid habet veritatis, æquitatis, & honeſtatis defectum. Atque ex his arbitror te ſatis intelligere, quomodo omnis virtus in genere accepta a lege naturali proficiſcitur, & omne vitium ipſi legi naturali adverſetur. Virtus enim in electione boni, vitium in boni deficientia dignoſcitur. Et quoniam facta bonorum omnium diſtinctione deprehendis proximum habere tecum eandem cum ſummo bono connexionem; conſurgit præſcriptio alia rationis, ne quod tibi non vis, facias alteri: atque inde promanant præſcripta reliqua ad ſervandam concordiam & publicam tranquillitatem ſummopere neceſſaria. Hæc vero demonſtrant, quænam ſit ſuprema naturalis legis deſcriptio, & norma rationis: quam Scholaſtici principium, & *diſtamen* appellavere.

Dictum eſt autem ſpectare ad legem naturalem omnes virtutes in genere: ſunt enim plures, quæ ſpeciatim conſideratæ lege naturali non ſunt præſcriptæ; ut vota a religioſis emiſſa, & virtutes Theologiæ fidei, ſpei, & caritatis. Alioquin dicendum foret omnes qui Evangelii conſilia non ſervant eſſe legis naturæ fractores, & naturalem eſſe Fidem & juſtificationis exordium. Itaque hæc quoque virtutes generatim conſideratæ ad legem naturalem pertinent, quatenus conforme eſt naturali rationi, ut ſi prima veritas aliquid manifeſtet, cum mentiri non poſſit, fidem certiffimam illi præſtes: ſi promiſſum facit, conſidas: ſi ſpiritus dilectionis ſubminiſtrat, caſte diligas; & ſi dederit eligendi optionem, id quod lubet haud immemor acceptæ libertatis perſicias: quod denique ſponte juraveris, ſtudeas reddere. Atque hæc ad legem naturalem ſpectare tam certum eſt, quam ſummum illud bonum diligendum eſſe ſuper omnia: nam niſi credideris, errorem tuum præfers veritati, & niſi impleveris juramenta, ſummam majeſtatem graviffima officiis injuria. Quatenus autem eligis vivere juxta conſilia Evangelica; ducere non communi univerſorum hominum ſenſu, ſed proprio & ſingulari: quippe animadvertens tui, rerumque tuarum circumſtantias, arbitraris melius tibi fore, ut ſummum illud bonum aſſequaris, negotiis ſecularibus nuncium mittere; cum aliis videatur utilis uxorem ducere, familiam alere, & nubere potius, quam uri. Ergo conſilia Evan-

gelica sunt hoc pacto optionis tuæ ac potestatis, non præscriptionis rationisque communis. Atque ideo consilia dicta sunt, quod non singulos adstringant, sed proposita sint quid magis expediat consultantibus. Fides denique, Spes, & Caritas supernaturales dicuntur, in quantum postulant divinæ gratiæ adiutorium, ordinemque naturæ supergrediuntur, sive considerata naturali arbitrii potestate, sive substantia & magnitudine rerum non apparentium.

C A P U T V.

Queritur an lex naturalis possit immutari, habeatque in ipsa locum Excepm.

TRIBUS modis contingit legem aliquam immutari, abrogatione, subtractione, atque dispensatione. Abrogatio est legis, quoad præcepta & vim obligandi dissolutio: subtractio est præceptorum legis immutatio quædam, & coarctatio: dispensatio denique est a lege, quæ integra permanet, aliquorum exemptio. His accedit Epicheja, quæ juxta significationem Græci vocabuli significat *æquitatem*: sed recepta sermonis consuetudine, nihil est aliud, quam legis interpretatio, aut declaratio. Pesse etiam ac stricte accipitur Epicheja pro tali declaratione, qua judicium fertur, legem pro omnibus latam, aut quæ posset pro legislatoris libitu omnes obstringere, in peculiari aliquo casu deficere, ut quando interpretamur ad quosdam ægrotos præceptum non pertinere jejunii.

Circa autem dispensationem observandum est, propriam tunc esse, cum materia legis, sive id, circa quod lex versatur, idem perseverat; ita ut lex desinet obligare eò duntaxat, quod sit in potestate legislatoris auferre vim obligandi. Atque hoc pacto dispensari dicitur Religiosus a Choro, civis a solvendis vestigalibus, gregarius miles ab agendis excubiis, cum peculiari Superioris, Principis, & Imperatoris beneficio a communi, qua tenerentur, lege servanda excipiuntur. Interdum tamen contingit, ut in his actibus, qui jure naturæ constituuntur, quædam dispensationis ac mutationis imago fallat incautos, quando scilicet, non ipsius legis præscripta immutantur, sed ipsa res, circa quam jus naturæ versatur, recipit mutationem. Sit in exemplo: si Deus quemdam occidi præcipiat, aut rem alienam auferri, non ideo scitum sit homicidium & furtum, nec dispensatur in lege, *Non occides, non furoberis*; sed auferitur horum præceptorum materies, sive actus prohibitus his præceptis, non enim homicidii aut furti scelus est, quod perficitur auctoritate ac præscripto Domini vitæ, & rerum omnium supremæ. Similiter dum creditor in acceptum refert, non tenetur debitor

bitor ſolvere, non quod jus ſolvendi debitum diſpenſetur, ſed quoniam deſiit pecunia, quæ debebatur, deberi. Atque hæc diſpenſatio orta ex circumſtantiis & mutatione rerum, improprie, & ſermonis analogiâ, ut liquet, dicitur diſpenſatio. De hac vero diſpenſationis imagine, arbitror loqui nonnullos Jurisperitos, qui docent non tantum Deum, verum etiam Papam diſpenſare contra Jus naturale, ut habet Gloſſa 2. p. Decreti cap. x. q. 7. cap. *Auſtoritatem*. Quare horum placita minime præſidio ſunt opinioni Scotiſtarum affirmantium diſpenſari a Deo in præceptis ſecundæ Tabulæ. Ut enim ſcribit, conſentientibus ceteris, Barboſa lib. 1. Juris Eccl. Univ. cap. 2. num. 122. *Jus quidem naturale immutabile eſt, ut habetur §. Sed naturalia, & prima hujus juris præcepta firmiſſima ſemper manent, ſed in particulari recipiunt mutationem ob rerum circumſtantias, quo in caſu poteſt Pontifex diſpenſare*. Jurisperiti ergo loquuntur de diſpenſatione improprie dicta, quam ſupra delineavi: & fruſtra illorum nonnulli Scholaſticorum ſcita verborum abuſione conſodiunt.

PROPOSITIO I. Lex naturæ per abrogationem, aut ſubtractionem mutari non poteſt.

Demonſtratur prior pars. Lex enim æterna, Auctore Auguſtino lib. 1. de lib. Arb. cap. 6., variari omnino non poteſt; lex autem naturalis nihil eſt aliud, quam legis æternæ in humana mente tranſcriptio. Eſt ergo per legem naturalem nobis inſcripta æſtium humanorum ratio & regula invariabilis. Deinde nequit lex naturæ a rationalium creaturarum mente deleri. Sunt namque rationales creaturæ mente, & diligendi facultate eſſentialiter præditæ. At lex naturæ ab ipſa ratione indiſtincta eſt: unde Auguſtinus Conc. 25. in Pl. 115. ait: *Sine lege naturali eſſent, ſi præter naturam generis humani eſſe potuiſſent*. Igitur ut ratio, ita lex naturæ nequit abrogari. Præterea naturalis appellatur lex iſta, quod ab ipſa natura, rerumque ſubſtantia non diſcrepet. Rurſus, nefas eſt rectæ rationi in moribus repugnare. Si autem abrogaretur lex naturalis, fas eſſet agere adverſus rectam rationem, quoniam recta ratio, & lex naturalis eadem res eſt. Igitur lex naturalis ſcindi, atque diſſolvi non poteſt. Atque ex his etiam probatur propositioſis pars altera. Enim vero ſi præcepta naturalis legis variantur ac minuantur, neceſſe eſt ordinem naturalem rerum, quæ his præceptis diriguntur, pariter immutari. Quod pugnat apertiſſime cum lege æterna, ut liquet ex præclara ſententia Auguſtini ſcribentis adverſus Fauſtum, *Lex æterna eſt ratio divina, vel voluntas Dei ordinem naturalem conſervari jubens, perturbari vetans*. Nequit ergo legi naturali ſubtrahi præceptum aliquod.

PROPOSITIO II. Neque Romanus Pontifex poteſt diſpenſare, ne obſervetur lex naturalis.

Privatum hominem non poſſe a naturali lege quemquam diſpenſare.

re.



re, aperta ratio commonstrat. Quisquis enim legi subijcitur, potestatem in ea dispensandi non habet, cum dispensatio ad Legislatorem spectet, non ad subditum. Sed quilibet privatus homo naturali legi subijcitur, propterea quod quicumque sine lege scripta peccant, sine hac pereunt, ob transgressionem legis quam habent scriptam in corde, ut scribit Apostolus ad Rom. cap. 11. versu 12. Igitur nemo privatus aut se, aut alium ab observantia legis naturalis potest excipere. Probatur ergo de Romano Pontifice. Ac primo is quoque naturali legi subijcitur. Deinde cum hujus auctor sit supremus naturæ Conditor, gerit adhuc Ecclesiæ Rector in his, quæ spectant ad legem naturæ, personam inferioris. At inferiorem non posse a lege quemquam eximere, indubitatum est, & habetur in Clementina cap. *Romani*, de Elect. Ulterius ubinam legimus collatam a Deo fuisse Romano Pontifici potestatem supra invariabilem naturæ legem? Insuper Pontifex dispensare non potest a lege Divina: nam, ut habetur in cap. *Sunt quidam*, si quod docuerunt Apostoli & Prophetæ destruere, quod abest, niteretur, non sententiam dare, sed magis errare convinceretur. Similia habentur in cap. *Statuta*. Atqui lex naturæ non minus indissolubilis est, ac sit ea, quam Prophetarum, & Apostolorum scripta comprehendunt. Igitur ad dispensandum a lege naturæ non se extendit suprema Romanorum Pontificum auctoritas. Tandem, ut mox dicturus sum, nec Deus potest dispensare supra legem naturæ: multo minus Pontifex.

Oppones primo maximam Pontificis auctoritatem, ad quam spectat proculdubio potestas collata Petro, amplissima Domini largitione, *Quodcumque solveris super terram, erit solutum & in calis*. Adde commune apud Jurisprudentes pronunciatum: *Papa habet jura omnia in scrinio pectoris sui*. Ad hæc: ad jus naturæ pertinet, ut Episcopi & Pastores proprio gregi incumbant; & nihilominus dispensat Papa super Episcoporum residentiam. Idem de votis ac juramenti dicendum est, quæ Papa dissolvit, etiamsi postulet lex naturæ, ut reddantur promissa, maxime firmata jurejurando. Accedit dispensare aliquando Papam ne teneat vinculum matrimonii, quod est naturali lege indissolubile. Deum neque verum est jus naturale esse immutabile: nam de jure naturæ sunt communio bonorum, libertas, & mandatum de re aliena non auferenda; in quibus dispensatum est, ut liquet ex cap. *Quo jure*. L. Manumissiones. ff. de Just. & Jure. L. Libertas. ff. de Statu liberi, &c.

Resp. ad 1. Papam posse omnia solvere, dummodo rectissimo universorum ordini non adversentur, ideoque servata, non immutata lege naturæ. Alioquin possent Romani Pontifices, si verbum illud *Quodcumque* pugnancia complecteretur, eximere etiam a diligendo Deo, ac proximo, & facultatem facere perpetrandi omne scelus. Habet autem in scrinio pectoris sui jura omnia primo quoad interpretationem, deinde

deinde quoad amplitudinem poteſtatis, per quam & ceteros homines antecellit, & diſpenſare poteſt ubicumque habeat locum diſpenſatio. Addunt Juriconſulti cauſam alteram, quia poteſt æquitatem juris rigori præferre. Ad exempla in contrarium allata, reſponſio ſit, reſidentiam Episcoporum eſſe de jure naturæ, quando illorum præſentia & vigilantia ovibus neceſſaria eſt, quando nequit per adminiſtros ſuppleri, & quando ad propriam diœceſim accedendi datur illis poteſtas. Atque his poſitis nego poſſe Papam largiri facultatem Episcopo derelinquendi gregem ſibi commiſſum. Quod attinet ad vota, & juramenta, Papa in his non diſpenſat, itaut ſtante voto & juramento eximat a reddendis promiſſis; quæ eſt, ut diximus, vera diſpenſatio: ſed diſpenſat *improprie*, vel declarando in quibuſdam circumſtantiis vota & juramenta nequaquam tenere, nec promiſſionem ab iis qui voverunt, & jurarunt eſſe exigendam: vel ob ponderoſam, graviſſimamque cauſam ſupremam, qua pollet auctoritate, condonando debitum ortum ex voto & juramento, tanquam miniſter & Vicarius Dei creditoris: qua condonatione facta immutatur voti & juramenti materia, & locum habet ea diſpenſationis imago, quam ſupra explicavi comparatione mutui, quod debitor reddere non tenetur, quando a creditore in acceptum reſeritur, nec tamen diſpenſatio ulla eſt; quoniam ut ſcribit Arrianus in Epicteto, *non ſufficit, ut debeatur pecunia datam eſſe mutuam, ſed oportet ut & maneat adhuc indiſſoluta mutui obligatio*. Matrimonium vero, ſi ratum ſit, conſummatum, & ſtata præſcriptione contractum, non ſolvit Pontifex quoad vinculum, ſed tantum quoad thorum & cohabitationem. Eſt autem hoc pacto diſſolubile cum ob adulterium, tum ob lapſum alterius conjugis in hæreſim, nec non ſi ad turpia maritus provocare non deſiſtat uxorem. Si autem ſit ratum duntaxat, dantur caſus, in quibus matrimonium etiam quoad vinculum poſſit diſcindi, nec indiſſolubile eſt lege naturæ, ſi ob commune aliquod bonum divina, & Eccleſiaſtica auctoritas duxerit eſſe ſolvendum. Verum de his alibi. Ad exempla poſtremo loco producta ad probandum legem naturæ eſſe mutabilem, communis eſt Theologorum reſponſio, diviſionem bonorum, ſervitutem, aliaque hujusmodi non eſſe contra jus naturale poſitivum, ſed negativum, ideſt, nullum eſſe præceptum iſta prohibens, eſſi nec aliquod eſt, quod præcipiat. De qua reſponſione plura Franciſcus Suarez lib. 2. de legibus cap. 14. At ego reſpondeo, bonorum communio- nem, libertatem, manumiffionem, & id genus reliqua, non eſſe juris naturalis *ſimpliciter*, quatenus idem jus reſpicit inſtitutionem & rectum naturæ ordinem, ſed eſſe juris naturalis pro certo rerum ſtatu; quo immutato ipſa lex naturalis præſcribens ut omnia ſint ordinatiſſima, poſtulat ut dividantur bona, quæ priuſquam introducta eſſent dominia, debebant eſſe communia. Atque ita de ceteris ad certam rerum conditionem pertinentibus.

PROPOSITIO III. Ipsemet Deus in nullo præcepto naturalis legis proprie dispensare potest.

Sequitur ex præcedentibus: si enim lex naturalis per omnia legis æternæ consentanea est; qui potest unam immutare, potest & alteram. At Deus nequit æternam legem, suam scilicet rationem ac providentiam pervertere. Ergo nec mutare per dispensationem legem naturæ. Deinde probatur communi hac argumentatione. Differunt præcepta legis naturalis a præceptis legis positivæ, quod illa ipsa naturæ rerum constituuntur, hæc vero liberâ legislatoris voluntate posita sunt. At quæ ex ipsa rerum natura prodeunt, necessaria sunt, atque ex suppositione naturæ conditæ prorsus immutabilia, quemadmodum ea quæ pendunt ex aliorum arbitrio, sunt contingentia, & obnoxia mutationi. Sunt ergo præcepta legis naturæ perenni immutabilitate fixa atque perpetua. Quæ argumentatio confirmatur primo, quoniam quicquid prohibet lex naturæ, est natura sua & intrinsece malum, & quicquid præcipit, est natura sua & intrinsece bonum: quod sane ipsa naturalis legis notio manifesta declarat. At Deus non potest imperare quod suapte natura malum est, ut odium, mendacium, blasphemiam; neque potest prohibere quod intrinsece suæque natura bonum est, ut iustitiam, pietatem, religionem. Si enim illa præcipere, hæc prohibere posset, posset etiam agere quæ cum summa æquitate ac sapientia, atque cum essentia creaturæ rationalis depugnant; atque ita poterit mentiri, poterit ad peccatum impellere, poterit in naturam serarum vertere naturam humanam. Simile est quod sequitur. Præcepta legis naturalis alia sunt affirmativa quæ iusta opera imponunt, alia negativa quæ prohibent perversa & iniqua. Atqui Deus non potest dispensare in iis quæ recta sunt, alias discinderet legem æternam, quæ vult ut omnia sint ordinatissima, neque in iis, quæ sunt inhonesta & iniqua, alias permitteret ut peccaremus impune, & probaret quod turpe & vitiosum est. In nullo ergo naturæ præcepto potest Deus dispensare. Eo etiam pertinet insequens. Adversariorum complures fatentur Deum non posse dispensare circa mendacium, eo quod sit intrinsece malum. Cur autem mendacium intrinsece malum est, nisi quia æternæ legi adversatur? Quod enim incommutabili legi non repugnat, malum esse non potest; cum malum sit, quod ab ea lege defleat. Eapropter mendacium hæc etiam ratione est intrinsece malum, quoniam contrarium est legi naturali, & sempiternæ legis in mente hominum transcriptioni. Quam naturalem legem & participationem æternæ si tollas, nihil adinvenies quod intrinsece malum sit, quia nihil rationi & æquitati adversabitur. Cur enim bruta rapiendo & dilaniando non peccant, nisi quia sunt destituta ratione? Ut ergo ablata lege naturali non foret aliqua in mentiendis malitia; ita posita lege naturali prohibente homicidium, adulterium, & furtum, necessarium est ut hæc sint intrinsece mala, quo-

quoniam rectæ rationi opponuntur . Quamobrem sicut in mendacio , ita in homicidio , in adulterio , in furto , & in quolibet actu a naturali lege prohibito Deus dispensare lege perseverante ac materia immutata non potest .

AD EA, QUÆ OPPONUNTUR RESPONSIÖ:

Reducuntur ad tria genera contrariæ argumentationes, quarum aliæ ex sacris literis depromuntur, aliæ ex D. Bernardi libro De præcepto & dispensatione, reliqua sunt Scoti, Durandi, & Ochami Epicheremata. Ex Scripturis petuntur ista. Cum Deus tradatur unum masculum & unam duntaxat feminam condidisse, prima connubia inter fratres forefque necessum est interfuisse. Matrimonium autem inter fratrem ac sororem naturali lege inhibetur. Filii ergo filiabus Adæ germanis fororibus divina dispensatione sunt conjuncti. Deinde Polygamia, sive uxorum pluralitas legi naturæ contraria est: & in hoc tamen fuit cum Patriarchis Abrahamo, Jacobo, & aliis divina auctoritate dispensatum. Insuper, cum nunc Abrahami meminerimus, nonne huic præcepit Dominus, ut filium unigenitum immolaret? quod naturali legi non tantum repugnat ob mortem innocentis omni jure prohibitam, verum etiam ob naturalem anoris paterni inclinationem, cui contraire perinde est ac legem naturæ disrumpere. Nec desunt exempla id genus plurima. Dispensavit enim Deus cum Israelitis, ut per dolum commodato peterent ab Ægyptiis vasa auri, & argenti, animo eadem subripiendi. Dispensavit cum iisdem filiis Israel, ut cum alienigenis scenerarentur, idest, exercerent usuram. Dispensavit pariter, ut matrimonium, cujus vinculum lege naturali indissolubile est, dato uxoris libello repudii dissolverent. Ad hæc permisit obstetricibus Ægyptiis, ut in gratiam Hæbræorum callide mentirentur, ipsarumque mendacium ædificatione domorum splendide decoravit. Osæ etiam mandavit, ut sumeret sibi uxorem fornicationum, & ex ea filios fornicationum progencraret. Demum etiam super observantiam Sabbati lege ipsa naturali præscriptam dispensatum est cum omnibus Christifidelibus. Atque hæc sunt rerum eventus, & sacrarum historiarum narrationibus comprobata.

Resp. nullam in allatis exemplis propriam deprehendi dispensationem, sed vel nullam prorsus, vel eam, quæ est cum immutatione materiæ. Et revera quod attinet ad matrimonium inter fratres forefque germanas, Cajetanus existimat posse Papam in urgentissimo casu dispensare, nec lege naturali, sed Ecclesiastica cautum esse, ne sorores nubant fratribus. Verum quidquid sit de hac opinione Cajetani; dicimus istiusmodi matrimonium repugnare legi naturæ, non simpliciter & absolute, sed pro certo rerum statu, & multiplicato genere humano:

To. IV.

D

nam

nam supposita unius viri cum sua conjuge conditione, ut crescerent, & posterorum propagatione multiplicarentur, necessaria fuerunt aliquorum hominum sponsalia cum feminis uno utero progeneritis, sibi quæ arctissimo consanguinitatis vinculo conjunctis. Idem dicendum de Polygamia; constituto enim certo rerum statu, idest, statuto fœdere, & facta promissione multiplicandi populum fidelem, non solum promulgatione legis, verum etiam propagatione feminis, quomodo multiplicari debebat populus Judæorum, jam erant exiguo Patriarcharum numero plures uxores jungendæ. Sunt tamen qui respondent polygamiæ solo jure Ecclesiastico vetitam esse: nec desunt, qui reponant non esse dispensationem propriam, sed mutationem rerum, quando vir uni mulieri copulatus a supremo Domino accipit potestatem disponendi de suo corpore per novum contractum, non dissolutum priori. Cum Abrahamo dispensatum non est, ut impune occideret, sed præclarum sumptum est de ipsius obedientia experimentum. Enimvero, cum Deus sit vitæ hominum supremus Dominus, eo jubente, qui occidit non legem frangit, sed Domino obtemperat. Nam prohibemur tantummodo occidere privata auctoritate. Quare Augustinus lib. 23. contra Faustum cap. 73. inquit, *Quædam scilicet lex æterna, quæ ordinem naturalem conservari jubet, perturbari vetat, medio quodam loco posuit hominibus, ut in eis usurpandis merito reprehendatur audacia, in exequendis autem obedientia jure laudetur. Tantum interest in ordine naturali, quid a quo agatur, & sub quo quisquam agat. Abraham si filium sponte immolaret, quid nisi horribilis & insanus? Deo autem jubente, quid nisi fidelis, & devotus apparuit? At fecit, inquit, Abraham contra inclinationem naturalem. Ita est. Sed naturalis inclinatio conjuncta est cum ratione demonstrante, quod magis Deo obtemperandum sit, quam humanis affectibus. Alioquin martyres dum pro Religione occubuerunt, quoniam non sine naturæ ingenito horrore cum tetra morte luctati sunt, naturalem legem fregissent. Addunt aliqui temperatam paterni animi amaritudinem firmissima fide, qua crederet post immolationem filium divinitus surrecturum. Cujus fidei argumentum est illa & repetita promissio, *Multiplicabo semen tuum, in excelsis stellis celi*, & quæ ipse Abraham dixerat pedisequis, *Expectate hic; Ego & puer, posteaquam adoraverimus, revertemur ad vos*.*

Franciscus Hennus insignis Scotista nequit veritati acquiescere. Potuit Abraham (inquit) filium immolare, quia id fecit auctoritate divina. Sed hæc est vera & propria dispensatio. Ergo &c. Probat minorem. Si quis ex superioris licentia non jejundet, vel in die festo operetur, dicitur dispensari, quoniam facit auctoritate publica quod non poterat privatâ. Ergo pariter Abraham, qui filium immolavit auctoritate publica, non privata, a lege naturali dicitur dispensatus. Resp. falli celebrem Scriptorem imagine dispensationis. Nam in allatis exem-

exemplis non variatur materia præcepti, quæ immutatur præſenti in caſu, cum occidere jubente Domino & iudice nullatenus prohibeatur præcepto non occidendi. Unde Magiſter Guerrerus Tom. 1. p. 228. reſte animadvertit Scotiſtas nobiſcum pugnare logomachia, ut viſit etiam Maſtrius illorum antefignanus.

Sed revertendo ad ſacrarum hiftoriarum exempla; furtum eſt rei aliena fraudulentæ compilatio, quæ fit Domino invito. Non ergo Hebræi vaſa aurea & argentea Ægyptiis ſubriperunt, ſi facta a ſupremo Domino poteſtate ea expiſarunt. Hac in re debemus fraudulentiam ac circumventionem a non reſtitutione diſtinguere. Nam Deus filius Iſrael non præcepit ut deciperent Ægyptios, ſed tantum, *ut poſtularet vir ab amico ſuo, & mulier a vicina ſua vaſa argentea, & aurea*, Exodi xi. 2. quod inter familias in conviviorum apparatu, ſolemniſſque nuptiarum probat commendatque conſuetudo. Qua in re, ſi fallacia interſuit, Ægyptii deceptione digni erant, & populus Iſrael pro illa ætate generis humani erat adhuc in tali morum gradu conſtitutus, ut non indigne hoſtem deciperet, Deo pro illorum cupiditate permittente, ut Auguſtinus ſcribit *Quæſtionum* 83. tertia & quinquageſima. Atque hæc ita accipienda ſunt, ut Deus neque per ſe; neque per alium mentiatur, quomodo diximus in 2. libro primæ partis, ſed permittat tantum capi pernicioſa fraude ſceleſtos; nam cum mentiri, & circumvenire aliquem ſit natura ſua indecorum ac turpe, nequit, ut Adverſarii fatentur, divina diſpenſatione committi. Cur autem noluerit Deus, ut petita vaſa redderentur, cauſam reddit eo loco Auguſtinus, quoniam *mercedem diuturni laboris atque operis non injuſtam Deus eſſe voluit*. Addit lib. 22. contra Fauſtum cap. 71. Ægyptios fuiſſe ſacrilegos & iniquos, nam & auro illo, hoc eſt Dei creaturâ male utentes ad Creatoris injuriæ ſuis idolis ſerviebant: atque concludit, ſive iſta fuerit cauſa, ſive quælibet alia, *nec fruſtra, nec inique dictum eſſe, nec licuiſſe Moysi aliter, quam Deus dixerat facere, ut penes Dominum eſſet conſilium jubendi, penes famulum autem obſequium peragendi*.

Quod proximo loco ſequitur, nullus eſt momenti, ſive dixeris Deum permiſiſſe quidem Iſraelitis temporalium bonorum cupidiffimis, ut alienigenis darent fœnori, ne contribules ſuos uſurarum exaſtionibus exhaurirent; nullatenus iniquos *anarociſmos* probaſſe: ſive dixeris uſuram illam fuiſſe ob damna Iſraelitis illata prorſus licitam, docente Ambroſio in lib. de Tobia, *Sine gladio ſe de hoſte ulciſcitur, qui fuerit uſurarius exaſtor inimici, ubi enim jus eſt belli, jus eſt uſuræ*: ſive denique dixeris auſtionem fœnoris ad filios Iſrael ſpectaſſe titulo donationis ſibi factæ a Domino juſtiſſimo bonorum omnium diſtributore.

Dare autem uxoriſ libellum repudii, non eſt matrimonium ſolvere quoad vinculum, ſed quoad thorum, cum poſſint repuliatæ

uxores absque novo contractu ad maritales amplexus redire, & si alii nubant se mœchiæ crimine polluant. Moses vero permisit libellum repudii etiam ob alia præter fornicationem crimina, ob duritiam Israelitarum, ut feminæ se facilius continerent, & viri quas odio haberent, non interficerent. Quæ fuit permissio, providusque concessus, non alicujus mandati præscriptio. Vide Matth. xix. v. 8.

In obstetricibus Egyptiis debemus distinguere a mendacio pietatem. Nam ut S. Pater docet quæst. 1. super Exodum, *Aliud faciebant obstetrices vivificando infantes parvulos, aliud Pharaoni mentiendo. In illis vivificandis opus misericordiae fuit: mendacio vero illo pro se utebantur ne noceret illis Pharaon, quod potuit non ad laudem, sed ad veniam pertinere.* Itaque illarum pietati Deus rependit mercedem, non autem mendacio. In quo cum Deus, consentientibus adversariis, dispensare non valeat, nullum hinc possunt depromere pro sua assertione argumentum.

Ad Oseam quod attinet, respondet S. Thomas 1. 2. q. 100. art. 8. *non fuisse mœchatum, quia accessit ad eam quæ sua non erat, secundum mandatum divinum.* Sed arbitramur, idem esse, vade, sume tibi uxorem fornicationum, ac, deduc in domum tuam mulierem meretricem; atque idem esse, fac tibi filios fornicationum, atque, fac per adoptionem filios tuos, spurios illos & nothos, quos mulier illa per illicitos concubitus genuit. Ita Augustinus lib. 22. adv. Faustum cap. 80. scribens: *Quid enim adversum clementiæ veritatis, quid inimicum fidei Christianæ, si meretrix relicta fornicatione in castum conjugium commutetur?* Leonardus Vanroy de lege nat. cap. 3. ad 6. & Aurelius Piette de legib. q. 1. inquirunt, filios ab Osea procreandos appellari filios fornicationum quia erant ex matre, quæ antea fuerat fornicata. Horum responsioni illustrandæ addo exemplum mulieris, quæ appellatur Os in Genesi ubi legitur, *Hoc nunc os ex ossibus meis*, & colubri, qui dicitur virga in Exodo, ubi habetur, *Devoravis virga Aaron virgas eorum*, quia scilicet & mulier fuerat os viri, & coluber fuerat virga. Sed revera de filiis spuris & adoptandis sermo est, ut liquet ex versione Græcæ, Syriacæ & Arabicæ, & maxime ex Hebræo codice, qui habet, *Vade, accipe tibi uxorem fornicationum, & filios fornicationum*: atque ita legit Hieronymus, & alii divinarum Scripturarum peritissimi. Accedit figuræ sacramentum expressum: significabat enim conjugium Prophetæ cum muliere fornicaria, & deductio filiorum procreatorum ex concubitu meretricis, conversionem ad Christum Ecclesiæ Gentilium, & idololatrarum in incredulitate natorum. Ineptè autem cum ceteris Novatoribus Salomon Glasius in Tract. de styli sancti verecundia sect. v. 111., *Relinquat Bellarminus (inquit) hic versionem suam vulgatam, eamque ad purum, & castum fontem exigat.* Ipse enim Glasius lib. v. de Metonymia pag. 1443. demonstrat verbum *facere* idem esse frequen-

tiſſime, ac *lucrari & acquirere*, ut Genef. xii. 5. xxx. 3. & Matth. xxv. 16. juxta hebræam, græcamque literam. Imo latiniffime *facere filium* potius eſt adoptare, quam gignere, ut in Theſauro Ciceroniano Nizolius verbo *adopto*. Prætermitto reſponſionem illorum, qui poſt Maïmonidem contendunt hæc Oſeæ contigiffe in viſione, & eſſe tropice accipienda, eo quod turpe ſit uxorem ducere meretricem. Auguſtinus enim figmentum iſtud explodit, atque ut figuris aliis quamplurimis, potuit etiam hoc matrimonio exprimi Judæorum reprobatio. Priorem ergo reſponſionem, quam tradidimus, adhibeto: nam filii per Oſeam generati excidium Synagogæ, ac pœnas Tribuum Iſrael repræſentabant, adoptati autem ex alienis Eccleſiam ex peccatoribus congregandam.

At, inquis, D. Thomas, & S. Bernardus mox laudandus non alia ratione Oſeam a peccato excuſant, niſi quia acceſſit ad mulierem impudicam; vulgatumque ſcortum, Deo mandante. Ad hæc reſpondent Theologi, Oſeam Dei juſſu matrimonium iniſſe abſque præmiſſo contractû, Domino transferente dominium corporum; qua in re peccaſſet, niſi præceſſiſſet divinum præceptum; quoniam accedere ad mulierem, abſque præcedente vinculo contractus, fuiſſet aliàs turpiſſimum. Addunt alii veitum fuiſſe lege poſitiva ne Sacerdotes aut Prophetæ uxorem ducerent ſcortum, vel mulierem repudiatam a marito: atque in hoc fuiſſe cum Oſea diſpenſatum. Verum utraque reſponſio valde eſt ambigua. Prima quidem, quia gratis aſſeritur Oſeam prætermiſſis matrimonii conditionibus neceſſariis duxiſſe mulierem: cui etiam vel divinum præceptum vir patefecit, aut ignaram, nec opinantem ſibi deſpondit: hoc verum non arbitror; nam inceſtuoſum concubitum patraſſet mulier fraudulentia mariti: quod ſi ille fornicariæ Dei juſſa manifeſtavit, proſeſſo etiam ſcorti conſenſum extorſit, nec deſuit conventio. Ac reſponſio altera valet utique de Levitis & filiis Aaron, ut habetur Levitici cap. xx i. v. 7. ſed non conſtat Oſeam fuiſſe ex genere Sacerdotum. Itaque reſpondemus probabilem eſſe allatam ex D. Thoma & Bernardo doctrinam, ſed præferendam ſuperius traditam ex Auguſtino, quam Theologi (inquit Habert Tom. 3. pag. 364.) *communiter amplectuntur*.

Præceptum denique de ſanctificando ſabbato partim naturale eſt; partim vero cæremoniale. Eſt naturale quatenus præſcribit cultum Deo exhibendum, & aliquod tempus, in quo rebus divinis vacandum eſt, & æternæ ſaluti proſpicendum. Eſt autem cæremoniale in quantum præcipit, ut hæc fiant certo hebdomadæ die, atque ſtatutis religionis pietatiſque exercitiis. Etenim Deum colendum eſſe, & elaborandum ut memoria non excidant ipſius beneficia, ipſa natura proclamat: quod iſtud fiat aut uno genere ſacrificiorum, aut una integra ſtataque die, poſtulant temporum rerumque adjuncta. Igitur quemadmodum diſpen-

dispensatum non est in sacrificiis ad primum Decalogi præceptum pertinentibus, ex quo multiplicibus cruentisque successerit unicum & incruentum: ita nec dispensatum est circa sanctificationem festorum, ex quo pro die Sabbati Dominica fuerit substituta. Et olim quidem Sabbatum colebatur ob singulare beneficium creationis, & requiem Domini ab omni opere, quod patravit. Postea illustrata Dominica die resurrectione Salvatoris, adventu Spiritus Sancti, aliisque beneficiis a sexta Synodo connumeratis, placuit Sabbato præferre Dominicam, in qua etiam univrsarum rerum conditio habuit exordium. Atque ita inviolata permanet lex naturæ, etiam caeremoniis & ritibus abrogatis.

Ex divo Bernardo potest consequens promi argumentum. Mellissus doctor in libro de Dispensatione cap. 2. *necessarium* dispescit in, *stabile*, *inviolabile*, & *incommutabile*. *Stabile* appellat quod ita est necessarium, ut non cuilibet hominum illud immutare fas sit, sed solum dispensatoribus mysteriorum Dei, idest, præpositis: atque hoc tribuit Regulis Monachorum, & Ecclesiasticis institutis. Necessarium autem *incommutabile* appellat 3. capite, quod divina æternaque ratione ita firmatum est, ut nulla ex causa possit vel ab ipso Deo aliquatenus commutari: sub quo genere statuit spirituales traditionem sermonis Domini in monte, & quidquid de dilectione, humilitate, mansuetudine, ceterisque virtutibus in novo ac veteri Testamento traditur observandum. Itaque *inviolabile*, quod inter *stabile*, & *immutabile* mediat, est illud, quod nisi a Deo mutari omnino non potest. In hoc autem secundo genere comprehendit legis scita, ut, non occides, non mœchaberis, non furtum facies: quæ (inquit) *est nullam prorsus humanam dispensationem admittunt, nec cuquam hominum ex his aliquid aliquo modo solvere aut licuit, aut licebit: Dominus autem horum quod voluit, & quando voluit solvit, sive cum ab Hebræis Aegyptios spoliari, sive quando Prophetam cum muliere fornicaria misceri præcepit: Quibus manifestum est D. Bernardum admittere in præceptis secundæ tabulæ dispensationem.*

Resp. hunc nodum solvi, injiciendo (ut phrasi utamur Bernardi) teneros unguis; nam dispensationem circa furtum, homicidium, fornicationem, & reliqua legis scita appellat eam, quæ auctoritate imperantis materia naturalis legis subvertitur. Quod primo demonstrat exemplum a Bernardo productum de Aegyptiis & fornicaria muliere; quod factum excusari docet auctoritate Domini. At quod subripitur supremi Domini auctoritate, furtum non est: sicut nec fornicatio accedere ad quamcumque mulierem ex divino mandato, ut inquit S. Thomas 1. 2. q. 94. art. 5. ad 2. Nam furtum alienæ rei contrafactio est, & mœchia mulieris, cujus non dominaris, compressio. Ergo transference dominium Legislatore supremo, jam contrafactas quod tuum est: & propte-

propterea excuſaris a peccato, ut Bernardus loquitur, *auctoritate imperantis*. Atque hoc Doct̃or ipſe probe declarat. Nam quidquid de dilectione, humilitate, manſuetudine, ceteriſque virtutibus tam in novo, quam in veteri teſtamento obſervandum traditur, ſpectat ad neceſſarium *incommutabile*, quod nulla ex cauſa poteſt vel ab ipſo Deo aliquatenus immutari. At ſi occidas hominem, cujus vitæ poteſtatem non habeas, ſi rem ſubripias alienam, ſi ad ſortum accedas; dilectionis, manſuetudinis, juſtitie, honeſtatiſque virtutem proſternis. Ut ergo hæc facias, neceſſarium *immutabile*, auctore Bernardo, omnino non patitur. Quamobrem inviolabilia, non immutabilia dicuntur, in quantum divina auctoritate fieri poteſt, ut nulli virtuti repugnent; quod fieri non poteſt, niſi ſimul fiat juris tui, quod erat alieni. Si autem hoc fieri contingat, immutata res eſt, circa quam verſatur jus naturale.

Ratiocinationes Scholaſticorum nobis adverſantium ſunt iſtiusmodi. Primo: ſi præcepta ſecundæ tabulæ forent indiſpenſabilia, intellectus divinus, ut prævenit voluntatem, judicaret neceſſario hos actus eſſe amandos, illos odio habendos, & ſic neceſſitatem imponeret divinæ voluntati. Atqui circa mores & actus humanos divina voluntas nunquam neceſſitat. Ergo præcepta ſecundæ tabulæ ſunt diſpenſabilia. Deinde: Beatitudo hominis non pendet ab iis, quæ homines agunt erga creaturas. Ergo nullus actus humanus erga creaturas neceſſarius eſt ad conſequendam beatitudinem, ideoque poteſt Deus in omni actu, qui ad creaturam refertur, diſpenſare. Atque hæc duo ſunt argumenta Scoti apud Hennum. Tertio Major opinatur poſſe Deum diſpenſare, in omni præcepto affirmativo: primo quia poteſt Deus non concurrere cum homine ad actum præceptum; 2. quia poteſt hominem infirmitate, aut cauſa aliqua detinere, ne valeat præceptis obtemperare. Quarto Ochamus contendit poſſe Deum præcipere odium ſui, cum hoc nullam implicet contradictionem. Poſtremo: poteſt (inquit Durandus) ab omni actu, qui præcipitur in mandatis ſecundæ tabulæ, auferri a Deo ratio debiti; quoniam hoc debitum fundatur in dependentia unius creaturæ ab altera. At hanc dependentiam Deus auferre poteſt, cum potuerit E. G. hominem abſque parentibus procreare. Igitur poteſt etiam diſpenſare filium a debito honorandi parentes.

A primo autem Scoti argumento facilis eſt atque expedita deſenſio. Et principio quidem retorquetur; nam etiam ea, quæ præceptis primæ tabulæ præſcribuntur, ſunt actus humani, erga quos divina voluntas libertate fertur; nec tamen per Scotum admittunt diſpenſationem. Deinde dicimus intellectum divinum neceſſarium firmiſſimumque habere de qualibet veritate judicium, nec tamen ſequitur ſemper voluntatem divinam eſſe neceſſariam, ſed tantum neceſſario approbare quæ bona ſunt, & odio habere quæ mala; atque in eo divinam ſtare liber-

libertatem, quod ex bonis eligere potest quod lubet, ex malis aliquod iusta de causa permittere. Atque hanc necessitatem approbandi quod bonum est, & repudiandi quod est malum, habet divina voluntas etiam circa præcepta secundæ tabulæ: nequit enim iustus, incontaminatus, atque beneficentissimus non odisse iniqua, inhonesta, & malefacta. Præterea, ut ex scopolis cotibus subtiliter differentium enavigemus, nego minorem; quippe promulgata & instituta lege naturæ, necessario vult Deus illam servari, necessitate, quam *ex suppositione* appellant dialectici. Secundo argumento sic responsum esto. Beatitude sita est in actu, quo fruimur inamissibiliter summo bono: sed hoc frui non possumus, nisi bonis mutabilibus recte utamur. At Deus nequit velle, ut lex naturæ immutetur, & bonis creatis fruamur, cum non sint animo nostro perfectiora, & finis ultimus rationabilium. Ad illud, quod objectum est tertio loco, dicimus, si Deus non concurrat, aut hominem operaturum præpediat, nullam legem ad opus obstringere, & sufficere in subdito animi præparationem: nam *bona voluntas*, ut est in prologo, *reputatur pro facto*. Quod obijcitur ex Ochamo, eadem, qua profertur, facilitate repellitur; siquidem non possumus odio habere nisi malum, nec nisi malus potest velle, ut in molestiam & offensionem veniat summum bonum. Argumentum Durandi positum, postremo loco facilius refellitur; absolute enim potest Deus homines sine generantibus condere, & auferre ordinem dependentiæ: sed posita generatione parentum, nequit efficere, ut filii filii non sint, nec debeant genitoribus honorem in iis, quæcum religione, & Dei cultu non pugnant.

Ex dictis constat quid dicendum sit de Epicheja. Si enim hæc accipiat pro sola interpretatione, & declaratione, haud dubium quod locum habet in lege naturæ. Si autem accipiat pro legis abrogatione, & aliquorum exceptione a communi legis præscripto; certissimum est non dari in lege naturæ, absque mutatione rerum, *non in iuribus*.

C A P U T VI.

Habeat ne lex vetus auctorem Deum.

PROXIME sequitur, ut pertractemus de lege veteri, ac primum de illius Auctore. Quidam enim partim a Deo, partim a Mose, partim a Senioribus institutam autumarunt: atque huic quodammodo tolerabili nefaria accessit opinio Manichæorum & Marcionitarum, latam fuisse a diabolo, vel malorum omnium principio. Controvertitur etiam, an a Deo, vel ab Angelis lata fuerit, quam postremam dubitationem expeditimus differentes de Verbo æterno, ejusque facta anti-

quis

quis Patriarchis apparitione cap. 8. lib. v. Itaque in præſentia priores duas ſuſcipimus ventilandas .

PROPOSITIO I. Vetus teſtamentum eſt a Deo, neque illi Moſes, aut Seniores aliquid pro libito addiderunt: Moſes vero fuit legis a Deo inſtitutæ promulgator .

Demonſtratur prima pars auctoritate Scripturarum, Traditione, atque argumentatione Theologica . Etenim Exodi xx. legimus: *Locutus eſt Dominus cunctis ſermones hos* . Malach. iv. 4. *Memento legis Moſis ſervi mei, quam mandavi ei in Horeb ad omnem Iſrael, præcepta & judicia* . Deum præterea in Moyſe, & Prophetis fuiſſe locutum Apoſtolus Paulus affirmat initio Epistolæ ad Hebræos: necnon Petrus in Aët. Apoſt. cap. 111. v. 18. Zacharias cap. 1. Lucæ v. 70. Idem ſacri libri ubique teſtantur, ita, ut merito Chriſtus Dominus Pharifæos increpans Matt. xv. 6. dixerit: *Vos irritum feciſtis mandatum Dei propter traditiones veſtras* . Quod vero attinet ad Patres, plura de hoc argumento ſcripſit S. Pater Auguſtinus in libris contra Fauſtum, Tertullianus adverſus Marcionem, Hieronymus in Epistolam ad Titum: nec de communi aliorum ſenſu aliqua occurrit in hac re dubitatio . Quare Toletanum Concilium in Fidei Confeſſione, *Si quis dixerit (inquit) aut crediderit alterum eſſe Deum priſcæ legis, alterum Evangeliorum, anathema ſit*: ac ſimilia ſeſſ. iv. Tridentini fuere decreta . Atque rationem optimam proſert Doctör Angelicus 1. 2. q. 98. art. 2. quoniam lex vetus homines ordinabat ad Chriſtum cum perhibendo de ipſo teſtimonium, tum removendo a cultu idolorum . Quod ſequenti capite 1x. nonnullis animadverſionibus illuſtrabo . At diabolus nunquam legem inſtituiſſet, ut homines adducerentur ad Chriſtum, per quem erat ejiciendus, inquit ibidem S. Thomas . Non fuit ergo Diabolus legis veteris inſtitutor, ſed, ut Scriptura, Traditio, & viſ ratiocinandi demonſtrat, habet illa verum Deum auctorem .

Altera pars, videlicet quod Moſes fuerit duntaxat legis promulgator, oſtenditur primo ex verbis ipſius Moyſis Deut. vi. *Hæc ſunt præcepta, & ceremoniæ, atque judicia, quæ mandavit Dominus Deus veſter, ut docerem vos* . Accedit teſtimonium Apoſtoli ad Galat. 111. 19. ſcribentis legem *ordinatam per Angelos in manu mediatoris* . Quo in loco nonnulli Mediatorem intelligunt Chriſtum Dominum: ſed cum ibidem opponatur lex vetus Evangelio, puto Mediatorem appellari Moyſen, maxime quod Paulus iis verbis *in manu mediatoris*, et *Χρὴς μὲν τοῦ μετὰ τὸν Χρὴς* aperte loquitur cohærenter ad verba ipſius Moſis Deut. v. 5. *ego ſequeſter & medius fui inter Dominum & vos*, *Χρὴς ὁ ἀντὶ τοῦ κυρίου καὶ ὑμῶν* . Et quidem ſi aliquod pro libito Moſes præcepiſſet, foret præſcriptum mandatum repudiî, de quo Matth. xix. v. 8. At lex de matrimonio diſſolvendo nulla eſt, ut ſuperiori capite explicavi: neque hanc legem poterat ferre Moſes ſuamet auctoritate, quoniam legitimum

To. IV.

E

matri-

matrimonium ratum & consummatum nequit humana potestate dissolvi. Tandem si Moyses legis institutor esset habendus, maxime quod lex illi attribuitur Luc. 11. v. 22. *secundum legem Moysi*, & Matth. 23. 1. 4. *Ostende te Sacerdoti, & offer munus, quod praecepit Moyses*. At frivolæ hæc ratio est. Primum, quia priori loco agitur de purgatione mulieris post partum, de qua ipse Dominus legem tulit, ut constat ex cap. 11. 1. Levitici, imo & ipse Lucas illico subiungit: *Sicut scriptum est in lege Domini*. Et legem pariter de leproso mundato commemorat in cap. 14. 1. Matth. Deum habere auctorem liquet ex cap. 14. 1. Levitici. Deinde Legem de honorandis parentibus a Deo latam constat ex cap. 20. Exodi, & nihilominus legitur apud Marcum cap. 7. 10. *Moses enim dixit: Honora patrem, & matrem*. Postremo lex vetus, ut a nova distinguatur, debet a Mediatore & promulgatore nomen accipere: quippe Dominus utriusque est auctor atque institutor.

Oppones adversus priorem partem. Eccli. cap. 3. v. 14. legimus: *Didici, quod omnia opera quæ fecit Deus perseverent in æternum*, Deut. autem 32. 1. 4. *Dei perfecta sunt opera*. Atqui lex Mosaica neque perpetua fuit, neque perfecta. Igitur non erat opus Dei. Et revera quomodo opus Dei dici debet, quod ad bona temporalia hominem convertit, nec nisi terrena pollicetur? Resp. quod opera Dei ad extra perseverant pro eo tempore, pro quo a Domino fuerunt constituta, & perfectionem habent sui generis juxta temporum conditionem; neque defuit hæc perpetuitas & perfectio legi Moysi. Sane res omnes corporeæ imperfectionem aliquam & finem habent, & tamen opera Dei sunt. Verba Ecclesiastes videntur explicanda de rerum creaturarum complexu, quod perseverat facta etiam partium successione, ut perennem dicimus fontem, fluvium, sæculum. Perpetuæ sunt etiam res creatæ respectu nostri, cum non possimus illarum seriem, ordinemque mutare. Aeternitas insuper ac perpetuitas interdum accipitur in sacris literis pro certo tempore conditionibus rerum congruenti, ut Gen. 1. 1. 8. Exodi 24. 6. Levit. 25. 46. Hinc legit vulgata nostra *in perpetuum*; quod vocabulum etsi habet aliquando eandem cum *æternum* significationem, proprie tamen demonstrat qualemcumque continuationem, ut dicimus perpetuam voluntatem, perpetuos sumptus, perpetuam orationem, perpetuum Consulem, & alia quæ apud Latinos passim occurrunt, cuiusmodi est illud Nasonis,

Ad mea perpetuum deducite tempora carmen.

Temporalia autem bona promittebat lex vetus, ut ex his confurgerent Judæi ad colendum Deum beneficentissimum largitorem.

Adversus secundam partem objicies. Clemens Romanus lib. 6. Const. sive quisquis illius Operis sit Auctor, aliique Patres complures Moysen appellant Judæorum Legislatorem. Sed quid commemorantur Patres? Joannes cap. 1. v. 17. *Lex, inquit, per Moysen data est*. Saltem

tem præcepta cæremonialia habere Moſen immediatum inſtitutorem, aſſentiendum eſt doctiſſimo Alphonſo Salmeroni, qui id ſuis in Aët. Apoſt. diſputationibus plurium Patrum teſtimonio nititur demonſtrare. Seniorum traditiones commemorantur Matth. xv. v. 6. videntur autem hæc ad legem pertinere. Reſp. Moſen dici Legiſlatorem Hebræorum, quoniam eorum legis fuit promulgator, nec alterius hominis manu vel ore ipſa lex conſcripta fuit, aut prolata. Quamobrem jure merito dictus eſt Legiſlator non ſolum a PP., ſed etiam a Joanne Evangeſtiſta; quamquam libro 1. Pedagogi animadvertit Clemens Alexandrinus Joannem ſcite dixiſſe legem per Moſen *datam*, non a Moſe *latam* & inſtitutam, quoniam iſ ab alio legem accepit hominibus a ſe proponendam. Adde quod in Epiſt. ad Galatas cap. 3. v. 17. dicitur ratione ſolemnis promulgationis *Lex facta*, פרוש *vetus*, nam ante Moſen erant ſabbatum, circumciſio, ſacrificia, & multa alia cæremonialia. Pervulgata ſunt etiam verba Gratiani Diſt. 4. *Leges inſtituuntur, cum promulgantur*. Atque his eliduntur quæ aſſert Salmeron. Dicitur enim Moſes ritum & cæremoniarum inſtitutor improprie, & quatenus eadem vulgavit: nam ex libro Exodi, & Levitici manifeſta res eſt, a Domino fuiſſe tradita.

Quantum pertinet ad Traditiones commemoratas cap. 15. Matth. eadem nullatenus ſpectabant ad legem, ſed erant inſtituta quædam Pharifæorum. Hi appellati ſunt *Phariſæi*, vel a verbo פרוש *Pharus*, diſcernere ac dividere, quod ab aliis diſcernerentur, vel a פרוש *Pharwaſe*, unde Ruſtorſius in Lexico Thalmudico deducit a participio פרוש *Pharus* nomen פרושים *Phariſæorum*, ſignificans *eximie ſanctos*, aut *Scripturarum enarratores* Nec eſt prior interpretatio omnino falſa, ut contendit Clericus in Prolog. Hiſt. Seſt. 1. cap. 2. Sed præter Suidam, & Epiphanium, eidem adſtipulatur etiam Grotius ad cap. 6. Matth. v. 16. Eſt autem פרוש *Pharus* idem, ac *exponere*: ideoque poſtrema interpretatio, quam Clericus non animadvertit, cenſetur a pluribus probabilior. Sed miſſo Pharifæorum nomine, hi Auctore Joſepho lib. x111. Antiq. cap. 18. multa quaſi legitima populo tradiderunt ex Patrum traditione, *in wariſum* מורישות. At legitimis Patrum proprio Marte horrenda, & frivola ſcita addiderunt. Inter quæ cum Levitici x1. jubeatur ut ſi quis mortuum, cadaver, aves rapaces, aliaque immunda contingeret, immunditiam corporali lotionem expiaret, qui viderentur religioſiores, crebro ante menſam lavabant manus: eamque ſuperſtitioſam lotionem parvi facientes diſcipuli, interdum abſque hac menſas ſternere conſueverunt, ubi præſertim ab immundis a lege vetitis abſtinuiſſent. De qua Pharifæorum conſuetudine loquitur Matth. cap. xv. 3. Arbitrabantur inſuper dereliſtis parentibus extrema neceſſitate laborantibus, bona ſua quæque utilius in Dei cultum ſacrari violata naturali lege, & filiorum ſpreto neceſſitudinis autoramento. Inde erat illorum decretum eodem cap. Matt.

v. 5. *Quicumque dixerit patri, vel matri, Munus quodcumque est ex me, tibi proderit.* Est autem hoc loco *munus* idem, ac קרבן *Corban*, ut liquet ex Marci cap. vii. v. 11. idest, donum Sanctuario oblatum, unde Gazophylacium, & sacrum ærarium dictum fuisse *תאוסבאן*, *Corbonam*, novimus ex cap. xxvii. Matth. v. 6. Censebant sitam esse pietatem in externo vestium ornatu, ideoque coccinea fila palliorum præscripta Deut. xxi. 12. ut Israelitæ exteriori habitu secernerentur a Gentibus ita alligabant, ut explicatione vestis apparerent *פלאטיותא*, *phylacteria*, idest, memorialia custodiendæ legis, conscripta, ut in Dialogo cum Tryphone inquit Justinus, *in membranis tenuissimis*. Arbitrabantur tenere juramentum in auro templi, idest per *Corban*, & munus oblatum sanctuario paullo supra explicatum; nullum autem esse iusjurandum per templum, & per altare quod ipsi dona sanctificat. Solvebant, exigebantque decimas etiam cujusque oleris, ut menthæ, rutæ, anethi, & cymini, & quibus decimæ nec dandæ erant, nec exigendæ. Videatur Mat. cap. xxi. vers. 5. 16. & 23. Ex quibus duo inferuntur: primum traditiones Phariseorum esse aut ritus superstitiosos, aut transgressiones legis; alterum vero extremam esse hæreticorum temeritatem, qui ex damnatis traditionibus Pharisaicis conantur elevare Apostolicas, quibus lex Christiana ornatur, fulcitur, suamque tutatur auctoritatem.

PROPOSITIO II. Lex vetus bona fuit, non vero, ut quidam hæretici commenti sunt, pravis constituta præceptis.

Probatur primo auctoritate librorum novi Testamenti, quod non abjiciunt Manichæi. Siquidem Apostolus ad Rom. vii. 12. ait: *Itaque lex quidem sancta, & mandatum sanctum, & justum, & bonum.*, & v. 14. *Scimus enim quia lex spiritualis est*: quibus verbis os obstruit calumniæ objicientium supra v. 7. legem esse malam, quoniam est causa peccati. Deinde probatur, quia lex vetus Deum habet auctorem, ut præcedenti propositione demonstratum est. Omnia autem opera Domini bona sunt valde. Præterea, ut adversus Marcionem ratiocinatur Tertullianus, quatuor lex vetus maxima bona præstitit. Primum est, quod ex illa occultos thesauros protulit Christus, non semel ex veteri testamento propriam comprobans divinitatem, & dogmata ad mores pertinentia confirmans. Alterum, quod erat Prophetica & figurata. Christum prædicens tot, tantisque mysteriis, ut facile posset a populo Judæorum dignosci. Tertium, quia immolando supremo Numini animalia, quibus idololatricæ religiosum cultum exhibebant, arcebat superstitionem, & ab idololatria revocabat. Postremo rationi erat maxime consentanea, quemadmodum constabit ex argumentorum solutione, in qua aliquantisper est immorandum. Sunt autem argumenta istiusmodi partim a Marcione, partim vero a Fausto Manichæo Catholicis objecta, atque ex libris Tertulliani & Augustini ita a me in compendium redacta.

A n

AD OBJECTA MARCIONIS.

Marcion ergo Ponticus genere circa medium ſecundi Chriſtiani ſæculi ex Gnoſticorum de duobus principiis errore aſſeruit Deum a lege & prophetis denunciatum eſſe malorum auctorem, bellorum concupiſcentem, & inſtantem ſententiã, ut lib. 1. de H. cap. xvii. loquitur Ireneus. Sic autem ratiocinabatur. Principio Deus eſt univerſorum Conditor: ſi ergo ipſe legis Moſaicæ fuiſſet Auctor, pro omnibus eam dediſſet, non autem pro ſolo populo Judæorum. Deinde: Eſt ne bona lex carnalis. Inſuper: Quid fingi poteſt ſtultum magis, & abſurdum, quam deſectari Deum cruentis immolationibus, & holocauſtomatum fumo & nidore? Lex ergo hæc perſcribens habenda eſt tanquam in ſacrificiis ſulta & infirma. Præterea cum animalia quæque fuerint in creatione benediſta, ſi verum eſt quod narratur in Geneſi, quare jubentur hebræi cap. xi. Levitici a pluribus abſtinere?

Reſp. ad primum, legem veterem, licet ob promiſſa facta Abrahamo, populo Judæorum ſpeciali titulo datam, etiam pro ceteris conſtitutam, cum acceſſum ad illam haberent complures Proſelyti & alienigenæ; ſpectare etiam ad populum Chriſtianorum, qui ob fidem reputantur in ſemine, & participes ſunt promiſſionum: Deum præterea beneficiorum ſuorum dominum eſſe, illaque pro ſuo arbitratu impertiri. Revincitur quod ſequitur verbis Apoſtoli ad Rom. 7. 14. *Lex ſpiritualis eſt: ego autem carnalis ſum, venumdatus ſub peccato*; eſt enim ſpiritualis & quia Deus ſpiritus eſt, qui legem dedit, ut Auguſtinus ait ſerm. 12. de verbis Apoſtoli, & quoniam figurate prædicebat mundi Reparatorem, ut inquit Tertullianus lib. v. contra Marc. cap. 13. Proximum eadem facilitate diluitur: quippe ſacrificia Deo offerebantur, non quod deſectetur cruore victimarum, & nidore holocauſtomatum, ſed quia iis populus revocabatur a cultu idolorum, & præfigurabatur Chriſtus pro nobis in ara Crucis immolandus. Ad ultimum ſit interim expedita reſponſio, exceptione ciborum, immundorumque animalium & ſignificari quod nobis a noxiis voluptatibus abſtinendum ſit, & cohiberi Judæorum edacitatem, qua cum panem ederent angelorum, eſurire caperunt, & appetere menſas Aegyptiorum inexhauſta cupiditate. Vide Tertull. lib. 2. cap. 18. & Auguſtinum lib. 1. de morib. Manich. cap. 14.

AD OBJECTIONES FAUSTI MANICHÆI.

At Manichæi hæc objectabant. Repromiſit vetus teſtamentum terram Chananæorum obſervantibus ſabbatum, ſolemnitatem azymorum, circumciſis & abſtinentibus a porcina. Dignum eſt ergo, ut nos reſuſa hæreditate reddamus & tabulas. Ita argutabatur Fauſtus apud Augu-

Augustinum lib. iv. cap. 1. Præterea opponebat lib. vi. Catholici æque ac Manichæi Azymophagiæ contemnunt hebdomadas, inutilem putant Scænopegiam, & calvum ac reburrum non constitui sacerdotem utrique contemnunt. Abjiciunt ergo unanimiter Mosis legitima. Addit lib. vii. Christianam novitatem hebraicæ addere vetustati nihil est aliud, quam majorem scissuram facere. Ait enim Evangelista cap. ix. 16. *Nemo immittit commissuram panni rudis in vestimentum vetus: tollit enim plenitudinem ejus a vestimento, & pejor scissura fit.* Objeclabatur lib. ix. Apostoli sub veteri testamento nati abiecerunt illud. Quid tum inde, si illi, qui nati non sunt, nolint usurpare?

Resp. ad 1. recipi a nobis vetus testamentum non ad consequendas illas promissiones, sed ad intelligendas in eis novi testamenti prænuntiationes, quas in veteri contineri non suspicio nostra est, sed Apostolicus intellectus, dicente Paulo 1. ad Corinth. x. 6. *Hæc autem in figura facta sunt nostri.* Ad alterum hoc habeto responsum: Distinguenda sunt in veteri testamento præcepta vitæ agendæ a præceptis vitæ significantibus. Nos itaque observamus præcepta prioris generis, cujusmodi est illud, *Non concupisces*; non altera, quale est, *Circumcides omne masculum*. Cur autem? Quoniam, ut paullo ante dictum est, præsignabant futura: unde Apostolus ad Coloss. cap. ii. v. 16. *Nemo ergo vos judicet in cibo, aut in potu, aut in parte diei festi, aut neomeniæ, aut sabbatorum: quæ sunt umbra futurorum.* Ad proximum, primum dicimus & veterem vestem fuisse aliquando bonam: fuit ergo aliquando bonum vetus testamentum, nec diabolus habuit auctorem. Deinde, asserimus, quod nos non addimus novæ legi veterem in servitute facientes, quæ jussa sunt ad nos prænunciandos: sed in libertate legentes quæ scripta sunt ad nos confirmandos. Addimus non assuere novum pannum veteri, qui continentiam servans spiritualem, spiritualia expectat, sed eum, qui non deponit spem carnalem. Ad quartum respondetur ut supra, Apostolos veterem abjecisse legem quantum ad præcepta cæremonialia, quæ figuræ erant futurorum, non autem ad ea, quæ pertinebant ad vitæ institutionem: unde recte Augustinus ajebat, *Faustum eadem sæpe vana repetere.*

Pergit objectare Faustus: Præcepta vitæ instituendæ, quorum causa lex vetus videtur commendanda, ut, *Non occides, non mœchaberis, non pejerabis, non concupisces*, antiquitus in nationibus erant. Lex Mosaica quid addidit? Eadem eradicavit. Nam 1. quod attinet ad odium & occisionem, jubet Lex Mosaica Levit. 19. 18. ut diligatur tantummodo proximus & amicus, sed adversus alios omnes Judæis erat hostile odium. Idcirco hanc legem immutavit Christus Matth. v. v. 44. eo pertinet ulciscendi cupido, quam fovet lex Mosis pronunciato illo, *Oculum pro oculo, & dentem pro dente* cap. 21. Exodi 24. quod a Christo proscriptum est eodem cap. Mat. v. 39. Quod vero ad mœchiam pertinet,

tinet, Lex illa duntaxat externam fornicationem vetabat, & cuique volenti uxorem dimittere præſcriptit dandum eſſe repudium. Idque damnavit Chriſtus eodem loco v. 27. & 32. De jramento, quod univerſim damnant jura naturæ, in Exodo xx. 7. fancitur, ne fiat invocatione divini nominis, jramentorum generibus aliis probatis: quod pariter Dominus Jeſus rejicit, ibidem v. 34. 35. 36. Poſtremo didicimus ex novo teſtamento aliena non concupiſcere. Vetus autem quid habet non alienum? Divitias promittit, ventris ſaturitatem, filios & nepotes, & Chananitidis regnum. Ergo lex Moſis antiqua præcepta. violavit, eradicavit, eliminavit. Ita Fauſtus lib. x. & xix.

Reſp. ad 1. Auguſtinus cap. 24. ejuſdem lib. 19. quemlibet iniquum hominem, in quantum iniquus eſt, eſſe odio habendum, in quantum homo eſt, diligendum. Quia ergo audito, & non intellecto, quod antiquitus dictum erat, ferebantur in hominis odium, cum non deberent odiſſe niſi vitium, hoc Dominus corrigit dicendo, *Diligite inimicos veſtros*. Addo diſtinguenda eſſe tria alienigenarum genera: Proſelytorum, qui ex circumciſione Judæis ſe jungebant: Noachidarum, qui Noe ſervabant præcepta: & Idololatrarum, qui ſe cultu ſuperſtitioſo inquinabant. Porro iis tantum ſe adjungere prohibiti ſunt Judæi; cumque illorum ſacrilegia, & inceſta libido ad ſummum perveniſſent, voluit Deus ne populus ſuus cum eis ſædus iniret, ne contaminaretur inſolita ſuperſtitione, ut liquet ex cap. xviii. Levitici v. 24. Quod ſequitur de inimicorum ultione: cum unusquiſque etiam leviter læſus nolit reponere vindictæ quantum acceperit injuriæ, & nonnulli moliantur cædes, & ſanguinem ſitiant; Deus Exodi xxi. ſtatuit pœnam talionis inſigendam ſententia judicis; ut immoderata ultioni lex modum poneret, & quantam quiſque intulit injuriam, tantum penderet ſupplii-
cium. Proinde, (inquit S. Pater proximo cap. 26.) *Oculus pro oculo, & dentem pro dente, non ſomes, ſed limes furoris eſt*. Hinc eſt quod pœnam talionis omnes fere Gentes probarunt. Appellarunt Græci *ἀντιτάξις*: dixerunt quidam Jus Rhadamanthi: & extabat apud Romanos in xii. Tabulis, *Si membrum rups, talio eſto*. Concupiſcentiam a veteri lege damnatam conſtat ex cap. xx. 17. & ex Apoſtolo ad Romanos vii. 7. De repudio dictum ſupra, permiſſum ob duritiam Judæorum. Animadvertit præterea S. Doctor cap. 26. ejuſdem libri, non haberi in lege Moſis, *Qui voluerit dimittere uxorem, dimittat*: ſed volentibus dimittere indixit Moſes dari libellum repudii, ut animus præceps libelli conſcriptione reſractus abſiſteret, ideſt mora interpoſita cogitare poſſet quam grave eſſet dimittere nuptam; nec ſcriberetur libellus, niſi tale interceſſiſſet odium, quod non poſſet extingui. Jramentum quidem factum divini nominis obteſtatione ſervandum eſſe, jure præſcribit lex Moſis. At inde non tenere jramenta reliqua, Phariſæorum erat traditio utique repudianda. Mitto quæ Auguſtinus obſervat

servat cap. xx11. de Juramentis ipsorum Manichæorum longe Phariseis iniquiorum: dum sæpissime jurabant per Paraclitum, non illum quem Christus Apostolis misit, sed per illum ipsum Infansiforem, scilicet Manichæum, quem ab infania dictum observatum est alibi. Quod ultimo loco positum est, habet supra commodam solutionem: quippe promissiones Judæorum erant ipsis argumentum serviendi Domino bonorum omnium largitori; nobis verò documentum meliorem substantiam expectandi.

Arguit præterea Faustus: Nihil in vetere lege de Christo prænunciatum est. Non ergo est bona lex illa, propterea quod ad Christum perduceret. Ant. probatur 1. quoniam opponentibus Judæis Christo Joannes vii. 13. *Tu de seipso testimonium perhibes: testimonium tuum non est verum*; respondit, *Et si ego testimonium perhibeo de me ipso, verum est testimonium meum, quia scio unde veni, & quo vado*: & alibi opera sua in testimonia vocat. Ecur non ait, Credite Prophetis, Testificantur de me veteris legis figuræ? Ergo nos de Salvatore nostro nullis egemus Mosaicarum Tabularum testimoniis. II. Moyses Christo maledixit, dicens Deut. xx1. 23. *Maledictus omnis, qui pendet in ligno*. Hunc ergo accipiamus, huic credamus, qui Redemptorem nostrum talibus infectatur conviciis? III. Nullibi Christus legem Moysi commendat. Nam si alicubi id præstaret, præsertim apud Matth. cap. v. 17. ubi ait, *Non veni solvere legem, sed adimplere*. Atqui vel Matthæus hæc non scripsit, vel falsum scripsit. Quod Evangelium non scripserit, colligitur ex cap. ix. 9. ubi de seipso ait: *Cum transires Jerosolymam, vidit hominem sedentem in Telonio, Matthæum nomine*. Quis autem de seipso scribat, Vidit hominem, & non, Vidit me, vocavit me? Deinde cap. v. Evangelii Matthæi legitur Christum protulisse ea verba, *Non veni solvere legem*, in monte. Quibus præsentibus? Petro, Andra, Jacobo, & Joanne: ceteros enim Apostolos necdum elegerat, nec ipsum Matthæum. Ex illis quatuor Joannes Evangelium scripsit, nec tamen hoc alicubi ipse commemorat. Quod ergo non testatur Joannes qui fuit in monte, quomodo scripsit Matthæus nondum Christum secutus? Ceterum Christum ea verba minime protulisse ex eo evincitur, quod cum Deuteronomii v. 32. præceptum sit, *Non declinabis neque ad dexteram, neque ad sinistram*, Christus minuit præcepta sacrificiorum, circumcisionis, & sabbati, ideoque solvit declinando ad dexteram mandata Moysi.

Quod primo loco ponitur, ab Augustino libro xi. cap. 2. & 3. retorquetur adversus Faustum. Enimvero Apostolus ad Rom. i. de Evangelio ait, *Quod ante promiserat per Prophetas suos in Scripturis sanctis*: & ipse Dominus Luc. xx1. v. 44. *Necesse est impleri omnia, quæ scripta sunt in lege Moysi, & Prophetis, & Psalmis de me*; atque Joannis v. 45. *Si crederetis Moysi, crederetis forsitan & mihi: de me enim*

enim ille ſcripſit. Igitur etſi Chriſtus recte ait de ſeipſo propria opera teſtimonium perhibere , veteris tamen legis teſtimonium non excludit . In cap. autem Joannis v 11 ſ. proprium teſtimonium Chriſtus recte commendat ; primo quia dixerat v. 12. ſe eſſe lucem mundi : eſt autem verum teſtimonium luminis ſive ſe oſtendat , ſive alia , *quia ſine lumine non poteſ videre lumen , & ſine lumine non poteſ videre quodlibet aliud quod non eſt lumen* . Deinde , quia dicens , *ſcio unde veni , & quo vado* , Patrem volebat intelligi , qui aperuit ora Prophetarum . Sed de his legendus idem Auguſtinus Traſt. xxxv. in Joannem . Ad alterum tria , omniaque valiſſima S. P. reponit lib. xiv. Primò cap. 2. revincit Fauſtum , quoniam , ſi vera eſt Manichæorum ſententia , Chriſtum non habuiſſe corpus mortale , nec vulnera , ac circatrices , nec ad illum ſpectat maledictio , & execratio cadaveris in ligno ſuſpenſi . Ait deinceps cap. 4. Adamo in Paradifo exiſtenti dictum eſſe , *Qua die tetigeris , morte moriemini* ; & hoc eſſe maledictum , ideſt , *mortuum* . Mors quippe hominis ex pœna peccati eſt , unde & ipſa peccatum dicitur . Cum itaque Chriſtus pro omnibus mortuus ſit , dicitur etiam ab Apoſtolo ad Galatas 111. 13. *factus pro nobis maledictum* , ideſt , *mortuus* , *Quoniam mors ipſa ex maledicto eſt , & maledictum eſt omne peccatum , ſive ipſum quod fit ut ſequatur ſupplicium , ſive ipſum ſupplicium , quod alio modo vocatur peccatum , quia fit ex peccato* . Ait 3. non minus regnare Chriſtum dici maledictum , ac dici peccatum . Ad iſtud affirmat Apoſtolus 2. ad Corinth. cap. v. 21. tropice quidem , & accepto peccato pro morte & exoratione peccato debita . *Cur ergo* (inquit S. Doſtor ibid. cap. 5.) *timeret Moſes dicere maledictum , quod Paulus non timuit dicere peccatum* ? Vide lib. 2. de Actis cum Fcl. Manich. cap. 11. & contra Adimantum cap. 21. Poſtremo loco poſitum ſic rejicitur . Solent Scriptores quæ ad ſeipſos attinent tali ſermone contexere , tanquam ea narrent de aliis . Ita Joan. de ſe tanquam de alio ſcripſit cap. xxi. 20. *Converſus Petrus vidit illum diſcipulum , quem diligebat Jeſus* . Et ipſe Dominus de ſeipſo Lucæ 18. v. 8. *Filius hominis veniens , putas , invenies fidem in terra* ? Hæc Auguſtinus libro xvi 1. cap. 4. Ad Scriptorum Hiſtoriarum conſuetudinem accedit Evangelix humilitas in ſuimet converſione narranda . Joannem laudata Chriſti verba prætermiſſe , parum refert ; cum citato cap. xxi v. ultimo ſcribat : *Sunt & alia multa , quæ fecit Jeſus* . Cæterum ſi Manichæi credunt Joanni , ejus habent Evangelio cap. v. 46. *Si crederetis Moſi , crederetis forſitan & mihi : de me enim ille ſcripſit* . Adimpletur denique lex , vel cum ſunt quæ præcepta ſunt , vel cum exhibentur quæ ſunt prænunciata : utrumque autem Chriſtus præſtitit , primum caritate , alterum morte : in qua omnibus figuris expletis , abrogandæ erant cæremoniæ , & umbræ futurorum . Huſ tamen Chriſtus uſque ad minimum apicem voluit

To. IV.

F

imple-

impleri, ut testatur eodem cap. v. Matth. v. 18. *Nota unum, aut minus apex non prateribit a lege, donec omnia fiant.* Itaque non declinavit ad dexteram, neque ad sinistram.

Sequitur argumentum Fausti in veteres Patriarchas conviciis, maledictisque plenissimum. Lex vetus, inquit lib. 22., approbat innumera, & horrenda facinora. Commendat Abraham, qui insana fragrans cupidine cum pellice sub conscientia uxoris est volutatus. Is etiam Abimelecho Sarai conjugem sororem suam mentitus in concubitum venditavit. Accedit flagitiosus incestus Lot, qui cum duabus filiabus ebrius concubuit. Jacob inter germanas sorores Rachelem & Liam intemperanter erravit: uxoresque famulas nuptarum fororum agnovit, quatuor mulierum maritus. Judas vero cum Tamar nuru sua habitu prostitutionis deceptus dormivit: quod in licium est semper cum tali feminarum genere illum habuisse commercium. Et tamen is inter Patriarchas connumeratur, & a patre ampliorum benedictionem consequitur. David post tot numero uxores mulierculam Uriæ mæchatus, eundem in bello perdidit. Osea Prophetarum unus ad mulierem fornicariam accessit. Quid plura? Ipse legislator Moses homicida fuit, expoliavit Aegyptios, intulit bella, nec ipse fuit uno matrimonio contentus. Hæc, aliaque plurima aut sunt Scriptorum commenta, aut res, quomodo narrantur, gestæ. Si primum dicatur, scetet mendacis vetus testamentum universum: si vera sunt enarrata, turpissima flagitia commendat.

Resp. 1. Legem veterem referre quidem multorum crimina, non ea landare; atque a nobis Scripturas sanctas defendi, non hominum scelera. Deinde respondetur plura ex his, quæ obiectat Faustus, immerito reprehendi, nec æstimanda legis scabiem & verrucas, sed esse promissiones figuræque sacramentorum. Revera Abraham sibi ex Agar filios procreari curavit, quoniam ipsa Sarai naturali ordine filios volens, & se sterilem sciens, ancillæ uteri fœditatem in usum juris sui vindicavit, non serviens viro cuncupiscenti, sed jubens obedienti: & Abraham vicissim credens hoc Sara ex Dei nutu voluisse, quia jam ex seipso illi hæredem promiserat, sed ex qua femina non prædixerat, non suæ carnali cupiditati cessit, sed conjugali potestati obtemperavit. In filio autem ancillæ vetus figurabatur testamentum, & in filio liberæ novum: ideoque per allegoriam hæc narrantur, auctore Apostolo ad Gal. cap. iv. 24. Neque Abraham mentitus est, dum Saram appellavit fororem. Etenim in Scripturis sanctis propinqui non semel dicuntur fratres. Commemorantur quippe in Evangelio etiam fratres Domini, tametsi Deipara neminem genuerit præter Christum. Lot etiam frater Abrahami dictus est capite Genesis 13. & Job cap. 8. uxorem suam, nomine sororis appellat. Quid prudentissime factum ab Abraham, ne Deo committeret propriam vitam, & pudicitiam mulieris, nec ten-

taret

taret Dominum Deum ſuum. Sed lege Auguſtinum lib. xxii. a cap. 31. ad 42. Ad Lot quod ſpectat reſpondetur neque ipſum, neque filias a nobis penitus abſolvi. Verumtamen quod in illorum vita fuit flagitium, dum in ſcriptura narratur, eſt prophetia. Lot autem redarguendus eſt maxime ob ebrietatem, qua male utentes lege præfigurabat. Quamquam vero excuſari aliqua ratione poteſt, cum ejus ebrietas, tum puellarum licentia; nam hæ conſervationem generis humani quærebant, & neſcientes quouſque ignis ſæviret non credebant ſuperſtites eſſe alios viros; & pater morem gerens filiabus crebra vina miſcentibus, ut illarum triſtitiam levaret, ignarus temulentus evaſit: tamen dicimus, quod *narrata iſta ſunt, non laudata*. Hæc proſequitur S. Pater a cap. 42. ad 46. Jacobi pariter duæ uxores liberæ duo genera laborantia, & contemplantium demonſtrant: neque in fororum concubio Patriarcha peccavit; quoniam non laſciviendi, ſed gignendi cauſa illas, aliasque habuit uxores, ideoque jura naturæ ſervavit. Nec deliquit adverſus conſuetudinem, quæ, ut diximus præcedenti capite, eo tempore polygamiam non damnabat. Atque de his plura S. Doctör a cap. 47. uſque ad 60. De Juda, qui concubuit cum nuru, dicimus ipſius fornicationem, & illicitum concubitum in lege Moſis prohiberi: illum connumerari inter Patriarchas eo pacto, quo inter Apoſtolos Judas Iſcariotes: benedictionem patris ampliſſimam non ad illum pertinere, ſed ad Chriſtum ex Tribu Juda naſciturum. Explicat hæc S. Pater proximis capitibus 61. 62. 63. Davidis peccata quidem legimus, ſed ea Scriptura reprehendit; & increpatus a Nathan ipſe David ingemuit, & ſingulari pœnitentia quæ inique geſſerat expiavit. De Oſeæ dictum ſupra. Ad ea tandem quæ obſciantur de Moyſe, tametſi peccaſſet percutiendo Aegyptium, quod interim prætermitto, dico vocatum fuiſſe per Angelum in monte Sina a Domino, qui & Saulum Eccleſiam perſequentem de celo vocavit, proſtavit, erexit. De expoliatis Aegyptiis ſuperius. Bellum denique, quod gerendum Deo auctore ſuſcipitur, juſtum ſupponimus.

His Manichæorum argutationibus accedunt nonnullæ aliæ. Prima eſt Felicis lib. 2. cap. 11. Apoſtolus ad Rom. v. 20. ait: *Lex autem ſubintravit, ut abundaret delictum*: & cap. vii. v. 9. *Cum veniſſet mandatum, peccatum revixit*. Quis autem dixerit bonam legem, unde prodierunt peccata? Altera eſt conſimilis, & depromitur ex cap. 8. Epistolæ ad Hebræos v. 7. ubi vetus teſtamentum expreſſe dicitur *culpâ non vacaſſe*. Denique ejuſdem generis eſt, quod legitur Ezech. cap. xx. 25. *Dedi eis præcepta non bona*.

Reſp. ad primum cum Auguſtino eodem cap. 11. *Proinde paulò poſt dicit idem Apoſtolus: Itaque lex quidem ſancta, & mandatam juſtum, & ſanctum, & bonum. Sed ne dicas, quia de alio mandato dicat, ut oſtendat quia de illo dicit, de quo paullo ante dixerat, Lex ſubintravit,*

ut abundaret delictum, statim sibi opposuit questionem, *Quod ergo bonum, mihi factum est mors? Absit, sed peccatum ut appareat peccatum, per bonum mihi operatum est mortem. Erat enim peccatum, sed non apparebat peccatum: data est lex superbo, fecit contra legem, & apparuit peccatum, quod erat, sed non apparebat.* Idem est ergo per Apostolum delictum subintrare & abundare per legem, ac cognosci, redargui, puniri. Conferas verba Apostoli cum aliis ad Rom. 111. v. 20. Eandem requirit interpretationem versus 9. cap. v11. unde S. Pater de verbis Apost. ferm. 4. cap. 7. inquit: *Quid est revixit? Apparere cepit, sentiri cepit, rebellare adversum me cepit.* Hujus interpretationis verissima ratio est, quoniam in sacris literis verba quæ significant esse aut facere sæpissime hebraica phrasi ponuntur pro rei cognitione. Hujusmodi sunt Pl. 50. *Ut justificeris in sermonibus tuis:* 2. ad Corinthios v11. 14. *Gloriatio nostra, quæ fuit ad Titum, veritas facta est;* & juxta Theophylactum etiam quod legitur de Melchisedech ad Hebræos cap. v11. 3. *Neque initium dierum, neque finem vitæ habens.* At in cap. v11. Epistolæ nuper laudatæ Apostolus ait *prius testamentum culpa non vacasse*, quod Israelitæ non permanserunt in illo, & Dominus neglexit eos, ut legitur proximo versu 9. & quoniam in tabulis scriptum erat, non in corde, ut additur versu 10. scilicet non poterat absque Christi gratia justificare. Quæ responsione utitur Augustinus etiam ad refellendam objectionem ultimam ex cap. xx. Ezechielis, scribens Epistola 19. nunc 82. n. 14. *Fortè propterea non dixit mala, sed tantum non bona, idest non talia, ut illis homines boni fiant.* Hoc tamen postremum potest duplici via retorqueri. Primo quia eodem cap. versu 11. Ezechielis inquit Dominus: *Et dedi eis præcepta mea, & judicia mea ostendi eis, quæ faciens homo vivet in eis.* Deinde quia vel Ezechielis credit Manichæus, vel mendacem existimat. Si credit, non scripsit Propheta afflatu dæmonis: si mendax est, non erit verum, quod ait, *Dedi præcepta non bona.* Potest etiam responderi esse hoc loco *analogiam*, idest figuram reciprocationis in sacris libris frequentissimam, de qua vide Vossium lib. 5. Inst. Orat. cap. 2. Ea fit, dum vox eadem in vicinia diversam habet significationem, ut si dicas, *Multi crediderunt in nomine ejus: ipse autem Jesus non credebatur semetipsum eis:* priori in loco *credere* significat professionem fidei, in altero idem est ac se fidei amicorum committere. Itaque *præcepta* apud Ezech. v. v11. significant legem Moysi, & versu 25. leges duras, pœnasque legis violatæ, maxime, ut colligitur ex Chaldaeo, mentis cæcitatem. Sed vindicavi Moisaicam legem satis, superque.

EXCURSIO IN PHIREPONUM.

Plura ex Augustini adversus Faustum libris in his veteris Testamenti

menti vindicationibus relata ſunt. Horum autem librorum celebratio ad memoriam revocat Animadverſiones Joannis Clerici, quas, ubi- cumque diſputationes noſtræ exhibent occaſionem, excutere aliqua no- tatione inſtituimus. Larvatus ergo Pherponus primo conqueritur non ſatisfeciſſe Auguſtinum argumento Fauſti petito a Moyſi maledictione. *Tam facilem objectionem*, inquit, *diluere non potuiſſe Auguſtinum, mirum eſt: mortem enim & maledictionem unum, idemque eſſe vult, neque ullo modo ſe expedit.* Deinde affirmat in libro Deuteronomii nul- lam peccati fieri mentionem, ſed tantum cadaveris è ligno pendentis; quod eſſe rem ſummopere pollutam docet Moſes. Hortatur poſthac le- ctorem, ut ſui ipſius adeat Commentaria, dicens: *Vide ad eum locum Joannem Clericum.*

In hac priori Animadverſione ſtatim apparet fuſa Cenſoris in Au- guſtinum malevolentia. Nam quamvis foret hæc reſponſio argumenta- tionibus Fauſti debiliior, non utitur ea ſola Manichæorum debellator Auguſtinus. Ex hæreticorum enim illorum commentis evincit ad Chri- ſtum non referendam ſuſpenſorum maledictionem: atque ex Episto- lis Pauli apertiffime demonſtrat in novo quoque teſtamento Chriſtum dici maledictum, & peccatum: ideoque abſurdum non eſſe, ſi in eum qua- dret etiam execratio pendentium in ligno, non quidem ob propria pec- cata, ſed ob ſuſceptam peccatorum noſtrorum cauſam. Quæ cum adeo plana ſint, & luculenter ab Auguſtino tradita lib. xiv. cap. 2. & 5. cur audet Clericus ſcriptitare, *tam facilem objectionem diluere non potuiſſe Auguſtinum?* Verum & reſponſio, quam temere vellicat, fir- ma eſt, veriffima ac validiſſima; & quam proſert Arminianus iſte, inepta ac putida commentatio. Enimvero Deuteronomii xx. 23. ſu- ſpenſum cadaver non ideo maledictum dicitur, quod ſit in lege Moyſi pollutum; ſed quoniam cadaveris ſuſpenſio indicium eſt mortis inſictæ peccato, atque execrationis divinæ. Ul vero cum apertiffime demon- ſtravero, conſtabit ſapientiſſime Auguſtinum interpretatum fuiſſe illam maledictionem pro morte peccato induc- ta, & maledictum pro mortuo Cruci ſuffixo propter humani generis redemptionem.

Sunt autem innumera, quæ poſſum in hujus veritatis confirma- tionem producere. Principio ea verba Deuteronomii, *Maledictus a Deo eſt, qui pendet in ligno*, demonſtrant mortuum ligno pendentem ha- bere graviſſimi flagitii reatum; & proculdubio commonſtrant peccatum aut proprium, aut alienum. Habet enim hebræa lectio בִּי קָלָלָתוֹ אֱלֹהִים, *Quoniam maledictio Dei eſt ſuſpenſus*: Atque verbum קָלָל ſigni- ficare execrationem, atque maledictionem conſtat ex Levit. xx. 9. Job. 24. 18. Iſa. 65. 20. Nahum 1. 14. &c. Apoſtolus etiam ad Galatas 3. 13. ait: *Επικράτης πᾶς, ὁ ἀρμάρως ἐν τῷ ξύλῳ.* Quis autem ignorat τῷ κατὰ πᾶς eſſe maledictum? Addo Interpretes, non Rupertum modo, Corne- lium a Lapide, Lorinum, ſed & vetuſtiores Procopium, Aquilam, Theo-

Theodotionem, Auctorem altercationis Iasonis, & Pacifici, Hieronymum, aliosque etiam ex magno numero Novatorum, qui omnes in hac voce *maledictum* vim contumeliæ, & execrationis agnoscunt; Paraphrasim ipsam Chaldaicam, quæ habet: **אָלֵי עַל רָחֵב יָמָו אָפְטָלֵב** *Quia pro eo quod peccavit coram Domino suspensus est*. Accedit ratio, quæ nec latuit Grotium in hunc locum, & Glassura de Typis Canone VIII., suspendium cadaveris habere significationem pœnæ: quapropter non suspendebantur, nisi qui morte plectebantur ob grave aliquod crimen, ut legitur præcedenti versu Deuteronomii. Illud etiam in causa est, quod ex hoc loco Deuteronomii obijciunt nobis Iudæi fidem nostram esse in hominem execrandum, & a Deo maledictum, idque ab Apostolicis temporibus: nec tamen aliquis Patrum invenitur responsum dedisse maledictum nihil esse aliud, quam emortui cadaver. Ergone facile potuisset Augustinus objecta Fausti retundere nova ista Commentatione Phereponi autumantis a Moyse nullam fieri peccati mentionem? Facile imo fuisset Fausto demonstrare pendentem a ligno dici a Moyse maledictum atque execrandum, nec Cadaver maledictum esse, nisi ratione peccati. Quare hæc magnus Augustinus expendens optime omnia conciliat demonstrans Christum factum esse pro nobis *maledictum*, idest subisse mortem inductam peccato Adæ, & conviciis ac blasphemii fuisse lacesitum propter crimina nostra. Quid ergo nos hortatur Clericus ut adeamus Commentaria a se edita, ab homine scilicet imbuto erroribus Arminii ac Pelagii, & ignorantis unde mors pervasit in homines, & cur Christus patibulum Crucis ascendit? *Quid miratur* (inquit Augustinus lib. laudato cap. 4.) *maledictum esse peccatum, maledictam esse mortem, maledictam esse mortalitatem carnis sine peccato Christi, ex peccato tamen hominis etiam in Christo factam?*

Displicet præterea Pherepono, Augustinum libro xvi. cap. 22. interpretari de Christo verba Deut. 28. 66. *Et erit vita tua quasi pendens ante te, & non credes vitæ tuæ*. Ecce, quæso? Quia, inquit Clericus, nemo non videt agi hic de vita dubia & incerta, quæ notâ etiam Latinis metaphorâ dicitur pendere. Literalem interpretationem de mortali vita, Augustinus non improbat; nam scribit: *Quæ verba & aliter posse intelligi, potest aliquis dicere*. At non esse accipiendam de Christo, perperam contendit Clericus. Primo enim liquet eundem Scripturæ locum sensus plures admittere. Deinde magis Christo, quam mortali vitæ convenire laudata verba, demonstrat pervetusta versio apud Tertullianum cap. xi. & xiii. contra Iudæos, *Et erit Vita tua pendens in ligno ante oculos tuos*. Stant præterea pro Augustino innumeri Patres cum Græci, tum Latini, nec non lucubrations Apologeticæ Cantacuzeni, & etiam Grammaticales observationes Galatini. Quæ omnia plenissima eruditione complectitur Tom. 2. in Deuteronomium Joannes Lorinus.

In libro xv: 1. cap. 1. putat argumentationem Fauſti conantis demonſtrare ea verba *Non veni ſolvere legem*, &c. non eſſe ſcripta a Matthæo, facilius ſolvi, ſi dicatur, Evangeliftam ordinem temporum in ſua narratione nequaquam ſervare; ideoque non Matthæum tantum, ſed reliquos omnes Apoſtolos eo tempore fuiſſe electos, & ſermonem in monte audiviſſe. Quasi id animadverſerit ſingularis Phereponi perſpicacitas, *Quod ab eo non factum*, inquit, *oſtendit in ſua Evangelica Harmonia Joannes Clericus*. Poſtmodum ſtomachans addit: *Miror Auguſtinum hoc non repoſuiſſe*; & paucis interjeſtis, *Multos fugit hæc obſervatio*.

At hæc ipſa obſervatio nec Auguſtinum fugit, nec erat argumentum Fauſti reponenda. Porro ſi Phereponus antequam in Auguſtinum ſtylum acueret, æquo animo ac libramento ipſius opera perlegiſſet, ſcriptum inveniret cap. 17. 11. libri de Conſenſu Evangelift. num. 39. de vocatione diſcipulorum, & de narratione Matthæi: *Proinde fieri po- teſt, ut poſtea narraverit, non quod poſtea factum erat, ſed quod prius prætermiſerat*. Et cap. 26. ejuſdem libri num. 59. *Hinc autem probabilius videtur quod hæc prætermiſſa recordando Matthæus commemorat: quia utique ante illum ſermonem habitum in monte credendum eſt vocatum eſſe Matthæum*. In eo quippe monte tunc Lucas commemorat (cap. 6. v. 13.) omnes duodecim ex pluribus diſcipulis electos, quos & Apoſtolos nominavit. Itaque nobis confugiendum non eſt ad Harmoniam Joannis Clerici pro expiſcanda tam profunda & recondita obſervatione, Matthæum nonnulla recapitulando ſcripſiſſe. Demonſtrandum jam hæc non fuiſſe contra Fauſtum reponenda. Quamquam verum eſt Matthæum in ſua vocatione narranda ordinem temporum non ſervare; hæc tamen quæſtio in velitationibus Fauſti ad rem non pertinet, & melius ac facilius Manichæi cavillatio depellitur, ſi demonſtretur, potuiſſe Matthæum narrare quæ Chriſtus dixerat in monte, etſi abſuiſſet. Atqui hæc Auguſtinus cap. 3. libri xv: 1. contra Fauſtum validiſſimis argumentis demonſtrat. Quid ergo de tempore vocationis Matthæi diſputare, & ordinem rerum geſtarum exponere contextu Evangeliorum, adverſus hominem impudentiſſimam contendentem in Libro Matthæi plures eſſe lacinias, & probantem quæ narrat de ſua vocatione, negantem quæ ſcribit de ſermone habito in monte? Si Evangelium univerſum recepiſſet Fauſtus, poterat & illud reponi; ſed mutilans pro ingenio Scripturas erat uſurpatis ab Auguſtino reſponſionibus reſellendus.

Carpit præterea Phereponus in libro xx: 1. cap. 35. reſponſionem Auguſtini pertinentem ad Saram, quæ appellatur ab Abrahamo Soror ratione conſanguinitatis. *Quia non tantum (Abrahamus) ſororem vocat, quod ambiguum eſſe potuit, ſed filiam patris, non vero matris*, Gen. 20. 12., ex quo liquet proprie hoc eſſe intelligendum. Addit nullam eſſe Hiſtoriam, quæ nos doceat eo tempore apud Chaldæos illicita fuiſſe

fuisse fratrum & sororum conjugia, quamvis hoc affirmet Augustinus. Fatetur tamen eandem fuisse sententiam Epiphanii Her. 39. num. 7. & Hieronymi in libro adversus Helvidium.

Verum longe probabilior est sententia Augustini, aut saltem non plane certa illa quam amplectitur Clericus, licet nonnullos habeat istam quoque assertores. Stant pro Augustino momenta quamplurima. Versio enim Arabica in Polyglottis Waltoni Tom. 1. p. 81. habet: *Et in rei veritate ipsa est consanguinea mea ex parte patris mei*. Jonathas legit: *Filia fratris patris mei*. Idem sentiunt Interpretes nobilissimi. Hieronymus non solum contra Helvidium, sed & in quæst. Hebr. ubi ait: *Aran duas filias genuit Melcham & Sarai cognomento Jescbam*. Et infra, licet alteram quoque sententiam approbet, inquit: *Fratris ejus est Aran filia, non sororis*. Vatablus pariter: *Soror ejus fuit, sicut Lot frater ejus*. Mitto Sallianum, qui exhibet etiam Schema familiæ Thare Tom. 1. Annal. pag. 360. Cornelium a Lap., & posteriores reliquos. Addo & Novatores, præsertim Clarium scribentem: *Fuit soror ejus, sicut Lot frater*. Deinde Augustinianam sententiam confirmat argumentum, quod depromo ex cap. x1. Genes. Ibidem v. 29. Aran dicitur pater Melchæ, & pater Jesc hæ. At videtur Jesc hæ eandem esse ac Saram, ideoque hanc esse neptem Thare & filiam Aran. Id evincitur primo, quoniam describuntur ibi uxores Abrahami, & Nachoris his verbis: *Duxerunt autem Abram & Nachor uxores: nomen uxoris Abram, Sarai: & nomen uxoris Nachor, Melcha filia Aran, patris Melchæ & patris Jesc hæ*. Videtur ergo Jesc hæ eadem cum Sarai ibidem commemorata; maxime quia proximo v. 31. Sarai non dicitur filia Thare patris Abram, sed tantum nurus, & uxor filii sui. Deinde Jesc hæ eandem esse ac Saram, est pervetusta Scriptorum clarissimorum opinio. Josephus in 1. Antiq. cap. 6. *Ex his*, (inquit), *Aranes reliquit Lotum filium cum filiabus Sara & Melcha*. Neptes autem ex fratre duxerunt uxores, Melcham quidem Nachores, Saram vero Abramus. Vetus Hebræorum Chronicon de Aran ait, *Hinc natus est Lot: sequenti anno Jescba, quæ & Sara*. Jonathan Uzzielis: *Jescba ipsa est Sarai*. R. Aben Ezra: *Antiqui patres nostri dixerunt Jescbam esse Sarai*. Erudita etiam Interpretatio nominum Hebræorum, quæ extat in fine Tom. 6. Bibliorum Waltonianorum, est de Sara, *Domina mea, vel princeps mea*. *Uxor Abram*, Gen. x1. 29., *filia Aran fratris mariti sui, quæ & Jescba ibidem dicitur*. Nec orta est hæc sententia ex commentis Cabbalistarum, quod eundem numerum hebraice reddant nomen שרה Sara, & יסכה Jifcha: sed, ut animadvertit R. Salomon, Jescba cognomento appellata est, & quia יסכה contemplabatur per spiritum, & quia omnes סכרה contemplabantur ipsius pulchritudinem. His ergo, aliisque momentis pluribus sententiæ, quam Augustinus amplectitur, additur firmitudo.

E con-

E contra opinio eorum, qui Saram existimant germanam sororem Abrami, infirmissimo nititur fundamento. Genes. xx. 12. appellatur, inquit Clericus, non tantum soror, sed & filia patris sui. Ita est. Sed apud Hebræos nepos vocatur frater, & neptis filia, inquit Vatablus. Et quidem recte: nam Genes. xxxix. 5. Laban dicitur filius Nachor. xxiv. 48. Rebecca appellatur filia fratris Abrami. 2. Regum xix. 24. Miphiboseth filius Saul. Constat autem his locis filios appellari nepotes. Neque hi tantum, omnes posterii in sacris libris dicuntur filii, ut Achan appellatur filius Zare, Jos. vii. 24., & Christus Mat. 1. filius Davidis. Ergo Sarai neptis Thare ejus filia merito est appellata.

Num ex profana historia probari possit in usu olim fuisse inter fratres, sororesque conjugia, parum, aut nihil nostra interest. Scim 19 quæ refert H. Grotius de moribus Gentilium ad cap. Genesios vicesimum. Sed non servarunt sanctissimi Patriarchæ leges omnes Ethnicorum populorum. Quantum ad sanctos Patres pertinet, extant de rebus illorum gestis libri divina auctoritate conscripti. Ex his si nullum aliud proferatur testimonium, quam colloquium Abrami cum Sara, *Dic, quod soror mea sis*, aut cum Abimelech, *Vere soror mea est, filia patris mei*; jam constat momentum istud nullius esse roboris. E contra rationatur Hieronymus adversus Elvidium, credibile non esse Abramum virum iustum patris sui filiam conjugem accepisse; & quia *in primis hominibus propter aurium sanctitatem idipsum Scriptura non nominat, maleus intelligi, quam proferri*: & quia Levit. xx. 17. prohibentur matrimonia inter fratres, tanquam res per seipsam nefaria; quippe legitur, *Qui acceperit sororem suam filiam patris sui, vel filiam matris suæ, & viderit turpitudinem ejus, illaque conspexerit fratris ignominiam, nefariam rem operati sunt*. Ceterum, ut ut defendi possit contrarium; neque liquet aperte Sarai fuisse filiam immediate generatam a Thare, neque Augustinum secutum sententiam deteriorem. Atque hæc pro Augustiniani vindiciis tantisper dicta sunt. Nam in libris contra Faustum hæc tantummodo castigavit Phereponus; aut, si maculæ affictæ sunt aliæ, exussantur halitu, neque opus est spongia.

C A P U T VII.

De Mose Hebræicarum legum Promulgatore.

PLURA jam de Moysè in superioribus libris fuerunt suo quæque loco disputata, de illius antiquitate, de averfione a cultu Idolorum, atque de injusta infimulatione Magiæ. Expediuntur nunc quasi n-
s aliæ de memorabili sanctissimoque viro ab eruditissimis scriptoribus institutæ. Prima quæstio est de nomine, num Aegyptium sit, an Hebræicum.
2o. IV. G Vide-

Videtur esse nomen Aegyptium, primo quia impositum a filia Pharaonis, Exodi 11. 10. 2. quia Moses interpretatur, *servatus ab aquis*. Id vero Aegyptia lingua dici ~~Ma-vras~~, aut ~~Maü-vras~~ observarunt plures, probatque ex vetusto Copto Vaticano Kircherius. 3. quoniam a radice משה *extrahere*, participio præterito non appellandus erat *Mosè*, sed משה *Maschiä*, quod extractum notat. Arbitramur tamen nomen esse Hebraicum, tum quia habet in Hebræo apertissimam etymologiam; tum etiam quia lingua Aegyptiä appellatum fuisse Mneven colligitur ex libro 1. Diodori, atque hinc derivata est fabula Thalmud, Mosen esse Monjon Aegyptiorum, cum Monjos idem sit ac Menos. At vetusti Rabbini pro Mneve Menon facile posuerunt. Præmissæ autem conjecturæ non difficilem habent solutionem. Ad primam quippe respondemus cum Rab. Abenezra, *forſan didiciſſe filiam Pharaonis Hebraicam linguam, aut quaſiſſe de illa*. Altera nullius est momenti, quoniam linguæ omnes habent plura nomina ab omnium matre, idest, ab Hebræa parum dissimilia, ac propria præfertim. Ad postremam dicimus, participium Benoni, *Extrahens*, passiva significatione usurpari; & hoc forſan loco non absque mysterio, cum Moses non solum ab aquis extractus sit, verum etiam ipse populum electum deberet extrahere.

Proxima est questio de illius uxore Aethiopissa, de qua Num. x. 1. 1. hanc enim Scriptores plurimi aliam putant a Sephora filia Jethro Sacerdotis Madian ducta in uxorem Exodi 11. 21. Arbitrantur namque Mosen, priusquam percusso Aegypto, ib. v. 12. proficisceretur in Madian, constitutum a Rege Aegyptiorum Ducem exercitus suscepisse expeditionem in Aethiopiam, ibique filiam Regis ipsius amore captam participem fecisse connubii, Tharbin nomine. A qua opinione nec abhorret Abulensis q. 5. in cap. 12. Num., etsi Moſi Tharbin ac Sephoram putet fuisse desponsatas successivo tempore, & Sephoram, posteaquam Tharbis apud Aethiopes remanserat a viro sponte divulsa. Hujus opinionis duo sunt argumenta: unum, quoniam hanc historiam narrat Josephus 2. Antiq. cap. 10, eumque sequuntur viri docti, inter quos Auctor Hist. Scholasticæ Petrus Comestor, Fabricius, alii. Alterum, atque istud præcipuum est, Sephoram nullatenus dici posse Aethiopissam, cum Madian ejus patria sita fuerit in Arabia Petræa ad Rubrum mare: ideoque Aethiopissa, de qua in duodecimo Numerorum, alia videtur a Zippora Madianitide.

Longe tamen verius est Mosen fuisse *Monogamon*, nec aliam duxisse, præter Zipporam, aut Sephoram, uxorem. Historiam quippe belli Aethiopici fabulosa videtur Theodoro, Ruperto, Cajetano, Genebrardo, Pererio, & Salianò, qui plura de hoc argumento ornate & erudite profert Tom. 2. Annal. ad an. M. 2494. Et quidem vero non est simile Regem Aegypti post illatam ab Aethiopibus cladem imperatorem militum elegisse virum Judæum coacervato, ut Artapanus nar-

rat,

rat, exercitu ex gente Moyſi cognata. Multo minus credendum quod ſcribitur a Joſepho poſt deditiōem urbis Meroë, paſſiſque cum Regina nuptiis, *ſevitum nihilominus in hoſtes*, attenta præſertim ſingulari Ducis manſuetudine. Quod autem ad incruſtandam fabulam addunt alii ſculptas a Moyſe imagines aſtronicas in quibuſdam anulis ad amorem vel oblivionem, Moſis religioni, pietatiſque repugnat. Illa ergo de Moſis in Aegyptum expeditione commentatio, niſi penitus explodenda, ſaltem inter res incertiſſimas a viris doctis rejicitur. At quod legitur cap. xii. Numerorum, percipitur facilè, ſi animadvertamus duplicem fuiſſe Aethiopiam, Orientalem unam, Occidentalem alteram. De utraque ſat eſt ſi legas Tabulas Geographicas Auguſtini Lubin additas Sacris Bibliis Antonii Vitrè. Notis Geographorum atque Interpretum circa diſtinctionem Aethiopiæ accedit fuiſſe cognitam, etiam Homero ſcribenti in primo Odiſſeæ:

Ἀδύνας τοι δῖχθα διδαιται ἔχεται ἀδύνη

Οἱ μὲν Δυσηίου ὠκεῖον, οἱ δ' ἄντρον.

Aethiopus, qui oceanum diviſi ſunt, ultimi hominum;

Alii quidem Occidentalis Solis, alii vero Orientalis.

Zippora ergo Aethiopiſſa dicitur, quod terra Madian ſpectet ad Aethiopiam Orientalem Aegypto propinquam, & ad Mare rubrum, ſive Sinum Arabicum porrectam. Niſi mavis mulierem Madianitidem appellari Aethiopiſſam ignominia cauſa, ut ſentiunt complures. Nihil itaque prohibet, quin credamus Moyſen unius uxoris maritum, ut dubio procul tenent innumeri, inter quos Tertullianus ſcribens cap. 6. Monogamia: *Meliora ſectari juſſus habes & Joſeph unijugum, & hoc nomine, audeo dicere, patre meliorem; habes Moyſen Dei de proximo arbitrum.*

Quæſtio tertia eſt, an Moyſes percutiendo virum Aegyptium fuerit facinoroſus homicida: quod ſupra diximus a Fauſto Manichæo fuiſſe obſectum. Atque ſtant contra Moyſen haud leves, quæ ſequentur, præſumptiones. Primo enim ipſius conſcientiam redarguunt facti circumſtantia, nam cædem illaturus *circumſpexit huc, atque illuc*, Exodi 11. 12. Deinde *percuſſum Aegyptium abſcondit ſabulo*. Tum audiens patratis ſcelus palam fieri, *fugit in terram Madian*. Quæ omnia ſunt perſpicua iniqui animi, ſuique facinoris conſcii argumenta. Præterea homicida eſt, qui præter ordinem poteſtatis atque juſtitiæ vitam alienam invadit. At hoc fecit Moyſes, cum privatus eſſet, & nondum in Judicem populi conſtitutus; quod a contribuli ſuo ei exprobatum eſt Exodi 2. 14. Fuit ergo homicida ſagitiſoſus. Atque hæc ratio tanti eſt, ut ad obſectionem Fauſti Auguſtinus allatam ſupra reſponſionem inierit, ingenue ſcribens lib. 22. cap. 70. *Conſulta æterna lege reperio non debuiſſe hominem ab illo, qui nullam ordinatam poteſtatem gerebat, quamvis injurioſum & improbum occidi*. Sed etſi Judex fuiſſet, quod

constat esse falsissimum, debebat caussam attente expendere, cum non sit vita hominis parvi facienda: nec pro sola percussione mortem rependere, iudex una præceps & carnifex. Accedit quod in Epistola Judæ v. 9. habetur Diabolum altercatum de corpore Moysi, contendentem cum Michaelæ Archangelo dignum non esse sepultura, quoniam percussisset Aegyptium, ut Oecumenius exponit. Postremo non alia ratione veteres Rabbinæ conati sunt Moysen defendere ab homicidio, nisi quia percussit hominem non gladio aut scipione, sed pronuntiato Dei nomine מרי. Quod cum mendacium sit putidum ac futile, quia nondum nomen tetragrammaton fuerat divinitus revelatum: cum Patronorum commentatione videtur caussa Moysi deperdita.

Et si vero hæc aliquam præferunt criminis suspensionem, dicendum puto nullam homicidii culpam in virum sanctissimum transferendam. Probant id aliqui cum Abulensi Comment. in cap. 2. Exodi, quod existimandum non sit hominem cum Deo familiariter colloquentem passionem atque iram, non æquitate eadem patravisse. At posset responderi nondum divinis apparitionibus fuisse donatum, aut id saltem divinis scripturis non evinci. Itaque divino nutu percussisse Aegyptium ostenditur ex cap. vii. Act. Apost. v. 24. & seq. *Et cum vidisset quemdam injuriam patientem, vindicavit illum: & fecit ultionem ei, qui injurias sustinebat percussio Aegyptio. Existimabat autem intelligere fratres, quoniam Deus per manum ipsius daret salutem illis: at illi non intellexerunt.* Quibus verbis innuitur Moysen, licet nondum constitutus esset Iudex, ac rector populi cum manu Angeli, potentique miraculorum virtute, revera tamen jam fuisse electum; & iccirco actum illum justitiæ exercuisse, quoniam arbitrabatur cognatum populum ex illius visitatione, atque opere satis percipere missum se a Deo illius Ducem ac Redemptorem. At cum noluerint illum recognoscere, & quidam illi dixerit, *Quis te constituit principem, & judicem super nos?* opus fuit, ut cum potestate miraculorum iterum Rector rediret. Unde legitur eodem cap. v. 35. *Hunc Moysen, quem negaverunt, dicentes, Quis te constituit principem & judicem? hunc Deus principem, & redemptorem misit, cum manu Angeli, qui apparuit illi in rubo.* Atque in hoc figuram prætulit Salvatoris, cujus potestas in priori adventu fuit Judæis despecta & invisa, in secundo erit singulis formidabilis & gloriosa. Ergo Moyses hominem Aegyptium non sine auctoritate Judicis, & Vindicis a Deo constituti percussit. Sed legite Hom. i. S. Basilii in Hexameron, Amb. lib. 1. cap. xi. Augustinum Q. 2. in Exodum, D. Thomam 2. 2. q. 60. art. 6. Nicolaum de Lyra in cap. vii. Act. Apost. & celebriores alios Interpretes.

Ad primam ergo in contrarium conjecturam, & ad consequens argumentum respondeo, tunc Moysen fuisse quidem Judicem populi idoneum. at id fratres ejus non intellexerant. Et si enim Iudex antequam

demandatum ſibi manus exerceat, debet populo innotefcere, alias poſſet quiſque ſeſe in Reipublicæ regimen temere intrudere; attenta nihilominus miſera Judæorum conditione, nam erant extra patriam aſportati, maribus circumdati, Regi potentiſſimo inſenſi, atque oppreſſi jugo duriffimæ ſervitutis, nondum videbatur illorum Reſtor & Judex tam adverſis temporum circumſtantiis publicandus. Ergo Moſes circumſpexit undique, & ſabulo abſcondit Aegyptium, & ſparſo illius cædis rumore fugam arripuit; ne in Dei populum Pharaon conciperet acerbiorẽ indignationem, captivos vehementius aſſigeret, aut raptò ad ſupplicium ipſo Moſe divinum de populo liberando conſilium nequam perſiceretur. Atque hujus liberationis ſpe, non timore in fugam ſe conjeſſiſſe, auctor eſt Paulus in Epift. ad Heb. cap. x. 27. *Fide reliquit Aegyptum, non veritas animoſtatem Regis.* Auguſtinus autem, quæſt. 2. in Exodum, poſtquam repetit quæ ſcripſerat adverſus Fauſtum, *Tamen (inquit) ſicut Stephanus dicit in Actibus Apoſtolorum, putabat intelligere fratres ſuos, quod per eum Deus daret illis ſalutem: ut per hoc teſtimonium videatur Moſes jam divinitus admonitus, quod Scriptura eo loco tacet, hoc audere potuiſſe.* Inſtituere longam cauſæ tractationem, non patiebantur memoratæ temporum circumſtantiæ. De pœnæ ad culpam æqualitate, putant aliqui, inter quos Abulenſis, Aegyptium percuſſum fuiſſe propter adulterium: quod pœnâ mortis etiam apud Aegyptios plectebatur. Nam conſtat, inquit, ex Cap. 24. v. 11. Leviici, mulierem Iſraelitidẽ, Salumith nomine, de concubitu Aegyptii filium blaſphemum peperiffe. At Cap. 2. Exodi nulla adulterii fit mentio: & ſatius videtur, ſi respondeamus utrobique illatam mortem ſignificari, & verſu 11. *וַיִּכּוּת אֱלֹהִים אֶת-מֹשֶׁה וְאֶת-אֶתְנָחֵם בְּנֵי-מִדְיָן* *Viditque virum Aegyptium percuſſientem virum Hebræum, & verſu 12. וַיִּכּוּת אֱלֹהִים אֶת-מִצְרָיִם* *Et percuſſit Aegyptium.* Eſt enim utroque loco idẽm, verbum נִכּוּת *cadem inferre.* Moſes ergo mortem morte mulſtavit. Ad poſtremum de Corpore Moſi (nam nos pariter commentationem Rabbinorum explodimus) ſi admittamus interpretationem Oecumenii, nihil contra nos. Etenim ſpiritus nequam, Satan & Diabolus appellatus, quod ſit adverſarius & falſus criminatoꝝ juſtorum, immerito Moſen accuſabat, illique propterea reſtitit Michael. Sed probabilius eſt contendiffe diabolum, ne ſancti viri Cadaver terræ mandaretur in terra Moab contra Phogor, atque ob ejuſdem ſepulcrum antiqui idoli cultus aboleretur; quemadmodum contigiffe in Daphni ex Reliquiis Sancti Babylæ, auctor eſt diſſertiffima Oratione Chryſoſtomus. Aut forte ſepeliendum curabat notiſſimo aliquo loco, ut filii Iſrael proni ad idololatriam divinos illi honores deferrent. Nam utramque cauſam reddunt Interpretes ac Patres, quos conſulas.

Quæſtio IV. eſt, an Moſes fuerit Heliopolitanus genere, atque ob
legram

lepram a suis expulsus, ut scribit apud Josephum lib. 2. Appion Grammaticus. Sed liquet Moysen Judæum fuisse ex cap. 2. Exodi; nec non ex Ethnicis Scriptoribus, Tacito lib. v. Historiarum, Lyfimacho, Dionysio, & quotquot illius meminerunt. Nec ulla tenus probabile est, puerulum elegantis formæ expositum in carecto ripæ fluminis, nisi fuisset ex gente Aegyptiis invisa. Ob eandem causam nec percussisset virum Aegyptium rixantem cum Hebræis. Apion autem non solum in describendo genere Moyfis errore labitur, verum etiam in consignando exitu filiorum Israel de Aegypto ad annum 1. Olymp. v11. quo scribit ædificatam fuisse Carthaginem: at ab exitu de Aegypto ad institutionem Olympiadum anni 715. connumerantur; Carthago enim ædificata est juxta Timæum Siculum, & Dionysium Halicarnassensem lib. 1. Anriq. Rom. anno ante primam Olympiadem tricesimo octavo, & juxta Scriptores omnes longe ante Olympiadum institutionem. Quare Appion in omnem errorem cecutiens rapitur.

De lepræ autem vitio, quo laborasse Moysen scripserunt Tacitus laudato libro, & Ptolomæus Alexandrinus cognomento Chennus, facile tollitur suspicio. Nam adversus leprosos, & pustula ac impetigine infectos plura statuta sunt Levit. x11., quibus liquet non fuisse Ducem cum universo populo tali vitio contaminatum. Quippe statuitur, ut leprosi judicentur a Sacerdotibus, ut deferant caput nudum, vestem disutam, os panno contectum, ut clament se contaminatos ac sordidos, ut vestimenta maculis conspersa comburant, aliaque id genus plura. Id vero hac præsertim de causa, quod tali morbo afficerentur iniqui, ut sacra monstrat Historia. Lyfimachus autem, Tacitus, & Chennus mendaces esse manifesto deprehenduntur. Etenim ille narrat Judæorum multitudinem in mare demersam, perpaucos in desertis loca dejectos. At quomodo tam exiguo numero tot bella gerere, debellare Chananæorum regionem universam, urbemque toto orbe celeberrimam condere? Refert ædificatam a Judæis civitatem ab ipsis appellatam fuisse *Jerusalem*, idest, sacrilegam. Sed, ut mittam significationem hebraici nominis *ירושלם* *Jerusalem* longe diversam ab ea, quam habet græcum vocabulum *ιερουσαλα*, *Sacilega*, unde Lyfimachus perperam contendit derivatum alterum *ιεροσολυμα*; quis propriam urbem sacrilegam appellet? Tacitus etiam scribens, *Orta per Aegyptum tabe, qua corpora sædaret, regem Occchorim adito Hammonis oraculo remedium petentem, purgare regnum, & id genus hominum, ut iuvissimum Deis alias in terras avocare iussum*, duplici ratione refellitur. Primo enim Moyses Occchorim antecellit: deinde veteres Aegyptii Hammonem non coluerunt. Sed vide Justii Lipsii, aliorumque in Tacitum notas, nec non Chronicon Eusebii de Regibus Aegyptiorum.

Verum est, quod Moyses aliquando extrahens de sinu manum, protulit illam leprosum instar nivis, Exodi iv. v.6. sed eam retrahens protu-

protulit iterum ſimilem carni reliquæ . Quare conſtat hoc magnum eſſe prodigium ; neque enim naturaliter fieri poteſt , ut fiat eadem manus extemplo munda ac leproſa . Significabat autem hæc mutatio juxta Auguſtinum Serm. 86. de Temp. Synagogam , & Eccleſiam , ſecundum Cyrillum populum Judaicum , qui in lege permanens , tanquam manus in ſinu , ſummis affectus eſt beneficiis , recedens autem ab obſervantia legis percuſſus atque abjectus evaſit . Sed & præfigurabat Moyſes Chriſtum Dominum jam apud impios deſpectum , quaſi leproſum , poſthac gloria , & exaltatione conſpicuum . Addit Tacitus Judæos abſtinere ſue memoria cladis , quod ipſos ſcabies quondam turpaverat , cui id animal obnoxium . Verum non ſolum a ſue abſtinendum Judæis erat , ſed ulterius ab omni animali habenti ungulam non diviſam , & a commemorantibus in aquis , ſi pinnulis careant aut ſquammis : ut addicerent , inquit Clemens Alex. in 3. Pedagogi , non oportere eos , qui Deum invocant , cum impuris verſari hominibus . At de his alibi .

Quæſtio V. eſt de facie cornuta Moyſis , ſive de verſione & intelligentia illorum verborum , *Ignorabat quod cornuta eſſet facies ſua* , Exodi xxxiv. 29. Proteſtantes communiter ſcribunt , ineptam eſſe hanc lectionem , & auctorem Vulgatæ hallucinatum in voce hebraica קרן *Cheren* . Addunt Sixtum & Clementem in novis Bibliis approbaſſe vulgi a tot doctis damnatam conſuetudinem pingendi Moyſen cum radiis ad inſtar cornuum . Inquiunt ex Vulgata verſione Moyſen cornutum prodiſſe in picturis : & impie lectionem illam retineri ad verſionem Vulgatam ſtatuminandam . Ita Fagius in Exodum , Sixtinus Amama in Antibarb. lib. 2. cap. 30. Rainoldus , Glaſſius , & alii . Adverſus tam impudentem procacitatem tria demonſtrabo : unum optimam eſſe verſionem Vulgatæ ; alterum noſtræ communionis Interpretes cornutam faciem non intelligere , niſi ſplendidam ac radiantem : tertium picturas cornuti Moyſis vetuſtiſſimas eſſe , recte permitti , neque ex Vulgata verſione introductas .

Primum igitur probo , quoniam hebraicam vocem קרן *Cheren* , propriè ac literaliter ſignificare *cornu* , & radios hebraicè eo nomine appellari , quoniam ad inſtar flammulæ in pyramidem , uti cornua , elevantur , quemadmodum cornu etiam appellari poteſtatem ac dignitatem , eo quod cornua ſint animalibus pars eminentior , atque robuſtior , eſt in ſacris Bibliis maniſeſtiſſimum . Legantur Hebraica Biblia . Joſ. 6. 4. Deut. 33. 17. Pſalm. 69. 32. Daniel. 8. 9. &c. Igitur ea verba קרני צור *quod promiſiſſet cutis faciei ſue* , optime a Latino Interprete reddita ſunt , *Quod cornuta eſſet facies ſua* . II. Quamvis קרן ſignificet aliquando regnum , ut I. Paralip. 25. 5. Pſalm. 132. 17. poteſtatem ac furorem Deut. 33. 17. 111. Reg. 22. 11. Daniel. x1. 40. aut locum eminentiorem Eſaiæ v. 1. , nihilominus his omnibus in locis hæretici in ſuis verſionibus retinent vocabulum *Cornu* , quoniam regnum , pote-

potestas, & locus prominens ducta metaphora a cornu hebraice appellantur **קַרְנֵי** *Cberen*. Igitur patiantur & verbum, *Cornuta esset*, in cap. xxxiv. Exodi, tamen hoc verbo significatur splendor faciei, quoniam splendor ducta metaphora a cornu dicitur hebraice *Cberen*. III. Memorato cap. Exodi in verbo *Cberan קַרְנֵי* iidem hæretici agnoscunt metaphoram, ut liquet ex Salomone Glassio pag. 1759. Ergo *Cberen* non sensu obvio ac literali splendorem significat, sed translatitio. At ubique sensus metaphoricus est, debet ipsa vox propria retineri: alioqui variatur stylus, suamque formam ac venustatem deperdit, nec habetur versio Scripturæ, sed paraphrasis, aut metaphrasis. IV. Versio Aquilæ pariter habet *κραιώδης in cornuta esset*; & Hieronymus linguarum peritissimus in cap. 6. Amos, inquit: *In Exodo juxta Hebraicum, & Aquilæ editionem legimus, Et Moyses nesciebat, quia cornuta erat species vultus ejus.*

Quod nostri Interpretes ac Doctores non adeo sint imperiti, ut nesciant his verbis, *Cornuta erat facies Moyſi*, significari splendorem vultus ejus, & cornua Moſis metaphorice esse accipienda; viderit qui ipsorum libros perlegerit. Observavimus Glossam Interlinearem, Catenam in Exodum Lippomani, Cornelium a Lapide, Emmanuelem Sa, Augustinum Calmet, alios: nec adinvenimus ullum adeo simplicem, qui credat cornua Moſi erupisse. Ipse Amama fatetur optime interpretatos hunc locum Steuchum, Cajetanum, Oleastrum, Sixtum Senensium, Bellarminum, ac D. Thomam. Itaque nostri in hoc puncto non de sensu verborum cum Hæreticis pugnant, sed de puritate versionis. Idcirco perperam nobis obſeſtant Versionem LXX., qui sensum quandoque secuti reddiderunt, *ἐκδιέξατο ἡ ὄψις τοῦ χαρίος τοῦ προσώπου αὐτοῦ: Clarificatus est conspectus coloris faciei illius*: ad quam versionem videtur respexisse Paulus 2. ad Corinth. 11. 7. Nos enim ultro concedimus Moſen fuisse in monte clarificatum, & miro splendore circumdatum: at id optime coheret cum allatis verbis ex capite xxxiv. Exodi.

Ut de picturis Patriarchæ Moſi nonnulla dicamus; proferunt Guilelmus Schikardus, & Jo. Seldenus perantiquum nummum Moſis auribus tenus cornuti cum inscriptione torqui addita **מֹשֶׁה** *Moses*: in postica autem sunt verba illa Decalogi **אֵל יְהוָה לֹךְ אֱלֹהִים עֲלֵינוּ** *Non habebis Deos alienos coram me*. Observarunt & in lamina aeris cornua haberi arietina. Num procui hi nummi a Judæis res est valde incerta; vetustas autem nullus negat. Hujus imaginis rationem asserunt, quod Cornua in sacris literis majestatem significant, regiam potestatem, invictam animi fortitudinem, & gloriæ magnificentiam. Similia scribunt Bartholius de Unicornu cap. 1. & Hottingerus de Nummis Orient, pag. 136. Magnum quoque Alexandrum nummi exhibent cum Cornibus arietinis ob potestatem ac fortitudinem. Hinc dictum putant Arabice *Dul-Karnaim*. Extat his confimile saxum in Musæo Capitolino Clementis

mentis XII. munificentia exornato poſtrema in aula, referens Alexandrum eodem pacto cornutum. Non ergo ex imperitia Pontificiorum interpretum, ut ſcriptitant hæretici alii, neque ex corrupta lectione Vulgatæ, ſed ex priſca conſuetudine prodiit in ſimulacris & piſturis Moyſes cornutus, in ſymbolum poteſtatis, & gloriæ. Talem nobis ſculpiſit Moyſen celeberrimus Bonarrota in ſtatua adhuc Romæ ſervata, in Templo D. Petri ad Vincula; ne illam credas vulgariū Opificum conſuetudinem. Ita nobis facile commovere, ut phraſi utar Tullii, cornua diſputationis, quibus nos petunt Heterodoxi.

Quæſtio VI. eſt, an Moyſes fuerit primus literarum inventor, ut opinantur Poſſevinus, Jo. Mariana, Rupertus, & P. de la Haye in Prologom. Bibliorum, Seſſ. V. cap. 2. Reſpondendum eſt negative cum Auguſtino lib. 18. de Civit. Dei cap. 39. Etenim 1. de Moyſe ſacri libri teſtantur, fuiſſe eruditum *omni ſapientia Aegyptiorum*. Act. vii. 27. quod falſo putant factum ſolis literis hieroglyphicis. Quandoquidem alphabeticas etiam apud Aegyptios extitiſſe ante Moyſen, liquet primo, quod imperceptibile ſit omnem Aegyptiorum ſapientiam ſolis hieroglyphicis literis traditam. Deinde Nicolaus Damascenus, & Joſephus lib. 1. Antiq. ſcribunt ab Abramo & Chaldaïs arithmeticam & aſtologiam in Aegyptum perveniſſe: & ante Aegyptios cultas hæſcentias ab Aſſyriis auctor eſt Proclus in Timæo. Legimus præterea apud Simplicium Comment. 46. in lib. 3. de Cælo Ariſt., Obſervationes Aſtronicas, quas Calliſthenes e Babilone miſerat, fuiſſe annorum 1093. eaſque etiam Porphyrius reſert uſque ad Alexandri Macedonis tempora fuiſſe ſervatas. Illarum vero initium erat paullo ante turris Babilonicæ ſtructuræ, & circa annum, ante Abrahamum, ducentiſimum. Certiſſimum eſt etiam Cadmum Phœnicem genere prima Grammatices elementa Græcis tradiſſe accepta a Chaldaïs, ut ſerſbit lib. v. Diodorus, & in lib. de Regibus Judæ Eupolemus. Orta hinc opinio Phœnices literarum fuiſſe inventores. Joſeph quoque lib. 1. Antiquit. cap. 3. commemorat columnas duas, quarum una ad ſuam uſque ætatem perſiſtebat, ubi rerum cæleſtium diſciplinæ, & curſus aſtrorum deſcripſerant homines Antediluviani.

Probat 2. nam in Epiſtola Canonica Judæ v. 14. laudatur liber Henoch his verbis: *Prophetavit autem & de his ſeptimus ab Adam Henoch*, & exſcribitur ſtatim prophetia. Unde Auguſtinus cit. libro de Civit. Dei cap. 38. Enochum quædam divina ſcripiſſe non dubitat: atque idem eſt iudicium Tertulliani in libro de Habitu mulierum. Reſpondent librum Enoeh eſſe apocryphum. Ita eſt: at non inde ſequitur Enochum nihil ſcripiſſe. Etiam ex libris apocryphis, iis videlicet, qui non ſunt undecunque exploratæ auctoritatis, licet certum hæbanc auctorem, teſtimonia quædam collegerunt Scriptores ſacri. Comperit eſt Paulum Apoſtolum produxiſſe verba ex Arato Gentilium Poeta, Si-

monide Cretensi, & Menandro. Hujusmodi est illud Act. xvii. 28. τὸ γὰρ ἡμεῖς θεοὶ ἐσμέν, *Ipsius enim & genus sumus*, quod constat ab Apostolo desumptum ex Poeta Cilice concive suo. Menandri in Thaïde est trimeter ex spondeis & jambis, qui legitur in 1. ad Corinth. xv. 33. ἐδίδουν ἡδὲ χερσὶ ἐμυλίου κακὰ, *Corrumpunt mores bonos colloquia mala*. Quod legitur ad Titum 1. 12. κῆρυξ αἰὶ ψεύδαι, *Cretenses semper mendaces*, Carmen est Epimenidis, & Calimachi citatum a Favorino. Ex quibus colligitur perperam a plerisque Epistolam Judæ rejectam, quia ex libro Enoch desumit testimonium, ut in Catalogo Scriptorum Ecclesiasticorum scripsit Hieronymus. Fatemur ergo librum Enoch non esse in Canone divinarum Scripturarum, & negamus Enochum aliqua non scripsisse. At de Moyse cum hoc capite, tum præmissis disputationibus, & scriptiunculis nostris dictum satis.

C A P U T VIII.

De distributione, atque interpretatione Decalogi.

SUMMARYUM universi Juris esse Decalogum recte animadverterat qui libros Philonis de hoc ipso argumento editos, inscripsit, τὰς τῶν θεῶν διατάξεις, ἢ ἐντολάς νόμους θεῶν. Haud bene ergo ab iis factum, qui Theologicas disciplinas tradentes Tabulas testamenti prætereunt. De his parce saltem differere volumus, quædam cursum attingentes, non trita penitus, & communia. Nam quæstiones Scholastica methodo pertractandas, solitas de nonnullis præceptis moveri, ad libros proximos de humanis Officiis, ne hic nimium excre scat, putavimus rejiciendas.

Itaque *Decalogum* dictum comperimus, quasi *Decem verba*. Est autem *Verbum* in sacris literis non solum quælibet vox significativa, sed & per analogiam interdum accipitur pro re gesta, aut gerenda, ut dicitur liber uterque Paralippomenon, seu Chronicorum, ob recensitionem rerum gestarum priscis Judæorum temporibus, hebraica lingua, *Verba dierum*, דְּבָרֵי הַיּוֹמִים. Sic accipitur Græcum, ῥῆμα Lucæ 11. 15. & ἀγὼς ad Rom. 1x. 28. Aliquando significat sententiam aliquam, ut Marc. xi. 29. *Interrogabo vos & ego unum verbum, & respondete mihi: Baptismus Joannis de celo erat, an ex hominibus?* Utrouque sensu arbitramur dictum esse Decalogum, videlicet ob decem sententias Domini, ac præscriptiones rerum agendarum: unde Auctor *Quæstionum veteris & novi Testamenti* inter Opera Augustini, *Decem sententias* (inquit q. 7.) *decem verba appellavit*.

Quomodo decem præcepta duabus in Tabulis fuerint distributa; vix possumus divinare; probabilior tamen est sententia Augustini, quæ jam

jam inter Catholicos communis evaſit, talem fuiſſe partitionem, ut una Tabula tria ad Dei cultum pertinentia contineret, altera ſeptem reliqua ſpectantia ad proximi dilectionem. Adverſus quam diſtributionem nihil ſolidi crepant animadverſiones Petri Martyris in caput VII. Epistolæ ad Romanos, aliorumque hæreticorum. Prima ergo partitiſt, quam Judæi quidam tradiderunt poſt Joſephum lib. III. Antiquit. cap. 8. & Philonem in Expoſit. Decalogi, in utraque tabula quina præcepta diſtribuens. Alteram tenet Hieronymus, ac poſt eum complures, opinantes præceptum de non faciendis ſimulacris, eſſe ordine ſecundum, ac diverſum a primo, *Ego ſum Dominus Deus tuus, qui edu-xi te de terra Aegypti*; ita ut prior tabula quatuor præcepta comprehendat, ſex altera, factſo uno de duobus poſtremis prohibentibus concupiſcentiam uxoris, & rerum alienarum. Tertia eſt communiter poſt Auguſtinum recepta, quam ſupra innuebamus; de qua vide Epistolam ad Januarium cap. III. Sermonem 9. de decem Chordis ſive 96. de Temp. cap. 5. lib. III. Confeſſ. cap. 8. &c. Diviſio hæc Auguſtini eſt ceteris probabilior, ſi tria facile percipiantur: primo in una Tabula fuiſſe ea quæ pertinent ad Dei cultum, & dilectionem; in altera autem quæ referuntur ad proximum: deinde præceptum de non habendis diis alienis eſſe ordine primum, & conſequenter ad Deum tria tantum, non quatuor præcepta referri: tertio, quod ex hoc conſequitur, cum VII. alia ad complendum denarium numcrum inveniendæ ſint, nonum ac decimum præceptum eſſe diverſa.

Primum demonſtratur; nam Matth. XXII. 38. & 39. & Marc. XII. 30. & 31. duo tantum dicuntur præcepta legis, *Diliges Dominum Deum tuum, & Diliges proximum tuum*. Id vtro ſi dictum eſt propter diſtinctionem tabularum; conſtat omnia quæ ſpectant ad cultum Dei in prima tabula, & omnia quæ referuntur ad amorem proximi in ſecunda tabula fuiſſe conſcripta: ſi autem duo tantum commemorata ſunt, quod hæc ſint veluti genera & capita ceterorum; nemo non videt, quam congruum magis, & longe probabilius ſit, quæ ad diverſa genera pertinent non fuiſſe permixta. Mitto, quod Ambroſius, Beda & alii interpretantur verba Apoſtoli ad Eph. VI. 2. *primum in promiſſione*, primum tabulæ poſterioris. Conveniunt circa hanc diſtributionem Chriſtiani omnes, etiam conſeſſione Voſſii diſput. 24. Leidenſi Theſi 3.

Mandatum vtro, *Non habebis Deos alienos coram me*, eſſe ordine primum, liquet; nam in iis, quæ præcedunt, *Ego ſum Dominus, &c.* eſt oratio enuntiativa, nullumque verbum ibidem eſt imperativum, ſeu præceptivum. Eſt ergo præſatio quædam ad Decalogum, Majeſtatem, ac beneſcentiam Dei, cui obtemperandum eſt, denunciâns. Conſe-quens autem ſententia de non faciendis ſculptilibus numerum cum præcedenti non facit; quandoquidem quiſquis idola fingit ad adorandum eo cultus genere, qui ſummo Numini debitus eſt, jam Deos ha-

het alienos coram Domino . Accedit S. Patrem Augustinum Serm. de decem chordis cap. 6. in tribus præceptis prioris tabulæ insinuatam putare quendam imaginem Trinitatis .

Duo postrema distinguenda esse jam constat; nam alioquin denarius non esset numerus præceptorum . Atque distincta sunt 1. ut duobus præceptis prohibentibus illicitos exteriores actus in mulicrem , & in rem alienam , sexto scilicet & septimo , corresponderent duo alia ad coercendam concupiscentiam . II. quia cap. 20. Exodi v. 17. videtur duplex sententia distingui , repetito verbo , *Non concupisces , non desiderabis* , tametsi Deuteronomii v. 1. 2. unica appareat . III. quoniam alia est ratio boni delectabilis , alia boni utilis : quorum concupiscentia postremis illis præceptis prohibetur .

Hæc cum probabilia sint ; Augustinus non omnino repudiat sententiam eorum , quibus potius placet in prima tabula quatuor contineri mandata , ut quod dictum est , *Non erunt tibi Dii alieni* , diversum videatur ab illo , *Non facies tibi sculptile* ; & consequenter unum sit , *Non concupisces uxorem proximi tui* , & , *Non concupisces domum* , &c. Docet tantum partitionem aliam *videri sibi congruentiorem* ; quoniam , *revera quod dictum est* , Non crunt tibi Dii alieni præter me , *hoc ipsum perfectius explicatur , cum prohibentur colenda signenta* . Legito questionem in Exodum LXXI. Imo lib. 111. contra duas Epistolas Pelag. cap. 4. videtur in aliam sententiam declinare , quam certum est plures habere assertores , ut Augustinus ipse observat memorata q. LXXI. super Exodum . Dum ergo scribit Petrus Martyr cit. loco : *Miror quosdam , inter quos etiam est Augustinus , ex uno mandato duo facere voluisse* , idest , de duobus ultimis ; iniquus est æstimator ; quoniam nec Augustinus penitus rejicit sententiam alteram , nec minus probabilis est , quam amplectitur . At , inquit Hæreticus , si ad numerum carum rerum , quas concupiscimus , multiplicata sunt præcepta , ex uno infinita quodammodo faciemus . Inepte prorsus : non enim distinguuntur præcepta juxta numerum rerum quæ appetuntur , sed juxta genera bonorum , in quæ fertur illicita concupiscentia . Sunt autem hæc , ut diximus , aut delectabilia , aut utilia . Honestæ quippe nefas non est concupiscere . De partitione Decalogi hæcenus .

De præceptorum ordine hoc duntaxat controvertitur , an præceptum , *Non mæchaberis* sit revera sextum , an quintum . Ponitur enim ante illud , *Non occides* , in vetustis Codd. Græcis cap. vicessimo Exodi . Item Marci x. 19. Lucæ xvi. 11. 20. Et in Epist. ad Rom. xiii. 9. Itætiæm habet Augustinus lib. 111. contra duas Epist. Pelag. cap. 4. & Serm. 148. de Temp. Sed arbitramur præceptum de non occidendo esse priori loco ponendum . Etenim hunc ordinem servat nostra Vulgata Exodi xx. & Deut. v. Tenet eundem Codex Hebraicus , Josephus , Philo locis cit. Chrysostomus hom. 49. in Matth. , alii complures . Habetur tamen
alius

alius ordo in quibuſdam Græcis Verſionibus , atque apud Patres , fortaſſe conſulto variatus ob ſeditatem , & ſumma mala , quæ inferit mæchia , non ob errorem , ut quidam putaverunt , Lxx. Interpretum . Qui eandem ſeditatis rationem habere potuerunt , quam habuit Marcus Evangeliſta cap. x. & Apoſt. cap. x i i i . ad Rom. Nam Lucas juxta . Leſt. Vulgatæ , quemadmodum & Matthæus x i x . 18. tenent ordinem primum & perantiquum . Variant Græca Lxx. Interpretum : nam quibus uſus eſt Philo , Complutenſia , & recentiora ordinem tenent Hebræum : diſcrepant Vaticana .

DECALOGI EXPLANATIO.

Præmittuntur Decalogo hæc verba : *Ego ſum Dominus Deus tuus , qui eduſi te de terra Aegypti , de domo ſervitutis* . Brevis eſt ad legem præſatio , ſed vere divina . Proponit enim ineffabilem ac ſingularem Dei præcipientis majeſtatem tetragrammato nomine יהוה , Dominus . Demonſtrat & ſummum illius imperium ac poteſtatem altero vocabulo Elohim אלהים , Deus . Vide noſtram horum nominum interpretationem lib. i i . cap. i . Inſinuat & divinitatis myſteria , quæ ſub his latere demonſtravi initio librorum de Trinitate . Addit Tuus , & ut demonſtret ſe peculiari titulo Deum eſſe Judæorum , ac maxime nunc Chriſtianorum ; atque ut oſtendat ſe unitatis numero ſingulos alloqui . Commemorat recentiora beneficia , quibus ſibi obedientiam ſubditorum magis devinciat .

I. P R A E C E P T U M .

Tam ſublimi præſatione poſitâ , ſic ſtatuit : *Non habebis Deos alienos coram me . Non facies tibi ſculptile , neque omnem ſimilitudinem , quæ eſt in cælo deſuper , & quæ in terra deorſum , nec eorum , quæ ſunt in aquis ſub terra* . Prohibetur hoc priori mandato quilibet cultus idolorum , aut fiat adoratione , aut ſacrificio immolationis , aut ſuffimento , aut libamine , aut ritu peculiaris numinis commentitio . Alieni autem dicuntur Dii gentium a Domino , vel naturâ , ſi ſint res creatæ ; vel figmento , ſi ſint opera manuum hominum . Quod Latine legitur *Coram me* , eſt Hebraice כנגדי , *Super faciem meam* . Eapropter Græcus in Exodo cap. xx. v. 3. reddidit , ἵνα ὤψω , quæ particula habet hanc vim ſignificationis , *Non habebis Deos alios , ſed tantum me* . Ideo recte Theologi noſtri præceptum non ſolum negative accipiunt , ut nefas ſit colere quodcumque idolum ; ſed & poſitive , ut exhiberi debeat Deo omne ſpecimen divini obſequii , puta ſacrificium , religioſum cultum , corporis animique inclinationem , & aſtus Theologalium virtutum . At cap. v. Deuter. v. 7. eandem particulam כנגדי vertit Græcus

cus Interpres, *οὐκ ὁραῖται μου*, & Latinus pariter, *in conspectu meo*: qua phrasi prohibetur quælibet etiam occultissima cordis idololatria; quoniam nec cogitationes nostræ sunt Deo absconditæ. Ex quibus liquet legitimum Dei cultum non esse, qui exteriori tantum actu exhibetur.

Dicendum modo, quid sint sculptilia, & similitudines vi hujus præcepti prohibita. Pro *sculptili* habet Hebræus Codex *פסל*. Est autem *פסל*, idem ac *dolavit*. Ergo non tantum prohibetur erectio simulacrorum, sed etiam quadrati ac perpoliti lapidis positi ad religiosi cultus testimonium. Nam veteres in lapide quadrato coluisse Venerem testatur Pausanias in Corinthiacis. Prohibemur similiter erigere cippum, columnam, aut monumentum aliud dolati lapidis, aut ligni; quippe & usu stipitem cultos Deos auctor est Philo Byblius. Quare Deut. 16. 22. ubi præcipitur, ne erigatur statua, posuerunt Hellenistæ, *ἑτάλω*. Pro *sculptile* vero in cap. xx. Exodi habent Græci, *ἰδωλον*, *idolum*: at Deut. v. *γαυττιν*, *sculptile*. Et *γαυττιν* quidem significationem habet eandem, ac *פסל* a verbo, *גלפתי*, *lapidem polire*, ac *dolare*. Idolorum significare putant quamlibet imaginem hæretici complures, maxime Henricus Stephanus, & Scapula. Non designare nisi inanis, ac fictæ rei similitudinem demonstrant Classenius lib. 1. de Theologia Gent. & quos ille commendat, Vossius, Menochius. Addamus Lirinum ad Cap. 6. Deuteronomii id aperte probantem ex verbis Pauli 1. ad Corinth. v. 11. v. 4. *Nihil est idolum in mundo*: quod nec prætermisit Classenius. Est ergo revera idolum, simulacrum fictam repræsentans divinitatem: unde *Idololatria*, idest, cultus, atque adorationis a Creatore ad creaturam translatio. *Similitudines* ergo quid erunt? Profecto non qualescunque imagines, ut falso quidam interpretantur, sed genus aliud idolorum. Cum enim, ut vidimus, *Sculptile* significet statuam ex ligno vel lapide, aut quæ fiat scalpulo, vel dolatura; prohibenda etiam erant idola reliqua, quæ constantur, aut pinguntur: ac propterea additum est, *Neque omnem similitudinem*. Quoniam vero adeo desperunt gentiles, ut cultum exhiberent soli, lunæ, astris, avibus, arboribus, stipitibus, piscibus, ut diximus de Origine idololatriæ; horum omnium inaniam Deorum idola verbis sequentibus prohibentur.

Ex hac nostra primi præcepti explicatione planissimâ, uti credimus, apparet Hebræis non alium statuarum, atque imaginum usum fuisse interdictum, quam idolorum. Quare miramur tantas in Scholis versari opiniones, ut acerrime quidam propugnent Judæis omnem prorsus sculpturam, atque imaginem fuisse vetitam; quidam alii, permissas duntaxat imagines rerum per se non extantium. At bene prorsus Augustinus docens verbis illis, *Non facies tibi sculptile, &c.* perfectius præcedentia explicari, & prohiberi *colenda figmenta*: & S. Thomas 3. p. q. 25. art. 3. scribens, *quod non prohibetur illo præcepto facere quam-*

quancunque ſculpturam & ſimilitudinem , ſed facere ad adorandum . . Hanc ſententiam argumenta iſta confirmant . I. Vidimus , ut imagines , & ſimulacra , ita verbis legis prohiberi quadratos lapides , columnas , cippos , ſtipites , & figuras aſtrorum , ſtirpium , elementorum , herbarum , rerumque creaturarum omnium . Nam & dolatum lapidem aliquando eſſe titulum divini honoris evincunt cum Gentilium teſtimonia , tum ſaxum erectum a Jacob Gen. xxxv. 14. Atqui nullus dixerit vetitum , fuiſſe Judæis erigere lapides , ac ſtipites , dummodo id non facerent cauſa cultus extranei , uti fecerunt ad tumulos Jordanis filii Ruben & Gad , Joſ. xx i . 10. Igitur nec vetitum eſt habere imagines ac ſtatuas , ſi hæc eadem idololatriæ cauſa non interſit . II. Nonne Cherubim ſculpta fuerunt juxta latera arcæ , & juveni in mari æneo , leones quoque ad Salomonis thronum ? Faſta hæc , inquiunt , Dei juſſu , nec figuræ erant rerum per ſe ſtantium . At Dei quidem juſſum cum in his , tum in aliis omnibus ad ſtructuram templi pertinentibus interfuiſſe concedimus , diſpenſationem vero negamus . Res autem etiam per ſe non ſtantes , imo & lapidem & cylindrum , & ſculpturam quamlibet eſſe aliquando idolum , liquet ex diſctis : ideoque ſi prohiberentur imagines rerum per ſe ſtantium , quod poſſint eſſe ſimulacra Deorum , deberent abſolute inhiberi ſculptilia quælibet abſque ullo diſcrimine . III. Oppoſita ſententia repugnat Judæorum hitoriis . Nam 1. Regum cap. x i x . 13. legitur Michol uxorcm Davidis poſuiſſe ſtatuum hominis ſuper lectum , eamque cooperuiſſe pelle caprarum . Non deerant ergo ſimulacra in domo Davidis , cum juſtus eſſet ac innocens . Deinde ex libro Joſephi xv. Antiq. cap. 2. habetur Ariſtobolus , & Mariamnem lubenter paſſos , ut pingerentur , illorumque imagines a Dcllio miſſas ad Antonium . . Certum præterea eſt in Agrippæ Palatio ſtatuas filiorum ejus fuiſſe locatas . Videantur eruditæ Notæ ad librum 1. de Bello Judaico cap. 33. poſtrema elegantiffimæ editionis Hudſoni . IV. Revincitur ex nummis Hebraicis . De nummo Moſis pertractatum ſuperiori capite . Apud Villalpandum p. 2. Apparatus Urbis & Templi lib. 2. diſp. 4. cap. 27. extat nummus M. Antonii cum ipſius imagine , & inſcriptione , שלמה מלך , *Salomon Rex* . Putant quidem nonnulli peregrinum , non ab Hebræis procuſum : at id non probant . Imagines non protuberantes , ideſt , inciſas in numiſmatibus Judæorum fuiſſe , conſentiunt docti omnes . De protuberantibus negant aliqui , ſed immerito . Sicli a Judæis procuſi ante captivitatem ſculptum habent ex una parte vaſculum , ex altera virgam floſcentem . Sed quid de nummis in uſu habitis ætate Chriſti ? Sculptam in his imaginem Cæſaris liquet ex cap. xx i . 20. Matthæi . Adverſarii putant ſe facile ab hac obſeſſione expedire , dicentes Hebræos , cum ſui juris non eſſent , uſos propter neceſſitatem moneta Romana . Verum nihil plane dicunt . Nam cum ſint Judæi præceptorum ſuorum rigidiffimi obſervatores , ſi numiſma cum Imagine Cæſaris exiſtiſaſſent

sens legē interdictum, numquid ipsi manibus contactassent? Id quidem nullo pacto. Deinde, cum nummi illi haberent superscriptionem hebraicam; falsum est fuisse moneta Romanam. Insuper nulla ratione Judæi coerceri potuerunt, ut paterentur necessitatem, quando Pilatus Imagines Cæsaris in urbem intulit, ut narrat Iosephus lib. 2. de Excidio Urbis cap. 8. nec quando posita est Aquila aurea super portam majorem Templi, quod narratur ab eodem Histor. lib. 17. Antiq. cap. 6. Igitur nec propter necessitatem contactassent numismata Cæsaris, quod agnovissent legē interdictum.

At iniqui Adversarii. Hæc ficta de imaginibus Cæsaris, & de Aquila aurea demonstrant abjecisse Judæos omnem promiscuē imaginem. Hoc fortasse præcipuum ipsorum argumentum. Cui, ne a Iosepho recedamus, accedit, quod Historicus ipse lib. vii. 11. Antiq. cap. 7. ait, Salomonem peccasse, quando hominum æncorum simulacra fecit mari subitus attollendo, & leonum effigies suum circa solium. Hæc obiectio ne nihil penitus commovet. Nam Aquilam auream scribit illæ fuisse consecratam, *Dedicaverat (inquit) ingentem & magni pretii Aquilam ex auro. Lege autem vetitum est iis, qui volunt ex ejus institutis vitam agere, & quidquam cogitare de imaginibus erigendis, operamve dare simulacris consecrandis.* Non ergo excitantur Judæi turbas, quod rejicerent omnem imaginem; sed quia appositum erat templo simulacrum *consecratum*. Tales esse imagines Cæsaris non sine fundamento suspicabantur, & quia Romani Cæsares inter Deos referebant, & quia Pilatus illas Jerosolymam intulerat clam, & velatas. Nam signa & vexilla militaria, utique varie picta, passi sunt æquo animo. Ergo nulla alia de causa simulacra aspernabantur, nisi ob cultum extraneum. Nec refert asserere Iosephum, quod Salomon peccaverit. I. quia tot aliis jam productis locis scribit, vetitum in lege tantummodo ne consecrarentur idola. Imo lib. 3. Ant. cap. 5. explicans præcepta Decalogi, id unum isto mandari affirmat, *nullius animalis simulacrum adorandum*. II. quia forsitan opinatus est jamdudam Salomonem ad idololatriam inclinasse, quando sculpsit juvenecos, quod viderentur ei referre numina Aegyptiorum, & vestigium aliquod esse antiquæ idololatriæ. III. quia, etsi id Iosephus credidit, omnium consensione falsum est; & Dominus omnia Salomonis ad Templi ornatum opera comprobavit, non redarguit. IV. quia Iosephus Phariseus erat. Et Phariseorum severior erat disciplina: unde hi ad majorem cautelam, ne fieret cuiusque animalis simulacrum, prohibuerunt. Quod servarunt etiam Hebræi Alexandrini, etiamsi communis opinio esset Legi imagines & statuas non adversari. Hinc a civitatibus Judæorum Statuarii & Pictores arcebantur, *ne occasio præberetur hominibus crassis*, ut inquit Origenes lib. 4. contra Celsum, Philo in libro de legat. ad Cajum, & Tacitus lib. v. Histor. Sed hæc erat æconomia quædam, & rigidior disciplina quodammodo

modo Populo illi ad idololatriam prono neceſſaria; non ut quidam putant, expreſſa vis divini præcepti: de quo ſatis.

II. P R A E C E P T U M.

Sequitur Exodi xx. 7. mandatum alterum, *Non assumes nomen Domini Dei tui in vanum, nec enim habebit inſontem Dominus eum qui aſſumpſerit nomen Domini Dei ſui fruſtra*. Aſſumere nomen Dei eſt hunc tanquam teſtem ac fidejuſſorem invocare, aut alia ratione Dei nomen proferre: quod ſi reverenter fiat, religioſum eſt, neque alicui prohibetur. Cavendum ergo, ne aſſumatur *in vanum*. Poſtremæ huius vocis præcipua ſignificatio eſt, ne id fiat mendaciter: quod frequenter denotat Hebraica dictio לשווא, quæ iſtic habetur. Principio itaque prohibentur perjuria, ideſt non ſtare juratis, aut irrita facere juramenta, nec non falſum obteſtatione divini nominis confirmare. Item fallere verbis expectationem eorum quibus juratur, ſive ambiguitate ſermonis, ſive qualibet mentis alienatione. Idem præterea eſt illud *in vanum*, ac temere, inconſulte, ſive abſque iudicio & ratione: ideoque verterunt aliqui, *ſine ſilio*, ſine conſilio. Graviter propterea peccat quiſquis jurat temere & abſque neceſſitate. Valet inſuper ea vox *in vanum* idem, ac inani nixu, ideoque habent Græci hoc loco *κατὰ*, *incaſſum*. Ex his liquet licita juramenta tunc fieri, quando juratur *in veritate*, & *in iudicio*, & *in juſtitia*, ut ait Jeremias iv. 2. Atque has conditiones pertractantes de Theologia Morali appellant Comites juramenti. Deerit itaque juramento *veritas* ſi fiat mendaciter, *iudicium* ſi pro re levi, *juſtitia* ſi abſque conſilio atque pro re illicita. Aſſumunt Dei nomen *in vanum* & qui, licet non dejerent, irato animo & polluto ore divina, & ſacra pronunciant. Quos Dominus arguit Levit. xxii. 32. dicens, *Ne polluatis nomen meum ſanctum*.

Joſephus libro 4. Antiq. & Philo lib. 3. de vita Moſis, ſcribunt illicitum eſſe blaſphemare Deos, quos colunt civitates Gentilium. Idem ſentiunt Judæorum alii, quod etiam ſimulacra Gentium habeant Dei nomen, atque Exodi xxii. 28. ſcriptum ſit: *Dii non detrabes*. At erant craſſo errore. Nam ſimulacra Gentium immerito Dei nomine deſignantur, & nunquam tetragrammato, ac proprio: ſed, ut verbis utar Apoſtoli i. ad Corinth. viii. 5., ſunt *ἀνθρώπων θείων*, ideſt, Deorum nomine venditantur. Dii vero, quibus non eſt detrahendum, ſunt Rectores ac Judices, de quibus in Pfal. 81. *Dens ſtetit in ſynagoga Deorum, in medio autem Deos dijudicat*. Judices ac Princeps appellantur frequenter *אלהים*, *Elobim*, eo quod debeant iudicium Domini exercere, ut in 2. Paralip. cap. xix. 6. At Dii Gentium nihil habent cum vero Numine affinitatis: & illud jure merito Exodi xxi. 11. 13. cautum eſt, *Per nomen externorum Deorum non jurabitis*. Idola ſigmen-

ta sunt, atque abominationes hominum. Ut figmenta nequeunt esse testimonium veritatis: ut abominationes, sunt probris, maledictissime dignissima.

Assumentes in vanum Dei nomen dicitur Dominus non habere infantes. Legit Augustinus Sermone de decem plagis: *Qui enim acceperit nomen Domini Dei sui in vanum, non mundabitur*. Rationem affert dicendo, *Quia veritas mundat, vanitas inquinat*. Videtur ea lectio sensu a Vulgata non discrepare, nec ab Hebræa, quæ habet, *לֹא יַכְרִימֶנּוּ*, *Non faciet innocentem*. Est autem *non facere innocentem*, sive *non habere infantem* illud idem, ac pœnam sumere, & punire gravissime. Est igitur huic præcepto comminatio pœnæ adjuncta. Vide quæ scripsimus in fine dissertationis de H. Janseniana.

III. P R A E C E P T U M.

Tertium ad hunc modum se habet: *Memento, ut diem Sabbati sanctifices*. Alia ratio est, cur Deus festi sanctificationem præscriperet, alia cur dici septimæ. Prima colligitur ex verbis versu 11. sequentibus, ut scilicet in specialem cultum Creatoris mentem, animumque intendamus: nam idcirco eo loci creationis sex diebus peractæ opera commemorantur. Altera inde deprehenditur, quod Sabbato Dominus ab omni opere dicitur requievisse, unde & septima dies *Sabbatum* appellata est, videlicet, *שבת*, *requies*: ad arcendumque ab idololatria populum, & significandam requiem Sanctorum dirigitur hæc institutio. Cum enim lex data est, a gentibus creaturis cujuscumque generis impendebatur latría soli, lunæ, astris, elementis, piscibus, plantis, hominibus. *Factum est igitur, dum Sabbato cessant, ut divinitatis sensus Israelitis incuteretur, & naturam omnium opificem & efficitricem intelligerent*, inquit Hom. 6. de Pasch. Cyrillus Alexandrinus. Ne ergo crederet rudis populus diem sanctificari ob cultum rerum creaturarum, festum dici, quæ nihil creatum est, opportune fuit alligatum. Hinc recte designabat Dominus Hebræorum solemnia hisce appellationibus, *Sabbatu mea*, quoniam signa erant illum tantum esse Dominum Deum; ut habetur in Ezech. cap. xx. 20. Atque Sabbati observatione fecernebatur Judæus ab idolorum cultoribus: unde Ovidius in 1. de arte amandi, *Culta Palestinò septima festa viro*. Erat & Sabbatum typus liberationis, & requiei Sanctorum, a captivitate primum dæmonis, deinde ab ergastulo carnis: quorum origo est Domini sepultura. Legitur iccirco Joan. vii. 23. totum hominem sanatum *in Sabbato*. Lex igitur quantum spectat ad septimæ dici determinationem, temporaria, est, atque abolita idololatria, impletisque figuris, in diem primum commutanda. In qua præter beneficium creationis, memoria colitur completa redemptionis, mortisque devictæ. Ex his autem constat hoc præce-

præceptum, ut in ſuperioribus dictum eſt, fuiſſe ex parte cæremoniale.

Ut Feſta ſanctificentur oportet abſtinere ab omni opere, quod a divino cultu poſſit avertere. Quare Auguſtinus Tract. 3. in Joannem ait: *Spiritualiter obſervat Sabbatum Chriſtianus populus abſtineus ſe ab opere ſervili. Quid eſt enim ab opere ſervili? A peccato. Et unde probamus? Dominum interroga: Omnis qui facit peccatum, ſervus eſt peccati.* Similia docet de Spiritu & lit. cap. 15. Semper ergo incumbendum eſt, ne operam demus commeſſationibus, ebrietatibus, & flagitiis reliquis: at feſtivo præſertim tempore. Videtur tamen his verbis, *Memento, ut ſanctifices*, viſ quædam ineſſe præſcriptiva operum ſanctarum; & ideo ſat non eſt evitare peccata, niſi & Sacra peragantur, & inſiſtatur etiam in conventu Eccleſiæ ſtatutis ſupplicationibus.

Quantum attinet ad abſtinentiam ab operibus ſervilibus mirum eſt quanta fuerit, atque adhuc ſit Judæorum ſuperſtitio. Conſent non exprimendam veſtem maſeſactam, non venandum pulicem ſaltantem, non ſubtrahendas elitellas aſino, non compeſcendum puerum a ſletu, non ſcindenda ligna, non eripiendam ſubſtantiam ab incendio, non ſternendum leſtum, non ludendum nuce, aliaque plura recensita ab Apoſtata Munſtero. At hanc ſuperſtitionem optime redarguit Chriſtus Dominus Matth. xxi. a verſu 3. ad 9. refutatque exemplo Davidis, qui eſuriens panes propoſitionis comedit, & Levitarum, qui ſine crimine Sabbati otium violabant. Quæ itaque pertinent aut ad humanæ vitæ neceſſitatem, aut ad ornatum templi & celebratam feſtorum, aut ad pietatis officia, ut ſiant die feſto lex divina non vetat.

Conſuetum fuit Hebræis Sabbato extra mœnia urbis recreationis cauſâ deambulare. Spatium itineris definitum tradunt ab his mille paſſus, aut ſeptem ſtadia, plus, minus. De monte Olivarum legimus in Act. Apoſt. cap. 1. v. 12. *qui eſt juxta Jeruſalem, Sabbati habens iter.* Diſtantiam hanc eſſe duo millia paſſuum ſcribit D. Hieronymus in Epist. ad Algaſiam. Septem ſtadia habet Syrus, dimidium Leucæ, ſive miliarium Lyranus, nec veteres omnino conſentiunt in ſtadiorum finienda diſenſione, aut longitudine milliarii. Hoc unum colligimus, antiquam eſſe Judæorum Sabbato inambulandi conſuetudinem, recreandi animi gratia. A nobis quæcumque obſeſtatio, quæ a Dei cultu per ſe avertat, eſt ſedulo removenda; cujuſmodi ſunt ſpectacula, choreæ, bacchanalia, & quæcumque feſtorum inſtitutioni jam expoſitæ non conveniunt.

IV. P R A E C E P T U M.

Quantum eſt autem, *Honora Patrem, & Matrem*, Exod. xx. 12. *Primum* iſtud appellatur ab Apoſt. ad Eph. vi. 2. & *quoniam primum eſt in ſecunda Tabula*, ut Auguſtinus ait ſem. de x. Chord. cap. 6., & quia

primum est *in promissione*, inquit ibidem Apostolus, ob repromissam observantibus peculiarem benedictionem. Ad secundam autem Tabulam relatum est, *propterea quod honor parentibus in gradu suo servandus est, sed eos tamen in divini honoris comparatione, præsertim si impedimento sint, debemus contemnere*, inquit S. Pater cap. 6. contra Adimant. Ex his divinam intelligimus sententiam Lucæ xiv. 26. *Si quis venit ad me, & non odit patrem suum, & matrem, &c.* Odium quippe accipiendum hoc loco pro minori dilectione, videor mihi aperte conjicere ex cap. x. Matth. v. 37. ubi extat sententia eadem his verbis: *Qui amat patrem, & matrem plusquam me, non est me dignus.* Fugiendos tamen parentes Religionis causa, hæc ipsa ratio suadet; quod ipsorum honor divino sit postponendus. Ceterum recte hoc præceptum in secunda tabula priorem habet locum, eo quod tam aperte natura ipsa honorem parentibus decernat, ut non male scripserit Augustinus Serm. de x. plagis, *Cavium est parentes non agnoscere.* Adde, quod illi sunt immortalis Dei quasi quædam simulacra, quemadmodum explicatur in Romano Cath. Habent idcirco quidam Codd., uti Salazar, & Lorinus observarunt, *iniqua, superbiora.*

Honor parentibus debitus postulat pietatem, & sinceram animi benevolentiam, ne dicatur externis officiis a nobis legem impleri, non caritate. Nam si honor exhibeatur intuitu temporalium bonorum, nec fit ordo debitus dilectionis, honor non est, quoniam merces illum parit, non pietas. Talis est honoreorum, qui senibus obsequantur, ut adipiscantur hæreditatem. Legito Serm. August. 12. ex additis a Sirmondo. Hinc ab Ecclesia definitum est, non esse licitum cupere mortem parentum, aut de ea gaudere ob pingue venturum patrimonium. Consule proposit. ab Innoc. XI. proscriptas. Ad honorandos parentes requiritur præterea, ut filii eis opem ferant. Diximus supra cap. 6. quantum in hoc deliquerint Pharisei. Etiam Gentiles clamante natura passim id prædicant: inter quos Cicero in 1. de Officiis, *Necessaria (inquit) præsidia vita debentur his maxime.* Exigit præterea parentum honor præstantiam illis, dummodo justa præcipiant, obedientiam.

Non usus est Dominus communi parentum nomine, sed utrumque nominavit, *Patrem ac matrem*, meliori sane consilio, quam politici legislatores, qui solis ferme patribus consuluerunt. Assert H. Grotius in Exodi caput xx. Perficas, Romanas, Græcasque leges. At etiam si Patrifamilias exhibenda est peculiaris quædam reverentia, matrem, quoque honore prosequi naturali, divinaque lege jubemur. Et patrum quidem nomine intelligimus primum Genitores, deinde superiores ac principes, tum ætate seniores, omnes suo ordine venerandos. Enimvero Patrem aliquem nominamus *ob genituram* ac productionem, ut Iabel dicitur pater habitantium in tentoriis Gen. 4.20. *ob generis originem*, ut Abraham pater Judæorum Joan. 8. 53. *ob educationem* filiorumque

rumque magiſterium, ut Sacerdos Iudicum 17. 10., & Paulus 1. ad Corinth. 4. 15. *ob gubernationem* ac regimen, ut Eliacim Eſaiæ xxii. 21. & Seniores ætate, ut 1. ad Timot. 5. 1. Id vero non ex ſola ſcripturarum ſanctarum conſuetudine, ſed & ex more omnium gentium, ut Romanis Senatores appellabantur Patres Conſcripti, aut abſolute Patres. Ita Stephanus coram multitudine verba faſturus, Act. v. 11. 2. incæpit: *Viri fratres, & patres, audite*: & Cicero in Catil. *Video P. C. in me omnium veſtrum ora*, &c. Itaque Genitoribus, Patribusfamilias, Præceptoribus, Præpoſitis, Magiſtratibus ac ſenibus æquum eſt honorem deferre.

Promiſſio ſpecialis huic præcepto adnexa eſt: *Ut ſis longævus ſuper terram, quam Dominus Deus tuus dabit tibi*. v. 12. Longævitas eſt vitæ huius prolongatio. Viſum quibuſdam hebraico verbo *לָבֵן וְאָרֶכְיוֹן* *at prolongentur*, vim activam ineſſe, ut ſenſus ſit, *ut parentes benedicientes tibi diuturnam vitam elargiantur*. Et quidem Eccleſiaſtici 3. 11. habetur: *Benedictio Patris firmat domos filiorum: maledictio autem matris eradicat fundamenta*. Ac benedictionis ſingulare habemus exemplum in Jacob Gen. xvi. 27. & in filiis ejus xl. 1. 2., maledictionis autem in Chanaan Gen. ix. 25. Attamen etſi parentes filiis iniquis non maledicant, vim debitæ maledictionis hi experiuntur. Habes in Abſalom exemplum. Chriſtianis non corporalis vita, & copia terrenorum bonorum pro honore parentibus exhibitio eſt expectanda, ſed æterna poſſeſſio terræ illius novæ, quæ in cap. 21. Apocalypſios promittitur, & de qua David in Pſal. 141. 6. *Portio mea in terra viventium*. At de quarto præcepto diximus: ad quintum deinceps tranſeundum.

V. P R A E C E P T U M.

Quintum nos ponimus, *Non occides*, eo ordine, quem tenet in Exodo xx. 13. Deut. v. 17. & apud Matth. xix. 18. etiamſi alibi præmittatur conſequens vetans mœchiam, ut ſupra animadvertimus. Occidi dicuntur vivencia, & metaphoriſe etiam ſtirpes ac ſemina; unde mori dicitur granum frumenti Joannis xii. 24., & vites occidi grandine. Pſal. lxxv. 47. Hinc quidam hoc non occidendi præceptum conati ſunt etiam in beſtias, & pecora extendere, de quibus S. Pater in 1. de C. Dei cap. 20. imo Manichæi etiam in arbores, poma, folia, herbas; ut idem S. Doctör ſcribit in libro de H. ad Quodvultdeum. Sed reſelluntur apertiſſime, primo, quoniam, ut obſervarunt Cajetanus, Lorinus, aliique eſt in hebræo verbum *מָרַד*, quod eſt *neceſſe inferre hominibus*. Deinde apud Matthæum xix. 18. ita explicatur, *Non homicidium facies*. Præterea animantia irrationalia, volatilia, natatilia, reptilia nulla nobis ratione ſociantur, quam nobiſcum habeant communem; ideoque juſtiſſima ordinatione vita & mors eorum noſtris uſibus ſubdi-

subditer. Tum insanum est agriculturam, quæ omnium artium est innocentissima, tanquam plurium occisionum astricticem damnare. *Restat ergo, ut de hominibus intelligamus, quod dictum est, Non occides*, inquit S. Pater de Civ. Dei loco nuper citato. Hæc obiter adversus Manichæorum dementia.

Habet quædam exceptiones hoc præceptum, ita ut liceat hominem quandoque occidi. Quod fas est I. si accedat Dei jussio, ut Abrahamo, in quo laudatur religio, non redarguitur impietas. II. Si pro Dei cultu, aut publica utilitate bella gerantur, ut fecerunt filii Israël contra Philistiim. III. Si persona publicæ potestatem habens secundum justissimæ rationis imperium morte plectat sceleratos, ut David Amalecitam. IV. Si Spiritus Sanctus latenter hoc jubeat, ut Sampsoni. Vide Augustinum eodem libro I. de Civ. Dei cap. 21. Ergo peccat quisquis occidit privata auctoritate, aut publica non directæ rationis imperio, uti peccavit David præcipiens, ut cæderetur Urias. Similiter qui sibi ipsis manus violentas inferunt, qui ad duellum provocant, qui procurant abortus; sed de his alibi. Gravissimum crimen esse homicidium ex eo liquet, quod divinam imaginem violet, quod sibi homicida arroget judicalem auctoritatem, quod atrocissime humanam societatem disrumpat. Nec cædem inferre tantum, vetamur etiam nimis iracundiæ indulgere, de proximorum adversis lætari, maledictis aliquem lacescere, cum & minimum contumeliæ verbum animo malevolo, invidoque prolatum apud judicem cordium scrutatorem gehennâ puniatur. Nam pro genere maledictorum Matth. v. 22. ponitur verbum *Raca*, quod hominem levem, ac vecordem significat, & Syrorum linguâ minus est aliquid, quam *fatuus*. Dixi *irato animo*; etenim zelo caritatis expedit, ut verbis utamur increpatoriis: & ipse Dominus aliquando vocavit discipulos suos *stultos & tardos corde ad credendum*, Petrum *Satanam*, Phariseos *ex patre diabolo*, & *genimina viperarum*; Paulus quoque Galatas *insensatos*. Sunt ergo distinguenda quæ ab animi indignatione, & quæ a benevola caritate procedunt: nam honesta potest esse ira; atque juxta illud Sosisphanis.

Νῦν δὲ γὰρ ἰσχυρὸν, ἡνὶκ' ἔσθ' αὐτοῖς, λαλεῖν.
Quum jus & æquum possit, irasci decet.

VI. P R A E C E P T U M.

At sextum præceptum est Exod. 20. 14. *Non mæchaberis*. Verbum *מְכַבֵּד*, *Nabaph*, extans in Hebr. videtur esse *cum aliena uxore coire*, ut liquet ex Deut. 22. 1. 22. atque eadem videtur significatio Græci *μοιχεύω*, *adulterium committere*, unde est latinum *mæchari*. Sed usurpantur hæc omnia pro quolibet concubitu illicito. Nam *מְכַבֵּד* impudicum omnem amplexum designare demonstrat ex Abenezra ad cap. 5. Mat.

Mat. Hu. Grotius. Deut. v. 18, in Arabica verſione Waltoniana extat : *Ne forniceris*. Mœchiam quoque Græci etiam ſtuprum illatum virgini appellant ; unde Luciano dicitur Juppiter *mœchatus Dianaem*, apud Robertum Conſt. Henricus Stephanus, & Scapula *mœchalidem* vocari omnem mulierem, quæ ſe ſtuprandam proſtituit, demonſtrant ex Athenæo ; atque ob deteſtabilius crimen Lucillius apud Turnebum appellavit imberbes *mœchocinados*. Male ergo quidam in ſexto præcepto ſolum adulterium prohiberi grammaticalibus notationibus autumarunt. Quamquam ſi haberent hebræa, græca, latinaque verba unam ſignificationem. vitiandi uxorem alterius, poſita eſſet conſuetudine Scripturarum *ſpecies* pro genere, ut ſupra pro omni læſione, homicidium, ac pro qualibet ſuperſtitione cultus idolorum.

Ergo prohibetur primo loco adulterium, deinde inceſtus, ſtuprum, fornicatio, & actus quilibet illicitæ oblectationis. Atque inceſtum omnem damnat Levitici liber caput 18. connumeratis conſanguineorum gradibus, in quibus certum eſt poſſe Eccleſiaſtica lege in matrimonii contrahendis diſpenſari : nam conjugium cum nepte prohibitum v. 10. lex naturæ non vetat, ut liquet ex matrimonio Ahram cum Sara. Utitur Moyſes in prohibitione inceſtus preſſiori quadam phraſi, ideſt, *Turpitudinem non revelabis*. Majus eſt aliquid, quam *cognoscere*, & *appropinquare ad mulierem*, quibus alibi utitur ſancta divinarum Scripturarum verecundia ; ut poſſimus in inceſtu deprehendere ſpecialeſ quamdam nequitiam. Stuprum vero, quod lex Julia, & Quintilianus promiſcue accipiunt pro adulterio, & mœchia, intelligimus nos vitium illatum virgini. Quod longe fornicationis crimen ſuperat, in ingenuis maxime, honeſtiſque puellis : unde & Romanorum leges permittentes adoleſcentibus ſcortationem, comprimentes Romanam civem pœna pleſtebant capitali : vitiantes autem civem Atticam, ducere tenebantur : unde eſt in Andria Terentii Act. 4. Sc. 5.

jam ſuſurrari audio

Civem Atticam eſſe hanc. C. bem ! D. coactus legibus

Eam uxorem ducet.

Illud autem magnopere mirandum, fuiſſe qui ſimplicem fornicationem, ideſt liberi ad liberam acceſſum excuſarent. Legendum iis primo, quod Dominus præcepit de puella, poſt virginittis jacturam extra paternas fores ejiciendam, obruendamque lapidibus, Deut. xxii. 20. Videntur deinde Apoſtolus in 1. ad Corinth. cap. 11. 17. ſcribens : *Si quis autem templum Dei violaverit, diſperdet illum Deus* : & cap. 9. *Neque fornicarii, neque adulteri, neque molles, neque maſculorum concubitores regnum Dei poſſidebunt*. Tam perlegenda quæ ſcribit Auguſtinus ſerm. de x. Chordis cap. x. q. 37. & 38. ſuper Deuteronomium, & lib. xxii. contra Fauſtum cap. 62. Illud inquam magnopere mirandum ; atque etiam conſenſione carnalium populorum deteſtandum. Meretriccs.

ces quippe ob sceleris turpitudinem nonnisi peregrinas, & serviles feminas fuisse, ac sese prostituisse duntaxat cooperto vultu liquet ex cap. 38. Genes. v. 15. Ob vulgati corporis vilitatem appellatas *Lupas* recte observavit Lactantius lib. 1. Inst. cap. 20. & ideo conditores Romanæ Urbis dicuntur lactati a lupa, quod illorum nutrix Acca Laurentia sui corporis copiam faceret. Certum est etiam habitasse extra urbem exiguas domunculas, & perditos Amasios expectantes sedisse ante stabula: quod scribit Grotius prodidisse Chrysippum; ac etiam ex Latinis cognoscitur: inter quos Plautus in Pænulo Act. 1. Sc. 2. illas appellat *prosedas*; Martialis lib. 12. Epigramm. *submærianas*, earum vero casus Horatius lib. 1. Sat. 2. *olentes fornices*. Quæ omnia demonstrant ignominiam, ac turpitudinem fornicationis. Gravius tamen aberrarunt, qui ausi sunt excusare manuſupratores: quorum scelus naturæ adversari ratio ipsa declarat, neque id fugit laudatum Martialem in Epigrammate 42. lib. 1x. adversus Ponticum.

Ergo ut Augustinus docet q. 71. super Exodum prohiberi dicimus *omnem illicitum concubitus, atque illorum membrorum non legitimum usum*. Neque id tantummodo; inhonesta quæque, aut motu corporis, aut verbo, aut scripto, aut nutu, aut quomodolibet peragantur. Adidimus licentiam oculorum noxia cupiditate vagantium: & denique desideria nociva, sensusque labefactantem concupiscentiam. At meminimus oportune versus Ecclesiastici v. 14. *Sis manus tua super os tuum, distique Latini, Digno compeſce labellum*.

VII. P R A E C E P T U M.

Prohibet præceptum septimum illicitam rei alienæ usurpationem jussione illa: *Non furtum facies*, Exodi xx. 15. Est autem *furtum*, quando res aliena subripitur invito Domino. Quod si occulte fiat, retinet furti nomen; si per vim, dicitur a rapiendo *rapina*. Prohiberi alieni compilationem lege naturali & Jurisconsulti fatentur cum Ulpiano l. *Probrum*, & ratio evincit, cum lædat hominum societatem, simulque rempublicam; cujus recta constitutio postulat, ut tutæ sint possessiones uniuscujusque. Est inter furta gravissimum, quod Latini dixerunt *plagium*, illud scilicet, quo liberum hominem emunt, aut vendunt. Nam inter hominum bona habetur post vitam præcipuum, atque, ut Cicero scribit ad Atticum, dulcius propriam retinere libertatem. Capitale delictum plagium esse constat ex cap. xxiv. Deut. 7. Qui publicam pecuniam subripit, committit crimen *peculatus*, quod nomen apud Tullium quoque frequentissimum; unde & violator ærarii latine dicitur *peculator*. Furtum rei sacræ illud est, quod proprie ipse Cicero *sacrilegium* appellat: quamquam eo nomine intelligimus modo quamlibet rei sacræ violationem, sive furto fiat, sive incesta libidine. Ratores

ptores alienorum bonorum ſunt non ſoli latrones, excuſſores, piratæ; verum etiam fraudatores veſtigialium, ſeneratores, & qui rei frumentariæ atque annonæ lucri cauſâ appetunt caritatem. His adnumerandi ſunt etiam ii, qui de ſuperfluis non largiuntur pauperibus elemoſynam: nec in ſuperfluo dijudicando attendi debet ambitio, cupiditas, intemperantia, quibus deefſe multa poſſunt, non ſupereſſe, ſed propriæ vitæ neceſſitas, & honeſta conditio.

VIII. P R A E C E P T U M.

A cohibenda manu ad linguam coercedam tranſitur ſequenti mandato v. 16. *Non loqueris contra proximum tuum falſum teſtimonium.* Hebræis quidem proximus ille tantum videtur, qui eſt popularis aut concivis, ſed habendum ut proximum etiam qui adverſus nos hoſtili eſt animo, monet Chriſtus Matth. v. 43. Ergo nefas eſt cuiſlibet, etiam hoſti, falſum crimen imponere, aut ad fidem teſtibus detrahendam iis infamiæ notam, culpamque fictitiâ objicere. Interroganti autem Iudici de patrato ſcelere teſtem aliquem, aut ipſum reum præſcriptâ formulâ juris, nequit veritas occultari. Fuit olim hæc formula *Adjuro te*, aut, *Da gloriam Deo*, aut conſimilis. Ita legimus interrogaviſſe Joſue Achan cap. 7. 19. Achab Micheam prophetam, 3. Regum 22. 16., Phariſæos cæcum a nativitate Jo. 9. 24. & principem Sacerdotum interrogaviſſe Chriſtum Mat. 26. 63. Jusjurandum pariter exigere ſolent Iudices; quibus propterea in detrimentum proximi mentientes & ſe crimine perjurii illaqueant, & Deo illudunt, & lædunt veritatem, & fratribus damnum inferunt. Recte ergo plectebantur falſidici poenâ talionis: cujus exemplum occurrit Danielis cap. 6. 24. & cap. 13. 61. Vctitum pariter eſt mentiri, proximo detrahere, & temere de aliorum moribus geſtiſque proferre iudicium.

IX. AC X. P R A E C E P T U M.

De nono tandem ac decimo, quoniam nonnulla dicta ſunt paullo ſupra in partitione decalogi, atque eadem ratio eſt de concupiſcentia & externis operibus, ſufficiat animadvertiſſe lege demonſtrari quod utraque ſint peccata ſurari alienam rem, & illam concupiſcere; miſeri conjugii alterius, eamque deperire: omniumque rerum poſtremis hiſce mandatis prohibitam eſſe cupiditatem, quarum ſuperiora inhihent contractationem. Atque hætenus de præceptis Decalogi, cujus Tabulis adjiciam verſus piſſimi Theodulſi:

Qui cupis eſſe bonus, qui vitam quaris honeſtam,

Me pete, te moneo, Lex ego ſancta Dei.

Sum via, ſum lux, ſum doctrix, ſum conſcia veri,

Lumen inextinctum qui mihi paret, habet.

To. IV.

K

CA.

CAPUT IX.

*Secundaria Judæorum præcepta, ritusque legales,
fuisse optimo consilio instituta.*

CUM ad Manichæorum refutandam insaniam, Scriptorumque Gentilium Judaica legitima irridentium, tum ad Judæorum ipsorum existimantium perpetuo tempore duratura perviciam, crassamque inscitiam refellendam, institui hoc loco disserere de legalium origine & causa; qua perspecta duo consequantur necesse est, unum in illis statuendis divinum apparere consilium, alterum vero sublata institutionis causa finem illorum adventasse. Atque hæc duo me affecuturum esse confido, si demonstravero omnia legalia, præter allegorias & agendæ vitæ rudimenta clarissima, in quibus detegendis stylum exercent interpretes, fuisse ordinatissime præscripta, ut grassantem idololatriæ superstitionem opportune compescerent, & futuri Redemptoris adventum præfigurarent. Nam per Christum principem hujus mundi foras ejecto idest, diabolo divinitatis usurpatore devicto, data Ecclesiæ ministris potestate calcandi serpentes, omnemque superandi calliditatem, ædificata supra petram Ecclesia, ne possent portæ inferi adversus eam prævalere, completisque promissi Evangelii figuris, neque a servitute liberatos jugum premere debet vetustatis, neque habentibus spiritum veritatis typi duntaxat, signaque sunt proponenda. Quæ duo, aptum scilicet, eique tempori conveniens adversus cultum idolorum remedium, atque Salvatoris nostri prædictiones, Mosaicorum rituum præclarum esse ornamentum, subiectis animadversionibus declarabo.

Principio dicam de ciborum & animalium discretionem, de qua pertractat caput Levitici x. Hac sane provisum est, ne Hebræi communes haberent cum Gentibus epulas, moresque illarum paullatim exuerent. Nam conviviis potissimum junguntur fœdera, & addiscuntur scita, moresque exteriorum. Deinde cum delectum ciborum fecissent idololatræ damnabili superstitione, nova lege discreti sunt, E. G. ut immunda haberentur animalia, quæ *multifida* sunt, idest, scissis ungulis, & non ruminant; sive ruminant, nec ungulam dividunt. Abstinebant quidem etiam Aegyptii solidungulis & cornigeris, & suilla etiam carne, ut scribit Herodotus, & Porphyrius: sed hi quibusdam animalibus divinitatem tribuebant, quibusdam aliis utebantur ad auguria captanda; Judæi vero ab iisdem animalibus abstinere jussi sunt, tanquam immundis. De sue præsertim id constat, tametsi putat Tacitus Judæos hujus animalis carne non vesci, quod scabiei sit obnoxium. At causam, quam divinare nunquam potuerunt Gentiles, ignorantque nunc etiam permulti, docent nos profani ritus idolatrarum. Porcus enim magis, quam

quam aliud animal idolis immolabatur. Liqueſt primum ex Athenæo, qui refert a ſue immolata Veneri hujus feſtum appellatum ab Argivis *Hyſteria*. Deinde ex Ovidio, qui primo Faſtorum libro inquit, *Prima Ceres avida gaviſa eſt ſanguine porca*. Tum ex Varrone ſcribente, in libro 2. de re ruſtica, *Sus dictus a ſim, quod eſt immolare*. Legitur & apud Joſephum lib. 12. Antiq. cap. 7. Antiochum captis Jeruſolymis ingentem porcum ſacrificaffe. Inter puras viſtimas etiam a Romanis connumeratos porculos, demonſtrat libro 4. de vet. Jure Pontif. Jac. Guſtherius. Eamdem fuiſſe hoſtiam eorum, qui initiabantur, probat ex Ariſtophane in Eleuſinia cap. 7. Joannes Meurſius. Faſtam maſtato ſue expiationem concionis oſtendit lib. 2. de Republic. Athen. cap. 4. Carolus Sigonius. Infaniam quoque tali viſtima piari ſolitam erudite demonſtrat ex Plauto, & Horatio Comment. in x1. Lev. Jo. Lorinus. Nullam ergo animal in ſacrificiis idolorum tam frequens, quam ſues, unde a vetuſtis Latinis *porci ſacres* dicebantur. Præterea in magicis ſuperſtitionibus faſtam olim juſculo porcino dæmoniacam conſecrationem, ideoque ſervatum illud ab idololatriſ, non male quidam conjiciunt ex verbis Eſaiæ cap. 65. 4. *Qui comedunt carnem ſuillam, & jus proſanum in vaſis eorum*. De qua conſecratione plura de Legibus Hebræorum Spencerus. Tandem etiam fœdera maſtatione ſuis fuiſſe inita, liquet ex Virgilio Aen. vi 111. canente: *Stabant, & caſa jungebant fœdera porca*. Reſte ergo animal iſtud olim execrabantur Judei ob horrendas idololatrarum conſuetudines, non propter ſcabiem duntaxat, ut ſcribit Tacitus, neque propter rationem aliam ſatyricè allatam a Juvenali, ubi de Judæis ait, Sat. 4. *Nec diſtlare putant humana carne ſuillam*.

In abſtinentia autem ab immundis animalibus præfiguratam Chriſtianorum diſciplinam, Patres, atque Interpretes omnes commonſtrant. Neque diu hoc in argumento verſabor; nam milvum, aquilam, & aves ceteras rapinâ viſtitantes ſœneratorum rapacitatem ſignificare, nemo non videt, Animal non ruminans typum gerit illorum, qui a carnali ſenſu ad ſpiritualem reminiſcentiam non revocantur, veluti beſtiæ, quæ eſcam in ventrem trajiciunt, neque retrahunt ad os dentiſus comminuendam. Porcum immunditiæ ſymbolum eſſe ſatis percipit, qui illum videt ſe volutantem in cœno; unde a Judæis appellatum *חזיר* *Cbazir*, quaſi quod luto *convolvitur*, obſervatum ab aliis. Legendus libro 3. Pedagogi S. Clemens Alex. & S. Pater cap. 15. contra Adimantum, & lib. 6. contra Fauſtum cap. 7. Fruſtra autem aliqui allegorias divinarum Scripturarum rejiciunt, cum & Apoſtolus Paulus eaſdem in veteri teſtamento agnoverit, ut dixi cap. 6.

Dicam jam nonnulla de Judæorum Paſchate: & primo oſtendam, quomodo inſtitutum fuerit adverſus Aegyptiorum idololatriam. Exodi x11. legimus v. 3. *Tollat unusquiſque agnum per familias & domos ſuas.*

At nullus Aegyptiorum agnum vel hœdum manducabat: quod non solum affirmavit Theodoretus, sed & Juvenalis scribens Satyr. a v.

. *Lanatis animalibus abstinet omnis*

Mensa, nefas illic sætum jugulare capellæ.

Præcipitur v. 5. ut agnus sit masculus: Servius autem in 8. lib. Aeneid. animadvertit, in omnibus sacris feminini generis plus valuisse victimas. Ibidem mandatum est, ut tollerent & hœdum: ex quo ritu non male Tacitus scribit de Judæis lib. 5. Hist. *Cæso ariete velut in contumeliam Ammonis.* Versu 6. servandum agnum præcipitur usque ad quartadecimam diem mensis Abib, idest ad plenilunium vernum: eademque die Aegyptios Arieti sacrificasse demonstrat apud Spencerum Abram Seba. Justum v. 7. ponendum sanguinem super postes, & in superliminaribus domorum; idque ad confutandam Aegyptiorum insaniam, qui opinabantur mactationem hœdi esse mortiferam; cum ea nocte sanguis ille Judæos a cæde Aegyptiis illata immunes reddiderit. Cautum præterea v. 9. ne commederent ex eo crudum quid, nec coctum aqua, sed tantum assum igni; nam Gentiles, ut scribit Arnobius lib. 5. contra Gent., & Clem. Alex. in Admonit., alii crudarum carnum esu sacram agebant insaniam, alii caprorum reclamantium viscera cruentis oribus dissipabant, alii hœdum in aqua, aut lacte elixabant. Extat etiam apud Catullum hujus insanie testimonium eo versu: *Pars è divulsis jacebant membra juvenco.* Nihil ex eo remanere debebat usque mane: etenim Sacerdotes idolorum carnes victimarum distribuiebant, illasque femine, ut iis abuterentur ad turpia, condiebant sale, ut liquet ex verbis Baruch cap. vi. v. 27. *Hosias illarum vendunt Sacerdotes ipsum, & abutuntur: similiter & mulieres eorum decerpentes, neque infirmo, neque mendicanti aliquid impertiunt.* Tandem inter ceremonias, ne singula persequamur, præscriptum est, ut ederent azymos panes cum lactucis agrestibus, sive *על-קריים*, amaris. Quippe certum est nonnisi panem fermentatum idololatrias in sacris adhibuisse, juxta Maimonidem lib. 1. cap. 131., succis autem dulcibus ex uva expressis, aut melle permixtis frequenter usos; ideoque Levit. 2. v. 11. legitur: *Nec quidquam fermenti ac mellis adolebitur in sacrificio Domino.* Contra mel usurpatum in sacris Mithræ demonstrat ex Porphyrio, & Scholiaste Papinii ad finem Thebaidos H. Grotius. Adde versus Ovidii ex 111. Fastorum:

Liba Deo sunt, succis quia dulcibus idem

Gaudet, & a Baccho mella reperta ferunt.

In hoc Judæorum Paschate præfiguratam humani Generis redemptionem, satis compertum arbitror. Nam Christum sub Agni nomine ac typo prædixerat Esaias cap. xvi. v. 1. *Emitte Agnum Domine dominatorem terre:* & Baptista Joan. 1. v. 29. videns venientem ad se Jesum ait: *Eccæ agnus Dei.* Prædicens & Propheta Salvatoris in passione sua humili-

militatem ait cap. v. 3. 7. *Sicut ovīs ad occiſionem ducetur, & quafi agnus coram tondente ſe obmutet.* Quæ de Chriſto interpretatus eſt Philippus Eunucho Act. 8. 32. Completam eſſe conſtat paſſionem Chriſti, inſtitutamque in Azymo Euchariftiam in ipſo plenilunio menſis Niſan. Animadvertit Joannes cap. 19. 36. in Chriſto illud quoque adimpletum Exodi 12. 46. *Nec os illius confringetis.* Ad contundendam Judæorum perverſitatem, addo in libro Cabbalæ, quem plurimi ipſi faciunt, ſcriptum eſſe: *Et in eadem die, videlicet quintodecimo menſis Niſan, redimendus eſt Iſrael in diebus Meſſiæ.* Legito Catenam in Exodum Lipſomant.

Idem proſecto iudicium ſerendum eſt de reliquis ritibus & ſacrificiis Judaicis. Etenim cur illis animalia immolabantur, quibus Gentes ſummum deſerebant honorem, niſi in idolorum contemptum? Profeſſorum præ ceteris exemplum unum *vitula ruſa*, cujus ſacrificium deſcribitur cap. Numerorum 19. Bovem Aegyptios adorari, dictum ſæpe. Videatur Plinius lib. v. 1. 1. cap. 46. Claſenius, Voſſius, Lilius Gyraldus, Seldenus, & qui de Diis, ſive Theologia Gentilium pertractant. Ergo a Judæis bos immolabatur in contumeliam Numinis, quod Aegyptii Apim vocabant. Vitula autem eligenda erat, quoniam hæc ſingulari cultu in memoriam Iſidis colebatur. Vidit id etiam D. Thomas 1. 2. q. 102. art. 5. Cur comburenda eſſet vacca cum pelle, carnibus, ſanguine, & ſtrino, conſtat ex dictis; quoniam ſcilicet idololatræ reliquias viſimarum abutebantur. Additur recens exemplum ipſorum Hebræorum; qui Aegyptiorum idolis nimium addiſti, conſtato vitulo Apim adoraverunt, Exodi 32. *Apim* dixi: nam quod ſcribunt Grotius, Epiſcopius, & hæreticorum aliorum nonnulli, vitulum illum conſecratum *Jeboæ*, ideſt conſtatum ut in eam imaginem Spiritus veri Dei, quem colebant, adveniret, falſum eſt penitus. Arbitrantur enim non adeo Judæos deſpuiſſe, ut vitulum adorarent, numenque profanum. Sed nimium illis gratificatur; nam apud Amos v. 26. habemus revera illos coluiſſe idolum Moloch. Sive Deum Moloch dixeris eſſe *Papan*, ut vertunt LXX. ita appellatum a Rege Aegyptiorum Remphis, ſive *Kian* nomen ſtellæ, in qua olim Aegyptii coluerunt Saturnum; conſtat Hebræos in idololatriam Aegyptiorum antiqua conſuetudine fuiſſe proclives. Quid ergo prohibet, ne dicamus Hebræos revera Apicultum præſtiſſe? maxime cum iſſem uſi fuerint in idolatria cæremoniis, comefſationibus, & ludis, a ſuperſtitioſa Aegypto, dum Apim coleret, uſurpatis. Sed auctore ipſo Grotio Moyſes ideo comminuti vituli cineres v. 20. ſparſit in aquam, ut pœna fieret ſuperſtitio ipſa Aegyptiorum, de qua Papinius:

. aut quo ſe gurgite Nili
Mergat adoratus trepidis paſtoribus Apis.

Ergo revera vitulum Judæi adoraverunt, ut ſcripſimus Lib. 1. cap. v. 2. atque

atque contra idololatriam immolatio vaccæ optime fuit instituta.

Sacrificium istud typum fuisse Christi diserte scribit Apostolus ad Hebræos cap. ix. 13. & cap. x. 11. 12. Et quidem vitula edueta extra castra Christum extra portam passum præfigurabat, & sanguis illius aspersus contra fores Tabernaculi, Christi sanguinem emundantem conscientias nostras, & Patri pro nobis litrum oblatum. De his plura in Bibliorum singulis Commentariis. Quorum hoc unum singulare commemorandum est, quod ædificato post Salomonem templo sanguis vitulæ rufæ aspergebatur in monte Olivarum, eodem nempe loco, ubi Dominus Iesus inchoavit passionis suæ sacrificium. Ibidem junicem illam rufam mactatam scribunt Abenezra, & Rabbini alii in cap. 19. Num., Interpretes nostri, & etiam Grotius Com. in Matthæum, & Spencerus de legibus Hebræorum.

Hircum, in quo dictum supra adoratum Hammonem, speciali ritu immolandum præcipitur cap. 16. Levitici. Duo enim hirci statuerant ante Dominum, & missa forte unus offerendus erat pro peccato, alter emittendus in solitudinem. Ex hoc loco objiciebat Julianus Apostata apud S. Cyrillum Alexandrinum, in lege Moyfi oblata sacrificia etiam dæmonibus. Et quidem caper emissarius in Hebraico textu dicitur fors *Azazeli*, אַזָּאזֵל. Azazelem ipsum diabolum esse, videtur concedere Origenes lib. 6. contra Celsum: unde Augustinus q. 55. in Levit. dicit, hircum dimittendum a quibusdam accipi in malum. Eandem opinionem amplexus est memoratus Spencerus in dissert. de Hirco Emissario Tom. 2. de Legibus Heb. pag. 1425. ubi nititur demonstrare diabolum dici Azazelem, quoniam est אַזָּאזֵל, *foris*, & אַזָּאזֵל, *abiciens*: unde Jacobus cap. 4. 7. ait: *Resistite Diabolo, & fugiet a vobis*. Inquiunt & a Magis in Classe dæmonum, quos asserunt elementis præesse, connumerari hunc Azazelem.

Verum inter varias de Capro illo opiniones certissimum puto ea verba Levitici, *Cujus exierit fors Azazeli*, non diabolum designare, sed caprum ipsum emissarium, ita, ut non solum consecratus non fuerit dæmoni, sed nec superstitionis causa missus in solitudinem. Nam & opinio illa, quæ Azazelem interpretatur dæmonium, imprudens & nefanda dicitur a Procopio, & Cyrillo; & ipsa lectione Levitici refutatur. Etenim Vulgata nostra pro Azazele habet *Caprum emissarium*: Græca, ut animadvertit citata Q. Augustinus, ἀποστατήριον, *ablegatorium*; & ipsum vocabulum hebraicum אַזָּאזֵל, *Azazel*, magis capro quadrat, quam diabolo. Nam אַזָּאזֵל capri proprium est nomen, אַזָּאזֵל vero idem est, ac *emissus*, vel *abiciens*. Az-azel ergo idem est, ac hircus emissus. Quid autem nostra interest, si Magi hirci nomen Diabolo tribuerunt? Quod si placet in Azazele ita Diabolum intelligere, ut in Capro emissario significata sit expulso idololatriæ, hoc quidem sensu Origeni non repugno. Augustinus hircum dimittendum non esse accipiendum

piendum in malo demonſtrat, quoniam etſi homo, a quo in eremum ducebatur cum rediret lavare juſſus eſt veſtimenta, ablucendus erat pariter qui alterius hirci carnes cremabat extra caſtra, etiamſi hircus ille accipiendus eſſet in hono. Itaque recte reſponſum Juliano, nullum hircum in lege Moyſi fuiſſe Diabolo conſecratum, cum Azazel non Diabolus ſit, ſed hircus ipſe. Sed etiam conſeſſo Azazelem eſſe Diabolum, hircus emiſſarius deportabatur vivus in ſolitudinem: ergo non mittebatur Diabolo oblationis & viſtimæ loco, cum viſtima omnis macetur, & juguletur.

Porro in hirci emiſſario præfiguratam ablegationem idololatriæ, & Diaboli per Chriſtum ejectionem dictum eſt nuper. In duobus autem hircis, quorum alter dimittebatur, quidam volunt designatos Chriſtum & Barabbam, alii ſortem prædeſtinatorum ac reproborum, nonnulli Matthiam & Barfabam, aliqui Eccleſiam & Synagogam. Ex dictis autem illa duo, quæ declaranda ſuſcepi, videntur maniſeſtiſſima, legitiſſima Moyſi utilia olim fuiſſe, quia ab idolorum cultu removebant; nec perpetuum duratura, quoniam figuræ erant futurorum:

Finis enim legis Chriſtus, quia lege fidelis.

Prædictus, legi lex veniendo fuit,

Præſcribens veteri ſinem, legemque fidei

Legem perfectam Gentibus inſtituens.

Unde Magiſter ait, Vetera eſſe fluxere peractis

Temporibus, ſubeunt omnia ubique nova.

S. Paulinus de Obitu Ceſſi pueri.

C A P U T X.

Quando legalia abrogata ſint, & cæperint eſſe mortifera.

FINIS ergo legalium, quæ ad ſignificationem futurorum fuerant inſtituta, ipſe Chriſtus eſt. Queritur iccirco an lex Moyſis in iis, quæ Evangelii typum gerebant, Salvatore noſtro ſuffixo Cruci fuerit abrogata. Id vero duplicem ſenſum patitur; nam dubitari poteſt, num poſt mortem Chriſti ita legalia illa ceſſaverint, ut nullatenus ad ſalutem æternam fuerint neceſſaria, neque vim habuerint a peccato expiandi, quod ſignificare volunt e Schola Theologi, ubi diſputant, utrum fuerint eo tempore *mortua*: & inſtitui poteſt diſceptatio, an ſtatim cæperint eſſe noxia, ita, ut nefas eſſet illa amplius in uſum aſſumi, quod intelligunt Scholaſtici diſſerentes utrum fuerint etiam *mortifera*. Et mortua quidem legalia ipſo Chriſto in crucem ſublato conſentiunt Theologi, tametſi diſcrepent aliquantulum, an præciſe in ipſa morte Redem-

Redemptoris fuerint abrogata, an circumcisio, ut sentit Scotus, in institutione baptismi, sacrificia autem, ritusque alii post Domini resurrectionem. Quæ postrema difficultas non est tanti ponderis, ut operam omnem videatur expostulare.

Gravior est altera, an ex quo cæpit promulgari Evangelium, fuerit lex vetus semper mortifera, ita ut nefas esset cæremonias veteres ex animo observare: de qua re certarunt olim duo Ecclesiæ lumina, Hieronymus & Augustinus: quorum ut mentem percipias, controversiæ inter illos exortæ originem progressumque narrabo. Hieronymus quidem existimavit legalia fuisse mortifera; sed cum optime sciret, quod Paulus se totondit in Cenchris, (portus erat Corinthiorum ad Sinum Saronicum,) quod factio calvitio oblationem obtulit in Jerusalem, ac Timotheum circumcidit, & exercuit nudipedalia, quæ manifestissime de Judæorum cæremoniis sunt, docet in caput 2. Epistolæ ad Galatas utilem aliquando esse, & assumendam in tempore simulationem, eaque usum Apostolum, ut quæ nocebant eis, qui ex Gentibus crediderant, correctionis hypocrisis emendarentur. Ita & Petrum se gessisse, dum coegbat gentes judaizare, & a Paulo non ex animo, sed opportuna simulatione fuisse reprehensum. Atque hæc iisdem feræ Hieronymi verbis relata sunt.

Augustinus cum hæc legisset, scripsit circa annum 395. Epistolam ad Hieronymum v. 111., nunc 28. in qua post nonnulla pertinentia ad novam, quam Hieronymus exornandam susceperat, sacerorum Bibliorum Versionem, de præsentī controversiā ait dolere se, quod a Hieronymo tali viro, vel a quopiam, si alius illa scripsit, patrocinium susceptum esset mendacii, atque fore ut non mediocriter commoveretur, donec refellerentur, si forte refelli possent, momenta rationum, quas e vestigio proponit. Id vero tanta humilitate Augustinus præstitit, ut sub finem Epistolæ scripserit, se difficillime bonum judicem futurum legendo quod scripserat, sed aut timidiorē recto, aut cupidiorē; malle autem se veritatem audire a melioribus, ne si a se ipso reprehendatur, blandiatur sibi, & meticulosam potius quam justam ferat in semetipsum sententiam. Cum reddita non esset hæc Epistola, circa annum 397. aliam S. Pater conscripsit numero 1x., nunc 40. ubi posteaquam officiosum mendacium, seu Apostolorum assertam a Hieronymo simulationem iterum explois, illum hortatur ad canendam *veritatem*, quod pulchrior sit veritas Christianorum, quam Helena Græcorum: alludens ad Stesichorum, quem ferunt laudando Helenam oculos recepisse, quos illi detrahendo perdidit.

Hieronymus hac Epistola accepta veritus an esset Augustini, id tamen existimans ex stylo, & argumentationis methodo, brevi respondit, optare se, ut Augustinus aperte scriberet, si sua esset Epistola; ceterum nolle se in Augustini libris quidquam carpere, unumquemque in

in ſuo ſenſu abundare, & puerilem eſſe jaſtantiam accuſando illuſtres viros ſuo nomini ſamam quærere. Addit nonnulla, quæ videri poſſent commoti animi argumenta, ut eſt illud, *Memento Daretis, & Entelli; & vulgaris proverbii, quod bos laſſus fortius figat pedem*. Eſt hæc Epiſtola inter Auguſtinianas xiii. nunc 68. Addidit Hieronymus & Epiſtolam xiv. ſive 72. in qua ingenue, propriaque ſancti viri libertate, ſcripſit, ut Auguſtinus mitteret epiſtolam propria manu ſubſcriptam, aut deſineret laeſſere ſenem latitantem in cellula: eſſe Romæ complures, quicum eo in diſputatione jugum ducerent, ſi propriam vellet exercere doctrinam; ſe quondam militem, jam veteranum, debere aliorum laudare victorias, non eſſecto corpore dimicare. At incredibile eſt, quanta humilitate S. Auguſtinus aſperitatem Hieronymi lenire ſtuderit. Nam reſcripta Epiſtola lxxiii. olim 15. ait agnoscere peccatum ſuum quod prior literis ſenem ſanctiſſimum læſerit; obſecat illum per manſuetudinem Chriſti, ut ſibi dimittat, nec viciſſim lædendo malum pro malo reddat: teſtatur ſe non pertimeſcere ad inſtar Entelli, qui cædebatur, non ſanabatur, ſalubria verba, & correptionem medicinalem: hortatur, ut fortius figat pedem quaſi bos laſſus, ſenectute forte corporis, non vigore animi, dammodo culpæ ſuæ palea conteatur. Atque alia habet plura, quibus Hieronymi ſententias placide excipiens illarum frangit aculeos.

Talibus Hieronymus deviſtus officiis ad propoſitam quæſtionem reſpondit circa finem anni 404. epiſtolam jam inter Auguſtinianas xi., & haud recto ordine ante præcedentes locatam, nunc num. 75. congrua ſerie poſitam. In hac vero primo Hieronymus ait, ſe in præſatione Commentariorum in Epiſtolam ad Galatas libere confeſſum Origenis commentarios eſſe ſequutum, neque ex definito animo ea defendiſſe quæ in Græcis legerat, ſed ea expreſſiſſe quæ legerat, & lectoris arbitrio dereliquiſſe, utrum probanda eſſent, an improbanda. Deinde ait, quod ſi Auguſtino placeat Judæos, quicumque credant, debitores eſſe legis faciendæ, ipſe Epiſcopus toto orbe notiſſimus hanc promulget ſententiam, & in aſſenſum ſuum omnes coepiſcopos trahat. Priori tamen Hieronymus hæret adhuc, eamque confirmare nititur iſdem argumentis diligentius tractatis, quæ in Commentariis Epiſtolæ ad Galatas olim produxerat; atque ſimulationem Apoſtolorum, non officiſum mendacium fuiſſe contendit, ſed honeſtam potius diſpenſationem. Verum S. Pater argumentationibus Hieronymi ſatiſfecit Epiſtola xix. nunc 82. data anno 405. In illa vero propugnat Petrum, dum cogeret judaizare gentes, non recte ad veritatem Evangelii fuiſſe ingreſſum, & recte a Paulo reprehenſum: ac Paulum ipſum quandoque veteres cæremonias ſervaviſſe, non ſimulate, neque ex neceſſitate, quaſi putaret iis Chriſtianam conferri ſalutem, ut putabant Ebionitæ; ſed ne crederetur antiqua ſacramenta, quæ in umbris rerum futurarum Deus fieri juſſerat,

ferat, impia existimare, & abjicere tanquam profana. Juxta Augustinum itaque tria distinguenda sunt tempora: unum ante Christi mortem, in quo vetera sacramenta fuerunt solumnia: alterum statim post mortem Christi, atque ante Evangelii promulgationem, in quo amplius solumnia non erant, nec poterat quispiam cogi ad illa suscipienda, licebat tamen ea retinere, ne videretur lex Moysei tanquam noxia statim, abrumpi, sed veluti mortuum cadaver in gratiam animæ, quæ in ipso paullo antea deliquit, cum honore deferretur ad tumulum, atque ideo reprehensibilem fuisse Petrum, qui gentes ad judaizandum impulit, laudabilem Paulum qui cum Judæis legalia absque simulatione servavit. Tertium vero tempus est, cum veteri lege ad tumulum jam deducta, mortiferus cepit esse usus legalium religionis causâ servatus; nam si quis ob valetudinem se purificet, aut circumcidat, vel fame impellente, atque sine scandalo edat azymum; id antiquæ legis gratia non sit, nec debet putari mortiferum. Hanc Augustini sententiam nos propugnamus, eamque prolixè explicavimus narratione controversiarum, quas cum Hieronymo habuit; primum, quia hac præmissa tota quæstio facillime solvitur: deinde quia Sanctorum Doctorum exemplo commone-mur dissidia aliquando disputationibus nostris excitata, quæ non nisi circa res graves versari debent, prudenter vitare, temperanter tutari, & mutua caritate compescere.

PROPOSITIO I. Lex vetus duntaxat in morte Christi, quantum ad Cæremonialia præcepta spectat, desinit obligare.

Probatur ex Epistola Pauli ad Hebræos cap. v. 11. 12. ubi legitur: *Translatio enim Sacerdotio, necesse est, ut & legis translatio fiat*: id est, quandiu lex vetus persistebat Sacerdotium erat Leviticum, surgente vero Sacerdotio secundum ordinem Melchisedech translatum est etiam mandatum legis. Atqui Sacerdotium Leviticum consummatum non est, nisi quando Filius Dei se ipsum in Cruce cum clamore valido, & lacrymis obtulit, factus omnibus obtemperantibus sibi causâ salutis æternæ, appellatus a Deo Pontifex secundum ordinem Melchisedech, ut idem Apostolus ait cap. v. 7. 8. 9. Igitur eo tantum tempore lex vetus est abrogata. Præterea idem Apostolus cap. ix. ejusdem Epistolæ v. 8. inquit: *Nondum propolitam esse sanctorum viam, adhuc priore tabernaculo habente statum*; videlicet, ut ad sancta & cælestia pateret accessus, necesse fuit, quod Christus assistens Pontifex futurorum bonorum introiret in sancta, prout præsignatum erat in Pontifice semel in anno in secundum tabernaculum introeunte. At Christus introivit in sancta, viamque ad cælestia aperuit *per proprium sanguinem æterna redemptione inventa*; versu 12. seq. Prius ergo tabernaculum ante peractam per Christi sanguinem redemptionem habebat statum. Item viguit vetus testamentum usque dum Christus novi testamenti fieret mediator. Factus est autem novi testamenti mediator *morte intercedente*,

dente, inquit v. 15. Apoſtolus . Ad hanc ergo mortem vetus perduravit . Sequitur Paulus v. 16. 17. 18. *Ubi enim teſtamentum eſt, mori neceſſe eſt intercedat teſtatoris . Teſtamentum enim in mortui confirmatum eſt : alioquin nondum valet, dum vivit qui teſtatus eſt . Unde nec primum quidem ſine ſanguine dedicatum eſt .* Recte quidem; nam Teſtamentum definitur a Quintiliano *Voluntati defuncti* : atque ut habetur L. 1. D. de Hæred., *Viventis nulla eſt hæreditas .* Quis autem ignorat vetus teſtamentum, antequam novum confirmaretur, in ſuo robore permanſiſſe, & antiquam ſtare poſſeſſionem nondum novo hærede conſtituto ? Vide Patres ac Interpretes ſuper hæc loca, necnon in illa verba Mat. xxv 11. 51. *Et velum templi ſciſſum eſt in duas partes*, & Joan. xix. 30. *Conſummatum eſt* . Hæc enim demonſtrant in morte Chriſti legis velamen fuiſſe diſciſſum, apertum adytum ad ſacratiora myſteria, jugum ſervitutis excuſſum, omniaque de Filio hominis prædicta jam conſummata & completa .

At dices: falſim baptiſmus ante Chriſti mortem integro triennio inſtitutus præcipuum vetuſtæ legis myſterium eliminavit ; unde legitur apud Lucam cap. xvi 1. 16. *Lex & Prophetæ uſque ad Joannem* . Reſp. diverſas eſſe circa tempus inſtitutionis baptiſmi Theologorum, ac Patrum ſententias : ſed dato ante Chriſti mortem fuiſſe inſtitutum, non potuit omnes generaliter obligare antequam Apoſtolica prædicatione promulgaretur, legiſque fieret tranſlatio . Nam leges, ut obligent, ſunt promulgandæ ; nec ante mortem teſtatoris novæ hæreditatis jura ſubſiſtunt . Ea autem verba, *Lex & Prophetæ uſque ad Joannem*, expeditam habent intelligentiam, ſive dixeris his commonſtrari, Joannem, qui Meſſiam digito prodidit, fuiſſe ultimum Prophetarum illorum, a quibus Chriſtus in lege fuit prænuntiatus ; nam Matthæus eandem ſententiam reddidit cap. xi. 13. *Omnes Prophetæ, & lex uſque ad Joannem prophetaverunt* . Sive dixeris particulam *uſque*, quam certum eſt interdum exprimere aliquam continuationem, ſumendam eſſe *inclusive*, ut ſenſus ſit tempore quoque Joannis legem perſitiſſe . Atque hæc ſunt pervulgatæ illius loci expoſitiones . Addam alteram . In lege ac Prophetis promiſſa ſunt juſtis bona præſertim temporalia : & Joannes introduxit appellationem tantummodo regni cæleſtis, nihil ipſe terrenum annuntians . Senſus eſt ergo, *Lex & Prophetæ uſque ad Joannem*, quantum ad promiſſionem, non quantum ad obligationem . Enim vero Lucas ibidem Chriſti adverſus avaritiam, divitiarumque immodicam cupiditatem ſermonem narrat : atque laudatis verbis immediate addit : *Ex eo regnum Dei evangelizatur, & omnis in illud vim facit* . Habet ſimilia citato loco Matthæus, *A diebus enim Joannis regnum cælorum vim patitur* . Quæ reddunt textum, qui opponebatur, planiſſimum .

PROPOSITIO II. Non ſtatim a morte Chriſti legalia fuerunt mortificæ, ſed ad vitandum ſcandalum, & ne lex Moyſis tanquam impia rejici-

ci videretur, licitum fuit aliquando veteres caeremonias servare.

Hanc Augustini assertionem propugnat major Theologorum pars, & Auctore Velloffilo Adv. in 2. Tom. August. Q. 3. probavit ad literam Concilium Florentinum: quod, ubi declaravit Legalia cessasse in Christi morte, subdit, *Non tamen negat (S. Synodus) a Christi passione usque ad promulgatum Evangelium illa potuisse servari, dum tamen minime ad salutem necessaria crederentur*. Eam ergo sic proba. Fuit aliquando licita legalium observatio, si Apostoli eadem communiter observarunt, & post annos plures deferenda, aut non imponenda esse decreverunt. Hoc autem in dubium nequit revocari. Paulus enim Act. xv. 3. circumcidit Timotheum, xv. 11. 18. se totondit in Cenchris, xx. 26. more Judæorum se purificavit. Petrus etiam in visione quam habuit circa annum Ae. V. 39. decennio post Christi mortem, inquit Act. x. 14. *Nunquam manducavi omne commune & immundum*: quibus verbis significat se hactenus a cibis immundis abstinuisse. Et in Concilio Ierosolymitano orta inter Judæos, & Gentes ad Christum conversas seditione, sancitum fuit, ut abstineretur in posterum ab immolatis simulacrorum, & a sanguine & suffocato, & nihil ultra vetusti oneris fidelibus imponeretur, Act. xv. 29. Legalia ergo ad ea usque tempora Apostoli permiserant: quod nequaquam fecissent, si existimassent mortifera. An vero his verbis, *Ut abstineatis vos ab immolatis simulacrorum & sanguine, & suffocato*, præscribatur observantia rituum legalium, ut scribunt post alios Scholasticos Habert, Jucnin, Girken, dicam infra; nam inde tantum evinco fuisse adhuc in usu circumcisionem, cujus onus decreverunt Apostoli non esse ulterius credentibus imponendum. Præterea in hac, quam propugnamus, sententia statim explicantur difficultates in Apostolorum Actibus occurrentes. Paulus etenim, ut diximus, circumcidit Timotheum mulieris Judææ filium, atque inter Judæos versaturum; profecto ut ostenderet se circumcisionem non aspernari; sed ex adverso, ne quis putaret conversos e Gentibus esse circumcidendos, non est passus circumcidi Titum, ad Gal. 1. 3. ne veritati Evangelii faceret præjudicium. Et Jacobus pariter, qui purificationem Judæorum Paulo suavit, Act. xv. non finit iugo legis gravari eos, qui crederant. Tali igitur œconomia demonstrarunt antiquas caeremonias neque noxias fuisse, neque ad salutem necessarias. Tandem hæc sententia etiam consulit Mosaicæ legis honori; siquidem, ut Augustinus scribit Epist. 19. nunc 82. *Sicut defuncta corpora, necessariorum officii deducenda erat quodammodo ad sepulturam, nec simulate, sed religiose, non autem deferenda continuo, vel inimicorum obtreptionibus, tanquam canum morsibus projicienda*. Nec audiendus Erasmus scribens Comment. in Epist. ad Galat., debitum non fuisse talem honorem legi, quam constat fuisse vicinam, Nam ex disputatis supra cap. 6. constat legem Moysis per se fuisse sanctam, rectissimamque, licet dicatur ab Aposto-

Apoſtolo miniſtratio mortis, & cauſſa per quam ſubintravit peccatum, quatenus malum redarguit & prohibet, & accepta per legem occasione concupiſcentiæ, quæ vehementius nititur in vetitâ, niſi ſubminiſtretur gratia Spiritus Sancti, operatur peccatum: quod propterea non juſtæ legi tribuendum eſt, ſed perverſæ hominum voluntati.

Opp. 1. Paulus ad Galat. 11. 3. ſcribit: *Sed neque Titus, qui mecum erat, cum eſſet Gentilis compulſus eſt circumcidi.* Exiſtimavit ergo Paulus mortiferam eſſe circumciſionem. Reſp. Nego conſequentiam; ſi enim Titus non fuiſſet circumciſus, quod circumciſio jam eſſet illicita, non permiſiſſet Apoſtolus circumcidi Timotheum in eo efficiens, quod arbitrabatur iniquum. Ergo non circumcidit Titum, propter ſuperinductos falſos fratres, qui ſubierunt explorare libertatem noſtram, quoniam habemus in Chriſto Jeſu, ut nos in ſervitutem redigerent, inquit ibidem Apoſtolus; id eſt, ut defenderet Evangelii veritatem adverſus Judæos contententes circumciſionem neceſſariam adhuc eſſe ad ſalutem. E contra circumcidit Timotheum ex Judæa matre prognatum, ne cognationi ejus videretur ſacramenta vetera æque reprobare, ac ſuperſtitioſos ritus idolatrarum. Quare hoc argumento noſtra corroboratur ſententia. Ergo (inquit Auguſtinus cit. Ep. 82.) & Timotheum circumcidit propterea ne Judæis & maxime cognationi ejus materna ſic viderentur qui ex gentibus in Chriſtum crediderant deſeſari circumciſionem, ſicut idololatria deſeſtanda eſt, cum illam Deus feri præceperit, hanc Satanas perſuaſerit. Et Titum propterea non circumcidit, ne occasionem daret eis, qui ſine ulla circumciſione dicebant credentes ſalvos eſſe non poſſe, & ad deceptionem gentium hoc etiam Paulum ſentire jaſtarent. Quod ipſe ſatis ſignificat, ubi ait, ſed neque Titus qui mecum erat, cum eſſet Græcus, compulſus eſt circumcidi: propter ſuperintroductos autem falſos fratres, &c.

Opp. 2. At in eadem Ep. 1. cap. v. 2. inquit Apoſtolus: *Quoniam ſi circumcidamini, Chriſtus vobis nihil proderit.* Noxia ergo erat circumciſio, quæ a juſtitia Chriſti credentes arcebat. Reſp. loqui Apoſtolum adverſus eos, qui dicebant, *Niſi circumcidamini ſecundum morem Moysi, non poteſtis ſalvari.* Cujus generis extiſſe aliquos e circumciſione, conſtat ex cap. xv. Act. Apoſt. v. 1. Adverſus iſtos docet Apoſtolus, quod ſi ad juſtificationem neceſſaria foret circumciſio, neque Chriſtus nos liberaſſet a ſervitute legis, neque ab ipſo juſtitiam haberemus & gratiam. Sequitur itaque poſt verba, quæ obijciebantur, Teſtificor autem rursus omni circumcidenti ſe, quoniam debitor eſt univerſe legi ſacienda. Evacuati eſtis a Chriſto, qui in lege juſtificamini: excidiſtis a gratia. Sed audiendus eſt iterum Auguſtinus laudata nuper Ep. 1. ubi ita Hieronymum alloquitur: *At enim dixit idem Apoſtolus, Ecce ego Paulus dico vobis, quia ſi circumcidamini, Chriſtus vobis nihil proderit. Decepit ergo Timotheum, & fecit ei nihil prodeſſe* Cir-

Christum? An quia fallaciter factum est, ideo non obsuit? At ipse hoc non posuit, nec ait, Si circumcidamini veraciter, sicut nec fallaciter, sed sine ulla exceptione dixit, Si circumcidamini Christus vobis nihil proderit. Sicut ergo tu vis hic locum dare sententiae tuae, ut velis subintelligi, nisi fallaciter; ita non imprudenter flagito, ut etiam nos illic intelligere suas eis dictum, Si circumcidamini, qui propterea volebant circumcidi, quod aliter se putabant in Christo salvos esse non posse. Hoc ergo animo ac voluntate, ista intentione quisquis tunc circumcidebatur, Christus ei nihil omnino proderat. Quod subinde S. Pater demonstrat consequentibus verbis Apostoli: Hoc ergo declarat, & quod ipse commemorasti, Evacuati estis a Christo, qui lege justificamini; a gratia excidistis. Illos itaque arguit, qui se justificari in lege credebant, non qui legitima illa in ejus honorem, a quo mandata sunt, observabant, intelligentes & quia prænunciandae veritatis ratione mandata sint, & quousque debeant perdurare.

Opp. 3. Legalia erant olim signa, & figuræ futurorum in Christi morte consummata & completa. Exinde igitur facta sunt figuræ, & signa mendacia; eisque propterea ulterius uti fuit res noxia. Respondeo dist. conseq. illicitum & noxium fuit illis ulterius uti, tanquam signis rerum futurarum, & sacramentis in spe venturi Redemptoris justitiam afferentibus, ac salutaribus, concedo: tanquam exuviis legis emortuæ, sed a Deo institutæ, & honore aliquo abrogandæ, nego consequentiam. *Non ideo fuerant* (ait eadem Epist. S. Pater) *tanquam diabolica gentium sacrilegia fugienda, etiam cum ipsa gratia jam cæperat revelari, quæ umbris talibus fuerat prænunciata: sed permittenda, paullulum eis maxime qui ex illo populo, cui data sunt, venerant. Postea vero tanquam cum honore sepulta sunt, a Christianis omnibus irreparabiliter deferenda.*

Opp. 4. Hac sententia in hæresim Cerinthi, & Ebionis dilabimur; nam hi propter hoc tantum a patribus anathematizati sunt, quod legis ceremonias Christi Evangelio miscuerunt. Resp. perniciosam Ebionitarum hæresim fuisse, quod legalia necessaria sint ad salutem, non sepienda, & abroganda, sed simul cum præceptis Evangelicis perpetuo retinenda: quam hæresim tunc primum serpentem, ut diximus, præforarunt Apostoli, quando acerrime pro libertate Evangelii pugnantes noluerunt circumcidi Gentes, nec legis jugo gravari.

Opp. 5. Observantia legalium non potest esse indifferens, ut ambulatio, sed aut bona est ut continentia, aut mala, ut luxuria; quod autem bonum est, ideo observatur, ut salutem afferat. At hoc sine post mortem Christi non observabantur legalia: mala ergo erat observatio eorumdem. Resp. inspectis diversis circumstantiis temporum, ac locorum observantiam veterum caeremoniarum fuisse & bonam, & malam; malam quidem apud cos, qui adversus libertatem Evangelii jugum

jugum legis imponebant credentibus, quasi necessaria adhuc foret: bonam vero apud illos, qui a consuetudine Judæorum legalia ipsa non auferebant tanquam detestanda & damnanda, quamvis crederent gentibus non esse imponenda. Quod vero dicitur post mortem Christi legalia non fuisse salubria, si intelligatur non fuisse necessaria ad salutem, verum est; si intelligatur non fuisse religiosum ac pium ea absque simulatione exercere; id quidem est falsum. Etenim, ut paullo antea cum Augustino dicebam, sicut defunctorum corpora necessariorum officii religiose deferuntur ad tumulum, ita cum honore lex vetus erat quasi sepelienda, ne obtestationibus inimicorum profunderetur. Proinde quisquis nunc vellet legalia observare, tanquam sopitos cineres e tumulo extraheret; nec esset pius deductor cadaveris, sed impius sepulcrorum violator.

PROPOSITIO III. Apostoli non observarunt legalia prudenti quadam simulatione, sed ex animo, & sincere, sicuti & absque simulatione. Paulus restitit Cephæ intempestive ipsa legalia usurpanti.

Demonstratur primo. Aut servare absque simulatione vetustas caeremonias superstitiosum erat atque mortiferum, aut licitum atque opportunum: si hoc dixeris, non est cur credantur Apostoli simulatione fuisse usos; nam ideo simulate se gessisse putavit olim Hieronymus, quod jam essent mortiferae, & nefas esset illas ex animo & religiose exercere. Si autem dixeris fuisse talem usum sincere, serioque peractum irreligiosum & impium, non debes asserere fuisse sicte ac simulate a viris sanctis adhibitum. Enim vero simulate peragere quod irreligiosum ac mortiferum est, gravi culpa non caret: alioqui licitum esset nunc quoque, ut lucraremur Judæos, cum illis judaizare; quod neminem puto esse dicturum. Cur enim judaizare non licet modo, nisi quia religionis signo caeremonialia probare jam superstitiosum est, & illicitum? Imo fas esset ad lucrificandos idololâtras, simulacris cum simulatione immolare; quoniam id non alia ratione potest esse prohibitum, nisi quia hujusmodi immolatio est superstitiosa ac nefaria. Si ergo in præsentia nefas est judaizare, aut sacrificare cum gentibus; nec Apostolorum tempore licuit Judæorum ritus, supposito quod jam essent illiciti, etiam cum simulatione celebrare. Scite Augustinus Epist. 40. ad Hier. *Nam si propterea (Paulus) illa Sacramenta celebravit, quia simulavit se Judæum, ut illos lucrificaret; cur non etiam sacrificavit cum gentibus, quia & his, qui sine lege erant, tanquam sine lege factus est, ut eos quoque lucrificaret?*

Deinde aperte ex cap. 21. Act. Apost. thesis nostra corroboratur. Siquidem narratur ibidem Paulo, postquam advenerat Jerosolymam, dixisse Jacobum: *Vides frater, quot millia sunt ex Judæis qui crediderunt, & omnes amulatores sunt legis. Audierunt autem de te, quia discessionem docens a Moyse eorum, qui per gentes sunt, Judæorum,*
dicens.

dicens non debere eos circumcidere filios suos, neque secundum consuetudinem ingredi. v. 20. & 21. De his quidem, cum ex Judæis essent, puto esse apertissimum, quod legalia absque ulla simulatione exercerent. Sequitur Jacobus v. 23. 24. *Hoc ergo fac quod tibi dicimus: sunt nobis viri quatuor votum habentes super se. His assumptis sanctifica te cum illis: & impende in illis, ut radant capita: & scient omnes quia quæ de te audierunt falsa sunt, sed ambulas & ipse custodiens legem.* Nunquid ait Jacobus, Utere, o Paule, ad tempus simulatione? Minime, *Fac, inquit, quod dicimus, sanctifica te cum illis.* Ait ne, Judæorum commotionem actione hac simulata compeſce? Nequaquam: sed, *Scient omnes, quia ambulas & ipse custodiens legem.* Certe num verbis magis perspicuis potuisset significari legalium sincera observatio, ignoro penitus. *Nam si revera* (inquit Augustinus Epist. ad Hier. 82.) *sic ea reprobareret, quemadmodum de illo auditum erat, & ideo celebranda susciperet, ut actione simulata suam posset occultare sententiam, non ei diceret Jacobus, Et scient omnes, sed diceret, Et putabunt omnes quoniam quæ de te audierunt falsa sunt: præsertim quia in ipsis Hierosolymis Apostoli jam decreverant, ne quisquam tunc Judæos judaizare prohiberet, quamvis etiam ipso jam doctrina Christiana non cogeret.* Attenta ergo Actuum Apostolicorum lectione, hand obscure percipitur ab Apostolis antiquos ritus fuisse ingenue servatos.

Incredibile præterea est Apostolum Paulum in Epistola ad Galatas, in qua cap. 1. v. 20. ait, *Quæ autem scribo vobis, ecce coram Deo, quia non mentior*, fuisse mentitum; at si fîcte, & simulate restitisset Petro dum gentes cogeat judaizare, mendax esset & falsus. Igitur non fîcte & apparenter restitit Petro, sed sincere, & ex animo. Cui argumentationi respondet Baronius ad an. Ch. LI. n. 38. (quamquam & ipse Apostolos non simulate se gessisse concedit) quod minime inter se pugnant Paulum sinceram narrasse historiam, & ea, quæ reconſuit non serio fuisse peracta. At Paulus non tantum scribit se restitisse Cephæ; verum etiam, quod *reprehensibilis erat*, v. 11. quod *non recte ambularet ad veritatem Evangelii*, v. 14. quod non simulabat, sed *cogeat judaizare*. Petrus autem aut bene se gerebat, aut male; si male, ergo ex animo a Paulo reprehendebatur: si bene, ergo Paulus mentitus est scribens illum non recte ambulasse. Belle excusserat Augustinus inane illud responſum Epist. 40. n. 3. his verbis: *Si enim recte illi ingrediebantur, iste mentitus est: si autem ibi mentitus est, ubi verum dixit?* Multo minus responderi potest, Paulum scripſisse quod Petrus fuerit reprehensibilis, & non recte ingrederetur, ut removeret Galatas a servitute legalium, tametsi persuasum sibi foret Petrum nec reprehensibilem fuisse, nec male operatum. Nam, ut Augustinus argumentatur Epist. 28. num. 4. *Si Paulo recte videbatur Petrus fecisse, quem non recte fecisse & dixit & scripsit, ut quasi animos tumultuantium deliniret:*

*ret : quid respondebimus , cum exurrexerint perversi homines prohibentes nuptias , quos futuros ipse prænunciavit , & dixerint quod totum illud , quod idem Apostolus de matrimoniorum jure firmando loquutus est , propter homines , qui dilectione conjugum tumultuari poterant , fuisse mentitum ; scilicet non , quod hoc senserit , sed ut illorum placaretur ad-
versitas ?* Cujus generis exempla possent afferri quamplurima .

Accedit quod omnem simulationem , & omne mendacium etiam officiosum , quamquam illud probasse videntur nonnulli Græcorum , sententia nostra damnat ac reprobatur , quod malum sit intrinsece , & cum veritate pugnet suapte natura . Nec moror quod Suareſius scribit lib. 1x. de Legib. cap. xv 11. etiam in sententia Augustini admittendam esse aliquam simulationem eo quod Apostoli illas cæremonias faciendo simulabant se observare legem tanquam illi subjectos , imo volebant , aut permittebant hoc ab aliis Judæis videntibus ita putari . Istud , inquam , non moror ; nam satis hanc simulationis suspicionem removebant neminem ad judaizandum cogendo : quod ubi Petrus fecit , restitit ei Paulus . At Hieronymus , uti observatum supra , non officiosum , mendacium ait appellandam esse simulationem Pauli , sed honestam potius dispensationem . Verum his optime reposuit Augustinus supra Epist. 40. quod si recte Petrus ad veritatem Evangelii ingressus est , mentitur Paulus scribens quod non recte ambularet : ideoque nequit in sententia illa Hieronymi excusari Apostolus a mendacio . Præterquamquod , ut idem Augustinus inquit Epist. 82. , illud dispensationis vocabulum quid sibi vult , oro ? *Aut enim hoc est quod ego appello officiosum mendacium , ut hæc dispensatio sit officium velut honeste mentiendi : aut quid aliud sit omnino non video , nisi forte addito nomine dispensationis fiat , ut mendacium non sit mendacium .*

Ceterum etsi aliquando liceret uti simulatione & officioso mendacio , quod nos probare non possumus ; in causa religionis , qualis erat illa , de qua in præsentiarum discessit , communior Theologorum , ipsius etiam Suareſii , vera & certissima sententia est omnem simulationem esse illicitam & perniciosam . Primo quia in hac hypothefi simulatio est quædam protestatio & approbatio falsæ religionis , ideoque veræ fidei negatio & erubescencia . Deinde quia simulatio istiusmodi scandalum præbet conscientie infirmorum , qui inde conſpicere possunt veram esse etiam superstitiosam religionem : quod sane scandalum exhibuisset simulatio Apostolorum , ex qua fideles potuissent suspicari fuisse licitum cultum cæremoniarum antiquarum , quas opposita sententia censet fuisse mortíferas . Tandem , ne sim verbosior , si in causa religionis simulare fas esset , frustra Eleazarus 2. Macchab. cap. vi. 24. & 25. compulsus manducare porcinam , dixisset : *Non enim statui nostræ dignum est finire : ut multi adolescentium arbitantes Eleazarum nonaginta annorum transisse ad vitam alienigenarum ; & ipsi propter meam simulationem*

nem decipiantur, & per hoc maculam atque execrationem mea senectuti conquiram. Atque huic præclaro exemplo accedit commendata septem fratrum Macchabæorum historia cap. proximo enarrata, ac plurimorum Martyrum ad simulacra Gentium etiam simulati cultus laudabilis detestatio.

Sed objicies 1. Apostolos cum simulatione observasse legalia, nec ex animo Petrum fuisse a Paulo reprehensum demonstratur ex Epistola ad Galat. cap. 2. Etenim v. 11. ait Apostolus: *In faciem ei restiti*: At illud *in faciem* idem est, ac *apparenter & simulate*: Igitur Paulus non ex animo, sed cum simulatione restitit Petro. Resp. falsam esse minorem; quippe illud *in faciem* idem est, ac *palam*, & *coram omnibus*; uti constat ex Græca lectione, ex Aethiopica, & Syriaca, quæ habent, *palam*, *coram omnibus*, *in faciem ipsius*, &c. Demonstrat quoque illius vocis significationem idem Apostolus infra v. 14. *Dixi Cepha coram omnibus*. Item dum profert causam cur ei restiterit, *Quia reprehensibilis erat*. Ad hæc Act. xxv. 16. ubi Vulgata nostra legit: *præsq̃uam is, qui accusatur præsentem habeat accusatores*, habentur in Græco eadem particulæ, quæ in Epistola ad Galatas, *κατὰ ὁπίσθεν, in faciem*. Est ergo proprie illud *in faciem* idem, ac *in præsentia*, & *coram omnibus*, non, *sicte*, & *cum simulatione*. At dices fortasse: In 2. ad Corinth. cap. v. 12. legitur idem valere *in facie*, & *non in corde*. Expedite respondeo, aliud esse *ὁπίσθεν in facie*; aliud *κατὰ ὁπίσθεν, in faciem*; hoc postremum idem esse ac *palam*, & *coram*, demonstrant, ut adnotavit etiam Erasmus Comment. in Epist. ad Galatas, Latini Patres, & Scholia omnia Græcorum. Quamquam si illud *κατὰ ὁπίσθεν* sensum haberet ambiguum, in Epistola ad Galatas liquet idem significare, ac *palam*, & *coram*; cum habeatur v. 14. *ὑποφωδὴ πάντων, coram omnibus*.

Oppones 2. Advertit citatus Erasmus verba versus 11. quæ reddit Latinus Interpres, *Quia reprehensibilis erat*, haberi in Græco, *ὅτι καταγνωμένος ὢν, quoniam reprehensus erat*. Græci itaque recte hunc locum interpretati sunt, quod male de Petro judicabatur, etiam si reprehensibilis recte non erat. Resp. 1. Etiam Auctorem Commentariorum, quæ ibidem Erasmus, alique tribuerunt Ambrosio, legisse, *Reprehensus erat*; sed hujus reprehensionis causam proferens, ait, *Unde reprehensus? utique ab Evangelica veritate, cui hoc factum adversabatur*. Parum ergo Græcorum opinioni ipsa Græca lectio suffragatur. Deinde demonstro legendum esse, ut habet Vulgata, *Quia reprehensibilis erat*. Syriaca, & Arabica versio similiter habent. Item Vatablus, & alii. Sed aperta ratio eruitur ex v. 14. *Quod non recte ambularent ad veritatem Evangelii*. Est autem, qui ita non ambulat, reprehensibilis & corrigendus. Queris occur in Græco positum est, *καταγνωμένος, reprehensus*, non autem *κατάγνωτος, reprehensibilis*? Causam accipe. Phrasia Hebraica est participia pro verbalibus usurpare: ut 4. Regum xviii. 21. le-

21. legitur, *in baculo arundineo, atque confractō, idest, frangibili*; Pſalm. xxi. 7. *argentum igne examinatum, idest, eximium & aſtimabile*; Eſaie xxxi. 11. 19. *populum alti ſermonis, quod in Hebræo eſt, irriſum lingua, idest, non intelligibilis ac barbarus*. Ea phraſis fuit Paulo familiariffima; nam 1. ad Corinth. cap. 9. 25. athletam appellat *ἀγωνίζεσθαι*, pro *ἀγωνίζεσθαι*: ad Hebræos xii. 18. pro eo, quod nos habemus, *ad tractabilem montem, & acceſſibilem ignem*, extat in Græco, *ἀκαταρμήν ὄρει, ἢ κακωμένην πρὸς, monti contrectato, ignique accenſo*: & ibidem v. 27. *legimus αλωνίσματα, commota, pro mobilia*. Hac ergo phraſi nec a Latinis prorsus aliena, quibus *inviſtum, indomitum, perditum*, idem eſt, ac *invincibile, intractabile, & dignum perditione*, poſitum eſt ab Apoſtolo *reprehenſus* pro *reprehenſibili*. Ex his obiter nota operam perdere Baronium, dum citato loco nititur demonſtrare Auguſtinum locum Epiſt. ad Galat. inoffenſo pede non pertranſiſſe, nec Petrum aliqua ratione peccaſſe. Certe ſi Petri animum inſpicimus nullam offenſionem, aut ſcandalum præbendi Judæis, conſtat Petri peccatum eſſe aliqua ex parte excuſabile; at peccaſſe jam ex dictis conſtat, & recte adverſus Græcorum nonnullos id ſentiunt Latini Patres apud Bellarminum lib. 1. de Rom. Pontif. cap. 28. Imo opere ipſo externo erat Petri factum ſuperſtitioſum, ut Auguſtinus affirmat cap. 30. de Agone Chriſtiano, quoniam cogendo Gentes judaizare videbatur adſtruere legalium neceſſitatem. Quare Auguſtinus non *tractavit Petrum durius, quam par erat*; uti ſcribit Sixtus Senenſis lib. 6. Biblioth. annot. 274.

Si dicas hanc opinionem Auguſtini nimium patrocinari, aut Porphyrio, qui blaſphemabat Paulum auſum redarguere procaciter Petrum, cum in eodem errore fuerit; aut Novatoribus, qui peccatum Petri atroci calumnia adverſus Romanorum Pontificum auctoritatem obſectant; Reſpondeo adverſus ſycophantam Porphyrium, audaceſque heterodoxos longe melius in ſententia Auguſtini defendi Petri & Romanorum Pontificum auctoritatem, quam ſi dicamus illum cum ſimulatione fuiſſe reprehenuſum. Hoc namque ſuppoſito obſectarent Romanæ Eccleſiæ inimici, Apoſtolos in cauſa religionis fuiſſe mentitos, nec Petrum erraſſe tantum ſervando intempeſtively quod damnatum non erat, ſed etiam cogendo fideles ad ritus abrogatos atque mortiferos. At poſita ſententia Auguſtini apparet *laus juſte libertatis in Paulo, & ſanctæ humilitatis in Petro*; ut idem Sanctus Doctor demonſtrat Epiſt. 82. ad Hieronym. & Epiſt. 71. ad Quintum ſanctiſſimus Martyr Cyprianus.

Opp. 3. Paulus ipſe ſervavit legalia: qua ergo fronte, qua auctoritate audeat reprehendere in Petro, qui circumciſionis Apoſtolus erat, quod ipſemet Apoſtolus Gentium conſtat commiſiſſe? Reſponſum eſt prop. 2. Petrum fuiſſe a Paulo reprehenuſum, non quod ille uteretur legalibus, ſed quoniam ad hoc faciendum gentes cogeſſe; unde qui credebant in Chriſtum poterant ſuſpicari, *sine illis veteribus ſacramentis*

salvos se esse non posse. Sed legitote Augustinum Epist. 82. cap. 2. num. 8.

Quarto opponēs: Simulasse Paulum aperte ipse testatur scribens in priori ad Corinth. cap. ix. 20. *Et factus sum Judæis tanquam Judæus, ut Judæos lucraver*. Resp. cum eodem Augustino Epist. 40. num. 4. & Epist. 82. num. 28. Apostolum Judæis tanquam Judæum factum esse, *non mentientis astu, sed compatiētis affectu, sive, compassione misericordiae, non simulatione fallaciæ; quomodo qui egrotis ministrat tanquam egrotus, non cum febres se habere mentitur, sed cum animo condolentis cogitat quemadmodum sibi ministrari vellet, si ipse egrotaret*. Atque id executus est Paulus familiariter cum Judæis conversando, & servando legalia, quando id non fuit Gentibus occasio offensionis. Alioqui si factus esset tanquam Judæus observando cum simulatione cæremonias mortiferas, factus quoque esset tanquam Gentilis cum simulatione idolis sacrificando; ut supra in hujus positionis demonstratione prima ratiocinabamur.

Rursus objicies 5. Eodem cap. 2. ad Galat. v. 13. habetur: *Et simulationi ejus consenserunt ceteri Judæi, itant & Barnabas duceretur ab eis in illam simulationem*. Resp. observationem legalium factam a Petro dici *simulationem*, non quod fieret fictæ, & non ex animo; sed dicitur simulatio, quoniam Gentiles falso illā deducebantur, ut crederent Judæos segregari a Gentibus, quoniam hæ nolabant exercere ritus legales, tanquam ad salutem necessarios. Nam seq. versu legitur, quod Petrus Gentes ad judaizandum cogebat, & cum primum ederet cum Gentibus, advenientibus Judæis, se ab ipsis Gentibus subtrahebat & segregabat. Quare pro simulatione legit Syrus, אֲתָרִיטָה, *segregationem*: & sunt qui pro, *συμμετοχὴν αὐτοῦ*, *simulationi ejus consenserunt*, legendum putant, *συμμετοχὴν*, *una se subduxerunt, aut segregarunt*, & pro τῇ ὑποκρίσει, *simulationi*, τῇ ὑποκρίσει, *segregationi*. Sed his admisissis pro responsionis nostræ explicatione, lectionem Vulgatæ esse præferendam etiam vetusti Græcorum Codices commonstrant.

Opp. 6. Patres Græci Apostolorum simulationem, diserte probant, Origenes, Didymus, Laodicens, Alexander, Eusebius Emisenus, Theodorus Heracleotes, & Joannes Chrysostomus. Hos in sua Epistola laudat Hieronymus. Adde Doctorem Latinorum præstantissimum, ipsum nempe Hieronymum. Resp. Augustinus Laodicenum ipsius Hieronymi confessione egressum fuisse ab Ecclesia, Alexandrum appellari veterem hæreticum, Origenem vero ac Didymum in pluribus, gravissimæ quæstionibus ab eodem Hieronymo fuisse reprehensos. Tres igitur restant Eusebius, Theodorus, & Chrysostomus; quibus S. Pater opponit Cyprianum, & Ambrosium. Adde Tertullianum, ipsum Augustinum, Gregorium Magnum, aliosque Latinos. A Græcorum vero illorum auctoritate his verbis S. Pater se munit Epist. 82. num. 25. *Dent veniam quilibet aliud opinantes. Ego magis credo tanto Apostolo in*

in ſuis , & pro ſuis literis juranti , quam cuiquam doctiſſimo de alienis literis diſputanti . Scio Eraſmum in Epiſtolam ad Galatas ſcribere ſe in his majorem fidem habere Origeni , quam decem Patribus Orthodoxis . Sed fidem Origeni non habendam eſſe , præter ea quæ dicta ſunt , oſtenditur ex ipſo Hieronymo . Qui in Epiſtola 75. ad Auguſtinum ait , *Hanc autem interpretationem primus Origenes , & ceteri deinceps interpretes ſunt ſequuti , ut Porphyrio respondeant blaſphemanti , qui Pauli arguit procacitatem .* Ergo ante Origenem nemo credidit Apoſtolum ſimulaſſe , neque Origeniana interpretatio antiquâ traditione fulcitur . Ad retundendam vero audaciam Porphyrii parum illam interpretationem valere demonſtratum eſt ſupra . Igitur interpretatio Origenis ſacræ Apoſtolorum hitoriæ , ejuſque literali intelligentiæ præferri non debet . Adde Græcos in verbo *κατασκευάζω* non advertiſſe hebraicam phraſim , qua uſus eſt Paulus , & probaſſe aliquando ſimulationem , & officioſum mendacium certiſſime reprobandum . Quantum ad Hieronymum ; Origenis ſententiam fuiſſe ſecutum , neque eam definito animo defendiſſe , iplius teſtimonio ſupra monſtravimus . Probabile eſt etiam priorem depoſuiſſe ſententiam : nam lib. 3. Apologiæ adverſus Ruſinum , & Dialog. 1. contra Pelagianos cap. 8. demonſtrat exemplo Petri , qui non recto pede inceſſit in Evangelii veritate , ſanctos non omni caruiſſe peccato , & etiam Apoſtolos ſalva amicitia inter ſe diſſenſiſſe . Icecirco Auguſtinus Ep. 260. ad Oceanum , nunc 180. inquit : *Cum de hac quaſtione inter nos ego , & prædictus venerabilis frater Hieronymus ſatis literis egerimus : in hoc opere recentiſſimo , quod ſub nomine Critobuli adverſus Pelagium modo edidit , eandem de iſta re geſta , dictiſque Apoſtolicis ſententiam tenuit , quam beatiſſimi Cypriani etiam nos ſecuti ſumus .*

Ultimo objicies . Simulationem aliquando ad proximorum lucrum eſſe licitam , Chriſti Domini exempla , ſacrarum hitoriarum monumenta , laudibuſque celebrata Sanctorum facta demonſtrant . Chriſti quidem ; nam *factus in ſimilitudinem carnis peccati ſimulavit ſe peccatorem , & diſcipulis euntibus in Emmaus Lucæ 24. 28. finxit ſe longius ire* : Magdalene quoque ſub hortulani ſpecie apparuit Joan. xx. 15. Divina autem hitoria narrat Joſue cap. vii. 1. ſimulando ad decipiendos hoſtes terga vertiſſe : refert 4. Regum cap. v. 18. Naaman Syrum oraſſe Eliſeum , ut ſi in Templo Remmon cum Domino ſuo adoraret idolum ; quoniam id ſimulatione facturus erat , ei non imputaretur ad culpam : cui Propheta quaſi illam ſimulationem probando reſpondit , *Vade in pace* . Et cap. ejuſdem libri x. 18. Jehu inſidioſe ut perderet cultores Baal ait : *Achab coluit Baal parum , ego autem colam eum amplius* . In Eccleſiaſtica demum hitoria habetur Catholicos ſe olim ſimulaſſe Priſcillianiſtas , ut liberum haberent ad iſtos acceſſum ; & ſanctum Euſebium . Vercellenſem Epiſcopum finxiſſe ſe Ariamum , ut Dionyſium Mediolanenſem Antiſitem ab hæreſi revocaret .

Reſpon-

Respondent qui simulationem aliquando licitam esse propugnant, ad rem non facere exempla allata simulationis Christi Domini, & Josue, cum hoc simulationis genere nullus superstitiosus ritus fuerit approbatus, uti contigisset simulatione Apostolorum; quæ propterea non caruisset omnino reatu, quomodo non caruit simulatio Jehu, Naamani, & etiam S. Episcopi Vercellensis. At nos dicimus nullam, nec religionis causa simulationem esse licitam; quippe simulatio mala est, ut inquit, *ex objecto*, cum veritati directe opponatur, & aliud, quam habeatur in mente, significet verbo, vel facto. Quod autem est per se malum, nullâ conditione aut circumstantia rerum excusatur; quoniam nulla rerum conditio potest efficere, ut simulatio cum veritate non pugnet, ideoque nequit ab ipsa simulatione auferri malitia. Unde nec dispensatione Dei permitti potest ipsamet simulatio, quoniam nunquam licitum esse potest, quicquid in qualibet circumstantia adversatur summæ veritatis, & æquitatis rationi. Ad singula ergo nostrum est respondere.

Atque ad 1. dicimus Verbum Divinum factum in similitudinem carnis peccati, non simulando se peccatorem, sed exercendo humilitatem, cum peccatoribus conversando compatiens affectu, & pro illorum salute crucem subeundo, semper tamen specimen virtutum exhibendo, propriam innocentiam prædicatione signisque confirmando, hypocrisim & reliqua vitia reprehendendo. Quod sane non est simulare se peccatorem, sed peccatores recipere, redarguere, & salvare. Dum finxit se longius ire, nulla usus est simulatione opposita veritati. Primo enim juxta Augustinum, plura quæ primo aspectu videntur mendacia, talia non sunt si animadvertatur ea referri ad prædicandam, & significandam aliquam veritatem: tunc enim veritatem non violant, sed explicant & præsignant. Atque hoc pacto, si id, cujus causa factum est, advertatur, neque mentitus est Abraham dicens pueris suis, se quamprimum reversum cum Isaac, nec Jacob dum hædinis pellibus contectus ait patri esse primogenitum ejus, dum Christi incarnationem, & Redemptionis mysterium uterque prædiceret. Ita in Christo, dum finxit se longius ire, non fuit simulatio mendacii, quoniam significabat se quamprimum ab Apostolis discessurum, & longe etiam a mente infidelium abesse. Præterea, ut Tirinus & Menochius observant, non fuit ea simulatio, quia nisi illum discipuli detinuissent, revera longius profectus esset. Deinde Estius ait Christum ad excitandum in corde Discipulorum amorem gestum & motum corporis composuisse, ut solent ii, qui longius ire contendunt, atque ut matres componunt habitum corporis tanquam a puerulis digressuræ. Observant alii haberi in Græco *προειρηται*: est autem *προειρηται* idem ac *præferre*, etiam, ubi nulla est species simulationis. Quod ad apparitionem factam Magdalenæ pertinet, habere potest eandem, quam supra, solutionem. De qua

qua plura Auguſtinus contra Mendacium cap. 13. Habet enim talis apparitio veracem ſignificationem fidei , quam ad inſtar grani ſinapis in nobis Chriſtus ſpargit ; ut inquit Gregorius hom. 25. in Evang. & Tract. 121. in Joann. S. Pater . At non habetur Jo. xx. 15. Chriſtum apparuiſſe hortulani ſpecie , quaſi ligonem aut farculum gerentem manu ; ſed Magdalenam adhuc titubantem in fide , exiſtimaviſſe juvenem ſtantem non eſſe Dominum , ſed illius horti cultorem . Id vero non ſimulationem in Chriſto , ſed dubitationem arguit mulieris ; quæ nondum converſa corde , ut Auguſtinus ibidem ſcribit , *quod non erat , putavit*.

Ad exempla ex veteri Teſtamento deprompta , poteſt 1. univerſaliter reſponderi cum S. Pater contra Mend. cap. 16. nos cum quaerimus , ſit ne boni hominis aliquando mentiri , non de hominibus quaerere adhuc ad Aegyptum , vel ad Hiericho , vel ad Babyloniam , vel ad ipſam Jeruſalem adhuc terrenam pertinentibus ; ſed de civibus illius civitatis , cujus princeps eſt ipſa Veritas , & ad quam appropinquabant veteres juſti , ſed ab ea aberant aliquantulum . Joſue tamen , ut etiam demus ſingulis reſpoſum , poteſt ab omni fallaci ſimulatione purgari ; nam bellum gerentibus licitum eſt terga vertere , obſidionem relinquere , & hoſtibus belli ſeriem occultare ; non quidem fallendi animo , ſed ut in meliori ſtatione conſtituantur . Jehu , quamquam delendo domum Achab laudem aliquam promeruerit , peccavit tamen *mendacia impio & ſacrificio ſacrilego* , ut Auguſtinus docet eodem libro , cap. 2. & S. Thomas 2. 2. q. 111. art. 2. Naaman vero , non exoravit Eliſeum , ut poſſet Saturno , ſeu , qualecunque illud fuerit , idolo Remmon cum ſimulatione cultum religioſum exhibere : ſed hoc petiit tantum , ut ſi Domino idololatræ ſerviens , iſto adorante , Naaman quoque caput inclinaret , quoniam id faſtus erat obſequio quodam politico debito principi , non cultu religionis idololatræ ; id famulo non imputaretur in culpam , aut ſi culpa eſſet aliqua , precibus Eliſei ſibi remitteretur . Verebatur quippe Naamanus , ne Syri putarent flexionem illam corporis Saturni ſimulacro a ſe fieri . At quia ex alia parte exteriori ſigno Naaman demonſtrabat , ſe Remmoni nullum cultum præſtare , & nunquam ſine Principe idolum ingrediendo , & ſummo Deo offerendo holocauſta ſuper terram , quam in publicum ſuæ religionis teſtimonium oneratis duobus burdonibus aſportabat de terra Iſrael ; ideo reſpondit Eliſeus , *Vade in pace* , commendans fidem hominis , qui nec ſimularet vellet idolo genua fleſcere , & etiam terram , ut immolaret viſtimas Deo Iſrael , veheret in Syriam . Hos aſportatæ terræ maniſiſſimum ſignum aſſertionem noſtram confirmat , & retorquet argumentum in Adverſarios ; evincit enim nec Naamanum paullo ante idololatræ probaſſe ſimulationem , quam perperam ipſi commendant .

Dicam nonnulla de S. Eufebio Vercellenſi , nam ſimulationem Præſcillianistarum , eorumque , qui cum iis ſoyebant conſuetudinem ,
cum

cum Augustino citato lib. cap. 2. & 3. rejicimus & damnamus. Una est eruditorum Theologorum sententia, factum Eusebii, si intentionem spectes, laudandum, si vero Arianismi simulationem, esse redarguendum. Si dicas in Ambrosiano sermone de laudibus Eusebii LVI. factum istud impense laudari; primo eandem adhibent responsonem: deinde inquirunt Sermonem illum non esse Ambrosii, ut Dupinius, Benedictini Patres, & alii agnoverunt, & tota sermonis series abunde probat. Quibus addo illius Orationis auctorem comprobare simulationem, exemplo Pauli; cum Ambrosius simulationem omnem reprobet lib. 2. de Offic. cap. 22. uti & Pseudambrosianus Commentator in Epistolas Pauli in 1. ad Corinth. cap. 1x. 20. & ad Galat. 11. 11. Sed aliam ego dabo responsonem forte æquiores, & sanctitate Eusebii magis dignam, nec repugnantem Scriptori sermonis nuper laudati, quem constat per antiquum esse & habitum coram Eusebii discipulo Exuperantio. Dictum supra ad oppos. v. segregationem Apostolorum dici simulationem, quoniam fortassis videbatur tali segregatione a gentibus approbati legitima Mosis tanquam necessaria; cum revera Apostoli judaizando rem licitam animo serio peragerent. Ita quod pro lucrificando Dionysium gessit Eusebius, potuit fortasse imperitis videri simulatio, sed non est revera, servavitque ille factu, verbisque veritatem. Extat facti narratio in vetustissimo Codice Vercellensi edito ab Ughello Tom. 4. Italiae Sacrae, longe ante millesimum annum conscripto. In eo narratur, Eusebium accersitum ab Imperatore Constantio, & honorifice susceptum, atque invitatum ad subscriptionem fidei Arianæ & damnationis Athanasii, quam Dionysius firmaverat, respondisse: *Non est discipulus supra Magistrum, neque filius supra patrem. Non post filium subscribam, quem præcessi nomine: istud incendite*. Auctor etiam præfati sermonis simulationem, qua Eusebius consentire visus est perfidiæ Arianorum, hanc esse declarat, quod dixerit: *Vos, qui dicitis Filium Dei Patri Deo aequalem esse non posse, cur mihi filium meum prætulistis?* Itaque etsi Ariani putarunt velle Eusebium fidem illorum probare, quam ob rem dicitur sensu aliquo simulasse tacendo quod opportunum non erat proferre; tamen reapse non simulavit, quoniam neque Constantium adiit nisi accersitus, neque affirmavit Filium esse Patri inæqualem; & ne subscriberet veram rationem attulit, quoniam erat ille revera Dionysii Magister & Pater. Atque hæc pro Sancto Antistite Vercellensi, & pro quæstionis hujus coronide dicta sunt.

ANIMADVERSIO IN VERS. 29. CAP. XV. ACT. AP.

Oritur ex dictis quæstio, cur in Act. Apost. cap. xv. 29. impositum fuerit, tanquam observatu necessarium, Gentibus, quæ ad legalia cogi non poterant, *ut abstinerent se ab immolatis simulacrorum, & sanguine,*

guine, & ſuffocato, & fornicatione. Et de immolatis quidem, & de ſcortatione ratio videtur aperta, quod illa ſint idololatriæ quædam conteſtatio, venus autem omnis flagitiſa. At non edere animalium ſanguinem lex eſt ſeptimi capitis Levit. v. 26: ad quam ſi credentes in Chriſtum obſtringi non poterant; eccur, quæſo, Apoſtoli idem neceſſario obſervandum eſſe definierunt?

Itaque ſunt, qui *ſanguinis* nomine prohiberi contendunt homicidium, & per *ſuffocationem* violentam oppreſſionem miſerorum: unde Auguſtinus lib. 32. contra Fauſtum cap. 13. ait, *Alii intelligunt a ſanguine præceptum eſſe abſtinendum, ne quis homicidio ſe contamineſ.* Cenſent alii vetitum ne ederetur de carne cujus ſanguis non eſſet effuſus; & de animali ſuffocatione interempti. Hoc vero docent duplici de cauſa fuiſſe impoſitum: primo, ut per hanc abſtinentiam ab omni humana cæde magis fierent alieni, uti hoc idem præſcriptum fuerat Noe & poſteris, Genef. cap. 1x. 4. deinde ne Judæi refugerent cum Gentilibus Chriſtianis ſocietatem. Atque hanc poſtremam cauſam libenter probo; quoniam & S. Pater loco nuper commemorato laudat prudentiam Apoſtolorum, qui *elegiſſe videntur pro tempore rem facilem, & nequaquam obſervantibus oneroſam, in qua cum Iſraelitis etiam Gentes aliquid communiter obſervarent.*

Sed quamquam hæc ratio veriſſima eſt; non videtur princeps, ant ſaltem unica: & S. Pater ibidem hoc tanquam vero ſimile tantum aſſert docens quod *hoc diſcutere longum eſſet.* Arbitror itaque id optime fuiſſe ſancitum, non ut in gratiam Judæorum cæremoniæ veteres ſervarentur; ſed ut a Gentilibus ſuperſtitiones, & vitia cultum idolorum comitantia penitus removerentur, cujus rei gratia fuerant ipſe cæremoniæ inſtitutæ. Ac propterea præceptum illud abſtinendi a ſanguine, & ſuffocato diu in Eccleſia ſervatum eſt, ut conſtat ex Conciliis Trullano, & Gangrenſi; & etiam nunc ſervatur a Græcis nulla habita ratione, ut reor, rituum Moſaicorum.

Revera quatuor ſunt, a quibus abſtinendum eſſe Apoſtoli præceperunt. Veniunt priori loco carnes immolatiæ: quas ob idololatriam vetari, res per ſe loquitur. Videatur Epistoſta Pauli prima ad Corinth. cap. x. 7. & 21. Eſum ſanguinis præſertim victimarum, quæ mactabantur idolis, fuiſſe Ethnicis ſuperſtiſioſi cultus argumentum, demonſtrant apud Jo. Spencerum in hac diſſert. p. 717. Origenes, Tertullianus, Minutius, & quæ ſcripſimus ſup. cap. 1x. Synodus quoque Trullana can. 67. prohiberi docet *ſanguinem animalium mactatorum.* Suffocatum nihil eſt aliud, quam animal dæmoni immolatum ſuffocatione, in qua animantium animam ſacrilegi offerri putabant: quod recte obſervarunt ex Scholaſticis Alexander Alenſis 3. p. q. 55. & Guilelmus Pariſienſis de Legibus cap. 8. Fornicationem vero maxime viguiſſe inter gentes, quæ ignorant Deum, & ab his ſcortationis cauſa lucos prope delubra plan-

tatos, & strata ibidem cubilia, tradit etiam Esaias cap. 57. Cum igitur in ipsis Ecclesiæ incunabulis studeret Diabolus his quatuor fideles ad idololatriam trahere, ut liquet ex cap. 2. Apocal. v. 14. & 20., consulto Apostoli præceperunt abstinendum omnino esse ab idolotythiis, a sanguine, a suffocato, a fornicatione. Etsi ergo facile in hoc poterant convenire Gentes cum Judæis; attamen præcepto illo non fuit præscripta observantia legalium, ut legalium, quomodo scripserunt e Schola complures, sed prohibita quatuor illa idololatriæ adminicula nuper exposita. Quare si Tyrannus idolorum cultor carnes immolatitias Christiano proponeret, sive, ut fecisse dicitur Julianus Apostata, cibos sanguine victimarum pollutos; servanda adhuc esset lex Apostolica, exemplo Sanctorum Martyrum LXXX. de quibus Martyrologium Romanum die 2. Martii. E contra ubi sanguis, & suffocatum nullam idololatriæ cultus ingerunt suspensionem, neque obstat jejunii, & abstinence præceptum, iis vœci nullo decreto Apostolico prohibemur.

De altera questione, quam solent hoc loco tractare, quo præcise tempore legalia cæperint esse mortifera, nescio quid sit definite pronuntiandum. Probabilius arbitror id contigisse postquam promulgato Evangelio necessaria non erat diuturnior cum Judæis dissenfatio; imo poterat ex ea pertinacius tumescere Nazaræorum & Ebionitarum hæresis, Christianam religionem cum Judaica complectens. Igitur cessarunt Legalia, & quasi sepulta sunt una cum ruderibus Civitatis Jerusalem, quam duce Tito occuparunt Romani, & ferro, & igne vastarunt anno Ae. V. LXX. Titi Flavii Vespasiani II., post Christi mortem anno XLII. supposito quod mortuus sit anno Ae. V. XXIX. Coss. duobus Geminis.

C A P U T XI.

A Petro Principe Apostolorum Cepham, cui resistit Paulus, non esse diversum.

NON errasse Petrum in fide se a Gentibus subtrahendo, animique inspecta intentione a culpa saltem gravi excusandum, paullo supra adversus Porphyrium, Novatorumque phalanges perscripsimus. At fuerunt nihilominus quidam veteres, qui ut facilius Petrum defenderent, affirmarunt Cepham a Paulo reprehensum esse alium a Principe Apostolorum. Quorum opinionem jam extinctam, & rursus excitatam ab Harduino & Boileau scribit Eruditissimus Calmet Dissert. 1. in Epist. ad Galatas, & in Dictionario Biblico V. Cephas. Verum ante Harduinum illam propugnarunt Hector Pintus in Daniele, & Bartholomæus Cornera de Jejunio cap. 6. imo Harduini argumenta a Patrum maxime testimoniis deprompta collegit, brevique solvit Suaresius De lege

lege veteri libro 1x. Talem vero opinionem a Hieronymo, aliisque Patribus, a Schoſticiſtis etiam & ſacrorum librorum Expoſitoribus reſutata proxima poſitione expendam.

PROPOSITIO. Cephas, cui Paulus in faciem reſtitit, non fuit alius a Petro.

Et Petrum quidem cognominatum fuiſſe Cepham extra controverſiam poſitum eſt. Ei quippe ait Chriſtus Jo. 1. 42. *Tu es Simon filius Joana: tu vocaberis Cephas, quod interpretatur Petrus.* Huic ergo Cephæ, non alteri, quem nonnulli dicunt fuiſſe unum ex diſcipulis Domini, & quidam Martialem Lemovicenſem Epiſcopum, Paulum reſtitit, haud obſcure colligitur ex cap. 2. Epiſtolæ Paulinæ ad Galatas. Ibidem enim v. 8. legitur: *Qui operatus eſt Petro in Apoſtolatam circumciſionis, operatus eſt & mihi inter Gentes:* ibique Apoſtolorum principem designari, & expreſſum nomen demonſtrat, & character Apoſtolatus. At proximo v. 9. legitur: *Jacobus, Cephas, & Joannes, qui videbantur columnæ eſſe, dexteræ dederunt mihi, & Barnabæ ſocietatis, ut nos in Gentes, ipſi autem in circumciſionem.* Atque huic Cephæ reſtitit Paulus, ut liquet ex verſu xi. ſequenti. Fruſtra autem Cepham verſu nono commemoratum jaſtant diverſum a Petro. Primo enim conſtat ex verſu immediate præcedenti Apoſtolum ſermonem inſtituiſſe de Petro: deinde tres illos Petrum, Jacobum, & Joannem ſui & Barnabæ comparatione Eccleſiæ columnas appellat: præterea repetit fuiſſe Apoſtolos circumciſionis, uti ipſe ac Barnabas Gentium. At circumciſionis Apoſtolum, ut vidimus nuper, non alium, quam Petrum intelligit. Conferas Actus Apoſtolicos, & percipies ex cap. xv. 7. & 13. Petrum & Jacobum ſimul conſtituiſſe Jeroſolymis operam dantes converſioni Judæorum; Paulum vero ac Barnabam miſſos ad Gentes conſtat ex cap. xiii. 2. & 7. Quod inquit hunc Cepham non eſſe Petrum, quoniam poſt Jacobum commemoratur, optime ſolvitur a Calmet exemplis aliis Scripturarum, ubi in perſonis laudandis non ſervatur dignitatis ordo, ut ad Rom. 16. 3. ad Corinth. 1. cap. 16. 19. in ipſa Epiſtola ad Galat. v. 1., & in 1. Joan. 11. 24. Et videtur mihi poſſe futilem illam reſponſionem contra Harduinum retorqueri. Si enim de Cepha non Apoſtolo loquitur Paulus; cur illum præfert Joanni? Si etiam Joannes eſt ignotus diſcipulus, non Evangeliſta ille, & Apoſtolus: cur Paulus jam ſegregatus a Spiritu Sancto, & Apoſtolus Gentium deſtinatus, de tribus illis tanquam dignioribus ait, quod videbantur eſſe columnæ, & tanquam honorem maximum ſibi collatum narrat, quod ſibi ac Barnabæ dederint dexteræ? Adde, eſſi Vulgata præceteris recipio, proboque, extare antiquiſſima Mſs. citata a Grotio, in quibus Cephas præcedit, non interponitur Jacobum inter ac Joannem, eoque ordine hunc locum citari a Veteribus.

Probatur præterea ex v. 11. & 14. In primo namque Vulgata le-

git, *Cam autem venisset Cephas Antiochiam*; in altero, *Dixi Cepha coram omnibus*; & similiter habet Syriaca, nam Petrus latine, Syriace Cephas dicitur. Pervetusti autem Græci Codices habent v. 11. *ὁ τῷ Ἰσάδ Πίτρου ἐν Ἀντιόχεια*, & v. 14. *ὅταν τῷ Πίτρου ὑμῶν ἐν πόλει*; & similiter utroque loco Arabica. Cephas ergo hæc in Epistola non est alius a Petro. At inquirunt, nostra Vulgata, quæ sola authenticæ est, *Cephæ* habet, non *Petrum*. Id quidem inepte dicunt. Nam & supra v. 8. *Petrum* habet. Summam vero auctoritatem Vulgatæ postulare ne propriorum saltem nominum significationem ex aliis Versionibus mutuemur, soli negant indocti, & ad literas excolendas pigerrimi. Nullus præterea Cephas nomine fuit diversus a Petro; aut si fuit, ejus non meminit Epistola Pauli ad Galatas.

Et nullum quidem alium fuisse Cepham, est expressa sententia Hieronymi in hanc Epistolam Comment. *Primum respondendum, alterius nescio cuius Cepha nescire nos nomen, nisi ejus, qui & in Evangelio, & in aliis Pauli Epistolis, & in hac quoque ipsa modo Petrus, modo Cephas scribitur: non quod aliud significet Petrus, aliud Cephas: sed quod quam vos latine & Græce petram vocamus, hanc Hebræi & Syri propter linguæ inter se viciniam Cepha nuncupent*. Diceo, opinor, Cepham quoque appellatum Martialem Episcopum Lemovicensem, ut constat ex titulo illius Epistolæ ad Tolosanos Tom. 3. Bibl. SS. PP. His respondemus illam Epistolam esse suppositam, quoniam illius Auctor scribit se baptizasse Stephanum regem, profertque loca Scripturæ ex Versione Hieronymi. Dicimus præterea Martialem profectum in Gallias anno duntaxat 254., ut habet Gregorius Turonensis lib. 1. Hist. cap. 10. Deinde admissio quod in Gallias venerit Apostolorum ætate, Martialis non appellatur solo nomine Cephæ, sed *Martialis Cephas*. Ad hæc: dicitur ab iis, qui falso illum referunt ad sæculum Apostolicum, missus in Gallias anno post Christi passionem xiv. Paulus autem restitit Cephæ anno post Christi mortem xix. Etenim Christo nomen dedit biennio saltem post ascensionem Domini anno Ae. V. xxxi. Post tres annos a conversione sua venisse Jerosolymam, ipse affirmat eadem Epist. ad Gal. cap. 1. 18. Ascendit iterum Jerosolymam post annos xiv. quo tempore Petrum redarguit, ut habetur cap. 11. 1. Demum scribit Hieronymus citato loco sensum eorum, qui Cepham a Paulo fecerunt, repugnare argumento Epistolæ, *quod oblique de Petro, Jacobo, & Joanne dicitur*. Itaque, quod demonstrandum erat, aut Cephas non fuit alius a Petro; aut si fuit eo nomine aliquis, de illo in Epistola ad Galatas nulla fit mentio.

Opp. 1. Cepham a Petro diversum esse affirmat S. Clemens Alex. lib. v. Hypotyposeon, Eusebius lib. 1. cap. 12. Dorotheus Tyrius in Synopsi, Chronicon Alex., & in Epist. ad Galatas Oecumenius. Primo respondetur adversus hos perpaucos stare Patres omnes cum Græcos,

tum

tum Latinos ; inter quos laudandi ſunt præſertim Tertull. de Præſcript. cap. 23. Cyprianus Epiſt. 71. Hieronymus ſupra laudatus , Auguſtinus Epiſt. 28. 40. 82. de Agone Chriſt. cap. 30. Ambroſiaſter in Epiſt. ad Galat. S. Gregorius Magnus hom. 18. in Ezech. S. Thomas 1. 2. q. 103. art. 4. Neque hi opinative locuti ſunt, ſed aſſertive : & quidam, ut Hieronymus, quæſtionem accurate pertractarunt: quidam, ut Gregorius, ſcribunt quod Adverſarii, *Si Pauli ſtudioſius verba legiſſent, iſta non dicerent*. Deinde reſpondeo librum Hypot. dubiæ eſſe auctori-tatis, & fæde erroribus conſpurcatum. In eo quippe, auctore Pho-tio Cod. 109. aſſeritur materia Deo cœterna, Animarum tranſmigra-tio, Angelorum cum feminis concubitus, Evæ ex Adamo obſcœna-productio, & alia id genus ſexcenta, quæ hæreticorum infantiam habent, non Clementis ſalivam. Ait Calmet etiam Boileau dubitare, num fuerit genuinum opus Clementis. Animadverti dubium hæ-rere etiam Photium, qui codice citato a Calmet non ſolum libri errata con-numerat, ſed inquit ulterius, *Sive ipſe, ſive quis alius ejus perſonam indutus &c.*, *ἢ τὴν αὐτῆς, ἢ τὴν τῆς ἱστορίας τὴν αὐτῆς ἀπὸ τοῦ ὑποκρίναι*: arbi-tror ſcriptum a Clemente; nam ſub ejus nomine laudatur ab Euſebio, ſed laciniiſ fœdiſſimis, fabuliſque fraude aliena conſutum. Ipſe autem Euſebius ſententiam narrat, nec rejicit, nec probat. Ab Occumenio etiam dicitur *probabilis ſermo, πιθανὸς ὁ λόγος*. Ceteros mitto.

Opp. 2. Cepham fuiſſe diverſum a Petro colligitur ex Epiſt. 1. ad Corinth. cap. 1. 12. ubi Apoſtolus ait: *Unusquisque veſtrum dicit: Ego quidem ſum Pauli: ego autem Apollo, ego vero Cepha: ego autem Chriſti*. Ex quo loco apparet Cepham judaizando in Eccleſia quoque, Corinthiaca feciſſe ſciſſuram. Item ex cap. 15. ejuſdem Epiſtolæ, ubi de Chriſto ait: *Viſus eſt Cepha, & poſt hoc undecim*. At ex Luca xxiv. 34. liquet primum apparuiſſe undecim, deinde Simoni. Cephas ergo eſt a Simone diverſus. Reſp. 1. dato etiam fuiſſe aliquem diſcipulum, Cepham nomine, non de iſto, ſed de Apoſtolo circumciſionis, de colum-na Eccleſiæ, de eo qui ſimul cum Jacobo Judæorum ſaluti navavit operam, ſuæque auctoritate dedit dexteram, ideſt, mandavit prædicationem Gentium Paulo, & Barnabæ, in Epiſtola ad Galatas inſtitui ſermonem. Deinde reſpondetur & de Petro loqui Apoſtolum in 1. ad Corinth. cap. 1. 12. Quis enim credat ſanctum aliquem diſcipulum a Paulo reprehenſum poſt Concilium Jerofolymitanum Corinthi circa obſervationem legalium iterum excitafſe diſſidia? Planam hujus loci intel-ligentiam exhibet nobis S. Clemens in Epiſtola ad eoſdem Corinthios, ubi de Paulina ſcribit: *Proſeſſo in ſpiritu ad vos literas dedit de ſeiſpo, & Cepha, & Apollo, quia etiam tum diverſa in ſtudia ſeiſſi: ſed varia illa animorum inclinatio minus peccatum vobis intulit: propendebatis enim in Apoſtolos teſtata ſanctitatis, & in virum ab illis probatum*. Vide Tom. 1. PP. Apoſt. pag. 174. & notas in hunc locum Cotelæii. Appa-ruiffa

paruisse autem Christum Simoni primum, deinde xi. scribit, si attente legeris, etiam Lucas eodem cap. v. 36.

Opp. 3. In sententia, quæ Petrum non distinguit a Cepha, arguitur princeps Apostolorum erroris in fide, & Paulus, qui illum redarguit summæ procacitatis, & audaciæ. Responsum est supra cum Cypriano & Augustino, Petrum non errasse in fide, quoniam legalia nondum erant mortifera; atque in reprehensione Apostoli præclarum nos exemplum habere & sanctæ humilitatis in Petro, & justæ libertatis in Paulo.

Oppones ultimo. Subortis circa observantiam legalium dissidiis Antiochiæ, Paulus profectus est Ierosolymam, ubi in Synodo Apostolorum, cui præfuit Petrus, statutum est, ne ultra jugum Mosaicorum rituum imponeretur credentibus, ut constat ex cap. xv. Act. Ap. Paulus autem restitit Cephæ Antiochiæ, ut habetur in Epistola ad Galat. cap. 11. Si ergo Petrus erat Ierosolymis; quomodo restitit illi Paulus Antiochiæ? Vulgaris est responsio, quam tradit laudatus Calmet, Paulum absoluto Concilio statim reversum Antiochiam; quo postea se contulit Petrus dissidiis jam compositis, & ab Ecclesia Corinthiorum receptis definitionibus Apostolicis; postquam vero Petrus advenerat Antiochiam, contigisse quæ narrantur in Epistola ad Galatas. Sed Augustinus in Epist. 82. ad Hieronymum probabilius censet hæc gesta ante Ierosolymitanum Concilium; nam post verba S. Patris producta superiori cap. Prop. 3., habetur: *Si autem hoc, quod magis arbitror, ante illud Ierosolymitanum Concilium Petrus fecit, &c.* Ideo respondeo non esse eandem professionem Pauli ex Antiochia in Ierosolymam, quæ narratur cap. xv. Act. Apost., & quæ describitur Cap. 2. Epistolæ ad Galat. Et quamquam certam figere Epocham non ausim, dico Concilium Ierosolymitanum saltem biennio esse posteriorem, si recte a recentioribus collocatur ad annum Ae. V. l. vel 21. Nam ego censeo Christum passum anno Vulg. Ae. 33. quibus si addamus 11. quos vidimus fluxisse usque ad Reprehensionem factam Petro, nonnisi ad annum Ae. V. 44. pervenietur.

Ait Calmet hanc distinctionem temporum nimis fluxam esse, & incertam, nec tam levi conjectura satisfaciendum contrario argumento. Verum cum ipse fateatur non convenire Scriptores circa annum Ierosolymitani Conventus, & five ante, five post Pauli & Cephæ dissidium evenit, adhuc esse discrimen, dummodo demonstretur in Epistola ad Galatas non enarrari quod extat in cap. Act. Apost. quintodecimo, omnis contradictio evanescit, simulque evincitur priorem responsionem niti longe levioribus conjecturis. In Epistola ergo ad Galatas res diversas narrari, colligitur quia cap. 11. ait Apostolus, venisse Ierosolymam, *secundum revelationem*, idest, divino monitu ductum; in cap. xv. Act. habetur, statutum fuisse, *ut ascenderent Paulus & Barnabas*,

nabas, hoc eſt, Eccleſiæ Antiochenæ conſilio, non ſpeciali facta Paulo revelatione. Priori in loco aſſeritur cauſſam, cur ierit Jeruſalem, fuiſſe ut conferret cum Apoſtoliſ Evangelium, ne forte in vacuum curreret, aut ecurrifſet: in poſteriori autem ob ſeditionem excitatam a Judæis, & ob ſolam quæſtionem circumciſionis. Ibidem dicitur aſcendiſſe cum Barnaba & Tito; quod factum affirmat Hieronymus, ut prædicationis ſuæ ex Circumciſo, & Gentili haberet teſtimonium. Iſtic vero nec Titus ab Eccleſia deſtinatus legitur, nec ab Apoſtolo aſſumptus. Affirmatur etiam in Ep. ad Galat. decreviſſe Petrum, Jacobum, & Joannem, ut Paulus & Barnabas converterentur ad Gentes, quod in Act. Apoſtolorum fuerat jam narratum cap. xiii. Quod autem poſt Jeroſolymitanum Concilium ſtatim Petrus ſe contulerit Antiochiam, ibique fuerit a Cepha reprehenſus, in capite xv. non invenies. Igitur ex collatione Epiſtolæ ad Galatas cum Actibus Apoſtolicis, quoniam diverſam profeſſionem, diverſamque Pauli cauſſam enarrant, fruſtra ſententiam noſtram damnant antilogiæ, qui Cepham diſtinguentes a Petro, Magno Gregorio auctore, *ſi Pauli ſtudioſius verba legiſſent, iſta non dicerent.*

C A P U T XII.

De Lege nova breviffime pertractatur.

QUONIAM facile ex dictis inferitur hoc inter legem veterem ac novam intereſſe diſcrimen, quod illa iſtius myſteria præſignabat, fructumque uberrimarum gratiarum pollicebatur; recte hanc utriuſque diſcrepantiam explicarunt Theologi comparatione parvuli virique perfecti, aut arboris latentis in ſemine, ac inde germinantis, pomaque ſaluberrima proferentis. Hinc ſolvitur prima quæſtio, quam de nova divina lege Theologi inſtituunt, num veteri ſit perfectior. Conſtat quippe perfectius eſſe quod fructum aſſert, quam quod illum promittit, & virum hæreditatem capeſſentem, quam parvulum ſub tutoribus, & aſtoribus conſtitutum. Eſt autem ſub Evangelica lege repromiſſa hæreditas, unctio primum Spiritus Sancti, libertas filiorum, qua clamamus, *Abba*, Pater, deinde quod adoptionem confequitur, cæleſte regnum. Atque hanc hæreditatem confeſecuti ſunt quidem & Sancti veteris teſtamenti: ſed diſpari ratione, nam adoptionem filiorum habuerunt in ſpe venturi Reparatoris; gloriam vero adepti ſunt jam redemptione perfecta, ne ſine nobis conſummarentur. At nunc adoptamur in filios gratia Sacramentis Evangelicis abunde collata; ſervatisque mandatis, ſempiterna retributio jure quodam hæreditario confequitur. Eapropter lex Evangelica Moſaicam dignitate præcedit, & quo-

& quoniam hæc illius gratiæ fuit instituta tanquam symbolum futurorum; & quoniam vetus sempiternam retributionem nec expresse promittebat, nec vitæ functionis largiebatur; cum lex nova utrumque præstet divini præcepta servantibus. Illud quoque accedit, quod Lex Moïsi Judæorum populo titulo quodam peculiari data est, Evangelium vero omni creaturæ divini institutione annuntiatum. Erat præterea antiqua lex cum ob sacrificiorum multitudinem, tum ob judicialia præcepta jugum quoddam servitutis: cum Evangelica jugum suave, & onus leve dicatur & ob legalium rituum abrogationem, & ob caritatem Spiritus Sancti, unde merito nuncupatur lex amoris, & gratiæ. Atque hæc de utrinque legis discrimine, & novæ supra veterem excellentia.

Extra controversiam positum est in lege etiam nova quædam præcepta fidelibus intimari, & esse opere, animoque servanda: quicquid dixerint Lutherus, Calvinus, & Pseudoreformati alii, impie sentientes solam divinorum promissorum fidem esse nobis unicam causam salutis. Sed hanc blasphemiam, præter ea quæ de Justificationis causâ disputata sunt, omnia epicherematon genera arguunt, atque dispellunt. Principio novam legem suis constare præceptis sacri, quibus comprehenditur, libri manifesto demonstrant. Nam Mat. cap. v. 19. legitur dixisse Christum legislatores: *Qui solverit unum de mandatis istis minimis, minimus vocabitur in regno cælorum: v. 20. Nisi abundaverit justitia vestra, &c. v. 44. Ego autem dico vobis: Diligite inimicos vestros; & alia bene multa ad reprimendam concupiscentiam, ad vitanda perjuria, ad connubiorum servandam fidem ibidem constituta narrantur. Cap. etiam xix. 17. legitur: Si vis ad vitam ingredi, serva mandata. Cujus generis habentur plurima Joan. xiv. 15. 21. xv. 10. 14. 17. Lucæ vi. 46. 47. 49. in Epistola Pauli ad Eph. cap. v. 8. 15. & sequentibus. Quid vero clarius novissimâ sententiâ Judicis in eos, qui etiam si crediderint, opera misericordiæ executi non fuerint? Eam vide apud Mat. cap. xxv. 42. Aperte itaque hæreticorum insaniam ipsum legis volumen redarguit. At jure, meritoque illam damnat sacrosancta Tridentina Synodus can. 19. Sess. sextæ: *Si quis dixerit, nihil præceptum esse in Evangelio præter fidem; cetera esse indifferentia, neque præcepta, neque prohibita, sed libera: aut decem præcepta nihil pertinere ad Christianos, anathema sit.**

Augustinus, cui alii Patres consentiunt, lib. xviii. de Civit. Dei cap. 17. scribit Christianam legem prænuntiatam a Davide Ps. cix. 2. illis verbis, *Virgam virtutis tuæ emittet Dominus ex Sion*, atque hanc legem esse Evangelium: de qua & vaticinatus fuerat Esaias cap. 11. 3. dicens: *De Sion exibit lex, & verbum Domini de Jerusalem*. Lex enim Moïsi in Sina, non in monte Sion lata est. *Virga* autem principis auctoritatem, & Legumlatoris mandatum haud obscure significat. Et libro proximo cap. 50. idem Augustinus Christianæ legi ita subdi Reges decla-

declarat, ut venerari teneantur ſanguinem Martyrum, & perſequi falſos Deos, quorum cauſſa priuſquam Chriſto nomen darent cultores vèri Dei perdere ſtuderunt. Sed ceteris miſſis, libro tertio ad Bonificium cap. 4. *Si Chriſtus*, inquit, *nobis abſtulit illud graviſſimum multarum obſervationum jugum nunquid propterea dicturi ſumus non ad nos pertinere quod ſcriptum eſt, ut alienam quodcunque perſitum quiſquis invenerit reddat ei, qui perdidit, & alia multa ſimilia, quibus pie recteque vivere diſcitur, maximeque ipſum decalogum, qui duobus illis lapideis ſabulis continetur, excepta ſabbati obſervatione carnali, quæ ſpiritualem ſanctificationem, quietemque ſignificat? Quis enim dicat, non debere obſervare Chriſtianos, ut uni Deo religionis obſequio ſerviantur, ut idolum non colatur, ut nomen Domini non accipiat in vanum, ut parentes honorentur, ne adulteria, homicidia, furta, falſa teſtimonia perpetrentur, ne uxor, ne omnino res ulla concupiſcantur aliena? Quis eſt tam impius, qui dicat ideo ſe iſta legis non cuſtodire præcepta, quia eſt ipſe Chriſtianus, nec ſub lege, ſed ſub gratia conſtitutus? Veritas ergo Catholica etiam Sanctorum Patrum, præſertim vero Auguſtini auctoritate corroboratur.*

Externa præterea opera illius caritatis, quæ ad novam legem præcipue pertinet, ſunt exercitium, atque experimentum. Nam ſi Deus a nobis diligitur, laudandus, & glorificandus eſt publica etiam, ubi opus ſit, confeſſione, & ſanguinis effuſione. Amore autem proximi quifnam ardere putabitur, ſi ab eo contra divina monita claudat viſcera miſericordiæ? E contra opera ſunt plura, quæ cum caritate Dei ac proximorum directe pugnant, a quibus proinde æquiſſimum eſt abſtinere. Alioquin lex Evangelica legem naturæ diſrumpet, nec imperfectione, omnique injuſtitia carebit. Ex quo ſit ergo Evangelium lex gratiæ, lex amoris, non eximit ab obſervatione præceptorum, ſed in eam urget magis; quoniam caritas, in qua legis ſita eſt plenitudo, otioſa eſſe non poteſt, atque ceterarum omnium virtutum, ut Apoſt. docet in 1. ad Corinth. cap. 13, comes eſt individua.

Quæ aſſerunt Heterodoxi in hæreſis ſuæ patrociniū, ſunt: Primo inquiunt, Lex Evangelica eſt lex libertatis, ſcribente Paulo ad Galat. v. 18. *Quoniam ſi ſpiritu ducimini, non eſtis ſub lege*. Et ad Rom. v. 14. *Non enim ſub lege eſtis, ſed ſub gratia*. Deinde hoc eſt diſcrimen inter legem veterem, ac novam, quod illa erat lex factorum, iſta lex fidei; ut docet idem Apoſtolus cit. Epift. ad Rom. cap. 11. 27. Inſuper lex nova ſpiritualis eſt, ac per eam *Regnum Dei intra nos eſt*, quomodo legitur Luc. xvii. 21. in regno autem ſpirituali opera externa nec præcipiuntur, nec prohibentur. Poſtremo quid nomen Evangelii ſignificat, niſi *bonum nuncium*, ac noſtræ per Chriſti gratiam libertatis promulgationem? Quibus jam cap. 2. huius libri reſponſum eſt, ubi demonſtravimus, Evangelium appellari legem gratiæ ac libertatis,

propterea quod lex seipsa jubet tantum, premit, minitur, & peccata ostendit, non tollit: Christus vero etiam gratiam largitur, & adjuvat, ut non sit quisque nostrum impotens auditor legis, sed factor. Diximus etiam sub Evangelio liberum esse unumquemque a servitute legis prementis, & vindicantis, quoniam si caritate trahamur, & amore justitiæ, fit mandatum Domini latum nimis: unde ait David, *Viam mandatorum tuorum cucurri, cum dilatasti cor meum*. Spiritualis est autem lex Christianorum, quoniam spiritualia promittit, & quæ eam studiose implent, spiritu Dei aguntur, nec mandata solo externo opere faciunt, sed etiam intentione animi, & rectitudine finis. Atque jure merito hæc lex humani generis redemptionem, instituta peccatorum remedia, adoptionem filiorum, & Christi hereditatem promittens, & conferens, Evangelium, id est bonum nuncium, appellatur. Sed vide citato cap. 3., atque magnum Augustinum lib. 3. ad Bonif. post verba superius laudata, de Sp. & lit. cap. 4. & 10. in Psalm. 59. de Nat. & Grat. cap. 57. contra Adimantum cap. 17.

Si quæras quænam præcepta contineat lex Evangelica: Respondeo continere eadem præcepta vitæ instituendæ, sive moralia, quæ etiam lex vetus præceperat; & quæ contra Phariseorum licentias Christus ampliori explicatione, ut supra vidimus in Expositione Decalogi, singulis proposuit servanda. Occasione autem Evangelicæ prædicationis, per quam Trinitatis mysterium, Incarnatio Verbi, ejusque mors & resurrectio, aliæque ad nostram notitiam pervenerunt, addita sunt in Evangelica lege nonnulla Fidei præcepta. Loco plurimorum sacrificiorum, unum institutum est longe vetustis victimis excellentius. Sacramenta, quorum participatione Christianus populus coadunatur, septem vera. Ecclesia connumerat, non omnia tamen singulis necessaria. Præceptis accedunt consilia Evangelica: cujusmodi est facultates omnes pauperibus distribuere, ac perpetuam servare virginitatem: quorum primum habetur Matt. xix. 21., alterum in prima ad Corinth. cap. vii. 25. Est autem differentia inter præceptum, & consilium, quod illud necessitatem imponit, istud in optione relinquitur eligentis. Et si vero abjiciendo consilia præcise quisque non peccet; fieri tamen potest, ut qui illa spernit, vel cupiditatibus noxiis immodice indulgeat, vel æternæ salutis capeffendæ occasionem pessumdet: ideoque interest plurimum, ut probetur singulorum spiritus, divinæque compleantur inspirationes: & cavendum contra, ne cuilibet spiritui adhibeamus fidem, ut non vento nequitiae circumferamur.

At si petas, quomodo fieri potest, ut in tanta divinorum præceptorum copia, quorum aliqua gravia censentur, uti Sacramentalis Confessio, & polygamie, repudii que exosæ uxoris inhibito, sit tamen leve jugum legis Christianæ: respondemus leve quidem esse pluribus ex causis. Primum si legi veteri comparetur; cum abrogata modo sint tot facri-

ſacrificia , & genera holocaustorum , ablata legalis immunditia ciborum , carnalis circumciſio , & purificationum & cæremoniæ antiqua præſcriptio : nec taurorum , hædorumque ſit repetenda maſtatio , aut aſcendendum undique Jeruſolymam ad ſacrificia , feſtorumque celebratæ ; ſed ubique locorum abſque diſpendio & gravamine offeratur Domino Oblatio munda . Deinde cum univerſa Chriſtianorum lex ad caritatem , & dilectionem referatur , Deus autem abunde ſubminiſtret ſpiritus bonum petentibus ; cumque , ut eſt in Auguſtinianis proloquiis , omnia facilia reddat amor , ubi amor eſt non ſit labor , aut ſi labor ſit , ipſe labor voluptate dulceſcat ; conſequens eſt ut diligentiſſimis Evangelicæ præcepta alæ potius volantis ſint exiſtimanda , quam premeus ſarcina ac pondus . Legas autem oportet Caritatis ac dilectionis Præconem maximum Auguſtinum , id ſerm. 22. de Verbis Apoſt. de Bono Viduitatis cap. 21. In Pſalm. 59. & 128. De Nat. & Grat. cap. 69. aliſque in locis explanantem .

Quæ autem gravia nonnullis forte videntur , ut Sacramentalis Confeſſio , atque monogamia , certam perſonarum conditionem ſpectant , nec alios obligant divino jure , niſi qui propria voluntate peccarunt , aut ſtatuertunt ducere uxorem . Et tranſgreſſoribus præceptorum Sacramentalis Confeſſio gravis videri non debet : quin corrigendis , & aliqua animadverſione dignis non poterat remedium præſcribi ſalubrius . Nam conſtitendi neceſſitas peccantium cohibet inverecundiam , & Sacerdotalis abſolutio animis ſclerum ſuorum conſcientia proſtratis ſummam aſfert cum ſpe veniæ jucunditatem . Forma etiam judicii , ſive Sacerdotis perſona ſpectetur , ſive ſecreta peccatorum accuſatio , ſive ſatisfactio exhibenda , non poterat inſtitui facilior . Quare duriffima potius lex foret , ſi impiis occulta iniquitate ruentibus & miſero naufragio preuntibus tabula hæc non aſſeſſet : neque lex gratiæ & caritatis cenſenda eſſet , quæ ſineret fidelium conſcientiam diuturna anxietate , & abſolutionis incertitudine contabereſcere . Verum de his alibi , propitio Numine .

Ne de uxoriſus penitus taceamus , ipſa lex caritatis Chriſtianorum conſuetudinem magnopere commendat . Nam ſi nuptam dimittas , proli parentem auſers , conſanguineos afficis injuriâ , propriam intemperantiam atque acerbitatem prodis , & carnis tuæ revelas turpitudinem . Contra uxori adhærens ſpernis pellices , vitas adulteria , colis amicos , & legitimo thoro ſuſceptos filios paterno amore complecteris . Ex polygamia pariter vel inter uxores ſimulatas , vel inter natos diſſidia , ac proinde tui ipſius moleſtia oriatur , neceſſe eſt . Igitur etiam Chriſtianorum connubiorum jura ad legem ſpectant amoris ac libertatis . Quod , ut Saræ & Agar , Rachelis & Liæ , filiorumque ipſarum facta præteream , arbitror etiam Gentiles naturali lumine percepſſe . Etenim nullus Romanorum ante Antonium legitur habuiſſe duas ſimul uxores : imo Ediſto Prætoris qui bina ſponſalia eodem tempore conſtituta

haberet, notabantur infamiâ. Atque hinc decreta Imperat. Valeriani & Gallien. l. *Eum qui*, § 8. ad l. Jul. de Adult. Dioelet. & Maximin. l. 2. C. de incest. nupt. ac postremo Iulian. Novella 79. Matronas quoque Romanas polygamie incommode vehementissime aspernatas demonstrat festivum lepidumque figmentum Papyrii; de quo lib. 1. Saturn. cap. 6. Macrobius, & A. Gellius lib. x. cap. 23. N. A. Idem fuit optimum consilium Græcorum; nam cum antiquitus plures uxores ducerent, Cærops Athenis unicam uni viro statuit esse jungendam. Objectum iccirco Socrati a Callisthene, a Satyro Peripatetico, atque a Demetrio Phalæaro, quod duas simul haberet uxores Xantippen, & Myrto, obferavit in libro de Luxu Græcorum Mufonius. Quomodo Clytemnestra in Agamemnonem, & Cassandram manus violentas injecerit, quod hanc ille læsti sociam fecisset, & Iasoni ob superinductam uxorem alteram Medea struxerit interitum, narrat Antiquitates Homerice. At non vacat modo per Græciam, Latiumque vagari.

Ut ad Evangelicam legem revertatur oratio ; constat illam esse veteri perfectiorem & faciliorem , atque nulla successione temporum interituram . Et quidem ipsius diuturnitatem , nam reliquas dotes satis videor profecutus , quidam probant ex verbis Mat. xxiv. 14. *Et predicabitur hoc Evangelium regni in universo Orbe in testimonium omnibus gentibus : & tunc erit consummatio* . Non enim de solo excidio Jerosolymitano , sed etiam de fine sæculorum loquitur ibidem Evangelista . Sed hoc testimonio prætermisso , certum est permanente Sacerdotio nequaquam legem transferri : Sacerdotium autem Christi sempiternum esse , neque perfectius esse ab hominibus expectandum . Quod in Epistola Pauli ad Hebr. cap. vii. 12. 17. & 24. necnon aliis locis pluribus aperte traditur . Accedit manifesta ratio D. Thomæ q. 106. art. 4. , quam ita brevi proponam . Lex vetus pro fine habuit adventum Christi , auctore Apostolo ad Rom. x. 4. , *Finis enim Legis Christus* ; ideoque post legem Moysi venit lex gratiæ . At ad legem gratiæ sola gloria regnumque sanctorum consequi potest , quoniam testamentum Christi nullum alium , quam sempiternæ hæreditatis , finem habet . Societatem itaque Christianorum sequitur supernorum civium hæreditas : & ideo lex antiqua Christum , lex Christi vitam æternam præannuntiat .

C A P U T XIII.

*Pertrahatur de lege humana, & primo inquiritur
quid necesse sit, ut valorem habeat, atque
vim obligandi.*

I Am ad Leges humanas, quarum nomine intelligimus Constitutiones Ecclesiasticas & Civiles, nostra convertitur disputatio. Cujus initium

tium faciendum eſt ab iis, quæ ut lex humana ſit valida præter conditiones cap. 2. numeratas dicuntur requiri , ac primo a promulgatione. Hanc neceſſariam eſſe ſatis conſtat : nam habetur cap. *In iſtis*, diſt. 4. *Leges inſtituuntur , cum promulgantur* ; nec poteſt legiſlator obedientiam exigere a ſubditis, niſi iis mandata ipſius innotefcant . Conveniunt autem DD. minime neceſſarium eſſe, ut leges cuicque in particulari intimantur ; ſed ſatis eſſe, ſi in aliquo loco publico fuerint promulgatæ , unde ad ſingularum notitiam valeant pervenire . Et quantum ad Civiles attinet, Imperator Juſtinianus in Authentica, *Ut factæ novæ Conſtitutiones*, decernit valere tantum, ex quo in commune factæ ſunt maniſeſtæ : in provinciis autem ex quo diſcrete per Metropoliſ palam factæ ſunt, idque poſt duos meſes . Ex quibus colligitur leges Imperiales non ſtringere, niſi in ſingulis provinciis fuerint promulgatæ , nec valere niſi duorum meſium dato tempore . Atque idem quantum ſaltem ad promulgationem pertinet tenendum eſſe de legibus Eccleſiaſticis : ita ut non obligent niſi in provinciis, in quibus fuerint ſpecialiter promulgatæ, ſentiunt complures, inter quos Natalis Alex. lib. 4. de Decalogo Regula 25. Cabaffutius lib. 1. Theoriæ Juris Canon. cap. 4. Juenin Diſſert. v1. cap. 3. & Girken. de legibus Q. 4. dub. 4. Iis tamen opponitur longe Major numerus Theologorum, atque ex noſtris Leonardus Vanroy de lege poſitiva cap. 4. q. 3. Baſilius Poncius de Matrim. lib. v. cap. 7. Antonius Guerrerus Tract. v1. §. 11. aliiſque communiter, afferentes, ubi in ipſa lege non exprimitur oppoſitum, ſufficere ſi leges civiles in Civitate primaria, vel Curia Principis publicentur, Eccleſiaſticæ autem Romæ, ubi viget Apoſtolicæ Sedis Primatus.

PROPOSITIO I. A Legiſlatoris poteſtate atque arbitrio pendet an in provinciis, an in ſola Metropoli lex debeat promulgari, quomadmōdum an ſtatim poſt promulgationem, an vero poſt certum tempus ſubditos ſtringat ; ideoque ſi legiſlatore mandante lex in Metropoli abſque ulla exceptione publicetur, ſtatim obligat omnes ſubditos, ad quorum poteſt pervenire notitiam .

De loco primum dicam, deinde de tempore . Tertullianus lib. de Pudicitia cap. 1. ſcribit Zephyrini Papæ decretum de admittendis ad ſacræ altaris myſteria pœnitentiæ ſunctis affixum fuiſſe Eccleſiæ valvis, promulgatumque in provinciarum Eccleſiis . Cyprianus Epiſt. 74. ad Pompejum affirmat a Stephano Papa literas de non iterando baptiſmate collato ab hæreticis ad quaſlibet Orientis, & Africæ provincias fuiſſe directas . Teſtatur Marius Viſtorinus libro 2. Nicænos Canones per totum orbem tranſmiſſos : idemque Epiſtola 61. ſcribit de Decretis Concilii Chalcedonenſis Leo Magnus . Id factum & de Canonibus Sardicenſibus narrat lib. 1. H. E. cap. 9. Theodoretus . Siricius Papa Epiſtola ad Himerium Tarraconenſem Epiſcopum juſſit, decretalem ſuam de Continentia Diaconorum in Hiſpaniæ, Galliarumque provinciis publicari. Latéra-

Lateranensis IV. Synodus fancivit Canonem XXI. 1. penam infligentem medicis, qui antequam corpori adhibeant medicamenta, ad consulendum animarum suarum salutem non inducunt ægros, esse a Diocesano Episcopo promulgandum. Ipsum denique Tridentinum Concilium Sess. 24. de Reformatione Matrimonii decrevit legem in matrimonia clandestina abrogantem, nisi prius in Parochiis promulgetur, neminem obstringere. His itaque, aliisque exemplis compluribus docemur, necessariam esse promulgationem legis humanæ in singulis Provinciis; quando id exprimit legislator, prout ipsi videtur magis expedire.

Frustra tamen hinc nituntur quidam inferre novas Constitutiones, siue Ecclesiasticæ sint, siue Civiles, nullatenus stringere nisi in Provinciis singulis promulgentur. Possunt enim afferri exempla in contrarium longe plura etiam rationibus confirmata. Innumeræ quippe habentur Pontificum Romanorum Constitutiones, quibus summus Ecclesiæ Pastor declarat ab omnibus inviolabiliter esse observandas, ac si essent singulis exhibitæ vel ostensæ, posteaquam affixæ fuerint tantummodo in Acie Campi Floræ, siue ad Valvas Principis Apostolorum. Exemplo sint Constitutiones Sixti V. de male promotis ad Ordines, Alexandri VII. emanatæ anno 1660. & Innoc. XI. anno 1680. citato loco productæ a P. Vanroy. Deinde plures sunt Ecclesiasticæ leges, quæ servantur etiam ubi publicatæ nequaquam fuerunt, præsertim ex Decretalibus Pontificum, Clementinis, & Extravagantibus. Idem affirmandum est de Bulla Cœnæ Domini. Rescripta etiam Pontificum servanda esse fatentur omnes Jurisperiti, etiam si in Corpore Juris Canonici non comprehendantur. Præterea in Romana Curia omnes Causæ dirimuntur ex Decretis ibidem affixis, nulla habita ratione, an publicata fuerint per omnes Christiani Orbis provincias. Et quidem jure optimo. Enimvero lex est voluntas Legislatoris, cui semper obtemperandum est. Si ergo Legislatori placeat, ut lata lex in Curia duntaxat promulgetur, dummodo ad subditorum notitiam pervenire valeat, quare necessaria erit tam specialis facta ubique locorum promulgatio? Deinde supremi legislatoris imperium nequit vel privatis institutis, vel subditorum voluntate, vel qualibet ab ipso non probata ratione labefactari & infringi. Ab illius ergo nutu, quemadmodum institutio, ita legum promulgatio dependet.

Neque his præcedentia exempla repugnant; siquidem ideo decreta Zephyrini, Stephani, Siricii, & Canones Nicæni, & Sardicenses, & si qui sunt alii, quos fateor esse permultos, extra Urbem Romanam discrete per Ecclesias promulgata fuere; quoniam id summis Pastoribus ob temporum circumstantias visum fuit opportunius. Memoratæ quippe Pontificum & Conciliorum Constitutiones aut grassante schismate, aut serpentibus hæresibus, aut fidelibus persecutione dispersis, ut plurimum latæ sunt. Cautum propterea fuit, ut ubique per Ecclesias promulga-

mulgarentur, ne occultarent illas refractarii, ne pervicaces ignorantiam prætexerent, atque ut fideles proſtrati paterna ſupremi Paſtoris voce recrearentur. Quare non ut vim haberent obligandi, ſed *ut omnibus excuſationibus aditus obſeraretur*, diſcreta promulgatio mandata eſt, ut legitur in ipſa Epiſtola Siricii ad Himerium. Cap. quoque, *Cum infirmitas*, ex Synodo Lateranenſi depromptum ad poenam infligendam, non ad ſtringendum in foro conſcientiæ, promulgationem, per loca præſcribit.

Multominus theſi noſtræ adverſatur Authentica, *Ut facta nova conſtitutiones*, qua Juſtinianus ſancivit, nonniſi poſt duos meſes, ex quo diſcrete per Metropolitans palam factæ fuerint, novas leges valere. Quam Authenticam urgent Adverſarii vehementer, inter Civiles, & Canonicas leges inſtituendo comparationem; maxime quod Cap. *Intelleximus*, definitum eſt, Canones imitari leges, niſi illis opponantur. Sed huic obſectioni reſpondeo nec authenticam illam de omnibus legibus eſſe accipiendam, nec promulgationem, ac duorum meſium tempus præſcribere, ut ſubditos obligent, ſed ne aliquam in Foro excuſationem poſſint obtendere, ſi in Teſtamenti aſſi fuerint deficientium infringere voluntates. Nam ibidem abſolute hæc etiam pronunciat Imperator: *Sancimus ex illo noſtras Conſtitutiones, quæ pro teſtamentis ſunt, valere, ex quo in commune facta ſunt manifeſta*. Et Baldus quidem l. *Leges ſacraſſimæ*, Authenticam illam factam declarat, *ad ſcientiam præſumendam, & ignorantiam non excuſandam*: & docet etiam, in aliis legibus, præſertim in municipalibus, ſpatium duorum meſium non eſſe expectandum. Igitur ſi attendenda non eſt temporis definitio, ut mox dicam, neque erit neceſſaria ſancita ab Imperatore promulgatio. Ad do prædictam Authenticam ſpectare ad Jus Cæſareum, non ad Jus Civile commune. Ad do inſuper ita ſtatutum, quia ita viſum eſt Imperatori; ideoque poſſe Papam, qui eſt ſupra omne Jus poſitivum, pro ſuo libito diverſa ſancire. Ad do item, plures provincias Romani Imperii eſſe veluti diſtincta Corpora, ſua quaſlibet formâ diſcretas, Eccleſiam autem univerſam unum Corpus eſſe, & unam poſtulare formam regiminis. Quod ſi plures provinciæ unum perfectiſſimum Corpus conſtituant, nego quod non ſufficiat legem etiam ſæcularis Principis in Curia promulgari.

Sane, ut a promulgatione ad præſcriptum tempus tranſeamus; quamquam in Authentica duorum meſium datum ſit tempus, iſtud pro legiſlatoris arbitratu ampliari, aut reſtringi facile demonſtratur. Dixi nuper, legis municipalis tempus arbitrio judicis definiri. Ut proferam de Eccleſiaſticis legibus exemplum aliquod: in v. l. Decretal. cap. *Statuimus*, impugnantibus electionem unius meſis tempus præſcribitur, quo ad Sedem Apoſtolicam iter arripiant. Cap. *Cum ſingula*, de Præb. ſpatium pariter meſis unius lignatum eſt. Decretum irritans matri-

matrimonium Clandestinum stringere post triginta dies ab illius promulgatione, liquet ex Sess. 24. Tridentini. In cap. autem, *Decernimus*, dist. 18. Episcopis post celebratam Synodum præscribitur intervallum sex mensium, ut universæ diocesis suæ plebi referent, quæ eodem anno in Concilio acta vel definita noscuntur. At Constitutio Sixti V. De male promovendis, & promotis, existentibus Romæ dies quindecim a promulgatione præscripsit, citra alpes menses quatuor, novem vero ultra alpes. Itaque tam promulgatio, quam temporis definitio est penes voluntatem ac prudentiam legislatoris, cujus præscripta, ubi ad notitiam pervenerant, subditos quoslibet obstringunt, si pro singulis lata fuerint, tamen ubique non fuerint specialiter palam facta. Quod si dixeris esse, ubi Pontificiæ Constitutiones vim non habent, nisi Regis placito receptæ fuerint, & promulgatæ; respondeo id evenire aut conventionione Pontificis cum Regibus, & Monarchis, aut Apostolicæ Sedis indulgentia & consensu; cum spiritualis potestas a temporali, & Ecclesiastica Monarchia a Sæculari Republica accipere auctoritatem non debeat.

PROPOSITIO II. Neque lex civilis, neque Ecclesiastica a Populi acceptance dependet.

Hanc positionem accipiendam constat de lege lata a supremo Domino: nam si dominium sit Aristocraticum, ut apud Italos amplissima Venetorum sive Genuensium, aut Lucensium Respublica, haud dubium quin ad valorem legis probatio requiratur Optimatum, cum penes ipsos sit jura statuendi potestas. Ita populi assensum necessarium minime dubitamus in Democratia, sive populari regimine, quoniam in ea apud populum est principatus. Dicimus ergo ad validitatem legis necessariam non esse acceptance[m] inferiorum. Quod probatur 1. ex ipsa legis natura: nihil enim aliud, cum legem dico, intelligi volo, quam imperium, præceptum, & vim quamdam, & rationem imperantem honesta, & prohibentem contraria. At præceptum vim obligandi non habet a subditis, sed a voluntate imperantis, ut recte Augustinus scribit in 111. de lib. arb. cap. 24. *Præceptum non est ab illo, cui præcipitur, sed ab illo, qui præcipit*. Igitur subditorum acceptatio legibus a superiore statutis non tribuit vim stringendi, sive validitatem. Deinde Potestas legislativa, quæ proculdubio est in superiore duntaxat, non est solam legem proponere, sed illam observandam præcipere; alioqui etiam Consilarii, ac Sapientes viri Principibus quid sit constituendum proponentes appellarentur Legislatores. Atqui si a populi acceptance lex pendeat, Legislator proponet tantum, non obstringet propositione præcepti subiectum sibi populum. Non ergo habebit veram propriamque potestatem legislativam. Rursus, ut Augustinus scribit Ep. 48., *potest Rex convenienti vigore leges sancire*; quod falsum foret, si lex suam mutaretur validitatem ab acceptance populorum: tunc enim

enim poſſet populus legem non acceptare, ſpretiſque Regis ſtatutis vitam agere pro ſuo libito. Præterea, quod ex præcedenti conſequitur, ſi in arbitrio populi ſit reſiſſimas leges acceptare, aut eis contradicere; quoniam jure perſicaces, rebelles, & qui jugum dominorum ſuorum tentant excutere, poterunt coerceri? Audebunt quippe Principum juſſa repudiare, dicentes nolle ſe acceptatione tribuere illis firmitatem. Verum his obviam ivit Alexander VII. damnans tanquam Apoſtolicæ doctrinæ contrariam, & ſeditioſam propoſitionem n. 28. *Populus non peccat, etiamſi abſque ulla cauſa non recipiat legem a principe promulgatam.*

Rurſus vel quæſtio inſtituitur in communi de lege tam Eccleſiaſtica quam Civili; vel de Civili, aut de Eccleſiaſtica ſejunctim. Si de utraque ſimul lege tenent produſta hæſtenus argumenta: quibus accedit quod ſequitur ex Juris inſtitutione depromptum. Ut ſubditi tenentur legum præſcriptionibus, ſat eſt quod in Legumlatore ſit poteſtas & voluntas ſubditos obſtringendi, ut habetur cap. *Cum ſuper*, De offic. delegat. Habet autem legiſlator hanc poteſtatem & voluntatem ferendi leges independentem a populorum conſenſu. Ac de voluntate conſtat; nam ſtatim ac ſeruntur leges, verbis præceptivis promulgantur: atque hæc verba ſunt prædictæ voluntatis argumentum inviſtum; ut extat in cap. *Quiſquis præceptis*, xiv. q. 1. & colligitur ex ratione ſuperius allata, cum lex, niſi includeret præcipientis voluntatem, eſſet duntaxat conſiliatrix, non præceptiva. De poteſtate etiam liquet, tum ex L. 1. ff. de Conſt. Princip. §. *Sed quod principi*; tum ex ratione, quoniam ludibrio eſſent leges, non venerationi, niſi emanarent a viro prædito poteſtate. Si ergo Legiſlator poteſtatem, voluntatemque præcipiendi habet independentem a populi acceptatione, atque id ſufficit ad inducendam vim obligandi; eſt proculdubio vis iſtiusmodi legibus, antequam a ſubditis præſtetur aſſenſus. Accedit quod poteſt legiſlator præſcribere ſubditis obſervantiam indiſtis pœnis, ut extat cap. *Non fruſtra*, xxiii. q. 5. Pœna autem imponitur, ne refractarii poſſint gloriari de contumacia, juxta cap. *In Eccleſiis*, de Major. obed. Igitur poſſet civitas univerſa perduellis & pertinax cogi ad legum obſervationem, ideoque non habent ipſæ leges a civium conſenſu vim obligandi. Videatur Proſper Fagnanus in 2. p. Decretal. pag. 526.

Si vero de lege aut civili, aut Eccleſiaſtica in particulari diſceptetur, idem eſt aſſerendum; nam quod proprium eſt legum in genere, id legibus ſingulis inſeſſe debet. Ac de legibus politicis conſentientes habemus etiam Gallos Theologos plurimos, qui tradunt temporalium Principum leges non habere ſubditos obſtringendi vim, ac poteſtatem ab horum acceptatione: & quamquam id neget Marca lib. 2. Concord. Sacerdot. & Imperii cap. 16. contendit tamen inter Eccleſiaſticas & politicas leges magnum verſari diſcrimen, adeo, ut, quantum ad tempora-

To IV.

P

les

les Præfectos attinet, haud multum solitudinis gerat, ac stylum præsertim exerceat adversus potestatem legum Ecclesiasticarum. Revera leges latæ a Principe sæculari, ut liquet ex Authentica, *Ut fassæ novæ Constitutiones*, habent vim statim post intimationem: post hanc igitur nequeunt a populo repudiari. Deinde neminem inferiorem posse reddere invalidam legem Principis aperte colligitur ex *L. Formam. C. de Off. Præf. Præ. cap. Cum inferior*.

At si loquamur de legibus Ecclesiasticis, assertum nostrum peculiaribus quoque rationibus corroboratur. Romani quippe Pontificis auctoritas a Christo immediate descendit, ut colligitur ex Matthæi xvi. 19. *Quodcumque ligaveris super terram, erit ligatum & in cælis*: & ex Joannis xxi. 16. 17. *Pasce agnos meos; pasce oves meas*. Auctoritas quoque Episcoporum vel a Christo immediate, vel mediate per ipsum Romanum Pontificem derivatur, absque ulla a populis dependentia. Non ergo ad validitatem Ecclesiasticarum Constitutionum acceptatio populorum exigitur. Sane Romanos Pontifices immediate a Christo auctoritatem, potestatemque recipere definitum est cap. *Sacrosancta* d. 22. neque id salva fide, inquit loco citato Fagnanus, negari potest. Addo, quod verbum *ligandi* significat etiam vim coactivam, quam Ecclesiæ Antistites exercent indicta excommunicatione, aliisque censuris, ut ostendam cap. xvi. prop. 3. Quare si Pontifici potestas *ligandi* a Domino collata est, etiam illos, qui ejus Constitutiones nolunt acceptare, potest vi, atque auctoritate compellere. Huc pertinent quæ leguntur Lucæ x. 16. *Qui vos audit, me audit; & qui vos spernit, me spernit*; ex quibus verbis colligitur idem crimen esse non obtemperare Ecclesiæ Pastoribus, eorumque leges non acceptare, ac parvipendere Dei mandata; quod animadvertit D. Bernardus cap. 9. de Præcepto & dispens. gravissima hac sententia prolata: *Sive Deus, sive homo Vicarius Dei mandatum quodcumque tradiderit, pari profecto obsequendum est cura: ubi tamen Deo contraria non præcipit homo*. Sive ergo de politicis, sive de Ecclesiasticis legibus instituatur disputatio; nullatenus ligant ex quo inferioribus sint acceptæ, sed inferiores ipsos, etiam invitos & reluctantes, post promulgationem obstringant.

Contentit Marca magnam esse Civiliū legum ab Ecclesiasticis discrepantiam. Potestas enim Ecclesiæ data est in ædificationem, non in destructionem, ideoque nihil fidelibus obtrudendum est, quod aliquo pacto possit illos offendere. Deinde hanc discrepantiam fati aperte innuit Christus Dominus Lucæ xxi. 25. contentionem discipulorum, his verbis compefcens: *Reges gentium dominantur eorum, & qui potestatem habent super eos, benefici vocantur: Vos autem non sic*. Præterea imperio regum non solum singulorum civium rationes commissæ sunt, sed etiam salus universæ Reipublicæ: unde fit, ut in cives, licet invitos, ad fovendum totius Reipublicæ corpus, sus illis competat. Ali-

ter

ter autem ſe habet in Imperio Sacerdotali, quod præcipue ſingulorum ſaluti invigilare debet, & divini Paſtoris exemplo nonaginta oves deſerere, ut centeſimam reportet ad caulas. Hæc Marca.

Verum jure meritoque Antonius Carlas ex his conſicit ſententiam oppoſitam deſtitutam eſſe præſidio veritatis, cum vir clariffimus ac doctiſſimus, qualis ab omnibus habetur Marca, muniat opinionem ſuam tam labili fulcimento. Et prima ratio diſcriminis quantum ſit imbecillis & fracta, nullo negotio deprehenditur: nam & politicus Magiſtratus ad ædificationem, non ad deſtructionem inſtituitur; & lex quælibet honeſta præcipiens offendere debet improbos, deditoſque ſlagitiis & illicitis oblectamentis, & accepta eſt probis honeſtiſque quærentibus certam morum ſuorum regulam, & æquitatis præcepta. Vide hujus voluminis pag. 10. Infirma quoque, & languida eſt ratio ſubſequens: nam ex verſu proximo 29. ejuſdem capitis XXI. eruitur prædictorum verborum ſenſum eſſe, quod ſublterior in Regno cælorum dignitas, de qua inter Apoſtolos orta erat contentio, non auctoritati rependitur, ſed humilitati, quemadmodum per humilitatem & crucem Pater exaltavit Filium, & dedit illi nomen ſuper omne aliud venerandum atque auguſtiſſimum: ideoque Reges gentium exaltat poteſtas, & magnificencia, Chriſti autem Apoſtolos ſui abſectio, & humilitas. Conſirmant hanc interpretationem Chryſoſtomus, Cyrillus, Baſilius, & Ambroſius laudati a Divo Thoma in Catena aurea pag. 202. 2. Ad hæc non minuitur hoc loco poteſtas Eccleſiaſtica, ſed docetur exercendam non eſſe adinſtar civilis & regię, ſcilicet cum armis & terrore, atque oſtentione poteſtatis, & adhibito ſatellitio; ut inquit in hunc locum Guillelmus Eſtius. Iners pariter eſt, & inutilis poſtrema ratio; quandoquidem etiam Paſtor Eccleſię magis commune bonum, quam privatum, curare debet, nec pro una ove gregem deſerere, ſi hunc lupi rapaces invadant. Neque oppoſitum probat parabola de centum ovibus; nam in una ovicula, quæ perierat, intelligitur humanum genus, in ovibus nonagintanovem relictis in montibus Angeli cælorum: aut in nonaginta novem ovibus juſtorum numerus, & in una ovicula peccatorum, ſecundum quod legitur Lucæ v. 32. *Non veni vocare juſtos, ſed peccatores.* Ita Hieronymus lib. 111. Comment. in Matthæum Tom. IV. pag. 83. alique communiter.

Adverſus prædicta objiciuntur facilis ſolutionis nonnulla. Opponit Marca auctoritatem Scriptorum illorum, qui tradiderunt ideo leges valere, quia populis ſunt acceptæ. In horum numero præter Gratianum, de quo infra, recenſentur Covarruvias lib. 11. Var. Reſolut. cap. 16. Navarrus in Manual. cap. 23. n. 47. Summa Armilla, & Angelica, Sylveſter, Gerſon lib. de Vita ſpirituali leſt. 4. Joannes Major in IV. diſt. xv. q. 4. & Joannes Driedo lib. 1. de libert. Chriſt. cap. 9. At cedant nobis neceſſum eſt adverſarii, ſi auctoritate Scriptorum decertare

velint. Primo quia longe plures sententiam nostram propugnant, non tantum Theologi, quos laudat Suarez lib. 1. v. de legibus cap. 16. verum etiam Jurisconsulti citati a Fagnano 2. p. decret. cap. *Treguai*, & ipsa decisio Romanæ Rotæ, emanata die 11. Januarii anno 1610. coram Jacobo Cardinali Cavalerio, impressa dec. 85. cui titulus, *Romana concordia*. Secundo, quia oppositæ sententiæ inurunt viri docti notam censoriam; & si loquamur de legibus summi Pontificis, illam Fagnanus ipse, alique appellant contrariam fidei, & Charlas Theologus Gallus lib. 2. de libert. Eccl. Gallicanæ cap. 4. & 5. demonstrat redolere hæreticam pravitatem, productis Epistolis Ivonis Carpotensis, & S. Anselmi Cantuariensis, vrbisque D. Bernardi supracitatis. Tertio quia Sacra Parisiensis Facultas idem judicium protulit, dum anno 1521. damnavit, *tamquam in fide & moribus erroneam*, propositionem illam Lutheranam, *Neque Papa, neque Episcopus, neque ullus hominum habet jus unius syllabæ super Christianum hominem, nisi id fiat ejusdem consensu; & quidquid aliter fit, tyrannico spiritu fit*. Quarto quia. Maucerus Doctor Parisiensis ibidem ab Antonio Charlas laudatus, de Ecclesiast. Monarch. P. 2. lib. 4. cap. 3. expresse affirmat summum Pontificem legibus suis *obligationem inferre in conscientia*; leges ab ipsolata servandas esse, dummodo sint *sufficienti promulgatione Orbi Christiano communicatæ*: idem credidisse Alphonsum a Castro, Turrecrematam, aliosque de meliori nota Doctores: id adeo judicio suo verum esse, *ut secundum fidem negari non possit*; neque propterea legem Pontificis minori potestate esse præditam, aut minori honore esse dignam, *si justa, & SUFFICIENTER PROMULGATA NON RECIPIATUR A POPULO*. Quinto, quia antiqui Scholastici incontrarium adducti loquuntur in suppositione, *quod Princeps leges ferat ea conditione, ut non aliter obligent, quam si fuerint a Republica receptæ*, quemadmodum inquit ibidem Covarruvias, & Navarrus; non de legibus absoluta auctoritate, & absque hujusmodi conditione latis: vel sermonem institunt de legum defuetudine, quæ inducitur *Papa sciente, & tolerante*, ut legitur in Summa Armilla, & Angelica: vel accipiendi sunt de lege inutili, injusta, nec ad bonum commune directæ, de qua Charlas contendit loqui Gersonem: vel saltem excipiunt leges summi Pontificis, *cui omnes Ecclesia non possunt auferre auctoritatem*, ut inquit v. *Lex*, num. 6. Sylvester. De Joanne Major non unum est Theologorum judicium, asserentibus aliis illum errasse quod crederet Ecclesiam esse supra Papam, nec posse per illum obligari; aliis illum explicantibus de lege, quæ legi Dei sit contraria, & quæ neque nomen legis promereatur. Certum est hunc Theologum eadem dist. xv. q. 7. asserere Papam non ab Ecclesia, sed immediate a Christo habere auctoritatem, eamque plenissimam; unde assertionis nostræ veritas roboratur. Atque ex his liquet frustra nobis objici testimonia Veterum, qui alio sensu exponendi sunt, & am-

& ampliorem numerum, partemque munitiorem ſuperare non valent.

Deinde obijciuntur proxima argumenta. Primum eſt, quod d. 4. cap. *In iſtis*, habetur: *Leges inſtituuntur cum promulgantur: firman- tur, cum moribus utentium approbantur*. Nullum ergo firmamentum habebunt, niſi utentium acceſſerit comprobatio. Alterum eſt, quod extat D. lege xxxii. *Leges nulla alia ex cauſſa nos tenent, quam quod iudicio populi receptæ ſunt*. Proximum argumentum eſt, quod Principes ſuam habeant a populo auctoritatem; ideoque Principum leges erunt invalidæ populo renitente. Inſuper per contrariam conſuetudinem a populo civiles conſtitutiones abrogantur, & conſequenter a populo etiam confirmantur & roborantur. Poſtremo Eccleſiaſticæ leges, niſi pendeant a populi acceptatione, erunt cauſſa ſubverſionis & contumaciæ; neque enim Romanus Pontifex ſcire poteſt quid ſingularum provinciarum fidelibus magis expediat: ideoque neceſſum eſt, ut ſanior illarum pars canonicas conſtitutiones expendat, num temporibus, lociſque conveniant: quam ob rem nova Eccleſiæ ſtatuta alicubi minime ſtringunt, quia non fuerunt particularium Eccleſiarum acceptatione, atque conſenſu firmata.

Reſp. poſſe verba Can. *In iſtis*, contra Adverſarios retorqueri; nam ſi leges inſtituuntur, cum promulgantur, poſita ſola promulgatione conſtitutæ ſunt. Sed diſt. cum Haberto verba Gratiani: leges firman- tur, cum moribus utentium approbantur, ideſt, obſervatione atque uſu non abeunt in deſuetudinem, & contemptum, conc., ideſt, acqui- runt a populo auctoritatem & vim obligandi; nego. Et quidem ipſa verba, quæ opponuntur, ſatis declarant de *moribus utentium*, non de acceptatione populorum inſtitui ſermone. Verum tamen eſt, quod in- ducta moribus populorum contraria conſuetudine, connivente præſer- tim Legiſlatore, nec inſtitutæ legis obſervationem urgente, lex ipſa enervatur, atque progreſſu temporis fieri poteſt, ne amplius ſtringat. Quare ibidem de antiquiore lege Theleſphori, qui decreverat, ut Cle- rici a quinquageſima abſtinerent a carnibus, quoniam contraria con- ſuetudine, diſſimulantibus Eccleſiæ Rectoribus, jam fuerat obliterata, inquit Gratianus: *Quia moribus utentium approbatum non eſt, aliter agentes tranſgreſſionis reos non arguit*. Sed aliud eſt, abrogata per de- ſuetudinem lege, illius tranſgreſſores non eſſe arguendos, aliud validi- tatem legis pendere a populorum acceptatione.

Quod ſequitur non eſt alicujus momenti: enimvero in digeſtis fit ſermo de Conſtitutionibus, & Legibus latis in Republica Romanorum, abolita jam Monarchia, cum eſſet juris auctoritas apud Populum: quod liquet ex lib. i. Tit. 2. §. 4. *Lex eſt, quod Populus Romanus, Senato- rio Magiſtrato interrogante, veluti Conſule, conſtituebat*. Et retor- quetur argumentum iſtud in Adverſarios; quandoquidem conſtitutio- nes Romani populi a comprobatione ſubjectarum provinciarum mini-

ma

me dependebant . Imo Gaspar Juenin Tom. v. Inst. Theolog. pag. 263. alique Libertatis Gallicanæ assertores docent vim legis civilis non pendere ab acceptatione populi , quod de lege Canonica negat ipse Juenin pag. 282. Unde hoc monstrum ? Ex eo , inquit , quod vis legis civilis pendeat ex ipsa populi subjectione in iis , quæ ad pacem terrenam spectant , & ab obedientia , quam jure divino populi suo Principi debent . Bene quidem , ac sapienter . Atqui etiam Ecclesiarum Pastoribus obedientia debetur , quibus inquit Dominus Lucæ x. 16. *Qui vos audit me audit ; & qui vos spernit , me spernit ;* atque Rectoribus , animarum , magis , quam terrenæ Civitatis Præsidibus obtemperare æquum est . Cur ergo etiam Canonice functiones absque acceptatione populorum , non stringunt ?

Tertium pariter possumus retorquere : quandoquidem spirituales potestatem non recipiunt Ecclesiarum Præsules a populorum suffragio , sed divina electione , & unctione Spiritus sancti . Si ergo civilis constitutio vim non habet , consensione Gallici Theologi , a populis , a quibus regia quandoque potestas collata est , aut confertur : quanto minus pendere debet a populo lex constituta ab Ecclesiastico Principe , forte Domini , divinaque , & Apostolica sibi auctoritate præposito ? Directe autem respondeo primo omnem potestatem esse a Domino juxta illud Rom. xiii. 1. *Non est enim potestas , nisi a Deo .* At Deus , inquit ibidem Apostolus , fancivit , *ut omnis anima potestatibus sublimioribus subdita sit . Itaque qui resistit potestati , Dei ordinatione resistit .* Quid est autem nolle statuta Principum acceptare , nisi eorum resistere potestati ? Deinde respondendum est , quod etiam si electio Principis vel a multitudine , vel ab Optimatibus pendeat : eo tamen constituto & electo , justis ipsius mandatis nefas est repugnare . Ad quantum vero dictum est supra posse per contrariam consuetudinem antiquas constitutiones excidere , si subrepat ipsa consuetudo Legislatoris conniventia , & permisso : secus autem , si erumpenti defuetudini sese opponat , & pro legum , quarum & institutor est , & custos ac vindex , sit observatione sollicitus .

Ad postremam objectionem hoc habeto responsum . Inepta est ratio , quod lex pendere debeat a populorum acceptatione , ne sit causa subversionis & contumaciæ : quandoquidem contumaciter mandatis resistunt improbi , non humiles filii , non obsequentes famuli , non cives ingenui , non subiecta sponte provincia . Parvipendere autem iussa Majorum non a sanctissima legum æquitate , sed a superbiæ vitio incitati audent nonnulli : ob quorum arrogantiam non debet providus Legislator mandatis suis ceteros non regere , sed ipsorum inobedientium refrenare licentiam . Alioquin cur lex naturalis , cur divina obligant invitos , cum talis obligatio possit pariter esse occasio subversionis , & contumaciæ ? At nescit , inquirunt , Romanus Pontifex quid dispersis per Orbem

Orbem provinciis magis expediat. Id primum negamus: Paſtor enim univerſalis quid ovibus ſuis regendis opus ſit, divino imbutus magiſterio minime ignorat. Adhibet deinde in rebus arduis media quotquot exiſtimat neceſſaria, magnorum virorum conſilia, præſcriptiones canonum, Eccleſiaſticam diſciplinam, Congregationum conſultationes. Ab his tamen nullam obligandi vim obtinent leges ab ipſo latæ, ſed habent ab Apoſtolica tantum ſede pleniffimam auctoritatem. Nam & Rex utitur in rebus ambiguis miniſtrorum conſilio; ſed vis ſtringendi a ſola Regis poteſtate, non a ſubditis pendet. Denique, inquit Gallus Theologus, ſi Princeps etiam poſt humillimam majoris & ſanioris partis monitionem urgeat executionem legis ſuæ, populus ei morem gerere tenetur, quia eo in caſu judicare debet exigere Reipublicæ bonum, ut nulla antiquæ ſuæ conſuetudinis ratio habeatur. Ergo ne lex civilis etiamſi cum avita conſuetudine pugnet, etiamſi ſententiâ ſanioris partis populi videatur majori Provinciarum bono afferre impedimentum, ſi a Rege urgeatur, ſtringit, obligat, & judicari debet Reipublicæ utilior: lex vero lata a Supremo Eccleſiæ Paſtore, cui data eſt ligandi atque ſolvendi plenaria poteſtas, atque Patrum traditionis depositum, & univerſi Chriſtiani populi regimen commiſſum eſt, ſi nolit eam ſubditorum pars acceptare, erit invalida, neque publico bono promovendo cenſenda erit idonea? Undenam tam diſpar de Civilis, & de Eccleſiaſticæ legis auctoritate judicium? Libertates Eccleſiæ Gallicanæ ſolent deprædicare: ſed iſtas aut Apoſtolicæ Sedis conceſſione, aut conſentientia tantum conſiſtere, ex hac ipſa diſſertatione colligitur.

C A P U T XIV.

Quanta obligandi vis humanis legibus inſit?

PROXIME ſequitur, ut inquiramus quomodo humanæ leges ſubditos ad obſervationem obſtringant: quæ ſane quæſtio nonnullas veluti ſubalternas comprehendit. Sunt vero, quæ ſubjiciuntur, num obligent etiam in conſcientia, num cum propriæ vitæ periculo, num ſub gravi pœna & mortalis culpæ reatu, dum rem tenuem parvique momenti imponunt, aut prohibent. Atque in his ſubjecta theoremata verſabuntur.

PROPOSITIO I. Humanæ leges, etiam Civiles, obligant in interiori conſcientiæ foro.

Eſt hæc theſis contra Waldenſes, ceteroſque Reſraſtarios opinantes humanam quamlibet legem abſque læſione conſcientiæ violari, ſi abſit ſcandalum; nec non adverſus Gerſonem; qui tamen in hoc a Sectariis diſcrepat, quod fateatur Eccleſiæ Antifiſtes poſſe determinare modum

modum ac tempus, quo jus divinum subditos stringat, ita ut humanarum legum fractores peccati sese reos constituant non ob violatam hominum præscriptionem, sed ob divinum præceptum duntaxat. Quod si ita accipiat, ut leges humanæ participant vim obligandi a divina & æterna, a qua leges ipsæ derivantur, optimam habebit intelligentiam. Leges itaque humanas etiam coram Deo, atque in foro interiori inferiores obstringere, sacrarum literarum auctoritate, Testimoniis Patrum, aliisque Theologicis argumentis demonstro.

Atque ex Scripturis hæc satis sunt manifesta. Paulus ad Rom. XIII. scribit: *Omnis anima potestatibus sublimioribus subdita sit: non est enim potestas nisi a Deo: & v. 5. Necessitate subditi estote, non solum propter iram, sed etiam propter conscientiam.* Quo sane in loco etiam de seculari potestate sermo instituitur, imo de vœtigalibus, ac tributis Romano Cæsari pendendis loquitur Paulus, atque juxta Dominicam sententiam Matt. XXII. 21. *Reddite, &c.* Ad Hebræos quoque scribit idem Apostolus cap. XII. 17. *Obedite præpositis vestris, & subjacetis eis.* Petrus pariter priori Epistola cap. II. 13. & 14. inquit: *Subjæcti igitur estote omni humanæ creaturæ propter Deum, sive regi quasi præcellenti, sive ducibus, tanquam ab eo missis ad vindictam malefactorum, laudem vero bonorum: & v. 18. Servi subditi estote in omni timore dominis, non tantum bonis, & modestis, sed etiam dyscolis.*

Ex Patribus hæc perpauca proferam. S. P. Augustinus in Epist. ad Bonifacium docet, quod sicuti quicumque legibus Imperatorum, quæ contra veritatem Dei feruntur, obtemperare non vult, acquirit grande præmium; quemadmodum contigit tribus pueris stantibus contra sacrilegam legem Nabuchodonosor; ita, *Quicumque legibus Imperatorum, quæ pro Dei veritate feruntur, obtemperare non vult, acquirit grande supplicium.* Atque in eadem Epistola optimam quoque rationem suppeditat non dissimilem ab ea, quam citatis locis insinuat Apostolus: videlicet, quoniam justas leges ferendo serviunt sæculares principes æternæ Regi ad bonum promovendum, ad pœnam impiis irrogandam, ad probis honestisque benefaciendum. Quod commonstrat S. Pater exemplo Ezechie, Josie, Regis Ninivitarum, aliorumque. Ubi ergo leges principum justæ sint, (nam si injustæ, leges nequaquam sunt appellandæ,) illis obtemperare tenemur; quoniam habeant singuli, ut consulant Reipublicæ, a Deo potestatem regni, atque imperii; nec solum Catholici, verum etiam idololatæ & impii, quales fuerit Nero, Domitianus, Julianus: de quibus legendum primum ac vicesimum caput libri v. de Civ. Dei. Vide & Tractatum vi. in Joannem prope finem. Præclara est sententia Bernardi lib. de præcepto & dispens. cap. 9. *Sive Deus, sive homo vicarius Dei mandat quodcumque tradideris, pari obsequendum est cura, pari reverentia deferendum; ubi tamen Deo contraria non præcipit homo.* Neesse non est plura

plura afferre; cum Patribus etiam profani Scriptores conſentiant, inter quos extat verſus Sophoclis: *Ἀρχὴν αἰῶνός ἐστιν ἡ πόλις; Principes ſunt, obſequendum; quippini?*

Veniamus ad rationes Theologorum . Principio adverſus rectam rationem neſas eſt operari . At quiſquis humanas leges infringit, agit contra rectam ſanamque rationem . Recta quippe ratio ſuadet, ne facere omittamus quæ ad Reipublicæ commodum, ad religionis incrementum, atque ad æternam beatitudinem plurimum conferunt: cuius generis eſſe juſtas Imperatorum, Regumque Conſtitutiones, ſapienter animadvertit Auguſtinus in v. de C. Dei cap. xiv. Aegidius Romanus de Regimine Principum, Ammianus libro xxxix., atque ipſi Imperatores Theodoſius & Honorius in Epiſtola ad Marcellinum . Principum itaque ſtatutis humiliter obtemperandum eſt . Ratio conſimilis eſt, quoniam non potuerunt omnia, quæ pertinent ad vitam recte inſtituendam, ex ſola naturali æternaque lege nobis inſcripta dignoſci; cum ſit hæc communis quædam ratio, & meſura in univerſum debitæ rectitudinis, ſingulis ſpeciali aliquo ordine coaptanda . Atque id præſtant humanæ leges, quibus ab æterna promanantibus in certis rerum circumſtantiis humana vita dirigitur . Ad normam itaque legum iſtarum ſe gerere debet, quiſquis ipſam æternam legem conſeſt per omnia cuſtodiciendam . Deinde hoc utimur epicheremate: Rectori ſubalternæ communitatís, qualis eſt domus, familia, cænobium, tenemur ſub peccato obedientiam præſtare, propterea quod vicem gerit ſupremi Domini, ut docet Apoſtolus ad Ephēſios capite quinto, ac ſexto . Hoc autem valere etiam de ampliſoribus communitatibus, cujuſmodi eſt civitas, provincia, regnum, nemo non videt . Imo potiori quodam titulo Dei vicem tenent ampliſoris multitudinis Præſides ac Magiſtri, ut per ſe res ipſa declarat . His ergo parere & obedire ſub peccati reatu tenemur .

Hæc vero argumenta pro lege Eccleſiaſtica & civili faciunt æquo . Verum pro Eccleſiaſtica militant alia complura . Primum eſt, quod Dominus de Eccleſiæ Paſtoribus inquit, *Qui vos audis, me audit: & qui vos ſpernit, me ſpernit* . Igitur qui tranſgreditur Eccleſiaſticas conſtitutiones, divinam ſimul legem infringit . Alterum, quod proſcriptæ ſunt hæc propoſitiones: *Præceptum ſervandi feſta non obligat ſub mortali . Frangens jejuniū Eccleſiæ, ad quod tenetur, non peccat mortaliter* . Tertium, quoniam præcipit ſæpenumero Eccleſia, inſtigendo etiam poenas anathematis, plura, quæ non ſunt directæ juris naturalis & divini, ut obſervantiam aliquorum feſtorum, Communionem in Paſchate, cœlibatum ad ſacros Ordines promotorum, aliaque innumera, quibus Catholici omnes obtemperandum eſſe fatentur . Sed pro theſis confirmatione dictum ſatis .

Oppoſitiones poſſunt pariter ad tria capita revocari . Etenim ex
To. IV.

Q

Scri-

Scripturis obijciunt verba Deuteronomii 1v. 2. *Non addetis ad verbum, quod vobis loquor*. Matth. xxv 11. 20. *Docete servare omnia, quaecunque mandavi vobis*, & xv. 9. *Sine causa autem colunt me, docentes doctrinas, & mandata hominum*. Et Apostolus in 1. ad Corinthios cap. vii. 23. ait: *Nolite fieri servi hominum*. Hæc tamen contrariæ opinioni nequeunt tantillum probabilitatis asserre. Nam in Deuteronomio præcipitur Hebræis, ne legitimis Domini addant abominationes, cæremonias, & sacrificia Gentilium, neque a divinis institutis deficiant: quod liquet ex cap. xii. ejusdem libri v. 30. & 31. ubi præcedens sententia repetitur, atque explicatur. Non ergo præceptis humanis legem sepientibus, aut Traditionibus Patrum verba Deuteronomii repugnant. In cap. autem xxv 11. Mat. divinorum præceptorum præscribitur observatio; non tamen humanarum legum inducitur deficiencia & contemptio: quam deberi quidem Institutionibus Pharisaicis pugnantibus cum Lege naturali, atque æterna, aut fundatis in futili persuasione, recte commonet in quintodecimo capite Evangelista, ubi redarguit Pharisaicum proloquium, *Munus quodcumque est ex me*, superiori capite vii. expositum. Apostolus ad Corinthios hortatur ne quis servus fiat hominum, aut coacte cum infideli conjuge habitans, aut circumcissioni semetipsum subiciens: quibus in rebus foret humanum præceptum contra Evangelicam libertatem. In hac tamen, cum non sit ab æquitate disjuncta, iis, quæ rectæ rationi conveniunt, est obsequendum: auscultandum Ecclesiæ, Matth. xv 11. 17. pendendum tributum principi, Matth. xxii. 21. & ad Rom. xii. 7., obediendum Dominis carnalibus, ad Ephes. vi. 5. At inquit Calvinus: Christus est legislator, & judex, & quidem unus, ut habetur in Epist. Jacobi cap. iv. v. 12. Fatemur: legifer est, judex est, & unus etiam; si loquamur de supremo ac summo, aut de illo qui scrutatur renes, & corda: de quo fit sermo in Epistola illa Canonica adversus illos, qui detrahunt proximo, & sinistram proferunt de ipso judicio.

Dehinc tria obijciunt ex Augustino. Primum promunt ex Epistola ad Januarium 119. nunc 55. cap. 19. ubi docet rescanda statuta hominum, quæ Religionem *servilibus oneribus premunt*. Alterum ex Serm. 6. de verbis Domini, nunc 62. cap. 8. in quo ait posse Imperatorem damnare ad carcerem, non ad gehennam. Tertium ex libro contra Faustum xxii. cap. 27. ubi peccatum per solam oppositionem ad legem æternam definit. Quæ omnia si perlegeris, miraberis Adversariorum ositantiam. Laudat quippe Epistolâ repudiat Augustinus præsumptiones quorundam, qui saluberrima divina præcepta infringentes, vana quædam servabant, & gravius arbitrabantur peccare, terram per octavas nudo pede calcantes, quam vino fieri languidos ac temulentos. De his num. 35. ait: *Omnia itaque talia, quæ neque sunt Scripturarum auctoritatibus continentur, nec in Conciliis Episcoporum*.

scoporum statuta inveniuntur, nec consuetudine universa Ecclesia roborata sunt, sed pro diversarum locorum diversis meritis innumerabiliter variantur, ita ut vix, aut omnino nunquam inveniri possint causse, quas in eis instituentis homines secuti sunt, ubi facultas tribuitur, sine ulla dubitatione rescanda existimo. Quo in loco Ecclesiasticas leges; vetustas consuetudines, & institutiones iusta causa formatas commendat ac probat, dum rescanda ait statuta varia ac præsumpta, quæ Religionem servili onere premunt. At quomodo cum legis vinculo stet Christiana libertas, & cum multitudine præceptorum suave iugum, demonstravi cap. xii. In Sermonem pariter lv. num. 13. sive cap. 8. statuit Augustinus ex Apostolo omnem animam potestatibus sublimioribus subditam esse, & quæstionem instituit, num etiam obediendum sit Imperatori, si iniustum aliquid jubeat. Respondet autem, tunc contemnendam esse potestatem, ut serviatur majori, nempe Deo; quemadmodum neque præstatur obedientia Curatori, si contra Proconsulem jubeat, nec Proconsuli, si aliud jubeat Imperator. Tum inquit: Ergo si aliud Imperator, & aliud Deus, quid judicatis? Solve tributum, esto mihi in obsequium. Responde, sed non in idolio. In idolio prohibet. Quis prohibet? Major potestas. Da veniam: tu carcerem, illegebenam minatur. De legibus ergo cum divina pugnantibus istic pertrahatur; & simul ostenditur non pugnantibus esse obtemperandum. In xxi. contra Faustum tradita illa definitione peccati, Peccatum est factum, vel dictum, vel concupitum aliquid contra æternam legem, statim addit: Lex vero æterna est ratio divina, vel voluntas Dei ordinem naturalem conservari jubens, perturbari vetans. At qui humanam legem transgreditur, perturbat naturalem ordinem, simulque æternam legem lædit, saltem, ut inquirunt Scholæ, remote. Ergo peccat.

Tertio loco obijciunt argumenta petita a ratione. Quorum primum est. Nequit inferior ligare in foro superioris. Ergo nequit homo obligare in conscientia, quæ est forum Dei. Alterum: non potest homo inferre pœnam inferni. Igitur nec obligare sub peccato, cui pœna illa respondet. Confimile est, quod sequitur: Nemo mortalium potest ab alio auferre gratiam sanctificantem, ideoque nec legem ferre sub peccati pœna stringentem. Proximum est: Potestas civilis ordinata est ad temporalem civium tranquillitatem; nullam ergo in foro conscientie inducit obligationem. Postremum sit: Non omnia præcepta sunt juris divini; non ergo obligant sub peccato. Respondetur ad 1. posse optime inferiorem ligare in foro superioris, si illius tanquam minister vicem gerat; quales esse omnes Superiores, servato inter illos ordine, dictum supra. Ad 2. & 3. pariter respondeo, posse inferiorem obligare sub pœna inferni, & privationis gratiæ; in quantum præcipit munitus auctoritate supremi Domini utramque pœnam irrogantis. Ad

4. neganda est consequentia, quandoquidem sub peccato servare tene-
mur illa quoque praecepta, quae ad temporalem tranquillitatem ser-
vandam, & Reipublicae commodum promovendum sunt instituta, ,
quemadmodum debent filii praestare obedientiam parentibus in iis, quae
ad regimen familiae conducunt; ideoque humanae leges sunt tempora-
les quantum attinet ad objectum, non comparate ad debitum, ac vim
obligandi, uti se habet etiam in pluribus lex naturalis. Ad ultimum,
vero jam dixi omnia praecepta esse juris divini atque aeterni *remote*,
quamquam non sint immediate ac proxime: quare tertium hujus libri
caput iterum legito.

Si queras quid sentiendum sit de lege *Pœnali*, idest pœnam mini-
tante; dico, si lex sit pœnalis tantum, in qua nullatenus exprimitur
vis obligationis atque praecepti, neque pœnam praescribat, cui suapte
natura aliqua culpa respondeat, uti evenit aliquando in Constitutioni-
bus Ecclesiasticis, hanc legem non inducere conscientiae vinculum,
praeciso tamen ipsius legis contemptu. Sunt hujusmodi legum plurimae
in Ordinis nostri Constitutionibus, ut legitur in Prologo, atque in
Statutis Ordinis Praedicatorum, aliorumque, ut inquit 2. 2. q. 186.
Doctor Angelicus. Obligant tamen hujusmodi leges post transgressio-
nem ad pœnam subeundam: idque ante sententiam judicis, si pœna sit
latæ sententiae, nec requirat actionem judicis ut executioni mandetur;
post sententiam autem, si fuerit sententiae ferendae. Est autem pœna,
sententiae jam latæ, quotiescumque in lege apponuntur istiusmodi ver-
ba, *Ipsa facto, absque alia declaratione, eo ipso excommunicatione in-*
nodatus existat, aut his consimilia. In legibus tamen pure pœnali-
bus punitio, quam fractores subeunt, multa potius, gravamen,
atque incommodum appellanda est, quam pœna & supplicium. Pœna
enim proprie dicta est sumptum de peccato supplicium: unde in 111. de
lib. Arb. cap. 18. inquit Augustinus: *Omnis pœna, si justa est, pecca-*
si pœna est, & supplicium nominatur. Haecenus de legibus pure pœ-
nalibus. At aliae sunt, quas Theologi *Pœnales mixtas* appellant, in
quibus legislator, a cujus voluntate pendet num lex ad solum grava-
men, num etiam ad opus obliget, simul & praecipit quid fieri oport-
teat, & praescribit animadversionem in transgressores. Atque istiusmodi
leges tam ad opus obligant, quam ad pœnam, si illud sponte fuerit
praetermissum. Sed de his plura Vanroy de legibus cap. vii. q. ix. Et
Guerrero Tract. vi. §. 7. alique de Theologia Morali pertractantes.

PROPOSITIO II. Humanæ leges non semper obligant cum gravi no-
cumento, & cum periculo vitae.

Communem hanc Assertionem Theologi omnes his momentis com-
muniunt. Neque lex positiva sacrorum librorum auctoritate firmata in
vitæ discrimine, atque magna urgente necessitate quemlibet stringit.
David enim profugus, & fame impellente sanctificatos panes proposi-
tionis

tionis comedit 1. Regum cap. xx1. 6., tametsi erant illi cibis Levitarum duntaxat, ut præcipitur 24. Levitici v. 9. Discipuli pariter apud Matth. x11. esurientes sabbato vellebant frumenti spicas, prædicto exemplo Davidis a Domino v. 3. excusati. Etiam Mathathias electique Hebræorum statuerunt in sabbato esse pugnandum, ne universus populus interiret, ut legimus in 1. Machab. cap. 11. 41. Si autem non tenent in rerum angustiis positivæ ac divinæ leges; profecto neque Ecclesiasticæ, neque Civiles. Deinde Ecclesia eximit complures ab audiendo Sacro, servandoque jejunio, demonstrans latas a se leges cum vitæ dispendio nequaquam esse servandas. Latæ sunt insuper humanæ leges pro communi Reipublicæ bono, & Religionis decore promovendo; ubi ergo utrunque illæsum persistit, & gravis causâ ad eas non servandas impellit; nulla ipsarum habebitur violatio. Præterea hæ leges circa materiam minime necessariam interdum versantur; in qua legislatoris intentio non est inferiores obstringere in magno vitæ discrimine. Vetusstæ denique Etruscorum leges ab Hebræis dubio procul derivatæ, & receptæ a Romanis, erant, festis diebus jurgia, & famularia opera non patranda, & nihilominus ex veteri Romanorum Jure petita sunt, quæ scribit Virgilius Georg. lib. 1. quod necessitati parendum est, in qua

*rivus deducere nulla
Religio vetuit, segeti prætere sepe,
Insidias avibus moliri, incendere vepres,
Balantumque gregem fluvio mersare salubri.*

Legatur in 2. de legibus Cicero, & Servius in hunc locum Virgilii. Igitur humanas leges exceptiones plures habere, præsertim in necessitate, quam appellat Seneca *magnum humanæ imbecillitatis patrocinium*, evincunt sacra, & profana exempla rationibus confirmata.

Non tamen absolute thesim hanc pronuntiavimus: quippe ubi id postulat publicum bonum, aut Religionis causâ, quoniam hæc sunt præponenda privatorum hominum incolumitati, stringunt humanæ leges in extremo quoque periculo; ita ut nefas sit aut militibus imminente patriæ interitu, quam possent defendere, fugam, ne obtruncari valeant, arripere; aut cum pusillorum scandalo, & Religionis contemptu vesci idolothytiis, sive carnibus immolatiitiis, atque azymophagiis. Ait enim Ecclesiasticus cap. 1v. 33. *Pro justitia agonizare pro anima tua, & usque ad mortem certa pro justitia.*

At obijcies: Pugnat præcedens assertio cum ratione, cum decretis Pontificum, & cum sanctissimarum Religionum Statutis. Cum ratione quidem; nam lex humana ad commune bonum est ordinata, & pro communi bono debet unusquisque vitam profunderet. Decretis autem, quoniam Cap. *Sacris*, Innocentius III. sancivit non esse communicandum cum excommunicato per metum. Statutis denique Regulæ; etenim nec in extremâ valetudine fas est Carthusianq̃ vesci carnibus,

nibus; aut Monialia egredi e septis Monasterii, ut sanitatem assequatur aeris salubritate.

Resp. ad 1, utique si de Reipublicæ incolumitate, aut de Religione agatur, legem humanam esse observandam cum propriæ vitæ dispendio; *Nemo quippe dubitat cavendi majoris damni causa patiendum esse damnum, quod minus est*, inquit S. Pater de Mendac. cap. 18. Diluitur quod sequitur, respondendo loqui Pontificem de metu levi, & de communicatione cum scandalo, & contemptu; cum alias gravissima necessitate impellente non teneamur excommunicatum vitare ex Canone, *Quoniam multos*, caus. 11. q. 3. & ex Cap. Inter. De Carthusianis autem non eadem est sententia Doctorum. Nos arbitramur illicitum esse illis carne vesci, si præsto sint alii cibi, cum ob præstantiam voti, quod ne irrepant graves abusus, religiose simul & rigore servandum est, tum ob sanctissimi instituti consuetudinem, atque qualitatem ipsam piscium & olerum per se servandæ vitæ proficuum. Etenim, ut exempla mittamus antediluvianorum patrum, qui sine carnibus diuturniorem vitam egerunt, necnon Eliæ, Danielis, pueri Amalecitiæ, atque Evangelicæ turbe, producta ab Antonio Guerrero, qui nunc Ordinem utilium librorum editione collustrat, Tract. vi. Th. Mor. §. 6. q. 12., carnibus abstinendum putarunt Sextius Philosophus apud Senecam Epist. 108. Xenocrates & Polemon apud Clem. Alex. vii. Strom. Persarum Magi apud Hieronymum 2. adv. Jovinianum. Quod si mavis exempla Sanctorum, legito quæ de Matthæo Apostolo scribit laudatus Clemens Pedagog. 2., de Jacobo fratre Domini Augustinus lib. 20. contra Faustum cap. 20., & de aliis præcorum temporum fidelibus Tertullianus in libro de cultu feminarum. Hanc vero abstinentiam a carne, & animalibus esculentis non solum hi laudant tanquam rigidioris vivendi rationem; verum etiam ut alimentum piscium, & olerum sit minus exercentibus corpus, & ægrotis ac senibus accommodatissimum, quomodo demonstrat Michael Boudewins percelebris Medicus ac Theologus P. 2. Ventilabri quæst. xvi. 11. Ea propter etiam Quadragesimale jejuniū tanta Veteres observatione peregrisse, ut potius extremum spiritum agerent, quam carnem degustarent, animadvertit Balsamon in Scholiis ad vi. Canonem Apostolicum, & eximius Magister Lupus ad Concilii Romani octavum. Expresse insuper de voto Carthusianorum pertractarunt Tridentini PP. gravibusque pro illius observatione adductis momentis, noluerunt illud explicatione aliqua mitigare. Hæc nos movent, ut credamus Carthusianis etiam in extremo laborantibus, dummodo alii suppetant cibi, a carnibus esse abstinendum. Quam sententiam propugnant Vasquez, Salmanticenses, Sylvius, Habert, atque ex Nostratis Vanroy, Piette, Guerrero. Sunt tamen qui putant id licitum esse Carthusianis excluso periculo scandali, ut Gerson, Major, Adrianus: imo qui tenent etiam ad hoc obligari,

gari, ut Almainus, Medina, Herminier. Verum hi olus ac pisces existimant nocens obsonium, dum Brunonis discipuli saniori iudicio ajunt cum Prudentio in Hymno *ad Aquilonem* tertio:

*Nos oleris coma, nos pilula
Fota legumine multimodo
Paverit innocuis epulis.*

De moniali pariter, ob monasteriorum feminarum decus, atque honestatem pluris sane faciendam, quam morbus unius, censeo non esse permittendum ut egrediatur e claustro; quod expedit tamen, si epidemia aut pestilentia laboret, aut causa alla intersit ex enarratis in Cap. *Perculoso*, de statu Regularium, & in Bulla Pii V., quæ incipit, *Decori, & honestati*. Istud tamen assertioni nostræ nequaquam opponitur, cum fateamur privatam cujusque vitam cedere honori, ac bono Communitatis.

PROPOSITIO III. Non potest Legislator operi, quod tam in se inspectum, quam attentis rerum circumstantiis leve est, parvique momenti, adnectere obligationem sub pœna mortalis culpæ.

Hoc assertum inter Scholasticos commune est; ac satis ex eo liquet, quod humanæ leges ab æterna derivatæ debeant ipsi conformari. Lex autem æterna præscribit inter transgressionem ac pœnam debitæ æquitatis comparationem: neque enim justissimus Iudex Deus Opt. Max. levissimo furto, aut officioso mendacio, aut prolato per jocum, verbo, aut operi consimili veniali reddit sempiternæ damnationis supplicium. Quod si Princeps capitali pœna minimam proximo illatam injuriam puniret; quis eum Tyrannum potius, quam civitatis rectorem non appellaret? quanta inde non provenirent plebis incommoda, ac teterrimæ frequentissimæque hominum cædes, atque inde, insidiarum, ac turbulentæ seditionis fomentum? At longe his grave peccatum, & consequens gehennæ supplicium deterius est. Ergo istud transgressioni levissimæ respondere non debet: quin & Jurisconsultis cautam est, ne alicui præter necessitatem grave onus imponant, ne sese subjiciant Domini exprobationi; qua Matth. xx: 1. v. 4. novimus vellicari leges Phariseorum.

Fieri tamen potest, ut res per se levis, ob loci, temporis, ac personarum adjuncta, gravis sit reputanda. In exemplo sit facta primis parentibus præscriptio, ne certæ arboris fructus attingerent: quam legem attendita hominis conditione, & præstanda Creatori obedientia, opus non exigui momenti, quod fuisset alias pertenuis, constat inhibuisse. Dictum de hac lege lib. x: 1. cap. 12. prop. 1. Ad hunc modum se habent quædam Superiorum nostrorum præcepta, quæ tamen videantur aliquando pertenuem circa materiam versari, considerata regularis observantiæ necessitate, atque intenti finis excellentia, possunt nos gravi obligatione constringere. Si pariter in parva quoque materia frege-

frigeris Quadragesimale jejunium, aut feria sexta vel sabbato carnem gustaveris, quoniam sunt hæc Apostolicæ Traditionis capita, & Romanæ Communionis ab hæreticorum sceleris divulsæ singularis character, sceleri obnoxius eris gravissimo. Atque his nullo adhibito studio objecta quæque repelles.

C A P U T XV.

*Possè Ecclesiasticis legibus præscribi actus etiam
internos.*

AL I U D est, juxta verborum significationem, aliquid *directè* præcipere, aliud vero, *indirectè*. Indirectè præcipitur, quod alterius causa jubetur, propterea quod absque illius adminiculo, aut omnino fieri non potest, aut saltem non fit bene, atque, ut oportet; ita lex præscribens E. G. contractuum obligationem, præcipit quoque assensum liberum voluntatis, sine quo haberi non potest duorum, vel plurium conventus ac stipulatio: & præceptum horas canonicas persolvendi, mandat quoque *indirectè* etiam attentionem ac devotionem, sine quibus fructuosa ac perutilis esse nequit oratio. At *directè* illud præcipitur, quod per se, & absque consideratione alterius proponitur observandum, E. G. opus, quod ipsa lege declaratur esse complendum; ut interesse sacro, servare jejunium, tributum solvere, atque his consimilia.

Præcipi autem humana, & præsertim Ecclesiastica lege actum interiorè *indirectè*, certum est, neque Doctores re ipsa dissentiant. Enimvero in Conc. Later. iv. cap. *Dolentes*, præcipitur, ut divinum Officium recitetur *studiose pariter, & devote*: atque in Clem. de Celebr. Miss. *ut hora legantur in puritate conscientie, & animi devotione*. S. P. Augustinus in Reg. cap. 2. mandat, ut dum oramus ad Dominum, *hoc versetur in corde, quod profertur in ore*. Et D. Bernardus Serm. 41. de diversis, *Ex voluntate* (inquit) *suscipienda sunt imperia Prælatorum, & ipsum cor a suis voluntariis reflexionibus abducendum*. Quibus accedit manifesta ratio. Voluntas quippe legislatoris hæc est, *ut faciat homines bonos*, auctore in 1. Eth. cap. 14. Philof., idque amplius de legislatore Ecclesiastico asserendum est, qui non mandat opera inutilia, & Pharisaico more externis tantum officiis patrata, optime sciens istiusmodi a Domino If. cap. xxix. 13. & Matth. xv. 8. repudiari. Saltem ergo *indirectè* præcipi ab Ecclesia animi intentionem, ac pium voluntatis affectum satis apparet ex Decretalibus, ex Patribus, atque ex ipso sine legislatoris.

Controversia itaque eo deducitur, ut inquiratur tantum, num. legi-

legibus Eccleſiaſticis interiores actus præſcribi valeant per ſe, directe, & tanquam proprium ipſarum legum ſubſtratum. In qua controverſia etſi Doctores quamplurimi negativam partem tutantur, atque oppoſitis argumentis quodammodo ſatiſfaciunt reponendo his tantum probari Eccleſiam præcipere actus internos indirec- te, ne videlicet exteriores aut irriti ſint, aut perversi: eſt nihilominus ſententia, quam dirigendis moribus filiorum Eccleſiæ magis commodam arbitramur, interio- rem quoque actum cadere ratione ſui ſub ejuſdem Eccleſiæ præcepto. Quam ſententiam propugnant Romanus Aegidius, Vanroy, Guerrero, Piette, alique Noſtrates, nec non complures ex exteris, ut Lacroix, Cardenas, Habertus, & alii, quos commemorare non vacat. Sit igitur

PROPOSITIO : Poſſet Eccleſia interiorem quoque actum per ſe, ac directe præcipere .

Quatuor argumentorum capita proferam: primum ex legibus jam latis depromptum; alterum ex Eccleſiaſtica Hiſtoria: tertium ex Au- guſtino; poſtremum ex ratione. Ac primum ita ſe habet: Eccleſia in actus internos, etiam ab omni externo opere ſejuñctos, ſuam exercet juridiſtinctionem, non ſolum eos dirigendo ut recte ſiant, ſed etiam puni- endo ſi noverit iniquos, ac pravos. Pollet ergo auctoritate illos di- recte præcipiendi. Comprobant antecedenſ Clementina 1. de ſtatu Monach. juxta quam excommunicationem incurrit Monachus confe- rens ſe ad Curiam animo accuſandi Prælatum. Clement. 2. parag. *Ve- rum*, qua eadem pœna inuritur Quæſitoribus Fidei, qui pravâ inten- tione vel odio contra juſtitiam & conſcientiam ſe ignaviter gerunt. Etiam diſt. xxx. c. 8. *Si quis*, dicitur anathema iis, qui jejania Eccle- ſiæ contemnunt ſuperba Euſtathianorum ſuperſtitione, ideſt, opinantes in ſua conſcientia ſe eſſe perfectos. Ad hæc Seſſ. ultima Concilii Con- ſtant. mandat Martinus V. nuntiari ſingulis diebus Dominicis & ſingu- lis feſtis tanquam Excommunicatos, non ſolum qui palam profeſſi fue- rint hæreſes Wicleſſ, & Huſz, verum etiam qui pro deſunctis hære- ſiarchis oraverint, aut illos ſanctos eſſe crediderint, aut exiſtimave- rint legitime non fuiſſe damnatos: idque, etiamſi ipſorum duntaxat confeſſione interna hæreſis innotefcat. Damnarunt quoque Alex. VII. & Innoc. XI. opinionem quorundam affirmantium ſatiſheri præcepto Eccleſiæ per ſacrilegam Communionem. Inter impia aſſerta Michaelis de Molinos, & in proceſſu vernacula lingua lecto Romæ die 3. Sept. an. 1687. hæc connumerantur. 1. *A' Superiori ſi dee ubbidire nell'eſſer ſuperiore; e la latitudine del voto della Obbidienza de' Religioſi arriva ſolamente all'eſſer ſuperiore.* 2. *E' degna di riſo una nuova dottrina nella Chieſa di Dio, che l'anima in ordine all'interno ſi dee governare per il Veſcovo; perebè nè la ſacra Scrittura, nè Concilj, nè Canoni, nè Bol- le, nè Santi, nè Autori l'hanno mai detta, nè la poſſono dire, perebè*

To. IV,

R

Eccle-

Ecclesia non iudicat de occultis 3. *Il dire, che si dee manifestare il suo interno al Tribunale esteriore de' Superiori, e ch'è peccato. il non farlo, questo è un'inganno manifesto, perchè Ecclesia non iudicat de occultis. In his autem, quamquam primario damnatur abominabilis contemptus erga sanctissimum Tribunal sacræ Inquisitionis, quem inducere moliebatur vir Belial; videtur etiam supponi fallax illorum opinio, qui tenent Ecclesiæ præcepta ideo ad interiores actus non se extendere, eo quod ipsa non potest iudicare de occultis. Itaque ex Ecclesiasticis definitionibus compertum est, Ecclesiam etiam internam hæresim excommunicatione ferire, in superstitionem, atque in animo latentem iniquitatem animadvertere, & id faciendi agnoscere in Episcopis & Pastoribus auctoritatem.*

Ex Ecclesiastica Historia singulare exemplum est, quod narrat Hermias Sozomenus lib. vi. cap. 28. de S. Presbytero Eulogio, *quem servavit cum rem divinam faceret accedentium cogitationes usque adeo prænovisse, ut delicta eorum certissime argueret, & quæ singuli penitus in mente recoudita habebant perciperet. Eos igitur qui mali quidpiam perpetrassent, aut patrare decrevissent aliquandiu arcebat ab altari delicta eorum in apertum proferens: postea vero pœnitentia purgatos ad mysteria admittebat.* Vide Sozom. ex Interpret. Valesii pag. 679.

Sanctus autem Augustinus de Moribus Eccl. Cath. cap. 30. ita Ecclesiam ipsam compellat: *Merito Ecclesia Catholica mater Christianorum verissima non solum ipsum Deum, cuius adoptio vita est beatissima, purissime atque castissime colendum prædicas: sed etiam proximi dilectionem atque caritatem ita complecteris, ut variorum morborum, quibus pro peccatis suis animæ agrotant, omnis apud te medicina præpolleat. Tu pueriliter pueros, fortiter juvenes, quiete senes, prout cujusque non corporis tantum, sed & animi ætas est, exerces, & doces. Tu feminas viris suis non ad explendam libidinem, sed ad propagandam prolem, & ad rei familiaris societatem casta, & fidei obedientia subicis: Tu viros conjugibus non ad illudendum imbecilliores sexum, sed sincere amoris legibus præcis, &c.* Atque ita per omnia filiorum Ecclesiæ genera gravi oratione descendit. Ex quibus videor mihi haud ineptè ratiocinari: Si Ecclesia est mater fidelium, quos spiritualiter parit, quomodo in eorumdem spiritum tamen latentem atque occultum directam ferendi leges jurisdictionem non habet? Si visibilibus sacramentis illos parturit, & impositione manuum ceterisque sensibilibus signis animam nutrit, sanctificat, exornat invisibili gratia, eccur per se lege verbis externis prolata non potest interiores actus præscribere? Ipsius interest morbis animorum mederi; & cur non potest directe imponere actus humilitatis, orationem, quam dicunt *mentalem*, actus fidei & caritatis, quæ videntur oportuniore contra superbiam, torporem, dissidentiam, variasque tentationes remedia? Viris feminas subicit casta

caſta & fideli obedientia, feminis autem viros præſcit legibus ſinceri amoris; quanam eſt autem obedientia caſta, & amor ſincerus, niſi intimo ex corde procedens? Hæc denique mater docet filios quibus honorem, quibus affectum, quibus reverentiam, quibus conſolationem, quibus diſciplinam, quibus obſurgationem, quibus denique ſupplicium exhibere debeant; ut ſancta illorum dilectio in incendium conſurgat, & Deo, qui ignis conſumens eſt, uniantur; ut docet ibidem S. Doctor. Sua ergo refert filiis præcipere quæcunque ipſos dirigant in hunc finem: inter quæ interni actus omni procul dubio principem habent locum. Atque ex his ratio theologica quarto loco ponenda jam ſponte, ſuaque natura profluxit.

REFELLUNTUR CONTRARIA ARGUMENTA.

Moventur autem adverſarii argumentationibus iſtiusmodi. Inquunt 1. Eccleſia non judicat de occultis, ut habetur in Cap. *Sicut tuis*, de Simonia: & Seſſ. 24. cap. 1. Trid. Reſpondetur hanc propoſitionem diſtinguendam: Eccleſia non judicat de occultis, quantum ad vim diſcretivam; nego: quantum ad vim coactivam, ſubdiſtinguo, defectu poteſtatis, nego: defectu cognitionis, concedo. Et ſpectare quidem ad Eccleſiam, Reſtoresque animarum internus actus dirigere pluribus argumentis probatum eſt: illos etiam Eccleſiaſticis legibus cohiberi, ſi ad Eccleſiæ notiſiam perveniant, producta facta commonſtrant. Tridentinum quoque Concilium citata Seſſ. 24. ſententiam noſtram confirmat. Loquens enim de malo ex clandestinis conjugiiſ non ſemel oborto, ac præſertim de ſtatu damnationis illorum, qui priore uxore cum qua clam contraxerant reſiſta, cum alia palam contrahunt, & cum ea in perpetuo vivunt adulterio, inquit, *Cui malo cum ab Eccleſia, quæ de occultis non judicat, ſuccurri non poſſit, niſi efficacius aliquod remedium adhibeatur, &c.* Ex quibus habes munus eſſe Eccleſiæ etiam occultis adhibere remedium, atque prædicti proloqui ſenſum eſſe, quod Eccleſia nequit ferre ſententiam, & punire peccata *probatione ceſſante*, ut habetur Can. *Chriſtiana*, Cauſa 32. q. 5. Imo Tridentina Synodus clandestinos contractus, de quibus ait Eccleſiam judicare non poſſe, declarat irritos & annullat, cum tamen neque naturali neque divino jure fuerint prohibiti. Quare etiam de occultis univerſali lege proferret ſententiam; etiamſi judicare non poſſit de hoc vel illo in particulari, niſi notiſiam habeat aut per teſtes, aut per confeſſionem delinquentium. Atque ex his aliam habes reſponſionem, Eccleſiam videlicet lege generali & univerſali actus internos præſcribere aut prohibere, tametiſi nequeat hunc, aut illum punire, niſi ſciat præſcriptiones ſuas violari. Quare pronunciatum illud, *Eccleſia non judicat de occultis*, non de præſcriptione legis accipiendum eſt, ſed de individux prolatione ſententiæ.

Habes hinc quid reponas ad auctoritatem D. Thomæ scribentis 1. 2. q. 91. art. 4. *De his potest homo legem ferre, de quibus potest judicare*: atque judicium hominis esse non potest de interioribus motibus qui latent, sed solum de exterioribus actibus qui apparent. Dicimus enim Doctorem Anglicum loqui de vi coactiva, ut colligitur ex verbis sequentibus: *Et ideo lex humana non potuit cobibere, & ordinare sufficienter interiores actus*; aut accipiendum esse de lege non juxta universalem ipsius præscriptionem, sed juxta sententiam in individuo prolatam. Potest enim E. G. Pontifex prohibere ne eadem Missa applicetur pro duobus stipendiis, ut prohibuit Urbanus VIII. atque hæc inhibitiō versatur circa applicationem, quæ est actus interior. At hunc numero Sacerdotem consimili applicatione sacrum fecisse Ecclesia ignorat, ideoque in ipsum debita punitione minime animadvertit. Exemplum huic similia paulo supra produximus.

Arguunt ulterius: De Pœnit. dist. 1. cap. *Cogitationis*, habetur, *Cogitationis pœnam nemo patitur*. Quem canonem de sola humana lege accipiendum, res per se loquitur. Resp. sensum Canonis esse, neminem puniri sententia judicis, ob cognitionem internam, quæ nullo modo probari potest. Nam si exteriori indicio interior malitia innotescat, etiam cogitationis pœnam patietur iniquus, ut de eo qui armarium aperuit, nec asportare potuit, aut segetum, quas secuerit, partem duntaxat surripuit, explicat ibidem Glossa. Spectat præterea Canon citatus ad jus Civile, non ad Canonicum; ut constat ex Canone 20. ejusdem dist. *Cogitatio non meretur pœnam lege civili, cum suis terminis contenta est*. Audio quid argutaris. Lex civilis, inquis, internum actum non præcipit: ergo neque Ecclesiastica. Sed tene latissimam disparitatem. Lex civilis ad temporalem politiam, atque ad externum regimen directæ est, Ecclesiastica ad animarum quoque salutem & ad spiritalem concordiam, ad quam per se, & directè refertur. Deinde in legibus civilibus quædam sunt, quæ suapte natura effectum fortiuntur tantummodo posito externo actu, ut contractus, matrimonium, venditio. locatio: quædam verò, quæ effectum intentant, ut maleficia: unde sequitur citato canone 20. *Discernantur tamen a maleficiis ea, quæ de jure effectum desiderant: in his enim non nisi animi judicium consideratur*. Hujus generis leges etiam in interiores actus ferri possunt.

Insuper objectant: Ecclesia cum sit visibilis, debet humano modo procedere. Resp. id non obstare quin per legem humano modo prolatam ad internos actus obstringat, quemadmodum per visibilia Sacramenta spirituales producit effectus. In ceteris, si quæ sunt alia, diluendis opera studiumque nostrum minime desideratur.

C A P U T XVI.

De iis, quorum intereſt ferre leges humanas, & eorum legibus obtemperare neceſſum eſt.

NONNULLA quidem de legum Auctoris ſupra diſſerui; unde conſtat nonniſi ad legitimos Superiores pertinere, ut Legem ſtuant. Quoniam vero nonnulli falſo ſcripſerunt ſummas Potestates, quarum nomine designant Imperatores, Reges, & quos appellat vulgus Magiſtratus, quod tamen nomen poteſtatem inferiorem designat, imperium tenere in res ſacras, cui & Eccleſiaſtici viri ſubjecti ſint, neque hi quacunque fulgeant in Eccleſia auctoritate, aliud munus jure exercere, quam declarandi ac ſuadendi, adverſus hanc impietatem erroremque execrandum acuum ſtylum parumper, demonſtrans quomodo Eccleſiæ Paſtores imperium teneant, quomodo Potestates Sæculares, atque utriſque ſit a ſubditis obſequendum.

PROPOSITIO I. Potestates ſæculares non habent auctoritatem aliquam, aut imperium ſtatuendi leges Eccleſiaſticas.

Demonſtratur I. Petro duntaxat, & Succelloribus ejus data eſt poteſtas ligandi atque ſolvendi, neque ſuper Imperatorem aut regem, ſed ſuper Principem Apoſtolorum Eccleſia fundata eſt, ut habetur Matth. xvi. 18. atque oſtendam diſſerens de Romani Pontificis auctoritate: ſimiliter ab Episcopis regendam Eccleſiam collata ſibi per Spiritum ſanctum poteſtate traditur in Act. Apoſtolorum cap. xx. 28. Atqui Terrenæ poteſtates deſtitutæ juriſdictione, charactere & gratia, quæ conferitur per impositionem manuum Presbyterii, Pontificali aut Episcopali dignitate non fulgent. Non ergo ad eas attinet Eccleſiam regere, atque in hac exercere ligandi, ſolvendique collatam divinitus poteſtatem. II. Quem Eccleſia ejecerit ac damnaverit, nequeunt Potestates ſæculares in communionem recipere: ſed debent illum quique ſideles habere tanquam Ethnicum & publicanum, juxta Evangelicum præceptum Matth. xv. 11. 17. Igitur Potestas terrena ferendi in Eccleſia leges, ipſa Eccleſia repugnante, auctoritate non pollet. III. Sæculari Principi neſas eſt in Eccleſia ſacras functiones obire, nam Ozias, cujus pietatem & adverſus Philistiim glorioſa certamina comendat liber 2. Paralipp., ibid. cap. xxv. 1. 21. percuffus lepra abjectus fuit uſque ad mortem, propterea quod repugnante Azaria Sacerdote veller ſuper altare thimiamatis incenſum adolere. Multo ergo minus fas erit Regi vel Principi res ſacras imperatoria conſtitutione præſcribere. IV. Ut habetur in Can. tit. de Judicib. *Judex ſæcularis in ſpirituali ſe intromittere non poteſt*: quæ etiam extant ff. de iis, qui ſunt ſui, vel alieni juris l. 1. §. *Videmus*, V. Oſius Cordubensis in Epistoſa laudata ab Athanaſio

natio ad solit. vitam agentes, hæc ad Imperatorem conscribit: *Neque te misceas Ecclesiasticis, neque nobis in hoc genere præcipio. Tibi Deus imperium commisit, nobis quæ sunt Ecclesiæ concredidit: & quemadmodum qui tuum imperium invadit, contradicit ordinationi divinæ; ita & tu cave, ne quæ sunt Ecclesiæ ad te trabens magno crimini obnoxius fias.* Et Hilarius pariter in Epist. ad Constant. Augustum, *Provideat, inquit, & decernat Clementia tua, ut omnes ubique Judices, quibus Provinciarum administrationes creditæ sunt, a religiosa se observantia absteineant, neque post hoc præsumant, atque usurpent se causas cognoscere Clericorum.* VI. Postremo his accedit, quod fundamentum est ceterorum, non esse corporis spiritum, neque temporalis politix Ecclesiasticam regere communitatem: quod subjectis positionibus collustrabitur.

PROPOSITIO II. Possunt tamen Potestates terrenæ leges statuere ad divinas, & Ecclesiasticas promovendas, non tanquam Ecclesiæ Judices, sed tanquam defensores ac vindices.

Hoc duntaxat probant argumenta, quæ ad statuendum imperium summarum Potestatum erga sacra viri politici & secularium Principum adulatores coaccervant. Sunt hæc ex veteri testamento deprompta. David 1. Paralip. xv. 3. præcipit a Levitis afferri arcam Dei de domo Obedom; sed jam Dominus Levitas elegerat ad portandam eam, ut ibidem legitur v. 2. Joas lib. 11. cap. 24. sancivit congregandam pecuniam ad ædificium & ornatum templi: sed soli Levitæ arcam pecuniarum deferebant, & lex jam erat constituta per Moysen Exodi xxx. 13. Josias etiam lib. 4. Regum cap. 23. jussit, ut projicerentur de templo vasa Baal, delevit aruspices, evertit ædículas scortatorum, & celebrandum Phasæ constituit; sed *juxta verba libri fœderis*, ut habetur v. 2., nempe secundum præceptiones Mosaicæ. Huc referenda sunt exempla Ezechix & aliorum apud Augustinum in Epist. ad Bonifacium. Præterea fecit aliquando conditio temporum, ut pro divinarum & Ecclesiasticarum legum custodia fideles etiam impiorum & idololatræ Principum imperia arcefferent. Ita nimirum pro ædificatione secundi templi Judæi Persarum Regum jussa postulaverunt. Ptolomæus licet de Templo Hierosolymitano, & Garizitano diremit, apud Joseph. lib. x. 11. Antiq. cap. 6. Paulus apud Felicem, & Festum judicium subiit. Justinus Martyr, aliique Apologistæ sanctissimi Imperatoribus veritatem Fidei Christianæ comprobendam exhibuere. De Paulo Samosateno etiam Aurelianus Imperator a fide alienus fertur dixisse sententiam. Athanasius ante Probum Laodicæ contra Arium disoutavit, Anisilites alii apud Jovinianum, Eugenius Episcopus ante Hunnericum. Hujusmodi enim Imperatores, etsi infideles aut hæretici, poterant Catholicorum dissidia legibus Catholicorum componere. Nam æquum est unumquemque juxta leges, quibus subicitur, absolvi aut damnari. Quod si de Principibus

cipibus Chriſtianis ſermo inſtituatur ; fateor interdum non ſolum leges Eccleſiaſticas promoviſſe , ſed etiam , Paſtoribus Eccleſiæ minime repugnantibus , coegſſe Synodos , & ſacrorum Antſtitum electionibus præſuiſſe . Sed & ultro concedimus dici Conſtantinum in Antiqua Inſcriptione *Auctorem Religionis , & fidei* , Carolum Magnum *Veræ Religionis rectorem* , Britannum Regem in vetuſto Epistoſio *Vicarium Dei* : & ſi quid iis dici poteſt illuſtrius .

Verum qui iis adducuntur , ut adſtruant imperium ſæcularium Poſteſtatum in Eccleſiam , plane decipiuntur . Priori enim generis exempla , Davidis , Joas , & Joſiæ potius demonſtrant Reges Iſrael nullas de Sanctuario tuliſſe Conſtitutiones , ſed pro ſervandis iis , quæ ſtatutæ erant a Moſe , ſedulo invigilaſſe . Alia , quæ Auguſtinus producit , oſtendunt , quomodo Reges ſervire debeant Domino in timore , *ea quæ contra juſſa Domini fiunt , religioſa ſeveritate prohibendo , atque plectendo* . Iiſdem quippe verbis utitur S. Pater . Cumque poſt juſ divinum locum habeat proximiorum Eccleſiaſticum ; tenentur Reges hujus quoque diſciplinam cuſtodire , quoniam Deo rationem reddere debent *propter Eccleſiam , quam a Chriſto tuendam ſuſcipiant* , ut inquit Iſidorus Hiſpalenſis in Sent. 111. cap. 51. *Quæ* de Imperatoribus idololatriſ ſuere ſubjecta , non ipſorum in res ſacras imperium , ſed Chriſtianæ fidei triumphum commonſtrant quem in majori rerum diſcrimine patrociniſ hoſtium ſuorum reportavit . Fuerunt tamen ſinguli , quos ſupra commemoravi , Dei miniſtri , & vindices in iram eis , qui malum egerunt : qualem eſſe omnem poteſtatem ſublimiorem aſſeruit in Ep. ad Rom. cap. x111. v. 4. Apoſtolus Paulus . Cum autem Principes ſint Dei miniſtri ; quid mirum , ſi ſuam pro Eccleſiæ incolumitate operam contulere , & honorificis ac ſplendidiſſimis titulis fuerunt condecorati , Rectorem quoque Eccleſiæ , Fideique Auctorem ? Quos niſi ſuperbe uſurpaverint , non alia ratione dicimus eſſe collatos , quam vita & anima corporalibus membris exercentibus quidem vitales actus , at non ſua illos vi dirigentibus , neque imperantibus .

PROPOSITIO III. Competit Eccleſiæ Paſtoribus non ſolum munus ſuadendi & declarandi , ſed etiam auctoritas , & poteſtas coactiva , quæ poſſunt ſuarum legum fractores vi , & impoſita neceſſitate compeſcere .

Oppoſita enim aſſertio , quam protulere Marſilius de Padua in Defenſorio Pacis ad Ludovicum Bavarum , nec non Joannes de Janduno , arripere poſthac Proteſtantes , præſertim Grotius de Imperio ſummarum Poſteſtatum cap. 1v. §. 7. & 8. & M. Antonius de Dominis lib. v. de Republica cap. 2. & 3. , damnata eſt tanquam hæretica a Joanne XXII. Damnationem receperunt cum ceteris etiam Doctores Pariſienſes ſolemni congreſſu die 1. Septemb. an. 1330. atque pro hac definita veritate plura ſcripſere Gerſon , Hervæus , Petrus de Alliaco , Franciſcus Hallier , aliique . Itaque theſis hiſce argumentis probatur .

Chri-

Christus Dominus factō flagello de funiculis vendentes & ementes ē templo vi expulit. Contulit quoque Petro potestatem ligandi atque solvendi: ligantur autem non tantum voluntarii, sed etiam inviti. Apostolus Petrus Ananiam & uxorem, quod fraudaverint de pretio agri tali oburgatione reprehendit, ut corruentes protinus expirent: Paulus etiam Elymam Magum luce privavit, tradiditque Satanæ in carnis interitum Corinthium fornicatorem. Etiam Sacerdotes ac Pharisæi cæcum perhibentem de Christo testimonium, Joannis 1x. 34. *ejecerunt foras*, vel e templo, vel, ut aliis placet, e synagoga. Idem fecisse Stephano, Paulo & Barnabæ narrant Acta Apostolica. Fuerunt quidem hæc postremo loco posita per summam injustitiam patrata; sed nihilofecius Sacerdotalem auctoritatem eos, qui habentur impii, per vim expellendi commonstrant.

Exercuerunt præterea Ecclesiæ Pastores jurisdictionem illam coactivam vel excommunicatione, vel potestate miraculorum, vel violenta manuum appositione. Coactivam esse vim Excommunicationis ex eo probatur, quod percussi anathemate inviti a fidelium communione separantur. Quare abscindi dicuntur in Epist. ad Galatas cap. v. 12. atque in Evangelica similitudine Matth. v. 29. & 30. tum abscindi, tum erui, ac projici. Hæc enim de excommunicatione interpretatur Innoc. I. in Epistola ad PP. Milcvitanos inter Augustinianas 93. Potestate sibi divinitus tradita miraculorum usos fuisse sanctissimos Ecclesiæ Pastores, etiam vim inferendo, & coercendo, Ananiæ & Elymæ allata exempla declarant. Excommunicatum ab Ambrosio famulum Stiliconis statim ab immundo spiritu discriptum, Zozinum Neapolitanæ Ecclesiæ invaforem anathemate percussum protensa tanquam hovi anhelō lingua spectaculum de se exhibuisse miserrimum, & Eudoxiam Imperatricem pariter a Chrysostomo communione privatam infelicem habuisse exitum, Ecclesiastica narrat Historia. Quod ejectis etiam ab Ecclesia Judæorum olim accidisse auctor est Iosephus lib. 2. de Bello capite septimo. Ubi de Essenis, *Deprehensos* (inquit) *in peccatis a sua congregatione depellunt: & qui taliter fuerit condemnatus miserabili plerumque morte consumitur. Illis enim sacramentis & ritibus obligatus neque capere ab aliis oblatum cibum potest; verbas vero pecudum more decerpens & fame exesus per membra corrumpitur.*

Deinde vero vim adhibere Ecclesiam liquet ex lib. 11. Constit. Apostol. cap. 57. & lib. 111. cap. 11. ubi mandatur expelli a Templis infideles, & baptismo nondum initiatos: quod de Excommunicatis antiqua servandum esse disciplina, & ad hoc institutos Ostiarios Ivo Carnotensis, alique literis mandarunt. Extat in v1. Confess. cap. 2. memoriæ prodita ab Augustino prohibitio per Ostiarios facta iis, qui ad memorias Martyrum pulres, panes, merumque deferabant, & obediētiæ S. M. Monicæ commendatio. Numerianum Antiochiæ ingres-

sum

ſum in Eccleſiam S. Epiſcopus Babylas magno animo in faciem ejus conſiſtens expulit, ut ſcribit Nicephorus lib. 6. cap. 33. neque hortatorio ſermone, ſed auctore Chryſoſtomo in lib. de S. Babyla, *quaſi vile quoddam, ac nullius precii mancipium a Dei templo exegit, tanta adeo cum conſtantia, atque animi præſentia, cum quanta paſtor ſcabiſam ac morbidam ovem ab ovili excludit, dum prohibet ne laborantiſ ovis morbus ad reliquum quoque gregem contagione ſerpat.* Sanctus quoque Ambroſius Theodoſium poſt eadem Theſſalonicenſem a ſacris liminibus prohibuit, non concionis verborumque efficacia tantummodo, ſed extra veſtibulum procedens, & coram omni multitudine purpura Imperatoris apprehenſa. Legite Theodoritum lib. v. H. E. cap. 18. Sozomenum lib. vi. cap. 25. & Nicephorum lib. xii. cap. 41. Neque hæc exempla quis in dubium poterit revocare.

Quamobrem aſſentiri minime poſſumus iis, qui ſcribunt primum omnium S. Gregorium VII. vim contra Imperatorem adhibuiſſe: tametiſi hujus viri ſingularis probitas, & incorrupta juſtitia ſufficeret ſola ad poſitionem noſtram firmandam. Neque enim Prædeceſſores ſemper, & cum poterant, anathematis fulmina evibrarunt, Eccleſiæ rebus ac temporum anguſtiis provide conſulentes. At Gregorius opportuno ſummi Paſtoris juſdictionem exercuit, impium regno, & communione privando. Nam Simoniacas inveſtituras non dimittentem primo ad obediendum decreto a Romana Synodo lato paterne hortatus eſt: deinde acriores literas conſcripſit; tum poſt Vormacenſe Conciliabulum, Epiſtolamque Henrici injuriis, diſteriſque pleaſſimam, Synodum Gregorius indixit, in qua deſinitum eſt omnibus acclamantibus, ut privaretur honore regio. Et tamen piſſimus Pontifex Auguſtam ad Generale colloquium pergere non recuſabat, & jam cum propriæ vitæ periculo arripuerat iter, inſidiarum, quas Henricus ſtruebat, admonitus. Aequitatem præterea Pontificiæ ſententiæ infelix Henrici exitus comprobavit. Sed legatur Antonius Pagius ad an. Ch. 1076. ubi hæc confirmat teſtimonio Scriptorum illius ætatis, quibus habenda eſt magis fides, quam poſterioribus, maxime ſi talia monimenta non legerint.

Si quæ ſunt autem ſanctorum Epiſcoporum, & præſertim Chryſoſtomi dicta, non eſſe Paſtoribus Eccleſiæ poteſtatem cohibendi homines a delictis; ſic accipienda ſunt, quod vera fides & innocentia, cum animo inhæreat, perſuaſionibus quidem, non vi coercente promoveatur, & ab Eccleſia alieni trahantur verbo, non compellantur imperio: cum tamen iis, qui ſunt de corpore Eccleſiæ poſſint Paſtores leges imponere tam adhortatione, quam auctoritate ſententiæ, atque ut Apoſtolus innuitt priori ad Corinth. cap. 4. v. ult., ubi non ſufficit caritas & ſpiritus manſuetudinis, virgam, poteſtatemque adhibere.

PROPOSITIO IV. Minime pugnat cum ſpirituall Eccleſiæ
20. IV. S regi-

regimine temporalis jurisdictionis regnique potestas :

Subjicienda est hæc thesis propter eos, qui asserere audent non posse Pastores Ecclesiæ frui temporali jurisdictione. Quos scriptura redarguit, ratio, omniumque consensus populorum. Et scriptura quidem nos docet, primos Patriarchas, Noemum, Abrahamum, Jacobum, aliosque omnes, priusquam Levitæ loco primogenitorum subrogarentur Num. 111. 41., Sacerdotio functos fuisse, victimasque mactasse. Melchisedechum simul fuisse Regem Salem, & Sacerdotem Dei Altissimi, habetur in xiv. 18. Genesios. De Moyse, Eli, Samuele, & gloriosa serie Machabæorum liber Exodi, prior Regum, & qui de Machabæis inscribuntur, idem aperte testantur. Christus Dominus, tametsi humilis apparuit, & pro hominum salute singularem obedientiam exercuit, regio simul & sacerdotali genere ortus, Princeps Regum terræ appellatur cap. 1. Apocal. v. 5. & de se inquit Matth. ult. 18. *Data est mihi omnis potestas in cælo, & in terra.* Regiamque potestatem se tenere ostendit, dum a Magis primo annuntiatus est in ipsa Herodis Regia his verbis: *Ubi est, qui natus est rex Judæorum?* Mate. cap. 11. 3. Exactoribus etiam didrachma a Petro petentibus, *Quid tibi viderar, Simon?* (inquit Dominus Matth. xvi. 24.) *Reges terræ a quibus accipiunt tributum, vel censum? A filiis suis, an ab aliis?* Quibus ostendit se Regem esse, nec teneri ad solvendum didrachma, tametsi ad evitanda scandala dari jussit siculum in ore piscis inventum. Jerosolymam quoque ingressus est regio, solemniique plausu exceptus: & Pilato interroganti, num esset Rex, Joannis xviii. 37. respondit: *Tu dicis, quia Rex sum ego.* Portans denique spineam coronam, & regiam cum humilitate præferens majestatem, constitutus est, ut David cecinerat Ps. 11. 6., *Rex super Sion.*

Porro utramque potestatem spirituales ac temporales posse simul consistere, humana assequitur ratio, si utriusque finem, unum alteri subordinatum attendit, aut observat idem corpus carne ac spiritu esse conflatum. Quod proxima thesi explicaturus sum; neque inficias ibit ipsamet perversa hæreticorum conscientia, quibus placet temerario ausu in una Angli Regis persona agnoscere politicam simul, & Ecclesiasticam potestatem.

Redarguit eos insuper Gentium universarum consensus. De populo Dei dixi nuper. Reges Aethiopum fuisse Sacerdotes scribit Diodorus, idemque narrat de Aegyptiis Plutarchus, de Spartatis Herodotus, de Atheniensibus Plato, de Romanis Halicarnassæus, utque Livius. Pervulgatum illud Virgilianum 3. Aen.

*Rex Anius, rex idem hominum, Phœbique sacerdos
Vitis, & sacra redimitus tempora lauro.*

In quem locum Maurus Servius inquit: *Majorum hæc erat consuetudo, ut Rex esset etiam Sacerdos & Pontifex: unde vobisque Imperatores dici-*

dicimus Pontifices. Distributis poſthac muneribus, diſcretiſque Regibus ab Auguriſus & ſacrorum miniſtris, & hi Reguli ſunt appellati; quod nomen prima ſui inſtitutione ſignificare ſacrificiorum Magiſtros ſcripſit de If. & Oſir. Plutarchus. Videndus etiam in 1. de Divinat. M. Tullius; ſemper enim apud Ethnicos ad Sacerdotes Augurum munus pertinuit.

Hinc nemo inferet poſſe ſecularem poteſtatem uſurpare jura Sacerdotum. Nam Sacerdotii noſtri dignitas & auctoritas non a patrum generatione, neque ab imperii hæreditate dimanat: ſed a divina electione, ſcribente ad Hebræos Paulo cap. v. 4. *Nec quiſquam ſumit ſibi honorem, ſed qui vocatur a Deo, tanquam Aaron.*

PROPOSITIO V. Summo Eccleſiæ Paſtori competit reapse utraque, ſimul poteſtas, Eccleſiaſtica videlicet, & politica.

Noſtræ Communionis Theologi, ideſt; Romanenſes atque Catholici, tametiſi non convenient, quomodo hæc duplex poteſtas Romano Pontifici ſit concedenda, num *directe* ſpiritualis, *indirecte* civilis, num vero utraque *directe*, & vi clavium; attamen propoſitionem comprobant multiplici genere argumentorum. Afferunt 1. loca Scripturarum: in quibus de Eccleſiæ Capite pronuntiatum legimus a Jeremia cap. 1. v. 10. *Ecco conſtitui te ſuper gentes, & ſuper regna, ut evellas, & deſtruas, &c.* quo teſtimonio uſus eſt Innocentius III. in Epist. ad Imp. Conſtantinopolitanum. Accedit facta Petro ampliſſima, poteſtas quodcumque ſuper terram ligandi, una cum mandato paſcendi commiſſas oves, in quo comprehenditur auctoritas eas cohibendi, quotieſcumque aberrant ſive ſpiritu, ſive corpore. Addunt quod juxta Apoſtolum ſumus unum corpus, & plura ſub uno Capite membra: atque ad Caput pertinet ſubjecta membra dirigere. II. Producent canones, ac præſertim Cap. *Poſtulaſti*, in Extrav. & Cap. *Quidem ea*; unde liquet Romanos Pontifices poena pecuniaria animadvertiſſe in eos, qui injeccerant manus violentas in Clericos, & civibus Tuſciæ mandaſſe, ut arma pararent, militibusque decreviſſe ſtipendia. III. Exempla Pontificum, qui Imperatores Regesque depoſuerunt, aut in eos juſriſdictionem exercuerunt, quorum exemplorum nonnulla theſis tertia ſuppeditat. IV. Recitant teſtimonia Patrum: inter quos Bernardus in lib. de Conſiderat. apertiffime duos gladios tribuit Pontifici, & illum, qui gladius eſt poteſtatis civilis, non quidem illius manu evaginandum, ſed tamen ad nutum ipſius. Plura de his Bellarminus, Turcremata, Macedo, alii.

Unam ego, vulgataſque illuſtrabo rationem, quæ ſimul diſcrepantes ſententias Patrum conciliabit, & objecta quæque diſponget. Eſt autem. *Omnis perſona, vel ars, vel virtus, ad quam pertinet finis, habet diſponere de iis, quæ ſunt ad finem.* Ita S. Thomas 2. 2. q. 40. art. 2. Atqui omnis poteſtas civilis & politica ordinata eſt ad bonum.

spirituale; atque ad Religionem, cui præest Romanus Pontifex: Igitur is disponere potest de omni potestate civili, & politica. Dixi vulgatam rationem, qua complures utuntur. Pro cuius fulcimento demonstrandam aggredior utramque syllogismi propositionem. Potestatem politicam ad spirituale bonum referendam, solus imprudens, ac stultus pernegabit. Aiebat Theodosius in Epist. ad Cyrillum: *Cæsare est munus, ut non solum pacifice, sed pie etiam subditi vivant*. Et Ammianus lib. xxxix. *Nihil aliud est imperium, ut sapientes definiant, nisi cura salutis alienæ*. Habeo in hoc consentientes Ildorum Hispanensem, & Augustinum, & quos laudavi cap. præcedenti. *In hoc serviunt* (ait S. Pater lib. 3. contra Cresc. cap. 51.) *Deo reges, in quantum Reges sunt, si in suo regno bona jubeant, mala prohibeant, non solum quæ pertinent ad humanam societatem, verum etiam quæ pertinent ad divinam religionem*. Quis præterea ignorat corporalia spiritualibus, & terrena sempiternis bonis subijcienda?

In Corpore autem Ecclesiæ quæ ad Dei honorem, quæ ad religionem, quæ ad spirituale bonum per se pertinent, Sacerdotali regenda esse auctoritate, & hanc esse veluti in corpore Animam evinco illustribus testimoniis. Auctor Constit. Apostol. lib. 11. cap. 34. de Episcopo ait: *Sacerdotium ad Dei honorem administrat, ut pericula ab anima & corpore propulset*. Quanto ergo anima corpore præstantior, tanto est Sacerdotium regno excellentius. Quocirca Episcopum oportet, ut patrem diligere, ut regem metuere, Nazianzenus Orat. 17. n. 15. ita Principes alloquitur, *Vos quoque imperio meo ac throno lex Christi subijcit: imperium nos quoque gerimus*. Adde etiam præstantius & perfectius; æquum est enim spiritui carnem fasces submittere, & celestia terrenis cedere. Ildorus Pelusiota lib. 3. Epistolarum ep. 249. inquit: *Ex sacerdotio & regno verum administratio constata est: quamvis permagna utriusque differentia sit; illud enim est velut anima, hoc velut corpus*. Addamus Epist. ad Joannem Papam M. Cassiodori Senatoris, & Præf. Prætorio; in qua, *Pascitis quidem* (ait) *spiritualiter commissum vobis gregem: tamen nec ista potestis negligere, quæ corporis videntur substantiam continere*. Nam sicut homo constat dualitate, ita boni patris est utraque re fovere. Sum quidem iudex Palatinus, sed vester non desinam esse discipulus: nam tunc ista recte gerimus, si a vestris regulis minime discedamus. Quemadmodum ergo anima, cuius est in homine virtus præstantior, non tantum spirituales actiones regit, sed etiam corporalia membra movet, & si rationi adversentur, coercere debet ac refrænare: ita in Corpore fidelium Summus Pastor moderatur spiritualia; atque ad ejus nutum diriguntur imperia, quæ si a Dei cultu, ac pietate deflectant, potest, ac debet illa reprimere, & cohibere.

Ex his consequitur jurisdictionem regni & imperii non esse in Romano

mano Pontifice *indirecte*, ſed *directe*, per ſe, & vi clavium, & tanquam in Chriſti Vicario, ut docet B. Auguſtinus Triumphus Q. 1. de Poſteſt. Papæ art. 7. & q. xxxv. art. 4. Nam & animæ, in quantum anima eſt, competit rebelles carnis motus refrænare; & cuiſlibet poteſtati, ad quam pertinet finis, directe, proprioque jure etiam ſpectat media, quæ ſunt ad finem, diſponere. Quod ergo præclariffimi quidam Theologi docent, Romanum Pontificem non habere poteſtatem politicam ac temporalem *directe*, hoc tantum ſenſu probamus, quod præcipuum Apoſtolicum munus eſt regere, ſpiritum; & ſicut animæ corporales motus perficit miniſterio carnis, ita Eccleſiaſticus princeps finit temporalia regimina a Poſteſtatibus politicis exerceri, has, ſi deviant, continendo ac reprimendo. Verum id malo dici ab Eccleſiæ Rectore factum *mediate*, quam *indirecte*.

Diſſipantur his machinationes, quas contra commoliuntur falſorum dogmatum architecti. Opponunt primo loca quædam Evangelii, unde conſtat Chriſtum Dominum noluiſſe inter duos fratres de diſſiſione hæreditatis judicium proferre, Lucæ x11. 14. cum veniſſent turbæ ut eum raperent & conſtituerent Regem, in montem fuiſſe, Jo. v1. 15. atque dixiſſe Pilato Regem quidem ſe eſſe, ſed regnum ſuum non eſſe de hoc mundo, Jo. xv11. 36. His accedit monitum Apoſtolicum in 2. ad Timoth. cap. 11. 4. *Nemo militans Deo implicat ſe negotiis ſæcularibus*.

Quibus ex ordine reſpondemus, noluiſſe Chriſtum hæreditatem inter fratres dividere, principio quoniam Spiritualis Rex, etſi omnem habeat poteſtatem in cælo & in terra, quemadmodum Chriſtus ſe proſtitet habere, eamque exercuit, ut diximus Prop. 1v., nihilominus non eſt conſtitutus ut immediate & per ſe vilia quæque, terrenaque moderetur, quorum adminiſtrationem mandat ſæcularibus, ut ſpiritus corporales motus brachio, pedibus, membrisque reliquis, & veluti Moſes ſuadente Jethro conſtitutis magiſtratibus minora commiſiſt: Exodi xv11. 21. 24. Deinde dedecens erat, Deum pacis inter fratres dividere; quod Oſæ x11. 15. munus dicitur iniqui Regis. Præterea licet Chriſtus Rex foret, nondum Eccleſiam ſanguine ſuo acquiſerat, nec Rex ſuper Sion montem ſanctum Domini fuerat conſtitutus. Fugit autem in montem ſolus, quoniam Rex cæleſtis non debebat recipere regiam a terreno populo auctoritatem, nec talia veritati, quam evangelizabat præſidia quærere, nec demum Redemptionem, quam morte turpiſſima perficere decreverat, aſſumpta regia auctoritate impedire, venturus iterum cum majeſtate magna, nequaquam a populis accepta, Judex univerſorum. Pilato utique ait Regnum ſuum non eſſe de hoc mundo: ſe tamen regem conſeſſus eſt. Regnum vero de hoc mundo negavit, & quia auctoritatem regiam non ab homine, ſed collatam divinitus obtinuerat; & quia regnum ſuum dicebat Eccleſiam, populumque.

lumque fidelēm; in quo regnat non hæreditate terrena, sed prædestinatione divina: & quoniam Regis hujus thronus erat dextera Patris, non solum Israel, ac terrena Jerusalem. *Quod est enim Regnum, nisi credentes in eum, quibus dicit, De mundo non est, sicut & ego non sum de mundo?* inquit Augustinus Tract. 115. in Joan. num. 2., paucisque interjectis: *Non ait Regnum meum non est hic, sed non est hic. Hic est enim Regnum ejus usque in finem sæculi.* Ergo in hoc Christi regno comprehenduntur etiam Imperatores ac Reges, quotquot ad veritatem Evangelii venerunt; & Christi Vicario subjiiciuntur in his omnibus quæ ad hæreditatem æternam conducunt; in quorum genere contineri terrenorum Regnorum administrationem negare non possunt, nisi etiam denegent collatum sibi Imperium ad tutelam religionis, & Dei cultum, & corpus animæ, idest terrenam potestatem spiritualis esse instrumentum. At Apostolus in altera ad Timotheum Epistola utitur comparatione militum, qui debent propriis muniis insudare militiæ, non agrorum cultui, nec custodiæ animalium, vel mercimoniorum quæstui, ut habetur in *L. Milites*, C. de Re militari, & Vegetius scribit libro 11. & Ambrosius pariter in lib. 1. de Officiis; eo quod cum armati sint & stipendium accipiant a republica, solis debent utilitatibus publicis occupari. Ac modo consimili scribit Apostolus ne Domino militantes implicemur *tam vobis suis passionibus*; nec ullus Clericorum debet iccirco vacare venditioni mercium, negociis forensibus, usui armorum. His tamen minime obstantibus, ut Dux militum & Imperator præsidet etiam iis, quæ ad bella gerenda parantur, ita spiritualis Princeps jus habet in terrenam Rempublicam ad spiritale bonum directam, æque a Religione divulsam.

Opponunt ulterius, quod regia, & spiritualis potestas pugnent ad invicem, & a Christo sint propterea separatæ, ut habetur dist. 10. cap. *Quoniam*, & dist. 96. cap. *Eum ad verum*, & in Epistola Nicolai I. ad Michaelem Imperatorem: ex qua præfata capita sunt exscripta. Quibus accedunt plurimæ sententiæ Patrum affirmantium Ecclesiæ pastoribus interdicti Imperium, ac temporale dominium.

Verum his satisfactum arbitramur allata superius animæ corporisque comparatione. Etsi enim natura spiritus, & natura corporis eatenus pugnant, quatenus diversâ constituuntur essentia, & anima caret partibus, quibus corpus coalescit; junguntur tamen in una, eademque persona hominis, & talem ordinem servant, ut habeant quidem sua peculiaria munia, sed anima debeat singula dirigere & coercere. Atque ita spiritualis potestas, quæ immediate versatur circa salutem animæ, habet diversam quasi naturam a potestate civili, quæ spectat temporalem tranquillitatem; & nihilominus simul consistunt in uno Romano Pontifice, qui per se spiritualia, & per filios suos Imperatores ac Reges terrena ministrat: & si hi non recte incedant, *Gloriosos ter-*

ta humiliat ne adverſus petram, Eccleſiamque poſſint porta inferi prævalere. Legite S. Thomæ Cantuarienſis Epiſtolam 97. Hæ duæ poteſtates ſpiritualis & politica, ut inquit Nicolaus I., fuerunt ante adventum Chriſti permixtæ, quoniam in ſacerdotio Levitico per ſe & immediate Sacerdotes præerant templo & urbi, immolabant viſtimas & regebant exercitus; nunc vero poſt adventum ſummi Regis ac Pontificis, ſimul quidem regale genus & ſacerdotale ſubſiſtant; ſed ſummus Paſtor per ſe tractat ſpiritualia, terrena autem Sæcularium Principum miniſterio. Monent autem recte Sancti, ne Eccleſiaſtici immediate moderentur terrena, nec ſe rebus inferioribus implicant; at ſi Potestas civilis contraria ſit ſpirituali, inferior nempe ſuperiori, & corpus animæ, quemadmodum contigit regnante Nicolao in deſignatione Ignatii Antiſtitis Conſtantinopolitani, tenetur Pontifex poteſtatem ipſam civilem cohibere; quoniam, ut ait citata Epiſtola Nicolaus, *Pontifices pro temporalium curſu rerum utuntur Imperialibus diſpoſitionibus, & Chriſtiani Imperatores pro æterna vita Pontificibus indigent.* Ex quibus argumenta Calvinii, Grotii, aliorumque Hæreticorum facilem habent, ut arbitror, expeditionem.

PROPOSITIO VI. Quælibet civilis Potestas, quæ in Corpore Eccleſiæ tenet imperium, debet ad nutum Pontificis arma tractare, ceteraque complere ſuæ auctoritatis officia.

Sequitur ex præcedenti, brevique corroboratur. Numerorum, quippe Cap. xxv 11. 21. legitur, *Si quid agendum erit, Eleazar Sacerdos conſulet Dominum. Ad verbum ejus egredietur, & ingredietur ipſe,* (ideſt Joſue) *& omnes filii Iſrael cum eo, & cetera multitudo.* Quo in loco oſcitanter nimis ſcripſit Abulenſis, Eleazaro egrediendum & ingrediendum ad Imperium Joſue, quod & repetit q. 2. in cap. xiv. hujus Hiſtoriæ. Etenim pronomen *Ipſe* ad Joſue, non ad Eleazarum referendum conſtat ex verſione Hebraica, *Coram Eleazaro Sacerdote ſtabit, & poſcet ab illo judicium Urin coram Deo: juxta os ejus egredientur, & ſuper os ejus ingredientur ipſe & omnes filii Iſrael cum eo.* Non ergo Eleazar, ſed Joſue ſtare debebat, judicium poſcere, & juxta Sacerdotis oraculum cum populo egredi, & ingredi. Ideo recte Innoc. III. cap. *Soliſæ*, negat Joſue accepſiſſe imperium in Eleazarum. Demonſtrat id etiam judicium *Urim*, quod hac occaſione explicabo. In Rationali, quo pectus ſacerdotis ornandum erat, juſſus eſt Moſes ponere Exodi xxv 11. 30. *אֶת הָאוּרִים וְאֶת הַתּוּמִּים, Urim, & Thumim.* Vulgaris opinio eſt duas gemmas fuiſſe Ephod intextas, quarum inſolito ſplendore quid agendum foret pateſceret. Hinc David 1. Regum xx 11. 10. ignorans num deſcenderet in Coilam dixit ad Abiathar Sacerdotem; *Applica Ephod:* quod & fecit perſecuturus latrunculos, cap. xxx. 7. Tradunt autem hoc genus Oraculi per lapſillorum ſplendorem ceſſaſſe in Babyloſica Captivitate; quamquam Joſephus lib. 3. Originum

ginum cap. ix. scribit id contigisse annis antequam illam inchoaret historiam ducentis. Hinc etiam Aegyptii, ceterique idololatæ Sacerdotibus suis torquem collo apponebant, & Ephod pectori, in quo diabolus Dei Simia immutatione gemmarum dedisse responsa colligitur ex Hist. Judic. cap. vii. 1., atque ex libro 1. Diodori. Sunt tamen qui per Urim & Thummim intelligunt solum iudicium Pontificis, nam *Urim* significat illuminationes & manifestationes, *Thummim* integritates ac veritates: & proculdubio recte verterunt Græci *ἀλήθεια*, & *ἐπίγνωσις*, & Latina Vulgata, *Doctrinam & veritatem*. Igitur, ut fatetur etiam in hunc locum hæreticus Munsterus, Josue imperator exercitus debebat consilium & oraculum petere a Sacerdote confcio divinæ voluntatis: ac propterea de ipsomet Josue scriptum est: *ושאל לו בששפט האורים*. *Et petit ab illo iudicium illuminationum*.

Id multo magis a Christianis Principibus servandum est, quod hi potiori jure tenentur pro fide ac religione instituere certamina, aut si pro republica bella gerunt, commoda quæque populorum ad æternam ipsorum salutem tenentur dirigere. Unde S. Thomas citata q. 40. art. 2. ad 3. *Bella carnalia (inquit) in populo fideli sunt referenda sicut ad finem ad bonum spirituale divinum, cui Clerici deputantur: & ideo ad Clericos pertinet disponere, & inducere alios ad bellandum bella justa*. Atque si id Principes haberent præ oculis, profecto a plurimis claudibus cædibusque abstinere, quas deplorant viri quique eruditione, ac pietate præclari, nuperrime vero in Oratione de laudibus strenuissimi Principis Eugenii ad invictissimum, piissimumque Cæsarem Carolum Sextum vir eximius & literarum splendore, insulis Ecclesiasticis, & Vaticana Purpura insignis Dominicus Passioneus.

PROPOSITIO VII. Legislator & ipse aliquo pacto propriis legibus obstringitur.

Dixi aliquo pacto: nam certum est Legislatorem suis legibus non teneri, ita ut Imperio alicujus positivæ legis subjiçatur, cum imperium stringat duntaxat inferiores; unde extat l. *Princeps*, dig. de legibus lib. 1. tit. 3. *Princeps legibus solutus est*. Atque hinc est, principem suis legibus non subijci quantum ad vim coactivam, cum superiore non habeat, qui possit in ipsum animadvertere. Sed tenetur propriam legem servare vi superioris legis, æternæ scilicet ac naturalis, quæ rectum postulant ordinem caput inter & membra: ideoque si Princeps pro Republica legem constituat, eaque præcipiat quæ capiti membrisque conveniant, lege naturali jubente ut omnia ordinatissima sint, institutis a se æquitatis regulis devincitur. Quod mihi quidem auctoritas, ratio, exempla persuadent. Auctoritas quidem; etenim reprehenduntur Matth. xxii. 4. qui subditis onera imponunt, illa autem nolunt extremo digito attingere. Innocentius III. cap. *Cum omnes*, de Constit. Canonice Ecclesiæ Trecentis illud Catonis commendat:

Pate-

Patere legem ; quam tu ipſe tuleris . Et diſt. 9. Cap. *Juſtum* , dicitur : *Juſtum eſt , principem legibus obtemperare ſuis .* Ambroſius prætere-
rea Epistoſa xx1. 9. Valentinianum alloquitur : *Quod præſcripſiſti aliis , præſcripſiſti & tibi : Leges enim Imperator fert , quas primus ipſe cuſtodiat .* Habetur denique in C. tit. 14. l. 1. *Digna vox eſt Majeſtatis regnantis , legibus alligatum ſe principem profiteri .* Ad rationem quod ſpectat ; debet omnis pars ſuo univerſo congruere , ut S. Pater docet lib. 3. Conf. cap. 8. Cum itaque Princeps ſit Reipublicæ Caput , neceſſum eſt ut ſe reddat cæteris conformem . Cui accedit , latam eſſe omnem legem pro bono communis . Iſtud vero bonum pendet po-
tiſſimum a Principis æquitate ; quoniam experimento comprobatum eſt , & Carmine etiam Homeri Odyſſ. xix. confirmatum , talem eſſe Reipublicæ tranquillitatem ,

Qualis Rex culpa vacuus , gnarusque Deorum ,

Qui populis multis & fortibus imperat unus ,

Tutatur pia jura manu .

Exemplum denique deſumptum eſt a Philemone ex illis Medicis , qui dum morbo cubant , debent eadem uſurpare remedia , quæ aliis pari infirmitatē laborantibus jam præſcripſerant . Quæ autem contra hanc propoſitionem obijciuntur , ſi dixeris obligationem ſervandi proprias leges oriri in Principe ex ipſa lege naturæ , non directe ex ipſa lege humana ab illo conſtituta , uti modo explicabam , abſque alia diſputatione arbitror eſſe ſoluta .

PROPOSITIO VIII. Advenæ ac Peregrini locorum , ad quæ accedunt , tenentur legibus , non proprii , unde abierunt , territorii .

Rationem ſimul ac exemplum affert S. P. Auguſtinus Epistoſa ad Januarium xvi11. , nunc l1v. , cujus verba habentur diſt. 12. Can. *Ille* . Ubi diſtinguit ea , quæ ſervantur ab univerſa Eccleſia , & quæ utique neceſſum eſt cuſtodiri ubique locorum , ab iis , quæ per loca terrarum , regionesque variantur . De his vero inquit : *Quos enim neque contra fidem , neque contra bonos mores injungitur , indifferenter eſt habendum , & pro eorum , inter quos vivitur , ſocietate ſervandum eſt .* Profert mox exemplum de jejunio , quod in Eccleſia Mediolanenſi ſabbato non ſervabatur . Quamobrem Sancta Mater Monnica fluctans quid ageret movit Auguſtinum , ut conſuleret Ambroſium . Is autem reſpondit : *Cum Romam venio , jejunio ſabbato : cum hic ſum , non jejunio . Sic etiam tu ad quam ſorte Eccleſiam veneris , ejus morem ſerva , ſi cuiquam non vis eſſe ſcandalo , nec quemquam tibi .* Additque S. Pater non ſolum Monnicam libenter ſententiæ Ambroſii auſcultaviſſe , verum etiam ipſum Auguſtinum ſemper illam tanquam cæleſte oraculum , habuiſſe . Ex quo uno loco poteſt quiſque deducere pro firmanda theſi auctoritatem Canonis , teſtimonium ſanctorum , conſuetudinem diſciplinæ , & depromptam a periculo ſcandali rationem .

To. IV.

T

Ob. 1.

Ob. 1. At ibidem Augustinus ait de variis locorum statutis, *Tantum hoc genus rerum liberae habet observationes*. Rēsp. post ea verba statim consequi, *Nec disciplina ulla est in his melior gravi, prudentique Christiano, quam, ut eo modo agat, quo agere viderit Ecclesiam, ad quam forte venerit. Quod enim neque contra fidem, neque contra bonos mores injungitur, indifferenter est habendum, & pro eorum inter quos vivitur, societate servandum est*. Liberam ergo habent observationem, sed extra Ecclesiam, in qua sunt vetcri consuetudine comprobata.

Ob. 2. Episcopus territorii, unde advenæ transeunt, nequit eos matrimonio conjungere, nec ad Ordines promovere; quomodo ergo peregrini illius Episcopi jussis subjiiciuntur? Similiter Latinus Sacerdos transiens per regiones Græcorum, aut Græcus per Latinas Ecclesias ritu proprio libere utitur, ac pane azimo, aut fermentato. Respondetur in his, ceterisque similibus ab ipsis Episcopis, ac Synodis statutas esse exceptiones, ne in contrahendo matrimonio, aut Ordinibus suscipiendis fallacias fraudesque improbi molirentur: ideoque in istarum observatione leges Territorii potius impleri, quam frangi. Ut celebrent pariter cum Latini, tum Græci proprio ritu servato, decrevit ad vitandam utriusque Ecclesiæ scissuram Synodus Florentina. Quod autem sancivit saluberrima Ecclesiæ auctoritas, non lex Territorii est appellandum, sed commune statutum, ubique, ut S. Pater docet laudata Epistola, retinendum. De Clericis proximo capite adjiciam quæ adhuc flagitat hujus argumenti dignitas atque amplitudo.

C A P U T XVII.

De Immunitate, & Asylo.

A EQUUM est, ne quod Jurisconsulti disputant in tit. 49. libri 3. Decretalium Gregorii IX. de Ecclesiarum Immunitate prætermittamus omnino. Immunitatem appello locorum, aut personarum a communibus oneribus, muneribusque libertatem; quod nonnulli *Emunitatem* dixerunt, quasi extra munia, quibus ceteri obligantur. Affine huic est Jus securitatis, sive Asylum, derivatum nomen ab *ἀστυ* & verbo *συνάω*, *rapior*, *prador*: & idem est Asylum, ac locus profugii. Circa immunitatem quærendum est, an Clericis fas sit domos, aliaque bona possidere, nam cap. 1. memorati tit. 49. pertractatur de domibus Ecclesiarum. Posthæc videndum an Clerici a publicis muneribus collectisque solvendis sint immunes, ut eodem titulo statutum est cap. *Non minus*, & cap. *Adversus Consules*. Deinde de Immunitate locorum, de qua extat cap. *Cum Ecclesia*, & cap. *Ecclesiæ*, agendum brevi-

breviter, ceteris expoſitis, quæ ad jus Aſylorum magis ſpectare videntur.

PROPOSITIO I. Clerici legitime bona poſſident temporalia.

Quod probatur primo ex veteri Teſtamento. Num. xxxv. v. 2. legitur: *Præcipe filiis Iſrael, ut dent Levitis de poſſeſſionibus ſuis arbes ad habitandum, & ſuburbana eorum per circuitum*: & Joſue xxi. 3. *dederuntque filii Iſrael de poſſeſſionibus ſuis juxta imperium Domini, civitates, & ſuburbana earum*. Sunt qui dicunt urbes & agros Levitis acceſſiſſe, ut ibi habitarent, non ut haberent conceſſarum rerum dominium: quod Lyranus probat ex cap. xiv. Joſue 13. ubi dicitur traditum Caleb Hebron in poſſeſſionem; cum tamen cap. xxi. 11. Levitis aſſignata fuerit civitas Arbe, quæ vocatur Hebron. At difficultatem dirimit proximus verſus 12. *Agros vero, & villas ejus dederat Caleb filio Jeſhone ad poſſidendum*. Dedit ergo filiis Aaron Sacerdotis Hebron conſugii civitatem, ac ſuburbana ejus: & 1. Paralip. vi. 55. *Dederunt igitur eis Hebron in terra Juda, & ſuburbana ejus per circuitum*: agros autem civitatis & villas Caleb filio Jeſhone. Caleb itaque poſſedit tractum circumjacens, diſtans Hebron, quomodo cap. xxiv. 32. ager Sichemo proximus dicitur Sichem, & Jud. xi. 11. 2. Manue pater Sampſonis appellatur, *vir de Saraa*, cum tamen ruri habitaret. Ita Caleb territorium, Levitarum erat civitas, ac ſuburbium. Igitur etiam Levit. xxv. 33. *Domus urbium Levitarum pro poſſeſſionibus ſunt inter filios Iſrael*: nec alia proferitur cauſa, cur non poſſent ſuburbana venumdari, niſi quia Levitarum poſſeſſio perpetua erat ac ſempiterna, quomodo nequeunt & modo bona Eccleſiarum alienari.

In novo pariter Teſtamento, atque in iſtis Eccleſiæ incunabulis, *Quotquot erant poſſeſſores agrorum, aut domorum, vendentes afferbant pretia eorum quæ vendebant, & ponebant ante pedes Apoſtolorum*, ut in Actis legitur Cap. iv. 34. & 35. Arbitrio ergo Apoſtolorum ſubjiciebantur pecuniæ: erantque illi bonorum omnium adminiſtratores, & æque, ac laici, poſſeſſores. Et quamquam iis licebat prædia non vendere, aut pretium non deferre ad pedes Apoſtolorum, ut Petrus inquit Ananiæ, cap. v. 4., omnes tamen ſua quæque Domino devovebant, nec exinde fas erat de pretio defraudare. Ipſum Dominum ad informandam Eccleſiam ſuam loculos habuiſſe, recte colligit ex Evangelio Venerabilis Beda lib. iv. cap. 14. in Lucam.

Poſſeſſiones Clericorum, privataſque domus Eccleſiarum commemorat etiam magnus Gregorius lib. 3. Epist. ep. 19. in qua ſermonem inſtituit de penſionibus domorum, quas Eccleſiam S. Agathæ habuiſſe conſtabat a Gothorum temporibus. Domos Eccleſiarum proprias laudat apud Emmanuelem Gonzales in cap. 1. lib. 3. Decr. tit. 49. Eusebius Cæſarienſis H. E. libro vi. 1. Eodem citato cap. *Ut in domibus*, decernit

Joannes Papa, neque Missum, neque Comitem, idest Executorem officialem, sive Proconsulem, neque judicem, ministrumque posse in domibus ad Ecclesiam pertinentibus exerceere judicia, aut sibi hospitium vindicare. Sacris itaque libris, historicis monumentis, decretisque Pontificum citato titulo, & in Septimo lib. 1. tit. 7. dispositis, docemur licitam esse Clericis domorum, agrorum, prædiorum, nec non civitatum, regnorumque possessionem. Quam cum statu Ecclesiastico non pugnare diximus quarta præcedentis Capituli positione.

PROPOSITIO II. Clerici, eorumque bona ab omni civili onere gaudent immunitate, ita ut illicogi non debeant ad tributa solvenda, neque ad munia laicorum obeunda.

Demonstratur 1. ex veteri Testamento. Gen. xlviii. 22. Joseph emit, subjecitque Pharaoni omnem terram Aegypti, præter terram sacerdotum; & v. 26. Ex eo tempore usque in præsentem diem, in universa terra Aegypti Regibus quinta pars solvitur, & factum est quasi in legem, absque terra Sacerdotali, quæ libera ab hac conditione fuit. Num. iii. 49. Tribum Levi noli numerare (inter eos, qui debebant ad bella procedere) neque pones summam eorum cum filiis Israel. 1. Esdræ vii. 24. extat lex Artaxerxis: Vobis quoque notum facimus de universis Sacerdotibus, & Levitis, & Cantoribus, & Janitoribus, & Nathinæis, & ministris domus Dei hujus, ut vectigal, & tributum, & annonas non habeatis potestatem imponendi super eos. Sacerdotes autem veteris legis figuram fuisse nostrorum, quis ignorat? Aut quis Catholicus princeps erit in Clericos minus propensus Regibus Aegyptiorum, aut Persarum? Apud Matth. xvi. 24. habetur præclara sententia Salvatoris: Reges terræ a quibus accipiunt tributum, vel censum? A filiis suis, an ab alienis?.... Ergo liberi sunt filii. In quem locum ait Hieronymus. Ille pro nobis crucem sublinuit, & tributa reddidit: nos pro illius honore tributa non reddimus, & quasi filii Regis a vectigalibus immunes sumus.

Probatur 2. ex Conciliis. Etenim Lateranense iv. Sess. 9. sub excommunicationis pœna prohibet, ne Reges, Principes, Duces, Comites, Barones, Respublicæ, & alii potentatus quicunque collectus, decimas, & alia hujusmodi onera Clericis, Prælati, & aliis quibuscunque personis Ecclesiasticis imponant, exigantque. Tridentinum Sess. xxv. de Reformat. cap. 20. docet, Ecclesiæ, & Ecclesiasticarum Personarum immunitatem Dei ordinatione, & canonicis sanctionibus constitutam esse. Similia habent Conc. Aurel. 4. cap. 13. Tolet. 3. Can. 21. Tolet. 4. can. 46. Colonienſe p. 9. cap. 20. Atque his accedunt decreta Romanorum Pontificum Adriani VI. Clem. VII. Julii III. Pii IV. quæ accurate collegit Petrus Matthæus Clarissimus Jurisconsultus in Septimo Decretalium, sive Constitutionum Apostolicarum lib. 2. tit. 2. in Sexto autem cap. Quamquam, iv. de Censibus, sive tit. xx. Bonifacius

facius VIII. declarat Eccleſias, Eccleſiaſticaſque perſonas ac res ipſarum non ſolum jure humano, quinimo & divino a ſecularium perſonarum exactionibus eſſe immunes. Atque contra facientibus Bonifacius ipſe, Alexander IV. alique Romani Pontifices ipſo facto excommunicationem ſingularibus perſonis, interdictum vero univerſitatibus Joſciſque inſigunt. Videtur & Bulla Cœnæ Domini. Idem conſtat ex Jure Civili, præſertim ex C. de Sacroſanctis Eccl. l. 5. *Placet*, & l. 8. *Sacroſancta*: & C. de Episcop. & Cler. l. 1. *Juxta ſunctionem*, & l. 6. *Presbyteros*, nec non in Auth. *Statuimus*: qua Fridericus I. Imperator omnia etiam revocat abrogatque huic immunitati quomodolibet adverſantia. Vide & cap. *Secundum Canonicam*. 23. q. 8.

Tertio probatur ex PP. *Hoc autem mandatum* (ait Jo. Chryſ. hom. 65. in cap. 47. Gen.) *poſuit eis Joſeph, ut quintam partem darent Pharaoni, excepta ſolum Sacerdotum terra. Audiant qui nunc vivunt, quantum olim (Aegypti Reges) Sacerdotum idolorum curam habuerint & diſcant, ut vel ſaltem parem habeant honorem his, quibus omnium Dei miniſterium creditum eſt, & qui ſacerdotio inſigniti ſunt. Si enim errantes illi & tantam idolorum curam habentes, ex hoc putabant idola magis coli, ſi ita eorum miniſtros colerent; quanta non condemnatione digni, qui nunc imminunt quod ad Sacerdotum Dei ſpectat cultum?* Illis confirmantur, quæ ſupra e ſacris literis prompta ſunt. Hieronymi in cap. xviii. Matth. jam laudavimus illuſtrem, præclariffimamque ſententiam. S. P. Auguſtini lib. 1. Qq. Evang. q. xxiii. hæc ſunt verba: *In omni regno intelligendum eſt ſuberos eſſe filios, ideſt, non eſſe veſtigales. Multo ergo magis liberi eſſe debent in cuſolibet Regno terreno filii Regni illius, ſub quo ſunt omnia regna terrena. Quædam alia producā ad ſolutionem prioris argumenti. Beda ad cap. 47. Geneſeos & ipſe docet terram ſacerdotum immunem a veſtigalibus ſignificare Eccleſiam liberam a cenſu mundi.*

Collocabo quarto loco petitum aliquod a ratione argumentum. Ac primo Clericus in ſortem & hæreditatem Domini electus eſt. *Knap* enim Græce dicitur, Latine ſors, vel hæreditas, ut recte in Pſalmum 67. Auguſtinus, Iſidorus lib. 7. Etymol. cap. 12., & Grat. diſt. xxi. cap. *Clerot*. Tres iſtinc cruuntur cauſæ, ob quas Clerici ad munia publica, ad veſtigalia, atque ad civile forum cogi non debent. Priorum ducit Chryſoſtomus cit. hom. a comparatione planiſſima. Quis enim inferior ad hæc compellat alicujus ſeculari dignitate inſignis filium, hæredem, familiarem? Aſſert alteram Imperator Conſtantine in Episto la ad Anulinum, quæ extat lib. x. Hiſt. E. Euſebii, cap. 7., & lib. vii. Niceph. cap. 42. ne ſcilicet ipſi Clerici a cultu ſummæ Divinitati debito abſtrahantur, ſed potius abſque ulla iniquitudine legi propriæ deſerviant. Tertia ſumitur ab ipſa naturali æquitate; magnâ quippe injuria ſupremus Dominus afficitur, ſi ejus Sacerdotes minorem, quam olim

omni idolorum Flamines, habeant honorem: & quæ divino cultui sunt consecrata profanis usibus deputentur. Subvertuntur pariter omnes leges, si inferiores Magistratus præsumant jura dare superioribus, & homines Angelis imperare.

Adde[m] postremo loco rationem politicam. Putant sæculares Principes aliquid a pendendis tributis Ecclesiasticis non esse immunes, quod hæc postulet commodum, quam ipsi curant, Reipublicæ, illatum a justo bello dispendium, extrema plebis pecunia, atque causa istiusmodi æqua. Ubi necessitas postulat, debent Ecclesiæ Præsules necessaria subsidia concedere: & pro sublevandis pauperibus sunt aliquando etiam sacra vasa frangenda. At aliud est, Clericis habendam esse rationem de publica necessitate, aliud sæculares bona invadere Clericorum. Pro bello gerendo ad hæreses extirpandas Henricus Rex Christianissimus supplicavit Sixto V. Pontifici Maximo pro facultate Clericis partem oneris imponendi, eamque obtinuit, eo quidem fine, ut Ecclesiasticus ordo conservaret possessa, & recuperaret jam ab hæreticis occupata. Ita quod Gallicani Præsules in difficultibus Regni temporibus Regibus Christianissimis pecuniæ summam ex Ecclesiasticis redditibus collectam, concedere solcant, *ut eâ Cleri subventionem pauperes iis vestigialibus, quibus solvendis impares sunt, liberentur*, quomodo in peroratione ad Regem post Comitatus anni 1701. ait Cardinalis de Noailles; id quidem æquum existimamus. Similia dicimus, dum Augustissimus Imperator præliatur prælia Domini adversus Turcas. At si putant Ecclesiasticorum bonis propria auctoritate usurpatis, nec ultro ac sponte concessis, (quod sane ab ipsorum mente alienum est,) majores vires acquirere, & augere thesauros, magno in errore versantur. Dominus quippe dux exercituum est, & Deus virtutum, & ipse, auctore laudata hom. Chrysostomo, reddit non imminuentibus quod ad Clericos spectat *e supernis retributiones*. Directis in Angliam Ecclesiasticis redditibus, dirutisque opulentissimis Monasteriis, quorum census computabatur librarum, quas dicunt sterlingas, 320180. annis singulis; Rex omnium Regum præcedentium pauperissimus factus plura solus imposuit civibus vestigialia, quam omnes simul per quingentos annos Antecessores. Vide in libro de Schismate Anglicano Sanderum. Emmanuelem Lusitanæ Regem coactum remittere decimas fructuum Ecclesiæ, quas exigebat concessione Leonis Pontificis, propterea quod omnia sinistre ipsi evenirent, nihil feliciter ac prospere, scribit lib. 1x. Historiarum Orosius. Hujusmodi vero decimationem illegitime factam principibus pessime semper cecisse, fatetur apud Meyerum libro xvi. Annalium Fland. Carolus VII. Rex Galliarum. Præclarum Clotarii Regis exemplum narrat Gregorius Turonensis lib. 4. Hist. Franc. cap. 2. Igitur ipsa Reipublicæ utilitas, ac rerum Principum vicissitudo petit ne Clericorum immunitas ratione aliqua violetur.

Sed

Sed opponunt 1. quod extat Matthæi xv 1. v. ult. *Vade ad mare, & mitte baculum : & cum piscem, qui primus ascenderit, tolle : & aperto ore ejus invenies staterem : illum sumens da eis pro me, & pro te.* Christus ergo, & Apostolorum princeps solvere didrachma. Resp. hoc argumentum probare oppositum. Eo enim loci Dominus primum ait se liberum esse a solvendo tributo, vel censu. Deinde profitetur se tantum pati ut solvatur, propter scandalum evitandum. *Ut autem non scandalizemus eos* (inquit) *vade ad mare, &c.* Hinc Augustinus lib. 1. de Conjugiis adult. cap. xiv. n. 15. ait : *Malta sunt facienda non jubente lege, sed libera caritate ; & ea sunt gratiora, quæ cum liceret nobis non impendere, tamen causa dilectionis impendimus.* Unde prior ipse Dominus, cum se tributum non debere monstrasset, solvis tamen ne scandalizaret eos, quibus ad æternam salutem gerens hominem consulebat. Habet similia epist. 239. nunc 83. num. 5. Nonnulli sunt, qui respondent sermonem istuc fieri de medio siclo solvendo ad usum ornatumque templi, juxta præceptum Domini xxx. Exodi v. 13. Nam pendebat revera siclus viginti obulis, & quatuor drachmis, unde dimidium sicli idem est, ac didrachma. Principi autem solvebatur denarius, ut habetur Matth. xxi 1. 19. Ita post Hilarium Bellarminus lib. 1. de Clericis cap. 28., Emanuel Gonzales in tit. 49. lib. 3. Decretalium : sed verior est responsio nostra, primo, quoniam Christus citato loco etiam ab hoc solvendo didrachmate liberum se esse declarat: deinde quia ea data occasione etiam de tributo ac censu loquitur Dominus: præterea quia, etsi didrachma dari solitum pro templo verissimum est, pondere idem erat ac denarius, idest decem obulis, ut liquet ex citato cap. xxx. Exodi. Habent quidem ibi lxx. *τὸ ἡμῶν τοῦ δισδράχμου, dimidium didrachmi*, non *didrachmum*; sed drachma Alexandrina duplari erat; & Matthæus loquitur de communi, & Attica. Jubente demum Vicario Christi in difficillimis Reipublicæ rebus persolvendum Imperatoribus tributum minime denegamus, id exigente pace & quiete, qua nos tueri debent & defendere, ut habetur c. *Tributum in ore piscis*, 2. c. 23. q. 8.

Arguunt 2. Ait Dominus Matt. xxii. 21. *Reddite quæ sunt Cæsaris Cæsari : & quæ sunt Dei Deo.* Resp. justissimam esse, verissimamque sententiam, sed non sunt Cæsaris, quæ Domino consecrata sunt, atque ministris Sanctorum deserviunt. Deinde ad confundendam nequitiam Phariseorum, qui una cum Herodianis ad ipsum accesserant, Christus tale dedit responsum, ex quo nihil adversus Cæsarem, nihil adversus divina jura possent maligni tentatores deprehendere, ut dum quærebant capere Dominum in sermone, confusi abirent; ut infra dicam ad quartam objectionem.

Arguunt 3. Scribit ad Romanos cap. xi 11. Apostolus : *Omnis anima potestatibus sublimioribus subdita sit.* Atque in hunc locum Chrysostomus

ostomus, *Etiamsi Apostolus sit, etiamsi Evangelista, etiamsi Prophe-*
ta. Resp. & hanc sententiam Apostoli esse rectissimam, omnis quippe
 anima tenetur Superioribus obedire, sed juxta divinam ordinationem,
 qua, ut ibidem ait Apostolus omnis potestas est ordinata, & directa.
 Est autem divina ordinatio, ut major sit potestas Ecclesiæ quam mun-
 di, & sacrarum legum quam civilium. Quando ergo leges civiles non
 repugnant Canonicis, tenentur Clerici illas observare, non in quan-
 tum leges civiles sunt, sed in quantum jure canonico sunt confirmatæ:
 ideoque licet mandata Principum legesque ab eis latas Clerici transgre-
 dian- tur, gaudent immunitate fori, nec a sæculari potestate puniri
 possunt. Quod confessus est magnus Constantinus apud Sozomenum
 lib. 1. cap. 17. In his ergo, quæ pugnant cum Ecclesiasticis Sanctioni-
 bus, cujusmodi esset Clericos ad pugnam cogere, eisque absque aucto-
 ritate Ecclesiæ imponere vectigalia, subditi non sunt sæcularibus po-
 testatibus, neque sunt istæ juxta divinam ordinationem sublimiores.

Arguunt 4. C. *Si tributum* 2. p. decreti c. x1. q. 1. *Si tributum*
petit Imperator, non negamus: agri Ecclesiæ solvant tributum. Si
agros desiderat Imperator, potestatem habet vindicandorum.

Resp. canonem hunc desumptum ex Oratione Ambrosii de non tra-
 dendis Basilicis. In ea refert S. Antistes Arianos ipsum circumvenisse, ut
 olim Judæi Christum, ad hoc ut Basilicas traderet, circum verbis præ-
 cedentibus narrat. *Apprehendere (inquit) sermones nostros gestiunt,*
sicut Judæi, qui Christum versuto sermone tentabant: Magister, licet
tributum dare Cæsari, aut non? Et hoc ad calumniam sibi arcessit im-
pietas, ut imperiale nomen obtendant. Et ipsi possunt dicere, quod
eorum non habeant sacrilegium, quorum imitantur magisterium? Et
tamen videte, quanto peiores Ariani sunt, quam Judæi. Illi quære-
bant utrum solvendum putaret Cæsari jus tributi: isti Imperatori vo-
lunt dare jus Ecclesiæ. Sed ut perfidi suum sequuntur auctorem: ita
& nos quæ nos Dominus & Auctor noster docuit respondeamus. Igitur
 respondet, nullo pacto Ecclesiam tradendam Imperatori, cujus non
 præfert imaginem: de agris vero, ac tributis, quoniam nimis im-
 portunum, ac periculosum erat hæc etiam negare principi, cui per-
 suaserant Aulici omnium habere dominium, & ut scribit idem Am-
 brosius lib. 2. Epist. epist. 14. nunc xx. class. 1. & habetur in cap. *Con-*
venior c. xxi. l. 1. q. 8.) respondit se ea neque donare, neque denegare.
Non faciant, inquit post verba quæ obijciuntur, de agris invidiam: tol-
lant eos, si libitum est. Imperatori non dono, sed non nego. Igitur in cap.
Si tributum, affirmatur tantummodo Imperatorem tributa petere, &
 potestatem habere agrorum vindicandorum, *de facto, non de jure.* Et
 ita etiam Glossa Decreti.

Arguunt 5. Cap. *Pervenit*, tit. 49. lib. 3. Decret. statuitur, Cleri-
 cos non excusari a murorum custodia, sed omnes esse ad hoc generaliter
 compel-

compellendos . Reſp. hoc valere in irruptione , & imminente periculo patriæ , quam defendere magna pietas eſt : quamquam ſunt Iuriſconſulti , qui cap. *Pervenit* , non de Clericis , ſed de Clericorum ſervis cenſent accipiendum .

Arguunt 6. in C. tit. de Sacroſanctis Eccl. l. 7. *Ad inſtructiones* , & l. 11. *Neminem* , habetur ad ſolvendum pro itinere , & hoſpitio Imperatorum , etiam Venerabiles Eccleſias teneri . Reſp. non agi his locis de tributis & veſtigalibus , ſed de hoſpitio , & alimentis exhibendis Regi pro cauſſa publica profiſcendenti ; quæ ſi præſtare debent Clerici , non obſtringuntur his legibus , ſed Canonicis , & Decretis Joannis IX. atque hoſpitii honeſtate .

Arguunt ultimo : Si Clerici , eorumque bona fruuntur immunitate , deſt principibus robur , nervuſque ad hoſtes propulſandos , ad bella pro Reipublicæ ſalute gerenda , ad levandam ingreſſcentem annonam , ad ipſam Eccleſiam protegendam . Reſp. non talia hauriri ex ſacris literis documenta ; e quibus illud magis comperimus premente fame univerſam terram , abſque tributis Sacerdotum ſolam Aegyptum inopia rei frumentariæ non laboraſſe : celebriores Iſraelitas potius retuliſſe victorias Levitis circumferentibus arcam , quam militibus arma traſtantibus : ædificatum ab illis , atque exhaustis in captivitate theſauris denovo extructum celeberrimum in univerſo orbe templum , urbemque ampliſſimam , nullum ſumptum Sacerdotibus ſuppeditantibus : a Domino , in cujus fortem aſſumuntur Clerici , expectandum belli exitum , & omne bonum in civitate . Accedit etiam Chriſtianorum Principum , quod ſupra innuimus , experimentum . Ceterum ſi urgeat neceſſitas , tributum perſonis , boniſque Clericorum imponatur , ſed non a potestate ſeculari ; ut poſtrema argumentatione declaratum eſt .

PROPOSITIO III. Immunitatem Eccleſiaſticam , ſive Perſonarum , ſive locorum , quocumque jure ſit inducta , nequeunt Principes ſeculares temerare , aut minuere .

Dixi , *Quæcunque jure* ; ſunt enim qui putant immunitatem tam locorum , quam Clericorum inſtitutam fuiſſe ſola liberalitate Imperatorum , ac Principum , eoſque poſſe illam revocare , vel imminuere : quod illegitime inferunt , ut paullo infra demonſtrabo . Pluribus Principum Conſtitutionibus immunitatem Eccleſiis , Clericisque collatam vel confirmatam fuiſſe , non inſiciam . Magnus Conſtantiuſ declaravit Clericos immunes a muneribus civilibus , ut liquet ex Cod. Theodoſiano xvi. Tit. 2. l. 1. *Clerici* , & l. 2. *Qui divino* ; quam legem confirmat ipſe Conſtantiuſ in Epiſt. ad Episcopos Numid. & commemorant Euſebiuſ lib. x. H. E. cap. 7. & S. P. Auguſtinuſ in Epiſt. ad Januarium . 68. nunc LXXXVIII. Conſtantiuſ privilegia , quibus jam Clerici ac Tempſa fruabantur , confirmavit l. *Juxta ſanctionem* , ibi l. 8. exci-
piens Clericos ab onere *Metati* , idelt , a ſuſcipiendis hoſpitibus tranſ-

cunte Imperatoris exercitu, aut comitatu. Addidit leges 9. *Curialibus*, & 10. *Ut Ecclesiarum*, quibus Clerici exempti dicuntur ab omni civili functione, a *sordidis muneribus*, qualia sunt viarum instaurationi inservire saxa aut calcem ferendo, & a negotiatorum dispendiis, quæ dici solent *collationes lustrales*. Hujus legis meminit Basilius Ep. 279. ad Modestum Præfectum Præet. Orientis. Firmavit eandem immunitatem in Epist. ad Taurum post Ariminensem Synodum, & extremo vitæ suæ tempore, idest, anno 361. l. 16. *In qualibet civitate*, ubi constitutionum suarum rationem assertit dicendo, *Scientes magis religionibus, quam officiis & labore corporis, vel sudore nostram Rempublicam contineri*. Abrogavit quidem hanc immunitatem Julianus Apostata, sed anno 368. restituit Valentinianus in Epist. ad Claudium Proconsulem. Africæ, ut habetur l. 18. *Quam ultimo*. Etiam Gratianus sancivit Clericis personalem munerum expertes esse in Epist. ad Catafronium, & Tuscianum Comitem Orientis. Theodosius, & Justinianus Constantini, & Constantii sanctiones confirmarunt, quod & præstiterunt Imperatores alii. Vide cit. Cod. Theodosianum lib. xv. Tit. 2., & C. Justin. tit. De Clericis, & de sacrosanctis, & c. Capitularia Caroli Magni lib. 5. cap. 148. Eadem fuerunt sanctiones Regum Hispaniarum, ut constat ex Canone 47. Concilii Toletani iv. nec non Regum Galliarum, Clodovæi, Clotarii, Childeberti, aliorumque, de quibus Thomassinus de Eccles. disciplina P. 111. lib. 1. cap. 34. Idem de Immunitate locorum Imperialibus, Regiisque sanctionibus statutum esse, haut diffiteor.

Verum etsi inspectis duntaxat his legibus videatur Immunitas collata Principum munificentia, originem tamen ducit ex lege superiori, tam divina, quam Ecclesiastica, ut ex dictis facile evincitur. Etenim, quantum ad personas attinet, propositio 2. producta sunt ex sacris libris levitarum exempla, quibus nec Artaxerxes vestigalia, aut civilia munera imposuit; & ex Evangelio probatum est, Ecclesiæ ministros a solvendo censu Salvatoris sententia liberos esse, quandoquidem Petrus Christo jubente solvit didrachma ad vitandum duntaxat scandalum, non quod ad solvendum teneretur, ut inquit Hieronymus sup. laudatus, & Ambrosius Epist. 1. nunc v. 11. num. 17. Immunitas etiam sacrorum locorum colligi potest ex divino præcepto Exodi xx. 14. ubi præcipitur evellendum quoque ex altari, *qui per industriam, & per insidias occiderit proximum suum*, cum tamen homicidis aliis altare esset perugii locus, ut constat ex verborum antithesi, quia superiori versu datur asylum illi, qui non insidiatus occidit. Vide cap. 1. de Homicidio. Nec tenet responsio Alexandri Ambrosini, leges veteris Testamenti fuisse abrogatas; quippe abrogatæ fuerunt cæremoniales, & quæ figuræ erant futurorum, non quæ maxime ad Dei, templique cultum necessariae videntur. Hinc Tridentina Synodus sess. 25. definit Immunitatem Ecclesiasticam constitutam esse *Dei ordinatione, & canonicis sanctionibus*,

nibus, & Concilium Lateran. iv. ſeſſ. 9. *jure tam divino, quam humano.* Leges autem Eccleſiaſticas ſpectantes ad immunitatem Eccleſiaſticarum Perſonarum citavimus propoſitione 11. & quæ pertinent ad immunitatem locorum proferuntur propoſitione ſequenti, ubi nonnulla dicam de Aſylis. Immunitas ergo tam divina quam Eccleſiaſtica lege fuit conſtituta. Imo illam confirmat ipſa lex naturalis ſingulis hominibus indita. Unde enim Aegyptii Reges didicerunt immunitatem auctore Joſeph conceſſam Sacerdotibus eſſe æquitati conſentaneam, niſi ex rationis præſcripto, quod Deo militantibus non ſunt imponenda veſtigialium onera, nec munera laicorum? Quare Oreſtes interfecta matre Clytæmneſtra confugiens ad aram Apollinis liber evaſit? quare Pausanias patriæ Athenarum prodicionis reus auſugit ad templum Palladis, & a Thucydide redarguuntur Athenienſes, quod per vim ab ara proditore extracto auctores fuerint immiſſæ in cives peſtilentiæ? quare nemo gentiliū audebat in mortem rapere confugientes in Templum Dianæ Epheliæ, ad aram Junonis, aliorumque idolorum? Legite Thucyd. lib. 1. de Bello Peloponn. Ciceronem Aët. 3. in Verrem, & S. P. Auguſtinum de Civ. D. lib. 1. cap. 4. Id non alia ratione ab Ethnicis obſervatum, niſi quia naturali lumine percipiebant iniquum eſſe vim inferre inſervientibus in templo Deorum, aut illuc tanquam ad munitiſſimam arcem confugientibus. Quamobrem aſſero Imperatores ac Principes, dum Immunitatis leges tulerunt, non tam beneficia contuliſſe, quam reddidiſſe debitum, eorumque conſtitutiones non intuliſſe liberalem beneficentiam, ſed æqui, rectique præſcriptionem: Eccleſiaſticos autem Paſtores conſtitutiones ipſas probaſſe, & Politicis Præſidibus nunc gratias, nunc preces exhibuiſſe, quod Eccleſia diu vexata illorum patrociniſio indigeret, ut propria jura tueri poſſet, atque ab invaſoribus facilius defendere.

Hiſ præmiſſis propoſitionem demonſtro hoc dilemmate. Immunitas Eccleſiæ aut Dei ordinatione & jure divino conſtituta eſt, ut nos firmiſſime aſſerimus, aut liberalitate Imperatorum & Regum, ut opinantur quidam Politici. At ſive conſtituta ſit Dei ordinatione, ſive Imperatorum Regumque liberalitate, neſas eſt ſæculari Principi ipſam immunitatem abrogare, aut circumſcribere. Et quod Principes nequeant immunitatem violare, ſi inducta ſit ordinatione divina, extra controverſiam poſitum eſt; nemo quippe mortalium facultatem habet aut infringendi, aut coarctandi divinam conſtitutionem: neque inferior abrogare poteſt legem ſuperioris; omnis autem poteſtas Deo ſupremo legumlatori ſubjecta eſt. Atque hæc ratio efficax eſſet, etiamſi immunitas eſſet conſtituta lege tantum Eccleſiaſtica, quoniam nulla Po-teſtas Politica ſuperior eſt poteſtate Petro, ejuſque ſucceſſoribus Romanis Pontificibus abſolute, immediate, pleniffimeque conceſſa. De qua poteſtate dictum capite præcedenti.

Inviolabilem autem esse Ecclesiasticam Immunitatem, facta etiam hypothesi, quod Principum munificentia & liberalitate sit constituta, sic demonstro. Privilegia, tametsi beneficentia ac liberalitate Regum concedantur, nisi illis certum tempus apponatur, & conferantur absolute, & absque ulla conditione, perpetua sunt, nec aliquo successu temporis temerari possunt, nec revocari, nec circumscribi. Privilegium immunitatis absolute, nullaque conditione apposita, ut liquet ex legibus Imperatorum paullo ante citatis, Ecclesiæ Clericisque concessum fuit. Nullo ergo pacto abrogari potest, restringi, aut ratione aliqua violari. Hujus argumenti minor propositio; ut dixi, ex Imperialibus Constitutionibus manifesta est; ac major pariter est expressa legibus tam civilibus, quam Canoniciis, de quibus capite xx1., ubi disseram de Privilegiis. Deinde ipsi Imperatores ac Reges testati sunt se immunitatem Templis, personisque Deo sacratis largiri ob utilitatem, quam Reipublicæ afferunt ministrantes in Sanctuario orationibus, sacrificiis, aliisque Ecclesiasticis exercitationibus: ideoque Constantius 1. *In qualibet*, confirmans latas a patre constitutiones pro Ecclesiasticorum immunitate, inquit, *Scientes magis religionibus, quam officiis & labore corporum, vel sudore nostram Rempublicam contineri*. Quare immunitas Ecclesiastica, & quicquid Principes Clericis contulere dici potius debet justa merces, quam liberalis largitio. At privilegia hujus generis absque manifesta violatione æquitatis nequeunt abrogari vel minui, ut docent Jurisconsulti omnes, & ratio ipsa suadet. Ergo nec abrogari potest, vel minui Ecclesiastica Immunitas. Denique sit ista donum, sit tantum liberalis munificentia; num propterea fas erit eam temerare? Principio quod donatum est, nequit revocari. Præterea repetere quæ Ecclesiæ donata sunt, est repetere quæ donata sunt ipsi Deo. Repetere quæ donata sunt ipsi Deo sacrilegium est. Igitur sacrilegium est repetere quæ Ecclesiæ donata sunt. Tandem etiam datur immunitatem fuisse liberali Principum largitione concessa, donatione facta transit in jus, & in potestatem aut Ecclesiarum, quæ supremo omnium Domino sunt consecratæ, aut personarum, quæ in sortem Domini adscitæ Ecclesiis ipsis inserviunt. Si ergo Tempia, virique Ecclesiastici Dei sunt; quis poterit illis adimere quicquid aut debita retributionis, aut liberalis munificentia, aut quovis alio titulo acceptum in proprium jus transulere? Expende quod beatus Ambrosius de invadentibus Basilicas scribit ad Marcellinam sororem Epistola edit. Parisiensis xx. num. 16. *Mandatum denique, Trade Basilicam. Respondeo nec mihi fas est tradere, nec tibi accipere, Imperator, expedit. Domum privati nullo potes jure temerare, Domum Dei existimas auferendam? Allegatur Imperatori licere omnia, ipsius esse universa. Respondeo: Noli te gravare Imperator, ut putes te in ea, quæ divina sunt, imperiale aliquod jus habere. Noli te extollere, sed si vis diutius imperare,*
esto

eſſo Deo ſubditus. Scriptum eſt: Quæ Dei Deo, & quæ Caſaris Caſari. Ad Imperatorem palatia pertinent, ad Sacerdotem Eccleſia. Publicorum tibi mænium jus commiſſum eſt, non ſacrorum. Profecto quod de ſacris ædibus dicitur, idem de viris Eccleſiaſticis conſtat eſſe affirmandum. Ut planiſſimum aſſeratur exemplum; nonne gravi injuria, afficeretur ſæcularis princeps, ſi ejus palatium invaderent cives armati, ſupelleſtilem diriperent, & familiares intimosque vi extraherent, etiamſi amplas illas ædes, famulitium, rem domeſticam ex libera civium largitate poſſideret? Id quidem certiffime, quoniam Principis jam eſſent, non civium. Ita Deo gravem aſſerunt injuriam, qui Domum ejus uſurpata juriſdictione gravant, redditus minuunt, tributa extorquent, ſacros miniſtros ad munera, vel onera laicalia compellunt; quamvis ipſorum largitionibus templa conſtructa eſſent, locupletata poſſeſſionibus, & Clericorum numero ac ſplendore condecorata: propterea quod hæc, ſive jure tributa ſint, ſive collata dono, jam non Caſaris ſunt, ſed Dei. Quocunque ergo jure conſtituta ſit Immunitas Eccleſiaſtica; ſive jure divino ut noſtra fert ſententia, ſive jure præſcriptionis, ac, Imperiali beneficentia a Constantino ad hæc uſque tempora in Chriſtianis Principibus permanente, ut politici quidam ſtauant: nefas eſt Immunitatem ipſam quomodolibet violari.

Neminem fore arbitror, qui opponat Juliani Apoſtætæ conſtitutionem, aut Chilperici Gallorum Regis decreta: quum nullus Chriſtianus Imperator debeat Julianum Constantino, Juſtiniano, ac Theodoſio præferre; neque ullus Regum Clotarium, Theodebertum, Childbertum poſthabere Chilperico, cujus mores improbos ac flagitioliſſimos narrat lib. vi. cap. 46. Gregorius Turonenſis: præſertim cum immunitatem abrogatam a Juliano reſtituerit Valentinianus, & labefactam a Chilperico ampliaverit Clodovæus. Nemo etiam objiciet, piſſimum Imperatorem Heraclium irruentibus in Imperium Perſis ex aureis, argenteisque Eccleſiæ vasis cudiſſe pecuniam: cum Heraclius non vi, & rapina ab Eccleſiis ſacram ſupelleſtilem acceperit, ſed mutuam, eamque ampliorem reſuderit, & annuis præterea redditibus a fiſco ſolvendis adauxerit Eccleſiaſticos cenſus. Vide Baronium ad annum 627. num. xxv. i. Quod ſi aliquando Pontifices a Principibus immunitatem tanquam beneficium humiliter popoſcerunt, aut Principes illam pro libito temerarunt; id, ut diximus, tribuendum eſt conditioni temporum, Pontificum humilitati, & humanarum Poſtatum viciffitudini.

PROPOSITIO IV. Recte in Latina Vulgata Joſue xx. 36. connumerantur quatuor civitates aſyli in Tribu Ruben.

De Aſylo pauca dicturus præponendam duxi facilem hanc theſim propter integritatem Vulgatæ, quam ubique tentant hæretici dilaniare. Inter civitates ergo refugii noſtra Vulgata Joſue xx. 36. quatuor enumerat ultra Jordanem contra Jerichy in tribu Ruben, Boſor in ſo-

litu-

litudine Misor, Jafer, Iethson, & Mephaath. Hæ non habentur in Codicibus Hebræis; neque in conscriptis tempore Thalmud & Masoretharum, unde inquirunt aliqui Etherodoxi illas in nostra Versione redundare. At constat optime appositas. I. quia v. 7. habetur datas filiis Merari urbes duodecim de tribubus Ruben, Gad, & Zabulon: quæ urbes v. 34. & seqq. numerantur. At si non extarent in sacris Bibliis commemoratæ quatuor urbes, civitates refugii non essent duodecim. II. quia cum recensentur singulæ urbes Levitarum, cur prætermittas credendum est assignatas in Tribu Ruben? III. quia hæ quatuor civitates recensentur etiam in primo libro Paralippomenon cap. v. 1. 78. 79. ubi nota non Misor poni, sed Bosor, ideoque Misor nomen est solitudinis, non urbis; significat enim Misor planitiem, & locum campestem, in quo conditam civitatem Bosor constat Deut. 1v. 43. ideoque in cap. xi. Josue, ubi legitur, *Bosor in solitudine, Misor, &c.* abradenda est virgula. IV. extant quatuor illæ civitates in vetustissimo Codice Chaldæo Ms. Complutensi, & in edito Regii Operis a Plantino, in Græcis omnibus, in antiqua Itala, ceterisque Latinis, præter nonnullos, quos observant Lovanienses, expressos ex aliis Codicibus Hebraicis amanuensium oscitantia vitiatis; in quibusdam denique exemplaribus Hebraicis pervetustis additas a correctoribus, & recte appositas testatur R. Kimchi. V. In Bibliis versu isto carentibus desiderari, neque posse alias summam confici, Protectantes complures fatentur, Glassius lib. 1. Tract. de puritate textus Hebræi sect. 2. §. xv. n. 3. & Commut. in Josuam Masius, Amama, & Drufius, qui & laudat Vencam Editionem procuratam a Felice Pratenfi, viro nostri Ordinis preclarissimo, & Hebraicorum præsertim Codicum peritia, sacrarumque historiarum scientia ornatissimo.

Ex his colligimus leges Asylorum esse antiquissimas. Dividi autem possunt Asyla, sive loca refugii in sacra, & profana. Sacrorum principem locum tenent Ecclesiæ, in quibus causæ sanguinis agitari non debent, nec inde reus criminis potest extrahi, ut habetur in 3. Decr. tit. 49. cap. *Cum Ecclesia*, & cap. *Inter alia*. Idem extant in C. de his, qui ad Eccles. l. 13. & 14. neque admittitur privilegium immunitatis Ecclesiæ non consecratæ; quia locus divinis obsequiis dedicatus nullus est temerariis ausibus profanandus. Ita caput, *Ecclesiæ, in qua divina*, ejusdem tit. 49. Extenditur immunitas ad Cæmeteria, & loca Ecclesiæ adhærentia, juxta c. 35. *Disposuit*, Causa xv i. q. 4. Distantia tamen passuum ibidem determinata ad passus triginta, absque domorum extranearum receptaculo, est a locorum consuetudine, usuque petenda. Polluto tamen atrio vel cæmeterio Templum interius minime violatur, quoniam immunitas amplianda est, violatio autem restringenda, juxta regulam xx i. in fine 6. *Non debet*, & juxta Juris axiomata, *Beneficium est interpretandum largissimè; Odia restringi, favores conveni-*

nit

nit ampliari. Hoc aſyli privilegio minime fruuntur publici latrones, nocturni depopulatores agrorum, & qui obſident publicas ſtratas aggreſſionis inſidiis; inquit Innoc. III. cit. cap. *Inter alia*. Item nec qui in ipſis Eccleſiis, vel earum cæmeteriis homicidia, & mutilationes membrorum committere non verentur, eo quod *frustra legis auxilium invocet, qui committit in legem*, ut habetur cap. *Immunitatem Eccleſiaſticam*, ejuſdem tituli 49. poſtremo. Adduntur Conſtitutione Gregorii XIV. *Cum alias*, confirmata & ampliata a Benediſto XIII. & Clemente XII., *qui proditorie proximum ſuum occiderint, aut aſſaſini, vel hæreſis, aut læſæ majeſtatis in perſona ipſiſmet Principis rei*.

Gaudent eodem aſyli privilegio Baptiſteria, quæ ſunt alicubi a Templis ſejuncta, ut Romæ quod appellatur Conſtantini, Sanis conſtruſtum ad radices Cathedralis, Piſis elegantiffimum extra fores majoris Templi, Florentiæ ſitum e regione Cathedralis Eccleſiæ, Martis olim fanum. Sacroſancto Baptiſterii loco etiam a barbaris, ferocibuſque hominibus reverentiam quamdam exhibitam ſcribit lib. 2. H. E. cap. 8. Evagrius. Ipſummet juſ aſyli conſecuta ſunt Epiſcoporum Palatia ex Conc. Aurelianenſi l. c. 3. & ex Cap. *Id conſtituimus*, 36. xvii. q. 4.; omnibus prorſus Juriconſultis fatentibus, ut inquit Cardinalis Thufcus v. *Immunitas*, Concl. lxx. n. 24. De Domibus Eminentiſſimorum. S. R. Eccleſiæ Cardinalium extat Conſtitutio Leonis Decimi, & omnium pariter DD. conſenſus. Accedunt Hospitalia auctoritate Epiſcopi erecta ex definitione Urbani IV. cap. *Ad hæc* 4. de Religioſis domibus, tit. 36. lib. 3. Similiter quælibet virorum, ac mulierum Monafteria; de quorum ampliffimis exemptionibus legantur Bulla Pii IV. *Dum ad ubeſet*, anno 1566. emanata, aliorumque Romanorum Pontificum Conſtitutiones.

Eſt autem ſacrorum locorum aſylum tanta æquitate ſtatutum, ut illius rationem habuerint etiam idolorum cultores. Religio enim erat ad ſupplicium non trahere conſugientes ad templa, araſque Deorum. Memorat S. P. Auguſtinus in primo de Civ. D. cap. iv. Aſylum Junonis, demonſtrans quanto majoris ſecuritatſ illo, quod elegerat Græculorum avaritiæ & ſuperbia, ſint ſacra Chriſtianorum Aſyla, memoriæ ſcilicet Apoſtolorum, quibus etiam Barbari pepercerunt. Magna quippe viſ auri e Vaticano ſurrepta juſſu Halarici reddita eſt, auctore in vii. Hiſtor. Oroſio. De aſylis Gentilium accipiendum illud Plauti in Moſt. Aſt. v. ſc. i. *Ego interim hanc aram occupabo*; feſtivumque alterum Juvenalis Satyra 14.

Faſſus eris teſtis: vendet perſarvia ſummiſ

Exiguâ, Cereris tangens aramque, pedemque.

Verum de his plura Georgius Ritterſhuſius. Hunc morem conſugendi ad aras derivatum ex legibus Hebræorum inferitur ex Cap. xxi. Exodi v. 14. & ex cap. i. libri iii. Regum v. 50. Eapropter Græcorum more etiam

etiam Rex Demetrius Templo Judæorum jus dedit asyli, lib. i. Mach. cap. x. v. 43. De Asylo Delubri Hierocæsariensis videndus Tacitus in tertio Annalium.

His perfugii locis, quæ tam fideles, quam Ethnici habent inviolabilia, & quæ sacra dicuntur, addit asyla propria ac profana jus Romanum, vel Gentium. Romulus asylum constituit inter Palatium & Capitolium, lucum quem veteres appellavere Quercetum: Virgilius VIII. Aeneid.

*Hinc lucum ingentem, quem Romulus acer asylum
Restulit, & gelida monstrat sub rupe Luperca.*

Datum olim jus asyli statuis quoque, ac sepulcris Principum, ut Athenis Thesei, Romæ Julii Cæsaris. Est & refugii locus propria domus, præsertim apud Græcos, quorum pervulgatum illud est, οἶκος οἶκος, οἶκος ἄστυς, *Domus amica, domus optima*. Civem de domo sua extrahi non posse, habetur ff. De in jus vocand. l. 19. quæ tamen lex fallit in criminalibus. Hujus asyli præ ceteris Italici rigidi defensores habendi sunt, quomodo patet ex libro 1. Statuti patria lingua conscripti cap. 217. finitimi nostri Lucenses. Atque hæc de Immunitate, & Asylo.

C A P U T XVIII.

*De Collectionibus Canonum, iis maxime, quas adornarunt
Isidorus, & Gratianus.*

FUERUNT Canonum, quorum complexio corpus Juris Canonici appellatur, Collectores plurimi, Dionysius cognomento Exiguus Monachus Scythæ, Fulgentius Ferrandus Carthagenensis Ecclesiæ Diaconus, Cresconius de quo ad an. 527. Baronius, Anselmus Lucensis Episcopus, Burchardus Monachus, Ivo Carnotensis, Deusdedit Cardinalis, aliique, in Præf. Decretalium, in Apparatu Emmanuelis Gonzalez, & in VII. Annalium Ecclesiasticorum Tomo p. 137. Digni sunt, qui speciatim commemorentur, Isidorus, & Gratianus. Isidori nomen præfert perantiqua Collectio, quæ protenditur a Canonibus Apostolicis ad secundam Synodum Hispalensem, & complectitur etiam veterum ante Siricium Pontificum Decretales. Gravis de harum authenticitate viguit post Joannem Wiclefium controversia; ac permulti suppositas habent, non solum hæretici, verum etiam eruditi Catholici, discreto tamen, & meliori judicio. Cum autem vindicandas suscepit Franciscus Turrianus, hunc acerrime confutavit Blondellus; atque sententia Eruditorum hic meliorem causam hac in parte defendit, quamquam in Ecclesiæ doctrinam Decretalibus illis contentam nimis injuriosus. Aliud est inquirere an Decretales antiquorum illorum Pontificum ab Isidoro colle-

collectæ genuinæ sint, aliud an erroneis dogmatibus fœteant. Et spurias & heterodoxas autumant cum Blondello Novatores alii; antographas, catholicasque cum Turriano nonnulli Nostrates. Viri docti mediam tenent viam: & interpolatas esse concedunt, & sanæ doctrinæ: Ita Petrus de Marca lib. 3. Concord. cap. 6. Ant. Augustinus in Notis ad Capitula Adriani, Antonius Pagius ad an. 100. num. 4. & seqq. Franciscus Pagius in Anacleto, Joannes Bortoni V. S. Ref. in Dissert. Ilagogica præmissa Decreto Gratiani pag. cx. aliique communiter.

An hujus Collectionis Auctor fuerit Isidorus Hispalensis, an Isidorus Mercator, incertum plures existimant. Hispalensi tribuunt Hincmarus in libro de Synodis, Trithemius, alii: Mercatori autem, vel alteri, qui sub Mercatoris nomine Collectionem illam fabricaverit, Schelestratus Tom. 2. Antiq. Eccles. dissert. 3. cap. 5. art. 5. num. 3. Franciscus Pagius ib. n. 3. & alii recentiores. His absque fluctuatione subscribimus: nam in vetusto Codice S. Mariæ supra Minervam legitur Præfationis initio: *Isidorus Mercator servus Christi lectori conservo suos*; nec aliter in Vaticanis: quo loco in impressis est, *Isidorus peccator, &c.* In hac præterea Collectione fit mentio Concilii Generalis sexti, aliarumque Synodorum, ac Pontificum Isidoro Hispalensi, demortuo anno 636., posteriorum. Sexta enim Synodus, sive Constantinopolitana III. celebrata est anno salutis DCLXXXI.

Collector alter Canonum, de quo pertractandum est, fuit Gratianus Monachus Cluniacensis. Is Clusis in Etruria natus S. Benedicti Institutum amplexus est Bononiæ in Monasterio S. Proculi; sed inde transiit ad alterum SS. Felicis & Naboris, ibique collectionem Canonum adornasse constat ex lapide Sacrarum inscripto his versibus:

*Hanc habet partem Lector, reverenter adito;
Namque loci Monachus Decretum hic condidit hujus
Divinum Gratianus Opus, &c.*

Desiderant quidem omnes in Gratiano methodum; habet enim pleraque involuta, nonnulla præpostere, & multa alieno loco digesta. Quamobrem (inquit Ivo Carnotensis in Præfat.) qui in Gratiani volumine methodum, sine qua *discurrere* esse nemo potest, vestigant, videntur non absimiles iis, qui delphini in sylvis, aut in fluctibus apri venationem instituunt. Sed barbara, quibus floruit, tempora nævum. istum excusant, studiumque ac laborem extollunt. Methodum itaque prætereuntes, exquiremus de hujus collectionis auctoritate, quam aliqui nimis deprimunt, aliqui vero nimis efferant, cum medium hic quoque teneant viri docti, & ingenui. At a decretalibus Isidorianis initium ducendum est.

PROPOSITIO I. Decretales veterum ante Siricium Epistolæ ab Isidoro collectæ, sunt interpolatæ, & magna ex parte suppositæ, non tamen rejiciendæ tanquam Apostolicæ doctrinæ, fideique adversantes.

Prima pars probatur 1. ex Epistol. Leonis IV. quæ extat Tom. 8. Conc. Labb. p. 32. ubi n. 6. ait Pontifex regulas Decretalium & Canonum tunc temporis apud Sedem Apostolicam extantium, & quibus in omnibus Ecclesiasticis utebatur judiciis, esse, *Apostolorum, Nicænarum, Ancyranorum, Neocæsariensium, Gangrensiarum, Antiochenarum, Laodicensium, Chalcedonensium, Sardicensium, Carthaginensium, Africanensium, & cum illis regulas Præsulum Romanorum, Sylvestri, Siricii, Innocentii, Zosimi, Celestini, Leonis, Gelasii, Hilarii, Symmaci, Simplicii, & Gregorii Junioris. Isti omnes sunt, per quos judicant Episcopi, & per quos Episcopi simul, & Clerici judicantur.* Habetur & in cap. *De libellis*, dist. xx. Tempore itaque Leonis IV. an. 847. non extabant in Collectione Canonum Ifidorianæ Decretales Anacleti, Evaristi, aliorumque veterum Pontificum ante Siricium. Additionem hic factam non in Epistola Leonis, sed in Codice, qui Romæ servabatur, ante dimidium octavi sæculi opinatur doctissimus P. Coustant. At Baronius hanc suspensionem dirimit; nam Codicis, quo sub Leone IV. Romana Ecclesia utebatur, extant in Vaticana tria antiqua Exemplaria Mss. in quibus omnibus eodem ordine Canones sunt dispositi, deinde decreta Pontificum, quorum seriem inchoat Siricius. Tria alia Mss. his concordantia extare in Monasterio Erbachensi, suscipienda propter admirandam antiquitatem, testatur in Præf. Joan. Wendelstinus. Ex his expressa est an. 1525. editio Moguntina, in eadem Bibliotheca Vaticana n. 2338. Addit Pagius Codicem Vigilantium, compilatum anno 876. Atque hi omnes Codices sunt ad confirmandam thesauri capita argumentorum. Videtur tantum, ut ex Marca adnotavit laudatus Bortolus, superinductum nomen Sylvestri, quod in Codice Canonum minime extat.

Suppositas Decretales illas alia plura momenta commonstrant, Observavit Antonius Augustinus Archiepiscopus Tarracoenensis in Notis ad Capitula Adriani in Ifidoriana Collectione usurpari eadem verba legum Imperialium, & Scholion appositorum sub Aniani nomine ad Codicem Theodosianum, & Blondellus improbo labore scrutatus est, unde sententias, verbaque ipsa Confarcinator expilaverit. Verum argumentatio ista, quam pluris faciunt, vix a me extorquet assensum; nam si Pseudo-Isidorus compilavit Scholia Aniani, potuit & Auctor *vet. canon.* e monumentis veteribus plura exscribere. Apocryphæ sunt tamen Epistolæ Ifidorianæ: quod præter dicta comprobatur stylus, & sparsa per omnes similitudo jejuna & dissipata orationis, quæ nec diversis Auctoribus potest adjudicari, nec ostendat secundi sæculi computam & elaboratam idoneorum verborum circuitionem. Accedit silentium veterum, quibus fuerunt ignotæ; & frequens citatio textuum juxta Vulgatam, quæ obtinuit post Hieronymi ætatem. Sed de his ulterius Pagius.

Alte-

Alteram propoſitionis partem demonſtro 1. ex Epiſtola 42. Nicolai I. citata Tom. v. 111. Concilliorum p. 799. & cap. *Si Romanorum Pontificum*, diſt. 19. In qua ſummus Pontifex ſcribit ad Epiſcopos per Gallias conſtitutos : *Si ideo non eſſe decretales epiſtolas priſcorum Pontificum Romanorum admittendas dicunt, quia in Codice Canonum non habentur adſcriptæ : ergo nec ſancti Gregorii, nec ullius alterius, qui ante vel poſt ipſum ſuis, eſt aliquod inſtitutum, vel ſcriptum recipiendum, eo quod in Codice Canonum non habeatur adſcriptum. Ergo doctrinam eorum, & ſanctiones, quæ ab omni lingua venerantur, quia in Codice Canonum non habentur adſcriptæ, de codicibus ſuis eradant.* Quod cum fieri nequeat, jure optimo inferit Nicolaus Collectionem Canonum non confirmare, nec imminuere decretalium Pontificum auctoritatem. Cujus rei ſubinde cauſam ſatis congruam producit, quod omnia in uno corpore compaginari non poſſint. Addo, quod Collectores nequeunt decretis Pontificum aliquam firmitatem tribuere. Rejicere itaque Collectionem Iſidorianam eo quod Decretales plures in vetuſto Codice non habeantur, temerarium eſt & iniquum.

II. Quamquam non ſunt Decretales omnes Iſidorianæ genuinæ, nec Collectio ipſa autographa; omnes tamen tanquam ſpurias expungere imperitiorum eſt, atque impudentium. Suppoſitæ enim ſunt tres Decretales Anacleti, duæ Evariſti, tres aliæ Alexandri, quam diſt. 1. cap. *Noſte ſancta*, 48. de Conſecrat. aſſert Gratianus, Telephori, duæ Pii ſucceſſoris Aniceti juxta Optatum & Auguſtinum, Præceſſoris autem juxta Irenæum & Eufebium, aliæ duæ Soteris, ſuſpectæ fidei quatuor Viſtoris, duæ item aſſictæ Zephyrino, ſpuria unica ſancti Urbani, ſuſpecta decretalis Anteri, exploſæ pariter tres Fabiani, pſeudographa quæ tribuitur Lucio, item duæ ex adſcriptis Stephano, Sixti II. aliæ duæ, altera ſaltem Dionyſii, tres ſub nomine S. Felicis, duæ item Marcellini, duæ aliæ Marcelli, tres S. Eufebii, una Melchiadis, Epiſtola S. Marci, ſuppoſitum denique Damaſo Decretum de Libris recipiendis. Hi ante Siricium ſederunt. De quorum Epiſtolis legendi eximii viri Lupas, Pagius, Labbeus, Couſtant. De Epiſtolis S. Stephani ad Cyprianum erudite pertraſtat P. Miſſorius, qui edendis FF. Minorum Conventualium Annalibus Operam dat egregiam. De ipſius perpolitâ Diſſertatione ambiguum eſt virorum Doctorem judicium. At plurimas veterum Pontificum Epiſtolas ab antiquis PP. & Historicis laudatas, uti Julii I. citatam in 2. Apologia S. Athanaſii, Liberii commemoratas ab Hilario in fragmentis, Damaſi ad Epiſcopos Illyrici, de qua Theodoritus lib. 2. H. E. cap. 22., aliasque complures in dubium revocare non poſſumus. Oportet ergo, ut recto criterio genuinæ diſtinguantur a ſpuris, non autem cæco ac præcipiti judicio ſingulæ repudientur.

III. Illæ etiam Iſidorianæ Epiſtolæ, quæ ad adulterinas amandan-

tur non sunt temere respuenda; primo quoniam statim ac prodire, illas receperunt, probaruntque Ecclesiæ Gallicanæ Præsules, auctore Marca lib. 3. Conc. cap. 6. Deinde illis tanquam consentientibus Patrum traditioni, & Ecclesiasticæ disciplinæ usi sunt Fideles communiter usque ad tempora Concilii Constantiensis, annum scilicet 1414. Consecratæ etiam fuerunt Scholarum usu, Commentariis interpretum, aliorumque Collectorum usurpatione. Præterea in iis contineri dogmata cum recta fide pugnancia, prætextum hæreticorum mendacium est. Insuper Catholicorum consensus, & usus universalis, sententiarum concordantia, & cum Scripturis, ac Patribus harmonia, illarum orthodoxiam aperte demonstrant. In laudata demum Synodo Sess. VIII. damnata est 38. propositio Witclefi, *Decretales Epistolæ sunt Apocryphæ: seducunt a Christi fide: & Clerici sunt stulti, qui student eis.* Cujus propositionis priorem partem esse universaliter falsam, alteram hæreticam, tertiam scandalosam potest quisque deducere ex hæcenus disputatis.

PROPOSITIO II. Canones collecti a Gratiano non aliam habent auctoritatem, quam fontium, locorumque, unde sunt derivati.

Ita Auditores Sacræ Rotæ Decif. apud Pen. 480. n. 18. *Nec refert illos Canones recenseri in Decreto a Gratiano compilato, quia cum Gratianus non publica auctoritate infinita quæque illa Canonum Ecclesiasticorum, & legum etiam secularium Capitula in suum librum contulerit, nec legis condendæ auctoritatem habuerit, nec ab aliquo Romano Pontifice liber ille tanquam authenticus & legalis approbatus fuerit, inde fit, ut quilibet Canon inde relatus ex eo tantum quod ibi referatur non habeat majorem auctoritatem, quam in proprio loco consistens de sui natura esset habiturus: nec Gregorius Decimustertius Gratiani librum tanquam legalem authenticavit, cum solum emendari jussisset, & emendationes sine additionibus, aut detractionibus mandaverit observari.* Videatur Bulla Gregorii, *Cum pro munere.* Accedit quod adhuc post limam Gregorii extant in Decreto Gratiani errores aliqui, de quibus legendus P. Placidus Bokn ejusdem Benedictini Instituti in Controv. Jurisprud. lib. 1. Tit. 2. p. 1. q. x.

Consequitur ex dictis Canones Conciliorum Generalium a Gratiano productos habere auctoritatem plenissimam, quia talem quoque in se habent. Decreta Conciliorum Provincialium inviolabilia tantum esse in diocesi ac Provincia, pro qua statuta fuerunt, spectatæ approbatione & confirmatione Pontificis; per quam tamen, nisi exprimitur, canon provincialis Synodi non stringit universos, quoniam ut Barbosa docet v. *Confirmatio*, alique J. CC., approbatio & confirmatio addit quidem canoni robur ac firmamentum, sed minime illum reddit ampliorem. Pari jure sequitur leges Imperatorias, nisi Constitutionibus Pontificum insertæ sint, in foro Canonico non valere, nam insertæ tanquam

tanquam receptæ cenſentur. Patribus autem, Hiſtoricis, ceteriſque Canonum Colleſtoribus ſuam ſtare ſingulis auctoritatem; ipſi autem Gratiano, ubi proprio loquitur ſenſu, non aliam, quam privato Doctori, tametiſi ob plurimorum approbationem non humili, atque vulgari. Idem dicendum de *Paleis*. Unde vocabulum iſtud eruperit, abſque utilitate diſquirunt. Diſtas *Paleas* a quodam diſcipulo Gratiani *Palea*, aut *Protopalea* nuncupato, ego ſane non arbitror; & hunc *Paleam* Cluniacenſes, aliiſque Benediſtini prorfus ignorant. Appellari *Paleas*, quaſi *παλαια*, ideſt, *antiqua* probabile eſt, tametiſi non repariantur in vetuſtis codicibus, auctore Fagnano. Ab adverbio *παλιν*, *rurſus*, quidam deducunt, eo quod ſint additiones factæ Decreto. Solent vocabulis Græcis propria nomina, librorumque tituli paſſim conſtari: vulgavitque paucis ab hinc annis vir doctus Philoſophicas Inſtitutiones *Neopaleas*.

Poſt Gratianum variæ adornatæ ſunt Canonum Colleſtiones; ſed præmittenda ſilentio non eſt elaborata anno 1230. a S. Raymundo de Pennafort Ordinis Prædicatorum. Eſt hæc, quæ nomen præfert Decretalium Gregorii IX. Accedit ea, quæ dicitur liber Sextus Decretalium, publicata anno 4. Pontificatus Bonifacii VIII., ideſt anno Domini 1298. Addidit Joannes XXII. Conſtitutiones Clementis V. quæ vulgo appellantur Clementinæ, atque hiſ acceſſere ab ipſo Joanne editæ, quas appellant Extravagantes. Sequuntur Extravagantes communes, ideſt a diverſis Pontificibus editæ; quibus & addidit celebris Iuriſconſultus editas poſt omnes Extravagantes ſub nomine libri Septimi Decretalium. Ita Corpus univerſi Iuris Canonici hiſ libris conſtat, Decreto Gratiani, Decretalibus Gregorii IX. Sexto Decretalium, Clementinis, Extravagantibus Joannis, Extravagantibus communibus, & Septimo Decretalium. Hic tamen poſtremus eſt Corpori ſuperadditus.

Dividitur Decretum Gratiani, ſive Concordia diſcordantium Canonum in tres partes. Quarum prima continet Diſtinctiones c1., & in una quaque diſtinctione plures ſunt Canones. Pars altera complectitur Cauſas triginta ſex, atque in cauſis ſingulis eſt ordo quæſtionum, in quæſtionibus Canonum: ſed Cauſa xxx11. quæſtionum loco complectitur ſeptem diſtinctiones. Tertia pars de Conſecratione inſcribitur, & partitionem habet diſtinctionum quinque.

Gregorii IX. Decretales quinque libris comprehenduntur diſtinctis titulis, & Capitibus. Continet liber primus titulos tres & quadraginta: ſecundus triginta: tertius quinquaginta: quartus viginti unum: quintus unum & quadraginta. Sunt autem in omnibus titulis capita, ſuis numeris diſtincta.

Sextus Decretalium in alios quinque diviſus eſt. Sunt in primo tituli vigintiduo: in ſecundo tituli quindecim; in tertio tituli vigintiquatuor:

tuor : in quarto tres tantummodo : in quinto tituli duodecim . His subi-
jiuntur Regulæ Juris LXXXVIII.

Clementinarum pariter quinque libri extant : in quorum primo
connumerantur tituli undecim : in secundo duodecim : in tertio de-
cem ac septem : in quarto unicus extat titulus : in quinto undecim ha-
bentur .

Extravagantes Joannis titulis quatuordecim unius libri sunt dif-
positæ . Communes verò continentur libris quinque . Tituli in primo
novem : in secundo tres : in tertio tres ac decem : in quarto locus est
vacuus : in ultimo decem tituli inveniuntur . De septimo extra Cor-
pus , ut vocant , Juris non opus est plura dicere .

Hæc ideo conscripta a me sunt , ut Tirones Canonum citationes
non omnibus pervias dignoscerent . Ex Decreto itaque Gratiani hoc pa-
cto Canones laudantur . Ex prima parte : C. *Si Romanorum* , dist. xix.
idest , in Canone , qui incipit , *Si Romanorum* , in distinctione xix.
Ex secunda parte sic proferuntur : Can. *Nulli Episcoporum* . III. *quest.*
5. idest , Canone , qui incipit , *Nulli Episcoporum* , Causa tertia ;
quæstione quinta . Sic ex tertia parte allegantur : C. *Qui manducant* . 58.
dist. 2. de *Consecratione* , idest , Canone , qui incipit , *Qui mandu-*
cant , ordine quinquagesimo octavo , distinctione secunda partis ter-
tiæ Decreti , quæ inscribitur de *Consecratione* . Contenta in Decreta-
lium Gregorii quiaque libris allegantur hoc pacto : Cap. *Recolentes* . 3.
Extra , de *statu Monach.* nempe , Capitulo , quod incipit , *Recolentes* ,
tertio , quod est Extra Gratiani Decretum , idest in Decretalibus Gre-
gorii IX. Titulo de *statu Monachorum* . Quæ autem proferuntur ex De-
cretalium sexto , ita laudantur : Cap. *Si Apostolica* , de *Præbendis* in
6. videlicet in Capite incipiente , *Si Apostolica* , quod extat Titulo de
Præbendis , in Sexto Decretalium . Proferuntur similiter reliqua . Sit in
exemplo : Cap. *Si a Judicibus* , de Appellat. in Clement. , scilicet ,
Capitulo , cujus initium est , *Sic a Judicibus* , quod habetur in Clemen-
tinis , titulo de Appellationibus : Cap. *Sancta Romana* , de *Religiosis*
Domibus in *Extrav. Joan. XXII.* , aut Cap. *Vas electionis* , de *Hæreti-*
cis in *Extrav. Comm.* Singulorum Canonum definitiones sufficienter ex-
plicat Decretum Abbreviatum , quod soluta oratione , & carmine præ-
mittitur Corpori Juris Canonici in editione Coloniz Munatianæ , idest ,
Lugduni , cui hoc nomen a L. Munatio Planco , lectu dignum , & quam-
brevissimum .



C A P U T XIX.

Quanta ſit Apoſtolicorum Canonum auctoritas .

DE C R E T O Gratiani , & Conciliorum voluminibus addi ſolent Canones , qui dicuntur Apoſtolicī : de quorum antiquitate ac origine non idem eſt Scriptorum iudiciū . Auctoritate Apoſtolica conditos , & antiqua traditione ad nos derivatos ſcribunt Severinus Binius , Franciſcus Turrianus , Lambertus Gruterus , Lindanus , alique plures , quorum ſententia eſt fuiſſe per Clementem in unum congeſtos . Nonniſi vergente ad finem quinto Chriſtiani nominis ſæculo editos arbitratur Dallæus , cui videtur accedere in Vindiciis Epistoſtarum Ignatii Joannes Pearſonius . Neque digeſtos ætate Apoſtolorum , neque tam ſero fabricatos , ſed editos ſecundo , aut ſaltem tertio ſæculo ineunte ſentiunt Marca , Albaſpinæus , & etiam Beveregius , Hammondus , Blondellus , Joſephus Scaliger . Plura de his legi poſſunt apud Antonium Pagium ad an. 100. n. 1x. & ſeqq. Natalem Alexandrum diſſert. xvii. I. ſæculi , Scheleſtratum 2. p. Antiq. Illuſtr. , & laudatū Beveregium in altero Tomo PP. Apoſtolicorum Cotelerii . Nos autem nonnulla , quæ ad hanc ſolvendam quæſtionem videntur idonea , ſubjectis theſibus proferemus .

PROPOSITIO I. Canonum Apoſtolicorum certus numerus definiri non poteſt .

Probatur I. quoniam recepti olim ab Orientalibus , & quos habemus ex interpretatione Gratiani Herveti , ſunt numero lxxxiv. , & qui obtinuerunt apud Occidentales numero tantum 1. Inter iſtos autem quinquaginta eſt canon valde ambiguus xiv. de Baptiſmo Hæreticorum ; quem , ſi anno CCLVI. notus fuiſſet PP. Occidentalibus , profeſto Firmilianus in Epistoſta ad Cyprianum hoc anno adverſus Stephanum ſcripta , aut Rebaptizantium aliquis laudaſſet . Eſt enim ille Canon , *Episcopum , aut presbyterum , qui hæreticorum baptiſmum , vel ſacrificium admittit , deponi jubemus . Quæ eſt enim conventio Chriſti cum Belial ? vel quæ eſt pars fidelis cum infideli ?* Videtur ergo iſte Canon a Rebaptizantibus Iconii , aut Synadis congeſtus , ut Baluzius , & Pagius adverterunt , quo conſuetudinem a Stephano laudatam aliquo præſidio repudiarent . II. Cap. *Sexaginta* , d. xvi. numerantur canones Apoſtolicī 60. ex Epistoſta 1. Zephyrini , in cujus tamen textu habetur numerus lxx. Quinquaginta autem numerantur ſeq. Cap. *Clementis* . At proximo Cap. *Placuit* , dicuntur confirmata & rata cap. 2. vi. Synodi *Canonum Apoſtolorum lxxxv. Capitula* . Verum Sextam Synodum nullos ediſſe canones , conſtat ex Act. 4. & 5. ſecundæ Nicænæ , inquit Binius Tom. 1. pag. 53. Collect. Labbeanæ , III. Eſt non omnes Canones , qui extant

extant in Collectione LXXXIV. Herveti, plures tamen perantiquos esse, etiam præter L. communiter receptos, Eruditi omnes fatentur, & constabit ex subiecta assertionem; cum prima ad hunc modum se habeat.

PROPOSITIO II. Canones Apostolici etiam primis Ecclesiæ sæculis obtinuerunt.

Probatur I. ex Nicæna Synodo celebrata anno CCCXXV. Hæc enim Canone 1. de Eunuchis præscribit, quod si aliqui a Dominis vel barbaris castrati sunt, inveniuntur autem alioquin digni, a Clericorum statu non excludantur, *Tales quippe* (inquit) *admittit Canon*. Qualem vero Canonem putas, nisi XXI. Apostolicum prohibentem ne Clericus efficiatur de Eunuchis ille tantum, qui amputaverit sibi ipsi virilitatem? Definitur etiam 2. ejusdem Synodi Canone, ne statim nuper baptizati ad Episcopatum, vel Presbyteratum promoveantur, *contra Ecclesiæ Canonem*. At hunc Canonem quis ignorat esse inter Apostolicos LXXXIX.? Quinto insuper canone sancitur, qui ab aliis ejecti sunt, ab aliis non esse admittendos, *juxta veterem Canonem*. Hunc canonem adinvenies inter Apostolicos n. XXXIII. Decimo Nicæno canone citatur *Canon Ecclesiasticus*: atque hunc non alium esse, quam LXI. Apostolicum, eruditi viri observant. Synodum ergo Nicænam Apostolici utique Canones præcessere. Adde in hujus argumenti confirmationem, Constantinum in Epistola ad Eusebium & Antiochenos Episcopos citare Canonem Apostolicum XLIII., unde constat, inquit Pagius n. X. hos canones ante Synodum Nicænam fuisse cognitos.

Deinde probatur ex Synodo Antiochena celebrata anno CCCXII. Editi in ea Canones XXV. quos cum Apostolicis convenire, liquet ex illorum collatione Tom. 2. PP. Apost. Cotelerii pag. 17. Appendicis. Me non latet, Cl. nostrum Lupum in Notis ad can. 26. Chalcedonensem, ambigere, num canon Apostolicus XL. de rebus Ecclesiæ per Episcopum, vel Oeconomum ejus curandis sit revera Apostolicus, cum lucidâ mixturâ appareat compositus ex 26. Chalcedonensi, & duobus ultimis Antiochenis. Tanti quidem viri judicium comprobatur canonum ipsorum collatio. At neque id hanc prostermit & labefactat positionem, quoniam stat adhuc canonem illum XL. tametsi ex Antiochenis dicatur consecratus, perantiquum esse; idque Lupus ipse fatetur: & reponi potest non ex Antiochenis Apostolicos, sed ex Apostolicis Antiochenos esse constatos. Enimvero qui singulorum concordantiam perpendunt, vident Apostolicos non tam esse perspicuos & amplos, licet floridæ phrasæ præcis sæculis congruentis: ampliores autem esse Antiochenos, ac talis structuræ, ex qua facile conjicias istos illorum esse rivulos potius, quam fontes.

Tertio probatur Assertio Patrum auctoritate, Athanasii, qui Nicæna Synodo interfuit, & Basilii Cæsarensis in Cappadocia Antistitis jam ab anno 370. Nam Athanasius in Epistola ad Orthodoxos differens adversus

verſus Gregorium Cappadocem juffu Præſecti Aegyptiorum intruſum. in ſedem Alexandrinam, ait : *Non enim nunc dierum Canones & typi Eccleſiis dati ſunt, ſed a Patribus noſtris paleſtre, firmiterque traditi fuerunt.* De conſimili autem controverſia nullum invenies canonem. Athanaſii ætate priorem, niſi ſit ille Apoſtolicorum LXXI : t. Item in Apologia de fuga ſua conqueritur velle Arſenium ſc Eccleſiaſtico Canoni juxta vetuſt inſtitutum ſubjici, aperte verba faciens de Apoſtolicò Canone IV. aut XXX. Baſilius vero in Epiſtola ad Amphiloſchium laudat antiquum canonem, quo deponendus declaratur Diaconus fornicationis convictus : quem porro canonem liquido conſtat eſſe Apoſtolicorum XXV. in Colleſtione Dionyſii, XXIV. in Hervetiana. Adverte nos minime aſſerere omnes omnino Canones Apoſtolicos, qui numerantur LXXXIV., vetuſtos eſſe & receptos ante exactum ſæculum tertium ; ſed eos tanquam ex Apoſtolica traditione, aut ex doctrina Apoſtolorum credimus derivatos, qui cum Eccleſiæ Romanæ inviolata fide per omnia conſentiunt. Quare non ſunt ſinguli indiſcriminatim firmiſſimi, ſed exploduntur aliqui, præſertim LXV. de deſignatione Clerici, ſi jejundet die Dominico, vel ſabbato, & LXXXIV. de Canone Scripturarum.

Ex Apoſtolicis fontibus fluxiſſe L. a Dionyſio tranſlatos certiſſime tenent quamplurimi cum Baronio ad Annum CII. num. XII. De his habetur decretum Stephani Papæ IV. in Synodo Lateranenſi celebrata contra Iconomachos anno 769. Aët. IV. *Non amplius ſuſcipiantur Apoſtolorum canonum prolata per ſanctum Clementem, niſi quinquaginta capita, quæ ſuſcipit ſancta Dei Catholica Romana Eccleſia.* Hos ergo & nos recipiamus oportet, ſed iſtos, alioſque juxta approbationem, ac ſenſum Apoſtolicæ Sedis. Neque repugnat decretum Gelafii cap. *Sancta Romana* diſt. XV. ubi legitur : *Liber Canonum Apoſtolorum Apocryphus.* Primo quia Gelafius loquitur de libro Canonum LXXXIV. non de L. Capitulis, ut ſcribit Binius, & probatur ex Humberto legato Leonis IX. adverſus Nicetam, ſcribente, *Clementis librum, ideſt, Petri Apoſtoli itinerarium, & Apoſtolorum Canones numerant PP. inter Apocryphos, exceptis L. Capitalis, quæ decreverunt Oribodoxæ fidei adjungenda.* Extat Leonis nomine cap. 3. diſt. XV. Deinde, quia verba Gelafii ſunt commodo ſenſu accipienda, quaſi liber Apocryphus dicatur qui hos continet canones, eo quod immerito Apoſtolorum nomen præferat, & videatur ſecundo, aut tertio Eccleſiæ ſæculo conſcriptus, ut nunc tenet ſententia eruditorum communior.



CAPUT XX.

Per pauca circa Ciuiles leges rudimenta .

QUAMQUAM ad libri huius institutum Ciuilium legum dissertatio non pertinet, neque potest illa limitibus hifce comprehendi propter dignitatem disciplinæ rerumque amplitudinem: quia tamen sunt politicæ omnes constitutiones imagines quædam diuinarum, atque perutile est nec injucundum Theologo aliquam illarum notitiam assequi; oro ne tibi, Lector, molestam sit post alias multas hanc meam excipere lucubrationem.

Inter ciuiles leges, quarum etiamnum aut tabulæ extant, aut sparsa saltem fragmenta, præter Hebraicas & affines Aegyptiorum, principem sibi vindicant locum Athenienses, vel Atticæ, ex quibus originem ducunt Romanæ. Si quis illas intelligendi cupiditate tangitur, adeat percelebres viros, Sigonium in libris de Republica Atheniensium, Thyfium, & Salmasium de Jure Attico & Romanorum, duosque saltem libros Meursii, quorum unus inscribitur Themis Attica, & alter Solon. Percipiet ex his, quomodo prius omnium post Cere rem dicatur Atheniensibus leges tradidisse Triptolemus, easque explicasse Solon, ut Gellius scribit lib. x. cap. x., *axibus ligneis incisas*. Generales leges, quas Triptolemus constituit, sunt: *Parentes honorare, Deo fructibus colere, animalia non ledere*. Hoc postremum apud Hieronymum aduersus Iovinianum idem est, ac animalium carnibus non vescendum. Speciales leges versantur circa homicidium, matrimonium, furtum, maledicta, Magistratum. De homicidio statutum, nullum prorsus iri impunitum, & exterminandas etiam res inanimatas, cædisque instrumenta, ut colligitur ex Oratione Aeschinis in Ctesiphontem. Statutum tamen præmium occidentibus tyrannum, idemque, ac Olympionicis, ut inquit in Hermogenem Syrianus. Permissum iustum bellum, decretumque præmium inventoribus novorum armorum, ex eodem Auctore ibidem. Prohibitum militare infami, & ægroto: ac sancitum filiis patrum, qui in bello decumberent, ex ære publico alimentum usque ad pubertatem, ut colligitur ex Aristide. Infidiantem vitæ alienæ tanquam homicidam iudicandum, constat ex declaratione xiv. Libanii.

Pro matrimonii honestate seruandâ statutas sequentes leges inuenimus. Pausanias scribit vindicandi adulterii legem posuisse Draconem; & Solon, ex Plutarcho in ejus vita, permittit interfici adulterum: addit Sopater etiam mulctatum dote, quæ cederet viro. Contumeliam illatam ingenuis pueris reprehendit auctoritate legum in Timarchum Aeschines, ubi etiam de pœna corpora prostituentium. Nothos inter propin-

propinquos habendos non eſſe lege Attica, liquet ex Avibus Ariſtophanis. Neſas erat, ut Marcellinus ſcribit, cum Tutore, aut filio ipſius virginem pupillam inire conjugium. Nupta impotenti poterat ad alium tranſire, lege ſtatutâ a Solone; de qua & Plutarchus in ejus vita, & Terentius in Hecyra Aët. 1. Sc. 2. In ſolvendis tamen connubiis literas divortii deferendas ad Archontem, idem Plutarchus ſcribit in Alcibiade.

De furto has conſtitutiones inter Atticas adinvenio. Quiſquis alienam rem furripit, etſi olus tantum, aut fructus hortenſes, lege Solonis morte damnatur. Non poterat publici ærarii deſraudator aut debitor aliquod Reipublicæ munus capeſſere, ut inquit Demotheus in Theocrinem. Ex Cicerone de Optimo genere Orat. habemus, nihil niſi in concione a populo fuiſſe donandum. A pupillis nil alienandum abſque poteſtate Archontis, auctor eſt in Hermogene Marcellinus. Vetitum Mercatoribus alio, quam Athenas vehere frumentum, noſcitur ex Oratione Demotheus in Phormionem. Has conſequantur leges in ſycophantas, & maledicos. Datam actionem in falſos teſtes, evincitur ex Oratione ejusdem Demotheus in Evergum. Prohibitum ſervo proſcindere conviciis liberum, & cuique maledicta jacere in mortuos lege Solonis; de qua in ejus vita Plutarchus. Senatoriam in Magiſtratu dignitatem nullus ante annum triceſimum capeſſebat, ut inquit Xenophon. Lex ſcortatores & maleficos a ſuggeſto arcebat; & nova lex centum annorum conſuetudinem pro ſui inviolabili auctoritate poſtulabat. Ad hæc capita leges Athenienſium, quas præclaris animadverſionibus laudati viri illuſtrarunt, breviter revocare non dubitavi, ſervata quadam cum Decalogo methodi ſimilitudine.

Poſt Atticas veniunt commemorandæ leges Romanorum ceteris omnibus, ut Polybius inquit, anteponendæ. Varia his nominibus data; nam aliæ appellatæ ſunt *Regiæ*, quæ de imperio Regum latæ ſunt: quædam *Tribunicæ*, conſtitutæ a Tribunis pl. leges *XII. Tabularum* a Decemviris ſancitæ: dicta lex *Curiata*, lata a Magiſtratibus patriciis jam designatis, vel in provinciam, & ad bellum cum imperio proſecturis: *plebiſcitæ* dicebantur decreta populi. Leges præſcriptæ de jure triumphandi appellabantur *Triumphales*: *Sacrata*, quas tranſgredientes diis ſacrabantur: latæ autem de rebus variis ac diſcrepantibus, quaſi a ſaltatione Satyri, dictæ *Satyriæ*. Quamplurimæ tamen a legiſlatoribus nomen accepere, ut *Aurelia*, *Pedia*, *Clodia*, *Hoſtilia*, *Ducilia*, *Menenia*, *Cincia*, *Aquilia*, *Ciſſia*, a L. Aurelio, a Q. Pedio, a P. Clodio, ab Hoſtilio Mancino, a M. Ducilio, & L. Menenio, a M. Cincio Alimento, ab Aquilio, a L. Caſſio. *Julia* dicitur lex promulgata ab Auguſto orto quidem ex familia Octavia, ſed in Juliam cooptato. At plura de his Ber. Briſſonius De Verborum ſignificatione, & Antonius Auguſtinus Archiepiſcopus Tarraconenſis, qui ordine Alphabeti ſingulare volumen edidit de legibus Romanis.

Missis autem legum vocabulis, attingam quædam de rebus servato eodem ordine, idest nonnulla primum in genere commemorando spectantia ad religionem, cultumque parentum, post hæc leges aliquas, ad homicidium, ad fornicationem, ad furtum, ad falsos & maledicos pertinentes. Sunt in prima classe leges sacræ, quibus Romulus vetuit divina tractari a plebeis, ut scribit Cicero in tertio de Natura Deorum, statuit augures ac Sacerdotes, prohibuit nocturna mulierum sacrificia, atque vigiliis in templis. At Numa totus in re divina sexaginta Sacerdotibus electis a Romulo adjecit Flaminem Dialem, Martialem, Quirinalem, Vestales virgines, Salios Marti Gradivo duodecim, & Pontificem Maximum ex Patriciis. Statuit, inquit Plinius lib. vi. cap. 2., *Ut Deos fruge colerent, & mola salsa litarent*. Pro familiæ regimine constitutæ leges. Incutit filiis timorem ac reverentiam lex quam recitat Festus: *Si parentem puer verberit, aut olle plorasset parentes; puer divis parentum sacer esto*. Nulla lex *Silvia*, idest Romuli, contra percussores parentum, *Qui neminem unquam tam ab humanitate aversum, tam natura inimicum fore existimavit, ut parentibus, unde vitam ipsam ac lucis usuram acceperisset, manus inferret*, ait cap. 26. de legibus Romanis Paulus Manutius. Adoptio in filios lege Curiata fiebat apud Pontifices. Omnes virilis sexus filii ut instituerentur hæredes, erat Junia Velleja. Ad æquitatem juris servandam, Aebutiâ mandatur, ne cognatis, & affinibus detur curatio, Claudia de Tutelis mandat tutelam feminarum consanguineis. Tutorem dandum a Prætore præscripsit Atilia. Cautum lege Voconia, ne quis filiam hæredem relinquat supra H. S. xxviii. Uxorem cum viro rerum omnium esse sociam, eoque defuncto æqualem cum filiis habere hæreditatem, fuit lex Romuli, ut Dionysius, & Plutarchus prodidere. Hæc perpauca de legibus ad cultum Deorum, & familiæ regimen pertinentibus universim dicta sunt.

Ad homicidium attinent quæ sequuntur. Damnandum publico iudicio, qui hominem occidit, aut occidendi causa cum telo ambulavit, aut venenum paravit, vel vendidit, lex est Cornelia de Sicariis. Omnibus, qui Cæsarem interfecerant, lege Pedia aqua, ignique interdictum. Parricida, & quisquis filiis, & affinibus præparaverit fata, l. Pompeja de Parricidis, insutus culeo cum cane, & gallo gallinaceo, & vipera, & simia in vicinum mare, vel amnem est projiciendus. Lædentibus alterum vel mutilantibus stat lex Decemviriæ: *Si membrum ruperit, ni cum eo pacit, talio esto*.

Instituta ad coercendam libidinem lex Julia de Adulteriis, & de Pudicitia; atque his etiam divortii modus impositus. Firmatur ibidem lex Romuli, *Adulterii convictam vir, & cognati, uti volent, necant*. Stuprator verberibus necabatur, inquit Festus. Pellex ædem Junonis non poterat tangere. Qui divortium faceret, ei Diis inferis sacrificandum. Puniri probum Vestalis, illamque ad portam Collinam defodi

defodi vivam ſtatuit Numa Pompilius . Propter mundiorẽ juſto cultum ſuſpectam fuiſſe Minuciam Veſtalem , narrat Livius octavo libro : Irrogata pœna vim inferentibus adoleſcentulis , & alienam pudicitiam , ſollicitantibus , aut propriam proſtituentibus , ad x. millia num. lege Scatinia , aut Scantinia , latâ , ut fertur , ob Scantinium Capitolinum . Ad honeſtatem connubiorum ſtatutum in xii. Tabulis , ne Patriciis liceret jungi cum plebe , neque libertinam ingenuus , aut ingenuam duceret libertinus ; at abrogatum per legem Papiam . Etiam vino nuptæ abſtinendum erat lege Romuli .

Latæ adverſus furtum leges ſunt . In xii. Tabulis . *Si quis nocte furtum faxit , & im aliquis occiſit , jure caſus eſto , & , Frugem aratro quaſitam furtim noctu ſi pavierit , ſecueritve pubes , ſuſpenſus Cereri necator : impubes verberator ; noxiamque duplionem præſtato* . Furtivarum rerum poſſeſſionem inhibet l. Atinia , De uſurpatione : Furtum quodlibet l. Hoſtilia . Plagiarii l. Fabia pœna capitis irrogatur , necnon ei , qui liberum ſciens emit . Non punitur tamen poſſidens bona fide mancipium . Puniendus lege Julia de Annona citata ab Ulpiano lib. ix. qui contra annonam fecerit , ſocietatemve coierit , quo carior fiat . Extat in l. Aquilia , ut damni injuria lati ſit actio : & qui ſciens damnum dederit , reddat quadruplum , qui inſciens ſimplum . De repetundis pecuniis extat Acilia , ſive *repetundarum* : De pecunia pro frumento contra jus accepta , l. Caſſia , ſive *Agraria* ; de munere illicite accepto l. Cinia *Maneralis* .

Convicia , teſtimonium falſum , calumniam inhibent æque Romanæ leges . In xii. Tabulis extabat : Ut ſi quis æſtitaviſſet , aut carmen condidiſſet , quod infamiam , ſtagitiumve alteri inferret , capite puniretur . Fecit L. Sylla Majeſtatis crimen , ut habemus ex Epistoſa Ciceronis ad Appium . Pœnam irrogat ei , qui teſtamentum falſum ſcripſerit , recitaverit , ſculperit dolo malo , l. Cornelia *Teſtamentaria* ; quibuſvis calumniatoribus Remnia . Qui duobus diverſa teſtimonia præberent , puniendi l. xii. Tab. , & quiſquis falſum dixiſſet teſtimonium e faxo Tarpejo erat deſcienſus . Nec Cenſoribus in Senatu fas erat ignominia afficere , niſi accuſatos jam & damnatos l. Clodia de Notâ Cenſoria . Leges Romanas alias Sigonius , Manutius , Panvinus , alii-que exponunt prioribus Voluminibus Romanarum Antiquitatum .

Facile ex his deprehendes legum Romanarum cum Atticis concordantiam . Quod ut percipias magis , iterum per utraſque tenentes eundem ordinem diſcurramus . Spectat ad Religionem lex xii. Tab. *Separatim nemo habeſſit Deos , neve novos , ſed ne advenas , niſi publice adſciſtos privatim colunto* : atque eadem eſt lex Draconis apud Porphyrium . Lex vii. de Feſtis lata ab Impp. Valentiniano , Theodoſio , & Arcadio , conſimilis eſt Athenienſi , quam citat Demotheſenes adverſus Midiam , *Nemini myſteriorum diebus manum injicito* , Quæ eſt l. vii. de

vii. de Off. Proconsulis, derivata a scito Platonis in Phædone; *Nemo occidendus, dum navigatur in Delum*. l. v. §. xiiii. D. de cognoscendis & alend. liberis, fuisse Atheniensem constat ex Diogene Laertio in Solone. Lex Numæ innovata in Cornelia de Sicariis, *Si quis liberum sciens dolo ueci duit, parricida isto*, extat etiam apud Antiphonem. Attica lex, *Si quis adulterum deprehenderit, de eo statuatur quod deditum est*, laudata a Lysia pro Eratosthene, eadem est xii. Tabularum, & Papiniani l. 2. D. ad l. Juliam de Adult. Altera huic affinis lata a Dracone, *Si quis occiderit deprehensum super uxore, vel super filia, vel super sorore, ob hæc qui eadem feceris ne exulato*, extat in Ulpiano l. 23. ad eandem Juliam. Non discrepant l. Solonis, *Si quis ingenuam mulierem rapiat, vimque inferat, mulcator*, ab ea, quam statuit Justinianus l. un. Cod. De raptu Virg. seu vid. Draconis lex contra furtum, moderata a Solone, & quæ declarat sceleris purum, qui furem noctu ingressum interficiat, habetur in xii. Tab., & apud Ulpianum l. 4. D. ad l. Aquiliam. Cautum legibus Athenarum ne Advocatus extraordinariam pecuniam accipiat litis causa, ut liquet ex Demosthene De Corona; idemque firmatum est l. ii. §. x. & xii. D. de Extraordin. cognit. Irritat contractus repugnantes æquitati l. vii. §. 7. D. de Pact. de qua etiam Aristoteles lib. i. Rhet. cap. xvi. Habetur in Demosthene *quis Kōm*, lex, *Qui falsum dixerint testimonium, de bonis & honore periclitantur*, ac repetitur l. xii. de Testib., & l. 14. C. eodem, & l. xxxi. D. de Re Judic. Objicientibus probum alicui, quod demonstrare non possint, ut accusationi subiaceant, mandat lex Atheniensis apud Dionem Chrysostomum Orat. 15., nec non Romana, apud Ulpianum l. 5. §. *Si quis*, lib. D. de injuriis, & famosis libellis. Sed plura de his in Concordia legum utrarumque, quam Antonius Thufius elaboravit.

Haud dubium ergo, Romanas leges ab Atheniensibus derivatas, præsertim cum circa an. U. C. 300. tres legati Romæ adierint Athenas, ut Græcorum leges colligerent atque in Latium deferrent. Quod ubi fecerunt, creati cum aliis septem Decemviri, atque ab his leges in tabulas x. digestæ, duabus postmodum adjectis. Sed suas leges fuisse Romæ ante Reges exactos, liquet ex his, quas a Romulo Urbis Conditor, & Numa latas animadvertimus. Si recipimus Vulterrana fragmenta, Romulus primum Volaterris Senator electus, deinde illinc Sacerdotes, & Augures Romam accivit, atque Etruscas leges populo denuntiavit, lib. 2. p. 86., & 87. atque ita antiquiores leges Romanorum ducunt ab Etruscis originem. Sed ut videas istarum cum illis consonantiam, proferam in medium aliquas. Pro cultu Deorum leges habentur: *Ut in Templo Efarris nulla aliorum Deorum, Dearumve sit imago. Hujus Numinis nulla statua ab artifice fabricetur: In medio ipsius templi altare sit æreum: Vitulus & agnus ei sacrificetur: Quater singulis annis*

annis populus Eſari ſolemniter immolet : Dii peregrini ne colantur . Pro familiarum regimine autem , Parentum liberos omnes juſ eſto relegandi , vendendi , & occidendi : Parricidæ capite pleſtantur : Mulier viro legitime conjuncta fortunarum , & ſacrorum ſocia illi eſto : Qui contra patriam libertatem attentaverit , vivus comburatur . Contra homicidium vero : Deprebenſi in homicidio ſtatim moriantur : Nullus morte dumnetur , niſi Lucumon conſentiat : Si quis civem hoſtibus tradiderit , capite pleſtatur . Adverſus autem impudicos : Si quis virginem vitia- verit , pecuniam , quam viri Capitaſes judicaverint , mulieris patri ſolvat , & virgo uxor illius ſit , nec eam dimittere poſſit : Qui eodem tempore duas uxores habet , ut adulterus puniatur ; Divortium non per- mittitur , niſi Eſarum conſenſu . Ad cohibendum furtum : Fur ſuſti- bus cadatur : Furti quadrupli pœna ſit : Si quis agrum , domum , aut pecuniam occupaverit , vel dolo obtinuerit , duplicem fructum Domino reddere cogatur : Publicam pecuniam , aut ſacram ſi quis abſtulerit , ſcarogia morte damnabitur : Qui conſulto domos , aut agros incende- rit , igne comburatur : Judex ſi pecuniam , aut aliud acceperit , capite ſtatim pleſtatur . Adverſus denique calumniatores & falſos : Qui teſtis falſus fuerit , ignominiam paſſus pereat inhoneſte : Qui concivem prodi- derit , ſuſtibus caſus e patria ejiciatur : Judicis fraus ne adhibetur : Si quis in juſ vocatus non venerit , reus eſto . Extant cum aliis pluri- bus in Etruſcarum Antiq. fragm. libro tertio .

Veruntamen iſtarum omnium Atticarum , Romanarum , Etruſca- rum , aliarumque legum optimarum , Præſcriptiones quippe Tyrannorum adverſus Religionem , & æquitatem non ſunt inter leges con- numerandæ , fuit origo prima , vel a poſteris Noha , vel a Judæorum Republica . Et leges quidem magni Vandimonis , ideſt , Noha in Frag- mentis Etruſcis p. 174. cum Capite v 111. , & ix. Geneſeos cohærent . Quæ de cultu Eſaris præſcribuntur , de Altari , de Sacrificiis , Aſper- ſione olei , & Salis condimento , & ali. leges quamplurimæ conſen- tiunt cum libris Exodi , & Levitici , iis exceptis , quæ addiderunt Au- gures idololatræ . Quamobrem aut ſunt fragmenta illa , ut credimus , pervetuſta , aut ſolliter , & ingenioſe conſicta .

Quicquid ſentias tamen de Etruſcis hiſce fragmentis , Romanas , Atticæque leges , quarum ſupra vidimus concordantiam , ex Hebrai- cis natas commonſtrat iſtarum , illarumque collatio . Id arduum non eſt ex latis adverſus homicidas , mœchos , fures , ac falſos teſtes dedu- cere . Moſaicam de homicidio legem cap. xxxv. num. v. 16. & ſeqq. uſque ad 21. invenies apud Paullum lib. v. Sententiarum ſub titulo Ad Legem Corneliam de Sicariis , & Ulpianum lib. v 11. de Officio Pro- conſulis . Quod Moſes ſancivit de homicidiis fortuito , & abſque odio patris eodem cap. v. 22. extat pariter apud Paullum ibidem , & Mo- deſtinum libro differentiarum v 1. Moſaica lex de percuſſione rixan-
tium

tium Exodi xxi. 18., & seqq. non differt a Romanis apud Ulpianum libro de Officio Procons. viii., & Gregorianum lib. xviii. de Accusat. De adulteris vero eadem lex est Levit. xx. 10. atque Romana apud Papinianum lib. xv. Responsorum ad L. Juliam de adult., & Marcellum libro xxxi. Digestorum. Incestæ Nuptiæ, quæ damnantur citato Levitici capite v. 17. & seqq. præscribuntur pariter Edicto Maximiani, & Diocletiani apud Papinianum ibidem, & Ulpianum in libro Regulari de Nuptiis. Turpiores concubitus, de quibus v. 13. & 15. ejusdem Capituli xx. puniuntur eadem pœna mortis Constitut. Imp. Valentiniani, Theodosii, & Arcadii ad Orientium Urbis Romæ Vicarium. Contra Fures eadem lex est in Exodo xxii. a v. 1. ad 15. atque in Constitutionibus Romanorum apud Ulpianum lib. viii. in Edictum, & Paulum lib. v. Sent. ad L. Corneliam de Sicariis. Quadrant denique cum lege Deuteronomii cap. xix. v. 16. contra falsos testes, decreta producta a Paulo libro singulari de Pœnis, & lib. v. Sent. ad L. Corneliam Testamentariam. Ex his autem constat Romanas leges ab Atticis, Atticas ab Hebraicis derivatas, Nam Moysen cæteros omnes Legumlatores præcessisse demonstrat Huetius de Demonstr. Evang. cap. viii., & dissertatio nostra cap. i. libri xi.

Rerum quidem atque Regnorum vicissitudines legibus hætenus enumeratis, quæ fere omnes pertinent ad Jus primarium, peculiaria statuta addiderunt: creveruntque tanto numero, ut ante Justiniani tempora septem, ac triginta Juris Conditores, sive legum Compilatores extiterint, enumerati ab Angelo Politiano in Epistola ad Jacobum Modestum Pratensem. Inter illos xxxvii. celebriores videntur Papinianus, quem historiæ appellant *Juris Asylum*, & *legis civilis thesaurum*, & a quo olim studiosi legum dicti fuerunt *Papinianiste*: Ulpianus plurium librorum ad Edictum, ad Sabinum, ad Leges, Pro Tribunali, aliisque titulis inscriptorum auctor clarissimus: Paulus, quem Politianus appellat *magister*, quod etiam Ulpianum superaverit copiâ scriptorum: Gregorius, & Hermogenes, qui tempore Diocletiani duos legum Codices ediderunt, quibus tertium adjecit Theodosius comprehendente Imperatorias Constitutiones a Constantino ad seipsum.

Itaque Justinianus ad certum ordinem tantam Legum multitudinem redigens ex tribus Codicibus Gregoriano, Hermogeniano, & Theodosiano unum proprio nomine inscriptum edi curavit, perfectumque anno DXXIX. auctoritate sua confirmavit. Veteres deinde leges amplo opere complexus est sub nomine Digestorum, seu Pandectarum. Addidit Juris Civiles Institutiones. Collegit etiam, quæ in priori Codice fuerant ommissa, aut errata, ediditque accuratiorem *Reposita prælectionis*: atque hic est Codex Justinianus, quo modo utuntur Jurisconsulti. Huic additæ sunt *Novellæ*, idest, novæ Constitutiones,

nes,

nes, quæ Codicis editionem ſunt confeſcutæ . Novellis acceſſere *Authentica*, ſive breves ſententiæ, quibus novellæ, quali auctoritate, Imperatoria fulciuntur . Ita Corpus univerſi Juris Civilis conſtat Inſtitutionibus, Digefſtis, ſeu Pandectis, Codice, Novellis, & Authenticis . Inſtitutionum libri ſunt quatuor continentes univerſi Juris Epitomen . Digefſtorum, ſeu Pandectarum libri quinquaginta tribus voluminibus diſtincti : quorum primum appellatur Digefſtum vetus, alterum Infortiatum, tertium Digefſtum novum; ac ſunt in primo volumine libri xxiv. in ſecundo xiv. in tertio xii. ſuis titulis, ac legibus diſpoſiti . Codex complectitur libros ix. Conſtitutionum Imperatorum uſque ad Juſtinianum . Quintum volumen continet alios tres libros Conſtitutionum, ideſt x. xi. xii. Novellas cum ſubjectis Authenticis, CLXVIII.

Dum textus aliquis hinc profertur, laudatur hoc pacto . D. ſignificat Collectionem Digefſtorum, ſeu Pandectarum . ff. nota eſt ejuſdem librorum Pandectarum voluminis; nam librarii ſubſtituerunt ff. pro littera Greca *ζ* L. denotat legem . Codicem Conſtitutionum innuimus littera C. Novellas, & Authenticas prima voce, & numeris allegamus . Sit in exemplo: *L. 8. parag. 4. D. ſeu ff. de liber. & poſth. hæred.*, ideſt, lege octava, paragrapho quarto in Digefſtis, ſeu Pandectis, Titulo de liberis, & poſthumis hæredibus . *L. Addictos 29. Cod. de Appellat.* hoc eſt, lege, quæ incipit *Addictos*, quæ eſt viceſima nona in Codice, titulo de Appellationibus .

Præter Corpus Juris Civilis, de quo hætenus, alter eſt Codex legum Antiquarum . Comprehendit autem legum Wiſigothorum libros xii. Ediſtum Theodorici in cap. 154. diſtributum: Leges Burgundiorum capitibus 89. cum additamentis : Legem Salicam: legem Alamanorum conſtitutam tempore Clotarii Regis: legem Baiuvvariorum ſtatutam ſub Rege Dagoberto : Ripuariorum: Saxonum: Anglorum, & Werinorum: leges Longobardorum tribus libris expoſitas: Conſtitutiones Siculas, ſive Neapolitanas ſub Imperatore Friderico II. Capitula Caroli Magni, & Ludovici Pii; quibus adde Regnorum omnium, ac Provinciarum ſtatuta . At in hiſ ſi verſetur oratio noſtra, erit multa nimis, circumfluens, & diſſipata .

C A P U T XXI.

Ob quæ integrum ſit a legum obſervantia diſcedere .

Poſtremo tandem loco dicendum eſt de iis, quæ nos ab obſervatione legum humanarum faciunt exemptos, nimirum privilegio, diſpenſatione, conſuetudine .

To. IV.

Z

Ds

DE PRIVILEGIO.

Privilegium est *privata lex speciali favore homini irrogata*, ut definitur a Cicerone. In qua tamen definitione legis vocabulum late accipitur, eo quod lex pro communitate constituatur, privilegia autem privatis hominibus irrogentur; atque per legem imponatur onus, privilegio levetur. Dicas si mavis, constitutionem, aut exemptionem. Est autem privilegium aliud *locale*, aliud *personale*. Primum illud est, quod ratione loci conceditur, ut immunitas, qua gaudet confugiens ad Ecclesiam, aut septa Monasteriorum. Atque privilegium istud perpetuum est, nisi princeps certum tempus constituat. De locis quidem sacris statutum jam est privilegia esse perpetua a Chalcedonensi Concilio c. 24., & Urbano II. cap. *Qua semel dedicata sunt*, XIX. q. 3. Aët. 6. Synodi VI., & can. 15. Synodi VIII., a Marciano etiam in lege ad Palladium Prætorii Præfectum. Privilegium autem *personale* illud est, quod alicui propriis expressis nominibus conceditur, v.g. quod Gregorius anno 600. largitus est Maximo gerendi vices Sedis Apostolicæ in administrandis cunctis Ecclesiis Siciliæ, cap. *Mandata Calestia*. Extra de Præsumptionibus. De hoc privilegiorum genere habetur Regula. VI. Juris in Sexto: *Privilegium Personale personam sequitur, & extinguitur cum persona*. Si privilegio gaudeat aliquis non speciali titulo, sed communi, ut Ordinis, Civitatis, Collegii; nequit is privilegio renuntiare, v.g. Clericus privilegio fori, vel canonis, ne Clericali ordini inferatur injuria, ut recte Barbosa lib. I. Jur. Eccl. cap. XXXIX. §. 2., cum cetera privilegia cessare valeant, aut per revocationem concedentis, aut per spontaneam renunciationem. Quod privilegiorum genus dixerit nonnulli Corporalium.

Canonis privilegium nuper commemoratum est, quod habetur c. *Si quis suadente*, XVI. q. 4., nempe ut qui in Clericum, vel Monachum violentas manus injecerit, subiaceat anathematis vinculo: quo privilegio fruuntur & Novitii, Moniales, Equites Jerosolymitani, & aliorum Ordinum Apostolicæ Sedis auctoritate ejusdem participum. Privilegio tamen Canonis excidunt habitum, ac tonsuram dimittentes, degradati, hæretici, bigami, aggressores, inimicantes se præliis, ac seditionibus, exercentes officium lanionis, & pandochæi, & qui egerint per annum artem histrionis, jocularioris, circulatoris, & mimi. Quæ dedecet Clericos cap. *Cum decorem*, & cap. *Clerici officia*, de vita, & honest. Cleric. in VI. connumerantur.

Fori autem privilegium est, ut Clericus non nisi ad Episcoporum judicium provocetur, ut habetur in cap. *Sylvester*, c. XI. quæst. I., & cap. *Christianis*. Relatum est. Clericum: Eadem Causa, eademque quæstione. Gaudent fori Privilegio Beneficiati, initiati tonsura, constituti in minoribus ordinibus, Clerici conjugati, Subdiaconi qui dispensa-

ſpenſatione Apoſtolica contrahunt cum vidua matrimonium, retinentque penſiones Eccleſiaſticas, Regulares omnes, ac Moniales, Tertiarii S. Franciſci, dummodo collegialiter vivant, Domus mulierum ſimul commorantium ad pœnitentiam agendam, aut orationi vacantium, Eremitæ probatæ Regulæ addiſti, atque Superiori Eccleſiaſtico ſubjecti. Quantum ad Clericos conjugatos attinet, ut hi gaudeant privilegio Fori, & Canonis, requiritur, ut habitum, ac tonſuram deferant, ut alicujus Eccleſiæ ſervitio ſint ab Epifcopo deputati, ut cum unica, eaque virgine matrimonium contraxerint; ac præterea nonniſi in criminalibus privilegio iſto fruuntur, ex Decreto Sacræ Congregationis Concilii die 13. Febr. an. 1610. Ceterorum autem Clericorum privilegia quot exigant conditiones, diſjunctive tamen, ut inquirunt Jurifconſulti, ideſt, ut una ſaltem reperiatur in ſingulis, declarat Tridentinum Concilium ſeſs. 23. cap. 6. his verbis: *Nullus prima tonſura initiatus, aut etiam in minoribus Ordinibus conſtitutus Fori privilegio gaudeat, niſi beneficium Eccleſiaſticum habeat, aut clericalem habitum & tonſuram deferens alicui Eccleſiæ ex mandato Epifcopi inferoat; vel in Seminario Clericorum, aut in aliqua ſchola, vel univerſitate de licentia Epifcopi, quaſi in via ad majores Ordines, verſetur.*

Irritum ac nullum redditur privilegium ob novem capita. I. ob ſubreptionem, vel obreptionem. Eſt autem obreptio illorum, qui in ſupplicibus libellis enarrant falſa: ſubreptio, ſi taceant neceſſario exponenda. Ex cap. tamen, *Super literis*, Extra, de Reſcriptis, habemus, eos quidem qui per fraudem, vel malitiam falſitatem exprimunt, vel ſupprimunt veritatem, in ſuæ perverſitatis pœnam nullum ex literis privilegiorum conſequi commodum: at qui per ſimplicitatem, vel ignorantiam literas impetrant ſuppreſſa veritate, aut falſitate expreſſa, gaudent nihilominus impetratis, dummodo talis falſitas ſit expreſſa, aut veritas occultata, quæ licet fuiſſet tacita, vel expreſſa, adhuc privilegia impetraret: ſecus ſi veritate tacita, aut falſitate ſuggeſta nihil ſupplex fuiſſet impetraturus. II. Irritum eſt privilegium quod alicui conſtitutioni contrarium eſt, niſi huic expreſſe derogetur: aut ſi conſuetudinem tollat, niſi expreſſe caveatur in ipſa, ut habetur Cap. *Licet Romanus Pontifex*, de Conſuetudinibus in v. III. Nullum præterea eſt, ſi adverſus ſententiam jam latam ſit, camque non exprimat, ex Cap. *Inter dilectos*, Extra, de Fide Instrument. IV. Excidit privilegium, quod ab Excommunicato, ſuper alio, quam excommunicationis, vel appellationis articulo, fuerit impetratum, Cap. *Ipo Jure*, de Reſcriptis in v. I. V. Privilegium ceſſat ceſſante cauſſa, ex cap. *Cum ceſſante*, Extra, de Appellat. VI. Amittuntur privilegia, quando iis abutimur, & contingit tali abuſu nimium canones vilipendi, ut dicitur Cap. *De privilegia*, Extra, de privilegiis; atque id præſertim, ſi metas, qui conſecuti ſunt, tranſgredi videantur, cap. *Perro*, ibi. VII. Ceſſant

præterea, si afferant incommodum ac detrimentum, juxta regulam Juris LXI. *Quod ob gratiam alicujus conceditur, non est in ejus dispensationi retorquendum.* VIII. Privilegia desinunt per eorum, ad quos spectant, resignationem, sive renunciationem, quam supra diximus fieri non posse in Ordinis, Corporisve detrimentum. IX. Tolluntur tandem per revocationem concedentis, per temporis, ad quod restringuntur, decursum, & per eam, quæ omnia dissolvit, idest, mortem: quamquam impetrata a Principe ordinarie ipso quoque defuncto persistunt; nam juxta Regulam Juris 16. in VI. *Decet concessum a Principe beneficium esse mansurum.* Sat de Privilegiis.

DE DISPENSATIONE.

Differt a privilegio dispensatio, quod privilegium si caussa perseveret, nec irritum reddatur, perpetuum est; dispensatio autem certo tempore definitur. Nihil aliud est dispensatio, præterquam remissio, aut relaxatio communis juris, facta ab eo qui jurisdictione pollet, quibuscumque in casibus, lege adhuc in suo robore permanente. Nam si penitus tollatur lex, non dispensationem dixeris; sed antiquationem potius, sive abrogationem. Oportet ergo, ut dispensatio fiat ab ipso legislatore, aut ab illo, in quem translata est auctoritas, & facultas jurisdictionis. Quare in legibus Canonicis dispensatio ab Ecclesiæ Pastoribus petenda est, in civilibus ab ordinata Potestate: neque potest inferior dispensare in lege Superioris, nisi hujus consensu accedente. Pontifex itaque in omni jure Ecclesiastico dispensare potest, & sententia aliquorum in jure etiam divino, seclusis fidei articulis, si tamen ea dispensatione majus Deo exhibeatur obsequium; quod tamen valde ambiguum est, si non falsum. Quis enim facile sibi persuadeat, posse, urgente etiam necessitate, dispensare ut sine aqua naturali conferatur baptismus, perficiatur Eucharistia pane hordeaceo, pro vino sicera, consecratione offeratur, laicus impertiatur sacramentalem absolutionem, atque in his, ceterisque ad Jus Divinum pertinentibus aliud ab eo, quod Christus posuit, fundamentum constituere? Episcopi in iis dispensare possunt, quæ ab ipso, vel a diocesana Synodo fuerunt præscripta; nam quamquam huic Synodo Parochi singuli intersint, solus Episcopus tanquam legislator in ea sedet, gerentibus aliis vicem tantummodo Consultorum. Ita in his, quæ statuta sunt in Provinciali Concilio, dispensare possunt cum Metropolitanus Antistes, tum Episcopi alii, in suis quique diocesibus; non tamen si Concilium dispensationem sibi reservavit. Idem dicendum est de Superioribus Regularium comparate ad sibi legitime subjectos.

Sunt tamen nonnulla Pontificii Juris, a quibus dispensare Episcopus permittit praxis, rerum conditio, & perantiqua consuetudo. Hujusmo-

juſmodi ſunt vota ſimplicia, caſus vel parvi momenti, vel frequentifſime occurrentes: & in impedimentis ſupervenientibus, non tamen præcedentibus Matrimonium, ſi non eſt facilis recurſus ad Apoſtolicam Sedem, neque poſſint abſque gravi ſcandalo, & dedecore conjuges ſeparari, ſolent pariter Epiſcopi diſpenſare.

Cum autem diſpenſatio æquitatem poſtulet, ſitque potius, quam beneficium, juſtum prementis legis levamen; quotieſcumque deet diſpenſationis urgens, juſtaque ratio, cenſenda erit illicita. Quod deſinit Tridentina Synodus ſeſſ. xxv. cap. 18. de Reformat. demonſtrat Bernardus lib. 3. de Conſid. cap. 4. de Statutis Monach. cap. 4. & de Præcepto, & diſp. cap. 2., conſentiunt Theologi, & evincit ratio ex ipſa natura diſpenſationis, quæ eſt quoddam debitum levamentum, petita. Atque hinc ſequitur graviter Paſtores delinquere, dum abſque gravi cauſa diſpenſant; quoniam eo in caſu ſunt fractores, non cuſtores ſacrorum canonum, acceptatores perſonarum, non adminiſtratores fideles; ut recte Auguſtinus libro 2. contra Adverſ. legis cap. 11., Martinus I. Epiſt. 5., & D. Thomas q. 197. art. 4. Sequitur præterea, non eſſe tam frequenter cum inferioribus diſpenſandum, ne, ut Tridentianum admonet cit. loco, aperiatur aditus ad leges transgrediendas. Id vero maxime circa matrimonia contrahenda ſervandum eſſe, merito præcipit ſancta Synodus ſeſſ. xxiv. cap. 5. Quanta enim ex tali diſpenſatione oriri poſſint incitamenta inceſtuoſæ libidinis, res eſt in propatulo. Diſpenſari propterea nequit in ſecundo gradu, niſi inter Magnos Principes, & ob publicam cauſam, ejuſdem Sacroſancti Concilii Decreto: cujus inviolabilem æquitatem commonſtrat Scholion. eximii Lupi ad Canonem x1. Concilii Remenſis ſub Leone IX., quem admodum inceſtuoſi conjugii fructus quod narrat Scriptor ipſe clariffimus in Actis circa matrimonium Guilelmi Ducis Normandiæ cum Mathilde Flandrenſi. Sequitur tertio illicitum eſſe petere diſpenſationem, ſi nulla cauſa interveniat; quoniam nefas eſt legiſlatorem ad peccandum inducere; ideoque ſi quis Superiorem ad illicitam diſpenſationem trahere curavit, tenetur illum hortari, ut eam diſſolvat, atque reſcindat.

Quæri ſolet, num tali ſtante diſpenſatione ſine urgente, gravique cauſa petita & conceſſa, ſas ſit illa uti; & reſpondent DD. perplexæ admodum, & ambigue. Videtur mihi primo talem diſpenſationem ſubreptitiam eſſe, uti cenſendam declarat aperte Tridentina Synodus ſeſſ. 25. de Reform. cap. 18. his verbis: *Si urgens, juſtaque ratio, & major quandoque utilitas poſtulerit, cum aliquibus diſpenſandum eſt: . . . aliterque facta diſpenſatio ſubreptitia cenſatur.* Si autem eſt ſubreptitia, aut nulla; ſuo carere debet effectu. Deinde in his ſubreptitiis diſpenſationibus ſervandum cenſeo, quod ſupra dixi de priori cauſa irritante privilegium; ſcilicet inſpiciendum, num diſpenſatio-

nem

nem petens suppresserit veritatem, qua cognita nequaquam fuisset cum eo dispensatum. Affirmo insuper non peccare, qui bona fide aut putat iustæ dispensationis causam idoneam habere, aut ignorans, an causa quam allegat sufficiens sit, proponit rem superiori discutiendam. Affirmo præterea valere dispensationes, quæ Expeditionarii Romæ appellitant sine causa, pro quibus obtinendis solvitur Cameræ Apostolicæ summa quædam pecuniæ: nam hæc ipsa pecuniæ exactio deserviens Romanæ curiæ honestati, oneribusque gravissimis, iusta est, ac rationalis causa; ideoque dispensationes istiusmodi dicuntur absque causa rei intrinsecæ, non tamen absque omni prorsus causa exteriori, premente etiam & gravi.

Obloquuntur quidem nonnulli aut ignari, aut iniqui, quod istiusmodi dispensationes, (sint in exemplo quæ concedi solent ut matrimonium contrahatur cum femina consanguinea,) in Romana Curia non obtineantur, nisi soluta pecunia, nec eadem habeatur ratio privatorum hominum ac principum, pauperum ac divitum, vulgarium atque nobilium. Sed revera obloquium est, & ex postulatio iniquorum; quoniam, ut scribit Cardinalis de Luca in Relat. Curie Roman. Disc. x. num. 22., *ejusmodi emolumenta pro laudabili stylo, nunquam vel nimium raro violari solito, in privatam alicujus auctoritatem non cedunt, sed applicantur piis operibus, illis præsertim, quæ Fidei catholicae, & Ecclesiæ universalis conservationem, vel servitium concernant, adversus infideles, hæreticos, aut schismaticos, ita id exigendo, tanquam speciem mulctæ, seu pænæ delicti a potentibus, non autem ab impotentibus, cum quibus præstatur pænæ luitio in corpore, mediante accessu ad Urbem, ac personali, etiam sordido, ac mechanicum servitio in fabrica sancti Petri, vel in servili opere pio, ita quoque cum hoc exemplo mulctæ personalis, vel pecuniariæ, respectivè, alios terrendo, vel coercendo, ut ab ista consuetudine contrahendi matrimonia cum conjugii abstineant, ideoque revera injusta oblectio est.* Mitto quod, tanquam laborum merces, Datarie amanuensibus, ceterisque Fori, Curiaque ministris debetur.

Tandem dico, aliquando dispensationes sine causa concessas, posteaquam executioni fuerint mandatæ, si effecta alioquæ gravissima, consequantur, minime esse rescindendas, ne oriantur scandala, & pax Ecclesiæ turbetur; quamquam monitum unumquemque volumus, plura valere in foro fori, quæ in foro conscientie non tenent: quod præsertim de Dispensationibus sine causa petitis & concessis est asserendum. Plura de Dispensatione ex Nostri Basilii Poncius libro vii. de Matrimonio, Leonardus Vanroy P. 1. Theologiæ Moralis Traët. 3. cap. x. Antonius Guerrero Traët. vi. §. xii. De lege, & Præcepto, & alii, quos perlegas: nam plura gustare cogimur primoribus tantum labris, digitisque, ut dicunt, extremis attingere.

DE CONSUETUDINE.

Conſuetudinem, ſeu communem uſum atque inſtitutionem, non accipimus hoc loco pro ſola actuum frequentia, quæ plerumque mala eſt, & ab Auguſtino lib. 1. Confeſſ. cap. 16. tartareo flumini comparatur; ſed pro jure ipſa actuum frequentatione conſtituto, & perinde, ac lex eſſet, obſervando. Idem Auguſtinus lib. 83. qq. Q. 31. ita Conſuetudinem deſcribit: *Conſuetudo eſt jus, quod aut leviter natura traſitum aluit, & majus fecit uſus, & religio; aut quod in morem vetuſtas vulgi approbatione perduxit*; & Gratianus cap. *Conſuetudo*, diſt. 1. ex lib. v. Etymolog. Iſidori, *Conſuetudo*, inquit, *eſt jus quoddam moribus inſtitutum, quod pro lege ſuſcipitur, cum deficit lex*. Alia eſt autem conſuetudo præter legem, alia juxta legem, alia adverſus legem. Dicitur conſuetudo præter legem, quæ nec lege præſcripta eſt, neque ipſi repugnat; ut conſuetudo jejunandi certis diebus, aut Sanctorum feſtivities ſervandi, quarum non extet præceptum Eccleſiaſticum. Juxta legem conſuetudo eſt, quæ legi jam conſtitutæ collineat; ut conſuetudo annuæ Confeſſionis & Communionis in Paſchate, jejunandi diebus Quadrageſimæ, decimas perſolvendi. At conſuetudo dicitur adverſus legem, cum legi adverſatur humanæ; nam contra legem naturæ ac divinam nequeunt mores populorum prævalere: hujus generis eſt conſuetudo, quæ viget per Belgium veſcendi carnibus ſingulis ſabbatis a Nativitate Domini ad Feſtum Purificationis B. M. V. in Caſtella comedendi hiſ, ceteriſque ſabbatis extrema animalium, Mediolani carnes edendi ſeria quarta Cinerum, & quinta proximâ. Atque harum conſuetudinum quælibet vim habet, ſi neceſſariæ interſint conditiones.

Requiruntur ut conſuetudo vim legis acquirat conditiones jam ſubſcendendæ. Oportet primum, ut rationabilis ſit, & propter publicam commoditatem inducta: atque hujus conditionis defectu remittendæ ſunt conſuetudines, quæ pugnant cum lege naturali, & divina, & quæ gravamen inducunt Eccleſiis; cap. *Conſuetudines*, & cap. *Cum tanto*. Extra, de Conſuetud. Juſtinianus pariter in Novella 134. *Quæ improbe*, inquit, *excogitata ſunt; ea nec longa conſuetudine confirmari volumus*. Et Auguſtinus in Epiſt. ad Caſulantum, *Conſuetudinem laudamus, quæ tamen contra fidem Catholicam nihil uſurpare dignoſcitur*. Tolerandæ tamen conſuetudines, quæ licet non rationi, ſed voluptati deſerviant, ſi tamen ab iis populi averterentur, pejores evaderent, quomodo de conſuetudine Bacchanalium habetur in Canone *Denique*, diſt. viii. C. *Mala conſuetudo*; quoniam pernicioſas corruptelas pro legibus venerari non decet. Omnis quippe lex conſtituitur ratione reſta, atque ad æquitatem, honeſtateinque reſertur.

Altera conditio eſt temporis, per quod corroborari debet novæ quælibet conſuetudo. Hujus temporis præſcriptio in civilibus extenditur

tur ad decennium, ex l. ult. Cod. de Præscriptionibus, §. 1. At ad inducendam consuetudinem contra legem Ecclesiasticam requiritur præscriptio quadragenalis ex cap. *Ad aures*, Extra, de Præscript., & cap. *Quia indicante*, ibi; quo in loco Alexander Tertius decernit contententionem circa fines prædiorum Ecclesiasticorum terminandam quadraginta annorum præscriptione utrique parti servata. Quando autem consuetudo derogat Juri communi, non personali duntaxat, JCC. docent necessariam esse præscriptionem temporis immemorabilis, qualis censetur si centenaria est: ac præterea requiritur, ut repetito judicio constet consuetudinem istiusmodi revca persistere. Videatur Cardinalis Tuschus Concl. DCCXCVI.

Conditio tertia est, ut consuetudo inducatur actibus externis, non necessitate patris, sed libere, pluries etiam repetitis, neque ab uno, vel altero tantum, sed a majori ac minori populi parte: unde errant, qui cum Diana, & Lessio putant ad consuetudinem satis esse, si actus his, aut ter repetantur. Consuetudinem quippe, ut liquet ex allata definitione, usus & vetustas in morem perducit. Dicitur quidem cap. *Ita nos*, causa xxv. q. 2., geminata cædes Pontificum, usus & consuetudo sacrilega; sed ut principio animadvertimus, aliud est consuetudo graviorem culpam constituens, & majori punitione plectenda, aliud jas consuetudinis induens ipsius legis naturam. Quapropter laudato capite, *Ita nos*, appellatur jure merito sacrilega consuetudo, funesta perniciies, dirumque contagium geminata cædes Scyllacænorum Antifistum, quoniam horridi criminis atrocitate viam sternebat parricidalibus exemplis, & nefarium crimen erat severiori ultione plectendum. Imo ex his infertur, in levioribus criminibus, in quæ magis humana infirmitas labitur, dicendam non esse consuetudinem unam & alteram ejusdem culpæ perpetrationem, sed actum frequentatione inolitam.

Accedit conditio quarta, ut consuetudo inducatur intentione, obligandi; nam hujusmodi intentio etiam ad constituendam legem est necessaria. Quamobrem si aliqua consuetudo inducta fuerit causa devotionis tantummodo, ut sub vespere ac meridie salutare Deiparam, cineres sumere die post Quinquagesimam quarta, festum aliquod ex devotione celebrare, aliosque usus plurimos, non peccat consueta prætermittens, præciso scandalo, divorumque contemptu. Similiter si recepta sit consuetudo ad oneris legis levamentum, ut quam diximus de observatione sabbati in provinciis Castellæ & Belgii, aut consuetudo parvæ refectiois in diebus consecrandis jejunio; potest quis a consuetudine recedere, necnon observatione legis sibi meritum comparare. Inductam consuetudinem cum intentione obligandi censendum est, quando transgressores puniuntur, aut apud viros probos ac pios male audiunt, necnon si plebi, ut dictum supra, scandalum præbeatur. Quod si incertum est, an causa devotionis, an obligandi animo inducta

juſta fuerit conſuetudo ; judicandum eſt ex devotione fuiſſe introdu-
ctam ; nam lex non præſumitur , niſi probetur .

Ultima conditio eſt , ut conſuetudo inducatur Legiſlatoris conceſ-
ſu . Non requiritur tamen conſenſus explicitus , ſed ſufficit tacitus ,
quem JCC. appellant conſenſum legalcm . Habetur conſenſus iſtiusmo-
di , quando legiſlator conſuetudine , quæ contra legem inducitur , ſciens
ac lubens non repugnat , nec urget legis obſervationem , neque in-
transgreſſores animadvertit . Dicitur enim in hac hypotheſi legem ceſ-
ſare *via conniventia* . Si autem invaluit conſuetudo inſcio legiſlatore ;
ut vim habeat prærequiritur præſcriptio temporis , de qua ſupra . Tan-
to enim ſpatio poterat legiſlator de obſervatione legum ſuarum in-
quire , atque id facere tenebatur ; ideoque intervenit conſenſus legalis ,
etiam dum lex præſcriptione abrogatur . Si tamen legiſlator conſue-
tadini repugnat , eamque nova lege reſcindit ; nullam conſuetudo vim
habet , quia voluntas Principis voluntati populorum eſt præferenda .

His conditionibus explicatis , conſtat non omnem conſuetudi-
nem habere vim abrogandi legem . Si enim ſit conſuetudo adverſus le-
gem naturalem , aut divinam , irrationalis eſt , & caret conditione
priori . E. gratia conſuetudo inferens gravamen Eccleſiæ , & quæ in-
ducitur ad peccandum , & ad propria bona diſſipandum patrimonium ,
ut habetur cap. *Ex parte* , Extra , de conſuetud. Atque idem dicendum
eſt , ſi aliqua ex ceteris conditionibus deſideretur . In quibus explanan-
dis omnes circa conſuetudinem quæſtiones , ut librum tandem abſolve-
remus , curavimus extricare . Abſolutum tibi , benevolentiffime Lector ,
libens propono : iis , qui aliena carpunt & rodunt , non profero : Ec-
cleſiæ primum , tum Theologis & Jurifconſultis ſubjicio : Summo Deo ,
per quem Principes juſta decernunt , dico & conſecro . Ipſi CVLVM ,
Vt Leges IVbent , ſIVDeas exhibere .





DE THEOLOGICIS
DISCIPLINIS
LIBER VICESIMUS PRIMUS

*Qui pertractat de humanis Officiis,
indagatque in genere illorum,
sive salutaria sint, sive
conscelerata, naturam.*



LEGUM, quas natura singulorum animo inscripsit, quas oblivione deletas tabulis lapideis supremus mundi Rector insculpsit, & quas humani Generis Reparator Apostolis tradidit, hi vero per universum terrarum orbem promulgaverunt, unus est finis maximus ac præstantissimus; creaturarum scilicet rationalium mores formare, vitia cohibere, promovere virtutes, agendarum rerum normam, rationemque proponere, improbosque a pravis, flexisque semitis revocare. Ad sublimem hunc, perfectissimumque ~~status~~ diriguntur etiam humana Jura, tam Ecclesiastica, quam Politica: & licet hæc spectare videantur temporale commodum Reipublicæ, Regnorumque mortalium tranquillitatem; in his tamen finis illorum præcipuus minime constituitur: sed, quemadmodum Legumlator sempiternus, hujusque Universi supernus Artifex condidit terram pro filiis hominum, & in gratiam immortalis animi corpus plasnavit de limbo; ita Ecclesiæ Antifites, ita Imperatores, ac Reges, alique humanarum legum Conditores, qui ipsius Dei vices gerunt,

gerunt, atque per illum, ut inquit omnium hominum Sapientiffimus, regnant, & juſta decernunt, res terrenas, corporeasque hominis cauſa moderantur: ut homo ipſe facilius poſſit Creatori ſuo obtemperare, rectiſſimoque ordine militantis Eccleſiæ, ac terreſtris civitatis perfectio regimine, aſſequi celeſtis urbis Jeruſalem, ſanctorumque civium pleniffimam felicitatem. Qui enim ſolam politiam, & conſuetudinem, ſecundum quam vivere unumquemque, & inter homines converſari dect, ſtatutis ſuis nititur confirmare, neque illam referre ſtudet ad ſpiritalem principatum; aut Legumlatoribus, Virisque principibus non eſt accenſendus, quoniam non curat, quod in legibus præcipuum eſt, ut omnia ſint ordinatiſſima: aut ſi placet illum dicere præſcriptorem juris, populique Rectorem, haud nobilior erit principibus Babylonis, ideſt, perturbatæ civitatis, & redactæ in conſuſionem multitudinis. Cum itaque civibus Jeruſalem, non Babylonis unusquiſque noſtrum, percipiat adnumerari; ego autem ſuperiori libro præſcriptiones legum, quantum ſuſcepti Operis patiebantur anguſtiæ, tradiderim, non ut inſtrucrem politicos, ſed ut Auguſtiniſubis diſcipulis inconcuſſa ſancti Parentis dogmata, & probitatis regulas commoſtrarem; æquum eſt, ut abſoluta de Legibus diſſertatione, humanorum officiorum naturam, genera, & canones exponere non prætermittam: quod proximo libro primo ac viceſimo, ſi mihi aderit propitium Numen, non abſque ulla legentium utilitate perſolvam.

C A P U T I.

*Quid ſit humanum officium, de quo peritrandum eſt,
& quo paſſo cum metu, concupiſcentia, & ignorantia
meritum comparetur.*

NON aliud humanorum Officiorum nomine intelligo, quam opera, in quorum exercitatione ſita eſt vitæ honeſtas, vel turpitude, ſive ut in conſuetudine ſermonis habemus, humanus actus. Placuit autem illo potius nomine uti, quod agere dicantur mortua quoque elementa, bruta, & ipſe homo operans abſque deliberatione, & conſilio, ſed perſolvere, aut ſervare officium nemo jure dicetur, qui implenda munera inſpectione, & libertate non ſuſcipit. Neque nova in-
trudendo vocabula, ſed quæ cum Tullio omnes Latini probarunt, cum Ambroſio autem, ceteriſque Patribus Auguſtinus. Eſt itaque humanum officium, *Actio ex deliberata voluntate procedens*: qua, definitione deſcribunt Theologi humanum actum. Qui ut humanus dicatur, ſitque ſub dominio, ac poteſtate rationalis creaturæ requirit motum liberum voluntatis, ideoque deliberationem proſciſcentem

ex advertentia rationis; hoc est, debet esse voluntarius, ac liber.

Et *voluntarium* quidem habet quamdam majorem, quam habeat *liberum*, latitudinem. Nam *voluntarium* dicimus intrinsecum motum voluntatis erga objectum lumine rationis propositum, sive spontaneus sit ille motus, nec possit illum voluntas refugere, qualis est propensio ad bonum in communi, & inflexibilis beatarum mentium erga summum, & incommutabile bonum amor: sive perseveret in voluntate, optionis potestas, & facultas reluctandi, cujusmodi est boni mutabilis delectatio, & ipse amor Dei in tenebrosa hac mortalitate, ubi nondum quid Deus sit mentibus humanis apparuit. Quando autem hæc optio, & reluctandi potestas viget in voluntate, ejus motum non solum voluntarium appellamus, sed etiam liberum: & ideo voluntarium tollit externa vis, & coactio, liberum vero necessitas ineluctabilis, quamquam adjuncta sit plenissima spontaneitati, ac lubentiz. Verum hæc omnia tam aperte explicavi lib. de Divina Scientia cap. 13. Regula v., lib. de Angelis cap. xiii. de primo Homine cap. x. de Hæresi Pelag. cap. pariter decimo, de Hæresi Lutero-Calviniana cap. 2., & 3. & de Janseniana cap. 1. ut certa mihi hæreat animo persuasio, superfluum esse quidquam addere, vel ad percipiendam libertatis naturam, vel ad removendam ab Augustiniana doctrina suspensionem quamlibet Jansenianæ.

Postquam ergo ideam voluntatis, ac libertatis præformavimus, atque dissipare studuimus densam, & circumfluentem caliginem, respondendum breviter variis quæstionibus a Scholasticis in limine hujus Tractatus propositis. Ac primo inquirunt quomodo se habeat ad voluntatem coactio, per quam homo aliquid facit invitus, ut dum trahitur ad carcerem, projicit in tempestatibus merces, atque aggressoribus pecunias tradit, aliaque facit gravi metu coactus. Ad quamquisitionem una est omnium responsio, nunquam voluntatem cogi quoad actus elicitos, propriam scilicet inclinationem, amorem, odium, delectationem; cogi tamen quantum spectat ad actus imperatos, eos scilicet, qui diversis a voluntate facultatibus perficiuntur: cujusmodi sunt cernere, loqui, scribere, ambulare, quæ peraguntur oculi, oris, manus, & pedum ministerio. Quod alibi notatum est, & hac ratione apertissime demonstratur. Ut impossibile est idem esse, & non esse, ita fieri nequit, ut voluntas simul velit, & non velit. Cogi ergo invitæ non potest, alioqui vellet nolendo, & fugiendo diligeret, sive vellet & non vellet, diligeret & non diligeret: quod diximus repugnare. At corporis instrumenta, per quæ conceptam explet inclinationem, possunt optime ab exterioribus causis impediri, vel retardari: ideoque accidit sæpenumero, ut quod cupimus non valeamus complere causis aliquibus adversantibus. Atque hoc est voluntatem, cogi in actibus imperatis, idest plura facere, aut prætermittere, invitam

vitam licet, ac repugnantem. Per quæ priori quæſtioni breviter ſatisfactum eſt.

Affinis eſt altera, an metus gravis efficiat, ut opus quod patratu dici voluntarium non debeat. Cui ſane quæſtioni obvia eſt reſponſio, ſi diſtinguamus duplex voluntarii genus. Aliud quippe eſt quod ita efficaciter volumus illius honeſtate, aut utilitate alleſti, ut nequaquam ad illud omittendum opere animoque inducamur, quarumque rerum circumſtantia accedente. Atque iſtud appellant ſcholæ *voluntarium ſimpliciter*: & locum habet in omnibus, quæ a voluntate eliguntur circumſtantiis ſingulis ſpectatis; ſit in exemplo conſeſſio martyrum Chriſtum etiam laniato corpore profitentium. Voluntarium eſt aliud, quod per ſe quidem voluptatem, & amorem ſui ingenerat, atque voluntas illud lubentiſſime amplecteretur, ſed adverſantibus cauſis majus pondus habentibus deſeritur, ac projicitur. Iſtud vero appellant Scholaſtici *involuntarium ſecundum quid*, abſolute autem ſecundum ſe voluntarium: cujuſmodi eſt in mercatore voluntas projiciendi merces, dum imminet naufragium. Hac vero diſtinctione præmiſſa dicimus in iis, quæ fiunt ex metu haberi duntaxat rationem involuntarii *ſecundum quid*, fieri tamen actionem lubenter, voluntarie, ac libere. Et ratio eſt: quoniam dum homo metu operatur, v. g. projicit merces in mare, aut porrigit aggreſſori crumenam, non operatur abſque advertentia rationis, ſed judicat propriæ vitæ conſervationi cum merces, tum pecunias eſſe poſtponendas; ideoque operatur cum advertentia, & optione: quæ duo ſunt cardines voluntatis, ac libertatis. Quoniam vero tenetur adhuc mercium, & pecuniarum amore, neque illas amitteret in diſcrimine periculoque vitæ minime conſtitutus; hinc eſt, quod invicem conſiſtant amores duo, unus vitæ, alter nummorum, & ille iſtum ſuperat animum diſſipando, ideoque non ſine reſeſtantia, vehementique pugna privat ſe homo bonis ceteris pro vita ſervanda: quod diximus communiter appellari involuntarium *ſecundum quid*. Atque ex his liquet non eo ſenſu metum reddere involuntarium *ſecundum quid*, quaſi reſeſtantia illa, & minor propenſio voluntatis efficiatur a metu, cum oriatur aliunde, ſcilicet ab affectu repugnantæ actioni, ad quam metus impellit: ſed iccirco dicitur induci metu involuntarium *ſecundum quid*, quoniam trahitur voluntas ad illam actionem, a qua proculdubio abſtineret, ſi metus non adeſſet. Nec aliud principium habet metus ipſe, quam amorem boni alicujus, quo affecti metuimus quicquid poteſt nos eodem bono privare.

Pugnat adverſus dicta, quod leges reſcindant contractus, ac vota, quæ fiunt gravi metu impellente: cujuſ rei nulla alia cauſa videtur proferenda, niſi quia carent voluntatis conſenſu. Sed reſpondemus contractibus, qui ad humanam ſocietatem, ac mutuam benevolentiam ſunt inſtituti, hanc a legibus appoſitam conditionem, ut

non

non sola libertate statuuntur, verum etiam careant iis adjunctis, quæ societatem ipsam humanam lædunt, ac scindunt: cuiusmodi est uti minis, ac violentia in celebrandis contractibus. In votis pariter respicit Deus non voluntatem duntaxat, sed voluntatem, libertatemque plenissimam, utpote qui non indiget rerum nostrarum oblatione, sed attendit voluntatis fervorem. Ceterum si metu quantumvis gravi, proxima etiam, ac truculentissimæ mortis, tentaret quispiam nos ad peccatum inducere; si præbeamus assensum, nequaquam dicemur sine culpa peccasse: quod satis est ad probandum ea, quæ metu patrantur, non esse absolute, & simpliciter involuntaria.

Quæstio proxima est de concupiscentia, num ipsa saltem tollat ab humano opere rationem voluntarii. Cui respondendum est negative. Cum enim in voluntario attendi debeat advertentia rationis, & amor, seu propensio voluntatis, atque dum fervet concupiscentia, cupidius mutabilia bona appetantur; consequens est concupiscentia voluntarium non minui, sed augeri, in quantum voluntas fertur ad bona fluxa, & commutabilia, quorum voluptatem ad distinctionem sanctæ delectationis appellamus concupiscentiam. Quod si loquamur de inclinatione voluntatis ad bonum, cui contrahitur infeminata cupiditas, dico concupiscentiam minuire voluntarium, propterea quod læsta, ac pugna cupiditatis animum diverberando, efficit ne bonum prosequatur vehementiori nisu, & caritatis ardore: atque ita concupiscentia extincta, & summo bono apertissime revelato, necessum est ut illi voluntas adhæreat, nulla permanente optione, vel indifferentia libertatis. Quid autem si concupiscentia adeo vehemens sit, & robusta, ut omnem rationem perturbet, nec supernæ gratiæ lumen affulgeat? Foret in eo casu extenuata quidem vis voluntatis in ordine ad bonum, & perturbata sensibilibus rerum permixtione acies mentis; sed perseveraret adhuc liberi arbitrii sub moralis quadam necessitate facultas; quoniam nullum bonum sensibile potest rationalis creaturæ animum insuperabili necessitate compellere.

Proxima est quæstio, an consistat cum ignorantia libertas. Quam breviter resolvantes (nam de ignorantia agendum est specialiter) dicimus, aliam esse ignorantiam invincibilem, aliam vincibilem. Invincibilis ignorantia est illarum rerum, quas aliquis etiam omni adhibita diligentia scire non potest, ut ignorantia mysteriorum fidei in his, quibus nondum annuntiatum est Evangelium. Ignorantia autem vincibilis ea est, quam aliquis superare potest, ut ignorantia nostra de plurimis veritatibus in sacris canonibus, & decretis Romanorum Pontificum expressis. Hæc autem ignorantia, vel est eorum, quæ quis scire tenetur, & potest, negligit tamen illa addiscere, vel etiam affectat ignorantiam, quo liberior peccare possit; vel est ignorantia illarum rerum, quas potest quidem aliquis scire, sed nullatenus scire tenetur.

netur . Verſatur autem omnis ignorantia , vel circa jus , vel circa factum . Dicitur ignorantia juris , quæ circa legem verſatur , ut ſi ignoret aliquis hunc contractum eſſe illicitum , hunc conſanguinitatis gradum dirimere matrimonium . Ignorantia facti ea eſt , qua ſciens legem ignorat num opus , quod exercet , ſit ejusdem legis ſubſtratum : ut Abimelech ſciens tangendam non eſſe alienam uxorem concupivit Saram , quam ignorabat nuptam Abrahamo , & Jacob ſciens non eſſe comprimendam virginem , niſi connubium præceſſerit , dormivit cum Lia , quam opinabatur eſſe deſponſatam ſibi Rachelem .

His itaque conſtitutis , dicimus ignorantiam invincibilem , ſive juris ſit , ſive facti , excludere penitus voluntarium , ac liberum , ideoque & actuale peccatum , quod nullum profeſſo eſt , niſi ab eo liberum ſit abſtinere , ut multis argumentis avvicimus de H. Calviniana , cap. 2. , & 3. ſolutis iis , quæ ex adverſo obſeſtant heterodoxi . Tolli autem per ignorantiam invincibilem voluntarium conſtat ex allata ſuperius voluntarii definitione . Ac propterea rectiſſime damnata fuerunt illa aſſerta : *Infidelitas negativa in iis , quibus Chriſtus nos eſt prædicatus , peccatum eſt : & , Tametsi detur ignorantia invincibilis juris naturæ , hæc in ſtatu naturæ lapſæ operantem ex ipſa non excuſat a peccato formali* . Ignorantia autem vincibilis , ſi ob ſolam negligentiam , ea quiſpiam labore , quam ignorantiam *Græſſam* dicimus ſermonis uſu , minuit quidem voluntarium , & qui ex tali ignorantia operatur , *caput labit paucis* , ut habetur in Evang. Lucæ xii. 48. ſed cum volita ſit indireſte , eo quod ignorans , ut neceſſaria ſciret , diligentiam debitam non adhibuit , non efficit , quin opus ex tali ignorantia patratum cenſendum ſit liberum , ac voluntarium . At ſi quis magis amat laborare ignorantia , ut peccare poſſit liberius , quemadmodum ille , de quo ſcriptum eſt : *Noluit intelligere , ut bene ageret* ; adaugetur in eo ratio voluntarii , & peccati ; quoniam , ut ſcribit Doct̃or Angelicus 1.2. q.76. art. 4. *Vult ſubire ignorantie damnum propter libertatem peccandi* .

Vidimus hætenus quid ſit humanum Officium , & quando ſit cum voluntate , ac libertate conjunctum . Reſtat ut breviter dicamus de bonitate , ac malitia humanis officiis inſita . Nihil aliud ea eſt , quam cum recta ratione , & immutabili lege veritatis , & æquitatis omnium animis indita , ipſoque divino lumine creaturæ rationali affluente , convenientia , vel diſſonantia . Quicquid ergo regulæ illi conſentaneum eſt , in genere morum eſt optimum ; quicquid a regulâ illâ deſectit , malum , ac indirectum . Explicavi hæc omnia lib. xvi. i. i. idẽſt in Comment. ad Epigrammata Proſperi cap. 111. Qualem vero ordinem regulâ illâ præſcribat , dixi ſuperiori libro de legibus cap. iv. ex quo etiam capite , aliſque locis diſſertationum noſtrarum plurimis faciliſſimum erit percipere ſummum , atque incommutabile bonum illud eſſe , ad quod omne opus creaturæ rationalis eſt dirigendum , reſiqua creata bona

bona nonnisi illius gratiâ esse expetenda. Atque ex his infertur nullum alium finem admittendum esse humanorum officiorum ultimum ac principem, præter Deum summum bonum; cetera media esse, quibus fas est pro illius consecutione uti, non autem frui. Quæ omnia satis explicata me impulerunt, ut quæ Theologi alii disputant stylo ampliori de voluntario, de libero, de moralitate, ac fine actuum humanorum, nunc ego ceterarum lucubrationum mearum synopsis ob oculos lectoris ponerem: quod capite hoc primo complevi.

C A P U T II.

An detur humanum aliquod opus indifferens, expers scilicet tam nequitiae, quam probitatis.

QUAESTIO instituitur de operibus cum deliberatione ac libertate patratís: nam indeliberatis, ac necessariis nullam meriti, laudisquæ ineffe rationem, quemadmodum nec vituperii, atque malitiæ, satis liquet ex disputatis. Est autem omne opus deliberatum cum fine, operantis conjunctum, atque ad objectum aliquod cum advertentia directum: atque hinc, ex objecto scilicet, ac fine suam desumit bonitatem, sive malitiam. Nam quod docet Schola humanorum officiorum qualitatem petendam esse ab objecto verum est, scribente Augustino Epist. 155. *Mores nostri, non ex eo quod quisque novit, sed ex eo, quod quisque diligit, judicari solent*; atque omnibus fatentibus rationi esse conforme Deum colere, atque diligere, dissonum vero amare turpe lucrum, & illicitam voluptatem. Sed fieri tamen potest, ut operemur erga objectum honestum, & dilectione dignum, & tamen pravus finis vitiet opera, ut si largiamur eleemosynam ad inanem gloriam captandam, aut Deo præstemus obsequium pro temporalibus bonis unice comparandis. Quamquam contingere nunquam potest, ut si objectum malum sit ac prohibitum, operationem rectus finis honeffet: propterea fert commune proloquium oriri malum ex quocunque defectu. Quare non a solo objecto pensanda est humani officii natura, sed etiam a circumstantiis reliquis, & præsertim a fine, quo allicimur, ac movemur, sive ne penitus abiciamus orationem scholasticam, & tendentia in objectum. Hinc dictum alibi cum Augustino, non externo officio, sed fine, vitium, ac virtutem discerni: quod est in hac præsertim quaestione attendendum.

Si ergo humanum aliquod opus consideretur comparate duntaxat ad objectum, conveniant omnes, plura esse humana officia suapte natura indifferencia, ut ambulare, levare festucam, ludere pila, aut latrunculis, aliaque facere nullis legibus vetita: atque schola appellat hæc

hæc opera indifferentia ſpecie . At ſi humana actio conſideretur *in individuo*, nimirum, ut hic, & nunc ponitur, tali fine, ac tali rerum circumſtantia, probabilior eſt ſententia Thomiſtarum, ac omnium Noſtratum ſemper actionem illam eſſe in genere morum rectam, aut pravam.

Plura diſſerui præcedenti libro xviii. cap. 3. de operibus moraliter bonis, unde pendet hujus quæſtionis ſolutio. Dixi defendere complures, quod teneamur referre in Deum actiones omnes deliberatas, quorum ſententia proximis argumentis fulcitur. I. Eſt præceptum (inquiunt) caritatis, ut diligamus Deum ex toto corde: quæ dilectio nequaquam haberi poteſt, niſi referamus in Deum *omnes cogitationes, omnem vitam, & omnem intellectum*, juxta doctrinam Auguſtini lib. 1. de doctrina Chriſtiana cap. 22. Cui argumento ſi respondeas præceptum diligendi Deum, cum ſit affirmativum, non ſemper obſtringere, inquiunt illius ſententiæ Patroni verum id quidem eſſe, ſed cavendum, tamen dum actu opera deliberata exercemus, ne in re creata ſiſtat animus, ac fruatur bono aliquo commutabili: quod ſane foret ordinem pervertere dilectionis. At niſi referas actiones deliberatas in ſummum bonum, hæres animo bonis commutabilibus, ordine ſanctæ dilectionis turpiter permutato. II. Proferunt teſtimonium Pauli 1. ad Corinth. x. 31. *Sive manducatis, ſive bibitis, ſive aliud quid facitis, omnia in gloriam Dei facite. Quod ſi dixeris conſilium eſſe non præceptum*; reponent eadem ratione præceptum eſſe ne fruamur creaturis, quibus uti debemus; iis neminem bene uti abſque amore Creatoris, ut docet S. Pater lib. iv. contra Julianum cap. 3. Cum ergo non conſilium, ſed præceptum ſit ordine dilectionis frui ſolo incommutabili bono, eſt etiam præceptum non conſilium, ut omnia fiant in caritate, ſive cum relatione in Deum. III. Producent teſtimonia Patrum innumera, ac præſertim Auguſtini ſcribentis loco nuper laudato: *Quicquid boni ab homine, & non propter hoc fit, propter quod fieri debere vera ſapientia præcipit, eſſi officio videatur bonum, ipſo non reſto ſine peccatum eſt*. Similia docent Ambroſius ſerm. in Malach. Bernardus Tract. de caritate cap. 1. Baſilius Magnus libro regularum reſponſione 5., & S. Thomas, qui de caritate art. 2. ad 3. ait: *Virtualiter omnia referre in Deum, cadit ſub præcepto caritatis, cum hoc nihil aliud ſit, quam habere Deum ultimum finem*. IV. Afferunt argumenta plura omnia tamen hoc fundamento ſtabilita, quod homo creatus ad imaginem Dei nequeat in aliquo creato bono finem ultimum conſtituere: habeatque rationem finis ultimi quicquid ſaltem virtualiter in alterum non refertur. Quod ſi plura de hac ſententia cupias legere, adito Vanroy Tom. 1. Theologiæ moralis, Tract. 2. cap. 1. Aurelium Piette Tom. 2. quæſt. 1. Antonium Guerrero Tom. 1. Tract. v. §. 2. Gavardi Tom. iv. q. 5. Nicolaum L'Herminier Tom. v. pag. 361. Nat. Alexandrum lib. 3. de peccatis Regula lvii. &c.

To IV.

Bb

Eft

Est tamen plurimorum apud Suarezium lib. 1. de Grat. cap. 6. op-
posita præcedenti sententia, quod omnia opera in Deum minime te-
neamur referre: eamque his communiunt argumentationibus. I. Cum
absque fide, & caritate impossibile sit in Deum opera deliberata
referre, si absque tali relatione vitiosa forent atque perversa, sequere-
tur veram esse, & immerito damnatam illam propositionem Baji: *Om-
nia opera infidelium sunt peccata*, & alteram Quenelli: *Sola caritas
Christianis modo facis actiones Christianas per relationem ad Deum, &
Iesum Christum*. Quam tamen argumentationem facile elides respon-
dendo dari cum in infidelibus, tum in peccatoribus opera indeliberata,
quæ earent omni vitio & peccato, necnon plura, quæ non sine gratia
etiam ab infidelibus fiunt, & multa pariter facta a peccatore cum sola
gratia actuali, & absque gratia sanctificante: quæ si fatearis, nullam
pertimesces ex Ecclesiasticis censuris latis in eos, qui etiam in motibus
indeliberatis ac necessariis nequitie & culpæ labem excogitarunt, ne-
que ullam gratiam admiserunt vel ante habitum fidei, vel ante remis-
sionem peccatorum: quæ Baji, & Quenelli dogmata sunt capitalia,
nullatenus præcedentis doctrinæ consuetanea: quod alibi demonstratum
est. II. Stant pro hac secunda sententia etiam Augustini aliorumque
Sanctorum testimonia. Nam S. Pater lib. de Bono Conjugali cap. 6. ait:
Conjugalis concubitus generandi gratia non habet culpam. Serm. 159.
*Delectat gustum cibis non prohibitis; delectant gustum etiam epula
sacilegorum sacrificiorum: istud licite, istud illicite. Videtis ergo
carissimi etiam in istis corporis sensibus licitas esse, & illicitas de-
lectationes*. Sed respondent Nostrates, permitti ab Augustino volupta-
tem, atque delectationem, quæ cibo, potu, aliisque sensuum acti-
bus percipitur, in quantum concomitans est, & actus ipsos consequi-
tur: non autem affirmari, quod fas sit illius delectationis causa ope-
rari, ita ut in voluptate tanquam in fine sistat ipsorum actuum exerci-
tatio. Etenim Augustinus Tract. 2. in 1. Joannis Epistolam apertissime
allata loca exponit, suamque mentem manifestat, scribens: *Quan-
do dicitur, Nolite ista diligere, hoc dicitur, ut non manducetis, aut
non bibatis? Non hoc dicitur: sed sit modus propter Creatorem, ut non
eos illicite ista dilectione, ne ad fruendum hoc ametis, quod ad uten-
dum habere debetis*. Cohærenter ad hanc Augustini doctrinam proscrip-
ta fuit ab Innocentio XI. ea propositio: *Comedere & bibere usque
ad satietatem ob solam voluptatem non est peccatum, modo non obis-
tendi, quia licite potest appetitus naturalis suis actibus frui*. III. Ha-
bent præterea hujus sententiæ defensores suas, & ipsi ratiocinationes.
Quarum prima est præceptum referendi omnia in Deum opera esse af-
firmativum, ideoque non semper obstringere operantem. Proxima
est, quod impossibile sit tanta in hominibus attentio, ut quicquid ef-
ficiunt, referant in Dei gloriam. Tertia, quod nimium est arduum
existi-

exiſtimare quod prava ſint , quæ ſunt motivo honeſtatis , puta eleemoſynam pauperi diſtributam ex commiſerationis affectu . Verum & his occurrunt reponendo præceptum illud , eſſi non obliget ſemper , obſtringere in hypotheſi , quod homo operetur deliberate , atque ex conſilio , cum nullum alium ſinem ultimum poſſit ſibi præſigere præter bonum incommutabile : non eſſe impoſſibile omnia in Dei gloriam referre virtualiter , tametſi arduum eſt id ſemper actualiter præſtare ; difficultatem , ſi qua eſt , ipſa caritate complanari ; ac tantam eſſe infirmitatem naturæ humanæ , ut ſine gratiæ adjutorio non valeat incommutabilem naturam vitare . Ad ultimum inquirunt magis movere , atque honeſtatis patratum in ſe , & officio ipſo ſpectato , bonum eſſe , & rationi conſentaneum , ſed defectum eſſe in ſine operantis , qui illud ad debitum ſinem non refert .

His præſidiis poteris priorem illam Auguſtinenſium ſententiam ſarctam teſtamque tenere , aut , ſi mavis , amplecti poſtremam . Memineris tamen me elegiſſe mediam viam , de qua plura memorato capite , tertio libri xv : 11 . Dixi omnium menti inefſe regulam quamdam incommutabilem æquitatis , ſed hominem lapſum magis movere , atque ad agendum trahere imagines rerum ſenſibilem , & inſeminatam peccato primi hominis noxiam cupiditatem : ad hanc comprimendam divinitus nobis inſpirari gratiam ſanctæ delectationis . Ad propoſitam ergo quæſtionem ex hac mea opinione conſequens habetur reſpoſum . Vel humanus actus dirigitur per caritatem , & gratiam ſanctæ delectationis in Deum , & eſt bonus undequaque : vel per ideam illam incommutabilis æquitatis rectæ rationi deprehenditur convenire , & eſt bonus moraliter : vel peragitur ob inanem gloriam , & eſt inflatum typho ſuperbiæ ; vel propter res ſenſibiles , & creatas , & cupiditate marceſcit . Igitur in individuo nullus datur humanus actus indiſferens . Addo quod niſi adſit caritas , per quam referatur in Deum , in praxi operans non operabitur propter æquitatem , cujus habet ideam ingentam , ſed aut ſibi placens , aut fruens bonis incommutabilibus , & ideo opus erit pravam , atque perverſum . Atque hæc aſſertio ex præſcitato capite ſua veluti ſponte dimanat . Neque ab Auguſtino aliena eſt , qui libro 2 . de peccatorum meritis cap. 18 . docet non poſſe in medio quodam humanam voluntatem conſiſtere , *Ut nec bona ſit , nec mala* ; & in libro de utilitate credendi cap. 12 . ait : *Omne factum ſi recte factum non eſt , peccatum non eſt ; nec recte factum nullo modo eſſe poteſt , quod non a recta ratione proficiſcitur* . Hinc Vaſqueſius , pugnet licet pro ſententia contraria , fatetur nihilominus 3 . p . diſp . 25 . cap. 6 . S . P . Auguſtinum nullum indiſferentem actum admittere .

Obijciunt Adverſarii 1 . locum Hieronymi ex Epistoſa 89 . inter Auguſtinianas xi . vel lxxv . *Bonum eſt continentia , malum eſt luxuria . Inter utrumque indiſferens ambulare , digere alvi ſtercora , capi-*

tis naribus purgamenta projicere, sputis rubeis ita jacere. Hoc nec bonum, nec malum est. Sive enim feceris, sive non feceris, nec justitiam habebis, nec injustitiam. Respondetur Hieronymum loqui de operibus consideratis in specie, sive spectato duntaxat eorum objecto, non autem in individuo, prout hic, & nunc exercentur, & quatenus cum intentione, ac fine operantis sunt conjuncta. Hoc autem pacto nemo denegat esse indifferentia; cum versentur circa objectum, quod nec prohibitum est, nec præceptum. Nemo pariter affirmat exercitamento illorum operum justitiam comparari, vel injustitiam, cum hæc duo non opere, atque officio pensentur, sed fine, qui in operante est, non in opere. Hanc esse mentem Hieronymi constat ex verbis nuper recitatis, atque ex ipso Epistolæ argumento. Ait enim principio *bonam esse continentiam*, in se utique spectatam, & ratione objecti: nam si continens sis avaritiæ gratia, aut phylautia quadam, & inani jactantia, quis dubitat continentiam tuam non esse bonam, atque vinci a te vitium vitio? Addit posthac indifferentem esse *ambulare, sputa jacere, naribus purgamenta projicere*, quæ si præstes, ut amasiam videas, hostem contemnas, procum accerfas, quis negat a te indifferentem opus vitari? Ergo Hieronymus in operibus, quæ indifferentia appellat, officium spectat, non finem. Idque ut probet observationem legalium non esse natura sua indifferentem, ut potuerit ab Apostolis pro temporum opportunitate exercere, vel prætermitti, sed malam fuisse, ac prohibitam, ideoque non sincere, sed quadam dispensatione usurpata. Quæ in re non solum Hieronymus fatetur finem operum esse attendendum, sed etiam tenet reprobata ab Augustino sententiam, in observatione legalium mala per se ac prohibita magnam apparere, ac novam clementiam Apostoli, dum *Judeos Christianos volens facere, ipse Judæus factus est*. Ea propter Hieronymus plus, quam dicamus nos, dicit: quoniam arbitratur opus in specie malum, esse bonum in individuo, & provide ab Apostolis servata legalia, & simulata præcepta, etiamsi existimet legalia ipsa mortifera. Sed cavendum est, ut S. P. Augustinus respondet Hieronymo Ep. xix. nunc lxxxii., *ne sicut Philosophi quadam facta hominum media dicamus inter recte factum, & peccatum, quæ neque in recte factis, neque in peccatis numerentur, spectans in individuo opera, quæ Hieronymus dixerat in specie tantum indifferentia.*

Deinde objiciunt Adversarii, quod loqui, ambulare, ludere ob solum libertatis exercitium non sit opus bonum, neque malum: non bonum, ut per se patet; non malum, quoniam ad pravam finem nequaquam refertur. At constat ex dictis responsio: hi enim, & consimiles actus sunt secundum se indifferentes, in individuo autem, & spectato fine operantis, omni malitia non carent, non quia ex fine pravo ponantur, sed quia recto fine destituuntur. Et revera Matthæi xii.

36, legitur : *Dico autem vobis, quoniam omne verbum otioſum, quod locuti fuerint homines, reddent rationem de eo in die iudicii.* Porro, ut animadvertit Gonet Tract. de Moral. Act. Hum. diſp. 5., actio non dicitur otioſa, quod ad finem malum ordinata ſit, ſed quod careat fine debito : & conſequenter loqui, ambulare, ludere exercitationis cauſa, quamvis turpitudinem finis non habeant, otioſa ſunt & inania, quia carent fine debito ac recto. Atque hinc depromit huius aſſerti rationem validiſſimam magnus Thomas Aquinas ſcribens 1. 2. q. 18. art. 9. *Sed contra eſt, quod Gregorius dicit in quadam Homilia, Otioſum verbum eſt, quod utilitate reſtitutionis, aut ratione juſta neceſſitatis, aut pia utilitatis caret. Sed verbum otioſum eſt malum, quia de eo reddent homines rationem in die iudicii, ut dicitur Matth. xii. Si autem non caret ratione juſta neceſſitatis, aut pia utilitatis eſt bonum. Pari ergo ratione & quilibet alius actus vel eſt bonus, vel malus. Nullus ergo individualis actus eſt indifferens.* Haecenus S. Thomas. Ex Angelico autem Praeceptore inferitur neceſſariam non eſſe ſupernaturalem caritatem ut opus humanum non ſit perverſum ac malum ; ſed ſufficere, ſi ponatur ex fine juſtae neceſſitatis ac pie utilitatis, qui finis conformis ſit rectae rationi, & idem ac regulae aequitatis incommutabilis : quamquam in praxi perdifficile eſt ita hanc regulam tenere, ut non praevaleant rationi ſenſuum illecebrae, quando iſtas Gratia Dei non coercet.

Tertio obijciunt, damnatum eſſe a Concilio Conſtantiensi articulum Joannis Hus : *Quod nulla ſint opera indifferentia.* Sed legendus integer articulus ad hunc modum ſe habens : *Quod nulla ſint opera indifferentia, ſed haec ſit diviſio immediata humanorum operum, quod ſint vel virtuoſa, vel vitioſa. Quia ſi homo eſt vitioſus, & agit quicquam, tunc agit vitioſe ; & ſi eſt virtuoſus & agit quicquam, tunc agit virtuoſe ; quia ſicut peccatum inſicit univerſaliter omnes actus hominis vitioſi ; ſic virtus vivificat omnes actus virtuoſi.* Itaque articulus iſte non agit de indifferentia operum ſecundum ſe, ſed comparate ad juſtum vel impium, quos Joannes Uſ aſſerebat neceſſario bene vel male operari ; bene ſi gratia ſanctificante ſint exornati, male ſi coinquinati ſint culpa. Quod haereticum eſt aſſerere ; nam nec ſemper Juſtus operatur ex caritate, nec ſemper impius ex cupiditate ; non enim ſemper in corde peccatorum regnat carnalis cupiditas, neque omnes actiones corrumpit ; ut demonſtravimus alio in loco adverſus Quenellum ac Bajum, quorum perverſa dogmata magnam habent cum Huſſitiſ affinitatem.

Opponunt denique praecipuum omnia referendi in Deum, ſive in finem ultimum eſſe affirmativum, nec ſemper obligans : nullam dari ſpeciem abſque individuo, ideoque ſi dantur actus ſecundum ſpeciem indifferentes, admitti quoque debent in individuo ; poſtremo dari omiſſionem indifferentem, E. G. non audire ſacrum die ſeriali, & conſequen-

sequenter etiam actum. Sed hæc non moror. Nam de primo argumento dictum supra servandum esse præceptum illud quotiescumque deliberare operemur; imo sententia nostra sufficere, si opus a regula incommutabili, quæ Deus ipse est, non desectat. Ad alterum dicimus in individuo determinatum esse certis circumstantiis, quod in specie est indifferens; & argumentationem tenuissimam retorquemus. Atque ad ultimum respondemus, omissionem, de qua supra, in se spectatam, indifferentem utique esse, quia nullum præceptum transgreditur: sed confiteratam in deliberatione non audientis sacrum vel a recto fine honestari, vel infici a pravo.

C A P U T III.

Nam Actus exterior addat interiori bonitatem aliquam, vel malitiam.

PERTRACTATA a veteribus Scholasticis cum Magistro in 2. Sent. dist. 42. illa quæstio, *An voluntas, & actio mala in eodem homine, & circa eandem rem sint unum peccatum, vel plura*, sensum patitur multiplicem: quem si scite distinguas, plenissimam hujus dubitationis consequeris intelligentiam. Vel enim inquiritur, sit ne exterior operatio peccatum: vel num peccatum operationis externum sit numero diversum a pravo desiderio illud perpetrandi: vel denique, an, dum reapse committitur, quamdam induat malitiam vel turpitudinem, qua carebat præconceptum, & adhuc latitans in voluntate. Atque idem per antithesim de recta intentione, & consequente bono opere inquiritur.

Externam itaque operationem divina lege prohibitam, ut furtum, homicidium, fornicationem, crimen esse, atque externum opus divinis mandatis præceptum, ut Dei cultum, observantiam festorum, honoremque parentibus exhibitum, habere ex ipso officio laudis decorisque splendorem, non est in disputationem trahendum. Nam peccatum illud est, quod legi adversatur æternæ; & opus virtutis, quod ipsa lege præscribitur. At plures externas actiones prohiberi, ac præcipi plures alias, non est qui compertum non habeat, atque exploratum. Perspicuum est ergo dari cum externa peccata, tum pariter externa virtutum officia.

Actus istiusmodi externos reddere bonum, aut malum opus magis *extensive*, atque illud quasi explicare, res per se loquitur. In actuali enim opere peccatum ex intimo corde foras ministerio sensuum erumpit, veluti dum mortuum cadaver e domo effertur ad tumulum. Quare externum opus etiam diuturnioris voluntatis indicium est, & animi.

animi pravitatem vel reſtitutionem demonſtrat eſſe amplio- rem . Et qui- dem retrahente ſe animo quieſcunt corporei motus , veluti inferiores rotæ , dum prima conſiſtit , neque dari poteſt externum liberum opus , ſi repugnet voluntas . At fieri tamen poteſt , ut animi intentio , ſive improba ſit , ſive recta , vigeat ac perſeveret , etiamſi opus non perſiciatur exterius , cohibente illud cauſſa aliqua ab intima voluntate ani- moque diverſa . Hoc paſto qui exardeſcit concupiſcentia oculorum , jam *mæchatus eſt* , ut habetur in Evangelio Matth. v. 28. & cum poſſit voluntas ab opere ſeparari , & ad opus procedere ; multiplicata ſunt præcepta , E. G. *Non furtum facies* , & , *Non concupiſcis rem alienam* : in quorum uno prohibetur opus , quod voluntate mala peragi- tur ; in altero damnatur ipſa mala voluntas . Ex quibus inferitur mali- tiam , quæ deprehenditur in furto , eſſe amplificationem quamdam pra- vitatis præexiſtentis in animo ſuris ; & quaſi progressionem concepti partus ex utero ad lucem : nec eſſe diverſum omnino peccatum quod uno , & peccatum quod altero præcepto eſt prohibitum ; quemadmo- dum idem eſt quod concipitur , & quod naſcitur , idem cadaver latens domi , & funere elatum , idem quod facere cupio , & quod facio . At- que hæc aperte dirimunt poſitam ſecundo loco dubitationem .

Videndum ergo ſupereſt , an hæc major explicatio peccati , quem- admodum certiffimum eſt argumentum diuturnioris malitiæ , animique in malo perſeverantis ; ita peccatum ipſum adaugeat , adeo ut plus habeat meriti , vel dedecoris operatio cum interno affectu conjuncta , quam ipſe intimus affectus abſque operis executione .

PROPOSITIO : Externum opus nihil per ſe addit decoris , aut tur- pitudinis interiori voluntati in rem honeſtam , iniquamve deliberate , vergenti : nec penſatur apud Deum ex officio , ſed ex animo præmii di- gnitas , vel ſupplicii .

Demonſtratur autem : Si externum opus bonitatem , aut mali- tiam ſuperadderet actui voluntatis interiori , non eandem promere- retur retributionem , aut pœnam , qui habet æque efficaciæ volunta- tem opus rectum , perverſumve patrandi , ſed vel viribus deſtitutus eſt , vel occaſionem nequit nanciſci , vel externis adminiculis caret ; ac debeatur ei , qui poteſtate , ceteriſque adjumentis præditus opus in- tentum exequitur . At Scripturarum ſanctarum oraculis , teſtimoniis ſanctorum Patrum , aliorum Scriptorum ſententiis , necnon humanæ rationis lumine conſtat eandem ab utroque referendam eſſe mercedem , vel pœnam . Operis ergo exterioris impendium nullam per ſe facit boni- tatis , aut malitiæ acceſſionem . Minorem ſ. ſacræ literæ comprobant . Abrahamo enim propter ſinceram animi voluntatem , ac ſi actu immo- laſſet filium , a Domino dictum eſt Gen. xxii. 16. *Quia feciſti hæc rem , & non peperciſti unigenito filio tuo propter me* : quæ verba expendens Chryſoſtomus hom. 47. in Geneſim , *Quantum ad voluntatem attinet* , inquit ,

inquit, *eruentaverat dexteram Patriarcha, & per cervicem pueri immiserat gladium, perfectumque obtulerat sacrificium: & ideo Dominus, quasi sacrificio re ipsa consummato laudat iustum*. De muliere etiam paupercula, quæ in Gazophylacium, sive ærarium Ecclesiasticum, miserat duo tantum æra minuta, ait Dominus Lucæ xxi. 30. *Vidua hæc pauper plus quam omnes misit*, magis animum profecto penitens, quam censum. Petrus pariter posteaquam retia, tenuissimumque patrimonium reliquerat, quasi dimissis prediis multis, amplissimisque divitiis, inquit Matth. xix. 27. *Ecce nos reliquimus omnia*. Apostolus quoque Paulus in 2. ad Corinth. cap. vii. 12. ait: *Si enim voluntas prompta est, secundum id quod habet accepta est, non secundum id, quod non habet*; demonstrans nullam Deo acceptam esse oblationem, quæ ex corde non sit, neque aliam promereri mercedem præter eam, quam postulat æqui rectique animi intentio. Atque idem de malis operibus asserendum est. Etenim, ut paullo supra dicebam, si quis mulierem adspiciens intemperanter concupiscentiæ illius animum mancipaverit, jam ex Dominica apud Mat. cap. v. sententia, *Mæbatus est eam in corde suo*. Et Iacobus cap. i. 15. solam concupiscentiam esse quasi matrem peccati declarat, scribens: *Concupiscentia cum conceperit, parit peccatum*. Opus itaque externum a nobis supra comparatum concepti partus nativitati trahit a proposito pravæ intentionis, veluti a materno utero, quidquid habet fœditatis, atque dedecoris.

Hanc esse sanctorum Patrum sententiam liquet ex productis verbis Chrysostomi. Augustini autem perspicua sunt, quæ habentur lib. 1. de lib. arbit. cap. 3. *Si cui non contingat facultas concubendi cum conjuge aliena, planum tamen aliquo modo sit eum cupere, & si potestas detur esse futurum, non minus reus est, quam si in ipso factio deprehenderetur*. Et in serm. xvi. 11. alias 220. de temp. *Si forte (inquit) conversus ad Deum statim morieris, opera tua nulla inveniuntur in illo thesauro? Plane ibi invenies opera tua, quia scriptum est, Pax in terra hominibus bonæ voluntatis. Deus non annotat facultatem, sed coronat voluntatem. Scit quia voluisti, & non potuisti, sic se annotat quasi feceris, quod voluisti*. Et in Epist. ad Deogratias xlix., nunc cii. q. 4. probat solum voluntatis affectum esse omnium factorum, meritorumque mensuram, quoniam *ex qualitatibus voluntatum, non ex temporum spatiis, sive recte facta, sive peccata metimur. Alioquin majus peccatum haberetur arborem deficere, quam hominem occidere: illud enim fit longa mora, iñibus multis, hoc uno iñu, brevissimo tempore*. Ex quo loco peracutas argumentationes depromit Ariminenfis in 2. sent. dist. 42., & 43. concl. vii. S. martyr Cyprianus in Epist. ad Lucium scribit dilata martyria non minuere *meritum confessionis*. Bernardus Epist. lxxxvii. docet voluntatem reputari pro facto, ubi factum excludit necessitas. Idem præcedentibus Ecclesiæ sæculis

culis tradiderant Aetor *Quæst.* ad Orthodoxos, Tertullianus de Pœnitentia, aliique permulti.

Perceperunt vero manifestam hanc veritatem Scriptores alii, sive literis sacris imbuti, sive naturali tantum Philosophia. Differens quippe Philo Judæus de lege Moysis, ait: *Par judicari crimen hoc aliquem egisse, ut occideret, & occidisse.* Seneca, *Latro est (inquit) etiam antequam inquinet manus. Exercetur atque aperitur opere nequitia, non incipit.* Ex Aristophane desumptum est Græcorum illud effatum, *Δυνάται γὰρ ἴσθαι τὸν δῖον τὸ κακόν*, quod latine sonat, *Par est facere, & voluisse malum.* Juvenalis post Herodotum narrat de Glauco Historiam cum illo Epiphonemate,

Has patitur pœnas peccandi sola voluntas.

Et jure meritoque. Externa enim operatio in tantum contaminatur, & redditur flagitiosa, in quantum procedit a libera voluntate. Homicidium quippe per industriam, insidiisque patratum ob pertinaciam inveterati odii gravius est, quam si a rixantibus fiat, ut colligitur ex cap. 21. Exodi. Si telum manu effugiat, vix reputatur in culpam; si autem penitus involuntarium sit, nulla dignum est animadversione. Quod si animo obversetur, & adeo hominem odio habeas, ut facta potestatem illud morte afficeret; jam censendus eris homicida, juxta Joannis sententiam 1. Epist. 111. 15. Ipsa ergo cædes, & alienæ vitæ violatio gravior est duntaxat ob intimam, & corde conceptam acerbitatem. Insuper si duo in occisionem alterius conspirantes consimili odio tabescant, unus autem robustior pluribus vulneribus hostem confodiat, alius debiliior viribus plagas inurat leviores; si uterque ense aggrediatur inimicum, etiam si is unius ictu de medio tollatur, declinato, aut forte fracto pugione alterius, eadem punitione plectendi sunt, quamvis in externo opere se gesserint inæqualiter. Præterea, ut ratiocinatur Hugo lib. 21. de Sacram. p. 14., ubi plus datur, & ubi minus, differens meritum non est, si æqualis voluntas habeatur: & ubi aliquid datur, & ubi nihil datur, differens meritum esse non potest, si æqualis sit utriusque voluntas, ideoque totum meritum in voluntate est. Tandem ne apologum prætermittam, de quo legendus S. Pater in Pf. xc 111. lupus tantum cupiens nocere, quantum leo, perterritus canum latratu fugit ab ovium caula, dum leo animosior neque canum rabiem pertimescens agnum unum carpit, & dilaniat: & nihilominus *nunquid lupus innocentior remeavit?* Itaque exterior actio per se peccatum, aut meritum non adauget: & a sola voluntate pensandam esse operum qualitatem moralem commonstrat divina Scriptura, docent Patres, affirmant Scriptores alii, & ratio evincit humana; quod erat demonstrandum.

Animadvertas tamen consulto fuisse a me appositam particulam *Per se*, cum *per accidens* externa actio sit proculdubio nequitia: sceleris-
Tb. IV.

C c

que

que augmentum. Nam primum apparet, ut diximus, in opere interior animi pravitas diuturnior, & perseverans. Deinde actionis exercitamento magis præconcepta delectatio titillat, inhiatque animus, dum explet, quod concupierat, fluxis voluptatibus vehementius. Quare Hugo Victorinus loco citato, objicienti cur post voluntatem opus requiratur, si per ipsum nihil additur meriti; respondet requiri, *Ut opere voluntas augeatur: tale etenim est cor hominis, ut opere suo amplius inardescat, sive ad bonitatem amandam, si rectum, sive ad malitiam, si prævum est.* Et addit: *Si forte contigeris tantam esse voluntatem in eo, qui non operatur, quanta est in illo, qui opus exercet, ubi voluntas eadem est, meritum dissimile esse non potest.* Aperta tamen ratio suadet, cur bona opera, dum possumus, actu peragere teneamur, nec sufficiat semper intentio: quoniam, scilicet, voluntas non est efficax, si non operetur, dum potest. Postremo oriuntur ex bono opere commoda plurima, maxime ædificatio proximorum, & mutua necessitudinis vinculum: quemadmodum pariunt ex adverso operationes nequitie subversionem, scandalum, aliaque detrimenta.

OBJECTORUM RESOLUTIO.

Ad revincendam thesim superiorem proferri possunt quædam ab auctoritate, & a ratione argumenta. Quæ petuntur ab auctoritate, sunt. I. Concilium Neocæsariense mandat, ut Deo gratiæ agantur, si peccandi cupiditatem foventibus subtraxerit occasionem. II. Augustinus in 3. de Trinit. cap. 5. ait: *Miser est, qui malum vult, sed miserior, qui malam voluntatem adimplet.* Et Tract. LVIII. in Ioan. de lotionem pedum inquit; *Multo autem est melius, & sine controversia, verius, ut etiam manibus fiat, nec dedignetur, quod fecit Christus, facere Christianus.* Ubi opus externum magis deprædicat, & commendat, quam solam eorum voluntatem, qui recipientes hospitio Sanctorum pedes non lavant, tametsi quod manu non faciunt, corde faciant. III. Inter errores Petri Abaelardi proscriptus est tertius decimus: *Nos vero dicimus, quod sola voluntas a Deo æternaliter remuneretur, sive ad bonum, sive ad malum; nec propter opera pejor, vel melior efficitur homo, nisi forte dum operatur in aliquo, voluntas ejus augmentatur.* Videtur autem hic articulus in positionem nostram per omnia collineare. IV. Ecclesia percutientem, vel occidentem Clericos puniit excommunicatione, & irregularitate, neque his pœnis in Clericum odio habentes animadvertit. Contra censet deberi martyrii aureolam iis, qui fuderunt pro Christo sanguinem; non autem si solo animo perpassi fuerint tormenta. Actus itaque externus supplicii, ac præmii dignitatem adauget.

Resp. his omnibus demonstrari tantummodo, quod in actione externa appareat voluntas efficacior, diuturnior, vehementior; & iccirco

iccirco opus etiamſi præcipiatur , & magnopere commendetur , non per ſe , ſed ratione ardentioris illius voluntatis adaugēt meritum . Igitur Concilium Neocæſarienſe præcipit , ut Deo gratiæ referantur , ſi Clericis in fornicationis crimen propenſis ſubtrahatur occaſio ; quoniam ſine operis complemento vitantur ſcandala , & ſerveſcens libido tepeſcit . Canone tamen quarto declarat eadem Synodus ſcelere ipſo fornicationis Clericum inquinari , *ſi cupiditate inſidiatur uxori , ſi propoſuerit ſolicitare feminam* . Rectiſſime pariter Auguſtinus miſerabiliorem appellat , qui pravam intentionem opere explet , quoniam is habet mali voluntatem non ſolum deliberatam , ſed & robuſtiorē , forasque inſtar putreſcentis maciei erumpentem , Hortatur etiam jure merito , ut factis Chriſti compleantur exempla , quoniam prompta , efficaciæque voluntas operari non renuit : atque ut idem Auguſtinus e veſtigio addit , *Cum ad pedes fratris inclinatur corpus ; etiam in corde ipſo excitatur , vel ſi jam inerat , confirmatur humilitatis affectus* . Abaelardi damnatus articulus eſt : *Propter opera nec melior , nec pejor eſſicitur homo* , abſque aliis verbis ſupra recitatis . Quod Abaelardus aſſeruit , propterea quod exiſtimavit nullum opus eſſe peccatum , ut conſtat ex illius art. xix. Merito proinde damnatus fuit , quoniam inutiles putavit actiones ; a quibus iniquum eſt , dum illas complere tcnemur & poſſumus , abſtinere . Excommunicatio , & aliæ cenſuræ interdum pro levioribus erratis inſiguntur . Gravius enim peccat , qui laicum interimit , quam qui ſanabili vulnere offendit Clericum ; nec ille tamen incurrit excommunicationem ; & inhoneſtum , ac turpe eſt magis furari , & fornicari , quam veſci carnibus die Veneris , & nihilominus excommunicatione plectitur peccatum iſtud , non illud . Et optimo quidem jure . Enimvero cum deſecta a legibus damoentur , & a cuſtodiſibus ipſarum legum puniantur ; cenſuris Eccleſia in illos animadverſit , qui parvipendunt religionem Chriſtianam , contumelioſe ſe gerunt in Eccleſiaſticam Hierarchiam , & fidelium communionem moribus hæreticorum commaculant . Ad martyrium , quod attinet ; vix fieri poteſt , ut in ſolo patiendi deſiderio tanta ſit caritas , ac tolerantia , quanta eſt in ipſa ſanguinis profuſione : atque ſi tanta ſit , non deſt martyrii palma , quomodo de D. Martino teſtatur Eccleſia . Ac præterea martyrium uberiorē gratiam conſert ob ſtigmata Chriſti , quæ martyr portat in corpore , & quibus ſententia plurimorum reſpondet glorificatio illa , quam appellant *Aureolam* .

A ratione argumentantur primo . Opus externum eſt peccatum diverſum ab opere interno ; cum utrunque diſtinctis prohibeatur præceptis . Duplici autem peccato gravior pœna debetur , quam uni . Uterius in Confessione peccatum externum aperiri debet , nec ſufficit exprimere voluntatem . Addit ergo operatio voluntati pravæ peccati pondus , & gravitatem . Tandem externus

actus est per se satisfactorius. Ergo & per se habet rationem meriti.

R. ad 1. peccatum externum unum esse cum interno, & tamen multiplicari mandata, ne quod latet in corde ulterius progrediatur, ut explicavi in Prænotatione thes. Aut respondetur cum Gregorio Ariminensi dist. 42. concl. v11. ad 5. multiplicari numerum peccatorum per actus, malitiam vero per voluntatem: ideoque opus externum, atque internum esse duo peccata, & habere eandem malitiam; duo peccata, quoniam actus duo sunt; unam vero malitiam, quia est una in utrisque voluntas. Ad 2. dicimus actum externum esse revera peccatum, & lege prohibitum, licet malitiam habeat a deliberatione voluntatis derivatam: dicimus in ipso opere magis cupiditatem fervescere: dicimus posse inde oriri scandala, debitum restitutionis, impedimenta matrimoniorum, censurarum vincula, & incommoda alia complura. Debet ergo omnino patefieri Ecclesiastico Judici, ut ab exterioribus indicii percipiat ægritudinem animorum, & ubi detexerit pestiferi vulneris qualitatem adhibere valeat medicamenta. Ad ultimum facilis est responsio; nam sicut externa opera, quæ afferunt afflictionem, & poenam, non sunt satisfactoria, nisi electione suscipiantur; aut si aliquid necessario patimur, illud æquo animo toleremus: ita non sunt meritoria, nisi ratione voluntatis, ac libertatis; & ideo omne meritum operibus ipsis satisfactoriis comparatum debet a voluntate libera proficisci.

C A P U T IV.

*Quid juxta Augustinum sit virtus, & quomodo
a Theologis dividatur.*

SUNT hæcenus dicta virtuti, vitioque communia. Ad virtutis naturam indagandam nunc disputatio nostra progreditur. Oportet autem primo, ut exponamus, quid designet hoc virtutis vocabulum: quo interdum utimur ad demonstrandam fortitudinem, ac potentiam, ut copię militum Holofernis Jud. iii. 15. dicuntur *Exercitus virtutis*, & de Lyfia in 1. Machab. v1. 6. legitur: *Abiit cum virtute forti*. Aliquando vocabulum illud usurpamus ad exprimendam naturalem vim, atque energiam causarum efficientium, quo sensu Sap. v11. 17. legitur: *Ut sciam dispositionem orbis terrarum, & virtutes elementorum*: quandoque ad demonstrandam gratiam miraculorum, ut Matth. v11. 22. *In nomina tuo virtutes multas fecimus*, & Act. iii. 12. *quasi nostra virtute fecerimus hanc ambulare*: non raro ad designandum quemdam ordinem Angelorum, ut in Epistola Pauli ad Ephesios cap. 1. 21.

Su-

Super omnem principatum, & poſeſtatem, & virtutem, &c. de quo Angelorum ordine ſcripſi lib. x. cap. 18. Verum his ſignificationibus prætermiſſis, & ſi quæ ſunt aliæ conſimiles, *Virtutis* nomine intelligimus rectam animi affectionem, laudabiles efficientem eos, in quibus eſt: & a qua, maxime ſi conſtans ſit, & conveniens, *Vir* appellatur; aut ipſa virtus, ut Tullio placuit, a viro nomen eſt mutuata. Atque hanc virtutem definiunt Theologi cum Auguſtino, & D. Th. quod ſit *bona qualitas mentis, qua recte vivitur, & qua nullus male utitur*. Quamquam enim homo virtute ornatus ſæpenumero labitur in vitia; non id provenit ex recta illa affectione mentis, & animi, ſed ex contraria cupiditate, uti non a radice arboris bonæ, neque ab inſito furculo melioris germinis producitur fructus malus, ut alio in loco explicavimus.

Cum itaque virtus ſit bona illa qualitas, & recta, & conveniens affectio, qua recte vivimus, recte agimus, recte utimur; facile erit virtutis naturam a vitiis diſcernere; ſi animadvertamus cum Auguſtino lib. x. de Trinit. cap. 10. & 1. de Doctr. Chriſtiana cap. 34. duos eſſe actus rationalis creaturæ, ad quos ceteri reducuntur, *uti, & frui*. Nihil aliud eſt *uti*, quam aliquid in facultatem voluntatis adſumere; quod ſit in iis rebus, quæ non propter ſe, ſed ratione ultimi finis adſumuntur in uſum. *Frui* autem dicimur, dum inhæremus alicui rei propter ſe, ut dum ſummum bonum amore caſto diligimus, & illius cauſa utimur creaturis. Ex qua dilectione gaudium aliquod reſultat, vel ſpei in hac vita, vel rei, ut explicat diſt. 1. Magiſter, atque in eadem diſtinctione Gregorius noſter, Eſtius, alique Doctores Scholaſtici. Et quoniam non poſſumus inhærare amore, & dilectione alicui creaturæ propter ſe, atque omni re mutabili uti debemus propter finem ultimum; conſequens eſt, nos recte vivere, dum fruimur Deo, & utimur creaturis; & vitioſos fieri, dum fruimur creaturis, atque utimur Deo.

PROPOSITIO: Nihil eſt aliud juxta Auguſtinum virtus, quam ordo amoris, quo ſervato, vel fruimur Deo, vel utimur creaturis.

Traditur hæc propositio apertiffime a D. Parente Auguſtino lib. xv. de Civ. D. cap. 22. his verbis: *Unde mihi videtur, quod definitio brevis, & vera virtutis, ordo eſt amoris*. Et de moribus Eccl. Cath. cap. xv. *Nihil omnino eſſe virtutem affirmaverim, niſi ſummum amorem Dei*. Defenditur autem hæc propositio ab Auguſtinianis Theologis, ut conſtat ex Nicolao Girckea Tom. 2. Summæ Q. 1. dub. 1., & Fulgentio Bellelli in poſtremo Opere *Mens Auguſtini* inſcripto P. 1. cap. 24. & P. 2. cap. 54. §. 3. Probatur autem his Auguſtinianis argumentis 1. nihil aliud eſt virtus, quam recta & conveniens ratio vivendi, ut ſupra explicavimus; & Auguſtinus ipſe ſcribit in 1v. de Civ. D. cap. 21. *Arſ ipſa bene recteque vivendi virtus a veteribus deſinita eſt*.

est. Unde ab eo quod *Græce àperi dicitur virtus, nomen Artis Latinos traduxisse putaverunt*. Idelt, per syncopem, quomodo vult Donatus in Andriam Terentii. Atqui non recte vivitur, nisi servato ordine caritatis fruamur summo bono, bonisque utamur commutabilibus. In hoc igitur, quod est *frui, & uti caritatis ordine non neglecto, sita est natura virtutis*. II. Aversio a bono incommutabili ad bona commutabilia est vitium, & conversio a bonis commutabilibus ad incommutabile bonum est virtus. Atqui avertimur a summo bono, quotiescunque utimur Deo ad fruendum creaturis, & avertimur a creaturis, dum iis utimur ad fruendum Deo. Igitur in *frui & uti* non perturbato amoris ordine sita est virtus: *Proinde rationalis creatura, sive in Angelico spiritu, sive in anima humana ita facta est, ut sibi ipsa bonum, quo beata fiat, esse non possit, sed mutabilitas ejus si convertatur ad incommutabile bonum fiat beata, unde si avertatur misera est. Aversio ejus vitium est, conversio ejus virtus est*. Ait S. Pater lib. ad Honoratum, sive Epist. cxl. n. 56. & lib. lxxxiii. Quæst. q. 30. *Omnis itaque humana perversio est, quod etiam vitium vocatur, fruendis uti velle, atque utendis frui. Et rursus omnis ordinatio, quæ virtus etiam nominatur, fruendis frui, & utendis uti*. III. Nulla animi qualitas censenda virtus est, nisi hominem reddat quodammodo meliorem. Atqui melior rationalis creatura reddi non potest, nisi amore hæreat summo bono, eoque aut spe, aut re fruatur. Igitur sine hujusmodi amore virtus vera non datur. *Quemadmodum in ipsis corporibus (inquit S. P. citata ad Honoratum Epistola) quæ inferiora sunt, sicut terra, aqua, & ipse aer meliora fiunt participatione melioris, idest cum luce illuminantur, & fervore vegetantur: sic incorporea creatura rationales ipsius Creatoris fiunt participatione meliores, cum ei coherent purissima, & sanctissima caritate; qua omni modo si caruerint, tenebrescunt, & obdurescunt quodammodo*. IV. Non semel affirmavimus non dari veram virtutem ad vitam perducentem æternam, nisi per sanctam dilectionem referatur in Deum, neque virtutem moralem, si non exerceatur motivo honesti boni, quod nobis proponit idea incommutabilis veritatis. Atqui talis relatio haberi nequit sine aliquo ordine amoris tendentis in finem ultimum, neque permanentis in bono aliquo commutabili. Ergo &c. *Assit autem (inquit S. P. in iv. contra Julian. n. xx1.) ut vera virtutes cuiquam serviant, nisi illi, vel propter illum, cui dicimus, Deus virtutum converte nos. Proinde, virtutes, quæ carnalibus delectationibus, vel quibusdam commodis, & emolumentis temporalibus serviunt, veræ prorsus esse non possunt. Quæ autem nulli rei serviunt, nec ipse vera sunt. Vera quippe virtutes Deo serviunt in hominibus, a quo donantur hominibus. Deo serviunt in Angelis, a quo donantur & Angelis. Quicquid autem boni fit ab homine, & non propter hoc fit, propter quod fieri debere vera*

vera sapientia precipit , etsi officio videatur bonum , ipso non recto sine peccatum est .

Ex hoc Augustinianæ doctrinæ capite, primo intelligitur, cur Christus Dominus Mat. xxii. 40. docuerit in duobus mandatis dilectionis universam legem pendere, & Apostolus 1. ad Corinth. xiiii. scripserit sine caritate officia quælibet virtutum nihil prodesse. Quod non ideo traditum est, quasi omnis virtus sit caritas, & sola remuneretur a Deo, ut asseruit Quenellus damnatis propositionibus 52. & seqq., sed quoniam omnis virtutis actus ex aliquo amore boni debet procedere non iustificante, & perfecto, sed saltem inchoato, ac tendente in bonum, quod amandum est. Deinde percipitur quomodo virtus in solo Deo sit naturaliter immutabilis, atque in beatis constans, ac perpetua per participationem beatitudinis, quoniam ille seipso fruitur, omniaque operatur in sui gloriam; ac beatorum animæ fruuntur Deo, eique adhærent firmissima caritate. Facile demum ex hac doctrina colligitur non esse veram virtutem Stoicam illam, cui studuerunt aliqui propter ipsius virtutis ornamentum, atque decorem, neque Epicurorum operantium propter voluptatem, neque Romanorum honesta officia exercentium propter sui nominis celebritatem; cum in his omnibus sit amoris perversitas, & *frui* bonis commutabilibus.

PROPOSITIO II. Cum omnis virtus sit ordinata ad fruendum summo bono, & utendum bonis commutabilibus, virtutes omnes, vel ad tres Theologicales, vel ad quatuor Cardinales reducuntur.

Vel enim immediate virtus fertur in finem, quo frui debemus; vel in media, quibus utendum est. Si virtus immediate fertur in finem, debet reduci ad unam ex tribus Theologicalibus; si in media, ad unam ex quatuor Cardinalibus. Ergo ad istas reliquæ omnes reducuntur. Prob. minor. In Deum immediate tendimus, vel cognitione supernaturalium bonorum, vel cordis motione ac desiderio, vel unionis amoris. Quorum primum præstat fides, alterum spes, tertium caritas; quæ ideo evacuata fide, atque spe, manet in patria: unde Apostolus in 1. ad Cor. xiiii. 8. ait: *Caritas nunquam excedit*. Si vero virtus tendat in media, quibus servato ordine caritatis uti debemus, vel exercetur feligendo sagaciter media, quæ ad finem conducunt ab iis, quæ illius consecutionem impedire possunt; & in hoc sita est virtus prudentiæ, cuius partes juxta Angelicum Doctorem sunt sollicitudo, vigilantia, memoria, intelligentia, docilitas, solertia, ratio, providentia, circumspectio, & cautio. Vel exercetur virtus unicuique suum tribuendo, Deo scilicet cultum, honorem parentibus, proximo depositum, mutuum, & quidquid ei aliquo debetur titulo; atque id ad iustitiam pertinet, vel ad ipsius partes, nimirum Religionem, pœnitentiam, pietatem, humilitatem, observantiam, gratitudinem.

VIN.

vindicationem, veracitatem, amicitiam, & magnificentiam. Vel exercetur virtus integrum se præbendo ei quod amatur: atque hæc est virtus temperantiæ, sub qua, veluti sub genere comprehenduntur abstinentia, sobrietas, castitas, pudicitia. Vel denique exercetur virtus adversa omnia patientissime tolerando: in quo sita est fortitudo, vel ad fortitudinem pertinentes magnanimitas, patientia, perseverantia. Audiendus de quatuor his virtutibus differens Augustinus lib. 1. de moribus Ecclesiæ Catholicæ cap. xv. num. 25. *Quod si virtus ad beatam vitam nos ducit, nihil omnino esse virtutem affirmaverim nisi summum amorem Dei. Namque illud, quod quadripartita dicitur virtus, ex ipsius amoris vario quodam affectu, quantum intelligo, dicitur. Itaque illas quatuor virtutes, quarum utinam ita sit in mentibus vis, ut nomina in ore sunt omnium, sic etiam definire non dubitem; ut temperantia sit amor integrum se præbens ei, quod amatur. Fortitudo amor facile tolerans omnia propter quod amatur. Iustitia amor soli amato serviens, & propterea recte dominans. Prudentia amor ea quibus adjuvatur ab eis, quibus impeditur, sagaciter seligens, &c.*

AD QUEDAM IN CONTRARIUM ARGUMENTA.

Sed objicies. Si nulla absque ordine amoris daretur virtus, sequeretur primo fidem non operari nisi per caritatem, & ab amore sejunctam non virtutem esse, sed vitium. Id vero damnatum est in Bulla: *Unigenitus*, prop. LI. & LII. II. Sequeretur solam caritatem facere actiones christianas, & inter opera virtutum connumerandas, solam caritatem honorare Deum, solam remunerari: quod est proscriptum prop. LIII. LIV. LV. LVI. eadem Bulla. III. sequeretur non esse sine amore virtutem spei, imo nec religionis, quod damnatur proximis propositionibus LVII. LVIII. IV. Sequeretur timorem supplicii, nec virtutem constituere, nec donum Dei esse, nec peccatum cohibere saltem in corde: quod pariter damnatum est, ne vetustiores hæreses commemoremus, eadem Clementina Constitutione a propositione LX. ad LXVIII. Tradita ergo virtutis idea non alia est, quam a Lutheranis primum, deinde a Bajo, & Quenello præformata.

Resp. plures utique dari virtutes, quæ non sunt formaliter amor, sed nulla virtus ab ordine amoris divellitur, id est, nulla virtute recte utimur, nisi ordinate amando; fieri enim non potest, ut sine aliquo affectu, aut credamus, aut speremus, aut timeamus, cum semper primus voluntatis motus sit amor. Quare plures dantur virtutum supernaturalium habitus absque caritate, sed nulla virtus suos actus absque vicio penitus exerit, nisi rectus aliquis amor voluntatem moveat, ac trahat. At necesse non est, ut talis amor, quo duce virtutibus bene utimur, sit habitualis, justificans, & tam vehemens, ut secum trahat

sc-

remiſſionem peccatorum; alioqui nunquam peccator poſſet credere; aut ſperare, aut timore concuti ſalutari. Sufficit ſi fuerit actualis aliqua, ſed tenens ordinem, ideſt non directæ ad fruendum bonis commutabilibus, cupiditas boni. Merito ergo damnatæ fuerunt omnes propoſitiones Quenelli, quoniam aſſeruit prop. 28. *Primam gratiam, quam Deus concedit peccatori, eſſe remiſſionem peccatorum*: prop. 45. *Amore Dei in corde peccatorum non amplius regnante neceſſe eſſe, ut in eo carnalis regnet cupiditas, omneſque actiones ejus corrumpat*. Ex quibus ſequitur peccatorem nullum, priuſquam ei remittantur peccata, poſſe exercere virtutem: quod impium eſt, hæreticum, & blaſphemum.

Ad ſingula tamen reſpondemus, dicentes fidem operari ſine caritate, quæ dat remiſſionem peccatorum, quam ſolam caritatem novi Dogmatiſtæ agnoverunt: operari tamen per dilectionem, & amorem inchoatum, quando eſt juſtificationis initium, & cetera impetrat, quibus ad æternam vitam perducimur. Quod ſi ab omni proſur dilectione, & pio affectu diuulſa ſit; erit quidem fidei *habitus*, & per ſe bona mentis qualitas; ſed hoc *habitus* nemo bene utetur ad beatitudinem capeſſendam, non deficientia fidei, ſed dilectionis, ſive inſpirationis caritatis, aut gratiæ actualis, per quam fidem operari ſcribit Apoſtolus ad Galatas v. 6. & Auguſtinus de Gratia, & lib. arb. cap. 7. Ad 2. dicimus non caritatem ſolam, ſed etiam ſpem, timorem Domini, ceteraſque virtutes facere actiones Chriſtianas, cum ſint omnes *habitus*, ac bonæ affectiones animi, ac propriarum operationum principia: ſed ut hujusmodi operationes veram virtutem redoleant, ideſt, rectæ ſint non ſolum officio, verum etiam ſine, & coronam, ac remunerationem promereantur, neceſſe eſt, ad finem ultimum tendant, & auxiliatricem habeant caritatem, non *habitualement*, quæ non eſt ſine remiſſione peccatorum, & quæ neceſſaria tantum eſt ad perfectam unionem cum Chriſto, qualem novi hæretici perperam ad omne opus bonum requirunt, ſed actualem, inchoatam, ſive gratiam ſanctæ inſpirationis, ſine qua nihil fieri poſſe, quod ad pietatem pertineat, veramque juſticiam, decretum eſt Auguſtini de Gratia Chriſti cap. 26. Ad 3. aſſerimus, ſpem pariter cum merito futuræ beatitudinis conjunctam, ex ſententia Auguſtini cap. 8. Enchiridii, ſine amore non eſſe: ſed non ad ſenſum Quenelli; nam ut actus ſpei non ſit a virtute diuulſus, ſufficit ſi procedat a recto impulſu voluntatis in bonum: nemo quippe ſperare poteſt, niſi amet bona illa, quæ ſperat. Ad ultimum reſpondeo nullam aliam eſſe cauſſam timoris, niſi amorem; nam timeamus mala, quoniam nos ab aliquo bono divellunt: unde Angelicus Doctor 2. 2. q. 19. art. 3. *Timor*, inquit, *ex amore naſcitur*. Vel ergo timeamus, quod amore hæreamus mundo, temporali vitæ, fluxifque voluptatibus, & hic eſt timor mundanus proculdubio vitioſus:

To JV.

Dd

vel

vel timemus sempiternam pœnam, quoniam nobis timorem incutit summa Dei potestas, & vindex justitia; & est timor servilis, substantia quidem bonus, cum sit donum Dei, & a malo coerceat, sternatque viam dilectioni, sed nondum habet perfectionem virtutis, non defectu hujus timoris, sed timentis. Præterea damnata est 67. propositio Quenelliana: *Timor servilis non sibi representat Deum, nisi ut Dominum durum, imperiosum, injustum, intractabilem*. Timor enim qui virtus est, oritur ex consideratione incorruptæ justitiæ, ac supremi imperii illius Dei, qui potest animam, & corpus perdere in gehennam; quæ consideratio non est absque implicito amore justitiæ, & reverentia divinæ majestatis, licet non sit cum actu explicito caritatis. Vel denique timemus propter horrorem culpæ; atque timor iste filialis appellatus, propterea quod filiorum est timere offensam patris, est rectus, castus, atque in serie virtutum constituendus; sed oritur ex ordinata dilectione, & ex amore honestatis.

Possit quis opponere sententiam illorum, qui constituunt naturam virtutis in recto ordine amoris adversari decretis Alexandri VIII. & cohærere propositionibus anno 1690. ab eodem confixis. In septima enim: *Omnis humana actio deliberata est Dei dilectio, vel mundi; si Dei caritas Patris est: si mundi, concupiscentia carnis, idest mala*; proferbitur etiam eorum opinio, qui non virtutem, sed vitium esse contendunt quicquid ex amore, & dilectione Dei non prodegit. In nona vero propositione: *Revera, peccat, qui odio habet peccatum mere ob ejus turpitudinem, & inconvenientiam cum natura rationali, sine ullo ad Deum offensum respectu*, latere videtur eadem opinio, quod absque dilectione peccatorum detestatio nequaquam habeat decorem, atque honestatem virtutis. Idem de propositione x. xi. xii. ac xiii. est asserendum; istiusmodi enim propositiones continent pravam doctrinam illorum, qui negarunt virtutem esse Christianam fidem, quæ per dilectionem non operatur, deficere ipsam fidem deficiente amore, neque carere vitio, quod caret amore ipso: quæ omnia tam videntur assertioni nostræ similia, quam simile est ovum ovo.

Sed hæc iisdem responsionibus diluuntur; non enim a nobis denegantur alii virtutum *habitus* a caritate distincti, cujusmodi est fides, spes, timor; neque recensetur inter vitia, aut detestatio peccatorum excitata ex illorum turpitudine, aut bonum opus patratum intuitu mercedis eternæ, aut fides, quæ a caritate disjungitur; quemadmodum autumabant illarum propositionum assertores: sed cum hæc omnia virtutum *habitus*, & in se inspecta esse bona profiteamur contendimus habere a caritate, & ab amore virtutis formam, ac perfectionem; quamquam iis *habitus*, ac virtutibus recte utamur, etiam destituti caritate *habituali*, dummodo aliquo amore dirigantur in Deum ultimum

mun finem , aut ſaltem conformentur communi , & incommutabili regulæ rectitudinis . Septima ergo propositio ab Alexandro VIII. proſcripta ſurculus eſt Bajani articuli 38. ut animadvertit etiam Dominicus Viva in Trutina damnatarum theſium Volumine III. pag. 98. & merito damnata eſt , quoniam multa opera deliberata recte ſunt abſque caritate *habituali* , & ſine gratia Spiritus ſancti inhabitantis ; multa etiam ſpectato officio , & ſecundum operis ſubſtantiam recta ſunt , neque a noxia cupiditate proficiſcuntur , eſſi virtutis laudem ex alio capite minime promereantur , ut explicatum eſt præcedenti volumine pag. 390. & 415. ex quo nempe recto ordine relationis ſint deſtituta . At propositio IX. non tantum ob hanc rationem proſcripta eſt , verum etiam quia adſtruere videtur peccatum philoſophicum , eadem Alex. VIII. conſtitutione damnatum , de quo proximo cap. 9. quamquam etiam in hoc falſa eſt , quod ſupponit deſtationem peccati ob ejus turpitudinem non exoriri ex amore honeſtatis , quem rectum eſſe , & ad virtutem conſtituendam idoneum non denego , ſervatis tamen iis , quæ de virtutis norma diſſerui eodem volumine pag. 393. , & p. 401. Ita qui intuitu cæleſtis beatitudinis operatur , tenet amoris ordinem . quoniam æternam vitam diligere directum eſt : neque admittitur a nobis neceſſarius ille amor purus , quem nonnulli adſtruere conati ſunt , proximo libro refutandi . Ceteræ proſitiones merito fuerunt damnatæ , cum rejiciant apertiffime doctrinam Catholicam , quod etiam ſine caritate permancant *habitus* fidei , aliarumque virtutum , & harum actus ex ſe labefactos vitio pronuntiant ; cum recti ſint juxta doctrinam alibi expoſitam .

C A P U T V.

In quo rationalis Creaturæ actû conſtituenda ſit æterna felicitas , quæ eſt merces , ac præmium virtutis.

INDUBITATUM eſt virtutis , de qua capite præcedenti diſſerui , condignam mercedem eſſe perfrui ſummo , & incommutabili bono . Exploſa eſt enim , atque a fidelium mente prorsus eliminata quælibet opinio antiquorum hominis felicitatem in aliqua fluxi boni participatione conſtituentem . De quo errore , cum ſatis multa diſſerant Philoſophi in ea parte , quam Ethicæ vocant , perpauca ſubjiciam loco prænotationis ad propoſitam diſquiſitionem .

Nullus itaque ratione præditus ſtatuet veram in hac temporali vita beatitudinem . Enimvero quemadmodum ratiocinatur magnus Auguſtinus in XIV. de Civ. Dei cap. 25. in facultate hominis poſitum minime eſt vivere quandiu , & quomodo ipſi libuerit : nam anni no-

stri sicu: aranea meditabuntur: vix erit, qui integra valetudine attingat annum septuagesimum; & si numerentur in robustioribus anni octoginta, amplius eorum labor, & dolor. Legito Psalmum Davidis xxxix. 10. Aut ergo qui moritur vult vivere, & moriendo nequit habere quod vellet; aut mavult mori, ut melius vivat post mortem, & hac vita tanquam meliori bono non fruitur. *Nunc vero* (inquit S. Pater) *quis hominum potest ut vult vivere, quando ipsum vivere non est in potestate? Vivere enim vult, mori cogitur. Quomodo ergo vivit, ut vult, qui non vivit quandiu vult? Quod si mori voluerit, quomodo potest, ut vult vivere, qui non vult vivere, etsi ideo mori velit, non quo nolit vivere, sed ut post mortem melius possit vivere?*

Facile pariter demonstrare possumus non consistere beatitatem in bonis corporis, quæ tria recenseri solent, sanitas, pulchritudo, & voluptas. Enim vero hæc, quomodo bona reliqua mutabilia, possunt amitti; ideoque necessum est, ut cum timore possideantur: *Quæ times* (ait S. Doctor lib. de Beata Vit. num. xi.) *videturne tibi beatus esse? Non videtur. Ergo quod amat quisque, si amittere potest, potest ne non timere? Non potest. Amitti autem possunt illa fortuita. Non igitur hæc qui amat, & possidet, potest ullo modo beatus esse.* Accedit eum qui beatus est, meliorem utique esse, quam dum est miser; fieri autem non potest, ut res deterior, cuiusmodi sunt bona corporis, rationalem mentem reddere possint meliorem. Turpe præterea est felicitatem hominis collocare in corporis sanitate paucis annis, nobisque invitis, dilabescente: & in qua, sive sensuum acumen species, sive membrorum valetudinem, sæpenumero hominem bruta superant animalia. Hæc valent de vultus decore, & formæ venustate; ac multo magis de voluptaria vita, quibus pecoribus æquiparamur. *Membrorum certe amputatio, vel debilitas hominis expugnat incolumitatem, deformitas pulchritudinem, imbecillitas sanitatem, vires lassitudo, mobilitatem corporis, aut tarditas. Ecquid horum est, quod nequeat in carnem sapientis irruere?* Verba sunt Augustini cap. 4. libri xvi. de Civitate Dei.

Idem dicendum est de bonis externis, quæ sunt divitiæ, fama, nobilitas. Nam divitiarum copia, præterquamquod & ipsa amitti potest, & possidetur cum magno angore animi, & excruciante sollicitudine, explere non potest insatiabilem hominis cupiditatem. Quod si quis modum sibi statuatur, & præsentis substantia contentus decenter perfruat; id non rebus ipsis tribuendum esse, sed moderationi animorum, præclare animadvertit S. Pater libro de Beata vita numero paullo supra citato. Quapropter & Seneca Epist. 45. docet, *Beatum non eum esse, quem vulgus appellat; ad quem pecunia magna confluit.* Comperitum est etiam ex Romanis Historiis auro, & opibus florentissimam Rempublicam fuisse labefactatam, & nihil aliud esse divitias, quam

cuni-

cupiditatum incitamenta. Fama autem, & honores perperam Boni nomen ſibi vindicant, quod ludibrio fortunæ ſint expoſita, ut vel unum Sejanî commonſtrat exemplum; & aliena potius ſint, quam noſtra, cum Majorum faſces, & ſceptra, tum aratra, & ligones.

Nec tamen cum Stoicis beatitatem in virtute, & ſapientia conſtituendam eſſe arbitramur. Primo enim Stoicorum virtutes inflatas typho ſuberbix nec virtutum laudes promereri liquet ex præcedenti capite quarto, & ex libris Auguſtini contra Julianum. Deinde nec ſapientia humana, licet aliorum bonorum comparatione æſtimabilis, bonum eſt perpetuum, atque jucundum. Nam ut Auguſtinus acute diſputat laudato cap. iv. lib. xviii. de Civ. Dei, quòd recedit, ſi aliquo morbo efficiamur infani? *Pbranetici multa abſurda cum dicant, & faciunt, plerumque a bono ſuo propoſito, & moribus aliena, immo ſuo bono propoſito moribusque contraria, ſive illa cogitemus, ſive videamus, ſi digne conſideremus, lacrymas tenere vix poſſumus, aut forte nec poſſumus.* Addit S. Pater exempla eorum, qui dæmonum patiuntur incurſus: quod malum quis confidit evenire non poſſe in hac mortali vita ſapientibus? Probat deinde quam miſer cenſendus ſit ſapiens, dum corpus corruptibile aggravat animam, & ſenſum multat; cogitantem deprimit terrena habitatio, ob motus, quibus pervertitur ſenſus, ſopitur ratio, aut ſaltem habet virtus cum vitio continuum, acerbiffimumque conſiſtum. Quod late confirmat per omnia genera virtutum diſcurrens. Nec prætermittendum eſt, quod S. Pater probat ſerm. cxi. de verbis Ap. cap. 8. omnem virtutem, ac ſapientiam, nobis donari a ſummo Deo, in quem oportet vehementius hominardeſcat, fontemque quærat, quo magis dulces veritatis rivulos in hac vita deguſtat. Atque ex his conſtat nullam eſſe hominis beatitudinem, niſi conſecutionem ſummi, & incommutabilis boni: quæ doctrina, ut in ſine ejusdem ſermonis ait præclariffimus Doctör, *Non plane conferenda, ſed incomparabiliter præferenda eſt doctrinis philoſophorum, immunditiæ Epicureorum, ſuperbiæ Stoicorum.*

His itaque prænotatis, inquirunt Theologi, in quo ſita ſit hæc ſummi boni poſſeſſio, quam dicimus veram hominis beatitatem, virtutiſque mercedem. Prætermitto autem opinionem aliquorum illam conſtituentium in actione aliqua increata, intimoque illapſu divinitatis, non quod falſa ſit undequaque, ſed quia videtur potius conſiderare beatitudinem ratione objecti, quam rationalis creaturæ ea perenniter perſequentis. Quare in eam ſtylum acunt præclari Theologi Aegidiusnoſter Luſitanus lib. iv. de Beatit., & ne ſingulos commemorem, Nicolaus L'Herminier Tom. v. pag. 20. & ſeq. Verum validior, qua impugnatur, eſt ratio a nobis breviffime expoſita. Thomiſtæ ergo docent conſtituendam beatitudinem in actu intellectus, Scotiſtæ in actu voluntatis, complures alii in utroque, quidam in gaudio, ac delecta-

lectatione actus huiusmodi consequente. Sed gaudium nihil aliud esse puto, quam affectionem quamdam amoris: nam si amor in bonum, quod abest, feratur, dicitur desiderium, si in bonum, quod possumus assequi, spes; si in bonum, quo jam fruamur, gaudium, & delectatio: & ideo accedit hæc opinio postrema ad Scoti sententiam. In quam lubentius me trahi sentio, ratus nullam hinc oriri a nostratibus discrepantiam. Nam Paludanus in iv. dist. 49. q. 3. art. 2. Thomistarum sententiam propugnat, Gerardus Senensis in i. dist. 1. ad Scotistas accedit, & in utroque actu consistere beatitatem censent Romanus Aegidius Quod. iii. q. 23. Lusitanus citato libro iv. q. xii. & Argentinus in iv. Sent. dist. xlix. q. 3. Concl. 111., & iv. Ex quorum omnium placitis lubet proximas positiones conflare.

PROPOSITIO I. In utroque actu tam intellectus, quam voluntatis constituenda est perfectio Beatitudinis.

Debemus quippe de Beatitudine iudicium illud proferre, quod sacræ literæ, Traditio Patrum, & ratio ipsa pronuntiandum esse declarant. Sacræ autem literæ, Patres, rationisque lumen ostendunt, tam in visione summi veri, quam in amore summi boni consistere animorum perpetuam beatitatem: in utroque igitur actu constituendam recte a nobis pronuntiatum est. Probatur minor primo quantum ad literas divinas attinet. Aperta namque videntur loca, quæ ad sententiam suæ fulcimentum proferunt docti Thomistæ, eorumque signa sequentes. Ea sunt: Psal. xvi. 15. *Satiabor, cum apparuerit gloria tua*: Psal. lxxix. 20. *Ostende faciem tuam, & salvi erimus*. Matth. v. 8. *Beati mundo corde, quoniam ipsi Deum videbunt*. Joan. xvi. 3. *Hæc est autem vita æterna: ut cognoscant te, solum Deum verum, & quem misisti Jesum Christum*. Et Epist. 1. cap. 111. 2. *Scimus quoniam cum apparuerit similes ei erimus*. Sed non minus perspicua sunt, quæ pro sententia Scotistarum in medium adducuntur; cuius generis sunt ista: Psal. xxxv. 9. *Inebriabuntur ab ubertate domus tuæ; & torrente voluptatis tuæ potabis eos*. Matth. xxv. 21. *Intra in gaudium Domini tui*. Joan. xvi. 22. *Gaudebit cor vestrum, & gaudium vestrum nemo tollet a vobis*. Ep. ad Rom. xiv. 17. *Non est enim regnum Dei esca, & potus: sed iustitia, & pax, & gaudium in Spiritu sancto*.

Præterea stant pro sententia Thomistica Patrum testimonia; ait enim Ambrosius lib. iv. de Officiis cap. 2. *Scriptura divina vitam æternam in cognitione posuit divinitatis*. Chrysostomus Hom. 81. in Joannem: *Omnis requies est filium Dei videre*. S. P. Augustinus lib. de Trinit. num. 28. *Ipsa visio est facie ad faciem; quæ summum præmium promittitur iustis*. Lib. de Spir., & lit. cap. xxxiii. *Illæ cognitiones, illa visio, illa contemplatione satiabitur in bonis animæ desiderium*. Sed stant pro sententia Scoti loca pariter exquisita. Nam S. Pater lib. x. Confess. cap. 22. ait: *Et ipsa est beata vita gaudere ad te, de te, prop-*
ter

ſer te: ipſa eſt, & non eſt altera. Et cap. proximo: *Beata quippe vita eſt gaudium de veritate.* In 1. de Doctrina Chriſt. cap. 29. *Deo perfrui beate vivere eſt; & xiv. de Civ. D. cap. 25. Beata quippe vita ſi non amatur, non habetur: porro ſi amatur, & habetur.* Ambroſius autem citato loco præter cognitionem divinitatis ad beatitudinem requirit etiam fructum operationis: & potius deſcribit duo, quæ ad æternam vitam perducunt, fidem, & opera, quam vitam ipſam, æternam, inferens hanc ſitam eſſe in perfectione virtutis. Quæ ſane perfectio eſt amor, per quem fruimur ſummo bono; ideoque Ambroſius etiam in amore locat beatitudinem. Et Chryſoſtomus hom. 46. in Matth. aperte docet voluntatem a Deo remunerari *ſempiterna delectatione.*

Itaque cum Scripturæ, tum Patres utramque ſimul ſententiam comprobant, Thomiſtarum, & Scotiſtarum; neque utra verior ſit, laborandum eſt operoſa inquisitione, ſed firmiter eſt aſſerendum beatitudinem utrunque completi. Ita docent aliis in locis Patres. Nam Ambroſius in libro de Jacob, & Beata vita cap. vii. num. 32. inquit: *Hoc ſolum in exiſtimatione beata vita eſt requirendum, ut non in aliis, ſed in poſſeſſione veri, & boni ejus deſinitio teneatur.* D. Bernardus Ep. 18. *Quia non poſſumus (inquit) contemplari per ſpeciem, nec plenè completi per amorem, dedit nobis interim & ſapere per fidem, & quærere per deſiderium. Si enim adhuc abſentes initiat fides, & deſiderium; præſentes perfectio conſummat viſio, & amor.* S. Thomas de Villanova Concione de S. Maria Magdalena ait: *Felicitas enim, & beatitudo noſtra, aut in utroque, viſione ſcilicet, & amore Dei conſiſtit, aut ſaltem utrumque ad complementum perfectæ beatitudinis neceſſarium eſt.* Hugo Viſtorinus laudatus ab Aegidio noſtro Luſitano: *In his (ait) beatitudo conſiſtit, cognoscere, & amare bonum;* pro qua ſententia Aegidius ipſe laudat antiquiores Scholaſticos ſingillatim, articulo 1. citatæ Quæſtionis xli. Atque hoc idem memoratus Aegidius, aliiſque Theologi demonſtrare nituntur ex definitione Benediſti XII. & ex Clementina, *Ad noſtrum.* Benediſtus enim definiens Sanctorum animas Deum videre, eoſque perenniter frui addit, *quod ex tali viſione, & fruitione ſunt vere beate:* & in Clementina ſtatuitur, *Animam indigere lumine gloriæ ad videndum Deum, eoſque beate perfruen- dum.* Quamquam nulla alia mens fuit Romanorum Antifiſtiti, quam priori Conſtitutione damnare errorem Millenariorum, altera autem Beguardorum. Ideoque ad dirimendam Scholaſticam de natura beatitudinis quæſtionem parum hæ videntur idoneæ.

Accedunt autem ſententiæ noſtræ deprompta a ratione argumenta. Cum enim rationalis creatura prædita ſit facultate intelligendi, & volendi, & in Deo ſummi veri, ſummiſque boni, in quod fertur utraque illa facultas, reperiatur plenitudo; ſit autem beatitas perfecta

fecta rationalis creaturæ satietas, plenaque finis sui consecutio; necessum est, ut aiebat Ambrosius, teneri in possessione veri, & boni beatitudinis definitionem. Deinde liberum arbitrium, ac meritum utraque rationalis animæ facultate comparatur; & consequenter in utraque præmium meritorum videtur constituendum. Præterea ita connectuntur visio, & amor, ut nequeant ab invicem in patria divelli, & si unum esset sine alio, tolleretur penitus beatitudo: *Quoniam qui videt solum, non fruitur optimo quod videt: & qui diligit duntaxat, non quietatur, donec lucide videat, quod tam ardentem amat;* inquit S. Thomas Archiepiscopus Valentinus laudato sermone. Utrunque igitur per se ad constituendam beatitudinem proculdubio requiritur.

PROPOSITIO II. Etiam si beatitudo ex visione, & amore Dei coalescat, perfectior tamen actus, quo potissimum Deo fruimur, est amor.

Hæc propositio facile demonstratur ex dictis, novaque stabilitur argumentationum accessione. Principio enim diximus cum Augustino beatam vitam esse perfrui Deo, id non haberi nisi amando, bonum incommutabile illud esse, quod unice potest desiderium humanæ mentis explere. Quis autem ignorat perfrui, amare, & bono adherere, animi diligentis opus esse? Deinde cognitio nihil aliud est, quam boni notitia per se ad excitandum amorem ordinata; ideoque est aliquid ad fruitionem præcedens, quoniam voluntas nequit diligere incognita, & conditio potius prævia, & summum bonum proponens, quam ipsius boni possessio. Ad hæc: cum in via extet fides, & caritas, etsi fides necessaria sit ad vitam spiritualem animarum, quoniam iustus ex fide vivit, non est tamen ipsa vita, & sanctitas animæ, sed in amore hæc potissimum sita est, & per dilectionem Deus in nobis habitat, ut divina testantur eloquia. Ita ergo in Patria est visio ad faciem, & consummatus, ut vocant, amor, & licet visio ad vitam sempiternam prærequiratur, constituit hanc vitam ille amor, & caritas. Expresse insuper traditur hæc sententia a D. Patre Augustino in 1. de libero arbitrio cap. xiii. ubi ait: *Atqui hoc ipsum gaudium, quod hujus boni adeptio gignitur, cum tranquille, quiete, atque constanter erigit animum, beata vita dicitur, nisi tu putes aliud esse beate vivere, quam veris bonis, certisque gaudere.* Mitto loca superius pro sententia Scoti producta. Postremo falluntur Thomistæ dum putant visionem esse actum rationalis animæ perfectiorem: nam argumenta quamplura evincunt amorem esse eidem visioni præponendum, Primum autem argumentum est, quod in donis Dei *nullum majus est caritate*, quomodo Augustinus docet lib. xv. de Trinit. cap. 19., liquet ex Apostolo in 1. ad Corinth. cap. xiii., & demonstratur ex præcedenti cap., ubi diximus amorem esse formam omnium plane virtutum. Alterum est, quod visio ordinatur ad amorem, ut scribit Anselmus lib. 2. *Cur Deus homo* cap. 3. *Perversus ordo est amare ad intelligendum, rectissimus vero*

veto intelligere ad amandum. Proximum eſt argumentum S. Thomæ de Villanova Conc. ſuperius laudata; nam ſi de abſoluta potentia Dei viſio, & fruitio beatifica ſeparentur ab invicem, ita ut unus videat Deum, nec tamen diligat, alius autem diligat quidem, ſed non videat, cognoscat autem, quia amor non poteſt ferri in incognitum; licet neuter illorum perfecte beatus ſit, *Ego ſi mihi daretur optio* (inquit ſanctiſſimus Archiepiſcopus) *potius eligerem amare non videndo, quam videre non amando.* *Quid enim ſi videro, & non amavero? Per hoc nec Deo gratus aut amicus exiſſo.* *Eſt enim gratia caritas, aut non ſine caritate.* *Si autem amo, etiamſi non videam, Dei amicus ſum.* Affines ſunt argumentationes Scotiſtarum, atque ea præſertim palmaris & obvia: Pejus eſt odiſſe Deum, quam Deum ignorare. Ergo melius eſt diligere Deum, quam Deum videre.

Reſpondemus itaque argumentis Thomiſtarum priori propoſitione productis, neminem denegare, quin ex contemplatione divinitatis, atque intuitiva viſione fatietur rationalis animæ deſiderium, & promanet gaudium perennis felicitatis, ut evincunt locupletiffima teſſimonia ſacrarum literarum, ac Patrum: ſed ideo iſtud evenit, quod clara Dei viſio totum amoris pondus attrahit in ſummum bonum, & iſtud voluntas arripit, complectitur, & perpetua fruitione comprehendit. Viſio itaque beatitudinis cauſſa efficiens eſt, non *formalis*; quemadmodum, notitia deſiderium parit, fides juſtitiam, intuitus amorem. Neque alium habere ſenſum allatos textus, vel ſola læctio commonſtrat. *Quid eſt enim, Satiabor, cum apparuerit gloria tua, Similes ei erimus, quoniam videbimus eum, ſicuti eſt,* & alia id genus plura? niſi forte, Orietur ex apparitione ſatietas, & ex viſione ſimilitudo? Illud vero, quod Joannes ait, *Hæc eſt vita æterna, &c.* aut de fide in Deum & Chriſtum accipitur, aut de contemplatione beatorum; utrumque enim ſenſum exhibent nobis cum verba ipſa, tum Patres. Ut ergo uſurpatis his verbis de fide nihil aliud ſignificatur, niſi quod credere divinarum Perſonarum Trinitatem, & Verbi Incarnationem eſt fides illa vera, per quam ad æternam vitam perducimur: ita ſi accipiantur de beatorum animarum contemplatione, demonſtrant duntaxat, quod videre Deum facie ad faciem eſt illa ſumma cognitio, unde conſequitur beatitudo, amor ſcilicet, & gaudium perenne. Atque eadem ratione expedientur ſententiæ Patrum adminiculo, præſidioque ceterarum, quarum ſuprà nonnullas produximus.

Si autem inſiſterint Thomiſtæ contententes intellectionem eſſe opus rationalium præſtantiffimum, nos contra affirmabimus nobilio- rem eſſe caritatem, & amorem, quamvis ex ipſa intellectione diriga- tur, ut cor præſtat oculis, fideique dilectio. Si denique afferant per cognitionem fieri objectum præſens, ac poſſideri; reſpondebimus fieri præſens præſentia *objectiva*, non *fruitiva*, nec poſſideri in ratione boni,

To. IV.

E c

ſed

sed in rationē veri tantummodo. Præsentia vero objectiva per se gaudium felicitatemque non affert; imo parit aliquando anxietatem, animique mororem. At gaudium, inquis, ab ipso amore distinguitur? Ab amore utentis, concedo: ab amore fruētis, nego. Sæpe enim dictum est duos amoris dari actus uti, & frui: *Nam si neque fruitor, neque utitur, non invenio quomodo diligat*, ait S. Pater in 1. de Doctrina Christiana cap. 31.

C A P U T VI.

Quid sit peccatum, quid peccati nequitia, quid peccati macula.

A VIRTUTE ad vitium disputatio nostra progreditur, non quidem ad illud, quod est defectus naturæ, vel artis, cujusmodi est deformitas corporis, vel ædificii, sed ad illud, quod est pravitas animi, & officiorum humanorum turpido: & quod vulgari sermone appellatur Peccatum. Vitium tamen frequentioris sermonis consuetudine, non pro solo peccati actu, sed pro peccandi habitu, veterique instituto usurpamus. Querentibus itaque quid peccatum sit, recepto non semel explicata, extare in nobis a creatore inditam, & immutabilem regulam æquitatis, a qua voluntas humana desleendo vitiosa redditur ac perversa, dum ea facit, quæ æquissima illa ratio condemnat, aut omittit, quæ docet esse complenda: nec non voluntatem suos actus exere-re, aut imperare sive utendo, sive fruendo. Ex his puto manifestam esse definitionem vitii, & peccati. Vel enim illud describere volumus comparate ad legem communem æquitatis ac rectitudinis, vel ad ipsam voluntatis inordinatæ diligentis nequitiam & pravitatem. Si regulam illam, rationemque spectemus; liquet optimam esse definitionem peccati traditam ab Augustino lib. 1. de duabus Animabus cap. xi. *Peccatum est voluntas retinendi, vel consequendi quod Justitia vetat, & unde liberum est abstinere*: vel alteram lib. xxi. contra Faustum cap. 27. *Peccatum est dictum, factum, vel concupitum contra aternam Dei legem*. In quarum definitionum primâ exprimitur sola voluntas, quoniam hæc tantum actus liberos elicit, aut imperat: in altera etiam opera commemorantur, sed quæ nonnisi a voluntate peccati mutantur nequitiam. Quomodo autem tenendæ sint allatæ definitiones circa originale peccatum, dictum in libro de Hæresi Calviniana, nec non in altero de ipso peccato originali. Nec aliam circa has peccati definitiones arbitror superesse difficultatem. Nam quod opponunt non quadrare illas peccato omissionis, cassum nimis est, & pertine: ad unum quippe genus pertinere affirmationes & negationes, antiquum est vulgatumque pronuntiatum Dialecticorum.

Defi-

Definitio peccati deprompta ex perverso ordine dilectionis, talis esse potest: *Peccatum est inordinatio amoris, quo avertimur a bono incommutabili, & convertimur ad bona commutabilia, sive, est perversio voluntatis, quæ utitur fruendis, & fruitur utendis.* Atque hanc definitionem traditam pariter ab Augustino constat ex superiori capite quarto. Et quæcunque ibidem de natura virtutis disserui, has vitii descriptiones luculenter confirmant: quoniam virtutum, & vitiorum debemus oppositas constituere rationes, & si illas pericit ordo amoris, hæc sita profecto erunt in ejusdem amoris perversitate.

Quantum vero ad Peccati nequitiam & inhonestatem, quam malitiam appellant, licet sit malitia certi vitii nomen, idest, calliditatis vel fraudis, non virtuti contraria vitiositas, ut scribit Tullius in Tusculanis; sophistice magis, quam Theologicæ inquirent an positivum sit aliquid, an privativum. Et qui priorem sententiam propugnant eam nituntur stabilire sequentibus argumentis. Principio, inquit, traditæ nuper peccatorum definitiones hanc opinionem communiunt. Voluntas enim, ejusque motus deliberatus erga aliquid æterna lege prohibitum, nihil profecto non sunt. Si ergo peccatum est prava voluntas, & inordinatus amoris cum deliberatione impetus, aliquid erit, non privatio duntaxat. Multo magis ad essendi naturam accedunt quæ aut dicuntur, aut fiunt, aut desiderantur adversus æternam Dei legem: ideoque si peccatum est aliquid *factum*, &c. sua natura, atque *entitate* non caret. Similiter nonne positivum aliquid exprimit definitio postrema, qua diximus nihil aliud esse peccati perversitatem, nisi frui utendis, & converti ad bona commutabilia? Itaque videtur dictis coherere opinio illorum, qui culpæ pravitatem *in positivo* constituunt.

Proferuntur pro hac assertionem argumenta alia a ratione petita. Quarum primum est: Dantur duo vitia eidem virtuti opposita. At opponi nequeunt ob privationem, quoniam uni, ut inquit, formæ nonnisi una privatio respondet. Opponuntur itaque per *entitatem* aliquam ipsorum vitiorum pravitates constituentem. Sequitur argumentum alterum: Sunt peccata quædam per se mala, ut odium Dei, mendacium, blasphemia. Horum autem peccatorum nequitia non desumitur ex aliqua deficientia a lege malum prohibente, quia suapte natura, & præcisè quacunque lege sunt flagitiosa: neque a privatione restitutionis, quia privatio non datur nisi in subiecto recipiendi *formam* privationi contrariam capæ; qua capacitate liquet hujusmodi peccata carere. Ista igitur consistere nequeunt in sola privatione & defectu. Proximè est argumentum ex absurdis a contraria sententia fluentibus. In illa quippe nihil erit peccatum, nihil remittere Sacerdos, pro nihilo damnabitur transgressor legis, in nihilo peccatum commissionis discrepabit a peccato omissionis. Postrema argumentatio sit: Unum pec-

catum est gravius altero. Nulla privatio altera privatione gravior est. Nullum ergo peccatum est privatio.

Longe tamen probabilior est eorum sententia, qui peccatorum nequitiam in privatione constituendam esse contendunt. Pro hac enim sententia faciunt argumenta omnia, quæ vel ab auctoritate, vel a ratione mutuatus sum differens de natura mali adversus Manichæos lib. 1. cap. 8. Non arbitror ea repetere necessarium. Huc pariter collineant, quæ scripsi libro XV 111. cap. 3. de vitiorum origine: ubi ex Augustino demonstravi idcirco fruitionem mutabilium bonorum & deliberatum quodcumque malum opus esse peccatum, quoniam defecit ab æterna lege æquitatis cordi singulorum inscripta. In his ergo duobus locis invenies argumenta hujus assertionis præcipua. Quibus accedit testimonium Augustini Tract. 1. in Joannem scribentis: *Omnia per ipsum facta sunt, & sine ipso factum est nihil. Videte, ne sic cogitetis, quia nihil aliquid est: solent enim multi male intelligentes, Sine ipso factum est nihil, putare aliquid esse nihil. Peccatum quidem non per ipsum factum est, & manifestum est quia peccatum nihil est, & nihil sunt homines cum peccant.* Atque missa interim hac ingeniosa expositione Augustini, inde de prompto validissimum ratiocinium. Si enim omnia per ipsum facta sunt: per ipsum autem non est facta nequitia ac turpitudine peccati; consequens est nequitiam istam non comprehendi in rerum omnium universitate, & nihilum esse reputandam. Superioribus ergo argumentis, atque his per paucis redditur postrema sententia validior.

Ut facile solvas allata in oppositum argumenta, memineris quæ scripsimus IX. libro cap. 2. & 5. distinguenda esse in enunciationibus ea, quæ *incomplexè* significabilia sunt ab iis, quæ significari tantum valent *complexè*. Quicquid igitur significabile est *incomplexè*, uno scilicet propositionis vocabulo etiam ab aliis sejuncto, est res aliqua, ut si dixeris, *Deus est substantia*, Deus res est, quoniam hoc nomen *Deus* *incomplexè* significat rem, idest, divinitatem. At si dixeris, *Relatio illud est, quo Pater refertur ad Filium*; relatio non est *entitas* aliqua a Patre, vel a Filio distincta, quoniam significari non potest nisi *complexè*, idest Patris Filiique vocabulis. Peccatum igitur definiamus cum Augustino aut *factum, dictum, vel concupitum contra Dei legem*, aut *Converso ad bonum fluxum & commutabile*, aut quomodocumque illud definire lubeat; non adinvenies in aliqua ex iis definitionibus vocabulum unum, quod *incomplexè* acceptum, idest solitarie ac ab aliis divulsum, valeat designare peccatum: ideoque peccatum est *complexè* tantum significabile, & nihil.

Itaque respondemus ad primum argumentum recte traditas ab Augustino prædictas omnes definitiones, peccare enim est agere contra æternam Dei legem, se se ad creata bona convertere, frui utendis, & si quid est hujusmodi: at non sequitur peccatorum nequitiam esse aliquid

quid *poſitivum*, cum nullo *incomplexe* definitionum illarum vocabulo poſſit ſignificari. Ita ſi dixeris, *Qui claudicat altero pede nuta, nec recte incedit*, bene deſcribis claudicationem per actum pedis nutantis, & non recte incedentis: nec tamen claudicationis deformitas eſt aliquid *poſitivum*, ſed reſtitutionis deficientia, quam deſignare termino *incomplexo* illius enunciationis non poſſumus.

Ad argumenta ſecundo loco propoſita hoc habeto reſponſum. Poſteſt eadem privatio in pluribus ſubjectis reperiri, ut carentia reſtitutionis in virga ferrea, vel lignea: poteſt etiam illa privatio terminum oppoſitum connotare, ut ſi virga ferrea dextrorſum, lignea ſiniftrorſum ſteſtatur. Hoc pacto dantur duo vitia eidem virtuti contraria, v. g. effuſa prodigalitas, & parca tenacitas. Utraque enim a temperantia deſeſcit, hinc illa profundendo, illinc illa avidius reſtringendo, nec tamen illarum nequitia eſt aliquid, ſed ut virgarum duarum curvitas, oppoſita a recta æquitate deſlexio. Brevi dicam: Eſt eadem privatio *connotative* diverſa. Ad alterum dico, mendacium, & Dei odium ideo eſſe intrinſece mala, quia ſuapte natura æternæ legi repugnant; & ex quo nequeant habere cum ipſa lege conformationem inferunt tantum, quod ſint ſemper, & eſſentialiter peccata. Sive autem appellaveris hujus conformationis deſectum privationem, ſive negationem, mea nihil reſert. Quamquam ſcio reſpondere Scholaſtici argumento Vaſqueſii, etiam mendacium, & odium Dei habere illam reſtitutionis capacitatem, non quidem conſiderata ſecundum peculiarem rationem mendacii, vel odii, ſed ſecundum commune, & univerſalem actus humani. Ad tertium primùm dico argumentum, ſi quid probat, concludere etiam de peccato omiſſionis, quod tamen remittitur a Sacerdote Dei miniſtro, & plectitur punitione, conſiſtit nihilominus ſententia Adverſariorum *in privativo*. Deinde reſpondeo nequitiam peccati remitti, ut tenebræ fugantur a ſole, ideſt, lucem ſanctificantis gratiæ diſfundendo, non deſtruendo *entitatem* aliquam; & peccatorem puniri, non quia operatur, ſed quia aut non operatur, aut male operatur, quomodo ſervus vapulat, dum juſſa negligit, aut illa incommode exequitur. Præterea peccatum non *privationem* tantummodo importat, ſed etiam maculam animæ, quæ, ut infra dicam, eſt privatio nitoris, ac pulchritudinis, ſine qua merito a Deo repudiatur, atque contemnitur. Peccatum autem commiſſionis diſſert a peccato omiſſionis ratione actus: ſed *materialis* differentia hæc eſt, ut Scholaſtici appellant, non *formalis*. Denique una *privatio*, licet non ſit major altera in ſe conſiderata, quia nihil eſt; eſt tamen major altera *connotative*, ideſt comparate ad bonum, cuius eſt privatio, ſive ad regulam ſummæ æquitatis, a qua deſeſcit: unde ad poſtremum argumentum nego minorem.

Contra allatum Auguſtini teſtimonium ex Tract. 1. in Joannem poſſe

posset quis obicere . Protulit Augustinus eam sententiam : *Peccatum nihil est*, quod in 1. cap. Evang. Joannis legendum putaverit : *Omnia per ipsum facta sunt, & sine ipso factum est nihil*. At frustra ex hoc loco Augustinus sententiam illam derivat . Primo quia Græci textus ubique habent : *Και χωρίς αυτού ήγινωκεν ιδι ής ή γέννησιν* : *Et sine ipso factum est nihil, quod factum est*. II. Joannes Chrysostomus hom. iv. in Joannem scribit esse hæreticum, uti ea lectione, quam usurpat Augustinus : *Neque enim*, inquit, *cum dixerimus, sine ipso factum est nihil, id puncto notabimus, ut hæretici opinantur*. Addit ineptam esse hanc legendi rationem : *Nulla profecto ratione hæc intelligi potest oratio*. III. Cornelius a Lapide Comment. in cap. 1. Joann. recitata expositione Augustini ait : *Verum hoc subtilius est, quam solidius, ac coactius, quam germanius, teste S. Hieronymo in cap. 2. Michæa*. Plura autem Valla, Erasmus, & alii, qui communiter Augustinianam lectionem rejiciunt.

Resp. 1. Optimam, ac probandam esse interpretationem Augustino, posita ubivis interpunctione . Nam si omnia per Verbum facta sunt, proculdubio peccatum, quod non est factum per Verbum, est nihil. Deinde respondeo frustra rejici Augustinianam lectionem Græci textus auctoritate . Nam in aliquibus Codicibus talis est distinctio, *ή χωρίς αυτού ήγινωκεν ιδι ής ή γέννησιν* : *Et sine ipso factum est nihil. Quod factum est, in ipso vita erat*. Liqueat ita legi apud Cyrillum Alex. cap. 5. & 6. in Joannem, & videtur interpunctio abrasa, ad revincendum pravum sensum Macedonianorum. Isti enim in verbis Joannis hunc pravum, & contortum sensum contineri jactitabant : *Sine ipso factum est nihil : & Spiritus sanctus, qui in ipso vita erat, factus est*. Recte itaque Chrysostomus scribit hæreticum esse Evangelica verba tali puncto notare, ut illud, *Quod factum est*, non nisi Spiritui sancto conveniat. Addit quoque nulla ratione intelligi posse illam Macedonianorum orationem ; & bene profecto . Sequitur enim directe ex hæreticorum istorum interpretatione non Verbum, sed Spiritum sanctum hominem factum . Etenim scribit Joannes v. 4. *Et vita erat lux hominum*. v. 9. *Erat lux vera*, & v. 11. *In propria venit, & sui eum non receperunt*. Si ergo de Spiritu sancto accipiendum esset : *Quod factum est in ipso vita erat*, ipse Spiritus esset lux vera, quæ in mundum venit. Nequit ergo in sensu Macedoniano orationis complexio intelligi, ut recte Chrysostomus . Hinc nonnulli freti ejus auctoritate scribere interpunctionem ab hæreticis affectam ; quod tamen, valde incertum est . Diximus enim sanctum quoque Cyrillum Evangelica verba eodem puncto disjungere . Unde Zegerus, quem oppono Laurentio Vallæ, *Utraque distinctio*, inquit, *apud Orthodoxos reperitur Scriptores*. Erasmo opponam Brianum Waltonum laudantem in variis lection. Bibliorum verba Lucæ Brugenſis : *Consulto, prudenterque*

que uſi ſunt correſtores Sixtini ambiguo hoc diſtinguendi modo, quo illud, Quod factum eſt, & precedentibus jungi poteſt, & ſubſequentibus: eo quod diverſi auctores diverſimode diſtinguant, atque intelligant, Chryſoſtomus priori modo, Auguſtinus poſteriori.

Legens Hieronymi Commentaria in Michæam Cornelius a Lapide dormitavit. Ad hunc plane modum Hieronymus loquitur: Scio me in cujuſdam Commentariis legiſſe exponentis Joannis Evangeliſtæ principium, Omnia per ipſum facta ſunt, & ſine ipſo factum eſt nihil, hoc quod dicitur, nihil, ad maliciam retaliſſe; rurſumque ipſum malitiam interpretatum eſſe diabolum, & iſto quoſque gradu ipſum, quod factum eſt ſine Chriſto, nihil, diabolum intellexiſſe. Si igitur malitia, & Diabolus nihil eſt, & fugerunt qui corruptione corrupti ſunt; nullo, iſeſt, nihil perſequentem, Diabolus eos eſt perſequutus in nihil. Quod ſi cui videtur nimis coactum, & contra ſcripturæ ſimplicitatem artificio potius eloqui, quam vera interpretatione diſſertum; vel priorem, vel quam ipſe reperit expoſitionem ſequatur. Ex quibus conſtat interpretationem Auguſtini etiam antiquorum Commentariis eſſe probatam, a Hieronymo adhiberi, & commendari, non rejici; neque coactum abſolute dici, ſed relinqui arbitrio lectoris, ſi forte ipſi talis videatur, qualem Hieronymus non exiſtimat. Quamquam ſi coactum, & nimis artificioſum ipſe quoque putaret, id accipiendum eſſet non de nihilo peccati, ſed de nihilo Diaboli; nam hunc eſſe nihil difficilius eſt intellectu, vel ſubſcurum ſaltem, atque involutum.

Si dixeris Auguſtinum appellare peccatum nihil adverſus Manichæos opinantes malum quamdam eſſe ſubſtantiam, & conſequenter propugnari poſſe, quod, ſaltem ſit accidens; reſpondendum eſt accidens quidem eſſe, & qualitatem ſubſtantię adventitię, ſed non entitatem illam parvam, quam vulgus Philoſophorum invexit, ſed malam perverſamque animi affectionem ortam ex recti ordinis deficientia, cujuſmodi eſt aeris tenebricoſi obſcuratio per lucis privationem induta; ut late adverſus Manichæos in primo libro diſſerui.

Tandem videndum eſt quid ſit peccati macula, permanenſque in anima reatus, nam actu malo, & ab æquitate devio tranſeunte, inſidet adhuc, donec expietur, labes, & culpa. Certum porro eſt maculam illam non eſſe actum ipſum peccati, cum is, ut dicebam modo, prætereat, macula autem remaneat; neque eſſe habitum, ſive inhærentem ad malum vehementem inclinationem, quoniam hæc repetitis actibus inducitur, culpæ autem macula uno tantum. Videtur etiam non eſſe privationem gratiæ tantummodo, cum hæc peccati ſit pœna, atque eadem in peccatoribus omnibus mortaliter delinquentibus. Dum vero reatum dicimus, explicatur culpa tantum per comparationem ad pœnam, & ad juſtitiam punientem; ideoque reatus nomine non ſatis culpæ inquinamentum exprimitur. Eſſe peccati labem privationem decoris,

coris, nitorisque animæ, dictum paullo supra, & asseritur a D. Thoma 1.2. q. 86. art. 1. sed nondum videtur rem assequi ingenii nostri tarditas & infirmitas.

Brevi conabor tenebras discutere manifesta comparatione. Rectum teneo bacillum, sed flexile, cujus pulcritudo est rectissimum esse. Illud inflecto, ut a recto declinet; atque flexione ista quamdam contrahit deformitatem ipsi inhærentem, etiam dum flectentem manum retraxero. Possum illud facile ad priorem rectitudinem flexione opposita revocare. Si tamen semel, atque iterum detorqueam, efficitur in bacillo pronitas quædam ad curvitatē, ut vix in rectum dirigi valeat, & si dirigatur, jam summa facilitate denuo contorquetur. In quo exemplo laboriosum non est deprehendere quale discrimen interfit inter flexionem manuum mearum, virgæ curvitatē, & facilem ad obliquum regressionem: flexio enim illa præteriens actus est; curvitas persistens in bacillo deformitas: illa denique facilitas vitium actibus repetitis productum.

Humana itaque voluntas potest ad bonum, atque ad malum a libero arbitrio inclinari. Ejus honestas, & decor est rectam esse, scilicet a lege æterna nullatenus detorqueri. Dum pravo motu liberi arbitrii avertitur a summo bono, & ad fluxa bona convertitur, contorta redditur, & difformis. Nequit ad formam, nitoremque pristinum reduci, nisi sancta dilectione recta iterum fiat, & averfa a bonis commutabilibus, conversa ad bonum incommutabile. Si tamen cupiditati obsequens frequenter a summa æquitate declinet fruendo utendis, & creatis bonis amore inhærendo, induit quamdam perversitatis proclivitatem, ut facile in nequitiam recidat postquam pio animi conatu iterum recta evaserat. Atque hæc Augustinianæ doctrinæ penitus cohærere, arbitror ex dictis manifestissimum. Motus ergo ille liberi arbitrii inclinans voluntatem ad malum, est actus peccati: deformitas permanens in voluntate, quoad usque iterum convertatur in summum bonum, est peccati macula, & labes: facilitas illa magna, & ad iniquitatem propensio est peccati *habitus*, sive peccandi consuetudo. Ita fit, ut prætereunte peccati actu persistat macula, & perseveret deleta macula *habitus*. Vide, quæ disseruimus libro XIII. de peccato originali.

C A P U T VII.

Num dentur peccata natura sua venialia.

AVERSIONEM ab incommutabili bono spiritualis mors animæ, privatio sanctificantis gratiæ, sempiterni supplicii meritum, atque

que Dei consequitur inimicitia. Sicut enim gratia, vita, & Dei inhabitatio castum caritatis amorem, ita crimen, interitus, Deique odium comitatur deliberatum motum voluptuosæ cupiditatis. Nam apud eum, qui Christum diligit, ipsum cum Patre manere, in eo autem qui diligit mundum, & quæ in mundo sunt, caritatem Patris non esse, diserte in priori Epistola cap. 2. & 3. declarat Joannes. Oritur hinc quæstio, num peccatum aliquod detur natura sua veniale: quoniam si omne peccatum pervertit amoris ordinem, videtur expellere caritatem, & trahere ad mortem, ideoque crimen esse mortiferum. Est itaque hæc non levis quæstio adversus hæreticos dirimenda.

Illud autem principio statuendum est dari aliquod inter peccata discrimen, & unum esse gravius altero. Paria utique peccata quæque fecerunt Stoici, ut scribit Cicero in Paradoxis, Stoicisque adhæsit Jovinianus; de quo S. P. Augustinus H. lxxxii. *Hic omnia peccata, sicut Stoici Philosophi, paria esse dicebat, nec posse peccare hominem, lavacro regenerationis accepto.* Sed hæreticum hominem refutat D. Hieronymus lib. 11. his verbis. *Audebis ne dicere, sic negasse Petrum & ceteros Apostolos, qui fugerunt, quomodo Caiphas, & Phariseos, & clamantem populum, Crucifige, crucifige talem? Et ut de Apostolis taceam; ejusdem ne tibi sceleris videbitur reus Annas, & Caiphas, & Judas proditor, cujus & Pilatus, qui nolens compulsus est contra Dominum ferre sententiam? Quanto majoris meriti fuit Judas, tanto majoris criminis est: & quanto majoris criminis, tanto majoris, & pæna. Potentes enim potenter tormenta patientur.* Joviniani argumenta pctuntur ex æqualitate, quam improbe statuebat, retributionis, ac meritum, & refutata a nobis sunt capite duodecimo libri 111.

Major Hæreticorum recentiorum numerus ex perversa sententia, quod semel justificati ex gratia, & possessione Spiritus sancti nunquam possint excidere, & quamvis in mortalia peccata labantur, non tamen iram Dei sibi arcescere, in alteram impiissimam opinionem desciverunt, omnia peccata etiam justorum hominum esse natura sua damabilia, & lethalia, quamvis divina misericordia credentibus, ac prædestinatis non imputentur. Ita sentiunt Calvinus lib. 2. Instit. cap. 8. & lib. 3. cap. 4., & cum ceteris Calvinistis Vermilius, Beza, Marloratus; a quibus non videtur dissentire Lutherus scrm. de Piscatura Petri, & expressius in articulo xxxi. Philippus tamen Melancthon, etsi citeatur pro hac sententia a Coccio, & aliis, saltem ut procedat ex eo principio, quod renati dum ruunt in scelera non amittant gratiam, appellat errorem fanaticorum hominum, ut demonstrat in discussione Rivetiani Apologetici pag. 732. H. Grotius. Is vero cum hoc loco, tum in Comment. ad cap. 2. Jacobi, & in voto contra Examen Riveti prope finem, nec non in Annotatis ad Consult. Cassandri dari venialia

peccata propugnat: nec dissentit Lambertus Danæus apud Fovarden-
tium lib. x. l. cap. 12. Theomachia. Quare nec Novatores omnes pro-
bant Hæresiarcharum suorum errorem.

Hoc etiam prænotandum est peccatum duplici sensu veniale appel-
lari: primo quidem quatenus per pœnitentiam deletur, & vniam
consequitur; atque hoc sensu certum est omnia peccata prædestinato-
rum, ac resipiscientium esse venialia, non quod ipsis minime imputen-
tur, sed quia pœnitentibus condonantur. Altero sensu veniale pecca-
tum dicitur, quod in se inspectum non promeretur divinam omnem
indignationem, neque sempiterno supplicio punitur: & in hoc sensu
præfens quæstio agitur, quam nemine Catholicorum dissentiente re-
solvam.

PROPOSITIO. Admittenda sunt peccata genere suo venialia.

Probat 1. Scripturarum, ac Patrum simul auctoritate. Qui-
dam enim sunt quotidiani defectus, in quos Dei non dissoluta amicitia,
iusti frequentissime prolabantur. Hinc est, quod orant quotidie: *Di-
mitte nobis debita nostra*; & omnium ore Jacobus Apostolus cap. iii.
2. ait, *In multis offendimus omnes*; atque in priori Ep. cap. i. 8. Ioan-
nes: *Si dixerimus quoniam peccatum non habemus, ipsi nos seducimus,
& veritas in nobis non est*. At peccata quotidiana, singulisque etiam
iustis communia, quibus Dei amicitia penitus non disrumpitur, levia
& venialia sunt. Dari igitur venialia peccata ex sacris literis demon-
stratur. Atque hæc prior argumentatio Patrum auctoritati etiam inni-
xa est. Etenim de quotidiana Iustorum oratione ait Chrysostomus in
Orat. de Divite & Lazaro: *Etiamsi iustus quis sit, etiamsi millies sit ju-
stus, & ad summum pervenerit culmen, ut liberatus sit a peccato; non
tamen quit ab omni nevo esse purus; etiamsi millies iustus sit, homo est.
Quis enim jactabit mundum omnino sibi esse cor? Quis gloriabitur ab
omni culpa se esse immunem? Ideo jlabemur in precatone dicere, Di-
mitte nobis debita nostra*. Augustinus pariter de Fide & operibus in-
quit: *Nisi essent quedam, siue quibus hac vita non agitur, non quoti-
dianam medelam proponeret in oratione, quam docuit, ut dicamus,
Dimitte nobis debita nostra*. Similia habet Cyprianus de Oratione, & de
Opere & Elecmosina, Ambrosius lib. 2. de Pœnit. cap. 10., & PP. ce-
teri. Quare ex horum traditione Tridentina Synodus sess. v. l. can. x. l.
definit, quod: *licet in hac mortali vita quantumvis sancti & iusti in
levia saltem, & quotidiana, quæ etiam venialia dicuntur, peccata
quandoque cadant, non propterea desinant esse iusti*. Vide & librum
Augustini de Natura & Gratia cap. 35. & 36. unde deprompta est tota
Tridentini Concilii circa veniale peccatum doctrina. Atque hoc loco
S. Pater etiam verba Joannis apposite proferens de iustis inquit: *Ro-
go vos, quantalibet fuerint in hoc corpore excellentia sanctitatis, si hoc
interrogari potuissent, qua voce clamassent: Si dixerimus, quia pecca-*

EST

eum veni habemus, nosipfos seducimus, & veritas in nobis non est. At de priori argumento satis.

Alterum promittitur ex Evangelio Matthæi, ubi cap. v. 22. legimus: *Ego autem dico vobis: quia omnis, qui irascitur fratri suo, reus erit iudicio. Qui autem dixerit fratri suo, Raca, reus erit concilio. Qui autem dixerit, Fatue, reus erit gehenna ignis.* Capite autem v. 11. 3. proferuntur verba Christi, *Quid autem vides festucam in oculo fratris tui, & trabem in oculo tuo non vides?* Ex quorum locorum primo liquet plura dari conviciorum genera, & uni temporale supplicium respondere, alteri sempiternum. Quod vero temporali duntaxat muleta punitur ex ipsius reatus natura, proculdubio est per se veniale. Recte Chrysostomus Homilia xvi. in Matth. *Eum, qui sine causâ irascitur iudicio condemnat, & ideo dicit, Qui irascitur fratri suo sine causâ. Eum vero, qui dixerit, Raca, reum pronunciat esse concilio. Sed adhuc ista non magna sunt; hujus enim sæculi sunt pœna. Quocirca eum, qui fratri fatue dixisset, gehennæ ignibus deputat, modo certe primum gehennæ nomen commemorans.* Quod si petas cur dicentes fratri suo *Raca* ad confessum iudicium puniendi deferrentur? Dico, quod, tametsi vox illa levem & contemnendum hominem significet, ut alibi demonstravi; sedentes tamen ad Synedrium, legisque observationem affectantes illam proferentes vocem iudicio damnabant; propterea quod iudicium 1x. 4. *Recehim* appellentur viri inopes & vagi, quorum opera Abimelech 1xx. fratres trucidavit. At si dixeris: Cur gehennæ deputatur qui fatuum dicit fratrem suum? Nonne crimen istud censendum est veniale, & pertenuè? Erit ne ergo quælibet culpa supplicii æternis punienda? Respondeo in Evangelio sermonem fieri de iis, qui iram non cohibentes conviciis fovent inimicitias, ideoque spectato animo, & circumstantiis rerum, quod leve videtur, crimen fieri mortiferum. *Noli igitur adspicere* (inquit ibidem Chrysostomus) *quod unum hic verbum sit: sed quantum periculi habeat expende. An ignoras inimicitarum tempore, incandescente ira, animoque prorsus ardente etiam minimum aliquid magnum videri? Tunc quippe & quod non valde injuriosum est, nimis tamen putatur onerosum. Nam hæc ipsi parvula, & homicidia sæpe pepererunt, & urbes crebro integras subruerunt.* Ex altero autem Matthæi loco satis constat dari peccata quæ festucis comparantur, & alia quæ trahi. Et eximius Ecclesiæ Doctor Hieronymus hujus argumenti demonstrat firmitatem, scribens in Comment. ad locum eundem: *De his loquitur, qui cum ipsi mortali crimine teneantur obnoxii, minora peccata fratribus non concedunt, culicem liquantes, & camelum glutientes.*

Tertium argumentum petitur ex verbis Apostoli in 1. ad Corinth. cap. 111. *Si quis autem superædificat super fundamentum hoc aurum, argentum, lapides preciosos, lignum, fœnum, stipulam; unus-*

eiusque opus manifestum erit, &c. Atqui aurum, argentum, & lapides pretiosos non solum Latini, verum etiam Græci PP. bona opera interpretantur, præsertim Chrysostomus, & Theodoretus laudati ab Eftio Comment. in hunc Pauli locum, & Augustinus De Fide & Operibus cap. xvii. in Enchiridio cap. lxxviii. & in Pl. xxxvii. & lxxviii., ut mittam vulgo citatum, sed apochryphum, aut saltem dubium Sermonem Civ. alias xli. de Tempore. Igitur fœnum, lignum, & stipula mala quidem opera, sed levia, & venialia commonstrant.

Vulgatæ huic apud Scholasticos argumentationi video posse versutos hæreticos responderc cum Erasmo super Paulum, coactam esse Augustini, & Magni Gregorii expositionem; nam Græci quemadmodum interpretantur aurum, argentum, & lapides pretiosos bona opera æternis præmiis coronanda, ita lignum, stipulam, & fœnum docent esse mala opera punienda ignibus sempiternis. Corruit ergo petium inde pro veniali culpa argumentum. Accedit quod Ambrosiaster interpretatur lignum, fœnum, & stipulam doctrinas falsas, & errores hæreticorum, non utique inter peccata venialia connumerandos. Atque hæc magis videntur comprobare iudicium Erasmi, quam illud confirmant ipsius Erasmi animadversiones. Is enim, ut coactam priorem interpretationem demonstret, ait, quod plumbum minus est grave, quam aurum, & tamen æque atque aurum purgatur igni: Addit nemini persuasum, culmum esse leviolem fœno; & inepte in malorum ordine poni extremo loco quod minime malum est, cum in bonorum ordine quod optimum est primum obtineat locum.

At quamquam verum est per aurum, & argentum, pretiososque lapides bona opera designari, atque per lignum, fœnum, & stipulam opera mala, qua in re Græci, Latinique Patres consentiunt; attamen non mala quælibet, sed venialia postremis verbis denotari longe melius docuerunt Gregorius & Augustinus. Quis enim peccata mortifera, nunquam per gehennam delenda minimis rebus, fœno scilicet, ac stipulæ comparabit? Deinde non super fundamentum Christi, sed *super arenam* edificare fractores legis & lethalium criminum reos, constat ex cap. vii. 26. Matthæi. Præterea docet Apostolus, eum, qui superædificat lignum, fœnum, & stipulam, etiam si arserit opus ejus, salvum futurum esse, *sic tamen quasi per ignem*. Quis autem detrusis impiis in tartara, gravia illorum facinora crediderit igni purganda, ita, ut salvi fiant? Nonne si hæc opinemur, inconsulto probare videbimur damnata dogmata Origenis, ex quo fortassis acceperunt quidam Græcorum falsam illam expositionem? Tandem, *Ignis, de quo eo loco est locutus Apostolus, talis debet intelligi, ut ambo per eum transeant, & qui ædificat super hoc fundamentum aurum, argentum, lapides pretiosos, & qui ædificat ligna, fœnum, & stipulam: cum enim hoc dixisset, adjunxit: Uniuscujusque opus quale sit, ignis probabit*; ait Augustinus

cap. 68. Ench. Atqui superædificantes aurum, argentum, ac pretiosos lapides igni sempiterno non sunt deputandi. Non ergo de tali igne, sed de igne aut Purgatorii, aut temporalis tribulationis, quo leves culpæ expiantur, est locutus Apostolus. Porro errores hæreticorum laudatis verbis expressi nequaquam fuerunt, cum non sint ædificia quædam supra fidei fundamentum constructa, sed fundamentum ipsum evertant. Cavilli autem Erasini satis hisce responsionibus exploduntur; sunt namque & ipsi scænum, & stipula, levissimi scilicet & inepti.

Prædictis argumentis accedunt ea, quæ ratiocinationes dicuntur. Est autem primum, quod vera amicitia læditur quidem levissimis offensionibus, at minime frangitur: & communia filiorum vitia displicent parenti optimo, sed facillime condonantur. Ergo justus Dei amicus & filius ob parvas transgressiones non subicitur damnationi, neque penitus stola sanctitatis, & filiorum jure expoliatur. Non enim statuit nobiscum Deus legem amicitie durissimam, neque regeneravit nos, ut levi contingente causa defereret. Proximum est argumentum, quod percipi prorsus nequeat velle Deum tanto a se pretio redemptos ob verbum otiosum, officiosum mendacium, vel aliud peccatum simile perpetuis gehennæ flammis addicere. Ultimum erit a comparatione peccati cum infirmitatibus corporalibus. Peccatum enim est quædam infirmitas, de qua Regius Psaltes agebat: *Sana animam meam, quia peccavi tibi*. Ut ergo in morbis carnis sunt leves alii, alii vehementiores, alii ancipites: ita putandum est dari pertenuis, & dari graviores ægritudines animorum. Sacris ergo literis, testimoniis Patrum, & ratiocinatione concluditur, *singula peccata non lethali vulnere ferire*, ut scribit Augustinus Serm. cccxi. sive l. ex libro l. Homil., necnon justos plura peccata infirmitatis committere, *sine crimine vastante conscientiam*, ut inquit idem S. Doctor lib. xi. De Civit. Dei, capite duodecimo. Atque ex his constat jure, ac merito fuisse damnatum xx. articulum Baji: *Nullum est peccatum natura sua veniale, sed omne peccatum meretur pœnam æternam*.

AD ARGUMENTA HÆRETICORUM RESPONSIO.

Urgent adversus Catholicam veritatem heterodoxi quædam loca, Scripturæ: ac primum verba Christi apud Matth. v. 19. *Qui solverit unum de mandatis istis minimis, & docuerit sic homines, minimus vocabitur in regno cælorum*. Esse, & vocari minimum in Regno cælorum, nihil est aliud, quam, ubi Regni cælestis consummatio advenit post corporum resurrectionem, nullum existimari, atque cum maledictis in gehennam detrudi, ut explicat Scriptor Responsionum ad Orthodoxos inter Opera Justini, & Hom. 16. in Matth. Joannes Chrysostomus. Igitur, qui minimum quoque mandatum solvit, reus erit gehennæ.

gchennæ ignis. Præterea in eodem Evangelio Matthæi cap. xii. 36. legitur: *Dico autem vobis, quoniam omne verbum otiosum, quod locuti fuerint homines, reddent rationem de eo in die judicii.* At verbum otiosum peccatum minimum est. Ergo de omni peccato, quantumvis minimo, tenemur rationem reddere. Tertio: Joannis xiii. 8. Christus ait Petro: *Si non laverò te, non habebis partem mecum;* lotio autem pedum juxta Augustinum significat emundationem a venialibus, præsertim cum Petrus ibidem v. 10. dicatur lotus, ac mundus. Insuper in Epistola Jacobi e. 2. v. 10. habetur: *Quicumque totam legem servaveris, offundat autem in uno, factus est omnium reus.* Univcrsæ itaque legis censendus est reus, quisquis unum, vel minimum peccatum patravcrit. Denique de peccato indefinite pronuntiatur in Scripturæ locis permultis, quod mortem inferat animæ. Si ergo peccata, quæ levia appellamus, revera peccata sunt, lethalia crunt quoque & mortifera.

Respondetur ad 1. distinguo priorem propositionem, & Evangelii verba simul explico: *Qui solverit unum de mandatis istis minimis*, idest, quæ minima putantur a Phariseis, gravia sunt tamen in se, aut ob rerum circumstantias, cujusmodi est incandescente ira jacere in fratrem convicia, concedo. Quæ minima sunt reapse, nego. Perstringit Christus cap. v. Matth. hypocrisim, & fallacem Phariseorum justitiam; jactabant enim servari legem non occidendo, non mœchando, non jurando per terribile Dei nomen; fas tamen esse irasci, conviciari, concupiscere, & jurare per cælum, per Jerusalem, per caput suum. Id sola lectiōe citati quinti capitis manifestum fit. Hæc autem, quæ Pharisei minima arbitrabantur, quis ignorat revera esse gravia, & mortifera? Hanc esse interpretationem Chrysostomi verba ipsius paullo supra recitata commonstrant. Negat quippe S. Doctor indignationem, & probra, unde oriri queant homicidia, esse inter leves culpas connumeranda. Vide & S. P. Augustini librum 1. de Serm. Domini in Monte cap. 17. Addamus confessionem Glassii scribentis lib. v. Traët. 2. cap. 3. *Prior vox, Minimis, sententiam Phariseorum exprimit, qui quædam præcepta Dei vocabant Minima: & in Logica sacra cap. 2. de Opuscula, Minima, alludit ad opinionem Rabbiorum, quædam præcepta dicentium esse minima.* Responderi etiam potest eo loci minimum appellari illum, *qui fecerit, & docuerit*, docere autem aliquid adversus divinam legem, ac Dei verbum corrumpere, aut Scripturarum sanctarum oracula alicujus falsitatis arguere, crimen est gravissimum; quoniam debent in Lege, ut scribit citato Serm. Augustinus, *ad effectum etiam minima quæque perducì.*

Quod objeunt ex cap. xii. Matth. nil prorsus concludit; nam utique de culpis minimis ratio reddenda est, debitumque usque ad ultimum quadrantem est persolvendum: sed aliud est ad calculum vocari, aliud pro minimo debito extremo plecti supplicio. Refutantur præterea

rea hæretici ſuorum Commentatorum obſervationibus. Clarius enim proſert in hunc locum verba D. Baſilii, *Verbum otioſum eſt, quod etiamſi bonum ſit, ad adificationem tamen fidei non aptatur. Et ejuſmodi verba in celeberrimo illo totius orbis terræ conventu examinabuntur. Quid ſcſrilibus & detrabentibus & obſcenis verbis fiet?* Evangelica itaque verba ſunt quædam a minori ad majus argumentatio, qua ſuaſedmur gravius ſupplicium deberi verbis maledicis, blaſphemisque Phariſæorum adverſus filium hominis, cum examen quoque de otioſis verbis ſit ſubeundum. Zegerus otioſum verbum interpretatur quod proferentem coinquinat mendacio, & dicitur ad calumniam; alioqui non cohærerent, inquit, cum præcedentibus proxima verba, *Ex verbis enim tuis juſtificaberis, & ex verbis tuis condemnaberis.* At Salomon Gleiſius De Pronomine Can. cap. xxv. contendit hic relativum poſtponi, & ſignificari tantum, quod impij in die judicii nec habebunt inreddenda ratione, quo verbum otioſum excuſent. Verum hos flexilocos & doloſos parviſacimus.

Majori brevitate reliqua expedio, enim vero peccata venialia excludunt a regno, ubi nihil inquinatum eſt, vel immundum, ſed non exilio ſempiterno, ac perpetuo. Auguſtinus Tractatu lvi. in Joannem pedum lotionem indigentium nomine intelligit *humanos affectus, ſine quibus in hac mortalitate non vivitur.* Et poſtquam inde oſtendit etiam juſtos iſtam terram calcantes habere opus ut pedes lavent, de Eccleſia non habente rugam, neque maculam ita concludit: *In his autem, qui hic demorantur, etiamſi munda ſit, quoniam juſte vivunt, opus tamen habent pedes lavare, quoniam ſine peccato utique non ſunt.* Dantur peccata levia abſtergenda, & purganda, quibus inquinati cenſentur mundi, ideſt, juſti ſunt; ac de unoquoque illorum proximo verſu 10. dicitur: *Qui lotus eſt, non indiget, niſi ut pedes lavet, ſed eſt mundus totus.* De laudato Jacobi loco vide Auguſtinianam Epistolam. xxix., nunc clxvi i. in qua S. Pater demonſtrat, quod cum plenitudo legis ſit dilectio, qua Deus, proximique diligitur, atque in præceptis caritatis tota lex pendeat *Merito ſit reus omnium, qui contra illam facit, in qua pendet omnis.* Quod ex præcedenti capite manifeſta illatione conſequitur. At quemadmodum rectus amor nunc vehemens eſt, nunc teſcens, nec ſemper caritas quæque juſtificat: ita perverſus amor quoſdam, quaſi ardoris, gradus habet, nec ſemper ſanctificantem gratiam abſumit. Ideo poſt pauca ait S. Pater: *Omnes enim offendimus, ſed unus gravius, alius levius. Quanto quiſque gravius, leviusque peccaverit, tanto erit in peccato committendo major, quanto in diligendo Deo, & proximo minor.* Grotius, quem propter heterodoxos proſero, explicat locum Jacobi, *Quicumque offendat in uno, nempe eorum, quibus pœna capitalis conſtituta eſt, non minus morte puniatur, quam ſi omnia præcepta violaveſſet;* ac ſi ſcriptum eſſet.

esset, *ὡς τὰν ἰσχυρὰν, quasi omnium reus*. Neque nos uni tantum lethali peccato sempiternam deberi punitionem negamus. In postremo non immoror: ubicunque enim Scriptura affirmat peccatum in damnationem nos trahere, dicimus sermonem fieri de mortali peccato, quod peccatum appellatur antonomastice; eo pacto, quo ubi caritati tribuitur vita, & Dei inhabitatio, certum est designari caritatem *habitua-lem*, aut saltem vehementem. Ita dicimus mori hominem febre, veneno, vulnere; quamquam mortem non inferat quæcunque febris, quodcunque venenum, quodcunque vulnus. Sed possumus etiam respondere, veniale peccatum animæ vitam adimere dispositive; nam, ut est in Proverbio: *Qui minorā spernit, paulatim decedit*.

Obijciunt præterea quædam Patrum testimonia affirmantium divinæ tribuendum misericordiæ, si nos crimina illa minuta non obruant; in Evangelio nequaquam reperiri istud inter venialia; & mortifera peccata discrimen, sed omnia nobis fugienda proponi; levi quoque flagitio divinæ majestati irrogari injuriam, ac propterea non esse minimi faciendum. Insignis est Declamatio Magni Basilii adversus contemnentes peccata minima in Regulis brevioribus.

Respondemus consulto PP. commonere, ne peccata quælibet, etiam minima, foveamus, atque parvi momenti illa esse arbitremur. Etenim hæc ipsa despicientia, & neglectus majorem arguit erga illicita propensionem, & culpam quodammodo adauget: nam quæ magis diligimus minus insectamur, quæ autem odio habemus vituperamus, & redarguimus. Ipsa insuper negligentia, & contemptio ad irreparabilem lapsum sæpe trahit infirmam, atque in scelera facile prolabantem hominum voluntatem. Præterea levia hæc, & quotidiana peccata, sunt fere innumera; & licet seipsis non perdat, trahantque ad sempiterna supplicia; tamen ut aqua paulatim subrepens navem implet, ac mergit, peccata illa parva crebro commissa gravant, atque opprimunt peccatorem. Legatur Augustini ad Seluc. Epistola cxiij. nunc cclxv. Sanctæ quippe dilectio nos retrahit a noxiis cupiditatibus; & leves culpæ, quæ sunt istarum cupiditatum fomenta, faciunt ut fervens caritatis amor tepeſcat, ac tandem robustior facta cupiditas sanctam illam dilectionem extinguat; pressumque hominem, & compluribus stimulis concitatum cor derelinquat, ut ait S. David Ps. xxxix. 13. *Multiplicate sunt super capillos capitis mei, & cor meum dereliquit me*. Atque hinc est, quod tribuere debemus divinæ misericordiæ, si ob venialia peccata non perimus, in quantum in graviora prolabimur, nisi gratiarum supernarum Auctor sanctam nobis delectationem inspiret, & arescentem terram nostram copioso benedictionis rore perfundat. His Basilii, aliorumque Patrum sententiæ faciles sunt intellectu: nam quod aliqui ajunt laudatum Regularum librum non esse Basilii, inane videtur refugium. Redolet Basilii stylum, Asceticam præceptionem, atque

que pietatem : eique tribuitur a Photio Cod. cxc1. At licet adſcribas Euſtathio Sebaſtēno , aut cuiuſvis ſcriptori , eadem adverſus levia peccata Patres alii ſcriplere : ideoque reſponſa noſtra teneto .

Argumentantur poſtremo loco a ratione . Principio , inquiunt ; primum , ac maximum præceptum eſt Deum ex toto corde diligere . Qui minimum peccatum patrat , transgreditur primum præceptum . Ergo peccat contra præceptum ſummum , ac maximum . Præterea , nonne quiſquis peccat avertitur a Deo , & convertitur ad creaturas ? Igitur quiſquis peccat , fruitor utendis , ultimumque finem conſtituit in re creata ; quod proſecto eſt nefarium crimen contrahere . Inſuper quæcunque peccatum eſt offenſa facta Deo ſumme bono : itaque quæcunque peccatum ſummum malum eſt . Deinde neſas eſt propter quodcunque bonum comparandum , aut propter evitandum quodcunque malum minimam culpam committere . Culpæ ergo minima ſuperat omne malum . Tandem quicquid boni facit juſtus promeretur æternam vitam : ergo quæcumque noxam admittat impius , ſubjicitur æternæ morti , perpetuoque ſupplicio .

Reſp. ad 1. diſt. minorem . Minimis peccatis transgredimur primum maximumque præceptum transgreſſione minima & levi ; co- gravi & mortifera ; nego . Quemadmodum enim non ſemper ſummum bonum diligimus caritate adeo flagranti , ut noſtrorum peccatorum labes abſtergatur : ita non ſemper fluxa bona amamus tam vehementi cupiditate , ut juſtitiam penitus amittamus . Vide & quæ de Amicitia Dei ſupra diximus . Ad 2. diſt. conſeq. Qui venialiter peccat conſtituit finem amoris in re creata , & huic adhæret parva cupiditate , per quam ab amore boni increati nequaquam divellitur , conc. Adhæret rei creatæ cupiditate perverſa , ac deſixa , per quam increatum bonum deſpiciat , eique ſubtrahat amorem vehementiorem , nego . Atque hic nota diſtingui peccatum mortale a veniali ; quod per illud conſenſu , & delectatione adeo hæremus rei creatæ , ut hanc ſummo bono præponamus : per iſtud vero languida quadam dilectione ſeſtimur in bona creata , ut voluntatis deliberatione his minime ſervidus amor hæreſcat . Quapropter in re etiam parva admittimus mortiferum ſcelus , ſi ſpreta divina lege frena cupiditatis laxentur . Perdifficile eſt tamen diſtinguere inter peccatum mortale , & veniale , ut Auguſtinus ſcribit lib. xx1. de C. D. cap. 27. quamquam mortalia conſenda ſunt , quæ aut materiam habent in ſe , vel ſpectatis circumſtantiis ponderoſam , magnique momenti ; aut ſi levis materia eſt , ſerveſcit noxia cupiditas . Solvitur ex his argumentum tertium , quoniam veniale peccatum eſt offenſa quidem illata Deo , ſed leviffima in re ; neque lege caritatis penitus violata . Diluitur proxima obſectio diſtinguendo duplex malum , morale unum quod opponitur divinæ legi , phyſicum alterum , quod legi ipſi non adverſatur . Proſecto minimum

malum morale majus est quocunque malo physico, ideoque nefas est vel leviter mentiri, abiret licet universum in nihilum. Hinc tamen non inferitur, quod veniale peccatum puniri debeat privatione cujusque boni, ac sempiterno gehennæ supplicio; cum in punitione attendi debeat ratio demeriti, & lex justitiæ, æquitasque vindictæ. Quod aliqui demonstrant comparatione animalis, v. g. ovīs, vel agni; cujus pretium existimatur unius aurei, quamquam res animata sit physice, omni auro præstantior. Ita minor culpa censetur digna minori supplicio, quamquam aliquo in genere levis culpa excedat malum cujusque pœnæ. Enimvero nequit eodem pretio vendari agnus, & equus, eademque animadversione puniri convicium, atque homicidium, cum idem non sit valor omnium rerum, neque idem singulorum delictorum demeritum. Ad ultimum neganda est consequentia; nam minimum opus bonum a justo patratum promeretur vitam æternam non per se, sed propter caritatem *habitualement*, ex qua elicitur: quo pacto etiam minimum peccatum ex vehementi cupiditate commissum pœnam mereatur sempiternam. Differt præterea in hoc meritum a demerito, quod illud pendet a Dei voluntate, istud vero ex ipsa operis conditione. At Deus cum sit misericors coronat in miserationibus, & ultra condignum, cum sit justissimus punit servata æquitate, & juxta demeritum.

C A P U T VIII.

Quam gravis sit mortalis peccati nequitia.

A VENIALI ad mortale peccatum ordo disputationis progreditur. Est autem mortiferum peccatum, si a Spiritu sancto inhabitante, & a caritate *habituali* distrahat animam, itaut divinitatis consortio privetur, & affecta spiritali turpitudine veniat in odium Creatoris, atque perpetuæ damnationis pœnam commereatur. Quod evenire diximus quotiescunque humana voluntas ita avertitur a summo bono, ut huic præferat creaturas, eisque tali cupiditate adhæreat, ut vehementius appetat frui bonis commutabilibus, quam ipso Deo, neque parata sit potius mori, & amittere bona quæque creata, quam divina gratia expoliari. De hoc itaque peccato inquirunt Scholastici Doctores, an adeo censendum sit grave, ut dici debeat aliqua ratione infinitum.

Communior opinio est, peccatum esse finitum si accipiatur, vel pro ipsa physica actione, vel pro privatione gratiæ aliorumque spiritalium donorum, quibus justorum animæ sunt exornatæ. Atque de actione est adeo manifestum, atque compertum, ut nulla exoriri possit dubitatio, cum a nulla finita causa possit infinitus actus prodire. Sed quantum spectat ad privationem, quidam sunt, numero licet perpau-

ci,

ei, quibus placet mortale peccatum censendum esse infinitum . Privat enim, inquit, Spiritu sancto inhabitante, atque sempiterna etiam beatitudine; ideoque aufert infinitum bonum, & infinitum infert nocumentum . Ratiocinatur hoc pacto eximius Theologus Leonardus Vanroy De peccatis cap. v. q. 2., & qui ejus vestigia ubique premit Aurelius Piette q. 6. Verum cum privatio sit amissio boni, non quatenus in se est, sed quatenus participatur, & possidetur, etsi tam in gratia sanctificante, quam in Sanctorum beatitudine haberi bonum infinitum concedamus, dicimus tamen utrumque coarctatione quadam participari, ideoque illorum privationem esse finitam. Quidquid tamen asserendum arbitreris, pro libito affirma.

At si accipias peccatum in quantum est offensa Dei, omnes Instituti nostri, aliorumque Theologorum pars major, tenent peccatum nequitie esse infinitae. Ad quod confirmandum diversa proferunt argumenta, quamquam non omnia firma admodum, atque invicta. Primum est illud, quod peccator aufert a Deo rationem ultimi finis, eamque tribuit bono creato: quod perinde est, ac Deo loco habere rem vilissimam, & honorem soli Deo debitum impendere creaturis: hac autem injuria cogitari nequit atrocior. De quo argumento plura habet de Vitiis, & peccatis cap. 6. q. 1. Sed huic argumentationi video plures respondere, quod per actum caritatis Deo omne creatum bonum postponitur, illique ratio finis ultimi tribuitur, neque tamen caritas dicitur infinita: & consequenter infinita non erit culpa, quae Deo aufert rationem ultimi finis, illique praefert quamlibet creaturam. Affinis est argumentatio quod peccatum, quantum in se est, Deum interimit, ut scribit Serm. 3. S. Bernardus: & consimilis pariter responsio, quod eo sensu peccatum interimit, quo caritas vivificat; atque tam hanc vitam, quam illam mortem constat finitam esse, quoniam neque Deus ab homine infinita caritate diligitur, neque bonum creatum infinita cupiditate. Legito Joannem Baptistam Gonet disp. ix. de Peccat. art. 6. Non dissimile est tertium argumentum, quod per mortale peccatum crucifigitur Christus in nobismetipsis, & definit in nobis vivere per gratiam sanctificantem: quod eadem ratione diluitur, propterea quod istiusmodi vita finita est, & alterius generis ab ea, quam habet Christus redivivus, atque immortalis. Argumentatio quarta in hoc sita est, quod mortale peccatum punitur aeterna morte, summoque supplicio. Sed respondet cum Scotistis Nicolaus L'Hermier Tom. vi. pag. 539. atrocissimum quidem esse tormentum gehennae, & perpetuo duraturum, quoniam peccatum damnatorum irremissibile est, eorumque voluntas inflexibilis & obdurata; cruciatus tamen ipsorum esse definitos, ac pro delictorum mensura minus, magisque vehementes.

Missis itaque praefatis argumentationibus, placet nobis trita illa,

& pervulgata, quod qualitas offensæ commensuratur dignitati personæ, quæ afficitur injuriâ; amplitudo autem honoris a conditione & honestate illius, qui honorem præstat, æstimatur. Id vero liquet ex communi proloquio, *Honor est in honorante, offensio in persona offensa*. Liquet etiam ex auctoritate, & opinione prudentum; qui injuriam illatam præclaro viro, eâ, quæ infertur alicui plebico-læ, putant insigniorem; honorem autem exhibitum a viro principis præferunt illi, quem recipiunt a populari. Cum ergo peccatum mortale sit offensa Dei, cujus majestas, dignitas, magnificentia, nec non in conferendo hominibus beneficia liberalitas infinita est; oportet ut ipsum peccatum induat rationem maximæ ac infinitæ iniquitatis. Quam argumentationem confirmant summi Dei imperium, æquitas, providentia, amor, atque cetera omnia attributa. Nam si gravissimum crimen est offendere parentem optimum, aut justissimum principem; quale flagitium putas injuriam facere Creatori qui nos produxit ex nihilo, & Domino, cui omni juris titulo universa subjiciuntur?

Respondent Scotus, Vasquez, Suarezius, L'Herminier, & alii quidam desumi gravitatem offensæ a dignitate personæ injuriis affectæ, non *simpliciter*, sed proportionem servatâ, & *secundum quid*, eo quod nulla res finita possit fieri particeps infinitatis. At ex idea, quam exhibent menti meæ subobscura illa vocabula, *simpliciter*, & *secundum quid*, in priori sententia confirmor. Perceptione mea aliquid esse infinitum *simpliciter*, nihil est aliud quam infinitum esse per se, sive naturâ suâ, nulla facta comparatione termini alicujus, vel objecti: & infinitum esse duntaxat *secundum quid* idem est, ac esse infinitum tantummodo *connotative*, sive comparate ad objectum, vel terminum. Dum vero concipio peccatum tanquam Dei optimi offensam, illud non considero in se, quatenus est opus aut figmentum humanum, sed illud specto *connotative*, atque in ordine ad infinitam Dei bonitatem. Si ergo dignitas personæ adauget *secundum quid* gravitatem peccati; erit peccatum in ratione offensæ infinitum, id est, spectatum ratione objecti, nempe ipsius Dei. Nec repugnat humanam actionem in se finitam esse, infinitam *connotative*, & comparate ad Deum; quoniam & actio Dei infinita & æterna, dicitur ratione *connotatorum*, sive creaturarum, suum terminum, ac tempus habere.

Opponunt: Si hæc ita sint, infinita erit visio beatorum spirituum, infinitus actus caritatis, infinita pœna privatio beatitudinis; quoniam hæc omnia connotant terminum infinitum. Rursus nullum erit discrimen inter veniale ac mortale peccatum, cum illud etiam sit injuria illata Deo, ideoque infinitum. Nullum ob eandem rationem discrimen erit inter peccata mortalia, quia fieri non potest, ut unum infinitum sit majus altero.

Sed respondemus ad primam objectionem, Adversarios nostros
ideam

ideam viſionis, ac privationis pervertere. Viſio enim eſt intelligentis animæ actus; & actus percipitur comparate ad potentiam, ſive ad modum quo elicitur, non reſpectu objecti in quod fertur. Tam vero operatio animæ, quam operationis modus finitatem habet, & ideo non ſatis apte dicimus animæ actionem infinitam. E contra dicimus infinitam operationem Dei etiam in productione rei finitæ & creatæ, quoniam & potentia ipſius infinita eſt, & infinitus pariter modus rem ex nihilo producendi. Ergo in iis, quæ ad actiones pertinent, neceſſe non eſt objectorum attendere perfectionem. De privatione dictum ſupra, non eſſe percipiendam comparate ad bonum ut eſt in ſe, ſed ad bonum, ut poſſidetur, vel poteſt poſſideri. Quod ſi velis etiam privationem peccato inductam appellare infinitam, parum, ut præmonui, mea intereſt. Actum caritatis, ſi ſpectes quatenus eſt opus voluntatis humanæ, eſſe finitum modo affirmavi. Si illum actum attendas, in quantum eſt Dei cultus, & honor, finitus adhuc eſt, quoniam honor, æſtimatione prudentum, ratione perſonæ honorantis, non ratione objecti minuitur, vel augetur. Quamobrem in Chriſto ob divinæ perſonæ dignitatem actus caritatis habuit infinitum meritum, quamvis phyſice fuerit finitus. Atque hoc exemplo magis liquet, poſſe unum actum eſſe phyſice finitum, infinitum vero moraliter. Peccatum veniale non deſtruit caritatem, non conſtituit absolute finem ultimum in creatura, neque procedit uſque ad contemptum Dei. Offenſa autem, quam dicimus commenſurari cum dignitate perſonæ, eſt illa, per quam perſona afficitur injuria, id eſt, quæ conjungitur cum deſpicientia, & contemptione. Nam ſi quempiam offendas inconfiderate, vel oſcitantur, non autem odio vel contumacia, offenſor quidem es, at non contumelioſe contemptor. Fateor itaque veniale peccatum eſſe Dei offenſam, quia eſt divinæ legis transgreſſio: nego eſſe offenſam, quæ perveniat ad Dei contemptum, atque injuriam. In mortali peccato utique Deo inferitur injuria, & quia caritas penitus violatur, omne peccatum mortale eſt moraliter infinitum. Eſſe tamen unum peccato altero gravius, recte adverſus Stoicos, & Jovinianum Capite ſuperiori affirmavimus: quod nunc, quomodo poſſit conſiſtere, breviter explana-
bo. Cum una ſit æquitatis regula ſumma & immutabilis, quam non ſemel dixi eſſe Deum ipſum, & participationem divini luminis humanam mentem irradiantis, illa quidem prohibet omne malum, & bonum omne præſcribit. Inter mala autem pejora cenſentur, quæ ab illa magis diſtant, atque inter bona meliora ſunt, quæ illi magis approximantur. Ita ſumma illa regula præcipit ut Deum, ac proximum diligas, & idololatria majus crimen eſt, quam divini Nominis profanatio, homicidium gravius, quam convicium, quoniam dilectioni Dei magis opponitur cultus idolorum, quam irreverentia; & amori proximorum plus homicidium, quam contumelia. Duo ergo peccata morta-

lia V. G. superstitio, ac perjurium, infinita sunt, neque unum est gravius altero comparate ad legem æternam, ut universaliter præscribit Dei cultum & dilectionem; nam utroque peccato Deum contemnis & afficis injuria. Est autem superstitionis scelus gravius perjurio, comparate ad eandem æternam legem, ut in particulari prohibet utrumque crimen, quorum unum dilectioni Dei magis repugnat quam alterum; plus enim recedit ab ipso Deo, qui illum præfracte negat, quam qui ejus nomen pronuntiat temere & irreverenter.

C A P U T IX.

Nonnullæ Quæstiones circa Peccata breviter expediuntur.

CUM ad pertractandum de peccatis dissertationes nostræ processerint, occurrunt dubia quædam haud difficilia unico capite dissolvenda. Horum primum est, quomodo peccata *specie*, numeroque differant. Differre *specie* aliqui putant per ordinem ad objecta, aliqui per ordinem ad virtutes quibus opponuntur, alii denique per ordinem ad diversas regulas incommutabilis legis, de qua paullo supra. Potest hæc postrema sententia cum præcedentibus conciliari: etenim virtus est quicquid illius legis æquitati ac rationi conformatur, & in ipsa lege diversæ extant regulæ, in quantum præscribit erga diversa objecta ordinem rectum amoris, & dilectionis. Quare si velis peccata distinguere per ordinem ad objecta; non hæc accipies ut sunt res aliqua, sive, ut dicimus in Scholis, *materialiter*, sed in quantum diversa ratione possunt diligi, vel odio haberi, violatis æternæ legis præscriptionibus. Rem ita declaro: deficit perverso amore humana voluntas, dum flectitur *contra ordinem naturarum ab eo quod summe est, ad id quod minus est*, inquit S. Doctor lib. xi. i. de Civ. Dei cap. 8. idest, a bono incommutabili ad fluxa & commutabilia. His præscripto æternæ legis *frui* non debemus, sed *uti*. Eligas nunc bonum aliquod commutabile, E. Gr. aurum. Si auro sine ultimo adhæreas, idest, propter illud des operam literis, aut exercitamentis aliis, *frueris* auro, & primam præceptionem sempiternæ legis violasti. Peccatum istud dicimus *avaritiam*. Fieri potest ut non fruaris auro, sed utaris: uti autem debes, ut non sis, propter bonum incommutabile, quoniam utimur ea re, quam in usum adsumimus propter finem. Si ergo utaris auro ad epulas, ad venerem, ad ludos, ad ambitionem fovendam, male uteris, ac violatum est præceptum alterum incommutabilis legis. Erit peccatum hoc *specie* diversum a primo, & appellabitur *prodigalitas*.

In

In ipſo uſu malo bonorum commutabilium poſſunt diverſæ æquitate regulæ violari juxta diverſitatem aut finis, aut objecti. Si enim pecuniam erogaveris ambitioſa prodigalitate, finem habes tui ipſius exiſtimationem, & conjungis cum prodigalitate *ſuperbiam*, quæ proinde permixta eſt omni operationi, quam exerceas cum ambitioſa inflatione. Si profundis aurum ad muliebrem animum captivandum, accedit vitioſæ profuſioni finis turpis voluptatis, quam appellitant *luxuriam*. Ita de finibus aliis ratio cinare. Poſteſt tamen idem finis ad diverſa objecta referri, ut ſi concupiſcas nuptam, virginem, Deo mancipatam, &c. atque in hoc etiam caſu violantur diverſæ regulæ immutabilis æquitatis, & conſurgit *ſpecies* peccatorum diverſa. Idem affirmo de perſonæ, loci, ac temporis circumſtantiâ. Quod ſi peccata plura ſint actus diverſi, & eidem regulæ oppoſiti, tunc multiplicata erunt non *ſpecie*, ſed numero. Prior itaque quæſtio ad hunc modum ſe habet.

Quæſtio proxima eſt, quænam ſit apta peccatorum diviſio. Ad hanc autem quæſtionem reſpondeo, quod cum peccatum omne voluntarium ſit, aliud eſt voluntarium originaliter, hoc eſt voluntate primi parentis, qui communem univerſorum hominum naturam prima tranſgreſſione vitia vitavit; & iſtud peccatum eſt *originale*, de quo lib. xiiii. quoniam ad percipiendam Auguſtinianam de Gratia doctrinam apprime conducit, præmiſi diſſertationem. Aliud autem voluntarium eſt actualiter, ideſt propria & expreſſa cujuſque hominis voluntate, & iſtud appellamus *actuale* peccatum. Hoc autem dividi ſolet aut ratione majoris, aut minoris nequitie, aut ratione termini vel objecti, aut ratione impellentis cauſæ, aut ratione affectionis, quam imprimit animo. Spectata gravitate & nequitia aliud eſt peccatum *veniale*, aliud *mortale*: quorum primo, ut diximus, convertitur animus ad creaturas abſque totali a Deo averſione, & abſque eo, quod ſummum bonum poſtponatur bono mutabili; ut curioſus intuitus, verbum otioſum, officioſum mendacium: altero violatur lex dilectionis, Deus contemnitur, & commutabile bonum ipſi præfertur: ut ebrietas, fornicatio, homicidium. Si autem quæras quomodo poſſimus diſtinguere, quando conjuncta ſit peccato Dei injuria, & contemptio: dico id poſſe a nobis hac animadverſione deprehendi. Contemnitur Dei bonitas, cum magis diligitur creatura: contemnitur Dei juſtitia, quando magis timetur temporalis poena, quam æterna; contemnitur Dei veracitas, quando ea abutimur ut teſtimonium perhibeatur falſitati; contemnitur Dei ſanctitas, cum in ejus conſpectu ſunt, aut proferuntur obſcena: contemnitur dominium Dei, quotieſcunque grave inferitur creaturis ejus nocumentum. Hoc paſſo circa alia Dei attributa diſcurras. Ergo ſi opere aut deſiderio quæris creatum bonum, etiamſi ſcias te amittere æternum: ſi mimitur Deus ſuam indignationem & gehennam, & facis tamen quod pro-

prohibet; si falsum confirmes divini nominis obtestatione: si non veritus Dei presentiam facis quæ offendunt honestissimorum hominum oculos; si proximo manu aut lingua affers notabile incommodum; contemnitis aperte bonitatem Dei, justitiam, veritatem, sanctitatem, dominium, & te lethali crimine obstringis.

Ratione autem obiecti, aliud est peccatum, quod homo committit immediate adversus Deum, ut hæresis, idololatria, blasphemia; aliud quod committit contra seipsum, ut intemperantia, & aliqua luxuriae species; aliud quod committit adversus proximum, ut furtum, homicidium, detractio. Contra hoc triplex peccati genus optime interpretantur Scholastici cum D. Thoma 1. 2. q. 72. art. 4. Apostoli verba ad Titum 11. 12. *Sobrie, & iuste, & pie vivamus in hoc seculo; sapientes, & simplices, & iocundi in tunc animi.* Est enim *euprosolia*, sobrietas, auctore Philone in libro, quo demonstrat virum bonum esse liberum, sanitas quedam mentis vel temperantia, qua homines pecunias, honores, voluptatesque contemnunt fortiter, vivuntque continenter, in laboribus complexi frugalitatem, simplicitatem, facilitatem, modestiam, constantiam, & id genus cetera. *Dispansolia*, justitia, caritatem exercet, quam indicat erga homines benevolentia, mira aquabilitas, verumque omnium societas. *Eubolsia*, pietas, argumenta observantia erga Deum praefert plurima, a iurejurando, mendacioque abstinentiam, & ad Deum auctorem bona omnia, malum vero nullum refert. Talibus itaque Apostolicis verbis omnes officiorum nostrorum partes concluduntur, & peccata omnia damnantur.

Porro ratione impellentis causæ alia sunt peccata *ignorantia*, alia *infirmis*, alia *malitia*. Vel enim peccamus ob vincibilem ignorantiam, vel ob lectam concupiscentiam, cui libere succumbimus, vel studiosa malitia, qua in rebus quoque turpissimis apprehendimus bonum aliquod aptum & congruens. Hæc adco sunt manifesta, ut necessarium non sit ea exemplis appositis complanare. Sunt quoque peccatorum causæ facultates animæ & sensuum; unde peccata dividi solent in *spiritualia*, & *carnalia*: quorum illa internis potentiis patrantur, ut superbia, & invidia; hæc sensuum illecebris, & ministerio, ut gula, & luxuria. At causæ exteriores ad peccatum allicientes, cuiusmodi sunt diabolus, & mundus, non videntur mihi divisionem facere peccatorum, nam omnis illorum tentatio, ut scribit Magnus Gregorius Hom. 16. in Evangelia, *tribus modis agitur, suggestionem, delectationem, & consensum*: id est causas priori loco commemoratas sollicitando. Denique ratione affectionis animorum aliud est peccatum *habituale*, quod ita appellatur ratione maculæ & reatus animo inheræcentis, aliud est vitium, sive peccandi *habitus* permanens etiam maculâ illâ deletâ: de quibus dictum est præcedenti Capite 6.

Tertia est quæstio, an possit dari pura omisso libera, sive peccatum

catum omiſſionis abſque ullo actu voluntatis : ſed hæc quæſtio nullo pacto animum meum pulſat, ſi mentem converto ad ea, quæ primo Capite hujus libri præmonui de ignorantia & libertate neceſſaria ad peccatum. Dicimur enim interpretative velle nſcire, quæ cum debeamus, ac poſſimus, ſcire negligimus. Eadem ratione dicimur velle committere, vel omittere, quæ cum poſſimus aut vitare, aut efficere, non facimus. Quotieſcunque ergo omittimus facere quæ ignoramus eſſe præcepta, ſcire tamen poſſumus ac debemus, aut ad id oſcitantia noſtra culpabili minime advertimus, quoniam præcipimur operari, & cur non opremur cauſa in nobis eſt, datur peccatum liberæ omiſſionis abſque explicito voluntatis actu, qui tamen cenſetur adſeſſe interpretative & moraliter.

Affinis eſt quæſtio quarta, an ut imputetur peccatum debeat animum ſubire ſancta cogitatio & delectatio, per quam advertat ad peccati malitiam, aut excitetur ad deſiderium virtutis. Id neceſſarium non eſſe, dummodo aliunde ſalvetur libertas indifferentiæ, conſequitur ex iſis, quæ diſputata ſunt lib. xviii. de Gratia ſufficiente. Nam definivimus non requiri ad imputationem peccati, quod non denegetur homini actualis gratiæ adjutorium; & aliquos reperiri obduratos interiori gratia deſtitutos, & nihilominus peccare indifferenter ac libere. At ſancta cogitatio, & delectatio munus eſt gratiæ. Si ergo gratia neceſſaria non eſt ad imputationem peccati, neque erit neceſſarium ad peccati malitiam advertere, aut pulſari delectatione virtutis.

Quoniam verò largi quidam gratiarum divinarum diſpenſatores huic noſtræ aſſertioni reluctantur, illam proximis munimentis confirmamus. I. In Dioſpolitana Synodo anathemate proſcriptum eſt illud Pelagianorum paradoxum, *oblivionem & ignorantiam non ſubjacere peccato*. At qui oblivſcitur, vel ignorat, actu non cogitat, nec delectatione pulſatur. Ergo poteſt quis abſque actuali ſancta cogitatione vel excitatione peccatis ſubjacere. II. Nihil occurrit in libris Auguſtini frequentius, quam plures peccare neſcientes. Legitote Epistolam cliv., nunc xlvii. De Sp. & lit. cap. 36. lib. i. Retraſt. cap. 15. Aſſentiuntur Auguſtino Hieronymus in i. adv. Pelagianos, & Bern. in Epistola ad Hugonem. III. Si quilibet peccator ſuperna quadam dum peccat illuſtraretur cogitatione, nullum daretur peccatum ignorantie. At ſi non datur; cur legitur cap. v. Levitici v. 17. *Animæ, quæ peccaverit per ignorantiam*? Cur agebat David Pf. xxiv. 7. *Deſideria juvenutis meæ, & ignorantias meas ne memineris Domine*? IV. Laborant ignorantia Judæi conſpirantes in Chriſti mortem, quos alloquitur Petrus Act. 111. 17. *Et nunc fratres ſcio, quia per ignorantiam feciſtis, ſicut & principes veſtri*. Laboravit ignorantia & Paulus quando perfequebatur Eccleſiam, ut ipſemet ſcribit in priori Epistola ad Timoth. i.

To. IV.

H h

13. Igno-

13. *Ignorans feci in incredulitate*. Laborant ignorantia occisores Martyrum, de quibus prædixerat Salvator Joan. xv 1. 2. *Sed venit hora, ut omnis qui interficit vos, arbitretur obsequium se præstare Deo*. Hi ergo quo pacto, dum tam immania patrabant, virtutis luce, & jucunditate perfundebantur? V. Auctore Petro Damiani in vita S. Romualdi cap. 35. & Opusc. v 11. cap. 21. clerici Vallis de Castro simoniae crimen esse rem licitam arbitrabantur; & quidam Monachus Felix nomine ad sedandam libidinem fas opinabatur rem turpem peragere; & nihilofecius hi tanquam impiissimi damnati sunt, ac reprehensi. VI. Parisienses Theologi anno 1641. proscripserunt hanc propositionem: *Nunquam peccatur, nisi prævia peccati cognitione animus illustretur, ejusque vitandi desiderio exstimulatur*. Lovanienses an. 1657. confixere alteram: *Ut actio quæpiam sit peccaminosa, oportet ut procedat ab homine, qui noscit & percipit quid boni, malive in ea sit*. Rursus Clerus Gallicanus anno 1700. damnavit sequentem assertionem: *Si peccatores consummata malitia cum blasphemant, & flagitiis se immergunt, non habent conscientia stimulos, nec mali quod agunt notitiam, cum omnibus Theologis propugno eos hisce actionibus non peccare*, damnavit, inquam, & declaravit falsam, temere pronuntiatam, perniciosam, & quæ bonos mores corrumpit, & blasphemias, aliaque peccata excusat. Lege Historiam de Auxiliis lib. 111. cap. 48. VII. Si peccatorum malitiam non advertere redderet hominem immunem a culpa; potior esset ac melior conditio ignorantis, quam sapientis, neque hujus notitia, adauget tantum culpæ nequitiam, dum peccat, sed ulterius necessaria esset, ut posset peccare: quod puto perpaucos esse dicturos, etiamsi affirmetur in Nodo prædest. P. 1. §. 2. n. 11. a Cardinale Sfondrato.

In solutione quorundam adversus superiorem assertionem argumentorum non immorabor. Quippe ea petuntur vel a communi Philosophorum proloquio, *Nihil est volitum, quin præcognitum*, vel a sufficienti Gratia, quæ nunquam deficit alicui. At hæc postrema, idest, a gratiæ communione deprompta toties recocta sunt, ut nimium futurum sit, si iterum ea proferam, garrulus & verbosus. Quamquam si gratia foret, ut plures docent, aut qualitas, aut motio, aut res alia sanctæ cogitationis effectrix, posset singulis adesse, tametsi hominis culpa non produceret sanctæ inspirationis effectum. Nam & nos pariter divinam omnipotentiam ac misericordiam paratam omnibus opitulari, & adjuvantem non reluctantes, adesse universis ac singulis non diffitemur. Ad argumenta autem deducta a communi pronuntiato philosophorum non semel dictum est, illud liberrima voluntate fieri, quod eligitur cum indifferentia judicii; quod quisque facit, dum peccat, etiamsi actu non cogitet esse peccatum. Ut vero quod libere perpetratur sit reipsa peccatum, sufficit quod possit ac debeat advertere ad nequitiam illius, nec labore legis peccatum illud prohibentis ignorantia

invii-

invincibili. Etenim, ut Augustinus ait in 111. de libero arbitrio cap. 19. *Non tibi deputatur ad culpam quod invitus ignoras, sed quod negligis quærere quod ignoras: neque illud quod vulnerata membra non colligis, sed quod volentem sanare contemnis.*

Ultima quæstio est, Quid sit, & an detur peccatum philosophicum? de quo mentionem fecimus lib. 1. cap. 4. prop. 2. Dictum est ibidem peccatum philosophicum esse actum humanum disconvenientem rectæ rationi, absque eo quod sit transgressio divinæ legis. Hujus peccati commentum derivatum est ab opinione illa quorundam Scholasticorum, quod possit Deus invincibiliter ignorari. Si enim quis Deum ignoraret invincibiliter: & patraret homicidium, adulterium, aut crimen aliud pervertens hominum mores, ordinemque universi, & repugnans naturæ lumini; peccatum illud cum Dei ignorance conjunctum adversaretur rectæ rationi, at non esset transgressio legis divinæ, quoniam peccator percipere non posset esse Deum, atque æternam Dei legem, cuius rationis lumen est quædam participatio.

Hoc peccatum fictitium esse demonstratur ex eo quod Alex. VIII. an. 1690. tanquam scandalosam, temerariam, erroneam, piarumque aurium offensivam confixit proximam assertionem: *Peccatum Philosophicum, seu morale est actus humanus disconveniens naturæ rationali, & rectæ rationi. Theologicum vero & mortale est transgressio liberæ divinæ legis. Philosophicum quantumvis grave in illo, qui Deum vel ignorat, vel de Deo actu non cogitat, est grave peccatum, sed non est offensiva Dei, neque peccatum mortale dissolvens amicitiam Dei, neque æterna pæna dignum.* Deinde peccatum illud commentitium esse declaravit certa nobis, ac longe probabilior sententia, neminem esse, qui Deum ignoret invincibiliter. Insuper ex constitutis doctrinæ nostræ principiis manifestum est rectam rationem nihil aliud esse, quam uniformitatem perceptionis humanæ cum regula immutabilis æquitatis, sive participatione divini luminis. Nequit ergo deprehendi opus aliquod esse rectæ consentaneum rationi, nisi etiam percipiatur rationem, ipsam a summa veritate, quæ Deus est, non desistere, ideoque ipsa summa veritas latere omnino non potest.

P. Isaacus Bruyn in Collegio Lovanicensi Societatis Jesu, aliquique viri docti, quamquam dari peccatum Philosophicum non affirmant, nihilominus posse hypothetice propugnari contendunt. Nam primo affirmant peccati philosophici nomenclaturam non a posterioris ævi Scholasticis, sed jam ab Angelico præceptore traditam 1.2. q.71. art.6. ubi ait: *A Theologis consideratur peccatum præcipue secundum quod est offensiva contra Deum: a Philosopho morali, secundum quod contrariatur rationi.* Peccatum ergo Philosophicum illud est, (inquit Pater Bruyn) quod si daretur, fieret contra rectam rationem cum invincibili ignorance Dei, adcoque legis divinæ illud prohibentis. Secundo

do inquit, in eo qui laboraret invincibili Dei ignoratione, peccatum rectum ordinem pervertens, ut adulterium, vel homicidium, futurum Dei offensam, quoniam Deus non tantum creaturæ rationalis conditor est, verum etiam vindex, quamvis contra illum perpetratum non agnosceatur: quod necessarium non est, cum etiam homines inter, optimo cuique displiceant peccata, non contra se modo, verum etiam contra alios commissa. Tertio asserunt, quod peccatum illud non esset mortale, neque gratiam excluderet sanctificantem, neque hominem pœnis sempiternis subiceret; nam S. Thomas 2. 2. q. 20. art. 2. ait: *Si posset esse conversio ad bonum commutabile sine aversione a Deo*; (quod fieret utique, si invincibiliter Deus ignoraretur,) *quavis esset inordinata, non esset peccatum mortale*.

Respondeo ad 1. neque hypothetice peccatum philosophicum posse defendi, hypothese quæ perceptibilis sit, & sese non evertat: quamquam data invincibili Dei ignoratione, non hypothetice tantum, sed reapse, opinione nostra, admitteretur peccatum philosophicum. Posset enim ignorans Deum adversus rectam rationem delinquere. Cur, quæso, non? Si legem Dei non transgrederetur, Deum non offenderet. En peccatum philosophicum ex hypothese proficiscens ad actum. Ex verbis S. Thomæ insulse, inepte, imperite confictam hypothese[m] stabilium. Potest V. G. corpus considerari a Physico ut constet materia & forma, a Metaphysico ut ens est, a Mathematico ut trinam habet dimensionem. Ergo ne potest percipi corpus quod conflatum sit ex materia & forma, & tamen non sit ens, nec possit habere extensionem? Id quidem nullo pacto, quia si physicam materiam ac formam percipis, *entitatem* aliquam capacem dimensionis, necesse est, ut percipias. Consideratur peccatum a Philosopho, ut adversatur rationi, a Theologo, ut est Dei offensam. Verum est: ita S. Thomas. At quamnam est extorta illa consecutio, Ergo potest excogitari peccatum repugnans rectæ rationi, quod non sit Dei offensam? Ego rectam rationem nego, quæ non sit cum participatione legis æternæ: & cum participatione legis æternæ nego posse dari invincibilem Dei ignorationem.

Ad 2. respondeo falsum esse, quod peccatum illud philosophicum foret Dei offensam. Non enim est offensam Dei, si non est transgressio divinæ legis. Non esset transgressio divinæ legis, quoniam lex invincibiliter ignoraretur. Quomodo ergo esset Dei offensam? At vindex, inquit, est Deus peccati, etsi non cognosceatur contra legem Dei perpetratum. Quid inde? Vindex erit, sed non offensus. Etiam inter homines, ajunt, optimo cuique displicet peccatum, etiamsi commissum adversus alios. Fateor, displicet: sed optimo illi, quem ignoras, nulla affertur injuria, nulla offensam. Peccatum vero, quod non sit offensam Dei, & libera divinæ legis transgressio, admittere temerarium est, & erroneum.

Ad

Ad tertium dico, quod peccatum illud, dummodo esset in materia gravi, esset mortale; nam dissolveret amicitiam Dei, & æternam penam promeretur, ut constat ex damnata propositione. Atque hoc idem infertur ex verbis S. Thomæ, quæ opponit P. Bruyn. Angelicus enim Doctor 2. 2. q. 20. art. 3. probat desperationem esse quidem mortale, gravissimumque peccatum, quoniam est contra virtutem Theologicam, cujus objectum est Deus, ideoque importat ab ipso Deo aversionem, in qua sita est principalis ratio peccati, propterea quod sine aversione a Deo mortale peccatum non datur. Sed addit S. Thomas desperationem non esse peccatum adeo grave, ut est infidelitas, vel odium Dei, *Quia infidelitas & odium Dei sunt contra Deum secundum quod in se est: desperatio autem secundum quod ejus bonum participatur a nobis*. Igitur per D. Thomam fat est ad mortale peccatum, quod sit aversio a Deo in quantum a nobis participatur. Atqui peccatum philosophicum esset aversio a recta ratione, quæ est participatio æternæ legis, & consequenter esset aversio a Deo in quantum participatur a nobis, ergo peccatum philosophicum esset æterna pœna dignum, atque mortiferum. Sed inquit P. Bruyn, nostro in cerebro hæc primum nata non est, quam ab Augustino accepimus, opinio. Tractatu cv i. in Joannem, *Hæc est enim (inquit ille) vis veræ divinitatis, ut creaturæ rationali jam ratione utenti non omnino, ac penitus possit abscondi. Exceptis enim paucis, in quibus natura nimium depravata est, universum genus humanum Deum mundi hujus fatetur auctorem*. Grandiufculis literis PP. Benedicini hanc præclaram Augustini Sententiam, ne inconsiderate illam prætermitteret lector, typis ediderunt. Si vis veræ divinitatis non potest creaturæ ratione utenti penitus abscondi, & Deum negant tantum perpauci, in quibus natura nimium depravata est, & affectiones, quæ corrumpunt animam, distrahunt mentem à veritate, quæ nunquam omnino absconditur; nullus profecto Deum ignorat invincibiliter, & peccatum philosophicum in solo hominum cerebro fixum est.

C A P U T X.

An ad culpam imputetur malum opus ex invincibili ignorantia patratum.

QUAE de ignorantia differui revocant me ad insectanda dogmata Jansenianorum adversum nos jam fractis extremisque viribus velitantium. Censent enim ignorantiam juris naturæ invincibilem, eo quod pœna sit originalis peccatis, neminem a culpa excusare, perperam in patrocinium mendacii pluribus Augustini testimoniis confir-

confarcinatis. Quod ante Janſenium ſcripſerat cum aliis Calvini gregalibus Hieronymus Zanchius citatus a Stephano Defcamps lib. 111. H. Janſ. Diſp. v. cap. 1. Licet autem hæc hæretica aſſertio refutata ſit una, cum proſcriptis circa libertatem Novatorum articulis, eam rurfus hoc loci, ne magis neceſſaria prætereire videamur, directe oppugnabimus.

PROPOSITIO I. Ignoratio juris naturalis, ſi invincibilis ſit, a peccato excuſat.

Prob. 1. ex damnata ab Alex. VIII. poſitione: *Tametsi detur ignorantia invincibilis juris naturalis, hæc in ſtatu nature lapſe operantem ex ipſa non excuſat a peccato formali*. Huc etiam ſpectant proſcripti articuli Baji negantis neceſſarium eſſe ad imputationem peccati quod ſit voluntarium. Diſtum de his lib. xv. cap. 2. & 3. Deinde probatur ex Auguſtino; qui non ſolum expreſſiſſimis testimoniis a me eodem loco produëtis affirmat nullum dari abſque propria voluntate actuale peccatum, ſed etiam hanc de ignorantia quaſtionem aperte definit lib. 111. de lib. arbitr. cap. 19. his verbis: *Non tibi deputatur ad culpam, quod invitus ignoras, ſed quod negligis quærere quod ignoras*. Rurfus probatur demonſtrando Adverſariorum in perſcrutando Auguſtini mentem alucinationem, atque oſcitantiam. Affirmantibus ſiquidem Pelagianis nullum hominem naſci obnoxium originali peccato, ideoque concupiſcentiam atque ignorantiam ſpectare ad naturam inſtituti hominis, non eſſe pœnam damnati, ut ait S. P. Auguſt. cap. x1. de Dono Perſeverantiæ, & nos lib. x11. x111. & xv. demonſtravimus, ſanctiſſimus Doctor contendit utrumque, tam concupiſcentiam, quam ignorantiam, malum eſſe, & poſſe dici peccatum, in quantum peccato inductæ ſunt, atque ad peccatum pertrahunt utentes libero voluntatis arbitrio. Ceterum ait neminem ob ignorantiam illam damnari, niſi propria negligentia quis tenebras ſibi arceſſat. Qui autem hæc docet, neque affirmat ignorantiam invincibilem eſſe actuale peccatum, neque opus ex illa patratum deberi ad culpam imputari. Perperam igitur obſtrepunt Adverſarii contra inconcuſſam, firmiſſimamque S. P. Auguſtini auctoritatem.

Sane Auguſtini ſcopum eſſe demonſtrare ignorantiam non eſſe naturam hominis inſtituti, ſed pœnam damnati, ut inde originariam labem, & ſpecialis gratiæ inferat neceſſitatem, liquet ex ejus adverſus Pelagianos diſputationibus, ac præſertim ex libro contra Jul. VI. Ibi enim cap. 16. demonſtrat ignorantiam malum eſſe, *per quod a neſciētiis innumerabilia perpetrantur mala, & per quod homo non percipit, quæ ſunt ſpiritus Dei*. Nec tamen ſequitur quod perpetrarentur mala per ignorantiam invincibilem, ſed tantum quod ignorantia vitio primi peccati inferminata ſit complurium ſclerum radix, quemadmodum & concupiſcentia; quæ, etſi pejor eſt ignorantia, ut eo loci S. P. demonſtrat, nihilo tamen minus nonniſi conſentientibus nocet. Malum eſt ergo

ergo per Auguſtinum ignorantia, quoniam ex peccato eſt, trahiturque ad peccatum, licet nullus peccet, niſi ignorantiam ipſam affectet, vel querere negligat quod ignorat. Producit autem S. Pater eodem Opere lib. 111. cap. 19. ad comprobandum ignorantie malum, exemplum Abimelech, qui ignorans Saram eſſe uxorem Abrahami illam rapuit, & in 1. Retract. cap. 9. exemplum Davidis & Pauli; quorum alter ait, *Ignorantias neis ne memineris*, alter vero, *Ignorans feci in incredulitate*. Profecto ignorantia Abimelech, Pauli, & Davidis ex originali labe traxit originem, ſed hi non laborarunt ignorantia invincibili legis nature. Si ergo peccaverunt, fuit ipſorum ignorantia vincibilis, proptereaquod neglexerint querere quae ignorabant. Nam ignorantiam facti, ſi nequeat ſuperari, excuſare a peccato fatetur Janſenius, probatque ex Auguſtino lib. 2. cap. 26. adverſus Creſconium. Cum igitur S. Pater ad probandum ignorantie malum hunc ſibi ſcopum praefixerit, ut ex illa commonſtret vitiatam eſſe peccato originali naturam, atque ad evincendum non eſſe ignorantiam ipſam conditionem nature perfectam proferat exempla eorum, qui peccaverunt ignorantia facti, vel juris poſitivi; conſequens eſt nihil aliud Auguſtinum contra Pelagianos intendere, niſi ignorantiam eſſe vitium derivatum a peccato, & in iis, qui cum poſſint, illam diſpellere negligunt, peccati cauſam. Vide etiam librum 1. de peccat. meritis, & remiſſ. cap. 36.

Alterum ex Auguſtino depromptum argumentum eſt; quod ſi ignorantia invincibilis juris nature non excuſaret a culpa, quia peccati originalis poena eſt; nec etiam excuſaret infidelitas *negativa*, eorum ſcilicet, quibus annuntiatum non fuit Chriſti Evangelium. Cur enim pluribus annuntiatum non ſit, venit de occulto iudicio, ut S. Pater demonſtrat lib. de Dono perſev. cap. 9. & ſeq. Atqui infidelitas *negativa* non imputatur in culpam, quicquid novi obganniant Dogmatifae poſt Bajum, cujus aſſertio damnata eſt art. 67. Igitur neque imputari poteſt ad culpam invincibilis ignorantia, proptereaquod poena ſit originalis peccati. Minorem propoſitionem, quam ad fidem ſpectare conſtat ex damnatione citati articuli 67. his verbis expreſſi, *Infidelitas pure negativa in his, quibus Chriſtus non eſt praedicatus, peccatum eſt*, etiam Auguſtinus commonſtrat Tract. 89. in Joann. & Epistol. 194. olim 105. ex illa Chriſti ſententia, *Si non veniſſem, & eis locutus non fuiſſem, peccatum non haberent*. Quibus in locis mirum eſt querere Janſeniano praſidium erroris ſui, cum Auguſtinus in Epistol. ad Sixtum ſcribat: *Hoc peccatum Judaeos non habituros fuiſſe, ſi non veniſſet, quo cum audiſſent eum, non crediderunt in eum*: & cit. Tract. in Joan. *habere excuſationem de hoc peccato, quo in Chriſtum non crediderunt, ad quos non venit, & quibus non eſt locutus*.

Hujus firmitatis veritatis poſſumus rationes multas proferre. Prima eſt, quod poena conſequens ex originali peccato, niſi accedat libe-

liberi arbitrii consensus, nequeat nocere, remaneatque etiam in renatis, in quibus originariæ culpæ labe abstergitur. Altera huic affinis, quod nullum est, nisi sit voluntarium, actuale peccatum. Tertia parum abfimilis, quod si ad imputationem peccati sufficeret ignorantiam contrahi ob culpam Adæ, peccatum esset dementia quoque, furor, ac phrenesis, quibus in pœnâ primi peccati complures subijciuntur. Quarta ex his profluens, quod plures ratione utentes, & qui non repugnarent veritati, si eis affligeret, in damnationem protraherentur inviti.

PROPOSITIO II. Nullus hominum compos sui laborat ignorantia juris naturæ invincibili.

Demonstratur 1. S. P. auctoritate. Scribit enim Augustinus in Ps. 116. *Nullus est, qui faciat injuriam alteri, nisi qui sibi fieri nolit: etenim in hoc transgreditur naturæ legem, quam non finitur ignorare, dum id facit, quod non vult pati.* Et in 1. Conf. cap. 4. *Furtum punit lex tua, Domine, & lex scripta in cordibus hominum, quam nec ipsa delet iniquitas. Quis enim fur æquo animo furem patitur?* II. Demonstratur ratione, quæ ex Apostolo, & eodem Augustino deprompta est. Tamen per originale peccatum ignorantia & difficultas in singulos Adæ posteros promanavit; nihilo tamen minus etiam Gentes nullis legalibus præceptis imbutæ, ostendunt opus legis scriptum in cordibus suis, testimonium reddente illis conscientia ipsorum, & inter se invicem cogitationibus accusantibus, aut etiam defendentibus, ut Apostolus docet ad Rom. 11. 15. ideoque nulla est anima quamvis perversa, quæ tamen ratiocinari potest, in cujus conscientia non loquatur Deus; quemadmodum ex verbis Apostoli inferit S. Pater lib. 2. serm. Dom. in M. cap. 9. Atqui vis illa ratiocinandi, illa intima ad singulorum conscientiam supremi Numinis allocutio, testimonium illud animi, & reprehendens aut defendens propria singulorum cognitio nihil sunt aliud, quam divini luminis irradiatio, & indita universis regula immutabilis æquitatis, seu lex naturæ. Ergo hanc legem nemo eorum, qui ratiocinari possint, & peccandi libertate, intimaque conscientia præditi sint, ignorat invincibiliter.

Advertendum tamen, spectari posse naturalem legem & quoad universalia principia, & consecutiones proxime inde illatas, cujusmodi sunt, *Quod tibi non vis, alteri non feceris, Diligendus est Deus, Parentes honorandi sunt, &c.*, & quoad consequentias, ut inquit, remotas, quæ ex iisdem principiis nonniti difficulter a sapientibus deducuntur; cujus generis sunt complura ad legitimos contractus pertinentia. Est ergo sententia aliquorum dari non posse legis naturæ invincibilem ignorance, nec etiam quantum attinet ad remotissimas consecutiones; pro qua sententia plura erudite conscripsit Presbyter Balzerinius Veronensis in Conf. Epistolæ Pauli Segneri cap. v. & in Epistola 1. ad-

1. adverſus Anonymum Diſſertatorem. Fulcitur autem hæc ſententia. proximis argumentationibus.

Videtur principio valde conformis Sanctorum Patrum auctoritati. Etenim Ambroſius citatus in C. *Turbatur* diſt. 1. 4. ait: *Ignorantia juris naturalis omnibus adultis damnabilis eſt*. Auguſtinus de Grat. & lib. arb. cap. 3. *Ignorantia neminem ſic excuſat, ut ſempiterno igne non ardeat*. Epiſt. 47. alias 154. *Si quis bonum putaverit eſſe quod malum eſt, hoc putans utique peccat*. Similia habet Bernardus de præcepto & diſpenſat. cap. 14. S. Thomas Quodl. v. 111. art. 13. *Quod agitur contra legem, ſemper eſt malum, nec excuſatur per hoc quod eſt ſecundum conſcientiam*. Idem docet Quodlib. v. 111. Q. 1v. art. 2. Gerſon denique De vita ſpirituali leſt. 1v. *Concors eſt ſententia, nullam in iis, quæ legis divinæ ſunt, cadere ignorantiam invincibilem*. His accedit ratio, quoniam ut ignorantia reputanda ſit invincibilis, requiritur, quod ſuperari nequeat viribus naturæ, vel gratiæ. Nam gratiæ munus eſt facere ut innotſcat quod ante latebat. Quamvis ergo darentur aliqui tali ignorantia laborantes, ut naturalis intelligentiæ lumine non poſſent illam diſſellere; nemo eſt mortalium, qui id nequeat ſuperna ſuffultus illuſtratione. Hac vero non niſi juſto judicio, & in pœnam peccati privabitur; quod ſane nullam peccato aſſerre poteſt excuſationem; neque ignorantiam, per quam aliquis errat invitus, reddere ſimpliciter involuntariam.

Veriſſimam tamen puto ſententiã oppoſitam; & circa confequentias juris naturæ remotiſſimas cenſeo ignorantiam invincibilem eſſe admittepdam, minus ſollicitus an talis ignorantio ratione adjunctorum, ſive circumſtantiarum rerum, a quibus univerſalis legis præſcriptio longe diſtrahitur, appellanda ſit potius facti, quam juris. Huc enim videtur tandem deſcendere Ch. Theologus Veronenſis. Et quidem ſententia illa non ſolum traditur a Theologis laudatis ab Auctore Epiſtolæ vernacula lingua adverſus Ballerinium conſcriptæ pag. 86. & ſeq. ſed etiam illam tenent omnes fere Aegidiani, ac Thomiſtæ, nec non Sylvius in 1. 2. q. 76. q. 2. concl. 4. Ludovicus Habert de Aſtib. Humanis cap. 1. §. 3. q. 10. L'Herminier Tom. v. pag. 254. aliique communiter. Cujus aſſertionis hæc videtur ratio apertiſſima, quod conclusiones juris naturæ remotiores deducuntur ex principiis longiori, implexoque diſcurſu, quem rudes quamplurimi etiam ordinariis gratiæ adjumentis non deſtituti eſſormare nequaquam valent, ut in multis ad uſuram, & matrimonii impedimenta ſpectantibus non perraro contingit.

Superiora autem argumenta producta etiam a Genetto Tract. 1. de Morali cap. 2. non admodum videntur valida. Omnia quippe allata teſtimonia de jure naturæ ſpectato quantum ad univerſalia principia, proximasque conclusiones, & quantum ad ignorantiam homini propria

pria culpa; ac negligentia infidentem, possunt, ac debent intelligi. Deinde, ut brevi singula expediamus: Ambrosius quo loco ea scripsit? Laudatur utique Ambrosius in *C. Turbatur*; & citatur S. Doctoris serm. xi. & lib. v. in Lucam: sed ibidem hoc tantum Ambrosius docuit, quomodo cavere debeamus proditores, ne per eos plurimi fluantur, nam, *Licet Petrus esset firmus suis meritis, perturbatur tamen criminibus proditoris*. Non extat eo loci, quod de ignorantia addiderunt Collectores Canonum, quamquam & hi loquantur de Jure naturæ primario, & de honore a libertis exhibendo dominis, ut observat Glosator. Prætermitto sermonem xi. nunc xxxvii. esse Ambrosio suppositum.

Augustinus de Grat. & lib. arbitr. cap. 3. hoc tantum docet, ignorantiam eorum, qui non crediderunt in Christum, nequaquam ipsis infidelibus præstaturam, ut non ardeant igne sempiterno, non quia non crediderunt, id enim ipsis non imputatur ad culpam, dummodo nescire noluerint; sed quia legem naturæ inscriptam cordibus suis libere transgressi sunt. Mitius tamen ardebunt, quoniam fidelium graviora sunt ob fidei, & vocationis beneficium peccata. *Aliud est enim* (inquit S. Pater) *nescisse, aliud scire noluisse*. Voluntas quippe in eo arguitur, de quo dicitur: *Noluit intelligere, ut bene ageret*. Sed & illa ignorantia, quæ non est eorum qui scire nolunt, sed eorum, qui tanquam simpliciter nesciunt, neminem sic excusat, ut sempiterno igne non ardeat; si propterea non credidit, quia non audit omnino quod crederet; sed fortassis ut mitius ardeat: non enim sine causa dictum, *Effunde iram tuam in Gentes, quæ te non noverunt*. Ubi, quoniam hunc Augustini locum objectat etiam Janfenius, duo animadverto; primum ignorantiam eorum, qui non audierunt omnino Evangelium, de quibus loquitur S. Pater, esse ignorantiam juris positivi, quæ ipsorum Janfenianorum confessione excusat a culpa: alterum proferri ab Augustino verba Psalmistæ adversus Gentes idololatrias, quarum ignorantia de Deo Auctore naturæ fuit proculdubio vincibilis. Sensus ergo est, infideles non ideo evasuros sempiternum gehennæ supplicium, quia non crediderunt in Christum; sed licet ob hanc causam mitius fortassis ardebunt, in perpetuum tamen excrucandos, quia non servarunt legem naturæ cordi singulorum inscriptam, quantum ad Dei cultum, & naturalia præcepta omnibus manifesta. Epistola autem xlvii. distinguit Augustinus ignorantiam eorum, qui putant cibum, quo vescuntur non esse idolothyum, ab ignorantia eorum, qui idolis immolant sacrificia: quarum prima est ignorantia facti, altera juris, & veritatis ex universali principio proxima consecutione deductæ, ideoque recte docet consistere cum hac ignorantia peccatum.

S. Thomas Aquinas in 1. 2. q. 100. art. 1. disputans an præcepta omnia moralia ad naturalem legem pertineant, communem sententiam
his

his verbis illuſtrat : *Quædam enim ſunt in humanis aſſibus adeo explicita, quod ſtatim cum modica conſideratione poſſunt approbri, vel reprobari per illa communia, & prima principia. Quædam vero ſunt, ad quorum judicium requiritur multa conſideratio diverſarum circumſtantiarum, quas conſiderare diligenter non eſt cujuſlibet, ſed ſapientum; ſicut conſiderare particulares conſuſiones ſcientiarum non pertinet ad omnes, ſed ad ſolos philoſophos. Quædam vero ſunt ad qua dijudicanda indiget homo adjuvari per inſtructionem divinam, ſicut eſt circa credenda. Sic igitur patet quod cum moralia præcepta ſint de his, qua pertinent ad bonos mores, hæc autem ſunt, qua rationi conveniunt, omne autem rationis humana judicium a naturali ratione derivatur, necesse eſt quod omnia præcepta moralia pertineant ad legem naturæ, ſed diverſimode. Quædam enim ſunt, qua ſtatim per ſe ratio naturalis cujuſlibet hominis dijudicat eſſe facienda, vel non facienda, ſicut, Honora patrem tuum, & matrem, & non occides, non furtum facies, & huiuſmodi ſunt abſolute de lege naturæ. Quædam vero ſunt, qua ſubtiliori conſideratione rationis a ſapientibus judicantur eſſe obſervanda; & iſta ſic ſunt de lege naturæ, ut tamen indigeant diſciplina, qua minores a ſapientioribus inſtruantur, ſicut illud, Coram cano capite conſurge, &c. Si ergo nequeat rudis homo inſtrui diſciplina ſapientum, eamque requirere, & adipiſci non negligat; quis ambigit ejus ignorantie juxta Doctorem Angelicum eſſe invincibilem? At non affirmat S. Doctor, inquit Theologus Veronenſis, errorem, ſi quis interveniat, omni, vel levi culpa vacare. Id ſuapte natura conſequitur. Nam ſi culpa vacat ignorantia rerum credendarum, ubi nequeat haberi divina inſtitutio: cur delicto non caret ignorantia remotiſſimarum veritatum, ſi inculpate deſit inſtitutio, ac diſciplina Doctorem? Liqueat enim S. Thomam de una, ac de altera ignorantia ſimili modo ratiocinari. Ad hoc igitur Angelici D. documentum ſi cetera revocentur, conſtat ab illo culpam adnecti duntaxat errori vincibili, ut eodem quodlib. 11. aperte declarat Q. x11. art. 2. ad 2. Ignorantia juris non excuſat a peccato, niſi forte ſit ignorantia invincibilis.*

Traduntur ſimilia a Gerſone in lib. de Poſteſt. Eccl. Conf. x111. Tom. 2. edit. Dupinii pag. 252., atque in Compendio Theologiæ (ſi tamen iſtud Gerſoni tribuendum eſt) Tom. 1. pag. 412. In libro autem de vita ſpirituali lect. 1v. Coroll. 3. poſt ea verba : *Concorſ eſt ſententia, nullam in his, qua legis divina ſunt, cadere ignorantiam invincibilem,* ſtatim proferat hanc ſuæ aſſertionis rationem : *Quoniam facienti quod in ſe eſt Deus ſemper aſſiſtit, paratus illuſtrare mentem, quantum oportebit ad ſalutem, & erroris eviſationem.* In illorum itaque ſententia, qui propugnant dari infideles quosdam omni gratiæ lumine deſtitutos, quemadmodum falſa eſt ratio allata Gerſonis, ita & præcedens aſſertio. Quamquam certiſſimum eſt infideles illos damnari non propter id,

quod ignorant invincibiliter, sed propter id quod libera voluntate committunt, aut dignoscere negligunt. Nam si aliqui sunt ob originale peccatum *negative* reprobati, iustoque iudicio derelicti, nil eis præter originalem labem, quam contrahunt generatione, imputari potest ad culpam, nisi quod libera voluntate patnaverint. Atque his diluitur argumentum postremo loco productum.

Quod si quis in profundum peccatorum demersus talem mentis caliginem contrahat, ut omnino ignoret quod scire tenetur, is laborabit ignorantia aliquo sensu invincibili, & necessaria quadam infirmitate tabescet: sed quoniam ignorantia illa pœna peccati est, non originalis, sed actualis; nullam excusationem habebit peccatorum illorum, quæ aut a se committenda præviderat, aut committit indifferencia iudicii, & cum optione malorum. De his tenebrionibus, & lucifugis loquitur D. Bernardus de disp. cap. xiv. *Obscuratum quippe (ait) insipiens cor eorum, qui istiusmodi sunt, & quasi jam traditi in reprobum sensum, bonum omnino nec diligere, nec dignoscere queunt. De quibus scriptum est: Impius cum venerit in profundum malorum, contemnit.* Solvuntur ex dictis argumenta Jansenii, quæ tamen breviter dirimenda proponam.

AD EA QUÆ OBJICIUNT JANSENISTÆ.

Adversarii itaque plura opponunt. Primo, inquit, definitum est in Palæstina Synodo: *Oblivionem, & ignorantiam subiacere peccato.* Deinde Augustinus innumeris locis Jansenii assertum expressit. Ex libro de Grat., & lib. arbit. cap. 3. nonnulla jam delibavimus: attulimus & quædam ex epistola xlv i. r. Ad Sixtum ep. cv. nunc 194. ait: *Inexcusabilis est omnis peccator, vel vitio originis, vel additamento propriæ voluntatis, sive qui novit, sive qui ignorat.* Causam subinde profert, quoniam, in iis qui intelligere noluerunt, sine dubitatione peccatum est, in iis autem, qui non potuerunt pœna peccati. Eadem repetit in omni fere adversus Pelagianos disputatione. Sæpissime etiam appellantur ab ipso Augustino peccata, quæ per ignorantiam etiam invincibilem perpetrantur, ut in iii. de lib. arbitrio cap. 19. Pluribus demonstrat omnem ignorantiam esse damnablem disputans adversus Julianum lib. vi. cap. 16. & de Nat. & Grat. cap. 17. In libro etiam i. Confess. cap. 7. plura deflet peccata infantie, quæ nec mos reprehendi nec ratio sinebat. Accedit S. Hieronymus, qui lib. i. adv. Pelagianos peragrans latissima Scripturam spatia demonstrat errorem omnem, atque ignorantiam esse peccatum. His & consimilibus documentis veritatis errorem suum in cruciant Janseniani.

Respond. Palæstinam Synodum proscribendo septimum illud Capitulum Cælestii: *Oblivionem, & ignorantiam non subiacere peccato,* dam-

damnare duplex Pelagianum paradoxum: unum quod ignorantia non ſubjacet peccato originali, ſed eſt conditio naturæ, eo quod non ſecundum voluntatem eveniat, ſed ſecundum neceſſitatem: alterum quod ignorantia ſive juris ſit, ſive facti poſſit quandoque appellari perfectæ juſtitia. Rejici definitione Synodi Palæſtinæ duplex illud Pelagianorum aſſertum conſtat ex libro Auguſtini de Geſtis Pelagii cap. xviii. n. 42. Ibi enim ad revincendum Cæleſtium, & illius damnationem comprobendam proferit S. Pater verba Davidis: *Deſiſta juventutis meæ, & ignorantia meæ, ne memineris*, & ſacrificia, quæ in libro Levit. pro peccatis ignorantia præcipiuntur. Hæc autem de ignorantia juris naturalis nequeunt intelligi. Fruſtra itaque ad hanc ignorantiam proſcriptio Cæleſtiani capituli detorquetur. Sane Pelagianos affirmare ignorantiam non eſſe malum ex peccati propagine infeſminatam, nemo unus ignorat. Protuliſſe paradoxum alterum, quod ignorantia pertineat ad perfectionem, conſtat ex lib. iiii. contra Jul. cap. 19. num. 36. ubi S. Auguſtinus refert Juliani verba: *Perſectam ignorantiam juſtitiam nominari, quia dixit Deus ad Abimelech, qui cum Sara fuerat concubitus ignorans, quod uxor eſſet aliena, Et ego ſciebam, quia in corde mundo feciſti hoc*. Unde magis apparet quod ſupra aſſerimus, Auguſtinum non de ſola ignorantia juris naturæ contra Pelagianos diſputaſſe, ſed de omni prorfus etiam juris poſitivi, atque facti, ut ipſius ignorantia non Deum auctorem, ſed originale peccatum fuiſſe cauſam evinceret.

In Epiſtola ad Sixtum aſſert primum S. P. verba Jo. xv. 22. *Si non veniſſem, & eis locutus non fuiſſem, peccatum non haberent: nunc autem excuſationem non habent de peccato ſuo*. Ex quo inferit non imputari ad culpam peccatum infidelitatis iis, qui Evangelium non audierunt. *Hoc peccatum* (inquit) *non eos habituros fuiſſe, ſi non veniſſet, qui cum audiſſent eum, non crediderunt in eum*. Excufatur ergo a peccato infidelitas negativa ignorantia conjuncta invincibili. Deinde inſtituit quæſtionem, num excuſabiles ſint, qui non audierunt: ac reſpondet, eſſe quidem excuſabiles in eo quod non crediderunt, at non eſſe excuſabiles ob alia peccata. Enim vero vel damnantur propter originale peccatum, & hoc illis juſto Dei judicio imputatur, quoniam per unum hominem introivit in mundum, in quo omnes peccaverunt, ideoque non admittit de hoc peccato excuſationem Deus, qui creavit hominem rectum: vel damnantur peccatis propria voluntate patratís, & de his proculdubio nullam habent excuſationem, ſive ii, qui legem naturalem cordibus inſcriptam infringunt, nec Evangelium audierunt, ſive ii, qui audierunt, & additamento propriæ voluntatis in Judæorum infidelitate perſiſterunt. Proferamus non mutilatam, ſed integra verba Auguſtini: *Secundum hanc excuſationem inexcufabiles dicit Scriptura divina quosunque ſcientes peccare convincit*. Dei

tamen justum judicium nec illis parcit, qui non audierunt. Quicunque enim sine lege peccaverunt, sine lege peribunt. Et quamvis se ipsi excusare videantur, non admittit hanc excusationem, qui scit se fecisse hominem rectum, eique obedientiae dedisse praeceptum, nec nisi ejus, qui male usus est libero voluntatis arbitrio, etiam quod transiret in posteros, manasse peccatum. Neque enim damnantur qui non peccaverunt, quandoquidem illud ex uno in omnes pertransiit, in quo ante propria in singulis quibusque peccata, omnes communiter peccaverunt. Ac per hoc inexcusabilis est omnis peccator, vel reatu originis, vel additamento etiam propriae voluntatis, sive qui novit, sive qui ignorat, sive qui judicat, sive qui non judicat; quia & ipsa ignorantia in eis qui intelligere noluerunt, sine dubitatione peccatum est; in eis autem, qui non potuerunt, poena peccati. Esto itaque Augustinianae disputationis summa. Excusantur qui non audierunt Evangelium, nec audire potuerunt de peccato infidelitatis; non excusantur quod mutaverint gloriam incorruptibilis Dei in similitudinem imaginis corruptibilis hominis, & servierint creaturae potius, quam Creatori. Derelicti in tenebris, & in massa perditionis propter originale peccatum, cui propria superaddiderunt, nequeunt excusare ipsum peccatum originale, quoniam illud contraxerunt in Adam, & quod Christi fidem non acceperint, & sine lege pericrunt, poena est transgressionis Adae in quo omnes peccaverunt: nequeunt excusare actualia peccata, & ipsam infidelitatem, si intelligere noluerunt, quoniam in his, quae propria culpa neglexerunt, ipsa ignorantia peccatum est. Peccatum ergo inexcusabile non est ignorantia invincibilis juris naturae, sed peccatum originale cujus poena est si quis non est praedestinatus ad fidem, & infidelitas ipsa vincibilis, nempe illorum, qui intelligere noluerunt.

Ubi vero Augustinus appellat peccata, quae per ignorantiam invincibilem perpetrantur, peccatum dicit, quod peccato factum est, sicut linguam dicimus non solum membrum quod movemus in ore, dum loquimur, sed etiam illud quod hujus membri motum consequitur, id est formam tenoremque verborum, inquit eodem libro III. de lib. arbitrio cap. 19. Hoc sane pacto diximus lib. XI. cap. 5. concupiscentiam appellari peccatum, qui ex peccato est; & ad peccatum inclinat, ut post Augustinum Tridentina Synodus declaravit.

In libro VI. contra Julianum demonstrat S. Pater concupiscentiam, & ignorantiam esse intrinsece malas, ut inde evincat peccatum originale, & gratiae necessitatem. Obijcienti autem haeretico, cur hoc malo non careat qui baptizatur, respondet: *Horum malorum omnis reatus sacro fonte diluitur. Remittuntur ergo in renascentibus, minuuntur in proficientibus. Ignorantia minuitur veritate magis magisque lucente, concupiscentia minuitur caritate magis magisque fervente.* Ita eodem cap. XVI. num. 50. En aperte Augustinus concupiscentiam, &
igno-

ignorantiam malas eſſe pronuntiat, ſed in baptizatis utrique malo non aſſentientibus, ſejungit a peccati reatu, probans ex quo remaneant ad luſtam neceſſariam eſſe gratiam ſanctæ inſpirationis, & dilectionis. At de nat. & gratia cap. xvi. 1. num. 19. ſolam ignorantiam vincibilem culpandam aſſeruit: *Quia id homo neſcit negligentia ſua, quod adhibita diligentia ſcire debuiffet, dum tamen omnia poſius diſputet, quam ut cret, & dicat, Da mihi intellectum, ut diſcam mandata tua. Aliud eſt enim non curaſſe ſcire, quæ negligentia peccata etiam per ſacrificia quedam legis videbantur expiari. Aliud intelligere velle, nec poſſe, & facere contra legem non intelligendo quid fieri velit.* In libro denique Confeſſionum primo cap. vii. opera, quæ comitantur infantiam appellat peccata, in quantum revera naturali legi, ac lumini rationis repugnant, & ſunt confeſſaria miſerrimæ originis, de qua David Pf. l. ait: *In iniquitatibus conceptus ſum, & in peccatis concepit me mater mea.* Verum negat eſſe peccata, quæ imputari valeant ad culpam: ita ut reprehendenda quidem fuerint in ſe inſpecta, ſed nullam promeruerint reprehentionem, quatenus facta a puerulo abſque rationis uſu operante. *Tunc ergo (inquit) reprehendenda faciebam: ſed quia reprehendentem intelligere non poteram, nec me reprehendi me, nec ratio ſinebat.*

Hieronymus adverſus Pelagianos demonſtrat plura peccata a nobis per ignorantiam committi, ideoque hoc malum eſſe nobis inſitum vitiaæ generationis origine, neque vitari poſſe peccatum ſine gratia Reparatoris. At fruſtra Janſeniani de ſola ignorantia invincibili, & juris naturæ Sanctum Doctorem interpretantur: fruſtra inferunt per Hieronymum ignorantiam illam non excuſare a peccato. Nam ut Pelagianos revincat per Scripturarum ſpatia diſcurrens probat dari ignorantia peccata ex cap. xi. Exodi v. 13. ubi mulctatur exilio, qui occiderit aliquem per ignorantiam abſque voluntate, & inſidiis. Ex cap. v. Levitici v. 17., ubi præcipitur offerendum eſſe arietem pro anima, quæ per ignorantiam aliquid immundum tetigerit, & legis cæremonias fuerit prævaricata. Ex cap. xxi. ejuſdem libri v. 14., ubi ei, qui per ignorantiam comederit de ſanctificatis, mandatur, ut deferat ad Sanctuarium, & det Sacerdoti certam partem ejus, quem comederit cibi. Ex cap. xxxv. num. v. 11. ubi decernuntur civitates refugii pro iis, qui nolentes ſanguinem fuderint. Ex 1. Regum cap. xiv. 43., ubi Ionathas damnatur a patre, quod guſtaverit in ſummitate virgæ paullulum mellis, quamquam paternum mandatum, ac juramentum neſciret. Hæc omnia exempla ſunt juris poſitivi, vel facti, in quibus ignorantia, ſatentibus Janſeniſtis, excuſat a culpa: ideoque certiffimum eſt beatum Hieronymum Pelagianos reſellentem univerſe ignorantia malum deſcribere, ut commonſtret in nobis proclivitatem ad vitia, & ſupernorum auxiliorum neceſſitatem. Vide quæ ſcripſimus lib. xi. cap. 10., & lib. xvi. cap. 2., & ſeqq.

C A P U T XI.

Traduntur nonnulli Canones ad dignoscendum quando ignorantia, vel delectatio culpabilis censenda sit, quando verò excusanda.

QUAMQUAM facile ex dictis inferitur quænam officia delectatione, vel ignorantia labefactentur; placet tamen regulas quasdam subijcere, quarum lumine dubia quæque moralia circa hanc materiam exorta absque ulla hæsitacione solvantur. Ergo cum ignorantia nihil sit aliud, quam scientiæ & cognitionis defectus, scire autem quis possit aut veritatem quæ nulla ratione ad sempiternam salutem ex se conducit, aut veritatem quæ perutilis quidem est, ut salutem consequamur, sed minime est necessaria; aut denique veritatem, sine cujus notitiâ æterna salus est impossibilis; consequitur ignorantiam esse vel rerum ad salutem non pertinentium, vel utilium, vel præscriptarum.

C A N O N I.

Christus nequaquam mortuus est, ut simus philosophi, vel mathematici, neque naturalium scientiarum ornamenta suapte natura ad pietatem religionemque disponunt: quapropter naturalium disciplinarum ignorantia, sive voluntaria sit, sive involuntaria, per se ad culpam non est imputabilis. Quoniam tamen acceptis facultatibus bene, uti tenemur, ad Dei gloriam & honorem debent perspicaciores ingenio literis, scientiisque navare operam, & in humanam sapientiam animum intendere, non quod ista ædificet, & cuique sit necessaria, sed quia virtus in otio torpescit, neque reponendus est acceptus denarius, contra Commonitionem Evangelicam, in sudario.

C A N O N II.

Ad capeffendam salutis viam perutilis est scientia sacrarum literarum; quippe *instruunt ad salutem per fidem, quæ est in Christo Jesu*, ut Apostolus scribit in secunda ad Timotheum. Ignorantia itaque vel sacrarum Scripturarum, vel doctrinæ Patrum, vel Theologicarum disciplinarum non est per se in unoquoque culpanda, quoniam non omnes tenentur, vel possunt media quæque utilia adhibere. At hanc scientiam contemnere, & velle perutilem doctrinam ignorare, non est absque peccandi periculo, cum abiciens utilia minus sit prudens, atque sollicitus. Quod si de his loquimur, qui ministerium Ecclesiasticum, & opus Evangelistarum debent implere, quoniam iis sacra do-

Strina

ſtrina non tam eſt utilis , quam neceſſaria , ſi illam addiſcere negligant ; habent perverſam , culpandam , & damnabilem ignorantiam .

C A N O N III.

Sunt vero aliqua ſcitu ſingulis neceſſaria , ut legis præcepta , Symbolum Apoſtolicum , præcipua fidei myſteria , & communia Catholicorum rudimenta . Horum ignorantia poteſt in triplici hominum genere reperiri . Quidam ea ſcire nullatenus poſſunt , ut infantes ante uſum rationis , & infideles , quibus Chriſtus nondum eſt annuntiatus : atque in his ignorantia peccatum non eſt , ſed pœna peccati originalis . Quidam alii ſcire poſſunt , ſed nolunt , ſubeuntes , ut diximus cap. I. cum D. Thoma , *ignorantiæ damnum propter libertatem peccandi* ; & in his ignorantia peccatum eſt , atque gravitatem peccati , quam minuit ex una parte ignorantia , adauget ex altera perverſitas voluntatis . Quidam ſcire poſſunt , & volunt quodammodo , ſcire tamen negligunt : in quibus ignorantia partim voluntaria eſt , partim involuntaria , ſimulque peccatum & pœna peccati ; peccatum ob voluntariam negligentiam , pœna autem peccati , quoniam aliquatenus diſpicet : atque hæc ignorantia minuit , ſed culpam non tollit , ſive , ut Scholæ loquimur , *excufat a tanto , ſed non a toto* .

C A N O N IV.

Dupliciter contingere poteſt facti ignoratio , vel adhibita diligentia , aut non iis inſpectis , quæ conſiderari nec debebant , nec poterant , ut dum Jacob ingreſſus eſt ad Liam loco Rachelis a Labano introductam : vel non adhibita diligentia , nec rebus , quæ attendi poterant , animadverſis , ut dum Lamech inter venandum pro fera occidit hominem . Prima igitur ignorantia , cum involuntaria omnino ſit , non eſt aliqua ratione damnabilis ; ſed altera , quoniam ex parte voluntaria eſt ob culpabilem indiligentiam , ut liquet ex ſuperiori canone , minuit peccatum , non tollit .

C A N O N V.

Ignorantia autem invincibilis , ſive juris naturæ ſit , ſive poſitivi , vel innata eſt , vel caſu ſuperinducta . Prior , qualis eſt in puero ante uſum rationis , in infideli *negative* , aut in homine nato cum neceſſariis liberi arbitrii impedimentis , ut dementia & furor , pœna peccati eſt , non peccatum , & a peccato excuſat , ut diximus canone III. Superinduci autem poteſt adultæ jam , & utenti ratione , vel dum dat operam reſcitiæ , ut ſi inſaniam ſtudento ; vel dum invitatus patitur in-

firmitatem, ut si febre deliret; vel libere peccatum patrando, ut si vinofus inebrietur. Ac in primo & fecundo cafu, cum ignorantia involuntaria fit, excufat a culpa. In tertio non una eft Doctorem fententia: fed arbitramur hanc ignorantiam, cum fit per liberam voluntatem fuperinducta, peccatum efle, nec excufare a peccato quod præyideri debebat, & poterat, excufare tamen ab illo, ad quod tali ignorantia laborans non potuit animadvertere; nam erga iftud nullum libertatis intervenit exercitium.

C A N O N VI.

Inter perniciofas delectationes connumerandi non funt motus *naturalis appetitus*, quos non imaginatio gignit, fed ipfa naturalium qualitatum difpofitio, cujufmodi funt fames, fitis, fomnum. Cum enim hi motus apprehenfionem, rationifque deliberationem præcedant, nullo pacto induere poffunt moralis actus, & humani officii naturam, neque inter operationes liberas debent computari. Confequitur autem ut plurimum ad motus naturales alius, quem appellant *fenfitivum*, qui fecundum impulfum fomitis tendit in bonum delectabile: atque hunc motum appellant cupiditatem, cujus comes efle poteft delectatio perniciofa, fi liberum arbitrium infurgentem cupiditatis motum non reprimat.

C A N O N VII.

Motus ergo ille perniciofa cupiditatis, in quantum homine invito confurgit, & rationem præcedit, eft illa. lex membrorum repugnans legi mentis, de qua Apoftolus; peccatum etiam aliqua ratione appellatur, in quantum eft radix mala, infta originali peccato, & ad peccatum alliciens. Verum cum non fit in libera potestate eundem motum non experiri, nequit reputari illud peccatum, quod eft *legis inobedientia*, & *transgreffio*; quidquid commentus eft Bajus merito ab Apoftolica Sede proſcriptus.

C A N O N VIII.

Ubi vero ad motum *fenfitivum* accefferit *rationalis*, id eft, confequens ad mentis apprehenfionem, ac deliberationem rationis, quoniam homo jam non patitur invito, fed libere delectatur, poteft duplici ratione peccare. Vel enim cum advertere poffit ejuſdem motus pravitatem, illumque refrenare, illi delectatione inhaeret ſuſpendendo conſenſum; & tunc eft delectatio, quam dicunt *morofam*; uique mala & culpabilis, quia libere adhæret bono commutabili: vel accedit

dit etiam deliberatus assensus, & tunc peccatum non solum inest, sed etiam regnat, ut scribit Augustinus in Psalmum L. *Inest peccatum cum delectaris, regnat si consenseris.*

C A N O N IX.

Delectari de re licita nullum peccatum est. At curandum sedulo, ne etiam licita delectatio in pravam degeneret; nam, ut idem Augustinus ait lib. 1. de Gen. contra Manichæos cap. 20. *Cum non reguntur motus animi nostri, erumpunt & pergunt in sædissimas consuetudines.* Accidit autem nonnunquam, ut inmutatis rerum circumstantiis fiat quod licitum erat, illicitum; ut virilis complexus licitus nuptæ, viro defuncto redditur illicitus viduæ. Peccat ergo ipsa, si de actu præterito Matrimonii delectationem percipiat. Quamquam enim præteritus ille actus fuerit aliquando licitus, delectationem non excitat, ut præteritus est; res enim amissa, ut amissa, non delectat, sed cruciat: ideoque oblectationem parit in quantum menti obversatur, & præsens est; quod servata proportionem tenendum esse arbitramur, de sponsa oblectamentum percipiente de futuro maritali complexu.

C A N O N X.

Liquet ex supra disputatis nulli bono commutabili tanquam ultimo fini esse inhærendum, sed rebus creatis utendum esse, fruendum autem Creatore. Delectatio ergo, quam creaturis utendo experimur, dum intendimus præstantioris finis consecutionem, censenda est inculpabilis. Contra si delectamentum rerum creatarum sit nobis ultimus finis, eique inhæreamus animo & voluptate, quemadmodum contingit in iis, qui in temporalibus oblectamentis modum non tenent, quælibet delectatio erit perniciofa. Ideo culpa non caret ipse actus conjugii ob solam voluptatem peracti, & comestatio, epulumque propter luxum, vel satietatem; quomodo rectissime Romani Pontifices declararunt. Atque hæ Regulæ ad ignorantiam, & delectationem pertinentes ex præmissis dissertationibus videntur nobis certissimæ.

C A P U T XII.

*Via sternitur ad gravissimam de Opinione probabili
questionem præmissis iis, quæ pertinent
ad humanam conscientiam
discernendam.*

I N bonis, pravisque operibus attendenda præsertim est interior regula morum, quam *Conscientiam* consuetum est appellare: de

firmitatem, ut si febre deliret; vel libere peccatum patrando, ut si vinofus inebrietur. Ac in primo & fecundo cafu, cum ignorantia involuntaria fit, excufat a culpa. In tertio non una eft Doctorem fententia: fed arbitramur hanc ignorantiam, cum fit per liberam voluntatem fuperinducta, peccatum efle, nec excufare a peccato quod prævideri debebat, & poterat, excufare tamen ab illo, ad quod tali ignorantia laborans non potuit animadvertere; nam erga iftud nullum libertatis intervenit exercitium.

C A N O N VI.

Inter perniciofas delectationes connumerandi non funt motus *naturalis appetitus*, quos non imaginatio gignit, fed ipfa naturalium qualitatum difpofitio, cujufmodi funt fames, fitis, fomnum. Cum enim hi motus apprehenfionem, rationisq; deliberationem præcedant, nullo pacto induere poffunt moralis actus, & humani officii naturam, neque inter operationes liberas debent computari. Confequitur autem ut plurimum ad motus naturales alius, quem appellant *fenfitivum*, qui fecundum impulfum fomitis tendit in bonum delectabile: atque hunc motum appellitant cupiditatem, cujus comes efle poteft delectatio perniciofa, fi liberum arbitrium infurgentem cupiditatis motum non reprimat.

C A N O N VII.

Motus ergo ille perniciofa cupiditatis, in quantum homine invito confurgit, & rationem præcedit, eft illa lex membrorum repugnans legi mentis, de qua Apoftolus; peccatum etiam aliqua ratione appellatur, in quantum eft radix mala, infita originali peccato, & ad peccatum alliciens. Verum cum non fit in libera poteftate eundem motum non experiri, nequit reputari illud peccatum, quod eft *legis inobedientia*, & *transgreffio*; quidquid commentus eft Bajus merito ab Apoftolica Sede proſcriptus.

C A N O N VIII.

Ubi vero ad motum *fenfitivum* accefferit *rationalis*, id eft, confequens ad mentis apprehenfionem, ac deliberationem rationis, quoniam homo jam non patitur invito, fed libere delectatur, poteft duplici ratione peccare. Vel enim cum advertere poffit ejuſdem motus pravitatem, illumque refrenare, illi delectatione inhaeret. ſuſpendendo conſenſum; & tunc eft delectatio, quam dicunt *morofam*; utique mala & culpabilis, quia libere adhæret bono commutabili: vel accedit

dit etiam deliberatus aſſenſus, & tunc peccatum non ſolum ineſt, ſed etiam regnat, ut ſcribit Auguſtinus in Plalmum L. *Ineſt peccatum cum delectaris, regnat ſi conſenſeris.*

C A N O N IX.

Delectari de re licita nullum peccatum eſt. At curandum ſedulo, ne etiam licita delectatio in pravam degeneret; nam, ut idem Auguſtinus ait lib. 1. de Gen. contra Manichæos cap. 20. *Cum non reguntur motus animi noſtri, erumpunt & pergunt in ſætiſſimas conſuetudines.* Accidit autem nonnunquam, ut inmutatis rerum circumſtantiis fiat quod licitum erat, illicitum; ut virilis complexus licitus nuptæ, viro deſuncto redditur illicitus viduæ. Peccat ergo ipſa, ſi de actu præterito Matrimonii delectationem percipiat. Quamquam enim præteritus ille actus fuerit aliquando licitus, delectationem non excitat, ut præteritus eſt; res enim amiſſa, ut amiſſa, non delectat, ſed cruciat; ideoque oblectationem parit in quantum menti obverſatur, & præſens eſt; quod ſervata proportionem tenendum eſſe arbitramur, de ſponſa oblectamentum percipiente de futuro maritali complexu.

C A N O N X.

Liquet ex ſupra diſputatis nulli bono commutabili tanquam ultimo fini eſſe inhærendum, ſed rebus creatis utendum eſſe, fruendum autem Creatore. Delectatio ergo, quam creaturis utendo experimur, dum intendimus præſtantioris finis conſecutionem, cenſenda eſt inculpabilis. Contra ſi delectamentum rerum creatarum ſit nobis ultimus finis, eique inhæreamus animo & voluptate, quemadmodum contingit in iis, qui in temporalibus oblectamentis modum non tenent, quælibet delectatio erit pernicioſa. Ideo culpa non caret ipſe actus conjugii ob ſolam voluptatem peracti, & comeſſatio, epulumque propter luxum, vel ſatietatem; quomodo rectiſſime Romani Pontifices declararunt. Atque hæ Regulæ ad ignorantiam, & delectationem pertinentes ex præmiſſis diſſertationibus videntur nobis certiſſimæ.

C A P U T XII.

*Via ſternitur ad graviſſimam de Opinione probabili
queſtionem præmiſſi iis, que pertinent
ad humanam conſcientiam
diſcernendam.*

IN bonis, pravique operibus attendenda præſertim eſt interior regula morum, quam *Conſcientiam* conſuetum eſt appellare: de

qua cum plura tradant Moralium institutionum Auctores; nos paucis exponentes ea, in quibus conveniunt singuli, inquiremus speciatim, de Conscientia probabili, de qua disceptatio perutilis, gravisque instituitur. Est itaque *Conscientia*, ut hoc loco accipitur, non simplex rerum notitia per ideam aut sensum comparata, neque communis pluribus scientia, aut conspiratio, quo sensu ait Cicero in Catilinam: *Conscientiam horum conscientia conjurationem*; ac Tacitus in 1. Hist. *In conscientiam facinoris pauci admissi*: sed est eorum quæ facimus interius iudicium animi, per quod aut redargui possit, aut probari. Comparatur autem conscientia vel cum operibus faciendis, vel cum iis, quæ jam facta fuerunt. Respectu operum patratorum est conscientia testimonium illud, quo iusti eriguntur, improbique timore prostrantur, quam Græci dicunt *synderesis*. De hac, inquit Apostolus ad Rom. ix. 1. *Testimonium mibi perhibente conscientia mea*. Dicuntur ob illam & impii,

Nocte dieque suum gestare in pectore testem.

Comparatæ autem ad opera faciendæ, conscientia est intima persuasio per quam judicamus ea, quæ agenda sunt, esse bona vel mala. Hæc, de qua pertractamus, definitur in Scholis, *Actus mentis, quo de iis, quæ hic & nunc agenda sunt, judicamus an omittenda sint, an executioni mandanda*. Tam aperta est hæc definitio, ut postulare non videatur aliquam expositionem. Sunt quidem & Schola complures, quibus magis placet Conscientiam dicere *habitus*, quam actum, propterea, quod conscientia etiam in dormientibus permaneat; sed aliud est vis ac facultas iudicii, aliud iudicium ipsum; atque aliud bona mentis affectio, aliud intima persuasio. Dum itaque Scotus, Gabriel, Durandus aliique contendunt conscientiam dicendam esse *habitus*, accipiunt illam aut pro facultate mentis humanæ, aut pro ejus habitudine atque affectione: quo sensu dicimus peccantium perversam esse conscientiam, aut cum Apostolo ad Heb. ix. 14. Deum emundare *conscientiam* nostram, nimirum mentem ac voluntatem purgare ab erroribus, noxiisque cupiditatibus, ut Deo viventi sedulam servitutem exhibeamus. At nos *conscientiam* illam dicimus, per quam in operando dirigimur; aut firma sit hæc directio, aut anceps & dubia, aut æquitati consentanea, aut fallax atque perversa, ideoque actum illum mentis, quem alii appellant intimam regulam moralitatis, alii iudicium practicum, alii *synderesis* dictamen rationis: quæ nomina in idem prorsus colligunt.

Juxta varias iudicii nostri conditiones etiam Conscientia solet a Theologis dividi: nam, quemadmodum iudicium verum est, aut falsum, ita conscientia alia *recta* est, alia *erronea*. Rectam conscientiam dicimus, quæ veritati & æquitati conformis est; nimirum, quæ judicamus bonum esse, ac faciendum quod revera est hujusmodi, aut è con-

tra

tra eſſe malum ac fugiendum quod revera malum eſt: talis eſt conſcientia, quæ nobis proponit cultum Deo exhibendum, honorem præſtandum parentibus, eleemoſynam pauperibus elargiendam. Quod ſi conſcientia proponat ut bonum quod malum eſt, aut ex adverſo tanquam malum, id, quod eſt bonum, non rectam conſcientiam dicimus, ſed erroneam: ſit in exemplo conſcientia eorum, qui ſimplicem fornicationem, furtum, aliaque probra eſſe licita cenſuerunt. Sunt vero rectæ conſcientiæ dijudicandæ certi canones; quorum primus eſt indita ſingulis æternæ legis participatio, ſive lex naturæ, quæ non ſinit rationabiles creaturas univerſalia ſaltim & communia ignorare, & a qua ſi opus aliquod diſcordet, illud ſit turpe atque inhoneſtum neceſſum eſt. Quare beatus Proſper his verbis alloquitur ſceleroſos:

Ite ipſi in veſtra penetralia mentis, & intus

Incifos apices, & ſcripta volumina legis

Adſpiciſte, & natam vobiſcum adſpiciſte legem.

In iis vero quæ naturæ lumini non ſunt obvia, rectam conſcientiam dicimus, quæ divinæ auctoritati, & voluntati morigeratur: cujus voluntatis ſeptem habere poſſumus argumenta, ut erudite animadverſit Paulus Comitulus in Reſp. Moralib. lib.v. q.xv. Sunt autem ſacra Volumina, Concilia Oecumenica, Chriſti & Apoſtolorum traditiones, Eccleſiæ conſuetudo, juſſa Romanorum Pontificum, Patrum & Eccleſiæ Doctorem una vox & concordia, & denique Theologorum in Scholis diſceptantium conſpiratio & conſenſio. At ſi rationi, vel auctoritati divinæ, quam nobis hæc ſeptem argumenta enuntiant repugnet conſcientia, pravam illam, erroneamque æſtimamus.

Verum quum pœnalis cæcitas, atque diverberantes animum imagines rerum ſenſibilem ſæpenumero caliginem offundant inditæ nobis rationi, atque lubentius attendantur prava hominum inſtituta, impiorum colloquia, indulgentia mortalium ingenio rudimenta, & ad malum allicientes illecebræ, quam perſpicuæ veritatis lumen, documenta bonorum, ſevioriorique diſciplinæ præcepta; contingit eapropter, ut pluribus e cauſis animorum labefactetur judicium: atque inde plures etiam conſcientiæ erroneæ genera emanant. Etenim vel animus aliquo ex iis ad veritatem obſtaculis præoccupatus judicat vitio eſſe: contaminatum quod omni culpa caret, & hæc eſt conſcientia ſcrupuloſa & infirma: vel judicat eſſe veniale peccatum quod in ſe graviſſimum ac turpiſſimum eſt, & hæc eſt conſcientia, quam dicunt laxam, ideſt, diſſolutam, & quaſi laxis habenis facile in ſcelera quæque ruentem: vel judicat eſſe grave peccatum illud, quod ſuapte natura leve eſt; & hanc conſcientiam dicimus Phariſaicam, a conſuetudine nempe invidorum Phariſæorum, qui Diſcipulis vitio dabant, quod ſpicas evellerent, quod manus, priuſquam menſæ accumberent, non lavarent, quod futiles ſeniorum traditiones parvipenderent: vel denique abſque

ullo

ullo sensu pietatisque respectu approbat atrocissima & iniquissima, quemadmodum Gentes quæ ignorant Deum, & homicidia, furta, adulteria, aliaque flagitia atrocissima putant honesta ac licita; & hanc conscientiam Bonus Merbseus in Summa Christiana P. 1. q. 24. appellat *cauteriatam*, quoniam similis facta carnibus cauterio iniustus nil percipere videatur. Obcæcatam dicere possumus, rebellem lunini, & ex crassa perversaque ignoratione profectam. Quemadmodum vero, ut in superioribus dictum est, hæc ignorantia vincibilis, & invincibilis esse potest, ita duplicem conscientiam erroneam constituit, vincibilem atque invincibilem, quarum primâ a culpa neminem excusari liquet ex hæcenus disputatis.

Omnes hæ partitiones conscientiæ spectant objectum, illud scilicet, circa quod versatur interioris animi iudicium practicum. Inquirendum modo quomplex sit conscientia spectato ipsius iudicii motivo. Sane prænotio, quæ nos ad iudicandum potest pertrahere aut evidentiam habet, aut moralem certitudinem, aut anceps est & ambigua, aut est probabilis, aut aperte falsa ac repugnans. Conscientia itaque, sive, animi persuasio ex præconcepta notione derivans, vel erit evidens, vel moraliter certa, vel dubia, vel probabilis, vel improbabilis. Conscientia *certa* & *evidens* est intima persuasio, quæ oritur ex manifesta & rationi per se obvia cognitione: qualem conscientiam habet, qui Deum colit, qui honorat parentes, qui naturalem legem sibi inscriptam intuetur, meditatur, ac servat. Conscientia *certa* tantum moraliter est quæ procedit ex motivis, quæ etsi evidenter non appareant, firma sunt tamen, atque formidinem omnem excludunt: talis E. G. est conscientia hominis etiam illiterati, & rudis, qui edoctus a Parocho, aliisque, quos novit probos esse, ac bene moratos, nec pulsatus contraria mentis persuasione, nec opposita auctoritate, nec contraria aliqua consuetudine facit quod censet esse a se faciendum. Atque hinc patet posse conscientiam moraliter certam haberi etiam cum errore, dummodo sit involuntarius, ut demonstrant Theologi exemplo Jacob aecedentis ad Liam. At *dubia* conscientia est, in quantum secernitur a probabili, dum quis pari rationum momento libratus hæret in incipiti, & ab utraque parte cohibet assensum. Est autem dubium, aliud *juris*, aliud *facti*, ut supra dictum est. Si vero motiva, quæ pariunt dubitationem perlevia sint, timidosque ad hanc angustiam adigant, ut credant scelus grave, quod in se vel est minimum, vel inculpatum, conscientiam dicitur *scrupulosa*; si ex adverso levi ductus momento iudicet aliquis vel bonum, vel excusabile quidquid probrosum est ac nefarium, habet is quidem *laxam* perversamque conscientiam, quam paulo supra descripsimus. *Probabilis* conscientia est, quæ gravi quidem momento innititur, & ducitur ratione aliqua vel auctoritate minus spernenda, sed quæ partis oppositæ formidinem penitus non excludunt.

Atque

Atque de hac conſcientia plura nobis dicenda occurrunt. Nam *improbabilis* conſcientia ex oppoſito ea eſt, quæ nulli tali momento innixa ſuadet opus aliquod faciendum temere atque imprudenter.

Conveniunt autem Theologi ſere omnes, quod teneamur ſemper morem gerere conſcientiæ rectæ, moraliter certæ, necnon etiam errorum cum invincibili ignoratione conjunctæ. Quiſquis etiam operatur cum conſcientia ancipiti ac dubia, communi conſenſione imprudenter agit, & peccat. Ad conſcientiam itaque probabilem gravis controverſia reſtringitur; quam proximo capite explicabimus enucleatius, poſt hæc curabimus dirimere, & complanare.

C A P U T XIII.

Quid ſit opinio probabilis: quomodo hanc nonnulli ſtudeant reddere certam regulam morum: quanta contentione hæc quaſtio agitur: quid prænotandum ſit ad ipſam ſolide diluendam.

PROBABLEM opinionem nos paullo ſupra hac definitione circumſcripſimus: *Probabilis opinio illa eſt, quæ gravi quidem momento inniſtitur, ſive quæ ducitur ratione aliqua, vel auctoritate minime ſpernenda, ſed penitus non excludit oppoſita partis formidinem.* Eſt vero definitionem iſtam ſola nominum perceptio ſatis declarat, nonnulla pro ejus explicatione ſunt obſervanda. Exiſtimarunt quippe complures ſufficere ad opinionis probabilitatem, ſi innixa ſit rationi vel auctoritati alicujus momenti, quamvis pertenuis ac levis; ut liquet ex definitione tradita ab Antonio Eſcobario Exam. III. de Conſc. cap. 3. *Probabilis ſententia dicitur, quæ rationibus inniſtitur alicujus momenti.* Ex qua definitione fas eſſet ſequi ſententiam unius tantum Doctōris, dummodo gravis & probi, ut ibidem Eſcobarius affirmat, & Sanctius in Summa lib. I. cap. 9. Adverſus definitionem illam non ſolum inſurgit Auctor Epistoſarum Provincialium Ep. V. & qui ſub nomine Wendrockii Notas iſdem Epistoſis addidit; verum etiam Joannes Sinnichius celeberrimus Doctōr Lovaniſſis lib. I. Saulis Ex-Regis cap. 94. alique Antiprobabilitæ omnes, præſertim præpoſitus Societatis Jeſu Thyrfus Gonzalez Diff. I. §. 2. ubi ait definitionem hanc aperire januam magnæ relaxationi, & laxitati. Neque verum eſt quod ſcribit Auctor ſpeciminis Doctrinæ Theologicæ per Belgium manantis P. IV. cap. 2. Ludovicum Montaltium in probroſis Epistoſis prædictam definitionem e ſola Hiſpania veſtigaffe, ibique ab uno Eſcobario parum ſcrupuloſe fuiſſe traditam; quicquid enim ſit de Montaltio, cujus convicia rationemque ſcribendi nequaquam probamus: fatetur Gonzalez eandem definitionem ſatis eſſe

esse communem, eamque nobis ex recentioribus exhibuit Tamburinus definiens opinionem probabilem lib. 1. Decalog. cap. 3. §. 3. *Opinio probabilis est assensus intellectus de aliquare, qui innuitur rationi, vel auctoritati alicujus momenti, modo ex altera nihil appareat convincens.*

At Probabilistæ alii animadvertentes, quam latam hæc definitio erroribus viam sternat, eo quod ea statuta fas esset eligere quicquid apparet verisimile, eam emmolliere studentes docuerunt requiri ad opinionem probabilem, ut nitatur fundamento magni momenti, fixo, firmo, non sophismati alicui, aut rationi duntaxat apparenti: quod colligitur ex Terillo & Esparza proximo §. laudati a Thyrso Gonzalez, & ex Joanne Ferrier Tolosano, quem exagitat citato loco Wendrockius. Atque ex his constat nos congruam tradidisse probabilis opinionis definitionem. Grave autem censetur, aptumque ad faciendam probabilitatem momentum, quando id videtur *omnibus, aut pluribus, vel sapientioribus, & iis vel omnibus, vel plurimis, vel maxime notis, & illustribus*, auctore in 1. Topicorum Aristotele: & si loquamur de iis, quæ ad fidem moresque pertinent, ut sit probabilis opinio juxta S. Patrem Augustinum in lib. v. 11. de Baptismo contra Donatistas cap. 53. num. 102. requiritur, ut saltem probetur aliquo diocesano Concilio, & judicari possit ex definitione Concilii plenarii, ex sacris literis, ex sanctis Ecclesiæ Patribus, atque ex aliis Christianæ doctrinæ munimentis, ita, ut progrediendum non sit aliqua temeritate sententiæ, ubi munimenta hujusmodi non habentur. Videatur Christianus Lupus Dissert. de Opin. Probab. cap. 2. Verum ex allata definitione, quaecumque grave momentum censeas, refellitur doctrina illorum, qui commonstrare nituntur fas esse amplecti opinionem probabilem in alterius æque probabilis, aut probabilioris occurso. Si enim menti obversetur adversa opinio, quæ sit probabilior, ea gravioribus momentis erit dubio procul innixa: si æque probabilis sit, debet consimili ratione vel auctoritate fulciri; ideoque opposita opinio definit esse probabilis, quum nequeat æstimari firma, ac stabili innixa fundamento sententia illa, cui adversatur altera æqualis, vel majoris momenti. Enimvero nullum pondus, saltim comparative, grave poterit æstimari, cui simile, aut gravius contranitur. Atque hinc est, quod Probabilitatis, sive benignæ, ut inquit, sententiæ patroni coguntur principio pugnantia absurdaque deglutire; quoniam receptâ definitione, quam tradunt, nequit censi probabilis illa opinio, cujus momenta possunt æqualia aut graviora elevare aut elidere.

Ut ex adverso Probabilistæ valide se communiant, docent maximam intercedere *opinionem* inter ac *dubium* discrepantiam. Ac *dubium*, quod fatentur non esse conscientie certam regulam, ajunt adesse, quotiescunque animus inter rationes ejusdem ponderis pendet anceps, uti & nos affirmavimus paulo supra: assensum autem *opinativum* illum, dicunt,

dicunt, qui procedat ex cognitione majoris convenientiæ *prædicati* cum *ſubjecto* in una parte contradictionis quam in altera. Ita Gabriel Vaſquez 1. 2. diſput. 62. cap. 3. Et recte quidem; niſi enim major illa convenientia percipiatur, deerit momentum illud grave, quod neceſſarium fatentur ad faciendam probabilitatem. At hic rurfus hæret aqua: quum nequeat dari iſtiusmodi aſſenſus, quo mens iudicet in una potius parte, quam in altera *prædicatum* convenire *ſubjecto*, dum ſimul animum pulſant oppoſitæ opiniones æquis ſuſtultæ momentis. Alii diſtinguunt inter dubitationem ſpeculativam, & præcticam; quod an jure, & qua utilitate faciant, erit poſtea inquirendum. Quamplures vero, cum optime perciperent in plurium opinionum conſpectu animum hære ſuſpenſum, curarunt difficultatem omnem dirimere, præſidio iudicii reflexi; quo mens utræque opinione librata cenſet unam atque alteram eſſe probabilem: atque poſſe hoc iudicio conſcientiam dirigi recentiores caſuiſtæ conſentiunt. At videndum eſt, an iudicium iſtud reflexum, quod ſane comparate ad objecta eſt ratum ac firmum, & abſque ulla hæſitatione pronuntiat utramque opinionem eſſe probabilem; ſit etiam comparate ad mentem rationalem talis efficaciz, ut poſſit per illud omnem fluctuationem deponere, ac pro libito unam aut alterum agere; quum nobis potius videatur eodem iudicio quemadmodum ſtatuitur utriuſque partis probabilitas, ita conſcientiam vehementius angere, & quodammodo admoneri, ne inconfiderate eligat quod poteſt eſſe iniquum atque inhoneſtum. Tantummodo videntur hæ reflexiones (inquit Eminentiffimus Aguirre) hominem placendi Deo & ſalutem conſequendi cupidum hortari quammaxime; ut præiudiciis exutus ſedulo veritatem inquireat, conſulatque Scriptores Catholicos, ut re majori in lumine collocata ac dubitatione depoſita eliceret valeat iudicium moraliter certum, atque eo pacto abſque conſcientiæ agitatione operari.

Priusquam de his pronuntiemus; conſtat ex allata definitione inſitui controverſiam de eo, quod probabile eſt operanti, ſive comparate ad mentem a qua elicitur iudicium præcticum; non de eo, quod eſt probabile tantum in ſe, atque ſpectata intrinſeca ratione ſui. In re quippe illud tantummodo probabile eſt, quod eſt verum; quoniam, verum duntaxat habet firmum, ex quo legitime inferatur, momentum. Quamobrem Philalethes, ſive anonymus Auctor libri, qui inſcribitur, *Triumphus Thomiſtarum*, Opuſc. v. cap. 3. num. 79. *Certe*, inquit, *cordate lector, quantum incautos decipiant Probabiliſtæ, dum eam ſententiam prædicant probabilem, qua non inniſcitur ſophiſmate, ſed gravi, ſolidæ & magni momenti rationi, qua non evidenti rationi vel auctoritati Scripturæ, Conciliorum, Pontificum evidenter repugnet. Certum eſt ſententiam falſam a parte rei non poſſe probari per rationem, que ſit a parte rei vera; etenim vero non poteſt connecti niſi*

TollV.

LI

verum

verum & ideo nec ex vero potest sequi, nisi verum; unde quicquid legitime inferitur ex vero est etiam verum: ut patet ex Summulis. Nulla ratio falsa potest a parte rei esse gravis, solida, & magni momenti; cum ergo Probabilistæ plurimas sententias dicant probabiles, quæ a parte rei falsæ sunt, (siquidem ex duabus contradiatoriis & probabilibus una debet esse a parte rei falsa,) necesse est, ut per rationem gravem, solidam, & magni momenti, non intelligant eam quæ sic est a parte rei, sed quæ sic videtur probantibus eam. Ratio autem quæ videtur gravis & non est, quæ videtur solida & revera non est, verum soporificum est, idest apparens veritas, & vera falsitas. Similiter dum a sententia probabili excludunt evidentem repugnantiam, non loquuntur de repugnantia, quæ sit a parte rei evidens, sed quæ sic videatur a probantibus eam: est enim a parte rei evidens, omne falsum contrariari alicui rationi, & auctoritati. Hæc, & alia multa eo loci Philalethes, & ibidem laudatus Episcopus Vencienfis, cujus hæc sunt verba: *Addunt quidem illi (Probabilistæ) nonnuquam rationes quibus nituntur opiniones probabiles solidas esse debere, nec ullam probabilitate donandam, nisi quæ non repugnet Scripturæ ac Traditioni. Verum hæc conditiones nihil aliud sunt, quam laquei irretiendis, deludendisque simplicioribus instituti. Non enim per solidas illas rationes eas intelligunt quæ veræ sint; nullæ enim veræ rationes inveniri possunt ad stabiliendas opiniones falsas, quibus certe accenseri debet magna probabilium opinionum pars, quæ cum sibi invicem adversentur, simul veræ esse non possunt. Hæc ergo illi solidas vocant, quæ solidæ probantibus videntur. Hoc vero omnibus sine exceptione erroribus convenit. Nec enim quisquam ullum tnetur errorem, qui non solidas in judicando rationes sequi sibi persuadeat, &c.* Etsi autem ego arbitror ab omni decipiendi animo *Casuiſtas* omnes immunes, neminem quippe adeo improbum esse cenſeo, ut scienter pusillorum animabus retia summittat; id tamen certissimum puto, disputari de opinione probabili, in quantum talis menti operantium apparet: hæc enim ratione spectare potest ad conscientiam, rerumque agendarum dijudicationem, quum nihil ad operandum voluntatem alliciat, nisi prout ei proponitur aut legitima, aut ficta bonitate vestitum. Atque id significarunt Scholastici appositione harum, vel similium dictionum, *An liceat sequi opinionem probabilem, quæ talem*. Fateor etiam aliquando conscientiam falsam esse a culpa prorsus immunem, si tali ignorantia laboret, quæ non sit libera ac voluntaria, & aliunde ipsa conscientia sit practice certa: quod iterum moneo, ne insectando Probabilissimum incidamus in casus hæreticorum. Num vero sit practice certa illa opinio, quæ est modo explicato probabilis, idest, habet in mente operantis grave aliquod momentum auctoritatis vel rationis, istud erit velitationis hujus subiectum.

Ex duplici itaque capite deduci potest alicujus opinionis probabilitas,

tas, ex ratione nimirum, atque ex auctoritate: non ex ratione manifesta atque irrefragabili, neque ex auctoritate divina nobis aut scriptura, aut traditione, aut Ecclesiasticis definitionibus certissime nota; illa quippe manifesta ratio scientiam parit, & hæc explorata auctoritas fidem generat: sed ex ratione, cui potest subesse falsum, & quæ conjunctam habet aliquam animi trepidationem; & ex auctoritate. Scriptorum ob sententiarum discrepantiam, & perplexas quibus ducuntur argumentationes, nonnunquam obnoxiorum errori.

Si solus attendatur Scriptorum numerus; tametsi Assertores Probabilissimi turbam faciunt maximam, ita, ut quinquaginta enumeraverit Julius Mercorus, permultos addidit Terillus, plurimosque ediderit etas posterior; puto tamen stare ex adverso eoque magnam ac florentissimam multitudinem. Hanc Gennetus & Guerrerus noster indigitant, qui tamen plures etiam doctrina & celebritate clarissimos prætermittunt. Certissime Probabilismo bellum indicunt post veteres omnes, ut a Nostratibus exordiar, viri per celebres Lambertus Le-Drou Episcopus Porphiridensis, Ignatius La-Zerda Episcopus Aquilanus, Christianus Lupus, Henricus Norisius Cardinalis Amplissimus, Franciscus Fervacques celebris Professor Lovaniensis, Joannes Schveitzerus Doctor Colonienſis, quorum meminit in Ratione Operis sui præmissa Hispaniarum Conciliis Eminentissimus Aguirre. His accellere Bartholomæus Riccius, Fridericus Gavardi, Leonardus Vanroy, Nicolaus Gircken, Aurelius Piette, Joannes Libens, Fulgentius Bellelli, Antonius Guerrero, & si Gibbonem & Salonium excipias, omnes, quotquot ad manus meas pervenerunt. Ex sacro Fratrum Minorum Instituto laudari possunt Subtilis, ut vocant, scholæ Doctor ac Princeps Joannes Scotus, Divus Bonaventura, Cardinalis de Laurea, Corduba, & alii. Ex amplissimo Prædicatorum Ordine laudat ibidem Aguirre Joannem Martinez, Julium Mercorum, Vincentium Baronium, Picinardum, Gonetum, Contensonium, & Natalem Alexandrum. Commemorat ex Monastico Divi Benedicti Ordine Mabillonium, Gerberonem, Cardinalem Sfondratum, Facundum de Torres, Montiverum, quibus ipsum Cardinalem Aguirre jure meritoque accensemus. Addit S. Carolum Borromeum, Cardinalem de Janſon, Archiepiscopum Parisiensem Harlai, aliosque complures. Ex illustri amplissimaque Societate Jesu, quosdam paullo infra producam. Interim, cum necessarium minime sit, ut singulos persequamur, legi poterunt qui hanc provinciam susceperunt Scriptorum catalogum contexendi, ex quibus facile inferre possumus magnum hinc, inde numerum decer-
tare.

In horum sane complexu quædam spectanda sunt, quibus attentis videntur mihi etiam ex hoc capite Antiprobabilistis majorem accedere auctoritatem. Ac primum adversus eos, qui probabilitatem propu-

gnant acerrime insurgunt docti viri, qui de Theologicis Controversiis scripserunt absque ullo partium studio, nec jurarunt in verba magistri, & quod summopere commendandum est, probarunt quicquid sibi visum est subnixum momentis validioribus. Hujus generis sunt, ut nonnullos producam, Nicolaus Le-Herminier, Ludovicus Habert, Antonius Charlas, Philaletes, Merbesius, Gennetus, Auctores Summæ Theologiæ Moralis ad usum Seminarii Petrocorensis, earumque, quas edi curarunt Eminentissimi Principes Grimaldus Episcopus Aquisgranensis, & Le-Camus Episcopus Gratianopolitanus. Videntur præterea in eandem sententiam conspirare celebriores Christiani Orbis Universitates: quippe ex sola Lovaniensi numerantur ab Auctore Speciminis Doctrinæ Theologiæ, Joannes Sinnickius, Jacobus Pontanus, Franciscus Vanvianen, Gerardus Vanverm, Lambertus Vincent, Joannes Recht, Gummarus Huygens, Laurentius Neessen, quos omnes eadem ferme ætate certum est floruisse. Universitas etiam Parisiensis, quamquam nonnulli Sorbonæ Doctores sententia nunc distrahuntur, anno 1665. die 21. Junii hanc propositionem, *Agendi regula proxima conscientia est. Probabilem sequi tuto licet, etiam probabiliori possibilibus*, sequenti censura confixit, *Hæc propositio quoad secundam partem generatim sumpta, quatenus, ad omnem probabilitatem, & casum extendi potest, falsa est, temeraria, & in varias morum corruptelas inducens*. Est autem sententia oppugnans Probabilismum ab omnibus fere Parochis, & Episcopis Gallicanis, ac majori Theologorum numero, nulla habita ratione eorum, qui deterioribus partibus student, communi plausu recepta. Insuper doctrina, quæ invehitur adversus opinionem probabilem nullam unquam subiit censuram, nisi forte a Jansenianis falso circa ignorantiam dogmate contaminata. At sententia Probabilistarum dicitur a Paulo Comitolo lib. v. Resp. Mori. q. 15. *fæda prolapsio*, & notatur plurimis Episcoporum censuris tantquam falsa, periculosa, viamque sternens innumeris corruptelis. Collegere censuras istiusmodi Merbesius in Summa Christiana P. 1. q. 36. & Antonius Charlas de Opinionum dilectu cap. 17. Nonnulli quoque in Probabilissimi defensionem editi libri experti sunt tristem adversamque fortunam, ut Apologia Casuistarum tot per Gallias animadversionibus conficta, Opus Guimenii a S. Facultate Parisiensi proscriptum, & damnatum ab Alex. VII. Apologema Caramuelis adversus præclarissimum Jurisconsultum Fagnanum. Ad hæc Theologi omnes, ut inquit initio Operis de recto usu opinionum probabilium Thyrsus Gonzalez S. J. Generalis Antistes, usque ad annum 1571. semper docuerunt tutiorem partem esse tenendam: atque Paulus Comitolus citato loco affirmat, id præsertim tradidisse Henricum Gandavensem quodl. 1v. q. 33. Gerfonem Tract. 36. art. 10. D. Antoninum 1. P. tit. 3. cap. x. §. 10. Adrianum in qq. de Restit. q. *Jam dictum*, Cajetanum in Summa v. *Opinionis usus*.

nuſus, Sotum in III. lib. de Juſt. & Jure q. 16. art. 5. Sylveſtrum verbo *Opinio*, q. 2. Angelum, Navarrum, Tabienſem, & alios, uno excepto Armilla; de quo etiam aliter quam Comitulus, cenſet Charlas, hac illius recitata ſententia, *In operandis vero, ubi ſunt opiniones, ſemper tutior pars eſt eligenda, ne quis exponat ſe periculo ambiguitatis, & conſequenter peccandi*. Ita Armilla v. *Opinio*. Excufum autem fuit Opus Comitoli primum Lugduni anno 1609. Atque ex his apertiſſime conſtat inter omnes Probabiliſſimi defenſores nullum commendari ob venerandam antiquitatem: ideoque conſueverunt ſemper Probabiliſtæ juniorum Scriptorum doctrinam magnificare. Inſuper nec unus poterit adiuveniri, qui ſententiam oppoſitam probabiliſſimo deſeruerit, poſtquam illam fuerit ſemel amplexus: quod merito dixit Gonzalez diſſert. XIII. pag. 219. num. 85. magnum veritatis argumentum. At ſententiam, quam benignam vocant, retractarunt per multi poſt re plenam atque accuratiſſimam diſcuſſionem. Retraſtavit ſupra laudatus Eminentiſſimus Aguirre ſcribens num. 31. quod ipſe *communi fere ſenſu, & præjudicio adductus in probabiliſmo velut in pulvino molliter quieſcebat*: ſed ſeq. num. 33. inquit: *Cæpi itaque rem maturius examinare ab anno circiter 1671. uſque modo, lectis ac relectis pluribus auctoriſus, qui hinc & inde contorſam hanc graviſſimam proſigeraunt ex inſtituto. Deprehendi vero ingens periculum ſaluti in ſectando, aut conſulendo aliis Probabiliſmo, ſive uſu cujuſlibet opinionis minus probabilis ſaventiſ libertati in concuſſu alterius probabilioris adhaerentiſ præcepto. Idem mihi alte inſedit, ubi utraque apparet probabilis æque aut circiter: manet enim res adhuc vere dubia, & incertum, omnino, an actio vel omiſſio ſit contraria legi æternæ, nec ne; quicquid plerique recentiorum diſtinguant inter dubium ſpeculativum & præctivum; hanc enim diſtinctionem quoad controverſiam præſentem plarimi alii a triginta circiter annis uſque modo doctiſſime rejecerunt. In dubiis autem, & ſpectantibus ad æternam ſalutem, eligendam eſſe tutiorem partem jura clamant, & prudentia, & lex caritatis divinæ, de propria, & aliorum ſalute palam dicat. Steterat pariter ægrissime proſententia Probabiliſtarum Cardinalis Pallavicinus, ſed illam retractaſſe demonſtrat Gonzalez laudata diſſert. XIII. num. 76. Gonzalez ipſe in Operis ſui Introductione num. 40. de ſemetipſo inquit: *Poſtquam accurate legi quicquid benignioris ſententiæ doctores proſe, quicquid contra ipſos adducerent ſeverioris ſententiæ defenſores, poſt exactam totius controverſiæ diſcuſſionem, quamvis fuiſſem contrariæ ſententiæ principiis aſſuetus, meo tamen firmiter inſedit animo, manſitque infixum... nulli permiſſum eſſe amplecti ſententiam minus tutam in occurſu tutioris æque vel fere æque ſibi veriſimilis; atque adeo ad uſum licitum opinionis minus tuta neceſſarium omnino eſſe, quod poſt diligentem veritatis inquiſitionem ipſa citra paſſionem & culpam appareat operanti ſenſibiliter & cla-**

& clare verifimilior oppofita, atque hac de caufa ab ipfo iudicetur vera iudicio abfoluto determinato. Non defuerunt ergo Auctores graviffimi, qui re mature ac diligenter excuffa Probabiliffimum, ut vulgo defenditur, retractarunt.

Hinc rejicitur plurimorum Recentiorum confidentia, quã innumeros nobis Doctores obtrudunt, eos maxime, qui Moralem Theologiam pofteremis ſæculis exornarunt. Ab his initio petimus, num probent Pii II. in Epiftola ad Ludovicum Galliarum Regem monitum illud perutile: *Scriptura, quæ ait, Ubi multa confilia, ibi falus, confiliorum multitudinem non requirit, fed maturitatem & digeffionem; quæ res in paucis, quam in multis facilius invenitur: neque enim honeftas & iuftitia multitudini facile fuadetur; quæ variis affeñibus agitata ad pejora frequenter inclinatur.* Colluſtrat doeumentum illud lege Juſtinianeæ, atque exemplis Jeſuita Comitulus pagina Reſponſorum Moralium 653. Querimus inſuper, fit ne Probabiliffimi propugnatoribus major doctrina, major ſanctitas, major in Eccleſia auctoritas; quæ tria in ſcriptorum numero ſunt apprime inquirenda. Petimus etiam, ut Probabiliffi in medium proferant Eccleſiæ Patres, Canones Conciliorum, ſtatuta Pontificum, nec non antiquos celebresque Scholaſticos, qui floruerint ante annum 1570. Interrogamus etiam, an Probabiliffimum retractaverit præclarus aliquis Scriptor ex illorum numero, qui illud probarunt, adhibito ſtudio, & re diligenter diſcuſſa. Id etiam ſcire percipimus, an habenda ſit ratio Auctorum illorum, quos diximus pugnare ex adverſo: & ſi respondeatur nihili hos faciendos, optamus ut nobis reddatur cauſa; an fuerint morum corruptores, an a Sede Apoſtolica hoc in eis dogma fuerit proſcriptum, an ex illorum perceptionibus ſcaturierint morum laxitates, an impetiti ſint cenſura aliqua, a qua ſe purgare nequiverint. Poſtremo quoniam humanæ auctoritati debent præferri ſacræ litteræ, & monimenta reliqua veritatis firmiſſima, & inconcuſſa; hoc nobis eſt demonſtrandum, ſubverti munimentis hujusmodi Scriptorum, quos ſequimur, auctoritatem. Quod ſi Probabiliffi proferant tantummodo Auctores poſteriorum ætatum, refutatos a multis, a ſuis quoque partibus diſjunctos, duſtoſque vel præjudicio aliquo, vel parum conſiſtente momento; noverint ſententiæ ipſorum quamlibet Recentiorum multitudinem nihili aſſerre poſſe adjumenti.

Recenſere quidem potuerunt venerabilis Societatis Jeſu Scriptores plurimos, etiam eximium Concionatorem, virumque egregium Paulum Segneri ſeniorum, qui de hoc argumento elegantiffimam conſcripſit Epiftolam, non enim nos de hujus auctore aliter ſentimus, quam juxta nominis inſcriptionem. Verum nec Jeſuitæ omnes Probabiliffimum ſeſtantur. Dixi de Paulo Comitolo, de Cardinali Pallavicino, & de Thyſo Gonzalez. Bellarminus in Epiftola ad nepotem ſuum

ſuum Epiſcopum Theanenſem hæc habet: *Si quis velit in tuto ſalutem ſuam collocare, is omnino debet certam veritatem inquirere, & non reſpicere quid multi hoc tempore dicant, aut faciant: & ſi rei certitudo non poſſit ad liquidum apparere, debet omnino tutiorem partem ſequi, & nulla ratione, nullius imperio, nulla temporali auctoritate propoſita ad minus tutam partem declinare. Agitur enim de ſumma re, cum de ſalute æterna tractatur; & faciliſſimum eſt conſcientiam erroneam exemplo aliorum induere, & eo modo conſcientia non remordente ad eum locum deſcendere, ubi vermis non moritur, & ignis non extinguitur.* Affertur graviffima hæc Bellarmini verba Thyſius Gonzalez, & Cardinalis Aguirre, una cum Epiſtola Mutii Vitelleſchi Præpoſiti Generalis data anno 1617. pridie nonas Januarias. Teſtatur idem Gonzalez oppugnari Probabiliſſimum a Ludovico Molina, Ferdinando Ribello, Andrea Blanco, atque hunc omnium primum adverſus Probabiliſtas ſtrinxiffe calamum. Addere poſſumus Franciſcum Cardinalem Toletum, Dominicum Nunnez in Regula honeſte vivendi, Adamum Eherentreich De licentia Actionum Moralium, Aegidium Elſtrix in Logiſtica Probabilitatum, alioſque bene multos. Iſtos vero, præſertim Bellarminum, Pallavicinum, Toletum, Comitolum, & Gonzalez æquiparare poſſumus Jeſuitis ceteris univerſis. De Pauli Segneri Epiſtola, nihil habeo aliud, quod valeam pronuntiare. Illam reſutavit Ballerinius eruditus, diſſertuſque Preſbyter Veronenſis: neque huius argumenta frangit Epiſtola Anonymi ab eodem Auctore poſtremis diſſertationibus vellicata. At plura de iis, quæ pertinent in hac quæſtione ad auctoritatem numerumque Scriptorum dicta ſunt hæcenus. Proferenda ergo ſunt, quæ ad percipiendam vim & efficacitatem rationum ducimus præmittenda.

Ac principio prænotandum eſt omnem opinionem, quatenus plenam ſcientiam, iudiciiſque firmitatem excludit, ortum ducere ex ignorantia. Liqueſcit id ex quo principia, quæ certa ſunt ac perſpicua, & quorum connexio cum enunciationibus inde illatis ſimiliter manifeſta eſt, non opinionem generant, ſed ſcientiam; quemadmodum ſi auctoritatem habeant divinam atque irrefragabilem, & excedant notitiam naturalem, rationemque communem, nec opinionem pariunt, nec ſcientiam, ſed fidem. Atque id affirmat D. Bernardus ſcribens in v. de Conſid. cap. 2. *Intellectus rationi inſtituitur, fides auctoritati; opinio ſola veriſimilitudine ſe tuetur.* Et Tertullianus libro ad Nat. cap. 2. *Varietas opinionum, inquit, venit ex ignorantia.* Revera in Deum, quem nihil latere poteſt, nulla cadit opinio, nullaſque iudicii hæſitatio: nos e contra diverſis opinionationibus trahimur, idque evenit non in per ſe notis, quorum eandem habemus ſinguli perceptionem, ſed in abſtruſioribus & reconditis, quorum cauſam ignoramus. Propterea in primo hominæ condito cum participatione lucis æternæ, nullaſque deceptus falſi-

tatis

tatis imagine, nullam extitisse opinionem errori subiectam, scite & luculenter demonstrat Q. xviii. de Veritate a. 6. Doctor Angelicus: ubi etiam probat opinionem semper esse cum inordinatione aliqua conjunctam, quoniam inordinatio est, *quotiescunque intellectus, cujus obiectum est verum, fluctatur in aliquam partem a verisimili*. Hæc quidem Doctrina Augustiniana est; nam S. P. in libro de Utilitate credendi cap. xi. num. 25. affirmat, *tria esse veluti finitima sibi in animis hominum distinctione dignissima, intelligere, credere, & opinari: quæ si per seipsa considerentur, primum semper sine vitio est, secundum aliquando cum vitio, tertium nunquam sine vitio*. Ignorantiam vero, ex qua nascitur opinatio, esse animi vulnus, atque pœnam peccati, res est in Augustino adversus Pelagianos decertante literis expressissimis demonstrata. Itaque si quis opinionem probabilem sequatur, & ex duabus falsam eligat, videndum est, an tali ignorantia laboret, quæ possit illum a culpa excusare; si veram, querendum an scienter se exponat peccandi periculo: quod sane, præceptore D. Thoma Quodlib. viii. art. 13. reperitur, *quotiescunque operans non habet scientiam de contrario, & in quodam dubitationem inducitur contrarietate opinionum, & tenui ea dubitatione permanente operatur*. De ignorantia autem statutum est supra, invincibilem semper a peccato excusare, quum destruat voluntarii rationem: vincibilem autem esse damnabilem, si sit eorum, quæ scire debemus, juxta canones capituli xi. & receptam D. Thomæ doctrinam Q. 3. de Malo art. 8.

Observandum præterea, ex duabus inter se pugnantibus opinionibus, quarum una præferat libertatem, altera vero præceptum, unam semper veram esse, aliam falsam. In exemplo sint hæc duæ enunciationes, *Licetum est in hoc peragendo negotio uti simulatione, &, Non est licitum*. Impossibile est utramque propositionem esse simul veram, simulque falsam, si eadem ratio sit utriusque, idem obiectum, eadem rei circumstantiæ, prout didicimus in vestibulo Dialecticæ, & ex communi notissimoque pronuntiato, quod idem nequeat simul esse, & non esse. Profecto in duarum opinionum conflictu, necesse est, ut utraque sit æque probabilis, aut una habeat majorem, quam altera probabilitatem; momenta enim, quibus innituntur, nisi æqualis sint ponderis, disparia erunt atque inæqualia, unumque pluris erit, ac ponderosius: ideoque disputari solet, num liceat sequi opinionem probabilem in occursum minus probabilis, num in concursu opinionis æque probabilis, num denique in concursu opinionis probabilioris.

Illud quoque advertendum est, nonnihil interesse discriminis inter tutam ac probabilem opinionem: nam tuta dicitur opinio illa, quæ vitat omne peccandi periculum; probabilis quæ innititur haud levi auctoritatis vel rationis momento. Potest itaque contingere, ut opinio aliqua sit minus probabilis, & nihilominus magis tuta. Affert exemplum

Goget

Gonet sententiæ D. Bonaventuræ, quod homo statim post lapsum teneatur ad confitendum lethalia crimina, si copia adsit Confessarii. Talis dicitur opinio eorum, qui putant mortale peccatum non recitatu Matutino cum Laudibus rem sacram peragere; aliaque rigidioris Moralis capita, de quibus nihil nostra interest in præsentiarum definire. Multæ tamen dantur sententiæ probabiliores simul, & tutiores, cujus generis sunt omnes illæ, quæ non solum amovent peccandi pericula, verum etiam habent momenta validiora: in Schola nostra sententiæ docentium inquirendam esse a Confessario peccatoris inolitam sceleris consuetudinem, & aperiendas circumstantias notabiliter aggravantes.

Insuper prænotandum est, nunquam licitum esse sequi conscientiam dubiam, hæsitantem scilicet, & in neutram partem protendentem, sive quia nulla adsit assentiendi ratio, sive quia utrinque occurrant rationes confimiles & æqualia momenta. Dubitatio enim est, inquit Q. xiv. de Verit. a. 1. S. Thomas, quotiescumque animus fluctuat inter duas partes contradictionis. Et quidem conscientiam dubiam non esse certam regulam morum, liquet ex illo axioma: *In dubiis tutius est eligendum*; quod habetur in cap. *Ad audientiam*. Et cap. *Significasti*, De Homicidio. Cap. *Juvenis* De Sponsal. &c. Idem tradit Augustinus scribens in priori libro de Bapt. contra Donatistas cap. 3. *Graviter peccaret in rebus ad salutem animæ pertinentibus, vel eo solo quod certis incerta præponeret*. Proximoque capite 5. verba faciens de iis, qui Baptismum suscipiebant in parte Donati, *Quis dubitat, inquit, certum esse peccatum, non ibi potius accipere, ubi certum est non esse peccatum?* Quibus accedit ratio paullo supra ex Angelico Doctore deprompta, quod peccet quisquis periculo peccandi se exponit: versatur autem in magno peccandi periculo qui opera exequitur, de quorum honestate firmam non habet persuasionem. Enimvero si nemo prudens ac plane non stultus fumeret cibum vel potum, dum anceps esset, an esset medicatum & venenosum; quis præcipiti consilio ea patrare debet, quibus veretur ne peccato inficiatur immortalis animus, cujus salus præferenda est corporis valetudini?

Sedulo autem hic animadvertendum est, Probabilistas distinguere inter dubium *speculativum*, & *practicum*, ut si probare niteris ex duabus oppositis opinionibus generari dubitationem, ideoque nefas esse ambabus simul confluentibus agere adversus illam, quæ stet pro præcepto, præsto sit subterfugium, quod dubium istud speculativum est, non practicum, & consequenter nequit conscientię rectitudinem labefactare. Dixi paullo supra Cardinalem Aguirre commonere hanc distinctionem esse in præsentī controversia rejiciendam: quod num recte commonefactum sit, brevi revocabo ad examen; pendet enim ex distinctione ista non solius quæstionis, in qua versamur, sed aliarum quoque plurimarum enodatio. Itaque dubium speculativum est, quod sistit in contemplatione veritatis; ut dum in problemate ignoramus quæ-

nam pars verior sit: practicum vero dubium est illud, quod attinet ad rem peragendam. Ita Dialecticorum dubitationes speculatrices sunt, artificum practice. An utrumque dubium ad eandem mentis facultatem pertineat, an potius unum ad intellectum, alterum ad voluntatem, nihil prorsus interest definire. Judicium speculativum, & practicum esse ejusdem potentie docet S. Thomas 1. p. q. 79. art. 11. Sunt permulti, qui illud ad intellectum referunt, istud ad voluntatem. Nos repetimus utriusque judicii discrimen ex objectis tantum, aut connotatis, qua etiam ratione duas illas anime facultates, mentem scilicet, ac voluntatem sejungimus. Conveniunt in hoc omnes, quod practicum judicium prioris ductum scetetur: quare si judicium speculativum dubium sit, etiam practicum ex dubitatione procedit; neque potest quispiam in speculatione hæsitans semetipsum ad agendum determinare, nisi aut præcipiti imprudentia, aut fluctuantis animi trepidatione.

Patroni opinionis probabilis, ut cum dubitatione speculatrice stare demonstrent judicium practicum moraliter certum, confugiant ad mentis humanæ reflexiones, uti in præcedentibus innuebam. Hoc sane loco nobis accurata distinctione opus est. Porro si dum speculatio est anceps, & in rebus judicandis mens fluctuat, immutetur objecti circumstantia, accedatque momentum aliud alicujus ponderis; haud dubium, quin efformari tunc valcat judicium practice firmum ac certum: verum certitudo ista nequaquam innitur reflexioni præcedentis dubitationis, sed reflexioni accedentis momenti, atque novæ gerendarum rerum circumstantiæ. Exemplis id explico. Hæret dubius vir Religiosus an liceat sibi jejunium frangere, vel a Choro discedere: præcipit illi Superior ut comedat, studiisque vacet; atque id faciendum censet judicio practico, quod non ex præcedenti dubitatione habet firmitatem, sed ex accedente præcepto. Dubitat item creditor, num sibi fas sit agrum debitoris invito domino invadere: accedit ad forum Judicis, a quo accipit invadendi auctoritatem; & recte id licitum judicat, hujus tamen auctoritatis præsidio, non vi prioris fluctuationis. Anceps est colonus an jure prædium possideat, de quo lis pendet ambigua; at edoctus a Jurisconsulto in possessione prædiorum meliorem esse conditionem possidentis, ac neminem bonis quæ possidet ob dubium aliquod esse expoliandum, nixus ille hoc principio tradito ab Augustino de Fide & Op. cap. vii. jurisque regulis confirmato, practice certus evadit, & absque piaculo prædium retinet. Atque ita in exemplis compluribus ratiocinandum. Quod itaque stante dubio possit conscientia induere practicam certitudinem, si accedat nova aliqua ratio, aut immutentur circumstantiæ, sive materia præcepti, verissima atque indubitata res est; atque omni procul dubio potest hoc pacto ex reflexione mentis antea perplexæ fieri judicium practicum moraliter certum, quod sit morum regula.

At.

At perſiſtentibus iſdem motivis, ob quæ animus fluctuat, & dubius hæret an hæc actio honeſta ſit, an turpis atque inhoneſta, per nullum judicium reflexum reddi poteſt moraliter certus de illius honeſtate. Ex quo enim fonte certitudo hujus judicii manare poteſt, ſi judicium ſpeculativum, unde exoritur practicum, anceps eſt, atque incertum? Non poteſt excogitari niſi duplex via, quæ animus ab illa hæſitatione deſcendat in certitudinem iſtam, utraque contorta & fallax. Ac prima via eſt, ut, librata auctoritate, vel ratione judicetur eſſe æque probabile quod illa actio ſit honeſta, & quod ſit inhoneſta, quoniam utrinque gravia proferuntur momenta, atque hoc pacto nobis perſuadeamus fas eſſe quod lubet, adeo ut non in dubiis jam hæreat animus, ſed in opinationibus, quarum utraque licita judicatur. At falſum eſt, quod per judicium reflexum de æqua probabilitate duarum opinionum oppoſitarum poſſimus efformare judicium practice certum, atque ad formandos, dirigendosque mores idoneum. Dum enim arbitramur utramque opinionem eſſe æque probabilem, perſuaſum nobis eſt utramque æqualibus momentis inniti: quod dum nobis eſt perſuaſum, quomodo exire poſſumus præconceptam dubitationem? Certe id non poſſumus vi rationum ac momentorum, quum ex utraque parte hæc non conſimili pondere trahant: ſed tantum libera, noxiaque deliberatione, non ductum rationis conſectante, ſed ſenſum.

Altera via eſt, ut in concurſu illarum inter ſe pugnantium opinionum excludatur, aut ſuspendatur judicium de objecti inhoneſtate, ita, ut in una opinione animus acquieſcat, de altera autem nihil hæbeat ſolicitudinis: quod me judice fieri nequit abſque ſumma imprudentia ac perversitate. Principio enim hæc judicii ſuſpenſio annexam habet ignorantiam voluntariam, eamque turpem & damnablem, quam Theologi appellant affectatam, quoniam parvipendens rationes oppoſitas, præſertim obvias, & peccandi pericula commonſtrantes, proſecto non vult intelligere ut bene agat, oculos ſibi met eruit ne videat, atque ait Domino rationis ſtimulos excitanti, *Recede a me, ſcientiam viarum tuarum nolo.* Quis autem ignorat, pernicioſe agere *adverſus ſeipſum cor humanum, ut quod poſſit intelligere, ſi bona voluntas accederet, non intelligat, non quia difficile eſt, ſed quia voluntas oppoſita eſt?* inquit Auguſtinus Enarrat. in Pfalm. xxxv. nũm. 1. Deinde qui non vult expendere momenta contraria, is nec prudens eſt, nec moraliter certus de operis honeſtate. Enimvero quis, niſi omnino deſipiat, exiſtimet certum eſſe, quod norit validis argumentationibus oppugnari? Præterea, ut aliquod proferamus exemplum ex humanis officiis depromptum, num prudens dicendus eſt miles, qui non timet hoſtis a tergo venientis inſidias? num prudens mercator, qui lucrum tantummodo, non damnum peſcat? num prudens judex, qui defenſoribus, non accuſatoribus aures præbet? Ex duobus quidem opinionibus invi-

sem pugnantibus, si una honestatem, utilitatem, æquitatemque proponit, altera accusatrix est, & crimen probrumque objectat, atque ideo nequit ista prudenter abjici, & absque ponderatione deponi.

Prænotandum quoque est, Probabilistas, si hac percellantur argumentatione, Necessum est ex duabus contrariis opinionibus unam, veram, & alteram falsam esse, & consequenter adest in earum discretionem periculum errandi, ac præcepta transgrediendi, illico responsuros, adesse quidem periculum peccandi *materialiter*, at non peccandi *formaliter*: quam responsionem frequentissime repetit Anonymus auctor Epistolæ vernacula lingua adversus Ballerinium conscriptæ, quasi Antiprobabilistæ rancidulam illam confectamque distinctionem nondum perceperint, aut nolint advertere. At quidquid idæ, perceptionisque vocabulis istiusmodi insit; indubitatum est illum peccare tam *materialiter*, quam *formaliter*, idest, semetipsum obstringere criminis alicujus reatu, qui voluntarie ac libere præceptum transgreditur aut opere, aut omissione, neque habet ex parte hujus voluntatis libere præceptum transgredientis vel ignorantiam, vel impellentem necessitatem, vel motivum aliud invictum excusationis. Atque id mortalium neminem puto denegaturum. Si ergo lubeat asserere, quod sit peccatum duntaxat *materiale* pravum illud opus, quod perpetratur absque usu libertatis, vel cum ignorantia minime culpabili, ut homicidium commissum a phrenetico, concubitus Jacob cum Lia, atque alia facta hujus generis; annuam toto capite: nolo enim de verbis in re gravissima disceptare. Quod sit tamen peccatum, ut iniquunt, *formale*, peccatum imputabile ad culpam, peccatum denique animam innectens reatu, nisi adsit ex parte voluntatis ratio aliqua excusans; puto, inquam, neminem unum esse fore, qui neget. Quamobrem hoc insinuare intendimus quotiescunque dicimus vitandum esse peccandi periculum; etiamsi non exprimat a nobis adverbium illud *formaliter*; quod fortassis adhibetur perperam, quoniam peccatum propria sermonis consuetudine non appellatur quicquid non potest, aut non debet vitari. Atque hæc sunt, quæ duximus prænotanda.

C A P U T XIV.

Demonstratur conscientiam probabilem, qua talem, non esse semper certam, reliquamque regulam morum.

PRUSQUAM de opinionum conflictu disquiramus, universim de *probabili* in se spectata differendum est: quumque plures dentur probabilitatis gradus juxta majorem, aut minorem auctoritatem, variaeque rationum pondera, atque momenta, dicendum primo quid sentiendum

tiendum de probabilitate pertenui, haud momentosis argumentis, vel paucis, aut proletariis Scriptoribus ſubnixā; tum cetera quæſtionis capita ſubſtrecenda.

PROPOSITIO I. Si tenuis ſit opinionis probabilitas, eidem morigerari iniquum eſt.

Hæc propositio, cui etiam recentiores probabilistæ ſubſcribunt, probari poteſt ſacris literis, Patrum auctoritate, definitione Pontificum, obvia ratiocinatione, atque exemplis. Scriptura divina com-monet etiam ad perditionem impios pertrahi iis obſequentes, quæ li-cita, ac juſta opinantur; ac propterea dandam operam ſaluti anima-rum abſque fallaci fidentia, & conjuncta cum ſpe animi trepidatione: *Eſt via, qua videtur homini recta, & noviffima ejus ducunt ad mor-tē*, inquit Auctor Proverbiorum cap. xvi. 25. Et Apoſtolus ad Phil. lip. 11. 12. *Cum meta, & tremore veſtram ſalutem operamini*. At ubi tenuis occurrit probabilitas; qui eidem obſequitur, arbitrat̃ur viam directam tenere, cum iter arripiat flexuoſum, & fallax, atque unius auctoris doctrinæ, aut non exploratæ ratiocinationi conſiſus abſcicit comitem opinionis formidinem. Contemnit itaque Apoſtolicam monitio-nem, & viæ ſe committit, cujus exitus eſt mors, ac ſempiternus in-teritus.

Sane ut ad Eccleſiæ definitiones procedat diſſertatio: ſi fas eſſet ſequi quamlibet probabilem opinionationem, poſſet quis amplecti ſenten-tiam unius Scriptoris aliqua nominis celebritate præclari nulla ratione habita ceterorum. Tunc enim adeſſet aliquod auctoritatis momentum ſufficiens ad tenuem probabilitatem conſtituendam. Et revera unius Doct̃oris pii, ac doct̃i auctoritate reddi opinionem probabilem, & conſcientiam tutam, tradiderunt probabilitatis Propugnatores Eſco-barius Theol. Moral. Tom. 1. l. 2. ſect. 1. cap. 2. Sanchez Op. Moral. lib. 1. cap. 9. num. 6. Tamburinus lib. 1. in decalogum cap. 3. §. 3. At ab Innocentio XI. anno 1679. proſcripta fuit hæc aſſertio: *Generatim dum probabilitate, ſive intrinſeca, ſive extrinſeca, modo a probabili-tatis ſinibus non exeat, conſiſi aliquid agimus, ſemper prudenter agi-mus*. Et ab Alex. VII. *Si liber ſit alicujus junioris, & moderni, debet opinio cenſeri probabilis, dum non conſiſet rejectam eſſe a Sede Apoſto-lica tanquam improbabilem*. Reponet Probabiliſta non cujuſcunque auctoris licitum eſſe ſententiam amplecti, ſed pii tantum, ac doct̃i. Verum ſi huic doct̃o, pioque auctori repugnent alii cum numero, tum doctrina percelebres, idque mihi compertum ſit, (fateor enim rudem, atque imperitum hominem ad hortationem Parochi, aut Confeſſarii, quem probum doct̃umque exiſtimat, poſſe conſcientiam moraliter cer-tam induere) ſi, inquam, illi auctori repugnent alii, quomodo ipſius judicium, non leve, ſed libratum, ac firmum poterit judicari? Num prudenter nequaquam credendum eſt, ſcriptorem alioqui accuratum

tunc

tunc aberrare, præsertim ubi adversatur venerandæ aliorum multitudini, nec prodit doctrinæ suæ momentum aliquod invictissimum? Præterea propositiones illæ duæ ab Apostolica Sede reprobatae fuerunt, ne quis morum regulam ad parvum Auctorum numerum exigeret, aut illam constitueret in alicujus Doctoris approbatione, spreto sacrarum Scripturarum, ac Patrum documentis: nam ob eandem rationem etiam ab Ecclesia Gallicana confixæ fuerunt in Generalibus Comitibus ann. 1700. At si fas esset tenere probabilem quantumvis tenuem opinionem, posset quis fidere unius junioris institutionibus, parvipendens sacras literas, Ecclesiæ canones, Patrum monita, aut saltem nullam de his gerens sollicitudinem. Damnatæ igitur propositiones laxitate morum suorum comprobaret.

Accedant summorum Pontificum definitionibus gravissima Patrum monita. Ac primo Tertullianus eo argumento insectatur Ethnicorum licentiam, vicesimo capite lib. de Spectaculis, quod nusquam excusetur agens quæ Deus damnat, & quæ judiciorum varietati subjiuntur; propterea quod *hæc est veritatis integritas, & quæ ei debetur disciplina plenitudo, non mutare sententiam, nec variare judicium*. Quomodo ergo fudit conscientiæ suæ, qui haud ignarus veritatem unam esse immutabilem, atque integerrimam, dum major pars Doctorum ab illius sensu distrahitur, pro libito quæ magis arrident complectitur? An non Ethnicis, quorum saltem in impia ipsorum Religione erat communis error, longe iniquior habendus est? Dices Ethnicis non probabilem fuisse conscientiam, sed erroneam. At hæc ipsa conscientia erronea, quoniam ei obsequabantur ob augurum, majorumque suorum auctoritatem, & ob auteceptam superstitionis venerationem, neque expendebant motiva credendi, quæ evidentissime fidem nostram confirmant, hæc, inquam, conscientia eis nequæ probabilis erat, sed etiam Christianorum Religione probabilior. Fateri autem debent, ut prænotavi, Probabilistæ se non solum pugnare pro illa probabili opinione, quæ sit talis re ipsa, sed quæ talis appareat operanti. Quum itaque Idololatriæ religio flagitia permittens appareret probabilior; in sententia Adversariorum nostrorum immunes erant a culpa. Et quidem Erardus Billius & Probabilismi principiis excusat a peccato puerum baptizatum, qui ob monita parentum adhuc hæresi sibi propositæ assentitur, & ait multas puellas usque ad vigesimum annum vix posse cenferi hæreticas. Cur quæso? Quoniam habent, quandiu argumentis convictis non retrahuntur, *argumenta probabilia suæ sectæ*. Hæc Billius Tract. III. de Fide, non tantum ab Auctore Artium Jesuiticarum §. vi. Cent. I. verum etiam a Nicolao L'Herminier Tom. v. pag. 120. laudatus. Qui ergo indiscriminatim Probabilismum sectantur æque, ac Ethnici, Tertulliani reprehensioni subjiuntur.

Accedit Tertulliano Auctor Rom. 44. in Matth. inter opera Chryso-

ſoftomi, cujus hæc ſunt verba: *Si veſtimenta empturus gyras unum negotiatorem, & alterum, & ubi meliores veſtes inveneris, & pretio viliori ab illo comparas; quomodo non oportet populum circuire Doctores, & inquirere ubi ſincera veritas Chriſti venundatur, & ubi corrupta, & veriorẽ eligere, pluſquam veſtimentum?* Qui ergo unius aut alterius Scriptoris ſequitur auctoritatem, niſi is invictiſſimis Scripturarum ſanctarum, Traditionis, ac ſacrorum Canonum momentis ſententiam ſuam roboraverit, atque adverſarios habuerit quamplurimos, & probabilia duntaxat tradiderit, quaſi ex uno negotiatore ſordidam mercem ſibi comparat, atque corporis utilitati magis ſtudet, quam animæ. Alia Patrum teſtimonia producam proxima poſitione.

Evertitur etiam contraria aſſertio validis ratiocinationibus. Primo quoniam tenuis probabilitas, aut ex numero, & auctoritate ſcriptorum peti debet, aut ex momento rationis. Si ex primo capite; tenuis probabilitas commentitia eſt, ac repugnans. Vel enim auctores, quibus fulcitur, ſunt omnes, aut plures, & ſapientiores, ac maxime noti, & illuſtres; & hoc pacto non eſt tenuis probabilitas, ſed magna: vel ſunt perpauci, ac minus exercitati, nominique vulgaris; atque ita juxta traditam definitionem *probabilis*, nec opinionem probabilem poſſumus appellare; cum non habeatur momentum aliquod ponderoſum. Ac pari jure ſi probabilitas innitatur rationi; aut hæc dignoſcitur Scripturæ, ac Patribus conſentanea, & gravis eſt probabilitas, non tenuis: aut Scripturis, Patribuſque repugnat, & nulla probabilitas eſt; aut non deprehenditur, num repugnans ſit, vel conſentanea; & ita cum poſſit eſſe humanæ mentis figmentum, & exigua ſupponatur ac tenuis, nequit habere grave illud pondus, quod ad conſcientiam probabilem ipſi adverſarii requirunt. Probabilitas itaque quæ ſit tenuis, nequit excogitari; niſi *probabile* dixeris quicquid poteſt aliqua argumentatione quodammodo ſuaderi, quod convenit etiam cuique dubitationi. Deinde ſi fas ſit obſequi cuiſlibet quamvis tenui probabilitati; fas quoque erit imprudenter agere, & periculo peccandi ſe exponere; quemadmodum paullo poſt demonſtrabimus. Præterea nonne peccat, qui legem contemnit? Nonne contemnit qui divina mandata minime meditatur? An meditatur qui ſuaſori cuiſlibet præbet aſſenſum? Num talem aſſenſum non præſtat, qui minima ductus ratione propriæ obtemperat voluptati? Mitto erumpentem ex hoc fonte morum inhoneſtatem, turpiſſimamque licentiam.

Exemplis denique falſum illud dogma reſellam. Quis enim cum in promptu ſit communis cibus, acciperet inſolitum, quem major convivarum pars veneno infectum aſſereret? Quis viam ab uno commonſtratam arriperet, quam alii aſſerarent ducere ad præcipitium, reſeſſumque latronum? Quis poſthabitis ſidiſſimis fociis, ſæculis enim aliquo ſairet abſque prædis ſponſione fruſtus uberrimos pollicente? At qui

qui opinionem tenui probabilitate suffultam amplectitur, facit quod alii iniquum, & animæ exitiosum deprædicant, iter tenet lubricum, ac præceps, & se adversus ceterorum commonitiones committit iusto sponfori; agitque temere ad spiritualem perniciem, quod pro servanda corporis incolumitate vitaret. Nimis autem est futile quod reponunt nonnulli occurrere in allatis exemplis damnum imminens nostri, vel proximorum; quum magis timendum sit gehennæ incendium, ac perpetuus animorum interitus, quam quodcunque corporalium rerum detrimentum; & gratiæ ornatus perennisque felicitas sit bonis ceteris præferenda.

PROP. II. Universim de qualibet opinione probabili loquendo, ea si tuta non appareat operanti, neque conscientiam moraliter certam, ingeneret, haud est firmissima morum regula.

Demonstratur I. e sacris literis. Ecclesiastici enim 37. vers. 20. legitur: *Ante omnia opera verbum verax præcedat te: & ante omnem actum consilium stabile.* Verbum verax dicitur hoc loco veritatis perceptio, vel ratio, juxta Græcam versionem, Ἀρχὴ πάντων ἔργων λόγος: *Principium cujusque operis ratio.* Ut igitur quisque bonam conscientiam gerat, necessum est, ut rationem suorum operum reddere valeat, nec sinat se transversum agi a cupiditate, passione, casu, aliave re, quæ eum in errorem inducat. Atque hoc est præclarissimum monitum S. Thomæ Aquinatis datum Monachis Fossæ novæ prope exitum vitæ suæ, ut refert etiam Cornelius a Lapide in hunc Ecclesiastici locum. Sane illum, qui ducitur opinione probabili, sæpenumero non ratio præcedit, sed error, & quidem error cujus aliquam habet suspitionem; neque stabile consilium, sed judicium fluctuans, & anceps. Spernit itaque monitum Ecclesiastici, & voluntaria cæcitate in errorem prolabitur.

Præterea Matth. vi. 22. ait Dominus: *Lucerna corporis tui est oculus tuus. Si oculus tuus fuerit simplex, totum corpus tuum lucidum erit. Si autem oculus tuus fuerit nequam, totum corpus tuum tenebrosum erit.* Oculum directionem mentis Christus appellat. Est autem oculus simplex, inquit Bernardus de Præcepto, & dispens. cap. xiv. num. 35. qui habet *caritatem in intentione, & in electione veritatem.* Ita e regione duo mala oculum nequam constituunt, *cecitas, qua fit ut veritatem non agnoscat, & perversitas, qua fit ut diligat iniquitatem,* inquit idem S. Doctor proximo num. 36. At qui probabilem utcumque amplectitur, is sæpe falsam probat opinionem, & eligens deteriora, & quæ displicent Deo, non caritate ducitur, sed perversitate. Est itaque oculus ejus nequam, & corpus, idest, universum quod exercet opus tenebrosum, atque perversum. Vim addit huic argumentationi, quod S. Bernardus inquit num. 40. *Si igitur vere oculus nequam est, qui perversus pariter, & cæcus bonum agit, & malum*

lum credit, utique recte operando, ſed operando inique bonum ſibi in malum vertit, & tantum malum quantum crediderit; quandoquidem juxta ſententiam Domini totum corpus tenebroſum reddit oculus nequam: quid enim luci relinquitur, ubi nec pia intentio, nec vere pia opinio invenitur? At non ideo ſequitur, ut qui e contrario malum facit, & bonum putat, juxta ſuam fidem ſimiliter & ipſe inveniat. Quare? Non eſt quippe ſimplex oculus ille, qui ex judicio veritatis totum corpus lucidum reddat. Profecto qui ſequitur opinionem tantum probabilem, frequenter malum facit, & bonum putat. Ergo ſimplicem oculum nequaquam habet. Concludit Bernardus hac definitiva ſententia: Sive itaque malum putes bonum quod forte agis, ſive bonum malum quod operaris, utrumque peccatum eſt. Advertas tamen, male ex hoc Bernardi loco quorundam inferre nec ignorantiam invincibilem a peccato excuſare; quia hac ignorantia laborans habet cæcitatem, qua fit, ut veritatem non agnoſcat. Ita Wendrockius, qui poſtrema Bernardi verba eo fortassis ſine exciſiſcit literis grandiuſculis. Male etiam illinc aliqui inferunt oculum qui ſimplex non eſt, nequam eſſe, cum unum alteri opponat Chriſtus; ut inquirunt poſt Giſbertum Continuatores Prælectionum Theolog. Hon. Tournely. Si enim id aſſeratur; ignorantis invincibiliter oculus nequam erit, quandoquidem deſtitutus luce veritatis non eſt ſimplex. At Bernardus num. 37. ſcripſerat: Eſt qui bonum diligit, & malum neſcius agit. Hujus quidem bonus eſt oculus, quia pius, non tamen ſimplex, quia cæcus. Et eſt qui bonum & libenter agit & prudenter intelligit. Hujus revera oculum non immerito ſimplicem dixerim, utpote cui neutrum bonum deſit, nec zelus ſcilicet bonus, nec ſcientia. Igitur eſt oculus, qui non eſt ſimplex, & tamen non eſt nequam, ſcilicet neſcientis ignoratione excuſabili; de quo idem Bernardus interpretatur ea verba: Ephraim quaſi columba ſeduſta.

Tertio probatur auctoritate Auguſtini, qui libro III. contra Academicos cap. xvi. excutere nititur principium illud, *Qui ſequitur in agendo probabile, non errat, nec peccat*, demonſtrans eo admiſſo licere adoleſcentibus inſidiari pudicitia uxoris alienæ, & dare operam homicidiis, parricidiis, ſacrilegiis, omnibuſque omnino, quæ fieri, aut cogitari poſſunt ſlagitiis, aut facinoribus, quum omnia ab aliquo auctore approbentur, adeo ut Catilina quadam Oratione, de qua Saluſtius, etiam maximum crimen, in quo continentur omnia ſcelera, patriæ ſcilicet parricidium perſuaſerit. Poſt hæc ſcite S. Pater num. 36. in hæc verba prorumpit: *Illud eſt capitale, illud formidoloſum, illud optimo cuique metuendum, quod neſas omne, ſi hæc ratio probabilis erit, cum probabile cuiquam viſum fuerit eſſe faciendum, tantum nullo quaſi vero aſſentiatur, non ſolum ſine ſceleris, ſed etiam ſine erroris vituperatione committat.* Dices fortassis: Quænam eſt impiorum Eth-

nicorum cum Catholicis piisque Scriptoribus convenientia? Nulla profus. Augustini tamen argumentatio non Academicos tantum, verum etiam Probabilistas revincit. Enimvero demonstrat Augustinus juvenem adulterum non posse apud sapientissimos iudices damnari, si vera sit Academicorum opinio, proptereaquod persuasum esset in Cumano gymnasio ipsum non peccasse: quod de aliis flagitiis consimili ratione concluditur. Quare juxta Augustinum ita refellimus probabilissimum. Si fas sit facere quicquid videtur probabile, immunis erit a supplicio, iudicumque damnatione homo quilibet flagitiosissimus, si ad Ethnicum iudicem perducatur, quoniam apud Ethnicos probabiliter non peccat gravium flagitiorum patrator: & si vincatur patrias leges fregisse, respondere poterit, se vinculo illarum legum non teneri, quum sibi liceat agere quicquid est probabile. Igitur si fas est sequi opinionem probabilem, neque aliquis huic obsequens poterit reprehendi: quod Augustinus appellat capitale, formidolosum, & cuique viro optimo metuendum. Imo argumentatio hæc robustius probabilistas perstringit; Siquidem Augustinus contendit Academicos in agendo quod videtur probabile turpiter errasse, tametsi nulli quasi vero assentirentur: dum qui sequitur opinionem probabilem, temere quod falsum est, verum iudicat.

Video posse Probabilistas reponere, ideo Academicos recte ab Augustino refelli, quoniam nulli rei præbentes assensum agebant quicquid alteri probabile videbatur, semper dubiam conscientiam servantes. At id retundit Carneades Academiae princeps, & auctor: qui apud Augustinum eodem libro cap. xvi i. num. 40. cum undique premeretur, si nulli rei esset assensus, nihil acturum esse sapientem, attendit sapienter quales illi actiones probarent, easque nescia quarum verarum similes vident, id quod in hoc mundo ad agendum sequeretur, verisimile nominavit: idque etiam probabile appellabat. Consimili ratione Probabilistæ dum inter varias opiniones animo fluctuant, nullique assentiantur, attendunt quales actiones probent Theologi benigniores, illorumque assertum verisimile, quod etiam dicunt probabile, complentes imitantur omnino discipulos Carneadis, qui auctore eo loci Augustino, approbant falsa, in quibus imitationem laudabilem rerum verarum animadvertebant.

Silentio prætermittendum non est ejusdem S. Parentis monitum, utilissimum postremo libro de Civit. Dei cap. 23. docentis sedulo justis vigilandum esse, vigiliisque continuis excubandum, ne opinio verisimilis fallat, ne decipiat sermo versutus, ne se tenebræ alicujus erroris offundant, ne quod bonum est malum, aut quod malum est bonum esse credatur, ne ab iis quæ agenda sunt metus revocet, ne in ea quæ agenda non sunt cupido præcipites, &c. Quæ autem sollicitudo nos debet angere, quæ cura præmere, si licitum ac tutum est probabili conscientie sese conformare?

Plura

Plura alia argumenta a ratione deprompta positionem nostram corroborant. Ac primum est, quod thesi superiori produximus, ex Adversariorum nostrorum doctrina impios quoque idololatrias esse immunes a culpa sculptilibus servientes. Etenim non solum levi, sed etiam apud ipsos ponderosa probabilitate ducuntur. Nititur hujusmodi probabilitas insinuationi parentum, traditioni majorum, regionis ac patriæ consuetudini: unde Augustinus exponens versum 4. Psalmi LXIV. ait: *Quid faceret puer natus inter paganos, ut non coleret lapidem, quando illum cultum insinua-verunt parentes? Inde prima verba audi-vit, illum errorem cum lacte suxit: & quia illi, qui loquebantur ma-jores erant, & puer qui loqui discere infans erat, unde poterat par-vulus nisi majorum auctoritatem sequi, & id sibi bonum ducere quod il-li laudabant?* Num reponent Probabilistæ cum XXIV. Senioribus apud Eusebium, infidelem, cui proponitur nostra fides, non teneri ad illam recipiendam dum ejus secta probabiliter apparet credibilis? At tam laxa doctrina repugnat Augustino, imo & Davidi, divinoque Spi-ritui, qui in ore paganorum ad fidem venientium ponunt laudatum. Psalmi LXIV. versiculum, *Verba iniquorum prævaluerunt super nos, & impietatibus nostris tu propitiaberis*. Num dicent, infideles non excu-sari a colendis idolis, quia non datur de existentia veri ac supremi Nu-minis ignorantia invincibilis? Sed preterquamquod id negant Proba-bilistarum complures, consequitur ex hac responsione solum invincibi-lem ignorantiam excusare a culpa eos, qui ducti opinione probabili præceptum aliquod transgrediuntur. Manet ergo inconcussa hæc ad-versus Probabilistas argumentatio. Et quod de idololatriarum scelere dictum est, etiam de hæresi pronuntiamus. Nullus enim hæreticorum est, qui sibi non persuadeat probabilem esse sectam, quam profitetur: atque id historico exemplo Basanomeni cujusdam Lutherani confirmat in sua Theologia Fundament. p. 139. Caramuel affirmans, quod etsi alii consequentias istiusmodi non admittant, *omnia tamen debent trans-glutire, vel a principali opinione discedere*. Eadem ratione cuilibet crimini probabilissimum viam sternere facile monstratur.

Alterum argumentum est, quod sequens opinionem probabilem imprudenter se gerat. Etenim prudentia est affectio animæ, vel mo-tus, quo intelligit æterna superiora esse, & inferiora esse temporalia, & in se ipsis magis appetenda quæ superiora sunt, quam inferiora ac temporalia; ut docet S. Pater in 1. de lib. arbitrio cap. 13. Probabili-stæ autem docent fas esse propriæ libertati indulgere, dummodo pro-babilitas adsit; etsi alia ex parte dignoscatur divinum urgere præcep-tum. Propriam ergo voluntatem divinæ, sensum rationi, humanam libertatem legum obedienciæ, & temporale commodum incommutabili bono præferunt. Itaque imprudentiæ notæ sunt inveniendi. Quis insu-per imprudentissimum non appetet exponere se peccandi periculo;

quod subire eligentes probabile & errori obnoxium ipsa ratio demonstrat? Nam ut in quadam Elegia ad Thyrsium Gonzalez ait Joannes Blanchet Soc. J. Presbyter Pictavensis,

*Si sceleris levis umbra subest; natura reclamans
Occulto obstitit, quā valet, illa malo
Non noxa tantum infanda prohibetur imago,
Dum patet, accelerant ipsa pericla fugam.
Prudens nauta fugit ventos, dubiasque procellas,
Et prudens repetit portum agitata ratis.
Ni certo constet culpa nullum esse timorem,
Hoc ipso actorem constitit esse reum.*

Tertia ratio deprimitur ex novitate doctrinæ. Hanc de Probabilitate sententiam incomptam fuisse ante annum 1570. diximus in Prænotatis. Et quidem Antonius Cordubensis in *Questionario* in lucem edito sequenti anno 1571. lib. 2. q. 3. docet semper tenendam esse sententiam probabiliorum ac tutiorum, *Et in hoc* (inquit) *Theologi omnes consentiunt*. Nullus pro benigniori sententia auctor assertur, qui vetustior sit Medina, & Mercado, ut inquit scriptor *Synopsis Tract. Theologici Thyrsi Gonz.* §. xxii. num. 55. Nullus ex inclyta Societate Jesu, auctore ipso Gonzalez, novæ opinioni consensit ante annum 1597. etiam jam instar malorum germinum serperet. Haud repetam, quæ scripsi de Paulo Comitolo, a quo adversus Probabilistas citantur Scholastici omnes antiquiores. Amicus apud Gisbertum p. 167. fatetur repugnare sibi, ceterisque Probabilistis, *omnes fere antiquos Theologos*. Stephanus Gradi Præfectus Vaticanæ Biblioth. disput. de Opin. Probab. cap. 12. ait, *se audivisse virum gravissimum, & non vulgari hodie in Ecclesia dignitate affirmantem hanc paullo liberius opinandi rationem avorum nostrorum memoria, & repente, & quasi fortuito in Ecclesia extitisse, & quia non minus honorifica consultis, quam commoda consultoribus accidebat, facile ab omnibus receptam, & in mores induciam*. Adversarii itaque nostri flocci faciunt illam Ecclesiastici præceptionem, cap. xxxix. 1. *Sapientiam omnium antiquorum exquiret sapiens, & in prophetis vacabit: narrationem virorum nominatorum conservabit*. Tanta enim animositate suam sententiam propugnant; ut non solum scita antiquorum, nominatorumque negligant; verum etiam recentiores scriptores præferant vetustis omnibus, haud veriti etiam ore propositionem illam proferre: *Doctrina fidei a veteribus, doctrina morum magis a junioribus petenda*. Illud etiam fateri videntur, sententiam, quam per tot secula Doctores Catholici reprobarunt, factam postea regulam morum; nec unam esse honestatis legem, nec unam immutabilem veritatem; quod utique quam absurdum sit, nemo cordatus non videt.

PROPOSITIO III. Non licet sequi opinionem probabilem faventem libertati relicta altera æque probabili, quæ stet pro lege ac præcepto.

Ad

Ad præcedentia argumenta, quæ omnia hanc poſitionem corroborant, accedunt ſequentia. Primum depromitur ex divinis literis. Legimus enim Eccli. 111. 27. *Qui amat periculum, peribit in illo*: quæ verba ad illos ſpectant, ut e contextu liquet, quos ſupplantat multiplex ſuſpicio, & quorum cor ingreditur duas vias. In Epistoła ad Theſſalonienſes prima cap.v. 21. ait Prædicator veritatis, *Omnia probate: quod bonum eſt tenete: ab omni ſpecie mala abſtinete vos*: quod advertit etiam Joannes 1. Epistoła cap. 1v. verſu 1. Eſti autem his locis commonemur, ne decipiamur a Pſeudoprophetis, pertinent tamcn etiam ad mores formandos Apoſtolicæ monitiones; quum tenenda ſit veritas tam in credendo, quam in operando, atque unus Chriſtus ſit fide colendus, & ſanctitate imitabilis: ipſe enim ſolus eſt *via, veritas, & vita*, Jo. xiv. 6. Hæc quum ita ſint, quomodo non peribit, qui periculo frangendi legem ſe exponit, divinumque mandatum præfert hominum opinioni? Num evidens periculum non eſt, ubi ea opinio, cui morem gerentes certi ſumus nos bene agere, pro libito ac temere abjicitur? An periculum iſtud peccatum *materiale* duntaxat complectitur, dum malum voluntas eligit pleniffima libertate? Quo pacto inſuper probat omnem ſpiritum, qui ſpiritui vcritatis reſiſtit, falſum probat, & dum menti ejus meliora occurrunt, ſequitur deteriora? *Qua* ratione ab omni opere malo, & ab omni ſpecie mala ſe abſtinet? *Quo* jure affirmare poteſt teneri a ſe viam & veritatem, per quam ſolam pervenitur ad Patrem, ſi ex æquo æſtimat opiniones duas, quarum altera manifeſto vi contradictionis falſa debet eſſe? Non videntur hæc in maximi momenti negotio abſque ponderatione prætermittenda.

Argumentatio ſecunda petitur ex Patrum auctoritate. Nam Gregorius Nazianz. Orat. xxv 11. docet quod nihil noſtra intereſſe debet ſi ſecus plerique videbitur, ſed rei veritatem curandam, quæ vel nos condemnabit vel abſolvat. Baſilius in Pſalmum lxi. ait ſtateram, qua utamur ad vitam Inſtituendam, eſſe liberum arbitrium ratione directum, non opiniones hominum, de quibus ſcriptum eſt, *Mendaces filii hominum in ſtateris*. Chryſoſt. Hom. in 2. Epist. ad Corinth. x 111: inquit res ipſas inquirendas eſſe, non ſtandum multorum opinionibus, allato aptiſſimo apertiffimoque exemplo eorum, qui pecunias enumerandas ſeipſis exactiſſime ſupputant, nec tam facile aliis credunt. Sed his omiſſis, quæ producunt Merbeſius, L'Herminier, Charlas, alique plures, urgebo vulgatiſſimam S. P. Auguſtini ſententiam lib. 1. de Baptiſmo contra Donatiſtas, ubi reſpondet ei, qui verſatur in duabus oppoſitis opinionibus, an liceat accipere, aut non liceat accipere ſacramentum in parte Donati, putatque utramque ſententiam probabilem, tam Catholicorum, qui ajunt non recte accipi a Donatiſtis baptiſmum, quam Donatiſtarum opinantium recte accipi, ea ductus ratione, quod communi ſententiâ ſit etiam apud Donatiſtas baptiſmus: ei inquam,

inquam, sanctus Pastor respondet, quod eum certum sit hominem recte in Ecclesia Catholica baptizari, ibi debet sacramentum accipere. *Illic ergo*, inquit, *securus accipiat, ubi & esse, & accipi recte certus est, illic autem non accipiat, quod esse quidem ibi dicunt, sed ibi accipiendum esse non dicunt quorum sententiam decrevis eligere: quamquam etiam si dubium haberet non illic recte accipi, quod in Catholica recte accipi certum haberet, graviter peccaret in rebus ad salutem animæ pertinentibus vel eo solo, quod certis incerta præponeret.* Hinc duplex eruitur argumentatio. Prima: Non peccare illum qui sequitur opinionem probabilem faventem præcepto Doctores omnes quos sequimur, & adversarii nostri tenent communiter; peccare autem si sequatur opinionem faventem libertati, negant adversarii, at Doctores alii propugnant. Illam igitur opinionem tenere debet, quam tenendo certus est non peccare: quemadmodum debet Catechumenus baptismum accipere in illa Ecclesia, in qua certus est esse, & recte accipi sacramenta. Consimili argumento a Calviniana hæresi respiciisse Henricum IV. Gallorum Regem scribunt in hac dissertatione Gonet, & Charles, & nos proximo libro cap. 11. in postremo adversus Mahumetanos. Altera argumentatio sit: *Qui sequitur sententiam probabilem faventem libertati, eamque divino præcepto præfert, in rebus ad salutem pertinentibus certis incerta proponit. Qui in rebus ad salutem pertinentibus certis incerta proponit, graviter peccat.* Igitur graviter peccat qui sequitur sententiam probabilem, illamque præfert divinæ legis præcepto.

Respondere solent Probabilistæ loqui Augustinum de validitate sacramenti, ac docere illum peccare, qui dubitans an valeat sacramentum susceptum in schismate, illud suscipit reapse a Schismaticis. Addunt sermonem instituere de illo, qui dubitat absque probabilitate. Verum nequit his argumenti robur infringi ac debilitari. Enimvero prior responsio apertissime falsa est, cum S. Pater de susceptione, non de validitate sacramenti verba faciat; atque aperte distinguat questionem, An baptismus sit apud Donatistas, ab alia, An recte illic accipiat, & de prima affirmet nullam esse difficultatem. *Duo enim sunt quæ dicimus*, inquit principio laudati capitis, *& esse in Ecclesia baptismum, & illic tantum recte accipi: utrumque bonum Donatistæ negant.* Item alia duo dicimus, *esse apud Donatistas baptismum, non autem illic recte accipi.* Et paucis interjectis: *Esse vero baptismum & apud Donatistas & illi asserunt, & nos concedimus.* Nulla ergo de validitate sacramenti ab Augustino questio instituitur. Præterea liquet ex verbis supra productis redargui ab Augustino illum, qui eligit accipere baptismum in parte Donati, certus etiam illic baptismum esse. Deinde cap. v. num. 6. hominem inducit ita loquentem, *Illic accipere malui, ubi baptismum Christi esse utrique consentiunt.* De sola itaque susceptione sacra-

sacramenti ab Augustino differitur . Nec melioris est notæ responsio altera . Etenim suscipiens baptismum in parte Donati , movetur ea ratione , quam firmam existimat , nimirum quod utrique consentiant etiam apud Donatistas esse baptismum ; ideoque sequens opinionem probabilem , quæ licet talis non sit , ei proculdubio videtur , efformat iudicium præcticum , ac propriæ indulgens libertati , *Illic* , inquit , *accipere volo , ubi baptismum Christi esse utrique consentiunt* . Tenentur autem fateri Doctores contrarii in re nullam opinionem esse probabilem , nisi veram , & disputari de opinione , quæ appareat probabilis operanti . Id satis in prænotationibus explicatum . Ille ergo , de quo Augustinus , non absque probabilitate in parte Donati baptizatus est . Insuper demonstrat S. Pater peccare quisquis in rebus ad salutem pertinentibus certis incerta præponit . Etiam probabilitate supposita , dum contraria opinio gravi momento fulcitur , incertum est , an fas sit propriæ obsequi libertati , certum vero nil esse periculi obtemperando legi . Igitur etiam probabilitate supposita nefas est facere quod lubet , & opinioni præcepto magis consonæ obfistere .

Proxima est argumentatio tertia . Duæ inter se pugnantes opiniones pariunt dubitationem : *ac in dubiis debemus sententiam eligere tutiorem* , ut fert commune proloquium regulis Juris , Romanorumque Pontificum auctoritate firmatum . Vide præcedentis capituli prænotata . At magis tutum esse sequi opinionem quæ stat pro præcepto , & in qua nullum occurrit peccandi periculum , quam sequi opinionem stantem pro libertate , res est manifesta . Illam itaque , non istam debemus amplecti . In hujus argumenti confirmationem accedit , quod in Clement. *Exivi* , De Verborum significat. & Clement. *Quia præterea* , interrogatus Clemens V. num. FF. Minores teneantur sub præcepto mortalis peccati ad ea observanda , quæ in Regula B. Francisci verbo imperativi modi , negative , vel affirmative apposito inserta sunt , respondet summus Pontifex teneri , *quia in his , quæ animæ salutem respiciunt , ad vitandos graviores remorsus conscientie pars securior est tenenda* . In capite etiam *Inquisitioni tuæ* , interrogatus Innocentius III. quid agendum sit conjugii , quando dubitat de valore matrimonii , respondet : *Distinguiamas , utrum habeat conscientiam hujusmodi ex credulitate levi & temeraria , an ex probabili , & discreta . Et quidem ad sui Pastoris consilium licite potest non solum reddere , sed & exigere debitum conjugale . Verum cum conscientia pulsar animum ex credulitate proculdubio probabili & discreta , quamvis non evidente , & manifesta , debitum quidem reddere , sed postulare non debet , ne vel contra legem conjugii , vel contra iudicium conscientie committat offensam* . Hæc duo decreta præ ceteris notanda sunt ad infringendam responsum eorum qui ajunt pronuntiatum illud , *In dubiis tutior pars eligenda est* , locum non habere in questionibus juris . Sunt enim ad jus pertinentes duæ quæstiones Clementi ,

menti, atque Innocentio propositæ: quamquam nil fingi potest ea responsione futilius; cum etiam in quæstionibus juris, atque in his maxime vitandi sint remorsus conscientiæ, & declinandum violandæ legis periculum; quibus inniti effatum illud satis liquet ex dictis.

Præcedenti argumento respondet Tamburinus lib. 1. cap. 4. falsum esse insurgere dubitationem in conspectu oppositarum opinionum, cum *dubium* sit, quando nullæ utrinque rationes menti obversentur; qui vero duas habet opiniones æque probabiles, gravi rationum hinc, & inde pondere se premi experiatur. Falsitatem hujus responsionis demonstrat planissimis exemplis Wendrockius. Etenim in æquilibrio manet lanx, sive nullum neutri parti, sive utrique onus æquale imponatur; & judex sententiam adversus furem aut homicidam dicturus non solum animo fluctuat dum nulla apparent accusationis vel defensionis argumenta, sed etiam dum illi se sistant æqualia & opposita, V. G. testes duo, quorum unus affirmet, alter neget patratum crimen illud ab homine. Confirmet hæc exempla judicium Salomonis in dirimenda meretricum lite, lib. iij. Regum cap. 3. Addit Wendrockius nonnulla Virgilio, & Terentii carmina. Sed ne quis reponat plurimum nos æstimare Wendrockium in ea quæstione, in qua multa quidem tradit utilia, etiam a Gonetio clarissimo Thomista probata & excerpta, sed vagatur tandem extra orbitas contendens nec invincibilem ignorantiam suffragari opinationi probabili: refellitur Tamburini responsio apertissima, auctoritate D. Thomæ scribentis Q. xiv. de Verit. art. 1. *Intellectus noster respectu partium contradictionis se habet diversimode. Quandoque enim non inclinatur magis ad unum, quam ad aliud vel propter defectum moventium, sicut in illis problematibus, de quibus rationes non habentur, vel propter apparentem æqualitatem eorum, quæ movent ad utramque partem: & ita est dubitantis dispositio, qui fluctuat inter duas partes contradictionis.* Igitur non solum quum nullæ menti obversantur rationes, sed etiam si appareant utrinque æquales, animus in dubium ac fluctuationem inducitur. Recte prælaudatus Joannes Blanchet Jesuita in altero ad Thyrsum Gonzalez Elego:

Si pila adversis pugnant contraria pilis;

Si neuter victo victor ab hoste redit;

Tunc neutri addicta est mentis sententia parti,

Fluctuat, & dubitans mens agitata silet.

Tunc neque judicium fertur, nec opinio scilicet

Ulla animum, neque mens, quo mage vergat, habet.

Respondet Vasquez 1. 2. disput. 69. valere prædictum axioma in dubiis, non in opinionibus: nam in dubiis neutri parti assentimur, & in opinionibus assentimur alterutri. Sed refellitur quamfacillime responsio ista ex ipsius Vasquesii principiis. Ait enim vir ille præclarus eadem disput. cap. 3. *Dubius quis est inter utramque partem, quoties in*

non-

neutra cognoscit majorem convenientiam prædicati cum ſubjecto in una parte contradictionis , quam in altera . At ſi pulſent animum duæ opinionones æque probabiles , fieri nequit , ut in una parte contradictionis dignoſcatur major *convenientia prædicati cum ſubjecto* : non enim apparet major convenientia iſtiusmodi , ubi occurrit æqualis veriſimilitudo , ubi premunt animum æqualia rationum pondera , ubi conſiſtantur duo ejuſdem firmamenti opinatus . In hoc ergo caſu quiſque , ipſo Vaſqueſio iudice , dubius erit . Revincunt præterea reſponſionem hanc quæ modo adverſus Tamburinum producta ſunt .

Communior tamen Probabiliſtarum reſponſio eſt , valere illud morale proloquium in dubiis præcticis , non in ſpeculativis , ac poſſe per iudicium reflexum reddi conſcientiam moraliter certam præctice , tametiſ ſpeculative ob oppoſitas opinionones foret dubia . Diſſecta fuit hæc machinatio capite præcedenti , ubi oſtendimus cum D.Thoma 1. p. q. 79. art. 11. iudicium præcticum , & ſpeculativum ſolo fine , & connotatione diſtingui , eo quod iſtud ordinatum ſit ad ſolam conſiderationem veritatis , atque illud dirigatur ad opus . Diximus præcticum iudicium ſpeculativum ſectari , nec poſſe , niſi imprudenter ac temere , eligi in praxi , quod non habet in mentis contemplatione firmitatem , niſi accedant momenta alia , & rerum circumſtantie immutentur . Ad damus tamen aliqua . Primum in allatis ſummorum Pontificum definitionibus fruſtra appoſita fuiſſet regula , *In dubiis pars tutior eſt eligenda* , ad præſcribendum iis , qui mente fluctuantes ignorabant quid ſibi in praxi foret agendum , certam morum ſuorum regulam : nam ii ſpeculative dubii erant , non præctice . Deinde ſi ad conſcientie reſtitutionem ſufficiat actus reflexus , quo mens præctice iudicat licitum eſſe ſequi opinionem probabilem , nunquam eveniet caſus , in quo transgredi poſſimus regulam illam juris , quandoquidem quiſque actu operatur , ſe determinat iudicio præctico ad opus ; ideoque dummodo actu reflexo dicat ſibi fas eſſe eligere quod lubet , etiam præxiſtente dubitatione induet bonam certamque conſcientiam . Inſuper actus ille *reflexus* vel cadit ſuper opinionones menti obverſantes , vel ſupra ipſarum objectum , vel ſupra libertatem ac voluntatem unum pro libito eligentem . Si actu reflexo iudico utramque opinionem eſſe probabilem , iudicium iſtud firmum , & certum quidem eſt , ſed me ab eligendo opinionem contrariam præcepto debet magis remove ; ſiquidem iudicio ipſo magis in dubitationem trahor , cum aperte percipiam utramque opinionem pugnare invicem , & in alterius electione inveniri evidens erroris & peccati periculum . Si autem iudicio reflexo iudicetur objectum honeſtum eſſe , dum de hac honeſtate mens titubat , eſt iudicium imprudens ; nec ductum rationis ſequitur , ſed ſubjicitur errori , quoniam ratio ob conſiderationem opinionum utrinque pendet . Quod ſi cadat reflexio ſupra libertatem ac voluntatem operantis : quid eſt aliud

asserere reddi conscientiam certam per actum reflexum, nisi forte dicere, Etiam si speculative dubii sumus, certum est nos minime peccare, dummodo dicamus, Cum liberi simus, facere possumus quicquid libet? Deinde juxta traditam Augustini doctrinam, peccat qui certis incerta præponit, erratque qui approbat falsa pro veris. At judicio reflexo Probabilistæ præponere possunt tanquam certa quæ incerta sunt, & approbare falsa pro veris. Igitur possunt peccare, & errare. Præterea judicii reflexi certitudo innixa est illi Probabilistarum principio, *Licet operari secundum sententiam probabilem*, hoc autem incertum est, & quod inter nos disputatur. Dum ergo inquirunt haberi conscientiam certam lineam per judicium reflexum, certitudinem incertitudine fulciunt, & respondentes per id quod est in quæstione principium repetunt. Ad hæc judicium reflexum non inducit ignorantiam saltem invincibilem judicii directi & oppositi paullo ante in opinionum conflictu menti obversantis: quomodo ergo poterit operantem immunem reddere a culpa, si falsæ opinionationi præstet assensum? Denique, judicium illud reflexum vel innixum est probabili opinionioni operantis, vel probabilitati alienæ: si probabilitati operantis, aut is suspendit judicium directum de actionis inhonestate, & hæc suspensio, quoniam voluntaria est, ipsum imprudentiæ ac negligentiae condemnat: aut librat momenta, quæ inhonestatem illam suadent; & impossibile est, quod efformetur judicium reflexum de operis honestate, si hanc non evincant majoris ponderis argumenta. Propriæ itaque probabilitati nequit inniti judicium reflexum firmum ac certum. Sed neque probabilitati alienæ; etenim hæc intellectum movere potest auctoritate ac ratione æquali, aut præponderanti comparate ad auctoritatem, quibus directe probabilitas propria fulcitur. Si æqualis sit probabilitatis alienæ ratio vel auctoritas, adhuc judicium anceps, & fluctuans erit, nec me probabilitas aliena poterit ad judicium practicum permovere. Si vero apparebit auctoritas & ratio præponderans, fiet una opinio altera probabilior. Vide Logisticam Aegidii Estrix Jesuitæ. Recte etiam in Ode Parænetica sæpe laudatus Joannes Blanchet:

Directa honesti regula præmiens

Sis norma agendi: judicio extera

Te stare prudenter vetabo,

Ni ratio comitata præsit:

Ne tu reflexo judicio impotens

Incumbe; inani fretus arundine

Mergere caliganti aëverno

Tartareis tumulandus undis;

Suspensa mentis libra licentior

Nil te juvabit; nullaque flexio

Obliqua tollet, nec protervos

Ingenii reparabis ausus.

De-

Demonſtratur præterea propoſitio ex doctrina D. Thomæ: qui citata Quæſt. xiv. de Veritate art. 1. docet intellectum non moveri, *niſi a duobus, ſcilicet a proprio objecto quod eſt forma intelligibilis, & a voluntate, quæ movet omnes alias virtutes*: ait aliquando ita moveri ut non inclinetur magis ad unam, quam ad alteram partem contradictionis vel propter defectum moventium, vel propter apparentem æqualitatem eorum, quæ movent ad utramque partem, & hanc eſſe *diſpoſitionem dubitantis*: aliquando inclinari ad unam partem potius, quam ad alteram, ſed tamen dubitare de oppoſita, & hanc eſſe *diſpoſitionem opinantis*, qui accipit unam partem contradictionis cum formidine alterius: aliquando adhærere omnino uni parti, atque id quandoque eſſe ab intelligibili, quandoque a voluntate; ſi ab intelligibili, eſſe *diſpoſitionem ſcientis*, ad quam requiritur vel ut cognoscantur principia immediate in ſe, quod pertinet ad intelligentiam, vel mediate, atque evidenti demonſtratione ex iſdem principiis deducta, quod ſcientiæ proprium eſt: ſi denique ab auctoritate tantum, ita ut voluntas præbeat aſſenſum firmiſſimum, etiamſi intellectus non moveatur ab intelligibili ſive immediate per cognitionem primorum principiorum, ſive mediate per evidentem demonſtrationem, eſſe *diſpoſitionem credentis*. Hæc eſt illius articuli ſumma: ex qua primo ſequitur in concurſu duarum opinionum æque probabilium, nullam in intellectu eſſe diſpoſitionem, niſi dubitantis, propter apparentem æqualitatem rationum moventium ad utramque partem. Sequitur etiam neutram opinionem in hypotheſi eſſe veram opinionem probabilem, quoniam animus æque inter duas fluctans non inclinatur in unam partem contradictionis potius, quam in alteram. Sequitur pariter non poſſe in opinionum iſtarum conſictu haberi iudicium certum, quum nequeat intellectus ad aſſenſum alterius determinari evidenti ratione, vel firmiſſima auctoritate. Sequitur poſtremo iudicium illud prædicum ac certum, quod tantopere jaſtitant adverſarii, pendere a ſola voluntate, eaque levi, & ad malum damnabiliter inclinata, quum nec rationis lumen ſequatur, neque irrefragabilem auctoritatem.

Quamquam laudatus, atque in epitomen redactus articulus ſatis Divi Thomæ mentem pateſcit: ſunt tamen alia loca complura, ac perſulgata, quæ probabiliffimum aperte revincunt, præſertim Quodlib. viii. art. 13. & quodlib. ix. art. 15. ubi quærit an ſit licitum habere plures præbendas. In quorum locorum uno ſcribit valde periculofum eſſe determinate ſententiam dicere: *Quia Theologi Theologiſ, & Ju- riſta Ju-riſtiſ inveniuntur contraria ſentire*; in altero autem ait: *Si ille, qui poſſidet plures præbendas in quamdã dubitationem inducitur ex contrarietate opinionum, & ſi manente tali dubitatione plures præbendas habet, periculo ſe commiſiſ, & ſic peccat*; utpote magis amans beneficium temporale, quam propriam ſalutem. Et ac quis reponat agere

beatum Thomam de conscientia dubia, non de probabili, per quam inducitur quadam persuasio recti atque honesti, pensanda sunt quæ ibidem docet Angelicus. *Dicendum est ergo, inquit, quod quando duæ sunt opiniones contrariæ de eodem, oportet esse alteram veram, & alteram falsam. Aut ergo ille, qui facit contra opinionem Magistrorum; utpote habendo plures præbendas, facit contra veram opinionem, & sic enim faciat contra legem Dei, non excusatur a peccato, quamvis non faciat contra conscientiam. Aut illa opinio non est vera, sed magis contraria, quam iste sequitur, ita quod vere licet habere plures præbendas; & tunc distinguendum est, quia aut talis habet conscientiam de contrario, & sic iterum peccat contra conscientiam faciens, quamvis non contra legem: aut non habet scientiam de contrario, sed certitudinem, sed tamen in quadam dubitationem inducitur ex contrarietate opinionum, & sic si manente tali dubitatione plures præbendas habet, periculo se committit, &c.* Igitur qui operatur ex conscientia probabili, vel sequitur falsam opinionem, & peccat quia agit contra legem, neque excusari potest ob invincibilem ignorantiam quæ tunc non adest: vel sequitur opinionem veram, & in conspectu duarum opinionum, quum non habeat talem certitudinem, quæ omnem formidinem excludat, item peccat, quia se exponit peccandi periculo: ideoque ne peccet, necessum est ut opinio quam sequitur sit adeo probabilis, ut ex opposita in nullam dubitationem addueatur, prout docet ibidem S. Doctor. Verum quod nequeat id contingere stantibus duabus opinionibus æque probabilibus, res per se loquitur. Recte itaque ponderata hæc D. Thomæ doctrina ait Amadeus Guimenius: *Hæc si vera sunt, vix operantibus ex opinione probabili.* Vide Ubigan, Contensonum, & Guerrerum in Confut. Probabilismi. Lege & Philippi Cancellarii Parisiensis miserrimum exitum apud eundem Guerrerum Tom. 1. pag. 42. Argumenta a ratione in superioribus thesibus producta sunt.

PROPOSITIO IV. Nefas pariter est, sequi opinionem minus probabilem stantem pro libertate in concursu opinionis probabilioris, quæ sit pro lege.

Hanc thesim confirmant, ut liquet, omnia argumenta præcedentia, magisque corroborant quæ consequuntur. Ac primum ei robur addunt Scripturæ nam Eccli. xix. 4. legimus: *Qui credit cito, levis corde est.* Matth. vii. 14. *Quam angusta porta, & arcta via est, quæ ducit ad vitam!* Lucæ xxi. 36. *Vigilate itaque omni tempore orantes, ut digni habeamini fugere ista omnia, quæ ventura sunt, & stare ante Filium hominis.* Profecto qui laxiorem ac minus probabilem sententiam amplectitur, Doctoribus varia tradentibus assentitur facilitate, imo iis tantum, qui auribus suis serviunt, accomodat auditum; ideoque levis est corde, incautus, nimis credulus, ac superius palpo, & seductor, Viam quoque salutis unicam, & ærissimam fingit sibi pluri-

pluribus diverticulis inſtructam, ac planiſſimam ampliſſimamque: quod adeo verum eſt, ut Caramuel haud veritus ſit ſcribere in Th. Fundament. pag. 549. poſt exortum probabiliffimum multas opiniones eſſe probabiles quæ antea non erant, & jam homines non peccare, cum antea peccarent, eo quod omne probabile a peccato excuſet. Ita ne Apoſtoli, Patres, antiquiores Theologi, Chriſtas ipſe, ignorarunt quomodo arduum ſalutis iter complanarent, compellentes conſcientiam infirmam ad aſſiduam ſolicitudinem, ad vigilantiam, ad preces, ad iter arripiendum laboris timoriſque pleniffimum? Si fas eſt ſimilia eſſutire; cui bono deſervit aut ſtudio moralium diſciplinarum, aut orationis frequentatio, quum abſque ulla ingeniorum tortura, & abſque implorato ſupernæ colluſtrationis munere poſſit magna cum tranquillitate conſcientiæ unusquiſque æternam ſalutem aſſequi, dummodo agat quod videtur ſibi veriſimile, perlegatque ad ſummum auctorem aliquem maxima comitate prædictum? At de hoc argumentorum genere Sinnichius, Wendrokius, Gonet, L'Herminier, ac Merbeſius ſuperius laudati.

Argumentum alterum promitur ex lib. 1. Clement. tit. 1. ubi diſſentientibus Theologis in ea quæſtione an pueri in baptiſmo ſimul cum remiſſione peccatorum gratiam habitualement recipiant, eſſi nonnulli veterum negarunt ob ratiocinationes non prorsus ſpernendas, ait tamen ſummus Pontifex Clem. V. *ſecundam ſententiam tanquam probabiliorē, & doctrinis Sanctorum, ac Doctorem modernorum Theologia magis conſonam, ſacro approbante Concilio (Viennenſi) duximus eligendam.* Lemovicenſe quoque Concilium pertractans de Officio S. Martialis, definit *neceſſum eſſe, ut ſemper juſtior, & rationabilior pars prævaleat*, dum cultus aliquis diviſi decernitur. Eandem regulam in ſecernendis Scripturis Canoniciſ tradit S. P. Auguſtinus lib. 11. de Doct. Chriſt. cap. 8. docens eas, *quæ ab omnibus recipiuntur Eccleſiis præponendas eiſ, quas quædam non accipiunt, in iſi vero, quæ non accipiuntur ab omnibus præponendas eiſ, quas plures gravioreſque recipiunt eiſ, quas pauciores minorive auctoritatis Eccleſiæ tenent.* Diſſiteri non poterunt adverſarii juxta Eccleſiæ ſtatuta, Sanctorumque documenta, in Scripturis recipiendis, in dirimendis controverſiſ, in Eccleſiæ ritibꝯ ſtatuendis probabiliorē ſententiam eſſe minus probabili præferendam. Cur idem in formandis moribus non erit accurate ſervandum?

Tertium argumentum ſit. Si ſciceret ſequi opinionem minus probabilem, quotieſcunque infidelis aliqua probabilitate ductus ad fidem Chriſtianam ſibi probabiliori ratione propoſitam accedere detrectaret, eſſet ab infidelitate excuſandus: & fas eſſet Judici veriſimili ratione permoto damnare reum, quem firmiores conjecturæ abſolvendum eſſe monſtrarent. Enimvero uterque probabili opinioni ſeſe accommodaret.

At proscriptæ fuerunt ab Innoc. XI. propositiones istæ: *Ab infidelitate excusabitur infidelis non credens, ductus opinione minus probabili, &, Probabiliter existimo iudicem posse judicare juxta opinionem minus probabilem.* Quid ad hæc Probabilistæ? Præcavendum esse grave incommodum, ac damnum illatum proximo? At mihi magis pertimescendum sempiternum animæ interitum, quam temporale proximi exitium præscribit lex, commonstrat ratio, præcipit caritas, communisque sensus enuntiat.

Proximum argumentum suppeditant censuræ latæ adversus sententiam oppositam. Ludovicus enim de Gondrin Archiepiscopus Senonensis die 3. Septembris anno 1658. coacta septingentorum virorum Synodo, omnium plausu ac suffragiis declaravit, *doctrinam quæ censet fas esse, neglecta probabiliore & tutiore, sequi opinionem minus probabilem & minus tutam falsam & periculosam esse, & innu-meris corruptelis viam aperire.* Eodem anno die 24. Octobris Antistites, Alcenensis, Apiamentis, Convenarum, Vafatarum, & Conferanorum non tantum proscribere celebrem Casuistarum Apologiam, verum etiam, quod summopere notandum est, declararunt ejusdem Apologiæ auctorem tam absurda scripsisse innixum illi principio, *Que de deux opinions probables on peut choisir celle, que a moins de probabilité.* Pari jure Episcopus Lexoviensis in Censura anno proximo 1659. eandem Apologiam confixit, quoniam probabilitati, quæ est laxitatum omnium ferax parens, innititur: *La Probabilité* (inquit Gallice) *qu'on peut appeller la mere funeste de toutes les autres erreurs des Casuistes.* Archiepiscopus Bituricensis ipsammet Apologiam damnans, eandem probabilitatem errorum scaturiginem esse demonstravit in sua Censura die 6. Februarii ejusdem anni 1659. *La vraye regle, que suivent le Casuistes enseigne que deslâ que une opinion est probable, elle est si assenrde, qu'on ne court point risque de se damner en la suivant: on peut s'arrester à un opinion, quoy qu'elle semble moins probable qu'une autre.* Vide Censuras alias quamplurimas apud Merbesium P. 1. Summæ Christianæ quest. 36. & Antonium Charlas in Disput. de Opinionum delectu cap. xv i i i. Atque in eis adverte non solum Apologiam damnari ob opinionum laxitatem, sed etiam asserti hujus laxitatis fontem esse principium illud, *Licet sequi opinionem minus probabilem, &c.* In hujus rei confirmationem demonstrare possem, quomodo omnes morum corruptelæ ex libris Probabilistarum prodierint; uberrimam enim segetem præbent ad hoc evincendum Epistola v. & v i i i. Ludovici Montaltii, Christianus Alethophilus in Artibus Jesuiticis a cap. 15. usque ad 166. Germanus Philalethes Opusculo v. cap. 5., & ne rigidiores istos, & forte Janseniano fermento conspersos, ac sesquihæreticos commemorem, Nicolaus L'Herminier Tom. v. pag. 113. & seqq. ubi recenset absurda, in quæ prolapsus est Probabilistarum antesignanus Caramuel,

ac Gonetuſ ſtilum acuens in tertio huius diſſertat. articulo adverſus laxitateſ ejuſdem Caramueliſ , Tamburini , Sancio , Dianæ , Baunii , aliorumque ; necnon Vincentiuſ Contentſonſ in Probabilitatiſ Comento cap. 2. ſpeculat. 2. Verum cum omniſ homo niendax ſit , atque obnoxioſ errori ; ab hiſ ſuperſedeo , ratus ſufficere ad malorum germinum perditionem , ſi ſecuriſ admoveatur radici .

Quintum argumentum petitur a veterum Theologorum conſpiratione : de qua ſatis multa in Prænotatiſ , atque præcedenti propoſitione II.

Argumentum ſextum rationi ſubnixum eſt . Cumque multiplex poſſit ratio ſuccurrere , illam iterum urgebimus , qua adducimur ad operandum prudenter : imprudentiſſime enim ſe gerere , qui ſequitur opinionem minus probabilem , oſtendunt momenta plurima . Ac primo , quid eſt prudentia ? Illam ſupra ex Auguſtino definivimus , quod ſit eligendorum , & rejicendorum diſcretio , ſive affectio animæ , qua percipimus æterna ſuperiora eſſe , temporalia autem inferiora . Conſentit Cicero ſcribens in 1. de Officiis : *Prudentia , quam Græci ~~ῥητορικὴ~~ dicunt , eſt rerum expetendarum , fugiendarumque ſcientia* . Huius munuſ præcipuum eſt ſagaciter ſeligere ea quibus adjuvatur ab eiſ quibus impeditur , ait S. Pater lib. 1. de Morib. Eccl. Cath. Cap. xv. n. 25. Si eligantur temporalia & inferiora , eſſe prudentiam carniſ , quæ teſte Apoſtolo inimica eſt Deo , non prudentiam ſpirituſ præſcientem ſuperiora , ſcite idem Auguſtinuſ demonſtrat Q. LXVI. num. 6. inter 83. Etiam Ariſtoteleſ in libro Magnorum Moral. cap. 33. ait , *Prudentiſ ac prudentia eſt optima expetere eaque ſemper ſibi proponere & aſſutare : at aſtutiæ & aſtuti fuerit conjeſtare* . Peto nunc : Qui ſequitur opinionem minus probabilem , abjicitque probabilioſrem , ſeligit optima ? Minime . Præponit ſibi ſuperiora ? Minime . Diſcernit accurate inter res expetendas ac fugiendas ? Minime , inquam . Eſt itaque maxime imprudens . Deinde , ut Comituluſ demonſtrat lib. v. Reſponſ. Moral. Q. 15. , imprudens & ignaruſ eſt , qui eligit longiuſ abeſſe , quam propiuſ accedere ad veritatem : qui in morum diſciplina obſtruit ſibi viam indagandæ veritatiſ : qui ſponte a ratione diſcedit : qui iuxta conſtitutuſ , pluribuſque teſtibuſ auditiſ , ſequi mavult eorum teſtimonium , qui minus veriſimilia depoſuere . At ſi probabilioſi ſententiæ præferriſ minus probabilem , eligiſ longiuſ abeſſe a veritate , quoniam quod eſt minus veriſimile magiſ a veritate divellitur : præcludiſ tibi adituſ ad veritatem inveniendam , quia via expeditioſ veritatiſ eſt veriſimilioſa ſectari : diſcediſ ſponte a ratione , quum abjiciſ quod magiſ rationi eſt conſonum ; & quaſi pro tribunali veritatiſ ſedens cauſſam definiſ teſtimonio fretuſ deterioſi , nam contrariis de eadem re argumentiſ acceptiſ minus veriſimilia præferriſ veriſimilioſiſ . Quomodo ergo non eriſ ſcelerate ignaruſ , imprudens , ac infrunituſ ? Mitto quæ ſæpe repetita ſunt , de peccati , cui te committiſ , periculo .

Poſtre-

Postremum argumentum promittit ab exemplo. Doctrina est Vasquezii inter Probabilistas celeberrimi, eoque auctore ab omnibus approbata, medicum peccare, si applicet medicamenta, de quibus dubitat, utrum sint profutura, vel nocitura, eo quod in dubiis tutior sit tenenda pars. Ceterum si medicus probabili opinione sua, vel aliorum medicorum credat medicamentum magis profuturum, quam nociturum, nec magis certum suppetat remedium, poterit illud adhibere; satis enim prudenter se gerere videtur, si sciens ægrotum moriturum, adhibeat ei aliquid, quod quamvis non certo, probabiliter tamen sit profuturum, tamen nocere fortasse possit. Si vero sit aliud remedium citra opinionem magis certum, illud debet adhibere, alioquin præcepto non satisfaciet, quo debet subvenire proximo. Hæc, atque eisdem plane verbis Gabriel Vasquez 1. 2. disput. LXIV. cap. 4. Dicant modo Probabilistæ, quare hæc prudentiæ, & æquitatis regula non sit in curâ animarum servanda? ostendant cur major adhibenda sit sollicitudo in curatione corporis ægrotantis, quam in dirigenda interioris hominis valetudine? demonstrent delectu opinionis minus probabilis, dum suppetit tutior, nullum afferri animæ nocementum: negent quod nec Ciceronem latuit De finibus 5., *Ut medicinam valetudinis, sic vivendi artem esse prudentiam*. Hæc adversus Probabilissimum satis sunt, cum quatuor hæc positiones sese invicem valide communiant, & momenta unius fulcimentum alterius corroborant.

C A P U T XV.

Expediuntur Probabilistarum argumentationes.

DIJUCANDA nunc Adversariorum objecta præcipua; quorum primum fabricari potest ex iis Scripturarum sanctarum locis, in quibus Dei præcepta dicuntur jucunda, levia, & observatu facillima. Ita Ps. cxviii. 39. *Judicia tua jucunda*. Matth. xi. 30. *Jugum meum suave est, & onus meum leve*; & Epist. 1. Joan. v. 3. *Mandata ejus gravia non sunt*. At præcepta Christianæ legis gravia essent, & jugum Domini servile, nimis ponderosum, & collo excutendum, si neque fas esset libertati indulgere, & benigniorem sententiam probare. Abeat ergo rigida Antiprobabilistarum, qui id inficiantur, sententia.

Respondetur recte dici jugum Domini suave, & mandata levia, atque jucunda, etsi nobis juxta divina eloquia, per angustam portam intrandum sit, orandum sine intermissione, nosmetipsos abnegandum, & quemadmodum monent Apostolicæ Epistolæ, carnales simus venundati sub peccato, ingemiscamus in hoc tabernaculo gravati, collectationem habeamus adversus carnem & sanguinem, & nos exhibere debeamus

beamus ſicut Dei miniſtros, in multa patientia, in tribulationibus, in neceſſitatibus, in anguſtiis, in plagis, in carceribus, in ſeditionibus, in laboribus, in vigiliis, in jejuniis, in caſtitate, in ſcientia, in longanimitate, in ſuavitate, in Spiritu ſancto, in caritate non ficta. Sed, inquis, quomodo ſub tanto onere jucunditas, ac facilitas? Multa quidem, neque ob unam duntaxat cauſam. Primum leve eſt onus Chriſti comparate ad præcepta legalia, quibus abrogatis, ut inquit Auguſtinus Episto. 118. nunc 54., *Sacramentis numero pauciſſimis, obſervatione faciliſſimis, ſignificatione præſtantiſſimis ſocietatem novi populi colligavit.* Deinde leviffimum eſt ob ſpem magnæ retributionis, quæ cor noſtrum allicit & inclinât, cum non ſint condignæ paſſiones hujus ſæculi ad futuram gloriam; unde ait idem Auguſtinus Serm. 182. de Tempore: *Jugum diſcipulis Chriſti obedientia merito eſt ſuaſe, cui ſervire eſt regnare.* Leviffimum præterea eſt, quoniam non timore, ſed amore ad hanc legem ſervandam pertrahimur, accipientes ſpiritum adoptionis, non ſervitutis: quare ipſemet Auguſtinus de Perf. juſtit. cap. 10., *Laborant, inquit, in Dei præceptis, qui ea timendo adimplere conantur; ſed perfectâ caritas foras mittit timorem, & facit præcepti ſarcinam non ſolum non opprimentem onere ponderam, verum etiam ſublevantem vice pennarum.* Inſuper perleve eſt iſtud onus, eo quod ſatis ſit ad ſalutem capeſſendam, ubi vires & facultates non ſuppetant, bona voluntas, cum e contra in mundi amore nil ſolo cordis deſiderio acquiratur prætorquentem animum anxietatem: quare idem Auguſtinus ait lib. vi. de Muſica cap. 14. *Laborioſior eſt hujus mundi amor, quam Dei.* Tandem, ne omnia perſequar, ſuaſe eſt jugum Domini, quia *ipſe adjuvat ut fiat quod imperat;* inquit idem S. Pater Serm. xcvi. cap. 1. & de Nat. & Grat. cap. 69. *Et ipſo, quo firmiſſime creditur Deum juſtum & bonum impoſſibilia non potuiſſe præcipere, hinc admonemur & in facilibus quid agamus, & in diſſicilibus quid petamus.* Vide quam bene his conſentiat Tridentinum Concilium ſeſſ. vi. cap. 11. Hæc itaque veriſſimæ cauſæ ſunt, cur mandata non ſint gravia, cur jugum ſuaſe.

Et quidem ſi divinæ legis æquitas & jucunditas plenam nobis in opinionum diſcrepantia relinqueret libertatem, levis magis ac lenior foret, ſi permitteret etiam in dubiis, imo & in noxiis atque illicitis agere quicquid lubet; &, quod horrent Chriſtianæ aures, ſuaſior eſſet lex concupiſcentiæ, quam ſpiritus. Levior eſſet, ſi nobis ad inquirendam veritatem nequaquam adigeret, quod tamen omni adhibita, diligentia, pro negotii qualitate ac magnitudine, faciendum eſſe Adverſarii non diſſentur, ut Thomas Sanchez lib. 1. Sum. cap. 6. n. 36. & Gabriel Vaſquez 1. 2. diſput. 123. cap. 2., etſi decipiantur, dum ajunt quæſitum ſatis de veritate, ubi adinventâ ſit aliqua ratio probabiliſ ac veriſſimiſ. Longe gravior quoque fuiſſet lex Chriſtiana præſcis

Ecclesiæ temporibus, dum fideles hæc moralis Theologiæ rudimenta ignorabant; ac dura, gravisque Doctorum omnium sententia per sæcula retroacta. Statera denique ad dignoscendum quid gravius, quid levius sit, esset humana ratio rerum verisimilitudine obducta, sibi que placens ac illicitis inhians arbitrium. Sed quid tam multa ad futilem, ineptamque argumentationem? Neganda est minor. Ait eo loci Joannes: *Hæc est enim caritas Dei, ut mandata ejus custodiamus*: & Augustinus cit. cap. de Nat. & Grat. *Quomodo est enim grave, cum sit dilectionis mandatum? Aut enim quisque non diligit, & ideo grave est; aut diligit, & grave esse non potest.*

Opponunt deinde regulam Cæsarei Juris 171. *In pari causa possessor potior haberi debet.* Et alteram num. 11. in vi. Decret. *Cum sunt partium jura obscura, reo favendum est potius, quam actori.* Ex qua prima Probabilitatē ita arguunt: Stat homo in possessione suæ libertatis: igitur in pari opinionum conflictu, penes ipsum est eligere quod magis libet. Similiter ex altera regula ratiocinantur: Judex in ferendis sententiis non debet reo pœnam præferbere, dum in suo foro incertus est de delicto. Ergo neque in foro conscientię damnari aliquis debet, nisi certa sint patrati criminis argumenta; ideoque immunis a reprehensione est qui habet rectitudinis suæ opinionem aliquam verisimilem.

Respondetur has, quibus sententiam suam Adversarii munire student, juris regulas nullum in hac quæstione fulcrum ipsis substernere. Nam de priori regula Gabriel Vasquez, quamvis inter Probabilitates perecelebris, 1. 2. disp. 65. cap. 3. ait, locum habere solum in materia justitiæ, alioquin in omni dubio fas esset eligere partem minus tutam, quod valde absurdum est. Deinde quis, nisi insigniter audax, adversus Deum, ejusque legem objiciat titulum possessionis? Rursus, si huc regula ista advocanda est, possessio stabit pro Deo, ejusque lege, quæ sempiterna ac inviolabilis est, non pro humana libertate nobis Dei munere collata, ut merito obedientiæ eidem legi subjiciamur. Item nullum habet opinio probabilis jus possessionis adversus probabiliorem ac tutam, quæ adversariorum consensione probatur ab antiquioribus omnibus, suisque oppugnantoribus semper obstitit. Præterea hæc eadem regula in Decretal. vi. n. 65. legitur, *In pari delicto vel causa melior est conditio possidentis*, ibique Glossa exemplum affert Titii volentis repetere pecuniam ob stuprum inferendum datam virgini, actorisque repæntis a corrupto judice nummos. Ad hæc non tenet regula ipsa, neque par est causa, quando emergit ex una parte peccandi periculum; in Cap. enim *Significasti*, de homic. definitur Sacerdotem habendum esse tanquam irregularem, tametsi incertum sit an ejus ictu occisus interierit, & quamvis ille habcat factorum possessionem: atque in Cap. *Dominus*, de secundis nuptiis, decer-

decernitur ut mulier, quæ fruitor ſecundarum nuptiarum poſſeſſione, ſi dubitet de morte prioris conjugis, non poſſit a viro, quem poſſidet, debitum exigere conjugalem. Tandem juſ civile præſcribit duntaxat ea, quæ ſpectant externam politiam, civiumque concordiam, neque interioris fori animum quoque pravitate damnantis ſibi arrogat auctoritatem. Ad primum itaque, nego antecedens; quandoquidem in duarum opinionum conflictu, neque par eſt cauſa, cum in altera adlit peccandi periculum: neque obſistere poteſt humana libertas adverſus legem Conditoris ſui titulum poſſeſſionis; neque patrocinandum eſt eis, qui adverſus Legislatorem intendunt actionem.

Alterum legis pronunciatum, *Cum ſunt &c.* definit iudicem non poſſe pœnam ordinariam, & impoſitam pro certo ac determinato delicto inſigere reo, quem certe non conſtet delictum illud perpetraviſſe: id vero minime locum habet, ſi pœnæ ſit annexum præceptum aliquod abſtinendi ſe a certo genere officii ac operis, qualis eſt *irregularitas* arcens deſequentem a miniſterio altaris. Si enim miniſter committat peccatum, etiamſi certo non conſtet de delicto, irregularis cenſendus eſt, & debet a miniſterio altaris recedere, quando eidem peccato canones pœnam irregularitatis præſcripſerint. Ita laudatum Caput *Significati*, & ipſe Vaſqueſius 1. 2. diſput. 66. cap. 7. Adde diſparem eſſe rationem de Iudice in foro externo adverſus reum pœnam decernente, & de interno conſcientiæ foro: quam diſparitatem aſſert Gloſſa doctrinâ depromptâ ex D. Thoma 2. 2. q. 60. art. 4: *Ubi* (inquit) *non apparent manifeſta iudicia debemus alios reputare bonos, quia contemptum, & nocumentum alteri non debemus offerre, niſi cauſa cogente: at circa nos ipſos dubia interpretari in malam partem, ſecundum illud Job, Verebar omnia opera mea; quia cum debeamus malis noſtris adhibere remedium, expedit ut ſecurius remedium apponatur, ſupponere id, quod eſt deterius.* Hæc Gloſſa ad Cap. *Ex parte*, de ſerut. Quare ad ſecundum argumentum neganda eſt conſequentia, propterea quod nec tenet regula illa juris ubi adest peccati periculum, nec eadem externi ac interni fori habenda eſt ratio. Accedit cenſendum eſſe homini tutiorem ſententiam, ſicuti honeſtior eſt, ita utiliorem, benigniorem, juvendiorem, ac libertati magis conſentaneam; quoniam ſuavitas caritatis præferenda eſt cuilibet voluptati, & libertas ſpiritus libertati malum agendi, quæ potiori jure dici debet ſervitus, quam libertas. Dum ergo dicimus tenendam eſſe tutiorem partem, propugnamus ſententiam, quæ filiis, qui aguntur ſpiritu Dei, videri debet ſtare pro libertate, & ad finem, in quem tendunt, facilius pertrahens; quod colligitur etiam ex Divo Thoma 2. 2. q. 147. art. 2. ad 3. Atque his productæ juris regulæ colluſtrantur, exponuntur, ac retorquentur.

Insuper obijciunt quædam reſcripta Pontificum . Innocentius III. Cap. *Literas* , de Reſtit. ſpoliat. interrogatus a Gerardo Archiepiſcopo Bituricenſi quid agendum de muliere , quæ non expectato Eccleſiæ judicio receſſerat a marito opponens impedimentum conſanguinitatis , & viri ſævitiam , recitatis ſententiis oppoſitis , ac mediam eligens , inquit : *Nos autem ad præſens nullam de prædictis ſententiis reprobamus, nec eniquam illarum aliquod præjudicium ex noſtra reſponſione volumus geuerari* . Declaravit ergo Innocentius fas eſſe utramlibet opinionem ſeſtari . Alexander III. in IV. Decret. Tit. XI. de Cognat. ſpiritual. cap. 2. quærentibus , *An vir , aut mulier , ſi ſcienter vel ignoranter filium ſuum de ſacro fonte ſuſceperint, debeant propter hoc ſeparari* , reſpondit : *Quamvis generaliter ſit conſtitutum, ut debeant ſeparari: quidam tamen humani ſentientes, aliter ſtatuerunt: ideoque nobis videtur, quod ſive ex ignorantia, ſive ex malitia id fecerint, non ſunt ab invicem ſeparandi* . Alexander itaque ſequutus eſt opinionem benigniorem ſtantem pro libertate conjugum , etſi altera communior eſſet , ac probabilior . Etiam Cæleſtinus III. in IV. Decret. Tit. XV. cap. *Fraternitatis* , excuſat ſententiam Epifcopi Altiſiodorenſis , qui ſeparaverat Odoardem mulierem a viro , per errorem probabilem : *Sententiam divortii* (inquit) *per errorem licet probabilem novimus eſſe prolatam* : ideoque cenſet ſummus Pontifex minime damnandum , qui probabili opinione ductus falſum approbat .

Reſp. his Reſcriptis egregie ſententiam noſtram firmari . Innoc. III. cit. Cap. *Literas* , laudat primum Epiſtolam Lucii III. relata in eodem tit. de Reſt. ſpoliat. qua decrevit reſtituendam eſſe mulierem a viro violenter expulſam exceptione conſanguinitatis , non expectata ſententia Judicis Eccleſiaſtici ; nec a deſſe periculum inceſtus , quoniam mulier ſi habet notitiam impedimenti , nequit debitum petere , ſi non habet notitiam petere valet , nec maritus reddens graviter peccat , quia obedit Eccleſiæ , cujus judicio facta eſt reſtitutio . Hæc ſententia non ſtat pro libertate , ſed pro lege de indiſſolubilitate matrimonii ; non enim Pontifex permittit , ut mulier pro ſuo libito petat debitum , ſed jubet , ne a marito divellatur impedimento non comprobato , ut quod Deus conjunxit , homo non ſeparet . Aſſert deinde Innocentius oraculum Clementis III. qui quærentibus an mulier quendam in virum petenti , qui ut eam repelleret exceptionem conſanguinitatis objecit , prius eſſet prolata ſententiâ jungenda viro , an prius de impedimento eſſet agendum ; reſpondit primum eſſe cognoscendum de exceptione conſanguinitatis , a qua altera quæſtio perimitur . Atque oraculum iſtud ſtat pro lege prohibente inter conſanguineos matrimonium , non pro libertate . Dum ergo Innocentius ait nolle ſe , ut reſponſione ſua prædictis ſententiis generetur aliquod præjudicium ; vult ſemper tenendam eſſe opinionem ſtantem pro lege : & ſententias Lucii , & Clementis

tis

tis egregie conciliat, quod *Lucii Papæ mandatum ad poſſeſſorium, reſponſum vero Clementis ad petitorium reſeratur*. Ita poſt verba, quæ obijciuntur. Deinde non ait Innocentius, Poſeſt Iſemberga reſtitui ſpoliato juxta Lucii decretum, non debet juxta reſponſum Clementis, ideoque licet facere utrumlibet: minime. Definuit mulierem, quæ conſanguinitatis habet certam notiſſimam, non poſſe viro abſque peccato commiſceri: decernit illam, ſi habet paratas probationes conſanguinitatis, reſtituendam non eſſe; ſin autem, ad reſtitutionem Eccleſiaſtica cenſurâ compellatur, quia præſumitur contra eam, eo quod ſine judicio Eccleſiæ ſuâ tantum temeritate a viro diſceſſerit: reſtituta tamen denegat tori conſortium, donec probationes aſſerantur, & tunc abſolutione petita ſecundum formam Eccleſiaſticam abſolvitur. Igitur Innocentius non opinionem mulieris pro ſua libertate probabili ratione pugnantis definiuit eſſe tenendam, ſed opinionem ſtantem pro lege matrimonii, & ſtatuente conſanguinitatis impedimenta. Neque hoc tantum Reſcripto ſententiam noſtram confirmavit Innocentius; ſed etiam Cap. *Inquiſitioni*, de ſent. Excommunicat. de quo ſupra. Ad primum itaque neganda eſt conſequentia.

Quod ſi obijcias, Cur ergo cum Lucius, tum Innocentius mandarunt conjugi de impedimento conſanguinitatis accipiti reddendum eſſe debitum, niſi ſas ſit ſequi opinionem probabilem? Reſpondeo, quare præceperunt, ut reddat quidem, ſed poſtulare non audeat, tamenſi pulſet ipſius animum conſanguinitatis exceptio, & conſcientia non ex credulitate levi ac temeraria, ſed *ex probabili atque diſcreta*? Teneatur reddere debitum, inquit Innocentius, ne peccet *contra legem conjugii*: & Lucius, *Ut obediat Eccleſia, cujus judicio facta eſt reſtitutio*; quod perinde eſt, ac ſi dixeris, quia præferenda eſt ſententia quæ ſtat pro lege conjugii: e contra petere nequaquam poſeſt, *Ne contra judicium conſcientiæ commiſſat offenſam*; nimirum, quia conſcientia pulſans animum *ex credulitate probabili* non excuſat a culpa, neque cum tali conſcientia ſas eſt ſequi opinionem ſtantem pro libertate. Nobis ergo non tantum ſuppetias, ſed & auxilia Adverſarii ipſi ſubmittunt.

At quid de Reſcripto Alexandri? Statutum erat definitione Papæ Deuſſedit relata etiam a Luithprando in ejus Vita, ut mulieres, quæ in ſabbato Paſchæ filios ſuos levarent de baptiſmo, ſepararentur, dotem recipere, & poſt annum nubere alii marito. Quam hæc generalis conſtitutio difficilis ſit, tradunt Juriconſulti omnes, ac noſter Baſilius Poncius lib. v. 11. de Matrim. cap. 40. Sive de ſponſis & conjugibus ſit ea definitio *diſtributive* accipienda, ita ut conjuges ſeparantur, ſponſi autem nec matrimonium contrahant, eo quod ſpirituſalis cognatio ſit impedimentum conjugii, ut liquet ex canone 53. Trullano, aliſque decretis poſterioribus; ſive ſenſus ſit, ſeparandos eſſe tantummodo pœni-

pœnitentiæ tempore, eoque transacto permittendum illis consortium, tori, nihil attinet ad quæstionem in qua versamur. Certissimum est, quod si conjuges filium suum e sacro fonte susceperint, seu propter ignorantiam, nescientes jura consanguinitatis, & cognationis spiritalis, seu propter malitiam, ut postea ea exceptione utantur ut vicissim dividantur, minime separandos esse, ut habetur in cap. *De his*, in Rescripto Nicolai Papæ. Certissimum quoque est posse Pontificem, hujusmodi in casu dispensare, ac dispensationis legitimam causam esse, si contineri non valeant. Itaque Alexander jure meritoque non obstante generali constitutione Papæ Deusdedit, sequutus est sententiam aliorum Prædecessorum, qui *humanus* statuerunt cum his dispensandum, quod utique præstare potest Pontificis auctoritas; atque sequutus est sententiam probabiliorum Nicolai stantem pro lege matrimonii, eamdem firmissimam rationem ibidem afferens, *Quia si ex ignorantia id factum est, ignorantia eos excusare videtur: si ex malitia, eis sua fraus non debet patrocinari vel dolus*. Ac propterea *humanus alii statuerunt*, ad Pontifices, qui pro sua auctoritate humaniter ad vitandam conjugum incontinentiam in factis istiusmodi dispensarunt, apertissime est referendum: aut cum Ostiensi, & aliis Canonistis subfelli non iasimi, dicendum est idem esse *humanus*, ac *rationabilis & æquus*. Nego itaque Alexandrum III. opinionem minus probabilem fuisse sequutum.

Expendamus & caput *Fraternitatis*. Episcopus Antifiodorensis celebrarat divortium Odoardis a viro, posteaquam non potuit ab ipso carnaliter cognosci diu cum eodem morata; nec hoc contentus experimento ab utroque conjuge manifestato, volens habere certitudinem pleniorum, matronas providas honestasque evocavit, districtè illis injungens sub periculo animarum, ut Odoardem prudenter inspicerent an idonea esset ad viriles amplexus: quæ in fide sua constanter asseveravere, quod ea mulier non poterat esse mater, aut conjunx. Quare Episcopus morali certitudine detegens impotentia impedimentum Odoardem sejunxit a viro. Accidit postea, ut hujusmodi impedimentum, quidquid causæ fuerit, nullum dignosceretur; & Cælestinus pronunciavit matrimonium Odoardis cum primo viro validum extitisse, affirmans sententiam divortii latam fuisse ab Episcopo per *errorem probabilem*. Ea propter error hoc loci *probabilis* dicitur, non quod fuerit ex conscientia opinativa, sed quod innixus fuerit argumentis olim moraliter certis, tamen postmodum evanuerunt: unde extat in illo Capite, *Sententiam divortii per errorem licet probabilem novimus esse prolatam, cum pateat ex post facto, quod ipsi cognoscibilis erat*. Atque ita corruunt argumenta omnia ab Adversariis ex Jure Canonico, & Romanorum Pontificum Rescriptis deprompta. Nam quod opponit Caramuel Epistola IV. adversus Fagnanum Romanos Pontifices dispen-

sasse

ſaſſe aliquando in voto ſolemni caſtita- tis, nec non a vinculo matrimo- nii rati; id nullam habet vim ad infringendam ſententiam noſtram, quum ſemper præſtiterint quod ſibi certo perſuaſum erat non excedere collatam ſibi divinitus auctoritatem .

Urgent præterea S. P. Auguſtini loca nonnulla . Ac primo S. Pa- ter lib. 1. de Baptiſmo contra Donatiſtas cap. 1v. in eoque Opere fre- quentiſſime excuſat S. Cyprianum, quod ſequutus fuerit ſententiam de rebaptizandiſ hæreticiſ: quam indubitatum eſt fuiſſe minus probabi- lem . Rurſus in lib. de Adulteriniſ Conjugiis cap. 26. laudata opinione aliquorum, qui tenebant baptizandum non eſſe Cathecumenum in mortis articulo conſtitutum, nec Sacramentum petentem, dicentes ob- ſervandum quod dixiſſe Dominum legimus, *Noliſe ſanctum dare cani- bus*; hac opinione repudiata ait S. Pater: *Etiamſi voluntas ejus incerta eſt, multo ſatius eſt nolenti dare, quam volenti negare* . In qui- bus ſequitur opinionem minus probabilem, atque repugnantem Scri- pturæ . Denique Epistoſta ad Hieronymum xix. nunc 82. n. 3. ait Au- guſtinuſ ſe verum putare quod in aliis Auctoribuſ legit, *non quia ipſi ita ſenſerunt, ſed quia vel per auctoreſ Canonicos, vel probabili ratio- ne quod a vero non abhorreat, perſuadere potuerunt* . Probabilis ita- que ratio etiam ab Auguſtino extorſit aſſenſum .

Reſp. ad 1. S. Patrem eo loci num. 28. excuſare Cyprianum 1. quia erat ſiliuſ paciſ Eccleſiæ, ideoque pro falſo dogmate non violata caritate pugnabat . 2. quia ſanguine abſterſit maculam, ſi qua in ejuſ lucidam mentem ex humana conditione nebula irrepſerat . 3. quia ei conſenſere oſtingenti ferme Coepiſcopi, neque plenarii Concilii ſen- tentiã quid hac in re ſequendum eſſet totiuſ Eccleſiæ conſenſuſ firmave- rat . Addit lib. 1v. cap. vi. num. 8. exemplum Petri qui coegit Gentes judaizare, non omnino irreprenſibiliter, ut idem Auguſtinuſ demonſtrat in Epistoſtis ad Hieronymum . Videtur etiã lib. 1. contra Creſconiuſ cap. xxxi. num. 38. in dubium revocare an revera Cy- prianuſ cenſuerit hæreticoſ iterum baptizandoſ: quod Vir noſtri ævi doctiſſimuſ, (cui tandem nondum plane aſſentimur,) crudeliſ diſſerta- tione Cyprianum non ſenſiſſe contendit . Nego itaque Auguſtinum aſſe- rere, quod Cyprianuſ ſequendo opinionem minus probabilem omni- no inculpate ſe geſſerit . Deinde, quamquam beatuſ Cyprianuſ arri- puit rationeſ potiùſ veriſimileſ quam veraſ, & inſpexit conſuetudinem ſoliuſ Africæ ſub Agrippino pauciſ ante ſe annis inductam, ut inquit S. P. Auguſtinuſ lib. 1v. de Baptiſmo contra Donatiſtas cap. vi. num. 8. nihilo tamen minus viſum Cypriano non incertam ac veriſimilem, ſed veram certiffimamque ſententiam a ſe propugnari . Enimvero Epistoſta ad Januarianuſ, alioſque Numidiæ Epiſcopoſ ſcribit ſe promere ſenten- tiam, *non novam, ſed jam pridem ab antecceſſoribuſ ſtatutam*; ac in Epistoſta ad Quintum aſſignat ſe duci conſenſu, & auctoritate communi .

Putat

Putabat quoque invictissimam esse rationem illam, quam affert in Epist. ad Jubanum, & in Epist. ad Stephanum, scilicet, quod in *Ecclesiæ hæreticorum, ut fides, ita aqua sit mendax*: atque adeo Cyprianus ex patrio more, ex consensu Episcoporum, ex Agrippini Concilio, & ex ratione, quæ sibi invictissima videbatur, induerat conscientiam moraliter certam: aut forte putabat dogma de Rebaptizandis hæreticis ad disciplinam tantum pertinere, quum non desint Theologi, qui tenent transiisse illud in dogma fidei post Synodum Tridentinam; ideoque tanto ardore Cyprianus pro disciplina Ecclesiæ Africanæ pugnavit. In his autem, quæ ad solam disciplinam pertinent, potest quisque pro more Ecclesiæ suæ decertare. Hæc itaque pro Cypriano.

In libro autem de Adul. conjugii docet Sanctus Pater Augustinus tenendam esse opinionem probabiliorum, & Catechumenum baptizandum, demonstrans in illo locum non habere Dominicam sententiam, *Nolite sanctum dare canibus*; quemadmodum non habet locum in pueris, qui propriam nequeunt exprimere voluntatem. Ait enim: *Eiamsi voluntas ejus incerta est, multo satius est nolenti dare, quam volenti negare*: ubi velit, an nolit sic non apparet, ut tamen credibilis sit eum, si possit, velle se potius fuisse dicturum ea sacramenta percipere, sine quibus jam credidit non se oportere de corpore exire. Et ibidem, *Quamvis petere sibi baptismum, vel ad interrogata respondere non possint, profit eis, quod eorum in fide Christiana jam nota voluntas est. Quod si oppositam sententiam tenentes non damnat, hoc ideo est, quoniam iis videbatur certa, & Domini præcepto cohærens*: ac proinde etiam hoc loco S. Pater probabilissimum oppugnat, quum doceat Catechumenum illum baptizandum, quia id est probabilius; excusetque sentientes contrarium, quod eis probabilius procul dubio apparebat.

Pariter in Epistola ad Hieronymum S. Pater Probabilistarum commenta refellit. Eo enim loci docet *solis Scripturarum libris, qui Canonici appellantur hunc timorem bonoremque deferendum, ut nullum eorum auctorem scribendo aliquid errasse firmissime credendum sit. Quomodo ergo fas est opinioni cujusque Theologi junioris absque ulla formidine adhærere? Docet alios ita legendos, ut quantalibet sanctitatis doctrinaque præpolleant, non ideo verum putandum sit, quia ita ipsi senserunt; sed quia vel per illos auctores canonicos, vel probabili ratione, quod a vero non abhorreat, persuadere potuerunt. Quomodo ergo dum animum pulsat adversa opinio, licet ob quamlibet auctoritatem ei contraire? Docet nec Hieronymi libros sic legendos, tanquam Prophetarum vel Apostolorum, de quorum scriptis quod omni errore caveant dubitare nefarium est. Quomodo ergo absque hæsitacione approbem quicquid Caramuel, Diana, Tamburinus, alii que scripserunt? Ita semper ex Adversariorum conspectu honestissime triumphos agimus. Probabilem vero rationem, quam contraria nequeat*

queat labefactare, & quæ a veritate non abhorreat, etiam nos dicimus inculpam; ac propterea diu in uno vocabulo non verſabimur.

Inſuper obijciunt aliorum Sanctorum teſtimonia. Leo Magnus in altera Epiſtola ad Ruſticum Narbonenſem, ait: *In his, quæ dubia ſunt, vel obſcura, id noverimus ſequendum, quod nec præceptis Evangelicis, nec decretis ſanctorum Patrum inveniatuſ adverſum*. Ergo ſat eſt, inquirunt, ſi opinio probabilis, quam ſequimur, ſacris Scripturis, ac Patrum documentis non ſit contraria. S. Thomas Aquinas citato articulo 13. Quodlib. v. 1111. concludit: *Si ex contrariis opinionibus in nullam dubitationem adducitur, ſic nec committit ſe crimini, nec peccat*. Itaque dummodo conſcientia dubia non ſit, ſed probabilis, etiam in conſictu diverſarum opinionum cenſenda eſt recta. S. denique Antoninus 1. p. tit. 3. cap. 10. ait: *Qui agit ſcienter id, de quo dubitat eſſe mortale permanente dubitatione peccat mortaliter. Sed ſi dubitet leviſer quis per modum ſcrupuli, agendo contra tale dubium non peccat, dum adhæret opinioni alicujus doctōris; & habet rationes probabiles pro ipſa magis, quam pro oppoſita opinione, &c.* laudatur & Antonini reſponſum, quod liceat ſequi quæcumque opinionem, dummodo ſit magni alicujus Doctōris.

Reſpondetur ad 1. veriffimum eſſe quod ſcribit S. Leo in dubiis eligendam eſſe opinionem, quæ non adverſetur Evangelicis præceptis, ſanctorumque Patrum decretis; ſed non inde ſequitur licitum eſſe operari dum conſcientiam pulſat dubium, graviſque ſuſpitione, alioqui recta foret etiam conſcientia fluctuans ac dubia, quod nullus aſſerit. Unum Magnus Leo hic jubet, ſupponit alterum. Jubet ne ſequamur opinionem, quæ ſacris literis, ac Patribus invenitur adverſa: ſupponit nos ſatis operæ locaſſe in veritatis inquisitione, & percepiffē nullum eſſe peccati periculum in opinione, quam ſequimur; quod in conſtitatione duarum æque probabilitium fieri non poteſt. Imo præcipit, ut æqua lance libratſ iis quæ libertati obſequuntur, & iis quæ divina. Lege interduntur aut jubentur, ad hanc tantum mores noſtros componere ſtudeamus. *Quis conſcientiæ ſuæ* (inquit ſerm. xi. de Quadrag.) *aut tam gratioſus, aut tam imperitus eſt arbiter, qui ignoret quid a ſe auferri, aut quid in ſe oporteat augeri? . . . Non ergo per omnia ſibi placeat, nec ſe ſecundum carnis oblectamenta dijudicet, ſed omnem conſuetudinem ſuam in divinatorum præceptorum lance conſtituat, ubi cum alia jubeantur ut fiant, alia interduntur ut non fiant, juſto ſe trutinabit examine, qui vitæ ſuæ mores ex utriuſque ponderis comparatione penſaverit.*

S. Thomas citato articulo aperte, ut vidimus, probabiliffimum oppugnat; ait enim, quod faciens contra legem non excuſatur a peccato, quamvis non faciat contra conſcientiam. Si vero eligat opinionem veram & legi conſonam, docet nullum committi peccatum, dummodo

modo contrariæ opiniones in dubitationem non inducant; quoniam tunc non operatur contra legem, neque contra conscientiam. Itaque per D. Thomam eligens opinionem contrariam legi, etsi probabilem, peccat. Deinde si eligatur etiam opinio vera, inducatur tamen ex contrarietate opinionum dubitatio, adhuc peccatum committitur, quia, homo eligendo temporalia ac libertati consona, exponit se peccandi periculo, ut ibidem docet Angelicus. Nego autem ex opinione aut probabiliori, aut æque probabili dubitationem hanc non induci. At legatur citatus articulus. Id unum aliquam parit difficultatem, cur falsam opinionem eligens ex invincibili ignorantia non peccet, quum faciat contra legem, si verum est, quod ait Thomas, *Illud quod agitur contra legem, semper est malum, nec excusatur per hoc quod est secundum conscientiam*. Hoc versat adversus Mercorum Wendrockius, & adversus Genettum Philalethes; quibus paullo infra curabimus satisfacere.

Petitum ex D. Antonino argumentum nullius est roboris. I. Quoniam loquitur eo loci de conscientia scrupulosa, quam ex levi motivo prodeuntem commonet esse deponendam; non de conscientia gravi momento innixâ, ac probabili. II. quia dum exigit necessarium esse ad peccatum vitandum, ut qui adhæret opinioni alicujus Doctoris, habeat rationes probabiles pro ipsa magis, quam pro opposita, aperte damnat æque probabilem, aut minus probabilem stantem pro libertate. III. Quia ibidem ad bonam conscientiam has condiciones requirit, ut qui tenet unam partem alicujus opinionis, habeat pro se notabiles doctores, ut talis opinio non sit contra auctoritatem expressam sacre Scripturæ, nec contra determinationem Ecclesiæ Catholicæ, ut ex contrarietate opinionum non inducatur ad dubitandum, ut formet sibi bonam conscientiam, & credulitatem de eo quod credit, tanquam de probabiliori parte, ut denique inquirat an sufficienter moveatur ad hoc quod est licitum. Hæ condiciones aperte demonstrant S. Antoninum nonnisi tutiorem ac probabiliorem sententiam probare: unde L'Herminier ait perperam, & frivole nobis Antoninum objici; illumque adversus Probabilistas laudant non solum Contentsonus, Charlas, alique Probabilissimi Oppugnatores, verum etiam Sanctius lib. 1. in Decalogum cap. 9. Addit Wendrockius nihil usitatus Casuistis, quam Antonini sensus aspernari, cujus hoc loco opponunt auctoritatem. At apertum est, ab Antonino recedere etiam Wendrockium ipsum, alioque rigidiore, qui negant fas esse sequi sententiam probabiliorum: quibus non assentimur. Responsum vero, quod tribuitur Antonino, sive Alberto Magno, si tamen genuinum est, quod negant complures, tenet eodem pacto pro conscientia scrupulis agitata, non pro dubia ac probabili; alias Antoninus secum pugnaret, atque ipsum Responsum proscriptum esset una cum propositionibus relatis Thesi 1. capitis præcedentis.

Oppo-

Opponunt præterea argumenta plura deprompta a ratione: quorum primum ſit. Poſteſt a Theologis propugnari abſque ullo periculo erroris ac deceptionis opinio minus probabilis, qualis eſt in ſententia noſtra de Gratia efficaci a conſenſu, & de ſufficientia attritionis ad gratiam in Sacramento recipiendam: imo cautum eſt Apoſtolice Sedis decreto, ne Theologi ſimilia tradentes aliqua cenſurâ notentur. Igitur etiam in praxi opinionem minus probabilem ſequi poſſumus.

Reſpondeo antecedens laborare æquivocatione; nam complures Theologi propugnant opiniones, quæ aliis ſunt minus probabiles; ſed nullus Theologorum eas opiniones amplectitur, aliſque tradit, niſi quæ ſibi videntur probabiliores. Sit in exemplo: Qui tenent gratiam efficaciẽ eſſe a conſenſu, veriſimilius eſſe putant, quod gratia ab intrinſecis ſuis efficax libertatem evertat; & qui ajunt attritionem ſufficere, putant hanc Tridentinorum Patrum mentem fuiſſe. Igitur antecedens verum eſt, ſi minus probabile accipiat pro eo, quod tale videtur aliis, non pro eo quod tale apparet ſibi ipſi. Quare argumentatio hæc retorquetur: Etiamſi Doctõr defendat ac tradat opinionem reprobam ab aliis; non tamen, ſi prudens ac verax ſit, aſſenſum præbet eidem opinioni, ne iue eam propugnat, niſi videatur ſibi aut certa, aut ſaltem veriſimilior. Igitur quamvis nonnulli ſequantur in praxi opinionem minus probabilem aliis; id tamen caute ac prudenter non faciunt, niſi eadem opinio aut irrefragabilis, aut ſaltem probabilior ipſis appareat. Si autem opiniones Scholarum ad fidem, moresque non ſpectent; latiffima quoque occurrit diſparitas: nempe quia diſputamus de opinabili, ut a veriſimili trahamur in agnitionem veritatis: ſed neſas eſt opinative operari, ne imprudenter in peccatum labamur. Appoſite S. Thomas Quodlib. 111. articulo 10. *Dicendum quod diverſe opiniones Doctõrum ſiquidem non pertineant ad fidem, & bonos mores, abſque periculo auditores utramque opinionem ſequi poſſunt, tunc enim habet locum quod Apoſtolus dicit ad Romanos, Unusquisque in ſuo ſenſu abundat. In his autem, quæ pertinent ad fidem & bonos mores, nullus excuſatur ſi ſequatur opinionem alienas Magiſtri: in talibus enim ignorantia non excuſat.*

Sit argumentum aliud. Si debeamus eligere opinionem probabiliorẽ, poſſumus etiam eligere minus probabilem; quum enim ſit omnium fere Theologorum ſententia quod ſus ſit ſequi minus probabilem, pars, quæ docet licere ſequi minus probabilem, eſt probabilior.

Huic argumentationi, quam urget in Apologemate Caramuel, abunde in Prænotatis ſatiſfecimus. Cedo mihi auctorem unum antiquum ante annum 1570., qui ſcripſerit licere ſequi minus probabilem: demonſtra magnam recentiorum partem pro meliori cauſa, ac ratione validiori, quæ auctõritati præferenda eſt, decertare: proferas vel unius ex poſtratis palinodiam. Sed ea, quæ ibidem proſequutus

sum, non receptam. Tria addam quam brevissime. Primum contingere aliquando ut magna Ecclesiæ pars non solum in moralibus disciplinis, sed etiam in fidei dogmatibus exorbitet a veritate: quo in casu accedendum est saniori parti, inquirenda veritas, vitandum peccati periculum, & cavendum sedulo, ne sequamur turbam ad faciendum malum. Alterum quod non omnes, qui stare videntur pro opinione probabili, revera subscribunt Probabilitatis; nam vel probabile ita accurate describunt, ut non sit tale quicquid non innititur momentis validioribus: vel loquuntur de opinionibus stantibus utrinque pro lege; vel exigunt conditiones paullo supra ex Antonio enumeratas; vel apponunt hyporhesin, si opinio in probabilitate persistat, quod fieri nequit in conflictu opinionis æque probabilis. At de his lege Contensonum in Vindiciis Thomistarum, Du-Hamelium Tom. IV. pag. 400., & ipsum Terillum Probabilitatem quæst. XXII. & XXXIII. de Conscientia. Tandem ex nostro antecedenti, *Debet eligi opinio probabilior*, si recentiores Casuistæ redderent sola auctoritate nominis sui opinionem magis probabilem, sequeretur quod non solum liceat sequi minus probabilem, sed etiam quod non liceat sequi probabiliorē. Quis autem ita desipit, ut id non licere pronuntiet? Non ergo tribuit opinioni majorem probabilitatem caterva contradicentium.

Proximum argumentum sit. Qui sequitur opinionem probabilem prudenter se gerit, sequitur enim opinionem conformem rectæ rationi, & existimationi virorum prudentum: talis quippe est opinio quæque probabilis. At non peccat qui prudenter se gerit. Non ergo peccat qui sequitur opinionem probabilem. Præterea opinio probabilis gravi momento est innixa: sufficit ergo ad moralem certitudinem, constituendam. Rursus etiam in conflictu opinionis contrariæ, remanet opinio suis rationibus suffulta, atque præsidio auctoritatis munita; potest ergo a viro prudente extorquere assensum. Rursus in concursu alterius nulla opinio probabilis cognoscitur falsa; remanet ergo absolute probabilis, & ad mores dirigendos idonea.

Respondeo hæc omnia jam a nobis fuisse plenissime refutata. Ad primum itaque nego majorem, si loquamur de opinione probabili in æqualis, aut probabilioris conflictu; tunc enim ex multiplici titulo deprehenditur imprudentia: primum quia non expenditur opinio opposita, non inquiritur veritas, & voluntas non a ratione æqua lance adest peccati periculum, mens ex contrarietate opinionum in dubitationem inducitur, & cum opiniones oppositæ consimili momento nituntur, nequit recte inter falsitatem ac veritatem discerni: tandem quia dum abicitur opinio stans pro lege, non seliguntur sagaciter optima, inferiora superioribus præponuntur, & non habetur accurata eligendorum ac rejiciendorum discretio. Nego itaque majorem. Ad secundum

ſecundum nego antecedens, ſi loquamur de opinione in alterius occurſu: non eſt enim momentum grave, cui aliud ejuſdem ponderis contraponitur, nec opinio apta eſt ad moralem certitudinem animo ingenerandam, niſi ſuffulta ſit validioribus, quibus trahamur, momentis; ut dictum ſupra, & confirmatum ab Eminentiſſimo Gotti Tom. VII. Th. pag. 298. Quod ſequitur faciliorem habet ſolutionem; nam in conſictu opinionis contrariæ, licet quæ ſtat pro libertate remaneat probabilis aut in ſe, aut in mente aliorum; non remanet tamen probabilis in mente operantis, qui hinc, inde varietate opinionum diſtrahitur: ac regula morum non eſt aliena conſcientia, ſed propria. Poſtremi argumenti nulla eſt conſecutio; nam in conſictu duarum opinionum æque probabilium, etſi neutra cognoscatur aperte falſa, utraque tamen cognoscitur contraria alteri probabiliter veræ: quod ſat eſt, ut nequeat una alteri prudenter præferri, & in regulam regendorum morum adſumi. Atque id a fortiori dicendum eſt, ſi opinio, quæ abjicitur, ſit probabilior.

Rurſus obijciunt. Sententia affirmans quod liceat ſequi opinionem probabilem, qua talem ab Eccleſia proſcripta non eſt, ac traditur a viris doctrina ac morum probitate conſpicuis. Cur ergo illam ſequi inculpate non poſſumus? Ad hæc ſi opinio appareat probabilis, non erit ſacris literis, ac doctrinæ Patrum contraria: ac proinde provide poterit teneri.

Ad primum reſpondetur jam ab Eccleſia definitum, quod non liceat ſequi opinionem tenui probabilitate innixam, ut vidimus Cap. præced. propoſit. prima: tenuis autem evadit probabilitas, quando ab æquali, vel majori oppugnatur; ideoque licet ſententia quorundam recentiorum non ſit expreſſe damnata, ex alia damnata rejici debet ac repudiari: nam quod ex falſa directe ſequitur, falſa merito reputatur, ut liquet ex regulis, quas in xii. de Locis Canus præſcripſit. Quamquam ſilentium Eccleſiæ nos ad inquirendam abſque diſſidio veritatem impellit, non eſt autem dirigendorum morum exacta regula; alioqui opinio alicujus junioris cenſenda erit probabilis, dum non conſtet rejectam eſſe tanquam improbabilem ab Apoſtolica Sede: quod eſt damnatum ab Alexandro VII. prop. 27. Ad alterum liquet ex dictis, in opinionum conſictu, quamvis neutra appareat adverſa Scripturæ aut Patribus, unam tamen apparere contrariam alteri, quæ probabiliter Scripturæ ac Patribus eſt conſentanea, atque id ſufficit, ne illa poſſit prudenter eligi, tametſi vel in ſe, vel in aliorum mente ſit verifimilis, ac probabilis.

Inſuper opponunt. Nullum dubium in praxi pulſat conſcientiam probabilem, quum judicio *reflexo* induat moralem certitudinem; neque adeſt peccandi periculum, niſi forte *materialiter*, quum ignorantia, ſive ſit invincibilis, ſive eorum quæ ſcire non debemus, excuſet
a cul-

a culpa. Corruit ergo quælibet adversus Probabilismum machinatio.

Respondeo certitudinem illam ex judicio *reflexo* exortam esse deceptionem singularem; ac dum pulsant animum opiniones contrariæ ignorantiam nullam adesse, nisi culpabilem, cum occurrat probabilis opinio contraria, ac præcepto conformis, quam plenissima libertate repellimus, ac propterea non *materialiter* tantum committi peccatum, sed & *formaliter*. At de his supra.

Adhuc obijciunt. Nonne opinione tantum probabili utuntur Medici, dum desperata ægroti valetudine adhibent remedium, quod fortassis arcessit mortem? Idem faciunt in belli discrimine duces exercitus; idem in causis forensibus iudices: idem in conducendis mercibus institor ac tabernarius. Te, antiprobabilista, appello. Si tibi sint duo nummi aurei, Italicus, & Hispanicus, æque probati rectique ponderis, nonne potes utrumque impendere, aut vicissim a debitore recipere? At utrique opinioni probabili suum, quemadmodum nummo aureo, stat pondus.

Respondeo his exemplis probabilismum everti; nam Medicos, nisi probabilius medicamentum adhibeant, graviter peccare vidimus ex Vasquesio; ac idem de ductoribus exercituum, aliisque dicendum est. Si aliquo in casu minus probabile eligant; id erit minus probabile in re, & ex parte *objecti*, non in mente operantium; alioquin gerent se admodum imprudenter. Si unum sit quod eligant, illos excusabit necessitas: si plura occurrant; in quo periculum viderint, illud vitabunt; si malum utrinque impendat, fugient deterius: si neutra ex parte infortunium imminet; agant, si adsit par ratio, quod lubeat. Atque ita, si utraque opinio sit legi uniformis, cum in nulla possis legem transgredi, amplectere utramlibet. At si altera prohibeat opus, quod aggredieris, nec ulla te adigat agendi necessitas; quam prudentia illam sua probabilitate munitam abjicies? Quod ergo Medicus in corporis valetudine curanda, id tu agere studeas in ægritudine animi. Adverte aliud esse eligere probabilia & errori obnoxia, aliud id facere ex sententia probabili, dubiisque jactata. Si prudenter eligas quod male vertat, immunis eris a culpa; ita enim Medicus, ita belli imperator, ita mercatores excusantur. At si imprudenter eligas, & varia opinione distractus, nullam habebis excusationem. Apagesis cum aureis nummis. Hispanicum probatoris auri reponis in marsupio, Italicum minus fulgidum, nisi utrumque recondere valeas, istud erogas: si a debitore exhibitum opineris aut adulterinum, aut erosum, probum petis, ac ponderas in libræ lance. Hoc pacto tene probabilior sententiam, dimitte minus probabilem; & dum plures contrariæ occurrunt, observa quanti pendant, & rejice minus tutam.

Argumentantur ulterius. Prudens existimatur qui litem suam uni Jurisconsulto committit, qui ægroans Medicorum unum percelebrem advo-

advocat ; & qui unius præceptoris doctrina imbutur , qui unum Pa-
rochum , aut unum Confefſarium frequenter adit .

Reſp. Immo in cauſis magni momenti plurimos conſulis , nec ac-
quieſcis ſententiæ unius ; & poſt contrariam ſententiam ad ſuperiorem
Judicem provocas . In corporis pariter ægitudine nonne expetis plu-
rium medicorum conſilium ? Id ergo magis expedit facere , ne patiaris
animæ detrimentum . Non damno tamen , ſi uni probo , doctoꝝque vi-
ro te dirigendum committas , ejuſque præceptionibus obedias , dum-
modo Deum depreceris ut mentis , tuæ tenebras diſcutiat , & ſupernæ
illuſtrationis tibi donum impertiatur , & dummodo traharis , non cu-
piditate , ſed caritate , habensque conſcientiam rectam non diverbe-
reris opinionum conflictatione ; ac denique , ſi hæc inſurgat , quæras
ſagaciter veritatem , ſtudeasque legem præponere libertati .

Denique opponunt Probabiliſtæ . Tenentur Religioſi viri , imo &
Catholici omnes ex opinione probabili interdum ſibi regulam morum
 præſcribere . Religioſi quidem viri , quia poſteaquam ſe obedientiæ
voto obſtrinxerunt , ſi eis Superior præcipiat quod ipsis minus proba-
bile appareat , dum non conſtat eſſe peccatum , tenentur adimplere
præceptum . Fideles item univerſi colere debent diem feſtum Conce-
ptionis Deiparæ , quam ſine originaria labe fuiſſe conceptam fert opi-
nio tantum probabilis . Quod ſi probabilitas ſat eſt ad ſtatnendum cul-
tum religionis , ac publicam Eccleſiæ feſtivitatem ; multo magis ad re-
gendam privatam conſcientiam erit ſufficiens . Denique ſi nos ad te-
nendam opinionem probabiliorem adigamur ; neceſſum quoque erit
eligere tutiorem , atque ita omnes cucullum induent , aut capient ge-
nus aliud vitæ aſperriſſimum atque duriffimum , ni velint abripi in ge-
hennam . Antiprobabiliſtæ igitur ſunt erga religioſos homines , erga
Cultores Deiparæ , erga probos conjuges , omnemque popularium or-
dinem nimium rigidi .

Reſp. probum ac bene moratum religioſum poſſe ad Superioris
præceptum prudenter exuere dubitationem , quam præconceperat ;
imo debet deponere iudicium ſuum , animadvertens ſuperiores gerere
Dei vices , & pro nobis vigilare , quaſi rationem pro animabus noſtris
reddituros , ac memoria repetens , quod ait Dominus : *Qui vos audit ,
me audit : & qui vos ſpernit , me ſpernit* . Vide Suarezium lib. vi. de
legib. cap. 8. & Thyſum Gonzalez Diſſert. xiv. Religioſus itaque ju-
dicio proprio depoſito jam induit opinionem probabiliorem ac certam
moraliter . Quod ſi adhuc præcedentis opinionis momento valido pre-
meretur , poſt adhibitas preces exploratamque conſcientiam , nego
quod poſſet ea repugnante cujuſvis hominis mandatum exequi .

Ad ſecundum plura in Notis ad literas Montaltii Wendrockius .
Ait Caramuelem , Theophilum Rainaudum , alioſque Probabiliſtas aſ-
ſerere quod nequeat in dubium revocari , quia intemerata Virgo po-
tius

tius absque macula concepta fuerit : etiam Alexandrum VII. declarasse opinionem illam religiosam ac piam : certissimum esse, quod cultus beatæ Virgini sit exhibendus, & celebranda gratiæ beneficia divinitus ipsi collata : recoli propterea in Conceptionis solemnitate sanctificationem Deiparæ, quocunque tandem momento peracta sit : eos, qui sibi certo persuadent Virginem sine labe conceptam, duci in recolenda Conceptione sententia, quæ sibi probabilior est, atque ex hoc capite nihil argumentum convincere ; si quis sentiat oppositum, hunc venerari Deiparam, sed non ei de tam eximio gratiæ privilegio ex corde plaudere, non defectu devotionis, sed potius affectu sinceritatis, ne simulate illi congratuletur : hunc ad summum Conceptionem solemniter celebrare sub tacita conditione, si nimirum revera sit Dei mater tam singularis gratiæ munere condecorata . Neccessarium non arbitror, ut hæc minutatim revocentur ad trutinam : etenim si Pontifex decrevit religiosam ac piam esse sententiam, quod Virgo concepta sit absque macula originali, indixitque ob hanc rem festum diem ; quidquid sit de facto, quod in quæstionem nefas est revocare, jam redditur probabilior decreto ipso sententia affirmans Conceptionem Virginis colendam esse ; sive privilegium istud consequuta fuerit, & æquum sit illud concelebrare : sive res ambigua sit, ac non debeat in dubio ad factum, non ad jus pertinere, hac veneratione privari Dei Genitrix gloriosissima ; cui nemo mortalium *digne valet jura gratiarum, ac laudum præconia rependere*, ut ait Auctor sermonis 18. de Sanctis, inter Opera Augustini .

Ad postremum responsio est facillima ; si enim opinio minus tuta sit probabilior ; qui illam sequitur prudenter se gerit, quum moveatur ratione firmissima : ideoque non se exponit peccandi periculo . At in opinione minus probabili contingit oppositum . Si tamen opinio sit tuta in se, qualis est sententia probans conjugium, vitamque laicalem, sed alicui videretur, ob sui conditionem, proximumque diferimen obnoxia peccato, haud dubium, quod is debeat amplecti arctioris vitæ institutum, nisi suppetat alia ratio vitandi peccatum . At de his, quæ expedita fuerunt in Prænotatis, nunc attenuate pressèque disseruimus .

C A P U T XVI.

An in aliis judicandis, aut dirigendis sequi possimus opinionem minus probabilem .

EXCISA fallax probabilitatis doctrina protulit mala quædam germina, quæ simul cum illa evelluntur ac dissipantur . Ex eo enim, quod unicuique liceat sequi minus probabilem opinionem, collegunt posse

poſſe virum Theologum aliis proponere ſententiam, quam ſibi falſam eſſe perſuadeat, dum illam aliquis doct̃or propugnet; licere laico varios adire Confeſſarios, donec inveniatur qui reſpondeat ad ejus libitum; ſi afficiatur firmo animo nihil gerendi conſcientiæ probabiliter adverſum; debere Confeſſarium abſolutionem impendere pœnitenti ducto opinione probabiliter, quam idem Confeſſarius improbabilem putat, tametiſi nolit pœnitens ſuam opinionem deponere. Hæc inter Probabiliſtas tradidit Laimanus Th. Moral. lib. 1. Tract. 1. cap. 5. §. 2. Caſtopalao lib. 1. Tract. 1. diſp. 2. p. 3. Sanchez lib. 1. Decalogi cap. 9. Baſnii Tract. 14. q. 13. & cum aliis plurimis Eſcobariis lib. 2. n. 113. Sunt quidem hæc omnia hætenus reſutata: quum enim debeamus præcepto caritatis diligere proximum ſicut nos ipſos, quod vidimus nobis non licere, nec aliis fas erit proponere. Brevi tamen & hæc ſingillatim excutiamus.

PROPOSITIO I. Non licet viro Theologo ex ſententia, quam ipſe oppugnat, cenſetque minus probabilem, alteri conſilium dare, tametiſi non ignoret eandem ſententiam tanquam probabilioſiorem ab aliis quibus propugnari.

Traditur hæc veritas in veteri, novoque Teſtamento. Malachias enim cap. 2. verſ. 7. inquit: *Labia Sacerdotis cuſtodient ſcientiam, & legem requirent ex ore ejus, quia Angelus Domini exercituum eſt*: Angelus ſacerdos dicitur, quaſi nuncius jſſorum Dei, & præceptorum, quæ illi Dominus proponit, interpretator ac prece. Non ergo requirentibus ex ore ejus legem, & quid ſibi agendum ſit conſulentiſus, gerit ſe tanquam Angelus Domini, ſi nunciat ea, quæ non audit, atque adverſus conſcientiam ſuam inſtruit ignaros. Deinde Apoſtolus in 11. ad Corinth. cap. 1. ait Apoſtolicum muneris decus eſſe evangelizare ex fide, & juxta intimos conſcientiæ ſenſus: *Nam gloria noſtra hæc eſt* (inquit verſu 12.) *teſtimonium conſcientiæ noſtræ*; atque hoc teſtimonium inde comprobatur, quod Corinthiis loquutus fuerit *in ſimplicitate cordis, & ſinceritate Dei*, ſcilicet ſincero animo, tanquam Deo ſpectante atque audiente. Addit verſu 17. *Nunquid levitate uſus ſum, aut quæ cogito ſecundum carnem cogito, ut ſit apud me Eſt, & Non?* Levitatem appellat conſuetudinem illorum, qui aliud habent in animo, aliud in ore; ſuadet enim Corinthiis ſe habuiſſe ſinceram voluntatem ad illos redeundi: & quaſi mirabundus, quod ipſum vanum mendacemque haberent, *Nunquid* (ait) *eſt apud me Eſt, & Non?* Nunquid ore affirmo, quod negem animo? Exhibet ſenſum hunc Græca phraſis, qua Paulus utitur, *ναί, & ὀχι*, quæ tranſiit etiam, auctore Feſto, in proloquium. Qui ergo juxta conſcientiam ſuam non inſtruit plebem levis eſt corde, quia habet *Eſt* in labiis, & *Non* in pectore; atque vituperat Apoſtolicum miniſterium, quia non comprobatur diſpenſationem doctrinæ teſtimonio conſcientiæ. Idem Apoſtolus ad

Th. IV,

R r

Ephē-

Ephesios iv. 25. jubet, ut loquatur *veritatem unusquisque cum proximo suo; quoniam sumus invicem membra*. At veritatem non loquitur, qui illam occultat, imo aliorum dicta, quæ putat falsa, ut blandiatur discipulis peritissime, & callidissime venditat.

Addamus explicationis, non convicii gratia, Evangelica exempla. Pilatus credidit Christum infontem esse, ac Phariseorum invidia traditum: illum autem damnarunt Pontifices tanquam blasphemum, & Scribæ omnes tanquam populi subversorem, & jura Cæsaris invadentem. Ergo si fas sit juxta aliorum opinionem sententiam dicere, ac definire veritatem; Pilatus rectus fuit judex, præsertim cum Christum supplicio addiderit, non ad unius accusationem, sed omnibus legisperitis affirmantibus malefactorem esse, & universo populo clamantem, *Reus est mortis*. Est ergo Pilato deterior, qui firmissime tenens hoc licitum esse, illud illicitum, ob opinionem aliorum, nec communem, nec tanta assertione firmatam, adversus conscientiam suam contrarium pronuntiat. Exemplum istud ingeniose tractat in hac *Quest.* Merbesius P. 1. Summæ Christ. q. 32. At aliud ego proferam nequaquam adversariis injuriosum. Christo explorante fidem Apostolorum Mat. xvi. 13. & interroganti, *Quem dicunt homines esse Filium hominis?* nonnulli referunt aliorum opiniones duntaxat, dicentes, *Alii Joannem Baptistam, alii autem Eliam, alii vero Jeremiam, aut unum ex Prophetis*. Atque ita respondentes nec laudari video, nec reprehendi. Dum vero ait illis Christus: *Vos autem quem me esse dicitis?* Petrus non humanæ intelligentiæ ambiguitate, sed firma confessione respondit: *Tu es Christus filius Dei vivi*; promeruitque singularem laudem, quia illum terrena opinio non fefellit. Quod si respondisset, *Christus est Elias*, juxta aliquorum hominum opinionem, nonne merito fuisset reprehensus? Si ergo a te fidei morumque doctrinam petentibus respondeas hoc Baunius docet, illud Vasquesius, istud Sanctius; recitas opiniones hominum, nec promereris laudem, aut vituperium: si dicas quod tibi interior ac firma conscientia proponit, loqueris ut Christi discipulus, & commendandus eris juxta conscientiæ tuæ rectitudinem; si contra conscientiam tuam faciendum asseris quod scripsit Baunius, aut Sanctius, merito te reprehendam.

Ac videtur qui contra propriam conscientiam alios instruit imitari consuetudinem Priscillianistarum, quos Augustinus cap. 2. libri contra Mendacium ceteris hæreticis pejores appellat, propterea quod *ipsi soli, vel certe maxime ipsi reperiuntur ad occultandum suam, quam putant veritatem, dogmatizare mendacium*. Etenim mentitur quisquis loquitur, quod falsum existimat, nec non qui verum enuntiat, quod non putat verum, ut idem Augustinus demonstrat in libro ad Consentium, cap. 3. & 4. Si ergo falsam putas sententiam, quam alius probat, eamque proponis a te consilium petenti, mentiris; loqueris enim quod existi-

existimas falsum . Ex alio capite occultas tuam , quam putas veritatem . Igitur imitatis Priscillianitas in hoc malo ceteris hæreticis iniquiores : quod salva caritate argumentationis causâ dictum sit . Facebat itaque ob omni fidelium societate illa quorundam doctrina : *Nihil a ratione alienum fore , si Doctor consultus significet consulenti opinionem a quibusdam viris doctis tanquam probabilem defendi , quam proinde sequi ipsi liceat ; quamvis idem Doctor ejusmodi sententiam speculative falsam certo sibi persuadeat , & proinde ipsimet in praxi eam sequi non liceat .*

Hanc Probabilistarum assertionem aperte ratio ipsa refellit . Si spectemus consilarii officium , est inspicere quid expediat ei , cui datur consilium : unde Paulus in 1. ad Corinth. v. 11. 35. dans consilia de servandis virginibus , Porro , inquit , *ad utilitatem vestram dico . Qui enim consilarii munus explet sui causâ , ut ille , qui apud Martialem ajebat , Utile quod nobis , do tibi consilium , is consiliarius malus est , de quo Ecclesiasticus xxxv 11. 9. A consiliario serva animam tuam .* Debet proinde consilium dare ut vitetur , quod ipse putat corpori aut animo nociturum . Nemo quippe est , qui non horreat aut medicum adhibentem remedia , quæ putat mortem probabiliter allatura , aut negotiatorem hortantem ad ineundam societatem , ex qua timet grave aliquod detrimentum . Atque id magis observandum est , dum agitur de salute animæ , quæ si pereat , nihil prodest homini , etiamsi mundum universum lucretur . Inspiciendum præterea , quinam sit ipse Consiliarius : qui in hoc casu summi Dei implet ministerium , dicente Apostolo 11. ad Corinth. v. 20. *Pro Christo legatione fungimur , tanquam Deo exhortante per nos .* Tandem consideranda ipsa conditio petentis consilia hominis , scilicet Christiani , ignari , veritatem querentis , & Evangelii lege inviolabili obstricto . His accurate inspectis , liquido constabit Theologum qui adversus opinionem suam alteri dat consilium , non fungi munere consilarii , quia non proponit , quod conscientia sua magis expedit : non se gerere tanquam Ecclesiasticum virum , quia tanquam *exhortante Deo* non loquitur veritatem ; & non habere rationem petentis consilia , quia illum non hortatur ad facienda opera juxta judicium suum digna homine Christiano : ac propterea doctrina Probabilistarum tanquam contraria sacris literis , repugnans Evangelicis institutionibus , & adversa rationi , est omnino explodenda . Atque hoc erat theorema nostrum .

PROPOSITIO II. Non licet homini ignaro varios Casuistas adire , eo animo , ut tandem inveniat benigniorem aliquem affirmantem esse probabile , quod alii improbant , sibi que fas sit eligere quod magis libet .

Illud enim Ecclesiastici xxx 11. 19. *Qui querit legem , replebitur ab ea ; & qui insidiosè agit , scandalizabitur in ea ,* uti eruditionem promittit legem scrutantibus ut faciant eam , virosque doctos consultantibus ne in errorem inducantur ; ita minatur deceptionem qua in-

legem impingat ei, qui *instituto*, sive ut Græcus habet, *ὀργανισμῶς*, simulans se querere institutionis disciplinam, dum vestigat quomodo absque conscientie stimulo indulgeat cupiditati, adit humaniores Confessarios, Theologosque præditos singulari erga omnes facilitate. Propterea Apostolus in 1. ad Thessal. 2. vers. 10. ait Deum mittere in operationem erroris, ut credant mendacio, eos, qui *caritatem veritatis non receperunt, ut salvi fiant*: quod Dominus olim comminatus fuerat per Ezechielem cap. 14. At qui opinionem probabiliorē stantem pro lege parvi facientes inquirunt alteram benigniorem libertati percommodam, rejiciunt beneficium divinæ illustrationis, caritatemque præferentem præceptum Domini humanæ consuetudini. Perfine ergo se gerunt, Deumque provocant, ut tradat illos in desideria sua, & eos mittat in operationem erroris.

Querit Augustinus cur Balaam dignus esset, quem asina corripere; & Q. XLVIII. in Num. respondet, Balaam prohibente Domino ne pergeret ad Balaac regem Moabitarum iterum Dominum consulisse; permittentē autem ut iret, statim se viæ commisisse, atque ita demonstrasse cupiditatem suam, ac desiderium munerum, quæ cap. XXI. Num. vers. 7. appellantur *divinationis pretium*: ac propterea promeruisse Domini indignationem. *Cur post istam permissionem* (inquit S. Pater) *Dominum iterum non consuluit, & post illam prohibitionem iterum consulendum putavit, nisi quia ejus maligna cupiditas apparebat, quamvis timore Domini premeretur?* Ita prorsus agunt qui plures consulunt, ut licite faciant quod libet. Si audiant Dominum prohibentem, iterum consilia petunt: si inveniant permittentem, absque ulla hæsitatione operantur: digni profecto, in quos Deus spargat pœnalem cæcitatem, & quos cum Balaam asina ipsa corripiat.

Hinc si Chrysostomi verbis commonefeci paullo supra, qui negligunt inquirere veritatem, & tanquam in pulvino, in opinione favente libertati quiescunt, ut imitentur eos, qui vestimenta empturi circum-eunt unum negotiatorem & alterum, & qui impensam sibi pecuniam propria manu ponderant, ac enumerant: nunc inquirentes qui auribus suis serviant, commonco Apostolicis verbis in 2. ad Tim. IV. 3. *Ne ad sua desideria coarcent sibi magistros, privantes auribus; verbisque Irenæi lib. IV. adv. hæreses cap. 44. A pravis Sacerdotibus abstinere oportet, adbarere verd̄ iis, qui Apostolicam doctrinam custodiunt, & cum presbyteri ordine sermonem sanum, & conversationem præstent sine offensa, ad informationem, & correctionem reliquorum.* At secunda thesis facile his expeditur.

PROPOSITIO III. Non debet Confessarius absolutionem impendere iis, qui sequuntur opinionem minus probabilem stantem pro libertate, illamque nolunt deponere.

Hanc propositionem, quam falso Probabilitæ ajunt ab omnibus, vel

vel fere omnibus reprobari, quum illam propugnent quotquot reſel-
lunt probabiliffimum, demonſtrant argumenta omnia cap. xv. & quæ
proximus nuper propoſitione prima. Nam ſi nefas eſt ſequi opinio-
nem minus probabilem, neque illam poteſt prudens Sacerdos tradere
eundem conſulti; quo jure tali opinione utetur in adminiſtratione
Sacramenti, in exercenda poteſtate ſibi divinitus tradita, in Chriſti mu-
nere implendo, in afferendo puſillorum animæ remedio ſalutis? Eam-
dem tamen propoſitionem duplici argumento confirmabimus; quorum
unum ex prærogativa Confeſſarii, alterum ex conditione pœnitentis
depromitur. In Confeſſario attendi poteſt judiciaria poteſtas, ſcien-
tia, qua diſcernat inter lepram, & lepram, ac prudentia per quam
debet tanquam ſpiritualis medicus animorum ægitudini pharmacum
adhibere. Judicem non poſſe judicare juxta opinionem minus probabi-
lem, liquet ex propoſitione ab Innocentio XI. proſcripta. Medicum
homicidam eſſe, ſi adhibeat medicamentum quod probabilis cenſet
nociturum, indulgeatque ægrotorum opinioni, ratio ipſa ſuadet, nec
diſſentur Adverſarii. Spectare demum ad ſpiritualis Judicis ſcientiam,
atque auctoritatem ut propria ratione quod debeat judicare diſcernat,
commonſtrat ratio ipſa judicii, & definitum eſt cap. *Qui vult*, de
Pœnit. Quum itaque Confeſſarius abſolutionem impendens reo nolenti
deponere opinionem ſuam, exerceat judiciariam poteſtatem ſpectat
conſcientia, non diſcernat intimo ſenſu, quod debet decernere, &
ægroti vulncribus non oleum infundat, ſed laxativam mulcedinem;
indignus propterea eſt, cui committatur ſpiritualis Judicis auctoritas,
animarumque curatio.

Ex alia parte pœnitens ſiſtere ſe debet ad ſacerdotis tribunal tan-
quam reus atque infirmus. Reo autem non convenit proferre judicium,
neque infirmo præſcribere medicamentum. Tantummodo ſi & ipſe
ſit juris ac medicinæ peritus, poterit humiliter proferre propriam
opinionem, eaque ponderata Juxta ac Medicus, ſi noverint meliorem,
illa utentur: quum enim per mentis judicium alterius ſententiam ap-
probant, jam non alienam conſcientiam ſequuntur, ſed propriam. At-
que hoc in pœnitentiæ foro ſi fiat, non improbo. Sed audiat Proba-
biliſtarum flagellum, & J. CC. decus maximum Fagnanus ſuper Caput
Innititur, de Conſt. num. 304. *Cum abſolutio Sacramentalis ſit actus
judicialis, & Sacerdos ſit vere & proprie judex, ad eumque ſpectet di-
ſcernere inter lepram, & lepram, & pœnitentem abſolvere vel ligare;
per hanc doctrinam Sacerdos non fungitur amplius judicis officio, ſed
ſubditus ordine inverſo aſſumit ſibi judicium conſcientiæ ſuæ, & eligit
ſuo arbitrato ſententiam ligantem aut ſolventem. Nam cum Sacerdos
judicat eſſe reſtituendum, negotiationem relinquendam, aut quid ſimi-
le, ſtatim pœnitens objicit extare ſuper hoc opinionem probabilem ſibi fa-
ventem, & eſſe in ſua facultate illam eligere. Vnde in foro animæ Ju-
dex*

dex cogitur sequi iudicium rei, & non reus iudicium Sacerdotis; quod quam sit absurdum nemo non videt.

Quæ opponunt Probabilistæ, ex dictis obviam habent solutionem. Inquiunt denegandam non esse absolutionem pœnitenti sufficienter disposito. Verum ex dictis constat hanc dispositionem non haberi: si enim pœnitens novit opinionem suam esse minus probabilem, aut pugnare cum alia æqualiter probabili, & illam tamen velit pertinaciter tenere, necque vult vitare peccandi pericula, neque in dubiis partem eligere tutiorem. Si autem adhæreat opinioni suæ tanquam probabiliori, audiens a Confessario se in errore versari, debet veritatem diligenter inquirere, ac promittere se, omnium partium studio deposito, daturum operam orationi, ac optimorum librorum lectiōi, ac primum legem Domini divinasque Scripturas, deinde statuta Conciliorum, decreta Pontificum, documenta Sanctorum, Theologorum sensum, & humanam quoque rationem diligentissime scrutaturum. Quod si facere nolit, repellendus est, quoniam non vult intelligere, ut bene agat. Si affirmat se aut ingenium aut tempus non habere ad hæc expendenda; obijurgandus est, quod cum careat ingenio & exercitamento doctrinæ, velit tamen, opinionem suam proponere illi, quem Ecclesia sibi constituit iudicem, non discipulum. Si e contra valeat plurimum ingenii acumine, & eruditione, eamque velit ostentare; poterit Sacerdos respondere se iudicis tribunal conscendisse, non cathedram disputantis. Humillime tamen proferenti rationem conscientia suæ, si hanc Sacerdos percipiat esse probabiliorē, ut dixi, absolutionem impendat. Reliqua Adversariorum argumenta præcedenti capite fuerunt rejecta, atque explosa.

C A P U T XVII.

Emolliendum esse nimium quorundam rigorem, qui tenent nullam conscientiam probabilem in materia juris naturalis excusare a peccato.

QUI nullam inculpabilem ignorantiam juris naturalis admittunt, consequenter docent in iis, quæ ad idem jus pertinent nullam opinionem vel probabilissimam reddere operantem immunem a culpa; nam, inquiunt, si falsam opinionem eligat, nequit error excusari, cum sit vincibilis, voluntarius, ac adhibitâ diligentia facile potuerit expelli, ideoque amplectens opinionem probabilem plenâ libertate peccandi periculo se committit. Ita sentiunt Joannes Sinnichius, Guilhelmus Wendrockius, noster Vanroy, Norbertus Elbecquæ, & quos laudavi cap. xi. Genettus, & Ballerinius. Si adversus istos

iſtos opponas propoſitionem damnatam ab Alexandro VIII. *Non licet ſequi opinionem vel inter probabiles probabiliffimam* ; facile ſe expedient dicendo merito fuiſſe proſcriptam ; quia cum univerſalis ſit , & conſcientia probabilis aliquando excuſet a culpa in iis , quæ ſpectant vel ad *factum* , vel ad *juſ* poſitivum , abſque ulla exceptione prolata apertiffime falſa eſt .

Sententiam noſtram poteſt quiſque deprehendere ex capite 10. & 11. hujus libri , ubi de ignorantia diſputavimus . Oſtendimus non poſſe invincibiliter ignorari legem naturalem quantum ad prima principia , & ad præcepta , quæ evidentè inde inferuntur ; ignorari tamen a plurimis abſque culpa quantum ad ea , quæ remote , & perplexa rationatione ex iſdem principiis , præceptiſque inferuntur , dummodo qui tali ignorantia laborat , in eligendis , rejiciendiſque dijudicandis omnem , quam prudentiæ jura præſcribunt , adhibuerit diligentiam . In jure poſitivo dari ignorantiam invincibilem nec Catholicus negat , nec Janſenianus , nec rationabilium quiſpiam . Ignorantiam *facti* , ſi ſit eorum quæ prævideri aut non poterant , aut non debebant , excuſare a peccato nemo pariter inſiciatur . Hinc ſequitur opinionem vere probabilem , & quæ appareat gravi fundamento innixa , etiamſi in ſe falſa ſit , conſtituere conſcientiam rectam ; dummodo non verſetur circa principia , & notiora præcepta juris naturæ , & dummodo non pugnet cum opinione æque probabili , aut probabiliori , nec talem dubitationem pariat , quæ exponat operantem peccati periculo ; uno verbo , dummodo ingeneret conſcientiam moraliter certam , nec propria voluntate obcæcatam . Proximo tamen theoremate hæc omnia confirmabuntur .

PROPOSITIO . Sequi poſſumus in qualibet materia ſive juris , ſive facti , ſententiam probabilem , quæ poſt diligentem veritatis inquisitionem appareat oppoſitâ ſententiâ probabilior : quod tamen in per ſe notis , obviſque præceptis legis naturæ nequit occurrere .

Opinionem quippe probabilem hoc loco illam appello , non qualem fingunt plurimi , innixam cuicunque momento , ſive petito ex auctoritate alicujus recentioris , ſive ex humana ratione aut præjudiciis affecta , aut noxia cupiditate , aut voluntaria ignorantia ſed quæ probetur omnibus , aut pluribus , vel ſapientioribus , & iis vel omnibus , vel plurimis , vel maxime notis : quæ aut ex definitione Conciliorum , aut ex ſacris literis , aut ex doctrina Patrum , aut ex rationis lumine dijudicetur ; & quæ inhæreat homini non affectata cæcitate , noxiſque cupiditatibus abrepto , ſed veritatis amatori , & ad eam aſſequendam conſilia , preces , ſtudiumque adhibenti . Qui enim hac præcautione ſequitur opinionem probabilem , prudenter ſe gerit , vitat peccandi pericula , & conſcientiam moraliter certam habet in corde . Et quod prudenter ſe gerat liquet , quoniam diſcernit inter eligenda ac rejicienda , eaque probat , quæ præmiſſo debito examine recta & inculpata exiſti-

existimantur: quod vitet peccandi periculum constat, nam ne in legem impingat, doctos consulit, Deum orat, ponderatque momenta rationis; quod habeat denique conscientiam moraliter certam patet, propterea quod ad moralem certitudinem non requiritur evidentia quædam geometrica; & si animum pulset levis tenuisque hæsitationis nubecula, fuganda est gratiæ divinæ illustratione, lumine rationis, optimaque consultatione; alioquin conscientiarum omnium prudentior, ac præstantior esset illa, quæ scrupulis valde agitur, utpote quæ exili, tenuique causâ angitur ac percellitur. Igitur opinio probabilis ita ac ne circumscripta constituit optimam, rectissimamque conscientiam.

Veritatem istam comprobant omnia genera argumentorum. Primum petitur ex sacris literis. Deuteronomii xvi. 1. 8. legimus: *Si difficile & ambiguum apud te iudicium esse perspexeris inter sanguinem, & sanguinem, causam & causam, lepram & lepram: & iudicium inter portas tuas videris verba variari: surge & ascende ad locum, quem elegerit Dominus Deus tuus. Veniesque ad Sacerdotes Levitici generis, & ad iudicem qui fuerit illo tempore; quæresque ab eis: qui indicabunt tibi iudicii veritatem: & facies quodcumque dixerint, &c.* Cur ergo rusticus ambigua conscientia pulsatus humiliter accedens ad Parochum, & ad Confessarium, quem probum ac doctum deprædicant, prudenter non facit quod illi suadent? aut vir doctus tanta auctorum discrepantia distractus, sacrorum librorum lectione, ac ponderatis sacrorum Canonum, & Romanorum Pontificum definitionibus prudentissime non dispellit priorem hæsitationem? Si ita esset, frustra Sacerdotes consulereutur, ac perperam colerentur studia sacra, ad eas præsertim controversias dirimendas, in quibus aut non omnes conveniunt, aut haberi non possunt metaphysicæ demonstrationes; quia opinio unius aliquam saltem tenuem opinionem ingeneraret, & deficientia rationis evidentissimæ scire omnia opera tanquam illicita reprobat.

Alterum argumentum, ne multus in disceptationibus videar, simul ex Ecclesiastica historia, ex sanctis Patribus, & Pontificum definitionibus petitur. Invenimus enim complures sanctitate, doctrina, & dignitate Ecclesiastica summos viros propugnasse opinionem non solum non probabilissimam, sed aut falsam, aut saltem reprobam ab aliis, & tamen inculpate se gessisse, quoniam ipsis apparebat probabilior, & ceteris præferenda post exactam veritatis inquisitionem. Mitto beatissimum Cyprianum, qui pugnans pro rebaptizatione aut nullo pacto, aut venialiter tantum erravit, etiam si sciret sententiam suam a pluribus oppugnari: nam de ipso dixi capite xv. Theodoretum, Acacium, Proclum, magnum quoque Hieronymum quis damnet, quod scripserint posse bigamum in sacrum ministrum assumi, interpretantes verba Apostoli 1. ad Timoth. 1. 1. 2. *Oportet Episcopum esse unius uxoris virum*, de bigamia *simultanea*, qualis olim viguit divina dispensatione

fatione in Abraham & Jacob , & nunc ſervatur improba conſuetudine a Saracenis ? Nullus pariter de gravi peccato illos arguet , qui iterarunt conſecrationes factas ab Episcopis hæreticis ac ſimoniâcis ; eoſque , qui ſæculo decimo & duodecimo docuerunt nunquam extremam unctiõnem poſſe iterari . Damnaſſe tertias nuptias Gregorium Nazianzenum , Baſilium , alioſque Patres , repugnantibus tamen plurimis , nec tamen reprimendi , latet neminem . Poſſe conſecrari in Episcopum , qui juravit ſe ordinationem non admittere , ſcripſit Athanaſius ad Dracontium , eumque poſt tale jurementum in Episcopum ordinavit , quamquam id illicitum opinarentur Baſilius , Palladius , & qui ob eam rem Formoſum Papam etiam poſt mortem degradandum exiſtimarunt . Per adulterium ſolvi vinculum matrimonii , ut poſſit vir innocens aliam ducere , pluribus perſuaſum fuit ; ut liquet ex Epistoſia Aviti Episcopi Viennensis , atque ex Synodo Tiburiensi . Diſpenſarunt in matrimonio rato , & non conſummato , abſque ullo prorsus errore Paulus IV. & Adrianus VI. , & a voto ſolemni caſtitaſis Alexander III. Pius V. & Gregorius XIII. , quamvis contraria opinio extiterit penes aliquos exiſtimantes hujusmodi diſpenſationes invalidas . In ipſo matrimonii Sacramento nullam gratiam conferri perſuaſum fuit Petro Piſtavenſi , nec non Jacobo de Vitriaco , & Roberto Pullo S. R. E. ampliſſimis Cardinalibus . Innumeris propemodum Theologis placet ſufficere in Sacramento Pœnitentiæ attritionem omni caritate expoliata , & poſſe occidi inſultum vitæ aggreſſorem , quæ duo Noſtrates fere omnes oppugnant . Hæc aliæque plura producit , demonſtrat , notisque colluſtrat in Erudito Opere de Opinione Probabili helluo antiquarum diſciplinarum Chriſtianus Lupus . Quare prædictos viros ſanctitate , doctrina , eruditione , & auctoritate conſpicuos non reprehendimus ? Id quidem , quoniam ſequuti ſunt opinionem ſibi probabiliffimam , illamque non temere , & inconſulte , ſed poſt accuratam , æquiſſimamque ponderationem : in qua ſi quidam illorum decipiti ſunt , id non maliciæ , aut negligentia tribuendum eſt , ſed communia hominum infirmitati .

Tertium argumentum deſumptum erit ex D. Thoma ; hunc enim pugnaciter Adverſarii ſibi metipſis adjudicant . Ergo Angelici Doctõris ſententiam eſſe , quod etiam in lege naturæ ſint plura , quæ nonniſi a ſapientibus ſubtiliori conſideratione rationis judicantur eſſe obſervanda , probatum eſt cap. XI. ex 1. 2. q. 100. art. 10. In actibus moralibus non requiri certitudinem demonſtrativam , ſed ſufficere probabilem , quæ ut in pluribus veritatem attingat , eſt in paucioribus a veritate deſiciat , tradit S. Doctõr 2. 2. q. 70. art. 2. Haberi ſine peccato plures præbendas ab eo qui adhibet diligentiam inquirendo an id ſit licitum , nec invenit aliquid quod ipſum moveat ad hoc quod ſit illicitum , expreſſe docet Quodl. VII. art. 13. Sed controverſiam omnem dirimit eodem Quod. art. 15. ſcribens : *Error conſcientiæ quandoque habet vim*

Tu. IV.

S s

abſol.

*absolvendi, sive excusandi, quando scilicet procedit ex ignorantia ejus quod quis scire non potest, vel scire non tenetur: & in tali casu quamvis factum de se sit mortale, tamen intendens peccare venialiter, peccaret venialiter; sicut si aliquis intenderet accedere ad uxorem suam causa deletionis, & ita intenderet peccare venialiter, si alia ei supponeretur eo nesciente, peccaret venialiter. Quandoque vero error conscientia non habet vim absolvendi, vel excusandi, quando scilicet ipse error peccatum est, ut cum procedit ex ignorantia ejus, quod quis scire tenetur, & potest; sicut si crederet fornicationem simplicem esse peccatum veniale, non tamen peccaret venialiter, sed mortaliter. Quemadmodum igitur per D. Thomam opinio probabilis, & ex ignorantia procedens non excusat in iis, quæ per communia legis naturalis principia facile possunt approbari, vel reprobari, quia horum ignorantia facile potest excuti: ita excusabit in iis, quæ implexæ ac perdifficili ratiocinatione ex iisdem principiis a sapientioribus deducuntur; quia ignari ea scire non possunt; sapientiores autem adhibita diligentia, quam debent, habent probabilem certitudinem, nec inveniunt aliquid, quod ipsos moveat ad credendum esse illicita. Virum enim sapientem moveri ratione aliqua inepta, futili, ac parum probabili, indecens & incongruum omnino est. Consentire D. Thomæ S. Antoninum constat ex dictis cap. xvi. & ex P. prima Summæ Tit. 3. cap. 10. ubi docet in humanis actibus sufficere certitudinem moralem; necessarium non esse, ut hæc certitudo semper scrupulorum omnes abiciat, sed satis esse si eos contemnat ac superet: haberi demum certitudinem ipsam ab incipientibus ex alterius auctoritate, a proficientibus ex studio divinarum Scripturarum, a perfectis ex circumstantiarum circumspectione. Merito de hac D. Antonini doctrina ait clarissimus L'Herminier Tom. v. Summæ Theolog. pag. 158. *Serio nihil ad rem nostram illustrius afferri potest.**

Confirmant præterea communioem hanc assertionem argumenta a ratione; quorum præcipuum petium ex prudentia principio positum est. Neque illud repetam; ne imprudentissimus ipse videat disputando an eluceat prudentia in iis, qui deliberant ex momentis validioribus, ac inania contemnunt: quod nemo prudens, & rerum expectandarum scientiæ præditus dubitat esse ipsius prudentiæ, quæ morum est princeps regula, primam partem; quam post Græcos philosophos appellamus *isônia*, idest, perspectam consultationem. Alterum argumentum suppeditat gratiæ sanctificantis, ac justificationis incertitudo; nemo quippe, etsi nullius criminis sibi conscius sit, se justum esse certum novit, sed tantum dum partes suas accurate explet, id sperat, prudenterque confidit. Alia ex parte nulli accedendum esse ad Angelicam mensam, & sancta sancte esse tractanda, ex legis divinæ præscriptione, atque ex ratione ipsa patet. Nisi ergo immunem reddat a culpa certitudo moralis, qua partibus nostris perfectis prudenter induimus conscientiam

scientiam bonam, quamquam addit leve aliquod contrariæ suspensionis motivum, nullus Sacerdos quantumvis probus poterit ad peragendum sacrum accedere, nullusque laicus accipere Eucharistiam, quoniam justitiæ suæ certissimam habere nequit demonstrationem. Tandem nisi probabilior sententiam possimus eligere, damnandi erunt qui tutam sequuntur, quando probabilior est tutiori; atque ita rei erunt, qui consilia Evangelica non amplectuntur, quia tutius est eadem amplecti; cum tamen eo ipso quod consilia sunt, non præcepta, nullum obstringant.

RESPONDETUR RIGORISTIS.

Quoniam ex hoc capite, atque ex XI. & XII. hujus libri corrunt objecta quæque illorum, quos *Rigoristas* appellant, non ero in iis diluendis linguax, atque, ut Gellius inquit, locutulejus. Timendum est, ajunt rigidi illi Theologi, ne de his, qui probabiliorum opinionem concipiunt ex Casuistarum rudimentis, verificetur Christi pronunciatum Matth. xv. 14. *Cæcus autem si cæco ducatum præstet, ambo in foveam cadunt.* Quomodo non audiunt Augustinum dicentem de Util. Credendi, quod *opinari numquam sine vitio est*? Saltem perlegant quæ scribit S. Thomas quodlibet. VIII. art. 13. *Quod agitur contra legem semper est malum, nec excusatur per hoc quod sit secundum conscientiam*; & quodlibet. III. art. 10. *Nullus excusatur, si sequatur opinionem erroneam alicujus Magistri; in talibus enim ignoratio non excusat.* Si hunc Scholarum ducem nolint audire; ne desipiant commune proloquium, *Peccat qui se exponit peccandi periculo.* Annon in electione opinionis, quamvis probabilioris, favente maxime libertati, fieri potest, ut eligatur falsa? Erit ergo tunc peccatum, quia fiet quod veritati ac legi repugnat. Annon in ea prælectione pulsat animum formido aliqua, ac dubitatio? In dubiis ergo non premit æquiorum viam quisquis sequitur opinionem etiam probabilissimam. Hæc si attendantur, manifestum erit postremam hanc assertionem contrariam esse præcedentibus, & Scripturis, Augustino, D. Thomæ, atque rationi manifeste adversari.

Resp. hæc dictis nullo negotio repelli. Nam Christus apud Matt. loquitur de Phariseis obstringentibus plebem ad observandum *doctrinam, & mandata hominum*, & absque ullo momento probabili imponentes *onera gravia, & importabilia.* Nemo nostrum Phariseicam conscientiam cæcam esse, & in præcipitia ruentem denegat. Imo nos a *Rigoristis* ad conscientiam istam Phariseorum compellimur, si ob leve motivum debemus gravis culpæ induere suspensionem. Casuistas sequimur, non si cæci dignoscantur, sed si nobis lumen veritatis ostendant, aut ex Dei Verbo, quod *lucernam pedum nostrorum* appellat

David, aut ex Patribus, virisque Apostolicis, qui dicuntur in Evangelio *lux mundi*: aut ex ratione, de qua scriptum est, *Signatum est super nos lumen vultus tui, Domine*. Qui lucernâ istâ graditur, non est cæcus cæco ducatum præstans. Præcurrentes absque hoc lumine. Casuistas nemo prudens sequitur. Si aliquis tardus ingenio, & absque malitia cæcus horum cuidam se ducendum committat, quem rectæ conscientia ducem optimum credit, licet cadat in foveam, non colliditur. Cæcum in foveam cadere ait Dominus; cadere, & semper collidi, id non ait. Accidit hoc infortunium iis, qui amaverunt tenebras, & non lucem, dilexerunt cæcitatem & non visionem, inquit S. Pater in Psalmum LIV. num. 25. Cadentem cæcum in foveam, quam prævidere non potuit, quis nisi immanis, reprehendat? Sed ad primum fati. Augustinus recte docet, quod nunquam opinari est sine vitio, quoniam opinio nascitur ex ignorantia, quæ est vulnus animæ: sed consulto ait, *si per seipsam consideretur*: nam si consideretur in eo, qui curat ignorantiam dispellere petendo humiliter Spiritus sancti illustrationem, hominumque sapientum consilia, nec temere præsumit se nescire, quod nescit; nihil habet turpitudinis, quia caret animi male affecti temeritate, ob quam ibidem Augustinus ait turpissimum esse opinari. Ideo nos diximus pag. 257. opinionem ex ignorantia profectam non esse vitiosam, quando ipsa ignorantia imputari nequit ad culpam. Concedo itaque quod ait S. Pater, opinari cum præsumptione, ac temeritate conjunctum rem esse turpissimam; nego opinionem ignorantis quod *discei non potest*, & non temere, sed consulto operantis, jure meritoque culpari. Doctoris Angelici mentem jam explicui. Recte ait malum esse quod fit contra legem, quamvis non fiat contra conscientiam, si hanc non excuset ignorantia eorum, quæ quis scire potest ac debet, ut ait Quodlibet. VII. art. 15. ubi exemplum affert fornicationis, quam peccatum esse nemo potest invincibiliter ignorare: aut si quis non adhibeat diligentiam inquirendo veritatem, aut post veritatis inquisitionem inveniat probabile motivum judicandi, quod sit illicitum, ut inquit eodem Quodlib. VIII. art. 13. Si ergo conscientia non laboret ignorantia communium præceptionum legis naturæ, & eorum, quæ inde facili obviaque illatione deducuntur, quæ ignorantia culpabilis semper est; atque si post accuratam inspectionem animus momento aliquo gravi non trahatur ad dubitandum an res sit illicita, per D. Thomam quisque a peccato excusabitur. At in Quodl. III. art. 10. non loquitur de opinione probabili, sed de erronea, nullique gravi momento subnixâ: nam ait, *Si sequatur opinionem erroneam alicujus magistri*; profertque statim exemplum Ariti, Nestorii, & aliorum hæreticorum, qui adversus commune Ecclesiæ fidem perversa dogmata tradiderunt. Quod vehementer movit Philalethem, & Wendrockium, S. Thomam universaliter loquutum, nil efficere: nam semper peccare inquit qui legem transgreditur,

tur, niſi adſit error excuſans, & culpabilis negligentia: alioqui quis non dixerit peccatum eſſe infidelitatem quoque invincibilem? quis non damnabit inceſtus Jacobum accedentem ad Liam, aut Judam ad Thamar, quorum unus putans accedere ad uxorem deceptus compreſſit aſſinem, alter exiſtimans convenire ſcortum, concubuit cum nuru? At Jacobum omnino inſontem, Judam fornicationis tantum crimen patraſſe Theologi omnes pronuntiant. Habet ergo exceptiones quaſdam enunciatio illa, *Quod agitur contra legem, ſemper eſt malum*, eaſque ab eodem Thoma accuratiſſime traditas. Sed Philalethis & Nicolii error, cum facile deprehendatur, non eſt pluribus refutandus. Ad rationem poſtremam, nego quod ſe exponat peccandi periculo qui laborans ignorantia inculpabili, ac diligenter veritatem inquirens offendit in legem inſcius ac ſimplex: nego contemnendam non eſſe minimam ſuſpicionem, cum ſolida momenta nos permovent: nego denique haberi conſcientiam *dubiam*, cum animus inter utramque partem non hæret ſuſpenſus, ſed uni caute, prudenterque aſſentitur; cum id etiam definitioni *conſcientiæ dubiæ* ex capite tertiodecimo ſit repugnans. His autem diſſertationi de Opinione probabili finem facio: & ſimul liber iſte concluditur præclara Jeſuitæ Piſtavienſis ſententiâ,

Virtus judicio veri momenta ſevero

Ponderat, & caute præcavet omne malum.





DE THEOLOGICIS DISCIPLINIS LIBER VICESIMUS SECUNDUS

*De veritate Religionis Christianæ,
aliarumque profanarum
vanitate.*



ULLUM est inter humanarum virtutum officia, præstantius Religione, cultuque supremi Numinis: ideoque licet hoc Opere moralia præcepta singillatim non explicemus; quæ tamen Religio vera sit, a superstitione immunis, & ab omni errore purgata, erit hac dissertatione inquirendum. Ac perstringenda primum Gentium idololatria paucis contractisque adnotationibus: quas non solum a Christianæ Religionis Apologisticis Arnobio, Firmico, Commodiano, Clemente Alexandrino, ac Magno Protoparente, ceterisque Patribus delibavimus; verum etiam a Poetarum figmentis, atque Theologia Gentilium, a Giraldo, Bocaccio, Vossio, Seldeno, aliisque magnopere collustrata. Tum acuendus stilus adversus Mahumetismum, adeo suo quoque auctori improbatum, ut, ne turpitudinis, mendacii, maximæque improbitatis argueretur, interdixit gregariis suis literarum culturam, verique disquisitionem. Posthac veritas Religionis nostræ momentis firmissimis confirmabitur; refu-

reſutatifque ſectis hæreticorum , quid vera Chriſtiana Religio profiteatur , tradetur in Apoſtolici Symboli Expoſitione . Hoc itaque libro , mole quidem parvam , ſed argumento magnam ac perutilem diſputationem complectimur , ſuomet titulo , abſque ulla præſatiuncula , commendatam .

C A P U T I.

Serviendum Deo in ea Religione , quæ in primis Idololatriam execratur .

IN primo hujus Theologici Operis libro dedimus operam , ut uniufcuſque animo immota hæreret unius Numinis exiſtentia , atque inde exploderetur plurium Deorum commentatio . Nunc de Religione ac fide Chriſtiana , ceteriſque divinarum virtutum officiis acturi , in eos iterum calamum perſtringimus , qui profana eruditione tumidi ex Theologia Gentilium audent in noſtram inſurgere . Adverſus errores iſtos pingendam principio duximus Romanorum , Græcorumque ſuperſtitionem . Hi duodecim *Conſentes* Deos coluere , oſto autem *Seleſtos* , iſſque addiderunt turbam Deorum minorum immenſam : Conſentes Dii , qui & Penates , & Urbani diſti ſunt , duodecim numerantur , ſex maſculi , atque ſex feminæ : horum nomina exhibent duo illi verſus apud Ennium ,

*Juno , Veſta , Minerva , Ceres , Diana , Venus , Mars ,
Mercurius , Jovis , Neptunus , Vulcanus , Apollo .*

Dicam modo quam fuerint inſipientes Deorum iſtorum cultores .

PROPOSITIO I. Summæ dementiæ eſt inter Divos cenſere maſculos Deos Conſentes .

PROBATUR I. DE JOVE .

Jupiter alius eſt Argivus , ideſt Apis , qui Niobem ſorem compreſſit ; de quo Apollodorus ſcribit lib. 2. *Poteſtatem regni in libidinem convertit* . Alius Phrygius , ideſt , Tantalus , qui Ganimedem Dardanii regis pronepotem flagitioliſſime rapuit . Alius Cretenſis , ſcilicet Aſterius , vel Xanthus , qui vim intulit Europæ filiæ Agenoris Regis Cananæorum . Hinc exortæ fabulæ , quæ de uno Jove narrantur , & nihil ſunt quam plurium perditiffimorum hominum flagitia , quæ in unum quadrare non poſſunt ; nam Rex primus Jupiter vixit inchoato Regno Sicyoniorum , qui imperare cœperunt circa annum M. 2148 . Raptor Ganimedis vixit tempore Ehud , ſive Aod Judicis Iſraelitarum , & nefarium ſcelus patravit poſt annum M. 2680 . Violatio Europæ reſertur

fertur ad annum ducentefimum ante bellum Trojanum, qui est mundi 2820. ante primam Olympiadem 458. Nequeunt ergo hæc omnia convenire Jovi, quem Romani a loco Templi appellarunt Capitolinum, Tarpejum, Latialem, Vimineum, Olympium, Jovem autem, quasi ille fuerit *Juvans pater*; non, ut quidam putarunt, *Juvans patrem*; cum dicatur Saturnum parentem suum regno expulisse, apud Tullium in 2. de Natura Deorum. Itaque nil stultius fingi potuit, quam pro vero Numine Jovem habere: primo quia ridiculum est facere satorem; Conditoresque hominum, quem constat ab aliis hominibus longe post mundi exordia fuisse progenitum. Deinde quia insanum est uni viro tribuere facinora, quæ a pluribus fuere patrata. Insuper quia impium est appellare Opitulum, Tonantem, Lucetium, Dapalem, aliisque magnificis titulis raptorem virginum, & pucrorum constupratorem. Postremo, quia non sinunt hæc aliaque flagitia a Lætantio, Minucio Felice, Commodiano, & Arnobio ex ipsa Gentilium Theologia manifeste comprobata, ut Jovem, non dicam optimum, sed virum tolerabilem existimemus.

II. DE NEPTUNO.

Neptuni nomine Veteres significarunt aquam maris, deducto nomine a *nubendo*, quod aqua terram nubat & cooperiat: atque ita ex falsedine, undarumque regressu factæ, ut Augustinus scribit lib. vii. de C. Dei cap. xxii., Salacia, & Venilia. Vossius deducit Neptuni nomen a *nivæ*, *lavo*, Cicero in 2. de Nat. Deorum a *nando*. Personam vero Neptuni tradit libro v. Diodorus fuisse filium Rheæ, qui omnium primus tractavit maris negotia. Romani illum, qui Romulo consilium dedit de rapiendis Sabinis. Hinc Consum appellarunt, ludosque Circenses Festa Consualia. Nos cum viris doctissimis arbitramur fuisse Japhet Filium Noe, cui post diluvium ferunt obtigisse insulas Mediterraneæ, & continentem Europæam, ut ei ob mare transmittendum opus fuerit Nauticam instituere. Cyclopes, aliique ferocissimi, & ab humanitate alieni dicuntur filii Neptuni ob maris violentiam, ut scribit Gellius lib. xv. N. A. cap. 21. & Phornutus apud L. Giraldum Synt. V. pag. 216. Exploditur ergo fabulosa Neptuni divinitas 1. quoniam nihil est aliud, quam mortuum elementum. 2. quoniam quæ de eo narrantur conficta sunt ex historia Japhet filii Noe, quem Gentiles Saturnum dixerunt. 3. ob insanam libidinem, de qua vide Clementem Alexandrinum Tom. iii. Biblioth. PP. pag. 8.

III. DE VULCANO.

Vulcanum ex ipso nomine liquet esse ignem; sic enim appellatur quasi

quafi Volcanus , quomodo Mulciber & Aetnaeus , a mulcendo , molliendoque ferro , & a flammis ab Aetna monte erumpentibus . Ita dixere Cooperarium Minervæ , quod ignis adminiculo artes plurimæ exerceantur , & conceptum vento , quod hoc flante flamma exardeſcat , receptumque in Lemno , ob fabricas inſulæ . At Poetæ commenti ſunt , ob deformitatem de cælo fuiſſe dejectum , ejuſque arte Martem ac Venerem in adulterio deprehenſos , evocata ad ſpectaculum ſtupri Deorum turba . Plura Auguſtinus in iv. de Civ. Dei cap. 10. & Gregorius Nazianzenus Orat. 1. in Julianum . Sententia noſtra Vulcanus eſt Tubalcain , de quo Genefis iv. 22. nam huic conveniunt , quæ de Vulcano ſcribit lib. v. Diodorus fuiſſe malleatorem ferri , atque æris . Itaque ſive nomen ſpectemus , ſive commenta Poetarum , ſive profanam ac ſacram Hiſtoriam , Vulcanus eliminandus eſt a concilio Conſenſum .

IV. DE MARTIS.

Specioſum videtur nomen Martis ; quem Latini appellant hoc nomine , quod maribus in bello præſit , magnaue *vortas* . Sed hæc ſunt Mars , Mavors , aliaque plura bellorum nomina ; ideoque Martem quoque dicimus Quirinum ab hafta , necnon truculentum , cæcum , atrocem , ultorem , ſanguineum . Martis cum Venere adulterium narrat Statius , Minucius in Octavio , & Arnobius . Homerus lib. v. Iliad. ait Martem hafta percuſſum a Diomede , quod adverſus Gentes urgent Clemens Alex. in Admonit. & Cyprianus de Vanitate Idolorum . Athenis accuſatum ſcribunt Pausanias , & Demotheſenes in Oratione *κατ' ἀγορεύειν* , nec non Auguſtinus lib. xviii. de Civit. D. cap. 10. Hinc iudicii locum appellaverunt *Areopagum* , nam Græcis Mars dicitur *ἀρ* *interficiendo* , *ἀγος* . Duſtor luporum ob belli feritatem appellatur a Plauto in Truculento : & lupi paſſim a Poetis dicuntur Martii . Hinc Romulum , quem lactavit uxor Fauſtuli Laurentia , quam Lupam ob prostitutionem vocitabant , Latini tanquam Martis filium ſuſcepere : Non alia fuit perſona Martis , quam Nimbrodus , ſive Belus , de quo Gen. x. v. 8. Poſt illum eodem nomine designati ſunt potentiſſimi bellatores , ut Oreſtes matricida , quem ſerunt accuſatum Athenis . Ergo nihil aliud Martis nomine intelligimus , præterquam hoſtilia bella , contentiones , ac milites truculentos .

V. DE MERCURIO.

Mercurium alii quidem dictum putant a mercium cura , unde nummarium ſacculum tenet , atque juxta hanc etymologiam percipitur cur etiam appellatus ſit Hydrargyros , ob argenti theſauros , quos navigando comparant mercatores . At alii Mercurii nomen deducunt a *To. IV.*

Tt

me-

medium currere, itaut nihil sit aliud, quam eloquium vel sermo, ideoque apponunt alas illius capiti ac pedibus propter verborum velocitatem. Hinc Augustinus fictitium numen demonstrat lib. vii. de C. D. cap. 14. Antiqui Mercurium furibus ac latronibus præposuere: unde Prudentius,

*Expertes furandi homines hac imbuit arte
Mercurius, &c.*

Fabulosos Mercurios enumerat Cicero in iii. de Nat. D. Illum, quem cum Statio faciunt inventorem citharæ liquet esse Jubal, Gen. iv. 21. Nuntius Jovis, cujus meminit Horatius lib. i. Od. 10. & evocator animarum, de quo Virgilius in iv. Aenead. confectus est ex iis, quæ de Angelis, atque de horum principe Michaelē tradunt sacræ literæ. Vide Carolum Moreau Cl. Ordinis Scriptorem T. 11. Op. Tertull. pag. 40. & Mendicum Christi Commodianum ab eo versu, *Mercurius vester fiat cum faraballo depictus*. Nulla est ergo fabulosa Mercurii divinitas.

VI. DE APOLLINE.

Apollinem esse solem Eruditi omnes fatentur, nomenque derivant ἀπὸ πᾶλλον, quod est, radios jaculare, sive ab ἀπὸλλω, idest, terrena foveo ac dissolvo. Ita dicitur Δάλλω perspicuus, φαῖβος splendidus, & αἴλιος a luce, necnon λαβῆς ab obliquo per Zodiacum cursu. Legendus Augustinus lib. vii. de Civ. D. cap. 16. & Macrobius in Saturnalibus cap. 17. Apollinis autem, quem nobis pingunt poetæ narrat stupra. Admonit. ad Gentes Clem. Alex., & Lact. lib. i. divin. Instit. cap. 10. Addit Firmicus libro de Errore profanarum Relig. turpissimum pueri Hyacinthi desiderium. Servilem in ducendis armentis conditionem. Apollinis commemorat lib. xvi. cap. 13. ejusdem Operis Augustinus, ubi plura ex profana eruditione Vives. Apollinis iram immisissamque ab eo pestilentiam describit Homerus Iliad. 1. ejusdem adversus ceteros Deos objurgationem narrat Homerus ipse libro xxiv. De Daphnē, quam Apollo servescens libidine insecutus est, nec tamen potuit comprehendere, adeas Commodianum, & Eusebii Opusc. iv. edit. a Sirm. pag. 199. Aut ergo Apollo sol est, aut homo obscenus, improbus, iracundus, abjectus, & impotens. Sex ergo masculi Consentes fictitia numina sunt; quod erat demonstrandum.

PROPOSITIO II. Ridiculum & inverecundum est in numero Deorum Consentium putari feminas.

PROBATUR I. DE JUNE.

Præquam de Junone dicam, præmitto in genere rationes, ob quas non debeat inter Numina sexuum admitti discrimen. At prima depro-

depromitur a teſtimonio Varronis , de quo Auguſtinus in 1v. de Civit. Dei cap. 27. ſecondæ eſt ratio philoſophica tradita a Novatiano de Trinit. cap. 6. quoniam ea in diverſitatem membrorum recidunt , quæ veniunt ex nativitate in diſſolutionem . At ſine diverſitate membrorum ſexus nequit ſecerni . Tertiam rationem ſuppeditat Arnobius in 11. adverſus Gentes , ex quo feminæ ſexus admittatur tantum ob generationem : & generatio corporea habeat cum materiæ deciſionem , tum exordium temporis atque oceſum . Addit quartam Laſtantiuſ in 1. divinarum Inſtitut. cap. 16. quoniam ſi Dii uterentur feminis , quotidie nova Deorum turba conſurgeret . Quintam , & ſextam proſert eodem loco Laſtantiuſ ; quoniam ſi Dii coeunt , domos , urbeſque habeant neceſſe eſt , nec non feminæ ſunt viris imbecilliores . Poſtrema ratio eſt Athanaſii in Orat. contra Gentes , quod feminæ ab iſſis idololatris neque ad communia Reipublicæ conſilia admittantur . Hæc leſtoribus noſtris jam percipientibus vim argumentationum ſufficit fuiſſe propoſita .

Junonem ergo dicimus eſſe aerem ; & conjugem Jovis , quia æther , & aer conjuncti ſunt ; atque ita ſentiunt Cicero 2. de Nat. Deorum , Macrobius Saturn. 1. cap. 15. Servius in 1. Aeneid. & Auguſtinus in 1v. de C. D. cap. 10. Hinc Græcum nomen *ἠρα* , ab *αἴρ* , aer , & Latinum *Lucina* , aut *Luceſia* , a luce . Varro tamen Terram putat , ideoque dictam *Flavionam* , atque *Pomonam* ; atque ita confundi poteſt cum *Peronia* . Huic olim ereſta ſimulaera ad Soractem montem , prope urbem Anxuris , ideſt , Tarracinam , atque in partibus Aetruriæ maritimis , ubi Deſiderius Longobardorum Rex condidit Petramſanctam . Junoni tribuunt profani Scriptores inceſtum , quod illis expoſtulant Firmicus cap. 4. & Tertull. , cap. 9. Apologeticæ . Illius adverſus Trojanos indignationem deſcribit in 1. Aen. Virgiliuſ ; de ejus Aſylo idem Poeta libro 2. & Auguſtinus in 1. de Civit. Dei cap. 4. ubi probat Diis invitiſ everſas urbes , ereptosque Penates . Phereponuſ Animad. p. 576. imprudentiæ Auguſtinum , alioſque Patres redarguit , quod auſi fuerint uti pro Religione Chriſtiana iis armis , quæ & Ethnici adverſus Chriſtianos tractare poterant ; ſed gerit ſe potius Phereponuſ imprudenter , atque impudenter . Enimvero ſi capta E. G. a Philiſtæis Arca , ſi dirutum templum Jeruſolymitanum , ſi adverſæ aliquando res Chriſtianorum ; verus Deus hæc & prædixit , & in vindictam peccatorum impleri paſſuſ eſt , & non ſemel in terris inimicorum omnipotentiam ſuam demonſtravit . E contra conſtat everſum Ilium , & ereptos Penates diis iſſis invitiſ , inſciis , & reluctantibus ; ita ut Juno , de qua modo loquimur , ut Aeneam perderet ſupplex Acolum ventorum regem fuerit allocuta :

*Genſ inimica mihi Tyrrbennuſ navigat æquor ,
Ilium in Italian portans , victoſque Penates .*

ut legitur in 1. Aen. atque, ut habetur in x. tabescens invidia jurgiis Venerem adierit, ne Diis Penatibus novam Aeneas urbem excitaret. Hac itaque Junonis incesta libidine, invidentia, iracundia, imbecillitate, atque confictis ex aere terraque nominibus fabulosum ipsius nomen evertitur.

Notandum hoc loco adversus hæreticos, qui ex vetustis quibusdam imaginibus audent præferre Paulum Apostolorum Principi Petro, quod iste occupet sinistram, ille autem dexteram; olim in simulacris Capitolii fuisse ad dexteram Jovis Minervam, sinistram tenente Junone. Respondet Vossius in lib. de Orig. Idolol. Minervam esse Junoni anteponeandam, quod probat ex iis simulacris. At aperte refellitur ex lapidibus Albæ Julæ, Augustæ, Mediolani, & qui asservantur apud Transilvanos: ubique enim Junoni primus locus conceditur. Vide Gruteri Inscript. Deorum pag. iv. & v. Refutatur etiam Vossius Virgiliano Junonis carmine:

*Asi ego, quæ Divum incedo regina, Jovisque
Et soror, & conjux.*

Nullum est ergo argumentum illud hæreticorum ex veteribus numismatibus.

II. DE MINERVA.

Venit secundo loco Dea Consensus Minerva. Hanc ætherem, sive supremam aeris partem putat Macrobius in 111. Saturnal. de qua opinione etiam Augustinus in vii. de C. Dei cap. 16. Sed communior est opinio nil esse aliud quam Sapientiam, sic appellatam a memoria, quasi *Memineruam*. Hinc dicitur de capite Jovis progenita, & ob admirationem aut velocitatem Πάλλας, ob perennitatem Αθήνη. Reputatur inventrix artium, quoniam sapientia omnium operum est effatrix. Negat Bocaccius in 2. de Genealog. Deorum huic Minervæ hastam, armaque convenire: at aliter sentit in Deorum Imagin. Vincentius Reginensis. Nos arbitramur primo cum Tertull. cap. 47. Apolog. Minervæ numen fictum esse ex ignorantia eorum, quæ de Sapientia Dei Christiana docet Theologia, & de Generatione Verbi ex Dei mente. Deinde cum omnes scribant Minervam instituisse nendi texendique artem, probabile est esse Noemam de qua Gen. iv. 22. Aut sit Minerva æther, aut soror Tubalcain, aut poeticum sapientiæ figmentum, constat immerito censeri inter Numina.

III. DE VENERE.

Tertia Dea est Venus: quo nomine intelligimus primo vim gignendi plantis atque animantibus inditam; nam Venus dicitur quod ad cun-

sta

Ēta veniat, & Proserpina, quod stata in lucem *proserpant*. Deteriori sensu accipitur pro voluptuosa libidine: ejusque simulacra formata primum ad similitudinem Cratinæ meretricis, quam dceperibat Praxiteles. Obscena, quæ de Venere narrantur, infestatur Augustinus in iv. de Civit. Dei cap. 10. Homerus in v. Iliad. narrat Venerem derisam a Minerva, fauciatam a Diomede, & ad genua Martis provolutam. Venus Cypria fuit scortum Regis Cinyræ, ut demonstrat Vossius lib. 1. de Orig. Idololat. cap. 17. Plura de hac Venere Clemens Alexandr. in Admonit. & Lactantius in primo de falsa Religione. Venus *Calva*, de qua Cyprianus in libro de Idolorum vanitate, consecrata ob Romanas puellas, quarum capillis perfecta olim adversus Gallos tormenta bellicæ. Denique Venus, quam teste Euthymio coluerunt Saraceni, est Agar uxor Abraham, & genitrix Ismaelis; a qua Ismaelitarum, & Saracenorum genus. Et quidem Agar idem est ac Fecunda ab צנה, *Congrego*, ideoque Proserpina. Videndi Cedrenus in Vita Mahumetis, Seldenus de Diis Siriis Synt. 11. cap. 4. Vossius de Idolol. lib. 11. cap. 31. Aut Venus Agar sit, aut scortum Cinyræ, aut salax & voluptuosa libido, nullum habet characterem divinitatis.

IV. DE VESTA.

Proximum est Vesta. Hanc aliqui, ut ait Ovidius in vi. Fast. terram putant, quæ sua *vi stat*. Sed probabilius est esse ignem, & nomen accepisse ab hebræis vocabulis עֵשֶׂת & יָרֵחַ, unde Græcum *ἑστία*. Dicitur Virgo, quod ignis, inquit ibid. Ovidius, *semina nulla remittat*. At immerito hunc Ignem perpetuum dixere. Accensum prima dic Martii scribit Macrobius in 1. Saturn. cap. 12. Extinctum negligentia Vestalium virginum Aemiliæ, & Tuciæ referunt Varro, & Val. Maximus lib. vii. De Vestalibus dictum lib. 1. cap. 7. non alia ratione Dæmon Vestæ cultum intrusit, nisi ut simiam se gereret Dei præcipientis Levit. v. 12. perpetuam ignis in altari custodiam. Si ergo Vesta ignis est, tot erunt Vestæ, quot lychni, quot lampades, quot lares, quot fornaces, quot favillæ. Verum pudet in his immorari.

V. DE CERERE.

Ceres terra est, sic dicta, quod fruges gerat, vel *cereat*, verbo Latinorum antiquo: unde Apulejus lib. xi. *Ceres*, inquit, *omnium terra creatrix*. Virgilius in 1. Georg. ait quod annum ducit *Liber & alma Ceres*, quoniam messis, & vindemia sunt vertentis anni indicia. Appellatur ob naturam segetum flava, munifica, rubicunda. Redimitur corona spicarum, eique mactatur porca segetem avide depascens.

Nam

*Nam fata vere novo, teneris lactantia succis
Eruta fetigera comperit ore suis.*

ait in 1. Fast. Ovidius. Hinc exorta fabula de Cerere gravidata a Jove; terra enim fecundatur calore solis. Eadem ergo Ceres, & Proserpina. De hujus raptu scripsit tres libros Claudianus clarus sui ævi Poeta; quem Florentinum faciunt Petrarcha, Landinus, Politianus, at Giraldus & Barthius Alexandrinum. Pingitur Claudiani fabula nobilis mulier Sieula Hennenfis, quam cum Optimates amarent, rusticus dives (Plutonium a divitiis appellant) junctis quadrigis rapuit: sed fugiens in proximum lacum Percum demersus est. Mater raptæ Virginis cum villico Triptolemo doloris acerbitate navim conscendit, & jactata maris tempestatibus pervenit ad urbem Atticam: ibique docuit incolas agrorum culturam. Hinc appellata Ceres a patria Siciliæ, Hennenfis, Catinenfis, & Trinaeria: ab adventu in Græciam Elusina; quo nomine appellatur etiam Juno Lucina adveniens, ut auxilium afferat parientibus. Atque hinc apparet origo Poeticarum fabularum, Cereris, & Triptolemi.

VI. DE DIANA.

Ultima Dearum Consensum est Diana, eadem prorsus cum Cere, ut animadvertit Hieronymus in Proem. Commen. Ep. Pauli ad Eph. Dianæ nomen est a Jana, adjecta litera D. decoris causa, ut demonstrat Ludovicus Montiosus in Gallo Romæ Hospite: idem docet Macrobius in 1. Saturnal. cap. 9., repugnante tamen Vossio. Jana autem est a Jano, sive Apolline, & sole. Atque hinc Diana soror Apollinis. Translatum propterea Dianæ nomen etiam ad lunam: ideoque imago Dianæ faciem præfert, & in antiquis numismatibus inscriptionem, *Diana Lucifera*. Appellatur a Græcis *Ἄρτεμις*, quia aerea secat: & Hecates triceps, vel tergemina ob triplicem lunæ formam, plenam, mediam, falcatam. Habetur Virgo ob lunæ candorem: & tamen ob fecunditatem legimus in antiquis numismatibus Dianam Polymammam. Commenta Poetarum de Diana orta ex Diæta, sive Britomarte filia Ebuli Regis, quæ in sylva fugiens violentiam Minois sese præcipitavit ex rupe; ideoque vocatur Diana Dictynna, & dicitur sylvarum Dea, & cassium retiumque inventrix. His ergo Dianæ Triviæ, aliorumque Consensum Deorum fabulæ refutantur.

PROPOSITIO III. Eodem loco habenda est fabularis selectorum Deorum historia.

PROBATUR I. DE JANO.

Dicendum restat de Diis selectis, quos Consensibus addidere, ut
nume-

numerus complerent vicesimum . Sunt autem Janus , Saturnus , Genius , Liber , Orcus vel Pluto , Sol , Luna , & Tellus . Janum ex Gentilium Philosophorum sententia S. P. lib. vii. de Civ. Dei cap. 7. probat esse mundum : & ideo bifrontem finxerunt , quasi una facie ortum spectet , altera occasum , sive ob quatuor mundi partes quadrifrontem . Quidam apud Macrobi. in 1. Saturn. cap. 9. dixerunt Janum esse cœlum , ita dictum ab *eundo* . Ipse Macrobius ait esse solem ; nam Janus appellatur Vertunus , quia sol sese per cœli gyrum convertit , Confivius a conferendo , Patulcius & Clusius quia oritur & occidit , & a Poetis Matutinus Pater . Hinc Jani simulacra habent digitorum nexus 365. respondentes numero dierum anni ; cujus mensem primum a Jano Januarius appellarunt , quoniam tum sol prima efficit dierum incrementa . Jani vero personam Goropius 4. libro Orig. Antwerp. contendit esse Japhet filium Noe ; Zanchius de Origine Cenomanorum , ipsum Noha , Vossius lib. 1. de Origin. Idol. cap. 18. Javan filium Japeti . At sive a Noe , sive ad aliquem ex ejus posteris Janum referas , parum interest ; nam satis hinc Jani origo , numinisque vanitasprehenditur .

II. DE SATURNO.

Saturnus , qui & *χρῆνος* , omnium fere consensu est tempus , hoc distinctum nomine quod annis faturetur , & ideo dicitur filius cœli , & Deus falcifer , quoniam omnia metit , orbiumque cœlestium dimensione peragitur . Recte Lactantius Div. Instit. 1. cap. 11. probat filium cœli non esse Deum , quia Deus cœlum condidit : neque Saturnum revera esse patrem Deorum omnium , si ipse a Cœlo genitus est . De stella Saturni , quæ a terra distare dicitur semidiametris 13171. , stellisque aliis , quibus gentes divinitatem tribuerunt , plura Augustinus lib. vii. de Civit. Dei cap. 15. Saturnum antiquiorem alii putant Adam dictum Saturnum ab hebraica voce *שבת* , *latere* , quoniam post peccatum se abscondit a facie Domini . Sed melius referas Saturnum ad aliquem ex Noha posteritate , a quo Italia Saturnia dicta est longe antea adventum Evandri , & Aenæ , atque ab ipsa Aboriginum institutione . Traditio est , licet falsa , veterum Rabbiorum , Cham exsecuisse pudenda patris sui , ne deinceps liberos procrearet . Fabulantur Poetæ de Saturno consimilia . Quædam de Saturno diximus libro xii. cap. 1.

III. DE GENIIS.

Genios Ethnici dixerunt , quasi gignendarum rerum præsides , sive Deos singulis datos , dum gignuntur . Servius in ea Virgilii verba , *Quisque suos patitur manes* , scribit , cum nascitur duos Genios nobis

nobis destinari, Bonum inclinante ad bonum, Malum ad malum. Derivatos liquet ex iis, quæ traduntur de Angelis; ut diximus libro x. cap. 19. Cum Gentes præesse gignendis hominibus putaverint Junonem Lucinam, consequens est, Genios, si darentur, ipsius Junonis servulos esse.

IV. DE LIBERO.

Proximo libro xxiv. de Baccho, sive Libero Patre, a quo Bacchanalia dicta sunt, quædam narrabimus. Sat est modo, significari hoc nomine vinum juxta illud Virgilianum,

Et multo in primis bilarans convivia Baccho.

Ad elevandam, & evertendam hujus falsi Numinis divinitatem agit Augustinus lib. vii. de Civ. D. cap. 21. de turpitudine sacrorum, quæ in Liberi Patris honorem celebrabantur. Hinc occasionem arripuit Phereponus Animadv. pag. 580. stomachandi in sanctum Episcopum, eo quod tam sæpe *πρὸς τὸν ὀρίαντον* verba faciat in Opere hoc etiam a mulieribus & adolescentibus legendo. At qui Augustinum legerit, viderit ab illo reticere nefariam in Liberum Prosymni cupiditatem, fabricata ex ficorum arboribus instrumenta, Bacchi passionem a ligno, turpissimamque torturam: quæ tamen ad ignominiam Idololatrarum Clemens Alexandrinus, Arnobius, aliique describunt. Mirum ergo Phereponum reprehendere in Augustino licentiam, ubi laudare debet temperantiam. Sed magis mirum eo loci Phereponum exaggerare adolescentis Augustini vitam *fat*, ut ille ait, *libidinofam*: cum Augustinus nunquam, postquam baptismo iniciatus est, indulserit carnis illecebris, neque Pherepono possent vitia adolescentis innotescere, nisi ea manifestasset humilis Augustini confessio. Debebat etiam Criticus ille audacissimus legere in Epistola Erasmi a seipso edita sup. pag. 461. *Adolefcens* (Augustinus) *habuit concubinam, quod humane permittunt leges: & hac non repudiata, sed erepta, adscivit alteram*. Deinde non ignorabat Phereponus, libros de C. D. adversus Cultores Deorum falsorum occasione irruptionis Gothorum, non pro adolescentium ac mulierum otio, fuisse ab Augustino conscriptos, Bacchatur ergo, insanitque Phereponus,

V. DE PLUTONE.

Platonem alii Orcum dixerunt, quasi receptorem mortuorum, ab Orca. Summanum quoque appellarunt, quasi summum Manium, cui celebre olim delubrum in montibus Vicetinis. Similiter Acherontem, & Cocytum. Juvenalis Sat. 11.

Esse aliquos manes, & subterranea regna

Et

Et contum, & Stygio rivas in gurgite nigra

Aſque una tranſire vadum tot millia cymba

Nec pueri credunt, niſi qui nondum ære lavantur.

Voffius lib. 1. de Idolol. cap. 18. haud male conjicit Plutonem eſſe Chæ-
tum filium Noe in partem occidentalem profeſſum; & ideo appella-
tum Deum Inferorum. Erit ergo diverſus a Plutone, de quo paullo
ſupra in *Cerere*, uterque tamen improbus & ſceleſtus.

VI. DE SOLE, LUNA, ET TERRA.

Ad Solem omnes Deos refert in 1. Saturnal. Macrobius, plureſque
referendos eſſe conſtat ex diſtis. Perſæ ſolem Mithram appellaverunt,
a rege hujus nominis, qui regnaſſe dicitur Aeliopoli. Mithræ litatum
in latebris refert de errore prof. Relig. Firmicus. De luna pariter ſu-
pra. A lucendo lunam nominari, docet Cicero. Græcis dicitur *Σελήνη*,
nam *ελήνη* eſt idem ac lumen. Feminam ac marem crediderunt Aegy-
ptii, & Luni templum commemoratur a Spartiano in Caracalla. Ter-
ra demum eſt magna illa Deorum Mater, de qua Auguſtinus lib. vii.
de C. D. cap. 23. & ſeqq., Rhea, Ops, Cybele; ſoror Veſtæ, filia
Cæli, Saturni conjux: in Aty ſignificatur ſos, aut ſeges: unde fictus
Cybelis cum Aty concubitus. Auguſtinus citato libro cap. 26. pertra-
ctat de turpitudine ſacrorum Matris magnæ; de quibus inquit, *Nibil*
Varro dicere voluit, nec uſpiam me legiſſe commemini. Pherepónus in
hunc locum, *Mirum*, ait, cum innumeri ſcriptores de iis ſint locuti,
quorum loca plura indicabit Gerardus Joannes Voſſius Operis de Orig.
Idolol. lib. 3. cap. 53. Citandus erat liber 11. ſed error Typographi,
iſque minimus. Immerito autem Phereponus de Auguſtino miratur,
quod verba illa protulerit; *Nibil Varro, &c.* Scribit enim S. Pater
nullibi ſe legiſſe interpretationem ſacrificiorum illorum, quamquam
ea ſacrificia narraverint Servius, Apulejus, Statius, & alii. Id adno-
tavit Vives, & ipſe Auguſtinus prioribus verbis hæc addens: *Defecit*
interpretatio, erubuit ratio, conticuit oratio. Cum inanibus itaque
caſtigacionibus Phereponi mittimus Cybelem, atque Deos omnes ſe-
lectos.

PROPOSITIO IV. Una cum Romanis, Græciſque idololatriæ a vera
Religione aberrarunt Gentes reliquæ, quarum profana Numina vetus
Teſtamentum commemorat.

Hæc quarta theſis addenda erat, ne quis melioris conditionis exi-
ſtimaret Deos alienos, a quorum cultu prohibentur Judæi. Horum
Deorum exponam breviter nomina & characteres. Phœnices, & Cha-
nanei coluerunt Deum *Baal*, de quo Judic. 11. 13. 111. Regum xv 1. 3 1,
& alibi. Baal ſignificat Deorum principem. Alii Saturnum, alii Her-
culem, alii Apollinem dixerunt. Sed idem eſt, ac Babyloniorum Be-

To. IV.

V u

lus,

lus, Rex olim consecratus in solem, filius, ut arbitror; Nembrodi. Bel autem idem est, ac *Deus*, unde Beelphegor, Beelzebub, & consimilia: ideoque Græci Jovem communiter interpretantur. Baal additur Astaroth Judic. 11. 13. quam propterea aut Lunam, aut Venerem, aut Junonem eruditi conjectant: hanc præsertim coluere Sidonii, sculptamque scribit Porphyrius bovino capite, expresso in cornibus lunæ symbolo. Hæc Regina cæli; de qua Jeremias xliv. 17., *Baalus* nominatur Philoni Biblio. Vide quæ diximus Tom. 1. pag. 100. Grotius in cap. xi. Danielis v. 38. scribit eundem esse Baal, ac Deum Maozim, & Baal-femen, quem idem Philo asserit esse Jovem Olympium, & Phœnicibus Saturnum. Porro postrema duo nomina significant tantum. *Deum cæli, fortem ac validum.*

Madianitæ coluerunt Deum Beel-phegor; de quo Num. xxv. 3. Origenes Hom. in Num. 23. ait fuisse *speciem quamdam turpitudinis*, & Isidorus lib. viii. Orig. *simulacrum ignominie*: & litatum illi maxime a feminis scribit in cap. 4. Offæ Hieronymus. Erit ergo idem ac Deus Hortorum. At Joannes Seldenus Syntagm. 1. de Diis Syriis cap. 5. nititur demonstrare non alium esse a Baal, cujus Templum extiterit in summitate montis Phegor: quod videtur comprobari nominis etymologia. Et quidem Baalim sacrificatum in excelsis liquet ex quarto Regum xvi. 4. unde Augustinus Calmet in dissert. de Numin. Chananæorum infert Baal esse solem. Verum cum Beel sit nomen Dei commune, & Phegor locum demonstret, nil certi ex solo nomine Beelphegor deduci potest.

Ammonitæ adorarunt idolum Moloch. Eo nomine non videtur significari nisi Deum *Regem*. Probant viri docti Molochum ipsum esse Saturnum; quoniam idolo Moloch immolabantur pueri, & puellæ, ut constat ex Levit. xx. 2. & iv. Regum xxi. 10. Ita litatum Saturno scribunt Lactantius lib. 1. cap. 31. Minucius in Octavio, Tertullianus in Apolog. & Augustinus in vii. de Civit. Dei cap. 19. Factum id quod a Carthaginensibus; unde Silius Italicus,

Mos fuit in populis, quos condidit advena Dido,

Poscere cæde Deos veniam, ac flagrantibus aris,

Infandum dictu, parvos imponere natos.

Non repugnant dictis, qui opinantur Moloch esse nomen stellæ, quam Ammonitæ tanquam Regem venerabantur: nam & in stellis veteres, ut supra diximus, Reges suos coluerunt, ac præsertim Saturnum.

Chaldæi ignem, atque in igne lucem, solemque venerabantur. Auctorem habemus Herodotum in Clio. Hinc nominata urbs, de qua Genesis xi. 31. & 11. Eldræ ix. 7., scilicet, *Ur Chaldæorum*, ut a Sole, quem Hebræi vocant *שֶׁמֶשׁ*, *Scemese*, Josue xix. 38. *Bethsames*. Facile hinc percipiuntur Chaldaica nomina imposita Dan. i. 7. Danieli, Ananiæ, Misaeli, & Azariæ. Daniel dictus est *Balsassar*, quasi Custos myste-

myſteriorum Beli, a כל nomine Idoli, & מלך recondere, ac מלך theſaurum. Ananias appellatus *Sidrach*, quaſi mala depellens: Miſael *Miſach* ob Opim, vel Terram, quæ a Chaldæis dicitur Dea שך Sach inquit Junius in Daniele. Meminit feſtorum *Sauur*, Athæneus, & Dio Chryſoſtomus apud Grotium in Jerem. xxv. 26. Azarias denique *Abdenago*, quaſi עבד, *Servus*, נגון, *Negonis*, ideſt, Ignis אהרן, *ſplendeſcere*. Vides, ut opinor, hinc derivatam Græcorum idoloiatriam, ut diximus lib. 1. cap. v.

In Accaron regia urbe Philiſthinorum percelebris fuit cultus Beelzebub, de quo 1v. Regum 1. 2. Satis de hoc idolo in libro x. cap. 18. unde inferitur hoc nomen fuiſſe impoſitum ignominia cauſa Jovi, & Deo cæli, ſive ſoli, quem coluerunt Accaronitæ; ac jure & merito Matth. x11. 24. & Lucæ x1. 15. tributum idem nomen Principi dæmoniorum; quem ſcimus ex angelo lucis factum Beelzebub, *Deum mſcram*, ac *Dominum ſtercoris*. Vide igitur quæ ibidem ſcripſimus, & Seldenum, de Diis Syr. Synt. 2.

Celebre fuit apud Philiſthiim, urbemque Azoto templum Dagonis, commemoratum 1. Regum v. 2. Referebat Dagon ab umbilico & inferius figuram piſcis, ſuperne hominem, quales Græci fecerunt Tritones, femineoque ſexu Nereides. Appellatio ergo Dagonis eſt ab דג, *Piſcis*. Hinc ubi legitur citato Regum cap. v. 5. *Dagon ſolus truncus remanſerat in loco ſuo*; innuitur abſciſſis palmis, hominiſque deleta figura, tantum remanſiſſe quod piſcem referebat. Videtur idem eſſe Dagon, æ Derceto diſta a Strabone, & Macrobio Atargatis, culta apud Aſcalonem urbem Syriæ, ubi ſtagnum refertum piſcibus: nam Derceto vocatur, quaſi דרגה, *Degeto*, piſcis femina. Plura citato Syntag. Seldenus, Antonius Nebriffenſis cap. 6., & Gyraldus in Derceto, vel Athara; ubi animadvertit diſtinguendam Dercetum a Dea Syria Luciani, quoniam hæc non piſcis erat, ſed נארה, *tota mulier*. Ex his autem conſtat Dagon eſſe Tritonem, quem Poetæ fingunt filium Neptuni & Salaciæ, ideſt, aut marinum piſcem, aut unum ex filiis Noe cultum Tritonis ſymbolo, Dercetum autem Venerem.

Plura alia Gentium idola in ſacris literis commemorantur, ſed minime, ut de iis diſtincte tractemus, necesse eſt. Hujusmodi ſunt idola Michæ & Labani, Genef. xxx1. 19. & Jud. xv11. 5. appellata ab Hebreis *Teraphim*, תרפים. Erant autem Laminæ quædam aureæ, quibus maſtato homine primogenito, eique obtorto collo, inſcribebatur ad auguria captanda nomen immundi ſpiritus. In Vitulo aureo, quem Amos v111. 14. appellat delictum Samariæ, quoniam colebatur in Bethel non procul a Samaria, expreſſus Apis Aegyptiorum. Fuit is, auctore Herodoto, Epaphus, aut Joſeph, tauro ab idololatriſ comparatus tanquam miniſter Cereris, frumentique proviſor. Adramelech 14. Regum xv11. 31. ideſt, *Rex potens*, cui filios concrema-

bant, non alius est a Moloch, vel Saturno, de quo supra. Idem dicendum de Melchom apud Sophoniam 1. 5. *Militia celi* ibidem sunt astra. Eodem ergo pacto falsæ religioni mancipati sunt Phœnices, Chananzæi, Madianitæ, Philisthiim, Chaldæi, Ammonitæ, ceterique omnes plurium Deorum Cultores, ac Romani & Græci ante Salvatoris adventum, atque veræ Religionis per orbem universum propagationem.

C A P U T II.

*Veram Religionem nequaquam vigere apud Turcas,
& Mahumetanos.*

EXPLORA Idolorum vanitate, demonstrandum est non extare Religiosum Dei cultum apud Mahumetanos hostes Christiani Nominis infensissimos. Id vero ut assequamur, comparanda est Mahumetana secta cum ipsa, quam profitemur, Christianorum Religione, nam hanc præstare Idololatrarum superstitioni, necnon legi Hebræorum ultro Turcæ ac Saraceni fatentur. Si cui autem a nobis dicenda jejuna, dilutaque videbuntur, adire poterit vel Orthodoxos scriptores, Turrecrematam, Marraccium, & Thyrsus Gonzalez, vel Heterodoxos Grotium, Levinum, & Bibliandrum, qui plura de hoc argumento conscripserunt. Do tamen operam, ut quæ hi minutatim pertractant, habeas in epitomen redacta, debitaque argumentationum serie disposita.

PROPOSITIO. Mahumetana Religio in se quidem absolute, sed maxime dum comparatur Christianæ, apparet execrabilis, repudianda, & divino cultui, hominumque salutis repugnans.

Demonstratur primo comparatione Mahumetis cum Christo. Quamquam a Mahumetanis plura de Christo ejusque virgine Matre fabulosa narrantur, V. G. nomen *Jesu* arcanum esse ac barbarum, Mariam filiam fuisse Amrani, cum ea æquiparandam Fatimam a Mahumete genitam, delapsum Evangelium de cælo nocte Mensis Rambdani decima tertia, aliaque hujus farinæ complura; scriptum tamen est in Alcorano Christum esse Messiam Dei benedictum, Dei verbum, Mentem, ac Sapientiam, ut liquet ex Azoara v. & x. probantque ex Authenticis textibus Enthyimius Zigabenus, & Levinus Warnerus, nec id inficiari audet quispiam Saracenorum. Mahumetem vero fuisse prædonem, narrat Chronica Mahumetis citata a Grotio lib. vi. n. 4. & fuisse adeo mulierosum, atque impudicum, ut jactaret habere se solum vim generativam, quam habent simul homines quadraginta, legitur in Alcorano Azoara xlii. & xliii., ut prætermittam alia Mahumetis vitia, de quibus Petrus Abbas Cluniacensis, & in Historia Turcica San-

Sanſovinus. Præterea Jeſum patraſſe complura miracula, fanaſſe cæcos claudoſque, conceptum fuiſſe de Spiritu ſancto, eveſtum in cœlum, habetur in Alcorano Azoara xi. & xiii. quamquam ibidem aliqua fabuloſa enarrentur, ut de avibus ex luto a Chriſto formatiſ. At Mahumetem genitum conſuetæ naturæ ordine credunt Saraceni, imo extat liber ipſius Generationis apud eos pervulgatus: ſigna vero Mahumetiſ celebriora ſunt columbam ad grana in aure ejus incluſa advolaſſe, apparuiſſe ei, nullo teſte, dum morbo Epileptico laboraret Gabrielem Archangelum, e puteo, in quem ſtatim ſaxorum congeriem injecit, humanam vocem erupiſſe. Chriſtum denique eſſe Prophetam in lege Moſiſ prædictum teſtatur Alcoranus, ac Turcæ omnes fatentur; Mahumetem eſſe Prophetam prænuntiatum in Evangelio, ut iidem autumant, mendacium eſt apertiffimum, cum potius Chriſtus prædixerit venturoſ Pſeudoprophetaſ Matth. vii. 15. &c. Itaque æquum eſt, ut Religio inſtituta a Dei Verbo ac Sapientia, ſive a Meſſia divinitus concepto, atque in cœloſ aſſumpto præferatur ſectæ, cujus auctor eſt Pſeudopropheta, & carnaliſ homo raptor, atque impuriſſimus. Atqui conſtat ex ipſo Alcorano Chriſtum eſſe Meſſiam, verum Prophetam, ac mirabiliū operum auctorem; Mahumetem vero mulierolum, raptorem, prædonem, ex Azoara xi. lxxv. & lxxvi. Aequum eſt ergo, ut Religio Chriſtiana præferatur Mahumetanæ.

Secundò demonſtratur ex collatione Alcorani cum Evangelio. Evangelium ipſum elapſum de cœlo ait, ut dixi ſupra, Mahumetes, & licet a nobiſ depravatum credant Saraceni in iſiſ, quæ ſpectant ad prædictionem ſectæ Mahumetanæ, in hiſtoria narrare vera non denegant. At Alcoranus quanta a veritate hiſtoriæ aliena ignariſ rudibuſque deprædicat? Solem quieſcere in fonte ad quem pervenit Magnus Alex., legitur Az. xvi. i. Templum Mechæ ædificatum ab Abrahamo habetur Az. i. i. Mariam Virginem educatam apud Zachariam Prophetam Az. iv. Simulacrum pro Jeſu cruci ſuffixum Az. xi. Rurſus in Evangelio nil Deo indignum reperies: in Alcorano autem quamplurima; cujuſmodi eſt manum habere frigidam, & ſellâ geſtari, de quo, plura Cantacuzenus Or. 2. & 4. in Mahumetem. Nihil præterea occurrit in Evangelio ridiculum & inſuſum. At in Doctrina Mahumetiſ ſtella Veneriſ fuit pulcherriſma mulier: mures in Arca Noe nati ſunt ex ſtercore Elephanti, & felles leoniſ ex halitu: mors arieſ eſt ſtabulans inter cœlum & inferoſ: luna in manichas Mahumetiſ delapſa eſt, ut mittam fabulaſ alias, de quibuſ vide Cantacuzenum loco citato, & Grotium num. x. Hinc ſanctus Eulogiuſ apud Thyruſum Gonzaleſ lib. 3. cap. 9. reſert juveſcentem Mahumetanum ſola lectione Alcorani perſpicue illiuſ falſitatem deprehendiſſe. Enimvero, ut ex dictiſ argumentationem ſubinferam, extrema dementia eſt præbere fidem libriſ narrantiſ, quæ repugnant hiſtoriſ, quæ tradunt Deo indigna, & quæ venditant fabularum

rum commenta. Alcoranus est liber hujus plane fursuris. Ergo præbere fidem Alcorano extremæ dementiæ est.

Tertio probatur comparando dogmata Alcorani cum Institutionibus Christianorum. Præcipua Alcorani dogmata collecta a Cardinale Turrecremante sunt, primo hæreses quæ impugnant Trinitatis mysterium, Incarnationem, cultumque sanctorum. Deinde quæ faciunt Deum corporeum, atque auctorem peccati. Accedunt opiniones absurdæ de Anima, quam Mahumetani arbitrantur esse portionem quamdam animæ Dei, necnon de Angelis, quos credunt genitos ex flamma ignis. Animorum denique felicitatem constituunt in carnalibus oblectamentis. Iisdem igitur argumentationibus, quibus hæ hæreses profligantur, Mahumetismus quoque confolitur. At urgere possumus speciale argumentum. Ante promulgationem legis Mahumetanæ, fatentibus Saracenis, vera erat, ceterisque præstantior Christiana Religio; neque enim tunc viguisse credunt Mosaicam, aut admittendam superstitionem Gentilium. Nulla vero ante Mahumetis adventum extabat Religio, nisi aut Judæorum, aut Gentilium, aut Christianorum. Prioribus ergo a Mahumetanis rejectis, necessario Religio Christianorum est admittenda. Atqui ante Mahumetem Christiani profitebantur ea dogmata, quæ modo Saraceni rejiciunt. Mahumetes enim nonnisi septimo sæculo apparuit. Ergo dogmata, quæ modo Mahumetani refellunt, ante annum 622. quo incipit Aera Hegiræ, seu Mahumetica, vera fuerunt. Fieri autem non potest ut falsum dogma sit, quod transactis sæculis verum fuit.

Quarto probatur ex Alcorani, & Evangelii moralibus præceptis. Præscribit Evangelium perpetuam conjugum fidem: Alcoranus dat repudiandi licentiam. Proponit Evangelium unicam uni viro uxorem, ut servetur mutuus amor, studiumque liberorum: permittit Alcoranus ad fovenda dissidia, & irritamenta libidinum alias super alias uxores. Prohibentur Christianis carnales illecebræ: permittitur Mahumetanis cujusque voluptatis turpitudine. Christifideles rejiciunt Judæorum circumcisionem per legem gratiæ abrogatam; & Mahumetis a seclæ, repudiata lege veteri, reponunt in circumcissione vim prope totam. Legendus Euthymius, & Georgevicius de Ritibus Turcarum. E contra lex Christiana permittit temperatum cibi; vinique usum: Turcica tanquam rem execrandam in Alcorano Azoara xvi. vetat suillam carnem, potumque vini etiamsi moderatum. Præponenda est autem lex honesta jubens, & illicita prohibens legi quæ vetat licita, ac turpia permittit. Lex Evangelica jubet honesta, vetatque turpia: & Mahumetica prohibet honesta, ac proponit illicita. Igitur lex Evangelica Mahumetanæ præponenda est.

Quinto demonstratur ex Alcorani, & Evangelii propagatione: Christus Evangelium promulgaturus primum missionem suam comprobabat

bat divinis, humaniſque testimoniis, appellatque Judæos ad ſcrutationem divinarum Scripturarum. At Mahumetes in abſcondito cum Sergio Apoſtata fabricato Alcorano, præcipit Azoara xiii. ne quis in novam Religionem inquiret; & ne falſitatis redarguatur, prohibet etiam gregaliſus ſuis cum divinarum ſcientiarum ſtudia, tum humanarum. Elegit Chriſtus pro Evangelii propagatione, exiguum numerum pauperum; adſcivit ſibi Mahumetes turbam prædonum vim armis inferentium ſtatuens Azoara xviii., Religionem eſſe armorum pedifequam. Annuntiatum principio Chriſti Evangelium in Synagogis Jurisperitorum, tum in Athenienſium Arcopago, urbibuſque univerſi mundi cultiſſimis: at Alcoranus inter Arabes, ac Saracenos rudes, ignaros, incultos, prædiſque deditos, ut libro lxi. Emendat. Temporum cap. de Periodo Arabum ſcribit Scaliger. Diſcipuli denique Chriſti legem adverſantem carni & ſanguini repugnantibus Tyrannis potentiſſimis promulgarunt; Mahumetani ſingulis morem gerentes, fretique armis rebellium, qui ab Heraclio defeecerant, longe lateque religionem ſuam propagaverunt. Quare in promulgatione Evangelii nihil non mirabile, non divinum: & in propagatione Alcorani nihil non irreligioſum, non violentum. Sic itaque ratiocinabor: Non ſplendet virtus divinitatis in acceptatione legis proponentis voluptates in quas inhiat concupiſcentia, probatæ duntaxat ab impiis, & quæ aut mali ſuaſione, aut metu extorquet aſſenſum. Splendet quidem, ſi acceptetur lex inimica mundo, ſenſibuſque repugnans, non cogente Promoventis auctoritate, armorumque potentia. Ergo in ſola promulgatione Evangelicæ legis, non in fortuna exituque Alcorani fulget virtus divinitatis.

Poſtremo utimur hoc argumento. In Alcorano, Az. i. & xli. in Libro Doctrinæ Mahumetis, atque in Mahumetis Teſtamento in lucem edito a Theodoro Bibliandro legitur Chriſtianos poſſe in ſua lege ſalvari: unde recte Petrus Paſchaſius contra Mahumetanos pag. 30. num. 26. ait: *Multis in locis Mahumetus in Alcorano affirmat Chriſtianos optimam habere & colere legem, eſſeque in ſtatu ſalvationis.* Nullus tamen Chriſtianorum putat aliquem ſalvari poſſe in lege Mahumetica. Et quidem recte: cum enim unus ſit Deus, una veritas, una ſalus; oportet, ut unus ſit Dei cultus, una vera Religio, & una ad ſalutem via. Aſt ita urgentur Mahumetani: Magis certa eſt doctrinæ veritas, & via ſalutis in Religione, quam veram & proficuaſe tenent tum Chriſtiani, tum Saraceni, quam in Religione illa, in qua poſſe hominem ſalvari Chriſtiani negant, & ſoli Saraceni arbitrantur. Atqui poſſe hominem ſalutem conſequi in Religione Chriſtianorum tradunt tam Chriſtiani, quam Saraceni; ſalvari autem in Mahumetica putant Saraceni ſoli, negantque Chriſtiani. Igitur magis certa eſt doctrinæ veritas, & via ſalutis in Chriſtiana Religione, quam in Mahumetica.

tica. Consimili argumento permotus Henricus Quartus Galliarum Rex cum audisset a Ministris Reformatæ Religionis etiam in Ecclesia Romana salutem esse, Calvinianam hæresim ejuravit.

RESPONDETUR MAHUMETANIS.

Saraceni nullis, ut diximus, disciplinis imbuti solis argumentis utuntur rudibus, infulsisque, quibus etiam obviis, ac palmaribus exemplis respondendum est, allatis jam lib. VII. de Trinitate cap. 7. & proximo volumine de Incarnatione lib. XXV. cap. XI. Fidem ergo divinæ Trinitatis, atque Incarnationis adversus illos propugnare non erit Candidatis nostris perdifficile. Quædam sunt peculiariora, quæ ipsis tenaciter inhærent. Inquirunt primo, quomodo Deo Filium tribuamus, cum non habeat uxorem? Respondemus non esse Deum corporeum, ut filium gignat carnali complexu; sed ejus generationem quamdam habere cum productione verbi mentis nostræ analogiam: id vero magis esse credibile, quam angelos spiritales genitos a flamma ignis, & ab anima Dei decisam animam Adæ: scriptum denique in Alcorano natum Christum ex Virgine; nec minus esse mirabile in temporali generatione non esse patrem, quam in divina non dari matrem, siue generantis uxorem.

Deinde inquirunt, undenam certi simus dogmata de Verbi Incarnatione ac de Trinitate non fuisse a Majoribus nostris in Evangeliorum libros intrusa? Respondemus autem id nos certissimis argumentis evincere. Principio, quoniam Apostoli, quos Mahumetes ait fuisse viros sanctissimos, ac Saracenos, certissime Evangelia non depravarunt. Ab Apostolorum autem tempore per universum orbem Codices Evangelici sparsi sunt omnium fere gentium lingua conscripti. Si ergo autographum credunt Alcoranum penes se delitescentem, ac solo Arabum idiomate exaratum, occur non integrum opinantur Codicem Evangelii ubique terrarum multiplici lingua diffusum? Præterea impossibile est tantum facinus divinas literas depravandi attentasse universos Christi fideles, aut potuisse perficere: si vero id ausi fuissent perpauci, profecto Ecclesia universalis repugnasset, præsertim cum ante Mahumetem fuerit, Saracenorum consensione, verax & sancta. Insuper si in Christi honorem excogitassent Christiani adulterare Evangelia, curassent expungi narrationem mortis ejus turpissimæ atque teterrimæ, quam adeo indignam Christo putant Musulmani, ut eo divinitus sublato credant affixum cruci simulacrum & corpus umbratile. Ulterius divinitatem Christi Turcis incredibilem, æternamque generationem ipsius tradidisse literis Joannem Evangelistam adversus hæreses Cerinthi, & Ebionis, testantur Hieronymus, alique Patres, qui præcesserunt Mahumetem: Trinitatem vero divinarum Personarum definivit Synodus

Antio-

Antiochena contra Paulum Samofatenſem anno 260. & ipſam Verbi divinitatem contra Arium Nicæna Synodus anno 325. nec unquam An- titrinitarii , vel Ariani auſi ſunt affirmare depravata a Catholicis Evangelia . Tandem dicant Saraceni quandonam hæc dogmata fuerint a nobis intruſa . Num poſt Mahumetem ? Id quidem aperte eſt falſum , nam eadem profeſſi ſunt , atque ex Evangelicis libris in ſua commenta- ria derivarunt innumeri Eccleſiæ Patres , qui ante Alcoranum florue- runt . Poſt Mahumetem vero ? Neque id credi poteſt , cum oppoſitum probet teſtimonium ipſum præcedentium Scriptorum , & ſacrorum Li- brorum multitudo , antiquitas , & cohærentia .

Tertio petunt , unde probemus in Evangelio Joannis cap. xiv. ubi promittitur adventus Paracleti , non fuiſſe olim quædam ad Mahume- tem ſpectantia dolo Chriſtianorum abraſa ? Reſpondemus iſtud a nobis probari iſdem argumentationibus , quibus modo demonſtratum eſt li- bros noſtros eſſe incorruptos . His vero addimus , nihil abraſum in- odium Mahumetis antequam appareret , quoniam tunc ejus doctrina ac perſona ignorabatur : nihil etiam poſtquam advenit , quoniam ipſe produxiſſet miſſionis ſuæ hoc teſtimonium , atque iſtud in aliquo ſal- tem Evangeliorum Codice etiamnum extaret , cum nullum tamen pro- ferre poſſint Mahumetani , vel Arabicum , vel Græcum , vel Syria- cum , vel Latinum .

Querunt tandem , ſi poſt Moyſen creditur veniſſe Chriſtus Judai- cam Eccleſiam inſtauraturus , quare credendum non eſt poſt Chriſtum veniſſe Mahumetem reformaturum legem Chriſtianam ? Reſpondemus hoc de Mahumete credendum non eſſe , quoniam ejus doctrina non- promovet perfectionem legis Evangelicæ , ſed corruptelam . Si enim per Mahumetem perfectior eſt lex Chriſtiana , quam ſit Moſaica ; cum lex Chriſti vetet dari libellum repudii , concupiſcentiam mulieris , plu- raque Judæis olim permiſſa ; lex perfectior eſt quæ ſervat pudicitiam , & Matrimonii vinculum atque unitatem , quam lex hæc omnia diſrump- pens , & innovans abrogatam Judæorum conſuetudinem . Lex ergo Mahumetis permittens fornicationes , repudia , polygamiam , aliaque ſcelera turpiora eſt corruptela , non reformatio : alioqui lex Moſis erit perfectior Evangelio , contra manifeſtam rationem , & communem- quoque fidem Mahumetanorum . Deinde cum Deus non poſſit mentiri , credimus Chriſtum veniſſe poſt Moſen , quoniam in lege Moyſis teſti- monium habet : non credimus a Deo veniſſe Mahumetem , quoniam in lege Chriſti non prædicuntur futuri , niſi Pſeudoprophetæ . Nam quod Turcæ inquiunt nos cap. xiv. Joannis v. 16. abraſo Mahumetis nomine ſuppoſuiſſe Paraclitum , refutatum eſt paullo ſupra ; ac præ- terea liquet Mahumetem nec fuiſſe Spiritum inviſibilem mundo , nec docuiſſe Apoſtolos , nec veniſſe ſtatim poſt Chriſti aſcenſionem , quæ omnia de mittendo a Filio *Conſolatore* eo loci affirmantur . Rurſus ſi

Mahumetes salubriora præcepta attulit mundo, promulgato Alcorano abrogata erit lex Christiana; nec ad salutem sufficiens; quemadmodum promulgato Evangelio cessavit lex Mosis. At Mahumetani putant Christianam legem adhuc esse validam, & salutiferam. Denique in Evangelio, quod Saraceni credunt e cælo delapsum, habetur regnum Christi fore sempiternum, & adversus Ecclesiam nunquam prævalituras portas inferi. Frustra ergo post Christum venisse creditur alius Religionis Institutor, & Legislator. Prætermitto quæ supra demonstrata sunt, nullum esse aut in persona Mahumetis, aut in doctrina Alcorani, aut in promulgatione sectæ Saracenorum, ex characteribus divinæ missionis, quos deprehendi in Religione Christiana dicam proximo Capite, nec non libro xxv. cap. x. ubi disputabo de Christi adventu contra Judæos, & Paganos.

C A P U T III.

Demonstratur Fidem ac Religionem Christianorum evidentissime veram esse.

CUM necesse sit aliquem Dei cultum, Religionemque tenere, quippe id tantum negare audent Athei, adversus eos natura ipsa, ac testimonio animæ reclamantibus; potest quisque ex dictis inferre, solum Christianam religionem esse tenendam. Nam Idololatrarum superstitionem profligavimus supra, Mahumetanam quoque sectam modo impugnavimus; ac nullam Religionis formam præter hebraicam, quam alibi antiquatam demonstrabo, invenies nisi aut Paganorum, aut Mahumetanorum, aut Christianorum. Illorum ergo religione ejurata, Deus in Christianorum fide colendus est. Attamen quia assensus fidei, ac Religionis professio debet esse prudens, alias opinio esset, non virtus; ideoque supponere debet certam notitiam divinæ revelationis; rationem fidei nostræ petentibus non solum respondemus adduci nos fortissimis argumentis ad refellenda Gentilium, & Saracenorum dogmata, verum etiam ad præstandum assensum iis, quæ proponit Ecclesia Christi. Sunt autem argumenta illa istiusmodi.

I.

Religionem Christianam ab exordio mundi divina Oracula prænuntiavimus innumeris vaticiniis, quæ continentur in veteri Testamento, & quæ omnia completa sunt post Christi Domini Incarnationem. Non possumus autem hæc aut conficta existimare, aut in sacris libris apposita. Primo enim cetera, quæ ad Christum non spectant, genuina esse facile demonstratur. Mosen vera scripsisse, demonstratum est alio in loco, Mundi productionem, qualem ipse describit, tradiderunt

runt Phœnicum hiftoriæ, de quibus Eufebius 1. Præp. E. cap. 10. Aegyptii apud Diodorum Siculum; Hefiodus in Theogonia; nec poteſt falſitatis convinci ullo profanorum ſcriptorum teſtimonio, cum ipſe ceteros omnes præceſſerit. Quæ de diluvio tradidit, probantur a Beroſo, Abydeno, Luciano, & Nicolao Damafcenò. Legum, rituumque Hebræorum meminerunt Strabo, Tacitus, Herodotus, Philo Byblius. Joſephi Hiftoriam haud ignorarunt Artapanus, Eupolemus, Demetrius. Exitum populi Iſrael de Aegypto etiam Manetho, Lyſimachus, & Chæremon commemorarunt. Miracula Eliæ, aliorumque Prophetarum nequeunt eſſe conſiſta, cum patrata fuerint coram Sacerdotibus idolorum, qui falſæ narrationi ſeſe proſecto oppoſuiſſent. Vide annotata H. Grotii ad primum de Relig. Chriſt. n. xv. 1. Si ergo hæc aliaque plura vera eſſe creduntur; cur non vaticinationes vocationis Gentium, atque Inſtitutionis Chriſtianismi? Deinde quiſnam hæc vaticinia ſacris Codicibus aſſuit? Judæorum aliquis? At impoſſibile eſt hanc nationem, cui ſumma religio vel unum ſacrum apicem abraderè, voluiſſe verba divina depravare: cur ante Chriſti adventum id faceret, cauſam non habuit; poſtquam Chriſtus venit, id attemptare non potuit, & ob evulgatas jam Græcorum lingua ſcripturas, & propter populi, librorumque per Univerſum diſperſionem. Sed neque Teſtamentum manus ſacrilegas intuliſſe. Si autem Chriſtiani hoc attentaveſſent, revincerentur ab ipſis Judæis. Hinc recte Auguſtinus ſcribit lib. xv. 1. 1. de Civ. Dei cap. 46. diſperſos per orbem Judæos, ut Chriſtiana Religio teſtes in omnibus gentibus habere poſſet. Eſt ergo manifeſtum, Prophetarum vaticinia de Chriſto antiqua eſſe, divina, neque a Chriſtianis conſiſta.

I I.

Veriſſima quoque eſt Evangelica Hiftoria, quæ nobis tot Chriſti miracula, inculpatam vitam, mortem pro mundi redemptione, mirabilem revivſcentiam, ac plura alia apertiſſimæ veritatis monimenta patefacit. Literis enim conſignata eſt a Viris fide digniſſimis, qui res ſua ætate geſtas narrarunt, nec mentiri potuerunt, aut voluerunt. Non potuerunt quidem, cum Chriſtus nihil in abſcondito locutus ſit, nihil eorum, quæ deſcribuntur, claim perpetraverit: ideoque Evangeliſtæ poteſſunt facile falſitatis redargui ab invidis, & Chriſto inſenſiſſimis inimicis. Sed nec mentiri voluerunt. Cui enim bono, ſi nihil inde utilitatis, honorisque ſe percepturos videbant, ſed perſecutionem tantummodo, odiumque hominum, cum nequaquam eos lateret prædicari a ſe Jeſum Crucifixum Judæis ſcandalum, Gentibus autem ſtultitiam? Neque credibile eſt falſa narraviſſe in gratiam Magiſtri. Hujus enim, quem Hebræi expectabant præpotentem & gloria circumdatum, minime tacent parentes humiles, nativitatem in præſepio,

neglectam vitam, tenuissimam apud Optimates existimationem, suppliciumque Crucis teterrimum. Accedit, quod scripserint jam illo e vivis sublato: quem propterea, nisi resurgentem vidissent, cur decepti, ac spe frustrati hominem commendassent invisum Synagogæ in eos quoque pauperes, obscuros, ac numero exiguos, cædes minasque spiranti? Dubitare ergo non possumus, quin sacri Evangelicæ Historiæ Scriptores nobis vera narraverint. Quæ autem ab iis tradita sunt, incorrupta a nobis servari, capite præcedenti adversus Saracenos demonstravi.

I I I.

Facta a Christo miracula tam illustria ac manifesta sunt, ut ab ullo sanæ mentis nequeant in dubium revocari. Vertit in nuptiis Canæ Galilææ aquam in vinum, spectantibus convivis pluribus, aquam non Apostolis sed Sponsi famulis in hydrias fundentibus, ac degustante merum arehitricino. Hominem maligno spiritu vexatum spectante universa Synagoga sanavit, cum a dæmonio jactaretur in medio. Adolescentem viduæ filium revocavit ad vitam, cum efferretur ad tumulum, comitante turba civium, ac universo populo obsufo. Cæcum a nativitate notum omnibus illuminavit, frustra Phariseis miraculi gloriam technis & maledictis Christo detrudere molientibus. Paralyticum e lecto demissum coram immensa populi multitudine sanavit. Infirmum triginta & octo annorum morbo laborantem, atque ab omnibus derelictum uno verbo ad probaticam restituit sanitati. Magnam hominum multitudinem satiavit, ita ut etiam superessent fragmenta, quinque panibus hordeaceis. Lazarum quatuordecim annorum ad vitam revocavit, adstantibus ad monumentum Phariseis, qui non semel postea hominem in Bethania viderunt colloquentem & manducantem. Ipse Christus a mortuis surrexit, apparuitque Mariæ Magdalænæ, Simoni Petro, Discipulis euntibus in Emmaus, Discipulis omnibus simul congregatis, quingentis aliis viris ac feminis. Cetera Christi miracula prætermitto. Hac itaque palam facta, & comprobata testimoniis innumeris non possunt aliqua ratione denegari: cumque miracula sint invictissimum veritatis argumentum, ex his Christianæ Religionis veritas mirifice confirmatur.

I V.

Tam mira est Evangelii promulgatio, ut sola demonstret sui ipsius certitudinem ac veritatem. Principio enim propagatum est a perpaucis hominibus nulla philosophorum doctrina imbutis, nullo patrocinio terrenorum principum commendatis, non armis & eloquentia præditis, sed profectis in orbem binis ac binis, absque pera & calceamentis, omnique præsidio hominum destitutis. Atque hi induti virtute ex alto, abique prævio studio omnium gentium linguam edocti, & absque naturali facultate vel arte omnium morborum curatione præclari, fuerunt

runt Chriſtianæ Religionis columen ac fundamentum . Deinde non adjerunt tantummodo rudem ac ſylveſtrem multitudinem ſed Chriſtum annuntiarunt in ipſa celeberrima urbe Jeruſolyma , in qua Magiſter ligno ſuſpenſus occubuit , poſthac in Græcorum philoſophorum congreſſibus , in ipſa Roma dedita tum maxime literarum cultui , ac ſuperſtitioni Deorum , atque in univerſo propemodum orbe , ac provinciis regnorum omnium ampliſſimis . Præterea non inſciam tantum plebem ad ſe perduxerunt : ſed Reges , Philoſophos , Tyrannos , atque ipſos idolorum Sacerdotes , adverſariosque præcipuos . Tandem iis non obvia ſenſibus propoſuerunt , præſcripſeruntque genio , libidini , vetuſtiſque moribus conſentanea : ſed prædicarunt ſapientiam abſconditam , Deum in Trinitate unum , Dei filium crucifixum ac mortuum , propoſito credentibus præmio Gentibus inaudito , viſione ſummi Dei & corporum reſurrectione , latique præceptionibus , ut frangerentur idola , abrenuntiaretur divitiis ac voluptatibus , ſupplicia æquo lubentique animo fererentur , atque a viris uxores , a parentibus filii , a fratribus , nbi cauſa adeſſet religionis , divellerentur & fratres . Atque hæc tam ſublimia & ardua talium hominum prolata eloquio , quæ virtus ſuadere poterat humanâ ſcientiâ inſtatis , & carnalibus , niſi divina , & occulta vis Religionis ?

V.

Affine eſt argumentum , quod nunquam adverſus inſtitutam a Chriſto Religionem potuerint portæ inferi prævalere . Præcurſorem ipſius inceſtuoſus Rex capitis damnavit : ipſum Chriſtum , omnibus adverſus eum conſpirantibus , cruci Pilatus appendit : Petrum Apoſtolorum Principem Herodes catenis vinxit , Claudius Nero in Cruce ſuſpendit : alii omnes Apoſtoli exilio , ac morte mulctati . Neque in hos ſævium tantummodo Romanorum Imperatorum ediſtis , & Proconſulum immanitate ab Eccleſiæ incunabulis fideles diſperſi ſunt , proſcriptis bonis , corporibusque omnium tormentorum genere dilaniatis . Exortæ fuerunt etiam ipſo priori Eccleſiæ ſæculo complures hæreſes , quæ tamen veritatem Religionis noſtræ non potuerunt labeſtare . Noſcunt , qui veterum ſcripta legerunt , quanta moliti fuerint Simon , Cerinthus , Menander , Saturninus , Baſilides , Valentinus , aliique miniſtri Satanæ . Hæc autem Perſecutorum , atque hæreticorum machinamenta proximis ſæculis , ut produnt hiſtoriæ , minime ceſſavere . Neque incorrupti fuerunt ab initio mores fidelium omnium , quamquam non adeo forte corrupti : diſſenſiones quippe , & fornicationes Corinthiorum redarguit Paulus , & vitia in ſeptem Eccleſias irumpentia ſcriptor Apocalypſis Joannes . His autem minime obſtantiſque efficere non potuit aut furor perſequentium , aut apparentia pergrinarum doſtrinarum , aut dæmonis nequitia , ut navis tot , tantiſque procellis jaſtata fluctibus mergeretur : quod proſpecto evenire debuiſſet ,

huisset, si non illam regeret virtus Altissimi, & spiritus veritatis. Huc spectant argumentationes, quibus demonstro libro xxv. cap. x. Christum esse verum Messiam, divinumque Legislatorem.

V I.

Argumentum sextum ac postremum ex eo deducitur, quod Christiana Religio ceteris omnibus præstet. Primo id evincitur ex dignitate Institutoris. Hunc enim nemo dixerit elatum inani gloria, cum evangelizaverit pauperibus, & regni honorem, hominumque plausus repulerit. Nemo dixerit hominum gratiam captasse, cum palam arguerit hypochrism Phariseorum, textisque flagellis è templo eiecerit profanatores. Nemo dixerit subdolum circumventorem, cum doctrinam suam annuntiaverit in Templo, & in Synagoga. Nemo denique inanum præceptorum promulgatorem; cum ipse omnium primus eandem impleverit sectando vitam humilem, & subeundo mortem turpissimam. Habes ergo in Religionis nostræ Institutore rectissimum intentionis finem, manifestam conscientiam veracitatis, & exempli operisque confirmationem. Et tamen ipsius dignitatem ac potentiam testimonia, ac prodigia innumera comprobant. Compara huic legislatores ceteros, & longe præstantiorem invenies, non dicam Græcis sapientioribus vitiorum omnium fœditate inquinatis, aut Romanis cultu dæmonum, & fraterna cæde pollutis, sed ipso Moyse, cujus vita, licet probatissima, cum rebus à Christo gestis nullatenus est comparanda. Deinde liquet Christianæ fidei præstantia ex Evangelicis præceptis: in quibus nihil offendes, quod repugnet vel immutabili legi naturæ singulis inditæ, vel sanioribus Sapientum documentis, vel morum regulæ ac probitati. Jubemur enim Deum colere, Parentes diligere, turpia vitare, singulis benefacere. Hæc cum natura distantes complures servanda esse præceperint, conspurcarunt tamen institutis aliis juxta infeminate concupiscentiæ, & pravæ indolis incitamenta. Nam Idololatriæ nihil non contaminatum; horrenda autem summo opere consuetudo victimas humanas mactandi. Ex Philosophis Plato plurimum Deorum cultum invexit: Aristoteles lib. v. Politic. cap. 11. docet indecoras artes conservandæ Tyrannidis, etiam cum Religionis abusu. Stoici nullam aliam virtutem agnovere, quam bonorum operum ostentationem, ut omnibus essent admirationi, humanarum laudum captatores superbissimi. Epicurei sprete religione solam voluptatem sectarunt. Hebræorum autem præcepta aliqua institutis Christianorum conformia sunt, plura istorum promissiones ac signa, nonnulla æconomiae causâ prout ad idololatriam ad tempus præscripta. Religio ergo servans externis ritibus, animoque Dei cultum, proponens omnia erga proximum humanitatis officia, probans virtutes quotquot consensu hominum habent decorem honestatis, damna flagitiosaque libet, etiam si sola mente versentur; & nihil agens causâ terrenæ volu-

voluptatis, aut philauiciæ, ceteras omnes antecellat neceſſum eſt. Denique felicitatem, quæ immortalem animum explere poſſit, hæc religio ſola promittit; aliæ nec agnoverunt: nam de perenni vita animorum aliqui dubitarunt, quidam tranſitum hominum in beſtias commenti ſunt, nonnulli dixerunt ſolam virtutem, cujus vis in perferendis malis ſita eſt, ſibi præmium eſſe, alii epulas & concubitus expectant: quæ omnia vel ſunt mortalis vitæ neceſſitates, vel ſaltem habent pericula, anxietates, interitum. At ſpes firmiſſima Chriſtiano-
rum divinis promiſſionibus, & reſurreccióne Redemptoris corroborata, tendit in vitam ſempiternam, in Deo abſconditam, nulloque corporis animique incommodo affectam. Cum vero admittendam conſtet beatitudinem, quam omnes homines cupiunt, nec proſpecto expectent, niſi aſſequi poſſent; ea tantum Religio vera exiſtimanda eſt, quæ veram beatitudinem pollicetur. Quamobrem ſpectata dignitate Inſtitutoris, præceptorum æquitate, nec non excellentia mercedis, debet profeſſio Chriſtianorum ceteris omnibus anteferri.

CONTRARIA ARGUMENTA SOLVUNTUR.

Poteſt adverſus dicta primum objectari. Quod ipſi Apoſtoli Evangelicam Hiſtoriam conſcripſerint, atque autographi ſint libri, quibus narrantur Chriſti miracula, ac præcepta Religionis noſtræ traduntur, incertum prorſus eſt, atque inexploratum: labatſcit ergo primum, ac proximum argumentum. Prob. ant. I. Cum plura Evangelia ab incunte Eccleſia fuerint ſub nomine Apoſtolorum conſcripta, & evulgati libri complures apocryphi; poſſunt eſſe ejusdem generis ſcripta, quæ a credulis primi ævi Chriſtianis fuerunt recepta. II. Facile evenire potuit in Jeruſolymorum excidio, ut diſperſis illius Eccleſiæ monumentis falſa ac mendosa ſupponerentur. III. Recipit Eccleſia inter Canonicas ſcripturas ſcripta quædam ſub nomine Apoſtolorum, ut Epiſtolam Pauli ad Hebræos, ſecundam Petri, Catholicam Judæ, & Apocalypſim Johannis, nec tamen conſtat habere reapiſe illos, quorum nomen præſerunt, auctores. Pariter ergo dubium eſt ſcripſiſſe Evangelia Mattheum, Lucam, Marcum, Joannem.

Reſp. nego ant. Cum enim habeamus conſtans ſæculorum omnium teſtimonium, nefas eſt de auctoribus Evangeliorum dubitare, ac multo minus de rebus a Chriſto geſtis, pro quarum confirmatione mentiri, nihil, ut vidimus, Apoſtolorum intererat. Ad probat. 1. dico, ob eandem rationem, ob quam rejiciuntur Pſeudo Evangelia, alique libri apocryphi, a nobis ſcripta retineri Apoſtolica; ideſt, quia illa nunquam univerſalis Eccleſia probavit, hæc autem unanimi ac perpetua traditione recepit. Enarrantur præterea in Pſeudo Evangeliiſ facta quædam Chriſti aut pugnantia, aut abſque ullo teſte patrata, in Evan-
geliis

geliis autem publica doctrina, & Christi opera facta coram multitudine populorum, atque omni testimoniorum genere confirmata. Ad alteram probationem respondeo non a sola Ierosolymitana Ecclesia receptam Christi doctrinam ac religionem, sed præterea Antiochiæ, Corinthi, Ephesi, Romæ, atque in universo propemodum orbe, in quo Evangeliorum Codices fuerunt ante Ierosolymitanum excidium dispersi. Ad tertiam hoc habeto responsum. Si incertus esset auctor scriptorum, quæ commemorata sunt, quia de ipso auctore nonnulli veterum dubitarunt; certissime tamen Evangelia conscripta fuissent ab Apostolis, quoniam in hoc veteres omnes consentiunt: sed nego etiam, non esse adscribenda ea scripta Auctoribus, quorum præferunt nomen, cum privato aliquorum iudicio præponi debeat traditio Apostolicæ Ecclesiæ satis jam explorata, ac discussa.

Deinde opponi potest. Apostoli, cum ignari essent, ac simplices, facile decipi potuerunt. Primo ipse Christus potuit cum iis, qui infirmos se fingerent, convenire. Deinde fallere eos potuit rerum apparentia, & rumor vulgi. Insuper fuerunt fortasse, quos Christus sanavit, infirmi non reipsa, sed imaginatione duntaxat. Demum ipsi Apostoli cum impenso Christum diligerent, potuerunt ob nimium amorem deludi præsertim in apparitionibus post ejus mortem ac sepulturam.

Resp. evidentissimum esse quod Apostoli non fuerint circa facta a Christo prodigia decepti. Sane Christus non potuit cum suppositis infirmis fraudulenta conventionem pacisci. Etenim aliqua ejus prodigia facta sunt in universa populi multitudine, ut multiplicatio quinque panum; & impossibile est ingentem turbam in simulationem conspirasse, & ex ea neminem fraudem postea patefecisse: aliqua patrata sunt ad preces exterorum, ut Centurionis, & mulieris Chananæ, quibuscum convenisse Christum nequit oriri suspicio: aliqua venerunt coram invidis Phariseis, quorum studium præcipuum erat Christum deprimere, & gloriam ipsius obscurare, ut curatio paralytici, & demoniorum expulsio. Prima ergo conjectura evidentissime exploditur. Sed nec simulasse infirmitatem quos Christus sanavit, liquet: quis enim a primo nativitatis die se cæcum fingeret, ut apparenter illuminaretur? quis triginta & octo annis simularet paralyticum? quis cum Lazaro quatuor diebus jaceret in sepulcro? quis sineret se a dæmone vexari, & elidi? His non apparenter reddita a Christo fuisse lucem, vitam, ac sanitatem, tam certum est, quam interesse non potuit simulatio eorum, qui receperunt beneficia; nec falsus rumor, cum cæcum a natiuitate recepisse lumen spectarent omnes, testarentur parentes, & perperam occultare tentarent invidia in Christum tabescentes Judæi. Paralyticum quoque ferentem grabatum suum, & Lazarum revocatum ad vitam singuli propriis oculis inspexerunt. Nulla ergo hic simulatio, aut falsus rumor occurrit. Cæcitatem ipsam, paralyticum, mortem in sepul-

ſepulcro jacentis, quis, niſi inſaniam omnino, dixerit imaginationis effecta? Denique non ſeſellit Apoſtolos exiſtimatio Magiſtri; nam, & diutius fuerunt increduli, & pluribus experimentis veritatem con-
treſtaverunt, & accepta a ſeipſis miraculorum virtute dabitare non poterant Magiſtrum, a quo acceperant, ea caruiſſe.

Cetera argumenta perquiras libro I. cap. VII. & lib. XXV. cap. XI.

C A P U T IV.

*Non eſſe connumerandos inter Chriſti fideles, nec fruſtrum
Redemptionis illius percepturos, qui ejus Divini-
tatem atque Incarnationem non conſentuntur.*

VERAM Religionem, quam Chriſtianam eſſe demonſtravimus, ſe proſiteri autumant gregales omnes Socini contententes non, eſſe e fidelium numero expungendos, qui myſteria quoque fidei no-
ſtræ præcipua, id eſt individuum Trinitatem, & Dominicæ Incarna-
tionis Oeconomiam præſtacte oppugnant, aut negant. In eodem luto hæſiſſe Hugonem Grotium liquet ex his, quæ habet Tom. IV. Op. Theol. pag. 752. *Sunt alie quæſtiones intricatores de diſtinctione, unitate Patris, Verbi, & Spiritus ſancti, de duabus in Chriſto natura-
tis, earumque proprietatibus, ſive quarum nimis exacta cognitione, nihil impedit quo minus aliquis ſit Chriſtianus.* Exactam quippe cognitionem non appellat hoc loco Grotius ſublimiorem Theologorum doctrinam, ſed firmam fidem illorum myſteriorum, ſcribens hæc non computari inter dogmata, ſine quibus in veteri Eccleſia nemo Chriſtianus exiſtimabatur, & ſuper his conſpici in antiquorum ſcriptis non tantum diſſonas locutiones, ſed interdum libertatem quoque ſenten-
tiarum. Ita pariter ſentiunt omnes illi, qui putant homines ſingulos, dummodo pagani non ſint, & Deum colant, ac ſervent legis præcepta, debere frui omnium Eccleſiarum commercio, conſeſſerare, & colere fraternitatem; ut in IV. Inſtit. libro ſect. 2. cap. 33. nititur demonſtrare Episcopius, necnon Auctor operis, cui titulus *Irenicum Irenici*, p. 73. Refellunt tam pernicioſum errorem Scholaſtici omnes commoſtrantes neceſſitatem Fidei explicite in Chriſtum, & luculenter Placidus Troylus Abbas Cisterciensis de Fide, ſive Tractatu III. articulo 3. aliquæ recentiores; nec non Antonius Arnaldus in opere de neceſſitate Fidei in Chriſtum, & ex Proteſtantibus Georgius Bul-
lus celebris, & eruditus Episcopii adverſarius in diſſertatione, quæ ſequitur Deſenſionem Nicænæ Fidei: eidemque Episcopio, ceteriſque Remoſtrantibus, ac novis Ebionæis opponimus proximam defini-
tionem.

PROPOSITIO. Non ſunt habendi tanquam Chriſti fideles, neque
20. IV. Y y hære-

hæreditatis ejus participes erunt, qui ad normam legis Evangelicæ mores componentes in capite de divina Christi natura a nobis dissentiunt.

Probatum primo ex scripturis. Marci ultimo 15. ita Christus Dominus Apostolos allocutus est: *Euntes in mundum universum prædicate Evangelium omni creatura. Qui crediderit, & baptizatus fuerit, salvus erit: qui vero non crediderit, condemnabitur.* In ea doctrina, ac ministracione baptismi comprehendendi invocationem Trinitatis, constat ex cap. xxviii. Matth. 19. Igitur qui Trinitatis mysterium, & Domini nostri Jesu Christi divinitatem non profitetur, is neque Christianam fidem amplectitur, nec salvus erit. Deinde Ioannes cap. 1. postquam nobis Christi divinitatem proposuit, verso 12. inquit: *Dedit eis potestatem filios Dei fieri, iis, qui credant in nomine ejus.* Ac 11. cap. 18. *Qui autem non credit, jam judicatus est, quia non credit in nomine unigeniti Filii Dei.* Qui ergo in Christum non credit, neque filius Dei est, neque hæres, sed extra Christi ovile expulsum, atque dejectus. Præterea in Apostolicis Actibus cap. 1v. 12. ait Petrus: *Nec enim aliud nomen est sub caelo datum hominibus, in quo oporteat nos salvos fieri.* In quo ergo nomine salutem consequentur, qui rectam Christi fidem abjiciunt? Hæc aliaque plura diluere nequeunt, aut Sociniani reponentes, quod sufficiat credere Jesum esse Messiam, præter naturæ ordinem de Spiritu sancto conceptum, novique fœderis auctorem; aut Remonstrantes ad hæc addentes fidem quoque præexistentiæ Christi ante Incarnationem: nam ut libro vii. demonstratum est, non hæc tantum dogmata, sed etiam Filii Dei consubstantiali Patri divinitatem nobis sacrosancta Evangelia proponunt.

Confirmatur Catholica veritas Patrum exploratissima Traditio. Enimvero S. Martyr Ignatius in Epistola ad Ephes. illos, qui Christi denegant divinitatem appellat *Domus corruptores, qui non bareditabunt regnum Dei.* Irenæus lib. 111. cap. 21. *Qui unde (inquit) tantum hominem cum dicunt ex Josepho generatum, perseverantes in servitute pristina inobedientia moriuntur, nondum commixti Verbo Dei Patris, neque per filium percipientes libertatem: paucisque interjectis: Ignorantes autem eum, qui ex Virgine est Emmanuel, privantur munere ejus, quod est visus æterna.* Tertullianus Libro de Anima, cap. 1. ait: *Cui veritas comperta sine Deo? cui Deus cognitus sine Christo? cui Christus exploratus sine Spiritu sancto?* Ac de præscript. cap. 13., & 36. fidem, qua credimus Christum Deum esse commendat, & necessariam de prædicat. S. Hieronymus ad cap. 111. Epist. ad Ephesios: *Non possumus esse filii per adoptionem, nisi prius fidem Filii Dei, & intelligentiam recipiamus.* Idem luculentissime tradit S. P. Augustinus de Corrept., & gratia cap. vii. sed hæretici trium duntaxat priorum sæculorum nobis doctrinam, Fideique confessiones obijciunt.

Acce-

Accedit momentum ex Eccleſiaſtica Hiſtoria. Nam ſtatim ac extortæ ſunt hærefes adverſus Salvatoris noſtri divinitatem, ac ſalutiferam Incarnationem, non tantum illas Eccleſiæ Paſtores reſellere, ac eliminare ſtuduerunt, verum & profeſſores a fidelium cœtu exturbaverunt. Ebionæos ab incunabilis Eccleſiæ tale facinus auſos proſtigavit S. Joannes Evangeliſta, ut ſcribunt in Catalogo Hieronymus, & in 111. adverſus Hæref. cap. 11. Irenæus. Nec proſtigavit tantum: mendaces, Antichriſtos, ſeduſtores appellat cap. 2. prioris Epiſtolæ, eoſque ab æterna vita arcet quinto ejusdem Epiſtolæ capite. Cum vero circa annum 195. Theodotus, dictus ab arte Coriarius, Deum eſſe Chriſtum negaret a Viſtore ab Eccleſiæ communione cjeſtus eſt, ac Byzantii primum, deinde Romæ in ſummum contemptum, ludibriumque venit, ut narrat Epiphanius Hæref. LIV. Cajus apud Euſebium lib. v. H. Eccl. cap. 28., & in poſtremo de Præſcript. Tertullianus, ſive Auſtor illius Addicamenti. Ejusdem rei cauſa proſcriptus eſt, ac reprobatuſ ab omnibus initio tertii ſæculi Artemon, paullo poſt Beryllus Boſtrenſis, ac deinceps Paulus Samofatenus, qui, auſtore Athanaſio in lib. de ſalutari Adventu, protulit hanc de Chriſto blaſphemiam: *Prædeſtinatione quidem fuit ante ſæcula, ſed Nazaretbi primum extore capis*. Vigeſat Pauliana hærefis, quam damnarunt Patres Antiocheni, interdicta impio hæreſiarchæ Eccleſiaſtica communione, circa annum. 260. Falfum ergo eſt, Chriſtifiſelcs trium priorum ſæculorum, cum iis, qui negabant divinitatem, & Incarnationem Chriſti coluiſſe fraternitatem.

Præterea quis non videt quanta conſequantur abſurda, ſi tanquam Chriſti diſcipuli habendi ſint, qui moralia præcepta tenentes ſibi pro libidine dogmata fingunt? Principio non viri prudentes, ſed ſtulti fuiſſent, qui ab Arianis martyrium perpeſſi proprio ſanguine Chriſti divinitatem comprobarunt: imo ab idololatriſ ad necem quaſiti facile potuiſſent declinare tormenta affirmantes Chriſtum a ſe non Deum, ſed hominem tantum humilem, ac probum haberi: quod, ut opinor, non fuiſſet Judæis ſcandalum, Gentibuſque ſtulticia. Patres vero cuiſnam bono hæreticoſ ſcriptis laceſſire, ferire anathemate, & tam exoſos habere, ſi credidiſſent futuros in cœleſti Jeruſalem concives ſuos, & in Eccleſia viatorum membra ſibi corporis compagine conjunctoſ? Ipiſi denique hæretici cur tanto molimine Romanam communionem evertere, & dogmata nobis adverſa ſtabilire conantur, ſi omnes, dummodo peccata vitemus, in qualibet ſecta ſalutem, ac perpetuam felicitatem aſſequimur? Aut ergo una fides tenenda eſt, aut fruſtra Martyres occubuerunt, fruſtra Patres infeſtarunt Apoſtaſas, fruſtra hæretici ipſi in noſ tam audaſter inſiliunt.

DILUUNTUR OBJECTIONES.

Ex Episcopo possunt hæc opponi. Primum: In antiquis symbolis, quæ Catechumeni accedentes ad baptismum recitare tenebantur, exprimitur tantum nomen Patris, Filii, & Spiritus sancti, ut liquet ex Irenæo lib. 1. cap. 2. & Tertulliano libro de velandis Virginibus cap. 1. & de Præscript. cap. 13. nulla facta mentione de Verbi divinitate, aut de Personarum distinctione; neque possunt hæc symbola dici mutila, aut imperfecta, cum Irenæus symbolum suum tam absolutum appellet, ut nihil ei possit addi, vel detrahi: quod & affirmat ibidem Tertullianus.

Resp. in eo symbolo mysterium Trinitatis, & Incarnationis præcontineri: Trinitatis quidem, nam tres personæ singillatim enumerantur, & in earum fidem, earumque nomine proficitur Catechumenus se baptizari, & ad baptismum accedit jam fide Christiana imbutus, & Catholicum verborum illorum sensum tenens: ideoque symbolum Catechumenorum absolutum, ac perfectum est, quoniam illi nihil addi potest contrarium, etsi possint ipsa mysteria enucleatius exponi. Hoc verissimum esse constat, quod tam Irenæus, quam Tertullianus scribant, perseverare in servitute pristinae obedientiæ, qui Christum putant nudum hominem. Accedit quod Catechumenorum symbolum in libro Const. Apostolicarum VII. cap. 41. ad hunc modum se habet: *Credo, & baptizor in unum ingenitum, solum, verum Deum omnipotentem, Patrem Christi, creatorem, atque opificem universorum, ex quo omnia: & in Dominum Jesum Christum unigenitum ejus filium, primogenitum omnis creaturæ, qui ante secula genitus est, non creatum, per quem omnia facta sunt, &c.* Arbitror hoc symbolum esse alterius brevioris expositionem. Etsi enim de Auctore Constitutionum Apostolicarum inter eruditos plane non convenit, consentiunt omnes plura inde utilia hauriri ad explorandam veterem disciplinam, ut scribunt Joannes Bona de Rebus Liturgicis cap. 8. §. 4. Joannes Morinus P. 2. de Sacramento Ordinis p. 20. & Joannes Fronto in Prænotatis ad Calendarium Romanum §. 5. Addo Catechumenorum symbola fuisse præsertim instituta, ut ejurent idololatriam, ac Deorum multitudinem, ut dixi libro VII. cap. 4.

Ob, 2. Justinus in Dialogo cum Tryphone pag. 268. inquit: *Verum enimvero non amittitur illud, hunc esse Christum Dei, si probaverit nequeam, & extitisse ipsam prius filium Conditoris hujus universitatis, & esse Deum, ac genitum ex Virgine, omnino interim demonstrato hunc esse Christum illum Dei, qualiscunque demum is futurus sit.* Itaque connumerari possunt inter veros Christi fideles, qui ipsum nec Dei filium, nec Conditorem universorum, imo nec filium Virginis, & incarnationi præexistentem fateri nolunt.

Resp.

Reſp. nego conſequentiam . Juſtinus eo loci , ut dixi lib. viii. cap. 2. reſellit Tryphonem argumento , quod appellant *ad hominem* . Dixerat paulo ante Trypho : *Omnes nos Chriſtum hominem ex hominibus uſciturum præſtolamur* . Itaque S. Juſtinus , Cur ergo , inquit , negas Jeſum Nazarenum eſſe Meſſiam , quod percipere nequeas illum fuiſſe natum ex Virgine , & divinam habere naturam ? Si Judei omnes præſtolantur Chriſtum purum putum hominem , eccur ajunt Jeſum , in quo impleta vidimus vaticinia Prophetarum , non eſſe Meſſiam , quoniam huic competere nequeunt characteres divinitatis ? Ceterum poſthac Juſtinus Chriſtum Deum eſſe luculenter demonſtrat ; & paulo ſupra pag. ſcilicet 264. de Chriſtianorum genere ſcripſerat : *Agnoſcunt Chriſtum Dei filium , qui ante luciferum , & lunam fuit , & ex Virgine generis Davidici caro factus naſci ſuſtinuit* .

Inſurgens : At ibidem Juſtinus affirmat eos , qui negant Chriſtum prius exiſtiſſe , & Deum eſſe , ac natum ex Virgine , adhuc eſſe ex vero Chriſtianorum genere , licet ipſe neget ſe talibus aſſentiri : *Sunt enim (inquit) nonnulli , o amici , ex genere noſtro conſentientes ipſum eſſe Chriſtum , ſed hominem ex hominibus genitum eſſe affirmant : quibus ego minime aſſentior* .

Reſpondet Bullus legendum eſſe , *ex genere noſtro* ; quod videtur probari ex verbis præcedentibus Tryphonis aſſerentis præſtolari Judæos hominem ex hominibus naſciturum : ita enim tota ratiocinatio Juſtini coheret . Ac ex alia parte facilis fuit mutatio ἐπὶ τῷ ἡμετέρῳ γένει , in ἐπὶ τοῦ ἡμετέρου γένους , quemadmodum ibidem irrepiſit τῷ τῷ προ τῷ . Addit male convenire hoc nomen γένος Chriſtianis , qui ex diverſis nationibus collecti ſunt , illo quippe vocabulo non ſεῖτα , aut congregatio hominum idem inſtitutum perfequentium ſignificatur , ſed gens , ſive populus eadem ſtirpe progenitus . At labafcit hæc poſtrema ratio Georgii Bulli , quamquam reſponſio ſit ex priore capite valde probabilis . Etenim Plato , quem magni Juſtinus fecit , de philoſophantium quadam ſεῖτα ait in Ep. vii. φιλοſοφῶντων τὸ γένος , & apud Euſebium lib. iv. cap. 26. dicitur a Melitone Sardinio Chriſtianorum congregatio συνοβαὶ γένος ; in Actis quoque Eccleſiæ Smirnenſis de Martyrio Polycarpi legitur apud eundem Euſebium τῷ γένος ἡμετέρου ἑρπύς : ac demum latiniffime non ſolum dicimus Genus Achillis , aut Herculis ; ſed etiam de aliqua hominum ſocietate , quos natura , aut religio conciliat , Genus hominum , genus fidelium , &c. Potuit ergo Juſtinus idem vocabulum uſurpare etiam de ſocietate , ac multitudine Chriſtianorum , quamvis hi ex diverſis nationibus ſint collecti . Magis itaque mihi placet altera , & communior reſponſio S. Juſtinum per τὸ ex genere noſtro deſignare Ebionæos , qui licet non eſſent in communione Eccleſiæ Catholicæ , ſibi tamen Chriſtianum nomen arrogabant , & Chriſtiani cenſebantur , in quantum ſecernebantur ab idolo-

idololatriis, & a Judæis, confitentes venisse Messiam. Et quidem Justinus in Apologia 11. ad Antoninum Pium discipulos. Simonis, Menandri, & Cesinthe appellat promiscue Christianos, non tamen *pura alioque pieque sententia*, ut eodem Dialogo cum Tryphone dicit aliquos Chiliaſtas: sed *quemadmodum Philosophis, cum eis non sint communia dogmata, nomen tamen, quod a Philosophis ducitur, commune est.*

Hanc responſionem alia via Remonſtrantes, alia Sociniani nituntur evertere. Illi qui Christum Virgini præextitiſſe, & de Spiritu ſancto conceptum fatentur, inquit, Juſtinus non loquitur de Ebionitis, ſed de iis tantum, qui Chriſti divinitatem oppugnabant, & tamen eos affirmat eſſe ex genere noſtro. Compræhendantur itaque in Chriſtiano genere, qui negant Chriſtum eſſe Deum. Et quod Juſtinus de Ebionitis non loquatur probant, tum quia nimis frigide contra Ebionæos loquutus eſſet, ſi dixiſſet tantum *ſe iis non aſſentiri*, cum in tot aliis graviffimis capitibus diſſentiret: tum etiam quia hoc in loco *quibusdam e genere noſtro*, id eſt, Chriſtiano, opponuntur *plerique*, qui eadem ſentiebant, ac Juſtinus; unde intelligere eſt agi de ejuſdem generis hominibus. Ita Joannes Clericus in Hiſt. Eccleſ. ad annum cxi. num. 10. At ſutilia, inepta, vaniſſimaque iſta ſunt. Nam quis, niſi Ebionita, aut conſimilis ſectæ homo, putat Chriſtum putum purum eſſe *hominem ex hominibus genitum*? aut quis id affirmans credit illum *præter naturæ ordinem e Spiritu ſancto* conceptum, quod neceſſarium eſſe ad Chriſtianorum fidem inquit paullo ſupra idem Clericus? Juſtinus ergo *quosdam ex genere noſtro* affirmantes Chriſtum eſſe tantum hominem, intelligit Ebionæos, & tamen eos non recipit in Eccleſiæ communionem, quia non credunt, quod etiam Arminiani profitentur, e Spiritu ſancto conceptum. Clericus ergo ex ipſa ſua fide reſellitur. Juſtinus autem illos hoc loco hæreticos non appellat, quoniam adverſus Tryphonem, & Judæos pernegantes veniſſe Meſſiam, non adverſus Ebionitas ſtilum exercet: ſed appellat ex genere noſtro, quia licet non ſint ex Eccleſia Catholica, ſunt tamen ex genere illorum, qui annunt veniſſe Chriſtum.

Ex adverſo Sociniani ajunt: Si Juſtinus comprehendit in genere Chriſtianorum Ebionæos negantes Chriſti præexiſtentiam atque divinitatem, cur nos eadem ſentientes ab Eccleſia repellimur? At hi eadem reſponſione revincuntur; quippe Juſtinus connumerat Ebionitas in genere Chriſtianorum profitentium adventum Chriſti, non in communionem Chriſtianorum credentium quæ docuit Chriſtus: ſiquidem poſt ea verba, *quibus ego minime aſſentior*, addit, *non enim hominum traditionibus ac doctrinis juſſi ſumus a Chriſto credere, ſed eis quas beati Prophetæ promulgarunt, & ipſe Chriſtus docuit*: & in eodem Dialogo pag. 252. variis hæreticorum ſectis enumeratis, inquit, *cum quorum nullo communionem habemus.*

Si dixeris: Non potuit Juſtinus a Chriſtianorum cœtu amovere aliquam hæreticorum ſectam: cum in altera Apologia aperte inter Chriſtianos enumeret etiam Socratem, & Heraclitum, qui ſpretis idolis unum Deum coluerunt; Reſpondeo philoſophos iſtos dici a Juſtino Chriſtianos quatenus unum Deum cum Chriſtianis agnoverunt, & deſteſtati ſunt Ethnicorum ſuperſtitionem, quam ipſe Juſtinus eo loci inſectatur: non autem dici Chriſtianos, quatenus pertineant ad Eccleſiam, & regnum Chriſti: eo nempe ſenſu, quo Tertullianus Animam unum Deum invocantem appellat naturaliter Chriſtianam; & quemadmodum ait idem Juſtinus in prima Apologia pag. 46. *Juxta partem aliquam ſeminalis rationis.*

Opp. 3. Primo ſæculo Eccleſia Jeruſolymitana habuit cum ceteris fidelibus communionem, & tamen conſtabat ex Nazaræis & Ebionitis, cum in ea aliquo tempore ſervata fuerint legalia.

Reſp. fabulam eſſe putidiſſimam, quam ſtudit venditare Auctor *Ironiconum* p. 73. & recoxit Joannes Clericus in H. E. ad annum LXX. num. 1. Eccleſiam enim Jeruſolymitanam uſque ad Adriani tempora cognitionem Chriſti genuine ſuſcepſiſſe, teſtatur Eufebius lib. x. H. E. cap. 5. neque Remonſtrantium commentatio nititur aut Scripturis, aut veterum Scriptorum teſtimonio. Ait quidem Hieronymus in Epiſtola LXXIV. ad Auguſtinum, Cerinthus & Ebionem propter hoc a Patribus anathematizatos, *quod Legis ceremonias cum Evangelio miſcuerunt*; ſed quod hi neceſſarium putabant, Eccleſia Jeruſolymitana aliquandiu ſervavit œconomiæ cauſâ, ut diximus libro xx. cap. 10. Quare ſumma irrogatur injuria priſcis Jeruſolymitanæ Eccleſiæ fidelibus, (qui in conventu habito anno Ae. Ch. 50. poſt Petri, & Jacobi ſuffragia communi decreto ſtatuērunt Gentes converſas non ligari lege Moyſi, ut habetur Aët. xv.) dum appellantur Nazaræi, atque Ebionitæ. Falſo etiam has duas ſectas unam eſſe ſcribit ibidem Joannes Clericus; nam Hieronymus citata Epiſtola inter Auguſtinianas 89. aperte ab Ebionitis diſtinguit hæreſim Mineorum, ſive Nazaræorum; & ait iſtos credere in *Chriſtum filium Dei, natum de Virgine Maria*: cum de Ebionitis aperte affirmet de Script. Eccl. num. 1x. aſſerere, *Chriſtum ante Mariam non fuiſſe*. Ac Ebionitas putaviſſe Chriſtum eſſe nudum hominem, filium Davidis, non filium Dei, obſervarunt Tertullianus lib. 2. de carne Chriſti, Epiphanius H. 30., Eufebius lib. 111. H. E. cap. 27., alique veteres. Ideo autem Hieronymus in Epiſtola ad Auguſtinum poſt hæreſim Ebionis, commemorat etiam hæreſim Nazaræorum, quoniam & hi cum Ebionæis ceremonias legis tanquam neceſſarias ſervabant; de quo argumento cum Auguſtino Hieronymus diſceptabat. At licet in obſervantia legis Moſaicæ utrique convenirent; Nazaræi tamen Chriſtum Dei Filium, Ebionæi tantummodo hominem cum Cerinthianis prædicabant, ut liquet ex diſtiſ; & accurate animad-

animadvertit sanctissimus parens Augustinus in libro de Hæresibus num. 1x. & x. Errat ergo Jo. Clericus confundens ex Epistola Hicronymi Ebionitas cum Mincis, sive Nazaræis; &, ni fallor, etiam doctissimus Martianeus Tom. 1v. Operum S. Hier. pag. 623. male apposuit notationem, *Minei Judæi Ebionita*. Verum quidquid sit de utriusque sectæ discrimine; nego fideles Jerosolymitanos, qui non cogeant gentes judaizare, fuisse Ebionitas, aut Nazaræos: nisi hoc postremum nomen pro Christianis universis accipiatur; quos novimus ex cap. xxiv. Act. Apost. dictos a patria Salvatoris nostri *Nazarenos*.

Oppones 4. Si Ebionæi, ac Paulliani, sive Samosatenses, necnon Theodotus ac Beryllus ideo damnati fuerunt, quia putarunt Christum esse nudum hominem, ac Nazarethi primum cœpisse; sat crit hæc impia dogmata refutare, ut quis in fidelium communione censeatur, nec invidia facienda est iis, qui in ardua quæstione de Verbi divinitate ab aliis dissentiant. Expellantur itaque ab Ecclesia, si libet, Sociniani, at non Ariani, alique hujus generis homines.

Resp. cjectos a communione fidelium hæreticos illos non solum, quod præxistentiam, sed etiam quod divinitatem Christi negarent. De Ebionæis nuper diximus. De Paulo Samosatensi scribunt in Ep. Synodica PP. Antiocheni, negasse Christum *Dominum Deum suum*, nec dissentit S. Pater de Hæresibus num. xlv. Idem legitur de Theodoto in Præscriptionibus Tertulliani cap. 53. & de Artemone apud Eusebium lib. v. H. Ecc. cap. ultimo: de Beryllo denique ibidem lib. vi. cap. 3. Quare argumentum retorquetur.

Opp. ultimo Matth. xlv. 17. cuidam Christum interroganti, *Quid boni faciam, ut habeam vitam æternam?* respondit, *Si vis ad vitam ingredi serva mandata*. Sufficit ergo servare præcepta, quamvis non credantur mysteria, quæ superant humanum captum.

Resp. nego consequentiam: ad observantiam enim præceptorum fides in Christi divinitatem præsupponitur; *Non enim per legem promissio, sed per justitiam fidei*, inquit Apostolus ad Rom. 1v. 13. & præced. cap. 22. *Justitia autem Dei per fidem Jesu Christi in omnes, qui credunt in eum*. Qui Christum interrogavit, forte ejus fide jam erat imbutus; nam apud Marcum x. 17. legitur hæc interrogasse *genuflexo ante eum*: aut Dominus fidem in divinitatem suam commendavit præmittens ea verba, *Quid me interrogas de bono? Unus est bonus Deus. Si autem vis ad vitam ingredi, &c.* Non sunt ergo inter Christianos revera connumerandi, qui de Salvatore nostro humana tantummodo sentiunt,

Viperæ promunt semperque ex corde venena,

Filius, ut dicant, est creatura Dei:

Lucis magis auxilium præstat sapientia mundi,

De ingenito genitum quæ negat esse Deum.

Ita de Sectariis Venantius Fortunatus lib. 11. num. 6.

C A P U T V.

*Detestandas eſſe tanquam Chriſtiane Religionis adverſas
ſectam Calviniſtarum, Lutheranorum,
aliorumque Proteſtantium.*

APUD hæreticos non extare veram Eccleſiam, & fidelem Chriſtianorum cœtum, liberiori ſtylo alibi ex certis notis curabimus demonſtrare. Nunc brevî quantum illi a Religione Chriſtiana extorres cenſendi ſint, ne eos de fide ac Religione diſſerendo omnino prætermittamus, ſtatuum ob oculos. Eſt autem Religio, ut illam ex Ciceronẽ definiunt S. P. Aug. q. 31. ex 83. & D. Thomas q. 80. *virtus, qua ſuperioris cujuſdam naturæ, quam divinam vocant, curam, ceremoniamque offert.* Illam definitionem his verbis Theologi tradunt, *Religio eſt virtus, qua exhibet cultum Deo debitum.* Coli Deum fide, ſpe, & caritate, ait S. Pater cap. 3. Enchiridii. Hi ſunt Religionis interni aſtus: exteriores vero, ſacrificium, oratio, &, quæ huc ſpectant, ſacrorum myſteriorum, Sacerdotum, rituumque obſervatio.

Facile hincprehenditur, quam hæreticorum ſectæ ſint a vera Religione alienæ. Nam ſi de fide ipſorum inquiratur; nec veritates *fundamentales*, quas ſaltem credendas & ipſi poſt Jurium non denegant, in Sectariorum libris incontaminatas invenies. Deum unum, quem Apoſtolica fides, & ratio ipſa ſingulis indita fatetur omnipotentem, & qualibet te excogitabili meliorem, qualem nobis Heterodoxi pro libidine pingunt? Abſolutam ejus potentiam Joannes Calvinus ad cap. 2. Jobi appellat rem detestabilem ac diabolicam, necnon Scholaſticorum commentum: ejusque diſcipulus Theodorus Beza lib. 1. adverſus Heshuſium arguit falſitatis illa verba Gabriælis Archangeli, *Non erit impoſſibile apud Deum omne verbum.* Quid vero ſentiunt de Dei bonitate? Deum operari mala culpæ, & ad peccatum impellere voluntate effectrice, ſcribunt Calvinus lib. 1. Inſtit. cap. 18. & Beza in Summa Chriſtiana Aphoriſmo 2. Hinc Deum Calviniſtarum eſſe diabolum, cum ſit auctor homicidii ac mendacii, & ſeminator zizaniorum, probant ex Catholicis Becanus Opuſc. 111. cap. 15. & ex Lutheranis Tillmannus Heshuſius in libro de Erroribus Calv. Et tamen de Deo ſimilia ſentire Lutherum, ac Melancthonem colligitur cum ex illius Aſſert. Vittæbergenſibus art. 36. tum ex hujus Annotationibus ad cap. vi 11. Epiſt. ad Rom. Quam abſurda de Tripitate effutiant, norunt omnes. *Trinitatis* vocabulum penitus rejiciunt ſinguli cum Lamberto Danæo libro contra Genebrardum. Chriſto ignorantiam tribuunt Lutherus in Conc. de Nat., Zuvinglius ad cap. 2. Lucæ, Calvinus ad 24. Matthæi. Cruci ſuffixum deſperâſſe ſcribit idem Hæreſiarcha lib. 2. Inſtit. cap. 16.

To. IV.

2a

& in

& in Annot. ad Biblia vernaculâ linguâ edita anno 1562. Genevenses ministri, in caput Mat. septimum ac vicesimum. Christianam spem, ut alibi diximus, tollunt, illam in superbam inflatamque fiduciam, commutantes, dum iniquiunt justificatum certo scire, se non posse excludi a gloria, & excidere a gratia. Nullum mehercle habent vinculum caritatis scipfos mutuo amore prosequentes. Albertus Molinæus, & Illyricus appellant Calvinistas idololatrias, corruptores divini verbi, blasphemos, mendaciorum architectos, infernales molossos, ac ministros missos a Satana: Calvinus e contra Lutheranos in Admon. 3. ad Joachimum Westphalum, vertiginosos, phreneticos, bardos, fastuosos, improbos, calumniatores. Frustra nobis pariter dissidia, & jurgia objectant. Hæc illi invicem ejaculant ob discrepantiam dogmatum circa Cœnam Dominicam; at nullus Catholicorum, ob hanc causam proscindit alterum; ideoque si nos aliquando in caritate deficiamus, servamus tamen unitatem religionis ac fidei, quæ unitas ab ipsis frangitur ac discinditur.

Neque inter sectarios Religionem invenies, si actus exteriores inspicias. Orationem, nisi præfracte mentiantur, etiam dominicam, illam, ac principem ceterarum, debent reprobare. Nequeunt sincere dicere: *Dimitte nobis debita nostra*, quum impiis credant nunquam peccata remitti; justos vero nunquam sanctitatem amittere. Revera Puritani ea verba non proferunt. Quis appellaret spiritum precum, & non potius insaniam, Adamitarum, qui Deum colunt & orant nudo corpore in hortibus ambulantes? Fanaticorum, qui tanquam dæmone arrepti decidentes in terram gestus edunt oris deformitate, membrorumque torturâ horrendissimos? Ejulantium, qui nil Deo gratum putant præter lacrymas atque singultus? Sacrificia major hæreticorum pars abjicit, Missam abrogat, sacrosque ritus tanquam superstitiosos condemnat. Tempia diruit, sacras Imagines incendit, ipsum Redemptionis signum, crucem scilicet Domini frangit. Erga Divos adeo sunt injuriosi, ut nec probent solemnia Martyrum antiquitus instituta, nec cultum ipsis impendant, nec illorum patrocinio se committant, nec intercessione se communiunt: quarum rerum afferunt quidem ineptas, futilesque causas, sed eas omnes, refellendas, ubi singillatim dogmata vindicabimus Romanæ Ecclesiæ. Nunc enim ex his conclusionem, hanc apertissimam deducimus, carere sectas hæreticorum actibus omnibus Religionis, tam internis, quam externis.

Atque ne tam jejune pertractetur argumentum istud amplissimum; eadem momenta, quibus supra demonstrata est veritas Religionis Christianæ, evincunt falsitatem doctrinæ sectariorum. Nulla divina oracula horum adventum prænuntiaverunt, nisi ea, quæ prædixerunt fore, ut adversus Ecclesiam insurgerent Antichristi, pseudoprophetæ, seductores. Calvinianam, ac Lutheranam hæresim aperte calamita-

tem clademque Eccleſiæ allaturas vaticinatus eſt in Templo Burdigalenſi perhumilis Dei ſamulus F. Thomas Minorita, quem ſcurriliter excipit Bezzæ impudens ſtilus, at ſatis tutatur eventus rerum. Quidquid accidit Germaniæ, vaticinata fuerat celebris ſanctimonialis Hildegardiſ. Quæ in Anglia evenerunt ſub Henrico, & Eliſabetha manifeſte prænuntiavit virgo illa celebris Cantiana, quam Novatores, tanquam pythone agitatam capitis damnarunt. Inter prænuncios ſerpentium hærefum Florimundus lib. 1. cap. 3. connumerat Hieronymum Savonarolam, de quo varia fuiſſe hominum judicia, ſcribit in Hiſtoriarum ſuarum libro 1v. Guicciardinus. At nil refert ad vaticinationum veritatem hominis aut probitas, aut audacia: nam Geneveſium apoſtaſiam etiã dæmon fertur prædiſſe his verbiſus:

Quæ tanto ſtudio expetitur modo grata Lemani

Unda lacus, pariet jam mox ſaſtidia ſumma.

Ex vaticiniis itaque apparet, quam proteſtantium religio ſit deſtabilis.

Quemadmodum ex Evangelica hiſtoria habemus veritatis apertiſſima munimenta; ita ex libris ſectariorum produnt ſe innumera falſitatis indicia. Credimus Evangelis, viris humillimis, divino numine aſſatis, narrantibus quæ audierunt, & optimorum Scriptorum prærogativa exornatis. Hoc idem in cauſa eſt, ne credamus Heterodoxis ambitione inflatis, falſariis, a dæmone edoſtis. Lutherum illorum antefignanum animum ſuum paſcere conviciis, ac maledictis, ſcripſerunt eo vivente Eraſmus, & Bucerus; deſiderari in ipſo moderationem, ait non ſemel Melanchthon. Muncerus dux Anabaptiſtarum ſibi Evangelis nomen attribuit, Meſſiæ David Georgius, Zuvinglius ſe in ſomniis a phantaſmate accepiſſe ſenſum verborum illorum, *Eſt enim Phaſe, ideſt, tranſitus Domini*, proprio ore affirmavit. Depravaviſſe Evangelia ad infringendum Catholicum de Eucharis tia dogma liquet ex editione Tigurina novi Teſtamenti anni 1525. ubi legitur: *Hoc enim ſignificat corpus meum*. Quis ergo ſanæ mentis poterit doctores iſtis præſtare fidem?

Ut diximus præterea confirmari Chriſtianam Religionem geſtis mirabiliſſis, ac portentofis; ita deſectamur ſectas hæreticorum, plebem decipientium ſignis, & prodigiis mendacii. Celebriora Anabaptiſtarum miracula ſunt e lacu extrahere retibus copiam piſcium, ignaros, & illiteratos expedite legere ſacra biblia. At hæc duo, quæ tam magnifice prædicant, non excedunt dæmonis facultatem. Voces Londini ex antro erumpentes, & Angelis attributæ, fuiſſe puellæ, cui nomen Eliſabetha Croſta, a ſectariis ad hanc nequitiam inducitur dirutus paries, & publicum judicium patefecit. Fuerunt itaque Calvinianæ ſectæ teſtimonia non cœlitus demisſa, ſed, ut contigit quoque Mahumetis dolo, per ſummam fraudem conſecta. Quid acciderit Lu-

thero dæmonem adjuranti, & Calvino fingenti resurrectionem Brulei, vide apud Bellarminum lib. 1v. de notis Eccl. cap. 14. Melchiorum Hofmanum de suo reditu, ac triumpho divinitus, ut jactabat, admonitum, Argentorati squalidus carcer, & inedia confecit mortem tristissimam, ac teterrimam. Interitum mundi, quem futurum die 3. Octobris anno 1533. tam asseveranter prophetavit Stiphelius, adhuc expectamus sæculis duobus exactis. Legite Historias Ræmundi, & Laingæi. Sat est, si cum Erasmo in Diatriba de lib. arbit. asseramus nullum, ut vocant, Reformatorem adhuc extitisse, *qui vel equum claudum sanare potuerit.*

Præterea ad confirmandam veritatem Religionis Christianæ produximus miram Evangelii propagationem. Longe diversa via proceffit hæresis. Hujus præcones non acceperunt doctrinam illapsu Spiritus sancti; sed excucullati illi, Lutherus, Petrus Martyr, Oecolampadius, Bucerus, Ochinus, sacris, quas magno studio didicerant, abusi sunt disciplinis. Ac facti Apostatæ nunquam inter se convenerunt; nec mirum si data sententiarum libertate plures lascivientis ingenii homines deceperint. Non leges sensibus repugnantes promulgarunt, sed libidini, ac noxiæ libertati percommotas. Permittunt Anabaptistæ uxorum promiscuum usum; Adamitæ prorsus nudi invècunde conveniunt; Sacerdotes contrahunt matrimonia; Calviniani libertatem sibi auctoriter vendicant, & leges Magistratum contemnunt. Sæctæ hac ratione institutæ haud mirum si impios alliciant, sublato maxime Ecclesiastici judicii timore, rejecta Confessione Sacramentali, facta libertate frangendi jejunia, & absque ullo merito, aut opere sempiterna beatitudine repromissa. Vim etiam, ac tyrannidem adhibuerunt. Necati in Anglia, quod Henricum VIII. non agnoverint tanquam Ecclesiæ caput, clarissimi viri, Joannes Fîscherus Episcopus Rossensis, & Cardinalis amplissimus, Thomas Morus supremus regni Cancellarius, & præter ingentem Monachorum numerum, etiam probatissima mulier, ac mater Cardinalis Poli Margarita Comitissa Sarisburiensis. Regnante Elifabetha perforatæ presbyteris auriculæ candenti ferro, & insuti Catholici urfinis pellibus a molossis dilaniandi. Contra omnium principum jura,

Post varias clades miserorum, & cadis acervos

Insontum, comes exornat spectacula Mater

Supplicio, Regum soror, & fidissima conjunx,

scilicet Maria regina capite truncata anno 1587. duodecimo Kal. Martii. Geusii, idest, Calvinistæ Belgæ in sola urbe Brilæ 184. Martyres mactarunt. Quid in Galliis Huguenoti? Matronas intortis crinibus equorum caudæ alligare, vivos capite tenus defodere, evellere linguam, sacerdotes cruci affigere, ori servescens oleum infundere, extrahere intestina fustis circumvoluta, ventrem stupratis viduis pulvere tormen-

tormentario diſrumpere, aliaque horribilia iconibus & Epigrammatibus expreſſa a Verſtegano in Theatro crudelitatis hæreticorum. Hac ratione ſtetit aliquando, floruitque idolorum ſuperſtitio, Gothorumque ſævum imperium; at nunquam Chriſtiana fides; & Apoſtolica Eccleſia: quæ non vi armorum, ſed Martyrum ſanguine propagatur.

Quinto argumento demonſtravimus Chriſtianæ Religionis firmitatem, quod non potuerit adverſus illam prævalere hæreſis, ac malitia: nam ſi in Eccleſia hæreticiprehenduntur, excunt excommunicatione percuffi; ſi vivunt improbi, pœnitentiis, & correptionibus ſubjiciuntur. At non ita ſe gerunt refractarii. Prævaluit adverſus illorum hæreſim hæreſis; nam ex Lutheranæ factione prodiit Carolſtadiana deſectens ad Berengarianam negantem in Cœna diſtribui Corpus & Sanguinem Chriſti: Carolſtadiana peperit Zuinglianam, quæ quadragies circa Euchariſtiam dicitur ſententiam muſaſſe. Hinc Anabaptiſtæ, aliæque peſtes. Lutheranorum alii rigide ſervant Confeſſionem Auguſtina; emolliunt alii, & Melanchthonem illius Confeſſionis Architectum accuſant tanquam Lutheranæ doctrinæ depravatore, ac idololatræ. Inter Calviniſtas alii Jacobini, alii Cauſarii, alii Liberiti; & tamen ſeſe invicem patiuntur, ac mordent tanquam angues invicem complicati. En quomodo prævalent in ſectis portæ inferi, & ſpiritus mendaciorum. Turpitudines morum non ſolum ibidem regnant, quod humanum eſt; ſed etiam probantur, quod eſt irreligioſum, atque ſacrilegum. Commendatur Joannes Leidenſis, qui induxit polygamiam, habuitque ſimul ternas uxores: ac Theologi Wittembergenſes in ſontem judicarunt mulierem matrimonio conjunctam patri, fratri, ac marito. Habetur inter religioſiores Petrus Martyr publice Argentorati cum femina Deo ſacra ſcortatus. Andreæ autem Carolſtadio, qui primus e ſacerdotibus uxorem duxit, non tantum laudum præconia, ſed & ſacrilega Miſſa ſolemniter decantata, in qua prior Collecta: *Deus, qui poſt tam longam & impiam Sacerdotum tuorum cecitatem, beatum Andreæ Carolſtadium ea gratia donare dignatus eſt, ut primus nulla habita Papſtici juris ratione uxorem ducere auſus fueris, &c.* Reliqua me pudet referre. At ſufficienter hinc demonſtratur Sectariorum Eccleſias inteſtiniſ hæreſibus, & ſclerum approbatione labefactari.

Poſtrema ratio, quæ demonſtrat Chriſtianæ fidei præſtantiam ſuperiori capite 111. petita eſt ex conditione Inſtitutoris, & æquitate præceptorum. At quinam fuerunt Sectariorum ſigniferi? Unus poſt ſolemnia vota ſacratæ Virginis conſtuprator; alter ob turpius crimen Novioduni ſtigmatæ in tergo notatus; neuter vero habens propriæ miſſionis auctoritatem. Quæ autem in hæreticorum libris moralium diſciplinarum principia? Solum apoſtaſiæ & incredulitatis ſlagitium animas perdere: homicidia, adulteria, & peccata quælibet horribilia.

nihil

nihil obesse credentibus: omnia bona opera esse sordes & inquinamenta: privatum cuiusque spiritum esse regulam fidei. ac morum: justum nulla hominum lege teneri. Hæc tantum, ne commemorem reliqua, flagitiis omnibus viam sternunt, ablegant studium virtutis, dissidia fovēt, & Reipublicæ tranquillitatem perturbant. Si aliquando inter nos scandala, & perversi mores cernuntur, adversantur institutionibus nostris, atque malitiam nostram, non Ecclesiæ documentum, habent causam. E contra in hæreticorum conventu ad scelera pertrahit ipsa doctrinæ conditio. *Mundus ex hac doctrina quotidie redditur deterior*, inquit Lutherus ipse in Postilla domestica impressa Jenæ Conc. 2. Dom. 1. Adventus. Consimilia Musculus in libro de Prophetia Christi, & Calvinus in Comment. 2. Petri 1. 2. Caret ergo Protestantium Ecclesia dignitate institutionis, & disciplinæ æquitate, atque tot argumentationibus convellitur, quot Christianam religionem communiunt, & roborant.

C A P U T VI.

Romanæ Ecclesiæ Symbolum tanquam Apostolicum esse recipiendum.

QUATUOR Fidei Symbola sunt ceteris illustriora, Romanum, five Apostolicum, Nicænum, Constantinopolitanum, & quod tribuit Athanasio. Secundum ac tertium pro eodem habetur a pluribus, quod postremum sit alterius auctarium. De Nicæno constat editum in magno Concilio habito Nicææ in Bythinia anno Sylvestri Papæ xii. idest, Ae. v. 325. consensu Episcoporum cccxviii. ibique appositum vocabulum *ipsum* adversus hæresim Arianam, ut diximus lib. vii. cap. 13. Constantinopolitani auctores esse Patres cl., qui ad Synodum convenere adversus Macedonium, Actium, & Eunomium, anno xv. Damasi, idest, Christianæ Ae. 381. consentiunt omnes. De Symbolo Athanasiano disputatum est lib. vii. cap. 8. Inquirendum restat de Symbolo Apostolorum, quod ab Apostolis editum, negant quamplurimi; inter quos Gerardus Vossius differt. 1. de tribus Symbolis, Dupinius in nova Bibliotheca Tom. 1. pag. 14. Auctor Anglus Historiæ Symboli Apostolici cap. 1. num. 20. & 21. Apostolis tribuunt Scriptores innumeri, ac omnes fere Catholici.

Disputationem quidam instituunt de Symboli nomine, quod Nostrates interpretantur *collationem*, negat autem, oppugnatque interpretationem istam Vossius num. 17. & 18. Ait significationem hanc depromptam ex antiquitatibus convivalibus male Symbolo aptari, quum veteres cœnam collatitiam, non symbolum dixerint, sed symbolam: quod

quod probat ex Andria Tarentii, ex Athenæo, aliis. Exſcriptis omnia in Notis pag. 18. Dupinius. Addit interpretationem aliam ex Suida, & Turnebo comprobataſ testimoniis Græcorum, qui ſymbolum accipiunt pro *iudicio*, ac *teſſera*. Auctoꝝ Anonymus Hiſtoriæ ſymboli vocem derivat ex Gentilium *ſacris*, in quibus initiatis dabantur quedam ſuperſtitioſis ſigna, puta lychnum, gladium, hederam, papaver. Quod *ſymbolum* ſit quaſi teſſera, ac ſignum Apoſtolicæ fidei, non nego. Probat & hanc interpretationem Rufinus, Maximus, Iſidorus. Videſis huius lib. v. 1. Origin. cap. ult. Etiam fateoꝝ *ſymbolam* eſſe pecuniam collatam ab iis, qui cœnaturi erant communi ſumptu, anulum quoque, arrham, aut ſignum quodecunque paſſionis; nec repugno Henrico Stephano, Turnebo, Faerno, ac Fabricio caſtigantibus leſionem. Tercientianam, ubi peccato librariorum pro *ſymbola* ſcriptum eſt *ſymbolum*. At nego rejiciendam eſſe interpretationem priorem ob tam infirmas conjeſcturas, quas idem Voſſius dicit Grammaticum pulverem. Συμβόλιον idem eſt ac *conferre*, & *congregari*: hinc derivarunt tam *ſymbola*, qua cœnaturi conveniunt, quam *ſymbolum*, ſeu teſſera, qua milites congregantur, & dignoſcuntur ab hoſtibus. Aliæ ergo interpretationes corroborant primam, non evertunt. Pachymercus ad cap. 111. Eccl. H. Dionyſii *ſymbolum* interpretatur τὸ ἵματιον, colleſtam, quod approbat in ſuo Theſauro Budæus. Rufinus in Expoſit. ſymboli inquit: *ſymbolum enim Græce, indicium dici poteſt & collatio*. Auctoꝝ Commentariorum in Proverbia inter Opera Hier. cap. 23. *ſymbolum græcum nomen eſt, & interpretatur collatio*. Caſſianus lib. 111. de Incarnat. cap. 3. *Quod enim Græce ſymbolum dicitur, Latine collatio nominatur*. Scriptoꝝ Epistołæ ad Jacobum Clementi ſuppoſitæ, *ſymbolum latine collatio dicitur*. Eamdem eſſe ſententiam Iſidori, Rabani Mauri, & Eucherii Lugdunenſis nec Voſſius denegat. Horum itaque auctoritate priorem interpretationem recipimus, alteras non reſutamus.

Præterea diſputatur, an Apoſtoli ſymbolum conſiderint, & quo tempore, ac modo. Levioris momenti ſunt duæ quaſtiones poſtremæ. Baronius ad annum XLIV. editum putat anno ſecundo Claudii paullo poſt mortem Jacobi Majoris, quem Herodes capite truncavit. Rufinus in Expoſitione ſymboli, & Iſidorus Hiſpalenſis conditum arbitrantur ſtatim poſt adventum Spiritus ſancti, cum Apoſtoli ab invicem diſceſſuri conſtituerent normam futuræ prædicationis. Huic ſententiæ facilius ſubſcribo; quamquam enim nonnulli afferant alias cauſas ſymbolum edendi, præſertim, ut in ſingulis Eccleſiis certa baptizandis formula exponeretur, id tamen non repugnat ſententiæ Ruſini, & Iſidori, cum potius utraq; cauſa, ideſt, norma prædicationis, & baptizandorum catecheſis, atque Eccleſiarum inſtitutio eundem ſcopum attingant. Quare non video cur Voſſius num. VII. & etiam Juenin. Tom. VI. pag. 172. ſcribant Auctoꝝes diſſentire circa ſinem, quo Apoſtoli

stoli symbolum condiderunt, quia unus asserit editum tanquam normam prædicationis, alter tanquam Catechumenorum formulam. Est ergo infirmissimum argumentum, quod hinc depromit Dupinius, præsertim cum temporis aut finis non tam explorata cognitio, si nullam repugnantiam involvat, minime elevet rerum narratarum substantiam.

Idem affirmandum est de modo, qui non unus a Scriptoribus assignatur. Sunt enim, qui affirmant cum Ratberto Paschasio Apostolos condidisse hoc symbolum in commune consulentes, ea ratione, quæ eduntur Canones in Synodis Episcoporum. Ac placet nonnullis editum symbolum in eo cœtu cxx. virorum, de quo Actorum capite primo. Placet aliis unumquemque Apostolorum unum articulum condidisse: quod improbant iuniores, ut Calmet in dictionario, & Troylus Tom. 1. pag. 137. Non valde firmo fundamento nititur sententia prior, sed tamen verisimili. Nam præter sermonem cxv. de Tempore falso tributum Augustino, perantiquum tamen, nec omnino rejiciendum, fulcitur prior illa opinio auctoritate Leonis Magni in Epistola 96. ad Pulcheriam Augustam, Innocentii III. lib. 2. Mysteriorum Missæ cap. 49. ut mittam Jacobum Vitriacum, & Albertum nostrum Patavinum etiam a Vossio laudatos. Posterioris autem sententiæ nulla ratio profertur, nisi quod ita videbatur agendum: & idcirco unam non rejicimus, de altera titubamus. His vero expeditis videndum, an symbolum revera condiderint Apostoli, quod diximus negari a permultis, cujusmodi sunt Laurentius Valla, Erasmus, Brentius, Calvinus, & impugnari præsertim a tribus eruditis viris Vossio, Dupinio, & Auctore Anglo paullo supra commemoratis.

PROPOSITIO I. Hoc symbolum recte dicitur *Apostolicum*.

Non tantum hæc propositio fide Catholica tenenda est, ut inquit Gaspar Juenin; sed etiam admittitur ab Adversariis. *Neque enim dubium est*, inquit Calvinus lib. 11. Instit. cap. 16. *quin a prima statim Ecclesiæ origine, adeoque ab ipso Apostolorum sæculo instar publicæ, & omnium calculis receptæ Confessionis obtinuerit*. Eadem Vossius num. 21. Probatur autem; quoniam Irenæus discipulus Polycarpi partem hujus symboli repetens lib. 1. cap. 2. ait, *Ecclesiam per omnem terrarum orbem dispersam ab Apostolis eorumque discipulis illud accepisse*. Tertullianus adversus Praxeam de symbolo scribit, *Hanc regulam ab initio Evangelii decurrisse*. Hieronymus Epist. 38. ad Pammachium, *Symbolum fidei, & spei nostræ ab Apostolis traditum, &c.* Plura collegit Natalis Alexander disert. xxi. sæculi 1. quæ omnia saltim usque ad num. 6. probant symbolum recte dici *Apostolicum*, & continere doctrinam ab Apostolis traditam, etsi apertissime non evincerent, quod est controversiæ caput præcipuum, ita esse ab Apostolis traditum, ut ab iis quoque sit conditum, atque digestum. De propositione

tione itaque, quam nullus in dubium revocat, hæc perpauca .

PROPOSITIO II. Ipſi Apoſtoli idem Symbolum condiderunt .

Demonſtratur : nam juxta regulam S. P. Auguſtini lib. iv. contra Donatiſtas, *Quod univerſa tenet Eccleſia, nec a Conciliis inſtitutum, ſed ſemper retentum eſt, non niſi auctoritate Apoſtolica traditum certiſſime creditur* . Ubi notandum eſt non dici ab Auguſtino traditum *auctoritate Apoſtolica*, quod ſcripturis, & Apoſtolicæ doctrinæ non repugnat, quo ſenſu ſatentur Voſſius, Baſnagius, alique hæretici, ſymbolum eſſe *Apoſtolicum* . Enim vero juxta hanc acceptionem *Apoſtolicæ* appellantur etiam Canones ſacrorum Conciliorum . *Auctoritatem* itaque *Apoſtolicam* hoc loco appellat S. P. ipſam Apoſtolorum inſtitutionem . Atqui ſymbolum recipit univerſa Eccleſia, ſemper retinuit, neque editum eſt in Conciliis . Itaque editum eſt ab Apoſtolis . Recipi ſymbolum Apoſtolicum ab univerſa Eccleſia ſatentur Heterodoxi . Eorum quidam ſemper retentum negant ; affirmantque ſecundo aut tertio ſæculo fabricatum adverſus erumpentes hæreſes . At revincuntur ex productis testimoniis Irenæi, Tertulliani, & Hieronymi ; atque ratione ipſa, quum pernicioſiſſimæ hæreſes eruperint ipſa Apoſtolorum ætate . Symbolum autem iſtud non fuiſſe conſectum a Synodo aliqua Oecumenica patet, nam liquet in pretio habitum ante Synodum Nicænā, & Conſtantinopolitanā ; quum Ruſinus, qui Romā cum Melania profectus eſt Alexandriam anno 372. ſymbolum Apoſtolicum tanquam vetuſtiſſimum laudet, quemadmodum & Hieronymus, & Auguſtinus, & alii, qui idem ſymbolum interpretantur . At ſolæ Synodi Nicæna, & Conſtantinopolitana fuerunt ante annum quadringteſimum . A nulla ergo Oecumenica Synodo ſymbolum Apoſtolicum editum eſt . Conſentientem habeo Voſſium num. xlv.

Affine eſt argumentum petiſſum ex Traditione . Ruſinus nuper laudatus in Expoſit. Symboli, ait conſtare Traditione majorum omnes Apoſtolos in unum adunatos, & Spiritu ſancto repletos hoc ſymbolum edidiſſe ; narrationemque his verbis orditur, *Tradunt Majores noſtri* . Samuel Baſnagius ad Annum 42. num. 18. ait, quod narrat Ruſinus, editum hoc ſymbolum, *ut eſſet futura prædicationis indicium*, videri Apoſtolis injurioſum, quaſi per orbem diſperſi poſſent diverſa credentium animis inſtillare, aut ſcriptura non omnia complecteretur quæ ſunt in ſymbolo, vel Paulus antequam ſalutaret Apoſtolos, diverſa in Arabia annuntiaverit . At inepta nimium cavillatio . Placuit Apoſtolis normam fidei proponere per brevem, faciliſſimam, non ſcripturis oppoſitam, ſed illarum compendiariam doctrinam . Falfum eſt præterea, ſolam ſcripturam ſingulis eſſe apertam, & omnia ad ſalutem neceſſaria comprehendere . Ad hæc per id temporis ſolum vetus teſtamentum extabat . Cui ergo bono additum novum ? Num ſuperfluum eſt, vel oppoſitum ? Ipſe Paulus cur Epiſtolas conſcripſit ? Quidquid repo-

net Basnagius, id confirmabit Apostolici symboli auctoritatem. Atque ut ad Veterum traditionem revertar; hujus locupletes testes habemus Leonem Magnum in Epistola ad Pulcheriam Augustam, Innocentium lib. 11. Mysteriorum Missæ cap. 49. Isidorum lib. 11. de Eccl. Offic. cap. 22. Venantium Fortunatum Præfat. in hujus Symboli exegetim, alioque etiam a Vossio laudatos num. 1v. & x. Communem hanc esse traditionem omnium PP. Orthodoxorum demonstrant Genebrardus in 111. de Trinit. Fevardentius in lib. primum Irenæi cap. 2. Boverius de Unitate Fidei, Alexander Natalis sup. cit. ac fere omnes Theologi. Neque dicas Patres, quos afferunt, non esse primi aut secundi sæculi; nam, ne producam iterum Irenæum, Tertullianum, Pseudoclementem, aliosque; Rufinus, Leo Magnus, & Isidorus non tribuunt symbolum Apostolis ex propria sententia, sed ex Traditione Majorum; ideoque hæc non est fabula ab ipsis inventa, sed narratio vera, & antiquitus divulgata; manetque inconcussum istud ex Traditione argumentum.

Postremo validissima videtur ratio, quod non solum Catholicæ omnes in sententiam nostram conspirant, verum etiam opinionem contrariam arguunt magnæ temeritatis. Theologi Parisienses objecerunt Erasmo quod in Præfat. ad Paraphrasim in Matthæum ait de symbolo, *quod an ab Apostolis proditum sit, nescio*. Eadem fuit sententia sacræ Facultatis Colonienfis adversus Monhemium, anno 1560. Genebrardus cit. loco inquit, *præstatam esse temeritatem vertere in questionem, num Apostoli vere sint auctores Symboli, quod circumfertur ipsorum nomine*. Eadem est assertio Sixti Senensis lib. 11. Bibliothecæ Sanctæ, aliorumque. Addamus in gratiam Novatorum testimonium Lutheri in Colloquiis editis anno 1571. *Symboli verba ab Apostolis constituta esse credo, qui in congregatione sua hoc Symbolum verbis tam brevissimis, & consolatoriis consecraverunt. Est opus Spiritus sancti rem tantam brevitate, ac tam efficacissimis, & emphaticis verbis describere. Extra Spiritum sanctum, & Apostolos non potuisset ita componi, etiamsi milia sæcula illud componere conarentur*. Colloquia Lutheri non legi: producit hæc Fevardentius.

AD VOSSII, ALIORUMQUE OBJECTAMENTA.

Opponit Vossius I. Nullum est argumentum, quod petunt Catholicæ ex nomine symboli, quum falsum sit eo vocabulo significari *collationem*. II. *Qui* tribuunt symbolum Apostolis, non conveniunt de fine, modo, & ac tempore, quo conditum illud est. III. Ante Rufinum cccc. fere anni abiire, antequam de symbolo ab Apostolis condito ab aliquo esset auditum. IV. Ipse Rufinus in media narratione non dicit *Apostoli*, sed, *Qui symbolum tradiderunt*, velut incertus quinam illius

illius auctores extiterint. V. Poſſe dici *Apoſtolicum*, quamvis ab Apoſtoliſ non ſit editum, quum collectum fuerit ex doctrina per manus eorum tradita.

Reſp. ad 1. aſſertionem noſtram non fulciri ſola nominis etymologia, quamvis facillimum ſit hanc quoque nuper commemoratam. propugnare auctoritate Scriptorum, atque ratione. Ad alterum hæc ſit reſponſio: Si incertum eſt tempus ac modus, quo Apoſtoli condidere Symbolum, quoniam in hoc non conveniunt Auctores; certiſſimum tamen erit editum ab Apoſtoliſ, quia hac in re habetur magnus Auctorum omnium conſenſus. Tertium ſic diluitur: obtinuiſſe hoc Symbolum ab origine Eccleſiæ, adeoque ab ipſo ſæculo Apoſtolorum, ut vidimus, non diffitetur Calvinus: traditum ab Apoſtoliſ docent ante Ruſinum Tertullianus, & Irenæus: Ruſinus rem non enarrat ex propria ſententia, ſed ex traditione Majorum. Quod ſequitur eſt inanis Eraſmi conjectura; nam Ruſinus inquit, *qui ſymbolum tradiderunt*, relate ad Apoſtoliſ, quorum antea mentionem fecerat, aut ad diſcipulos Apoſtolorum, per quos accepimus Apoſtolicas Traditiones. Ad poſtremum dicimus *Apoſtolicum* eſſe, quod proprie ad Apoſtoliſ ſpectat, ut Apoſtolica Eccleſia, Apoſtolica doctrina, Apoſtolica ſedes: ac Symbolum eſſe etiam Apoſtolicum editione, & origine, quia auctore Tertulliano ab initio Evangelii decurrit, & ſatente Voſſio a nullo Concilio invenitur inſtitutum.

Opponit idem Voſſius: ſi hoc Symbolum fuiſſet ab Apoſtoliſ conſignatum, non prætermiſſet Beatus Lucas in Actibus Apoſtoliſ, nec ſiſſet Eccleſiam Catholicam rem tanti momenti ignorare. Traditum quoque eſſet omnibus orbis Eccleſiis, nec ſingulæ proprium cudiſſent ſymbolum, cum tamen diverſa ſint, quæ leguntur apud Irenæum, lib. 1. cap. 2., Tertullianum de velandis Virg. Optatum, Origenem, & alios. Denique circa annum quadringentefimum non fuiſſent diverſa ſymbola in Eccleſia Romana, Aquilejenſi, & apud Orientales, quæ tamen diverſitas patet conferenti eadem ſymbola, ut fecit Dupinius pag. 19. explicata in Tabulis hac varietate, ex diſſertatione Voſſiana, num. xxxi. & ſeqq.

Reſp. Lucam hujus ſymboli non meminiffe, quoniam non ſcripto traditum erat, ſed memoriæ commendatum, adeo etiam divulgatum ac notum, ut neceſſe non fuerit illud literis conſignare, præſertim eo fine editum, ut non atramento aut charta ſcriberetur, ſed in tabulis cordis, ſicut affirmant Hieronymus ad Pamachium, & S. P. Auguſtinus ſerm. 222. alias 75. de Diverſis. Ita non poterat Eccleſia ignorare rem omnium fidelium ore prolatam, & cordi ſingulorum inſcriptam. Traditum Symbolum omnibus Eccleſiis non denegamus. Irenæus, Tertullianus, & alii non ſymboli verba exſcribunt, ſed quid contineat exponunt. Diverſas Eccleſias ſymbolo Apoſtoliſ quædam.

verba addidisse vel explicationis causa, vel ob exortas hæreses, haud diffitemur. Eadem fidei substantiam non mutant: & in Ecclesia Romana symbolum semper servatum est intemeratum, ut scribit in Expositione Rufinus, & ad Siricium Ambrosius.

Opponit Dupinius: Patres primorum sæculorum nunquam contra hæreticos usi sunt auctoritate Apostolici symboli, sed tantum conati sunt demonstrare doctrinæ in symbolo contentæ auctores esse Apostolos: quum tamen validius argumentum esset istud, Contra symboli doctrinam pugnatis: illius constat Apostolos auctores esse: igitur pugnatis contra Apostolorum doctrinam. At hac ratione usi non sunt: ideoque persuasum ipsis erat, symbolum non esse editum ab Apostolis.

Resp. falsum esse, quod Patres usi non fuerint hac ratione. Cur enim S. Irenæus tanquam certum præmittit cap. 2. lib. 1. fidem, quæ traditur in Symbolo derivatam ab Apostolis, nisi ut hæreses, in quas postea stilum acuit, demonstret symbolo Apostolico adversas? Cur Tertullianus assert symboli Apostolici definitiones cap. 13. de Præscript. nisi ad refellendas quæstiones, *quas hæreses inferunt, & quæ hæreticos faciunt*? Præterea antiquiores hæretici, eodem, ac recentiores, præditi erant ingenio; nimirum rejiciebant Apostolicas traditiones, ac Verbum Dei depravabant. Symbolum esse Apostolicum constat ex traditione. Ad refellendos hæreticos noluerunt tanquam medium assumere quod ipsi hæretici pervicaciter oppugnabant, cum possent aliunde revinci. Nihil ergo probat argumentum Dupinii, nisi quod hæretici negaverint symbolum editum esse ab Apostolis.

Opponit Basnagius. Si symboli auctores essent Apostoli, receptum esset in canone divinarum Scripturarum. Divina quippe esset in eo materia, divina verba, divinus ordo: quid est Canonicum esse, si hoc non est? Frustra respondetur non esse scriptum manu Apostolorum, nam Epistola Pauli ad Ephesios est scripta per Tychicum, Epistola ad Romanos per Phæben, ad Philippenfes per Épaphroditum; & nihilominus sunt in Canone. Præterea si institutum est symbolum, ut fideles ab infidelibus fecernantur, erit perfecta fidei tessera; & frustra nova symbola prodierunt. Deinde si Apostolicum est, cur in Missa non istud, sed Constantinopolitanum canitur? At assumptis non est opus argumentis, cum insita sufficiant. In nono articulo habetur, *sancitam Ecclesiam Catholicam*. Catholicum a Vincentio Lirinensi definitur, quod semper, quod ubique, quod ab omnibus creditum. Si conditum est symbolum ante mortem Jacobi, aut paulo post, quomodo Ecclesia poterat dici Catholica?

Resp. Symbolum non esse in canone, quia non est traditum, ut scribatur, sed ut audiendo perdiscatur, inquit S. P. Augustinus citato serm. num. 2. ubi de hoc symbolo interpretatur verba Jerem. xxxi.

33. *Dabo legem meam in viſceribus eorum, & in corde eorum ſcribam eam.* Quod addit Baſnagius Canonicum eſſe, quod eſt divinum, laborat æquivocatione. Si *Canonicum* dicas quod eſt in *Canone* ſcripturarum, ſymbolum non eſt *Canonicum*: ſi dicas *Canonicam* quod eſt *canon*, ſive regula fidei, ſymbolum *Canonicum eſt*. Hoc ſenſu Canonica ſunt plura *ſcripturae*, id eſt, Traditiones non ſcriptæ: priori ſenſu Canonica Epistolæ Pauli eo fine editæ, ut literis mandarentur. Num illas ſcripſerit, aut dictaverit Paulus, nil refert, dummodo ſcriptæ ſint auctoritate divina. In hoc tamen Baſnagius labitur, quod facit Tychicum ſcribam Pauli, quum Epistolam ipſe non ſcripſerit, ſed detulerit Ephesum. Vide hujus Epistolæ cap. ultimum, verſ. 21. Ita Epistola ad Romanos miſſa Corintho per Phœben Diaconiſſam, cap. xvi. 1. Epaphroditum quoque miſſum ad Philippenſes liquet ex cap. 11. 25. Hunc, & Tychicum fuiſſe Evangelii cooperatores, ſacroſque miniſtros affirmat Paulus, ſcripſiſſe illos Epistolâs divinarum Baſnagius. Perfectum quidem eſt ſymbolum Apoſtolicum adeo, ut omnes hæreticorum *opiniones ſolo poſſint hoc gladio detruncari*, inquit in Epistola ad Pulcheriam Magnus Leo. Neque eſt oratio, ut ait Baſnagius, exaggerata; quia etſi additæ fuerunt poſtea voces aliquæ; factum id non ob fidei defectum, ſed ob hæreticorum audaciam, & quæ addita ſunt explicant vetera, non redarguunt. Vide diſſertationem noſtram de ſymbolo non corrupto lib. vii. cap. 19. Inde colliges Conſtantinopolitanum non eſſe aliud ſymbolum ab Apoſtolicum, ſed hujus explicationem adverſus poſteriores hæreſes; ideoque merito canitur in Miſſa: quamquam Romana Eccleſia frequentius recitat Apoſtolicum, ter ſcilicet quotidie in divinis Officiis, & in privatis precibus quamſepiſſime. Neque Athanaſianum præterit diebus Dominicis, atque in feſto SS. Trinitatis. Ita vero tria ſymbola uſu ſuo reveretur ac probat; nec Apoſtolicum omittit in collatione Baptiſmi, ad quam rem dicitur inſtitutum. Si velis vocem *Catholicam* fuiſſe adjectam contra hæreticos, & ſchiſmaticos, parum intereſt: nec plura effundam ad minimam atque invalidam objectionem.

C A P U T VII.

Apoſtolicæ Symboli Exegeſis.

IN duodecim articulos ſive capita ſententiaſque præcipuas dividitur ſymbolum Apoſtolorum. Primus Articulus eſt: *Credo in Deum Patrem omnipotentem, Creatorem cali, & terræ.* Symbolum Orientale addit *unum*; &, *inviſibilem & impoſſibilem*. Deſunt alicubi ea verba, *creatorem cali & terræ*. At nulla eſt in ſubſtantia mutatio; nam ſi Deus

si Deus est, hunc & unum, & incorporeum, & passionum expertum esse liquet. Postrema verba Rufinus ait addita *hæreseos causa Sabellii*, quæ Patripassiana appellatur. Erasmus in Responsione ad Censuram Parisiensem ait Orientales legere *in Deo*: ita habetur in Aquilejensi ex editione Morelli, & Cauchii, quod Dupinius tribuit errori bibliopolarum aut librarii.

Principio dicitur *Credo*, quoniam fides initium salutis est, ex Apostolo ad Hebræos xi. 6. Hæc vox profertur ore; quoniam quod credimus corde, debemus ore profiteri, ut in Ecclesia nos contineri testemur, dicente eodem Apostolo ad Rom. x. *Corde enim creditur ad iustitiam, ore autem confessio fit ad salutem*. Vide Augustinum initio serm. five libri 1. de symb. ad Catech. Profertur ea vox *Credo* singulari numero, quoniam actus fidei singillatim est eliciendus, & singuli accedentes ad Baptismum debent præstare assensum, & edere fidei professionem. Legatur Virgilius Taplensis inter Opera Athanasii Tom. 11. Discrimen aliquod innunt hæc loquutiones, *credere Deo, credere Deum, credere in Deum*: prima significat assensum Deo revelanti; altera exprimit supremi Numinis existentiam; tertia designat etiam fidei directionem in ipsam Deum tanquam in finem rationabilium creaturarum. Hæc directio fieri nequit, nisi credamus Deum esse, ejusque promissis fidamus: ideoque si credis *in Deum*, credis *Deum*, credis *Deo*; & hæc duo in illo verbo præcontinentur.

Recte dicitur Deus *unus*, quod nullus Judæorum negat, auctore Maimonide in articulis num. 2., & annuerunt quoque Philosophorum præstantissimi apud Lactantium cap. 11. de Ira Dei. Dicentes ergo *in unum Deum*, execramur polytheismum: item hæresim Gnosticorum, qui duo cœva principia statuerunt, *Deum, & materiam*; quod & asseruit Hermogenes, & Marcion, *duos Deos asserens*, ut inquit lib. 1. Tertullianus. Deinde hæresim Simonis Magi, atque Manicheismum, & Dei boni, ac mali coexistentiam. Fatemur propterea unum esse novi, ac veteris Testamenti auctorem, ut animadvertit Epiph. lib. 111. adv. hæreses. Additur nomen *Patris*, primum, quia is est rerum omnium causa & origo: deinde ait Rufinus, ut intelligatur patrem esse Filii: *sicut enim nemo dicitur Dominus, nisi habeat vel possessionem, vel servum cui dominatur, & sicut nemo magister dicitur, nisi qui discipulum habeat: ita & Pater nullo pacto quis dici potest, nisi filium habens*. Hæc ergo est fides in primam Trinitatis Personam: in qua *Dei Patris* nomen conjungitur, quia *non ante Deus esse cepit*, & postea Pater, sed sine ullo initio & *Deus semper, & Pater est*. Ait auctor sermonis 181. de Tempore, inter Opera Augustini.

Omnipotentis vocabulum destruit hæresim Valentinianorum non credentium Deum condidisse quæ facta sunt ex his quæ non erant, ut ait Irenæus lib. 11. cap. 10. Enimvero Omnipotens dicitur, *cui nihil*
im-

impoſſibile eſt, & qui omnia ſolo Verbi creavit imperio, inquit cit. Sermonis auctor. Eliminantur quoque eo vocabulo errores eorum, qui Deo tribuerunt ſive mendacium, ſive potentiam peccandi, cum Deus ſi mentiri, ſi fallere, ſi inique agere poſſet, non eſſet Omnipotens; ait Auguſtinus de Symbolo ad Catechumenos, cap. 1. Significat etiam vox Omnipotentis juxta Salvianum lib. 1. de Gubern. Dei, *quod omnia regit*: atque ita potentatum quoque, regimen ac providentiam Dei conſitemur adverſus Marcionitas, qui apud Irenæum lib. 1. cap. 29. aiebant mundum eſſe ſub tyrannide Diaboli, & hunc appellabant *Cosmocratorem*. Refelluntur propterea hoc articulo etiam Genethliaci, Prifcillianiſtæ, alique fatalis neceſſitatis aſſertores; de quibus dixi lib. v. cap. 2. Eſt etiam vocis Omnipotens ſignificatio apud D. Cyrillum Catech. 1v. ejus, qui nullo loco *circumſcribitur, nec minor eſt cælo*: ideoque credimus etiam divinam immenſitatem, rejeſta plenitudine Aeonum per *Horow* circumscripſa, & quam reſutavi lib. 11. cap. 4. necnon hæreſi Sociniana Divinam ſubſtantiam intercedente in ſummitate cælorum: quam hæreſim oppugnavi cap. 4. ejuſdem libri.

Creatorem dicimus cali ac terræ, reſellentes Epicureos, & Atheos autumantes Univerſum conditum fortuito athomorum concurſu. Oſtendimus eadem voce, rerum omnium Opificem nulla indiguiſſe materia in tam mirabili molitione; omniaque perfeciſſe *ſola verbis poteſtate*. *Cali & terræ nomine univerſa creatura ſignificata eſt*, ait idem Auguſtinus lib. 1. de Gen. contra Manichæos. Excluduntur & hac voce duo principia Marcionis: & rejicitur hæreſis Simonis, Menandri, & Carpocratis, qui affirmarunt mundum productum ab Angelis, ut iniquunt Epiphanius H. Carpocr. Irenæus lib. 1. cap. 21. & S. Pater ad Quodvultd. hæreſ. 2. & 3. Repelluntur & Origeniſtæ, de quibus vide cap. 6. libri x. prop. 2.

ARTICULUS II.

Proximus articulus ad hunc modum ſe habet: *Et in Jeſum Chriſtum filium ejus unicum Dominum noſtrum*. In Aquilejenſi *unicum* præmittitur ad *filium*. Venantius Fortunatus omittit *et Dominum noſtrum*; ſimiliter Symbolum Orientale in ſchemate Dupinii. Prior diſcrepantia minima eſt; altera componitur ex Aët. 11. 36. ex 1. ad Corinth. v. 11. 6. & ad Ephes. 1v. 6. unde liquet deberi Redemptori noſtro *Dominum* characterem: cumque hoc titulo præſertim in libris Canoniciſ designetur, inveriſſimile omnino eſt deſuiſſe in Symbolo ab origine Eccleſiæ. At veniamus ad Exegeſin.

Explicatur hoc articulo Catholica fides in ſecundam S. Trinitatis perſonam: quam a temporali Nativitate appellamus Chriſtum Jeſum. Hunc dicimus Filium unicum, ideoque Patri conſubſtantialem, quia filium natura: *Ceteri quippe licet dicantur filii, adoptionis tantum gratia*

tia dicuntur, inquit Rufinus. Hinc apparent omnia supremæ Divinitatis argumenta, eadem cum Patre natura, eadem omnipotentia, eadem æternitas. *Si filium unicum*, ait Sanctus Pater serm. 214. in Trad. Symb., *ergo ejusdem substantiæ cuius est pater. Si filium unicum, ergo ejus omnipotentia cuius est Pater. Si filium unicum, ergo Patri coæternum*. Refutantur itaque hoc articulo 1. Valentiniani distinguentes Monogen a Logo, & Christum a Jesu. 2. Cerinthiani afferentes, Christum descendisse in baptismate super Jesum, & unum ab altero discescentes. 3. Ebionitæ negantes Christum esse filium Dei. 4. Ariani oppugnantes Verbi Divinitatem, ac Sabelliani negantes Divinarum personarum pluralitatem. 5. Nestoriani non agnoscentes unum filium, & unum Dominum, nisi unione morali. 6. Sociniani Ebionis, Arii, & Sabellii erroribus inquinati.

Filius Dei dicitur *Jesus Christus*: de utroque nomine lib. 11. cap. 1. Quum Jesus sit proprium vocabulum Salvatoris, profitemur adversus Judæos venisse Redemptorem in lege promissum, & hunc esse Christum Domini. Hac de re utrumque nomen apponitur conjunctum. Jesus hebraice dicitur, latine *Salvator*: Christus græce, *Unctus* latine. Unctionis usus olim fuit in consecrandis, inaugurandisque Prophetis, Sacerdotibus, ac Regibus: ac propterea unctus dicitur Elias, Sadoc, David. Unctio Salvatoris nostri fuit amplissima Spiritus sancti virtute, juxta illud Esaiæ lxii. 1. *Spiritus Domini super me, eo quod unxeris Dominus me, ad annuntiandum mansuetis misit me*. Est itaque Christus Dominus *Propheta*, Lucæ vii. 17. *Sacerdos*, Psal. 109. 4. & ad Hebræos vii. 21. *Rex*, Lucæ i. 32. Joan. xvi. 11. 36. Apocalypsis xi. 16. Habet ergo omnes veri Messiae Characteres.

Appellatur *Dominus* Matth. xxv. 11. 6. Lucæ xxiv. 34. Joan. xx. 2. & alibi frequentissime; & quidem proprie, quum sit Dominus *ingenta potestate*, non *concessa*, inquit Rufinus. Etenim *non rapinam, arbitratus est esse se æqualem Deo*, ut legimus ad Philipp. ii. 6. quia, esse Dominum, esse Deum, esse Conditorum universorum, esse æqualem Patri *natura illi est, non rapina*; ait Augustinus serm. ccxiv. num. 5. Ac ideo neque a consortio dominii, quod tribuitur Filio excludendus est Pater, neque a communione Divinitatis, quæ enuntiatur de Patre disjungendus est Filius. Dominium Christi esse plenissimum, atque universale, liquet ex Mat. x. 27. & Joan. i. 35. Singulariter Jesus Christus appellatur Dominus, quia principem hujus mundi, idest, diabolum ejecit, & spolia ejus diripuit, redimendo humanum Genus, expellendo cultum idolorum, & Ecclesiam instituendo. Primam dominii hujus rationem assert Paulus ad Coloss. i. 12. alteram Joan. xvi. 11. tertiam Petrus Act. ii. 36. Iccirco in baptismate abrenunciantes diabolo, Christo tanquam Domino subdimur, ut regenerati, ut veræ Religioni addicti, ut in unum corpus cooptati.

III. AR-

III. ARTICULUS.

Tertius eſt: *Qui conceptus eſt de Spiritu ſancto, natus ex Maria Virgine*. Aquilejenſe, & Orientale non habent *Conceptus*, quod nec legitur apud Alcuinum in 111. de Trinit. cap. 1. At ipſa conceptio nativitatis nomine exprimitur etiam Matth. 1. 20. S. P. Auguſtinus in ſermonibus ad Competentes, & in Traditione ſymboli utrunque ponit, *Conceptus*, &, *natus*, antiqua eſt igitur vulgaris formula, licet nec a Petro Chryſologo, nec a Maximo Taurinenſi uſurpata.

In hoc articulo primum fatemur Chriſti conceptionem divinitus eſſe peractam, & ejus corpus a Spiritu ſancto fabricatum inter ſecreta uteri virginalis. *In qua*, ait de Virgine S. P. Auguſtinus ſerm. 213. *operatus eſt Spiritus ſanctus, non homo maritus: qui ſecundavit caſam, & ſervavit intactam*. Atque ita reſelluntur Ebionæi, & Cerinthiani dicentes Chriſtum ex ſemine Joſephi conceptum. Reſelluntur etiam Valentiniani, & Marcionitæ, qui Chriſto tribuerunt corpus cælis delapſum, non formatum ex Virgine. Repellitur & affinis hæreſis Appellitarum aſſerentium Chriſtum non eſſe a Maria genitum, ſed per illam, ſicut tranſit per canalem aqua, tranſiſſe. Expungitur & hæreſis Baſilidis, aliorumque Phantaſiaſtarum, qui nullum corpus Chriſto tribuerunt, niſi umbratile. Quoniam vero ille qui conceptus eſt, eſt idem qui præcedenti articulo dicitur Filius Dei unigenitus, etiam revincitur hæreſis Neſtoriana, & aſſeritur Mariam vere ac proprie eſſe Dei genitricem. Præterea affirmantes Filium Dei conceptum & natum, non converſum in carnem, reſpuimus quoque nefaria dogmata Eutychetiſ. Hoc pacto proſitemur mirabilem Incarnationis æconomiam adverſus omnes hæreſes a nobis libro xxvi. pro virili parte exagitatas.

IV. ARTICULUS.

Sequitur in ſymbolo, *Paſſus ſub Pontio Pilato, crucifixus, mortuus, & ſepultus, deſcendit ad inferos*. Deſt in Aquilejenſi, & Orientali *in paſſus*, & *mortuus*, ſed unum ſub eo, quod crucifixus eſt, continetur; alterum ſub eo, quod ſepultus. Abſeſt a pluribus *deſcendit ad inferos*: viſ tamen hujus verbi, ait Ruſinus, videtur eſſe in eo, quod ſepultus dicitur. At, quemadmodum oſtendam, deſcenſus ad inferos præter corporis ſepulturam aliquid aliud commonſtrat. Legit idem Ruſinus *deſcendit ad inferna*. Quidam hæc poſtrema verba referunt ad articulum proximum.

Dicitur ergo Dominus Jeſus Chriſtus *paſſus*, ludibria nempe, flagella, & cruciatus, de quibus Evangelica hiſtoria. Non ſolum hoc articulo reſelluntur Marcion & Menander, qui dicebant Chriſtum in-

To. IV.

B b b

phan-

phantasmate passum, verum etiam Aphthartodocitæ ei tribuentes verum corpus, sed doloribus minime obnoxium. Pertractabo de hac hæresi libro xxvi. cap. 6. Dum *passus* dicitur, significatur in se suscepisse vulnerum ictus, & fuisse affectum doloris sensu, non mente reluctante, sed subeunte tormenta plenissima potestate. Traditur etiam tempus, quo hæc sub Pontio Pilato gesta sunt, ne fides passionis Christi, ait Rufinus, *velut vana & incerta vacillaret*. Nam supplicium filio Dei illatum sub procuratore Pilati potuit facile ad omnium gentium aures pervenire. Arbitror & Pontii Pilati fieri mentionem, ut quum penitus Judæis ablatum sit sceptrum, jus, ac regimen Jerosolymorum, admoneretur stultos esse qui Messiam præstolantur. Videtur huc spectare quod legitur in cit. Sermon. cxxxv. cap. 3., *Pilatus judex erat in eo tempore ab Imperatore positus in Judæa, sub quo Dominus passus est: cujus mentio ad temporis significationem, non ad personam illius pertinet dignitatem*.

Non solum passus est Christus, sed & *crucifixus*. Detestamur hoc verbo infaniam Basilidis asserentis non Christum suffixum cruci, sed Simonem Cyrenæum, & Mahumetis, qui substituit Judam Iscariotem, necnon impiissimam blasphemiam Manichæorum dicentium fuisse in crucem sublatum principem tenebrarum: quæ omnia refellam citato cap. 6. & sequenti. Dum genus mortis commemoramus, occurrit animo etiam humilitas Salvatoris, qui semetipsum exinanivit *facilius obediens usque ad mortem, mortem autem crucis*, inquit ad Philipp. 11. 8. Apostolus: unde edocemur, ut in Cruce Domini gloriemur, dum illam, *in qua Dominus crucifixus est in corpore, nos gestamus in fronte*, legitur loc. cit. Ex ipso mortis genere certiores quoque reddimur peccati Adæ, in quo omnes peccaverunt: nam si Christus mortuus est, omnes mortui sunt; atque ita adversus Pelagianos, aliosque hæreticos, originariam labem, Redemptoris gratiam, & regenerationem spiritus confitemur. Enimvero ex ligno, unde mors, surrexit vita; & quemadmodum scripsit Venantius Fortunatus de Cruce lib. 11. 2., & canit Romana Ecclesia:

*Hoc opus nostra salutis ardo depoposcerat,
Multiformis proditoris ars ut artem falleret,
Et medulam ferret inde, hostis unde laferat.*

Dicitur Dominus Jesus in Cruce *mortuus*. Mors definitur a Divo Athanasio de salut. Adventu *luxus æni omniæ crucis, animi a corpore divisio*: fuit itaque in Christo perfecta humanitas ex corpore, animoque constata. Hanc animam non solum sensu, sed & ratione præditam credimus, damnantes hæresim Apollinaristarum refutatam lib. xxvi. cap. 8. Memores Domini sepulture veritatem Incarnationis confirmamus, dicente Chrysologo sermon. 60. *Sepultum dicitis, ut veram carnem Christi, mortemque non perfanctioriam prebet confessio sepultura.*

Addi.

Additur *Deſcendit ad Inferos* ; in quo immorabor aliquantulum ; cum hæc verba commentitia , & perperam appoſita conentur demonſtrare nonnulli hæretici . Horum argumenta ſunt . I. Hæc traditio de deſcenſu Chriſti ad Inferos orta eſt ex prava intelligentia verborum illorum Pſalmi xv. 10. *Non derelinques animam meam in Inferno* ; quæ de Chriſto accipit Petrus Aët. 11. 27. At in Hebræo eſt vocabulum שְׁאוֹל , *Sbeol* , quo ſignificatur duntaxat ſepulcrum . Genetiſ enim xii. 11. 38. ubi legimus , *Deducetis cum dolore canos meos ad inferos* , habetur in hebræo *sbeol* , omneſque interpretantur pro ſepulcro . Idem occurrit 111. Regum cap. 11. v. 6. & 9. Et quidem Auſtor libri Tobith שְׁאוֹל reddidit נֶאֱדָם , *foveam* , & Scindlerus , *terram* . Senſus ergo verborum illorum , *Non derelinques animam meam in inferno* , minime innuit deſcenſum Chriſti ad ſubterranea animorum receptacula . II. Eadem eſt viſ græcæ phraſeos , ὁ ᾤεσθαι ; quæ tamen nihil aliud ſignificat , quam locum inviſibilem ; ex quo nimium inſcite inferitur locus , aut ſtatus animarum poſt mortem . Voſſius hanc vocem derivat ab *Adamab* , ideſt , terra , unde & primus homo dictus eſt *Adam* . III. Antiqui Patres , qui ἁΐψα , interpretati ſunt *animorum ſtationem* , laborarunt linguæ hebraicæ imperitiâ , & ex Philoſophia Platonica hauſerunt Græcorum fabulas , non ſolum iis Evangelii veritatem obſcurarunt , verum etiam in abſurda prolapſi ſunt . Irenæus enim lib. 1v. cap. 39. ait Chriſtum Spiritibus in Inferno degentibus Evangelium prædicâſſe , & remiſſiſſe peccata . Hermas in Paſtore lib. 111. ſimil. 9. etiam addit , adminiſtraſſe baptiſmum . Hæc cum ſint inverſimilia , demonſtrant dogma de Chriſti deſcenſu ad Inferna popularem eſſe credulitatem . IV. Illud *deſcendit ad Inferos* omittitur in ſymbolo Nicæno , in Antiocheno , in Sardicenſi , in Conſtantinopolitano , in ſymbolo Pelagii , Charifi , Macharii Antiocheni , in aliis . At ſaltem Nicænum non omiſiſſet , ſi agnoviſſet hoc dogma ; quippe eo nihil magis valuiſſet ad refellendum Arium negantem Chriſto fuiſſe animam . His impetunt Catholicum dogma Gerardus Voſſius lib. 11. Harmoniæ Evang. cap. 13. & Joannes Clericus in H. Eccl. ad an. ci. quem jeſune nimis reſellit Hyacinthus Serry Exercit. lv111. n. 11. ex auctoritate ſymboli Apoſtolicæ , & ex cap. 2. Aët. Nam hoc quæritur , an in ſymbolum ex falſa Traditione deſcenſus Chriſti ad Inferna intruſus ſit , & an in Aët. Apoſt. aliud Petrus demonſtret , quam corporis Chriſti e ſepulcro reſurrectionem . Affert quidem Serrius verba Jacob Gen. xxxv11. 35. *Deſcendam ad filium meum lugens in infernum* ; ubi *sbeol* nequit accipi pro ſepulcro , in quod illatum Joſephum Pater non exiſtimabat . Verum & hoc eget fulcimento aliquo ; jam enim prædicti hæretici reſponderunt , R. Salomonem Jarchi ita exponere hunc locum , *deſcendam in Sbeol propter filium meum* , ideoque intelligitur , inquit , mortis cauſa , non conſortium . Hæc addo in gratiam Phereponi .

Nemo adeo bardus est, quin videat hæc hæreticos effutire, ut Patrum traditiones, & Purgatorii dogma auendant ad Græcas fabulas: quod num utiliter moliantur, inquiram modo. Agendum primo de Interpretatione vocabuli שְׁאוֹל, *Sbeol*. Etsi Bellarminus lib. iv. de Christo cap. 10., ait vel raro, vel nunquam accipi pro sepulcro; ego eâ voce sepulcrum aliquando designari non denego: quippe sepulcrum significatur Ps. cxi. 7. & Jobi xvi. 13., necnon iii. Regum vi. 6. 9. quamquam ambiguus est locus iste. Dico ea voce utrunque significari, sepulcrum, atque infernum. Primò habeo consentientes Rabbinos, inter quos Rab. Levi ait: *Sbeol est venter terræ depressior*; atque hunc oppono Aben-Ezræ, quem nobis objiciunt Sectarii. Addo traditionem Hebræorum, quos inter soli Sadducæi negabant statum animarum apud inferos, auctore Josepho lib. 11. de Bello Judaico: at Pharisei, & reliqui Judæorum statum illum asserabant, apud eundem Josephum xvi. 11. Antiq. cap. 2. Hanc fuisse sententiam omnium Judæorum probat ex illorum Liturgiis Auctor Anglus Historiæ symboli Apost. cap. iv. num. 15. Demonstrat Huetius in Origenianis p. 101. & Rich. Simon in Hist. Critica N. T. cap. 22. Sufficiunt hi ad refutandum Abenezram. Præterea habeo consentientes hæreticos ipsos, Drusium scribentem ad cap. xxxv. 11. Genesis: *Sbeol tam infernum significat, quam sepulcrum*. Idem affirmat Sixtinus Amama reprehendens Abenezram: quos vide primo sacrorum Criticorum volumine. Deinde sepulcri proprium nomen est קֶבֶר, *cheber*, a קָבַר, *sepelire*; nec *sbeol*, pro uno usurpatur, nam in sacris Bibliis etiam commemoratur שְׁאוֹל מֵתוֹ, *infernus deorsum*, idcoque præter *sbeol*, aut fossam superficiem terræ proximam, est locus sive animorum status *depressior*. Ac ridicula est ratio, quam petunt hæretici ab etymologia, quasi sepulcrum sit *sbeol*, quia postulat cadavera, a שָׂאֵל, *petere*; ut enim terra corpus, ita additior locus petit spiritum. Rursus *sbeol* non significat sepulcrum Gen. xxxv. 13. 35. quoniam Jacob sibi persuaserat filium non sepultum, sed a mala fera discerptum. Conjectura autem R. Jarchi est nimis futillis; nam Onkelos habet, *Apud filium meum*; ideoque optima est versio Hieronymi, & falluntur Grotius, & Vossius. Etiam Drusius probat Hieronymi versionem, demonstrans particulam אֵל, proprie esse *Ad*. Denique in Psalmo xv. *sbeol* non potest significare sepulcrum; etenim sepulcrum significant partim ea verba præcedentia, *Caro mea requiescet in spe*, partim sequentia, *Nec dabis sanctum tuum videre corruptionem*; nec anima sepulcro clauditur. Vide Lorinum in hunc Psalmum, & in 11. Act. Frustra reponunt Calvinistæ, *Animam accipi aliquando pro corpore*. 1. quia de corpore mortuo, & separato ab anima hoc dici nequit. 2. quia etsi hebraicum נֶפֶשׁ, *nephese* illam significationem admittat, hanc non patitur græcum ψυχή, quod habetur Act. 11. 27. tandem quia caro ibidem designatur proprio nomine, σῶμα,

καρπὸς, caro mea. Atque his abunde ſatisfactum eſt argumento primo; & iis quæ in gratiam Phereponi addidi adverſus Serrium. Brevi dicam; *Sbeol* eſſe ſepulcrum, foſſam, *nis rapas*, non nego; nec damno Ariam Montanum, Pagninum, Steuchum: eſſe ſolummodo foſſam ac tumulum, id nego.

At alterum ſic refellitur. Nullibi invenies, quod equidem ſciam, *עדן* accipi pro ſepulcro. Innumera apud profanos Scriptores invenies loca, ubi hoc nomine designatur receptaculum animorum. Lege Homeri Odyſſæam lib. xi. & invenies *Aden* eſſe locum, in quo debebat anima Agamemnonis, Patrocli, Antilochi, Achillis. Hinc fabulam ſuam finxit Virgilius de Aenææ ad inferos deſcenſu: hinc etiam Elyſii, mœnia Ditis, ac Tartara. Nec ſequitur antiquos Patres fabulas græcæ fuiſſe imitatos; nam e contra, quæ in Græcorum libris narrantur, de noſtris tranſlata ſunt, permixtis aliis rebus inutilibus ac ſuperſuis; ut docet Ambroſius de Bono Mortis cap. 10. Et quidem univerſam Græcorum Theologiam eſſe ſacrorum librorum depravationem, demonſtrat Daniel Huetius in Demonſtrat. Evangelica, ipſemet Voſſius in erudito Opere de Theologia Gentilium, ſive de Origine Idololatriæ, ne commemorentur quiſquilæ noſtræ, collectæ cap. 1. huius libri. Profecto *עדן* nequit inter fabulas amandari, quoniam extat in Scripturis ſæpiſſime, ac in ipſis locis citatis Genef. xxxv 11. 35. Pfalm. xv. 10. Aët. 17. 27. Fallitur ſolemniffime Voſſius derivans *עדן* ab *ארמה*, terra. Derivatio eſt ab *עדן*, *Eden*, quo nomine appellatur Genef. 11. 8. Paradifus voluptatis: quod præter vocabulorum ſimilitudinem commonſtrant verba Chriſti Lucæ xx 11. 43. *Hodie mecum eris in Paradifo*; nam hoc in loco veteres omnes *Eden* intelligunt, ideſt, Receptaculum animorum, & locum tranquillitatis, ubi animæ ante Chriſti mortem aſportabantur. Atque hinc intelligimus Chriſtum deſcendiſſe ad Lymbum Patriarcharum, eiſque feliciffimo completæ Redemptionis nuncio, ac præſentia ſua gaudium maximum attuliſſe, & pio latroni præſtiſſe quod paullo ante promiſerat: quamquam an iſtic recepta fuerit latronis anima, non ſit adeo certum, ut dixi libro 111. cap. 9. Hinc quoque inferitur nugari hæreticos circa vocabulum *עדן*, ut ſuadeant imperitis deſcenſum Chriſti ad inferos, & *Lymbum* veterum Patrum eſſe commentum ſcholæſticum. Secundæ itaque argumentationi hoc modo ſatiſfecerimus.

Tertio autem argumento hoc habeto reſponſum. Perdiſſicilis eſt locus Petri, Epift. prima cap. 111. 19. *His, qui in carcere erant, ſpiritibus veniens prædicavit: qui increduli fuerant aliquando, quando expectabant Dei patientiam in diebus Noe, cum fabricaretur arca.* Hunc locum Irenæus, Hermas, & Clemens Alex. 3. Strom. ita accipiunt, quaſi Chriſtus apud inferos prædicaverit, & baptiſmum contulerit. Theodorus Abacura Opuſc. 17. ait Sanctos credentes Chriſto adveniēti . ad

ad inferos baptizatos aqua, quæ ex latere divino profluxit resoluta in elementum. Vide Cotelierum Tom. 1. PP. Apost. pag. 118. S. P. Aug. Epist. 99. ad Evodium, nunc 164. interpretatur hunc locum, de prædicatione facta a Christo spiritu divinitatis etiam incredulis tempore Noe, dum in carcere corporis detinerentur. Non video cur hanc interpretationem rejiciat lib. 1v. de Christo Bellarminus. Etenim versu proximo ait Petrus: *Quod & vos nunc similis formæ salvos facit baptisma*, &c. Comparat ergo Arcam Noe Ecclesiæ: octo animas, quæ salvæ factæ sunt per aquam, baptizatis; & incredulos quibus per internas revelationes Christus in spiritu prædicavit penitentiam, Gentibus, quibus annuntiatur est Evangelium. Confirmat hanc interpretationem, quod legitur Lucæ xvi. 26. Eam probat D. Thomas 111. P. q. 52. art. 2. Quid ergo in Augustiniana interpretatione aut abstrusum, aut repugnans? Ea est ceteris omnibus planior, licet Augustini singularis modestia non sine hæsitatione eam tradat: & nisi hanc prædicationem ad Christum migrantem ad inferos referamus, nulla occurrat in Epistola Petri difficultas: neque hoc loco demonstramus descensum ad inferna, sed ex 2. cap. Act., ex Psalmo 15., ex traditione. Si dicas Christum post mortem prædicasse spiritibus incredulis ad increpationem, aut iis, qui in carcere purgatorio detinebantur lætum attulisse nuncium, ob auctoritatem Damasceni, aliorumque Patrum non repugnabo. Ob varias ergo de hac prædicatione sententias temere & impudenter asseritur descensum Christi ad inferos derivasse ex Platoniorum Philosophia.

Ad postremam argumentationem respondere oportet in hunc modum. Descensus ad inferos habetur in Symbolo Cyrilli Hierosolymitani Catech. 4. ubi legitur: *Passus, crucifixus, sepultus, descendit ad loca inferna, ut et a mortuis*. Floruit autem Cyrillus circa annum 370. Extat & in Symbolo Epiphani, qui floruit circa annum 390. lib. 3. adv. hæres. in Compendio Fid. Cath. Falsum est ergo, quod inquit Vossius, Patres nunquam hoc dogma agnovisse, & in omnibus Symbolis omitti. Imo est in Symbolo etiam Arianorum proposito in Concilio Ariminensi anno 359. Nam inter Arianos erat secta Lucianistarum, de quibus Epiphanius in Ancorato, qui animam Christi impugnabant: altera, quæ opponebatur Apollinario, Acacianorum, qui animam Christi non denegabant, & subscribebant Symbolo Ariminensi. Igitur Nicænum Symbolum definiens Christi divinitatem adversus totam Arianorum familiam apposuit *Omoousion*, nec fuit necesse etiam addere, quod Ariana secta admittebat, maxime quia si Christi divinitas est eadem ac Patris, gerere non potuit vices animæ, quam tristitia, & dolore affectam testatur Scriptura. Quare dum Christo tribuitur divina natura, & vera passio, etiam conceditur anima capax passionis: nec male Rufinus, ut vidimus, ait descensum

ſum animæ ad inferos intelligi in verbis præcedentibus, *mortuus, & ſepultus eſt*. Additum ergo *deſcendit ad inferos*, ad majorem Apollinaristarum confutationem; nec negandum eſt Symbolo ab Apoſtolis edito aliquas particulas ſubſtantiam doctrinæ non immutantes occasione poſteriorum hæreſum fuiſſe adjectas. His Voſſio, Pherepono, horumque prædeceſſoribus hæreticis per nos abunde reſponſum eſt.

Manet ergo inconcuſſum Catholicum dogma de Chriſti ad inferna deſcenſu, quem prænuntiavit Pſalmographus, prædicavit in Actibus Apoſtolicis Petrus, & confirmavit traditio Patrum exploratiſſima. Aperta ſunt teſtimonia Irenæi lib. v. adv. H. cap. 26. Tertulliani de Anima cap. 32. Athanaſii de Salut. Adv. Chriſti, Hilarii Piſtav. in Pf. 53. & 134. Cyrilli Jerolymit. Catech. 4. S. P. Auguſtini in Pfal. 83. & de Civit. Dei xx. 15. Hieronymi in cap. 2. Jonæ, Leonis Magni ſerm. 8. de Paſſione Dom. & aliorum: quorum verba, cum negare non audeant heterodoxi, non eſt neceſſe ut exſcribantur. Igitur Chriſtus, ut lib. I. Epiſt. 4. canit celeberrimus Poeta Franc. Petrarcha,

Tartara victor

*Ingreſſus, claſſo poſuit ſua membra ſepulcro
Vi repetens, ſecumque trabens felicia Patrum
Agmina, & exhauſtas longis cruciatibus umbras.*

V. ARTICULUS.

In v. articulo, *Tertia die reſurrexit a mortuis*, conveniunt omnia Symbola; nam ſi Chriſtus non reſurrexit, vanam eſſe fidem noſtram affirmat Paulus 1. ad Corinth. xv. 17. At reſurrectionem Redemptoris teſtes innumeri confirmarunt, milites cuſtodes ſepulcri, mulieres, quæ venerant ad monumentum, Angeli cælorum, Diſcipuli qui vulnera Chriſti palparunt, ipſe Dominus per dies quadraginta, apparens eis.

Dicitur Chriſtus reſurrexiſſe *tertia die, non poſt diem tertiam*; nam ipſum triduum nondum completum fuerat, quippe Dominus per tot horas inter mortuos delituerat, quot dies poſt reſurrectionem in terris permanſit, ſcilicet quadraginta, computandis a velperis feriæ 6. ad diluculum proximæ Dominicæ. Diſſentiant Auctores in aſſignando triduo ſepulturæ hujus. Alcuinus, & Paulus Forſempro-nienſis laudati a Corn. a Lap. in cap. xii. 40. Matth. videntur diſſerre Dominicam Reſurrectionem ad velperam 2. feriæ. Nonnulli Græcorum uno die Chriſti mortem anticipant. Ipſe Cornelius a Lapide putat Evangeliſtas dies numerare Romanorum more a dimidio noctis, At non opus eſt hiſce commentationibus. *Ad integrum diem pars primi noviſſima, & pars tertii prima cucurrit*: ait ſerm. 1. de Reſurr. S. Leo, ac ſimilia lib. 1v. de Trinit. cap. 6., & q. 6. Epiſt. 49. S. P. Auguſtinus.

stinus. Ita unus dies totus, reliqui secundum partes præterierunt; ut recte Comment. in Matth. Estius. Etiam Porphyrius in Qq. Homericis ait: *Qui vespere domum venit, mane autem diei tertia exiit, dicitur tertia die iisse peregre*. Si opponas, legi apud Matthæum citato loco: *Sicut fuit Jonas in ventre ceti tribus diebus, & tribus noctibus, sic erit filius hominis in corde terræ; dico dies, & noctes* *triduanus* significare diem naturalem, qui apud Hebræos ea circumlocutione significatur, ut liquet ex 1. Genes. versu 5. Idem est igitur *tribus diebus, ac tribus noctibus*, ac *τρεῖς ἡμέρας, per tria diemotia*, inquit Gro-tius. Hanc periphrasin agnoscit citato loco Estius.

Resurrectio Christi propria ejus virtute perfecta est: habebat enim potestatem *ponendi animam* suam, & *iterum sumendi eam*; Joan. x. 18. ideoque dicimus *Resurrexist*, non, *suscitatus* est; sicut de Lazaro idem Joannes xxii. 1. *Quamquam & Pater resuscitavit* Filium, in quantum tota Trinitas id operata est, surrexitque Filius divina illa vi, quam habet ex sempiterna generatione, ut dixi lib. vii. cap. 9. Resurrexit autem Christus *in carne vera*, inquit S. P. Augustinus serm. 214. num. 8. ac proinde hoc articulo damnamus hæresim Apellitarum, qui apud Tertullianum de Præscript. asseriebant Christum in descensu fiderem sibi carnem contexuisse, & in resurrectione eam reddidisse singulis elementis, a quibus fuerat mutuatus, in ascensu autem ad cælos, aeri quoque dedisse corporis sui partem, atque ita carne ex quatuor elementis compacta, cuique horum restituta, in cælum solo spiritu rediisse. Denique ut in passione docuit nos Christus quid toleremus; ita in resurrectione, ait S. P. serm. 113. *ostendit quid speremus*.

VI. ARTICULUS.

Sequitur, *Ascendit ad cælos, sedet ad dexteram Dei Patris omnipotentis*. Et in hoc articulo symbola quæque conveniunt: aliqua tantummodo omittunt postremam vocem; quòd habeatur etiam in articulo primo.

Ascendit Christus elevans, *quod suscepit ex nobis, in cælum*; inquit S. Pater de Symbolo ad Catech. cap. 7. & idcirco ascendit ratione naturæ humanæ, sicut descenderat de cælis eandem assumens. Hunc ascensum factum propria Christi virtute, indicant ipsa verba; quamquam & non repugnat dici in cælos *assumptum*, ea ratione, qua diximus *suscitatum*: nam & initio Aët. Ap. legitur, *assumptus est*. Hinc refellitur prædicta hæresis Apellis ab Epiphanio adversus Her. & ab Aug. de Fide & symbolo, si enim in cælos assumptum est terrenum corpus; illud in substantiam elementorum non est resolutum.

Melius dictum est *ad cælos*, quam *in cælum*; primo quia hoc patet notatur discrimen inter ascensionem Christi, & raptum Eliæ, qui 1. Mach.

1. Mach. 11. 58. dicitur *Receptus in cælum*, ideſt, in locum ignotum ac ſublimem : deinde, quia Eccleſia ait in Præf. Pent. *Qui aſcendens ſuper omnes cælos*, &c. Ubi igitur habetur *in cælum*, (ut in Symbolo Nicæno, & Aët. 11. 34.) ibi *cælum* ſumitur pro firmamento ac ſede Beatorum; quod juxta Tychonem a nobis diſtat ſemidiametris decies novies milleſis, & decies milleſis ſecundum Merſennium. Atque ita lapis a firmamento demiſſus, ſi minuto quolibet leucam conficeret, nec centum annorum intervallo ad nos perveniret. At miſſis Aſtronomicis tricis; ex quo Chriſtus aſcenderit ſuper omnes cælos, ſequitur falſam eſſe opinionem Seleucianorum, qui poſt Hermogenem affirmarunt corpus Domini noſtri in ſole fuiſſe collocatum, accipientes occaſionem ex Pſalmo xviii. 6. *In ſole poſuit tabernaculum ſuum*; ut ſcribit H. 59. Auguſtinus. Verum verficulus ille Pſalmi in hebræo legitur, *ſoli poſuit tabernaculum in eis*, ideſt, in cælis: in Lxx. autem & in Vulgata eſt figura *hypoallages*, inquit Tirinus, hoc eſt, oratio inverſa vice proferitur, velut cum dicimus *date claſſibus auſtros*. Myſtice ab Auguſtino in Pſalm. xli v. num. 3. refertur ad uterum Virginis thalamum divini Verbi.

Sedere ad dexteram Patris non ita accipiendum eſt, quaſi Pater humana forma ſit circumſcriptus, ut monet idem Auguſtinus de fid. & ſymb. cap. 7. Nam qui ita ſentiunt, Deo corporalia membra tribuunt cum Anthropomorphitis a me refutatis lib. 11. cap. 2. *Dextera* Patris ſignificat primo ſempiternam felicitatem, ut *ſiniſtra* in Cant. 11. 6. commoditatem terrenam: ac propterea commentitium eſt temporale regnum Chiliaſtarum. Deinde Patris *dextra* opponitur *ſiniſtra* reproborum; ſummæ ſcilicet miſeriæ. Tertio eadem vox deſignat judicariam Chriſti poteſtatem, de qua Matth. ult. 18. *Sedere* dicitur Chriſtus, ne quis opinetur collocatam in cælis aſſumptam carnem vacuum ſenſu, & veluti *vaginam* exempta perſona, ut quidam apud Tertullianum de Carne Chriſti. Non certam membrorum poſitionem ea vox ſignificat, ſed perennem habitationem, quo ſenſu conſuetum eſt dicere, *In illa patria ſedit per tres annos*. Ita S. Pater de Symb. ad Catech. cap. 4. Non ergo hæc repugnant verbis Stephani Aët. vii. 55. *Video cælos apertos, & filium hominis ſtantem a dextris Dei*. Hic oſtenditur Chriſtum in cælis permanere, & gerere ſolicitudinem noſtri: quod liquet ex 1. Joannis cap. 11. 1. & ex Epistol. Pauli ad Hebræos 1x. 24. ac xxi. 2. Sed hæcenus de ſexto articulo, nunc ſeptimum explicemus.

VII. ARTICULUS.

Tam Romanum, & vulgare, quam Aquilejenſe, & Orientalia ſymbola habent, *Inde venturus eſt judicare vivos, & mortuos*, ſatente Dupinio. Rufinus etiam, ait Voſſius num. 38., nullum diſcrimen. To. IV. Ccc aperit;

aperit; quamquam Venantius Fortunatus paululum hæc immutet, simpliciter habens, *Judicaturus vivos, & mortuos*.

Itaque primo credimus futurum judicium adversus detestandum errorem Borborianorum, Florianorum, & Procliniatarum, qui negarunt apud Philastrium ullum fore post hæc vitam judicium, contra apertissimam auctoritatem Matth. xvi. 27. xxvi. 64. Act. xvi. 31. Apocalypf. xx. 11. &c. Venturus est idem Christus in quantum filius hominis, in assumpta scilicet humanitate. Ita Joan. cap. v. 22. & 27. Hinc intelligimus quod scriptum est, *Pater non judicat quemquam*, nimirum secundum aspectabilem formam, quam solus Filius sibi per sacramentum Incarnationis univit. Videfis Augustinum Tract. xxi. in Joannem. Particula *inde* commonstrat Judicem venturum de cælis, Incida nube circumdatum, atque apparatu majestatis, quemadmodum ascendit in cælum: ita Act. i. 11. Hinc commonemur, ne ullam habeamus fidem Pseudoprophetis, & Antichristo, ex loco ignoto prodeuntibus; vide Matth. cap. xxiv. 26. 27. Comites illi affuturos Angelos, Apostolos, omnesque Sanctos habemus Matth. xxv. 31. Lucæ xxi. 30. & i. ad Corinth. vi. 2. Certum est Apostolos, ac Martyres, ceterosque Sanctos judices affuturos, redarguentes improbos exemplo, probantes sententiam judicis, & Christo tanquam membra Capiti, ac Magistratus adhærentes summo Principi. Apostolos, & qui voluntariam susceperunt paupertatem præcipuo quodam titulo mundum judicatos videtur colligi ex Matth. xix. 28. an quia eminentiori loco sessuri sint, an quia & ipsi sententiam proferent, Theologi ac Patres non consentiant. Passionis Christi tempus in iv. articulo expressum est; at non in septimo tempus judicii: quum non sit nostrum *nosse tempora vel momenta, quæ Pater posuit in sua potestate*, Act. i. 7. Insaniunt itaque definientes ætatem mundi postremam, ac diem illam, quam Matth. xxiv. 36. noluit hominibus patefacere. Sed illorum curiositatem atque audaciam frenare studui libro xi. cap. 8.

Judicandi erunt omnes tam *vivi*, quam *mortui*. S. Pater de fide, & symbolo cap. 8. & de symbolo ad Catech. cap. 14. per *vivos, & mortuos* intelligit justos & peccatores; sive illos, qui tempore adventus Christi adhuc vivent, & qui in hoc adventu resurgent. At Rufinus per *vivos* intellexit animas, per *mortuos* corpora. Juxta interpretationem Augustini dicimus omnibus ante tribunal Christi esse comparandum, nec excipimus parvulos decedentes sine baptismo: de quibus plura lib. xiii. cap. 8. Quando Joannes iii. 18. ait jam esse judicatos qui non credunt, & Patres aliqui affirmant judicandos duntaxat, qui in religione versantur; id accipiendum est vel de judicii discussione, vel de privatione vitæ æternæ, vel de ordinatione, decretoque divino; ut sensus sit infidelibus jam esse statutam gehennam, nec in judicio discceptandum cur accenseantur cum reprobis; in eos tamen sententiam

tiam esse pronuntiandam , eosque pro qualitate peccatorum esse mul-
tandos . Juxta expositionem Rufini apparet etiam extremi judicii finis,
nempe , ut unusquisque *referat propria corporis prout gessit sive bonum,
sive malum* , ut inquit Ap. 2. ad Corinth. v. 10. Præcipuus tamen finis
est Dei gloria , Christi exaltatio , & felix consummatio principatus ac
regiminis hujus Ecclesiæ : de quo fine idem Apostolus in 1. ad Corinth.
xv. 24. & seqq. Hoc articulo etiam rejicimus fatalem necessitatem indu-
ctam a Gnosticis ; non enim judicio subjiçuntur quæ eveniunt absque
arbitrii libertate , ut disputant adversus Valentinianos Clemens Alex.
lib. 2. Strom. , & in 2. Apologia S. Martyr Justinus . Hæc de septimo
articulo ; reliquos persequamur .

VIII. A R T I C U L U S .

Proximus est , *Credo in Spiritum sanctum* . In Aquilejensi omit-
titur credendi verbum ; quod tamen extat in Græcis , apud Auctorem
Hist. symboli Ap. p. 262. , & falsus est hac in parte Dupinius : consen-
tiunt quoque vetusta Gallorum , & Belgarum symbola . Ubi omis-
sum est , suppleri debet ex initio , prout indicat particula *Et* apposita in
symbolo Rufini , & apud Augustinum de symbolo ad Catech. cap. v.
num. 12.

Repetitur ergo verbum credendi , ne quis a fide in Christum fi-
lium Dei , ejusque Patrem , disjungat Spiritum sanctum : quum &
ejus explicita fides ad æternam salutem necessaria sit , ut constat ex
concione a Paulo habita Ephesi Aët. xix. 2. Consideranda est quoque
vis illius particulae *In* , quæ , ut constat ex Articulo. 1. & 2. demon-
strat hujus Spiritus divinitatem . Hac de causa , ut acute animadver-
tit Rufinus , hæc propositio articulo proximo non præmittitur , quo-
niam Ecclesia non est Deus , sed Deo congregata . Tam ergo exigua
voce significatur in tribus Personis , ait citato loco Augustinus , *una
natura , una substantia , una potentia , summa æqualitas , nulla di-
visio , nulla diversitas , perpetua caritas* . Atque ita refelluntur Macedo-
niani , & Pneumatomachi , qui negarunt Sancti spiritus divinitatem .
Perstringuntur eadem ratione Gallica Catechesis Calvinistarum , &
Clypeus Fidei Genev. ubi traditur adorandum esse solum Patrem in
nomine Filii ; necnon Philippus Melanchthon qui in Locis Theolog.
negat in Spiritu sancto haberi perfectam divinitatem . Rejicitur & Pe-
tri Abaelardi insignis error , de quo in priori volumine pag. 173.

Nomen *Spiritus* tribuitur tertiæ personæ , primum quia cum ab
illa nulla alia procedat , nequit habere peculiare nomen , quod relati-
vum sit ad personam a se procedentem : deinde quia nomen istud *Spi-
ritus* distinguit hanc personam a prima , & secunda , quæ sunt unum ,
ut inquit Theologi , principium spirans : atque ita profitentes cre-

dere nos in tertiam Personam, iterum anathematizamus Sabellianos. Hoc nomen *Spiritus* etiam processionem tertiæ Personæ a prima & a secunda commonstrat, quemadmodum explicatum est lib. viii. cap. 21. ideoque propugnamus adversus Græcos dogma Romanæ Ecclesiæ; de quo eodem libro cap. 18. Hunc Spiritum appellamus *sanctum*, quoniam ejus inhabitatione remittuntur peccata, & anima sanctitate exornatur; ideoque detestanda est blasphemia Theodori Bezzæ scribentis in Confess. punct. 4. art. 10. Spiritum sanctum æque ac in justis permanere in iis, qui turpissimis sceleribus inquinantur. Ex quo autem in justis habitat sanctitatem impertiendo, & spiritum innovando, recta ratione damnamus Novatores, qui negant inhærentem justitiam.

ARTICULUS IX.

Nonus est, *Sanctam Ecclesiam Catholicam, Sanctorum communionem*. Aquilejense, & Orientalia non habent *Catholicam*, & quæ deinceps sequuntur. Hæc tamen jure meritoque adjecta sunt. Nam vox illa *Catholicam* extat in antiquissimo symbolo Alexandri Episcopi Alexandrini apud Theodoretum lib. i. cap. 4., in utroque symbolo Epiphani in Ancorato: cumque Alexander Episcopus Alexandrinus floruerit ante annum 325. aut circa hæc tempora, errat Franciscus Picus affirmans sententiam de *Ecclesia Catholica*, tempore Nicænæ synodi, hoc anno celebratæ, nequaquam apparuisse. Reliqua adversus Schismaticos dicuntur apposita: sed omnia in solo *Ecclesiæ* vocabulo continentur; nam *ipsa est Ecclesia sancta, Ecclesia una, Ecclesia vera, Ecclesia Catholica, contra omnes hæreses pugnans, &c.* inquit S. P. de symb. ad Catech.

Ecclesia sic appellata ab *ἐκκλῆσία*, *evoco*, est aggregatio fidelium, quos de tenebris gentium Deus vocavit in admirabile lumen suum, ut in unum cætum coadunati teneant eandem fidem, degant sub eodem capite, eademque participant sacramenta. Cur huic articulo præpositio *In* non addatur, dixi paulo supra ex Rufino. Nunc ex ipso nomine *Ecclesiæ* colligimus credere nos unam Christianorum congregationem a Jesu Christo institutam, & ab Apostolis per orbem terrarum divulgatam, non incertis privatique documentis directam, neque invisibilem & occultam; sed præditam salutaribus fidei morumque regulis, certisque distinctam characteribus, idest, doctrinâ, sacrificio, cultu, Pastorum ordinatione ac regimine, sanctitate morum, & Apostolicæ originis antiquitate. Firmissime itaque tenemus Ecclesiam hanc non extare apud Protestantés, qui illam constituunt in occulto cætu electorum, negantque Apostolicæ Cathedræ auctoritatem, Sacerdotum ordines ac ministeria, & excogitatis pro libidine dogmatibus ac institutionibus non Apostolos habent auctores, sed Apostatas, ejectos, turpissimisque flagitiis contaminatos.

Hanc

Hanc *Ecclesiam* singulari numero appellamus, quoniam debet esse *una*; quod explicationis causâ addidere symbolum Nicænum, & Constantinopolitanum. Alexander vero Alexandrinus citato loco majori emphasi ait, *Una, & unica, unam, & unicam*. Hæc Ecclesiæ unitas est conspiratio omnium fidelium in eadem fide, ac doctrina; quamobrem segregati sunt ab Ecclesia omnes manifeste hæretici: & iccirco Rufinus scribit, quod docuit Marcion, quod Manichæus, quod Paulus Samosatenus, quod Arius, quod ceteri hæretici, commonstrare quomodo horum sectæ non Ecclesiam constituent, sed *concilium vanitatis*. Præter unionem doctrinæ, character Ecclesiæ est unio membrorum inter se, & cum mystici hujus corporis Capite, idest, Romano Pontifice. Hac de causâ separatos ab Ecclesia Novatianos dolet Ep. 43. ad Cornelium Papam S. Cyprianus. Idem scribit de Donatistis lib. 2. contra Parmenianum Optatus. E contra S. P. Augustinus in libris de Baptismo impense eundem Cyprianum commendat, quod ebulliente controversia de Rebaptizandis, nunquam passus sit invehî schisma, & fidelium caritatem disrumpi. Vide lib. 2. de Baptismo contra Donatistas cap. 6. Assentiendum propterea est Bellarmino lib. 111. de Eccl. cap. 5. aliisque plurimis segregantibus ab Ecclesia non solum hæreticos, verum etiam schismaticos.

Præterea Ecclesia dicitur *Sancta*. I. ratione doctrinæ, quæ in Ecclesia nihil a supremo Rectore proponatur quod non sit pium, honestum, formandisque bonis moribus consentaneum. II. ratione Institutoris, qui nobis factus est redemptio, & sanctificatio, ac membris sibi per fidem unitis, dummodo apte se disponant, justitiam ac sanctitatem impertitur. III. ratione Sacramentorum, quæ digne dispositis conferunt remissionem peccatorum, & gratiæ augmentum. IV. ratione antiquorum rituum, quibus Dei, Sanctorumque cultum Ecclesia promovet. V. ratione plurium membrorum, idest, fidelium, qui vivunt vitam cœlibem, incontaminatam, atque honestissimam. Jure ergo meritoque scripsimus cap. v. non extare apud Heterodoxos, qui flagitiosam vitam approbant, Ecclesiam Christi.

Deinde Ecclesia appellatur *Catholica*, scilicet, universalis. *Catholicum* idem est, ac toto orbe diffusum; ideoque non est vera Ecclesia hæreticorum, qui latitant in angulis provinciarum. *Catholicam*, (inquit Auctor serm. 181. de Temp. inter Augustinianos,) *dicit toto orbe diffusam, quia diversorum hæreticorum Ecclesia ideo Catholica non dicantur, quia per loca, & per suas quasque provincias continentur*. Apostolorum ergo tempore Ecclesia erat Catholica, quia distincta a Synagogis limitibus terræ Chanaan circumscriptis. Nec valet quod opponit Vossius, tunc extra Palæstinam fuisse aliquos religione Judæos; nam singulis Religionis causâ Jerosolymas conveniendum erat. Infuper Apostoli mandatum acceperant prædicandi Evangelium in universo mundo,

mundo, eratque amplitudinis Ecclesiæ spes firmissima, & aperta promissio. Etiam *Catholica* appellatur, quatenus nemo, ubicunque existat, nisi in ipsa Ecclesia salvari potest; quia nequit *fractus ramus ab arbore fractus germinare*, ait in libro de unitate Eccl. Cyprianus. Idcirco credimus neminem extra Romanam Ecclesiam salutem consequi.

Sanctorum communionem Auctor prædicti serm. 181. de Temp. refert ad Cives supernæ Jerusalem, quibuscum societate, & spei communionem tenemur, ita ut nos de illorum imitatione cogitemus, illi autem pro nobis dignentur Domino supplicare. Rejicienda non est hæc interpretatio: eum enim caritas nunquam excidat, nequeunt sancti a nobis societate disjungi: & ideo credimus illos jam beatitudine perfrui, pro nobis orare, & a nobis religiose coli, adversus antiquos Millenariorum errores, & recentiorum hæreticorum perfidiam. Hæc tamen Sanctorum *Communitio* duo alia significat, idest, appellationem fraternitatis, quam invicem Catholici fovent, & orationum, bonorumque operum, quæ sunt in Ecclesia, participationem. In illius fraternitatis confederationem confueverunt olim novi Episcopi alios electionis suæ reddere certiores per literas, quas appellarunt *Communionis*: quarum exemplar extat Epist. 42. Cypriani ad Cornelium Papam, & vicissim Cornelii ad Cyprianum. Huc spectant literæ datæ fidelibus peregre profecturis, ut in communionem ab omnibus Ecclesiis reciperentur; piæque consuetudo consecrationis olim de licentia Episcopi advenis demandatæ, ut narrat de Polycarpo Romam sub Aniceto adventante Eusebius lib. v. H. Eccl. cap. 24. Bonorum orationes ceteris prodesse, ne alia exempla proferam, demonstrant preces Stephani, & piæ matris Monnicæ lacrymæ.

X. ARTICULUS.

Décimus est: *Remissionem peccatorum*. In tabula Dupinii conveniunt in hoc articulo quatuor antiqua symbola. Quidam putant eundem articulum receptum tempore Cypriani; eo quod desideretur in symbolis Tertulliani, Irenæi, & Origenis. Nil id ingerit difficultatis; commemorata enim *Ecclesia*, statim intelligitur peccatorum remissio: quoniam & Ecclesiæ ministris data est potestas remittendi, & retinendi peccata, Joannis xx. 23. & in Ecclesiam cooptamur per Baptismum, quo remittuntur ipsa peccata, Act. 11. 28.

Credimus itaque hoc articulo per Baptismum deleri omnia peccata, & legem Christi etiam hoc titulo ceteris esse præstantiorem, quod habeat expiationem pro quocunque flagitio; cum Gentiles viam delendi culpam, & fugiendi supplicium ignorarent, expertes sacrificiis quibus culpæ reatus abstergeretur: cujus delendi vim nec habebant sacramenta veteris legis suapte natura: immo adversus adulteria, & graviora

viora delicta hæc nullum afferebant remedium. At Baptiſmus omnia prorsus peccata tollit, ut docet Auguſtinus in Ench. cap. 64. Ad hunc ſenſum innuendum ſymbolum Nicænum poſuit, *Confiteor unum baptiſma in remiſſionem peccatorum*. Credimus tamen in Eccleſia remitti quoque peccata poſt baptiſmum patrata, contra Baſilidem, Montanum, & Novatum: quorum primus apud Clem. Alex. libro 4. Strom. volebat condonari tantum peccata ex ignorantia & præter voluntatem commiſſa: alter, ut inquit Hieronymus lib. 2. adverſus Jovinianum, negabat poſſe renovari per pœnitentiam, qui ſibi crucifixerunt filium Dei: ultimus, auctore Epiphanio H. Cathar., aſſebat nullam ſpem veniæ lapſis poſt baptiſmum relinqui. Fatemur quoque peccata vere dimitti, non tegi duntaxat, damnantes cum Lutherum aſſerentem art. 2. inter damnatos a Leone X. remanere poſt baptiſmum peccata, tum Calvinum ſcribentem in 111. Inſtit. cap. 2. §. 11. reprobos nunquam conſequi remiſſionem peccatorum. Venialia peccata etiam eleemoſyna & oratione deleri, docet S. Pater de Symb. ad Catech. Ita peccata ante baptiſmum commiſſa delentur Sacramento regenerationis: quæ poſtea patrata ſunt, per ſacramentalem abſolutionem; quotidiana autem ac venialia oratione, jejunio, eleemoſyna. Etiam temporalis ſclerum pœna per Indulgentias relaxatur. At hæc nonniſi baptizatis prodeſſe poſſunt, quoniam nequit percipere fructum paſſionis Chriſti, qui in morte ipſius baptizatus non eſt, ut ſcribit Apoſtolus ad Rom. cap. 6. Etiam baptiſmum adultorum præcedere debent debita diſpoſitiones: ut liquet ex Aët. 11. 38. *Pœnitentiam agite, & baptizetur unusquiſque veſtrum*, &c. necnon ex iis, quæ ante baptiſmum exigebantur a Catechumeno, recenſitis a Juſtino in 2. Apologia, a Tertulliano in libro de Baptiſmo, & ab Origene hom. 21. in Lucam. Verum de his diſpoſitionibus pertractavi lib. XIX. c. 4.

XI. ARTICULUS.

Carnis Reſurrectionem, Undecimum ſcilicet articulum, habent ſymbola quæque. Aquilejenſe addito pronomine ait, *Hæc Carnis*. De antiquitate hujus articuli, nec Voſſius miſſitat; annuntiatam, quippe reſurrectionem ab initio Evangelii, conſtat ex Aët. xv. 11. 18. ex 1. ad Corinth. xv. & 2. ad Timoth. 2.

Non corporis dictum eſt, ſed *carnis*; quoniam corpora ſunt cæleſtia, terreſtria, & aerea; caro autem designat *ſpeciem* corporis peculiarem. Recte dicitur a Damasceno lib. IV. de fide Orthod. cap. 2. anachſis, ſive reſurrectio, *ſurſa in reſurrectione carnis, nova reſaſdem corporis, quod ceciderat, ſuſcitatio*, ſive, ut inquit de Reſur. carnis 6. Tertullianus, *recidivatus*. Ipſa Reſurrectionis ratio poſtulat, ut quod morte cecidiſſet, illud excitetur: & ideo pronomen additum ab Aquile-

Aquilejensibus continetur in ipso *Carnis* vocabulo. Apparet hinc error Origenistarum, & Bardesinistarum, qui *Corporis* resurrectionem dicere maluerunt, opinantes non carnem hanc redituram, sed corpus aerium, atque alterius naturæ: de quo errore vide Hieronymum in Epist. ad Pammach. & Oceanum. Rufinus in 1. adversus eundem Hieronymum Invektiva, ut se purget ab hoc errore, assertit symbolum Ecclesiæ suæ Aquilejensis, in qua, ut diximus, addebatur pronomen, & digito etiam tangebatur frons, quasi diceretur, *Credimus carnis hujus, quam contingimus, resurrectionem*. Opinionem, quam sequuti sunt Origenistæ, viguisse tempore Clementis Romani, non obscure conjectat Auctor Hist. Symboli Apost. cap. vii. n. 40.

Deterrimā viā aberrarunt, qui resurrectionem negarunt penitus: cujusmodi fuere Sadducæi Act. xxiii. 8. Hymenæus & Philetus 2. ad Timotheum 11. 17. Basilides, Cerdon, & Apelles apud Tertull. de Præscript. Valentiniani, Archontici, & Hierachitæ, apud Augustinum de Hæres. n. 11. 20. 47. Seleuciani, & Procliniatæ, apud Philastrum; alique plures apud Vossium disput. xii. Th. 1. num. 3. Recte Justinus in Exposit. Symboli ait hanc resurrectionem *non solum a gentilibus, sed etiam ab hæreticis impugnari*. Movet me tanta adversariorum pervicacia ad vindicandum hoc loco Catholicum dogma demonstrando futuram esse resurrectionem, & idem corpus restituendum animæ suæ, licet diversis affectionibus præditum. Leget autem, qui plura desiderat, Tertullianum de Resurrect. Carnis, S. P. Augustinum lib. xx. de Civ. D. cap. 6. 7. 14. 20. 21. lib. xxii. cap. 5. & seqq. serm. 240. & duobus sequentibus, Friderici Naufæas Episcopi Viennensis tres libros de Resurrect. Estium, aliosque Scholasticos in dist. 43. libri quarti, Vossium quoque citata disput. xii. & xvii. Nos satis esse arbitramur tria, quæ proxime sequuntur, asserta.

Affero primum futuram esse corporum Resurrectionem, quod probō auctoritate utriusque testamenti, Patrum traditione, consuetudine Gentilium, & ratione Theologica. Et loca quidem prioris testamenti asserenda sunt adversus submorfos quosdam Recentiores, qui etsi Resurrectionem fateantur, negant hanc evinci ex libris legis veteris. Jobus enim xix. 25. ait, *Scio quod Redemptor meus vivit, & in novissima die de terra surrecturus sum: & rursum circumdabor pelle mea, &c.* Psalmus xl. 9. *Nunquid qui dormit, non adjiciet, ut resurgat?* & ciii. 29. *Auferet spiritum eorum, & deficiet, & in pulverem suum revertentur. Emittes spiritum tuum, & creabuntur, & renovabis faciem terræ:* de quo loco plura adversus Sadducæos R. Manassés ben Israël in lib. de Resmort. Esaias xxv. 19. *Vivent mortui tui; interfecisti mei resurgent: expergimini, & laudate qui habitatis in pulvere.* Ezec. xxxvii. 12. *Ecce ego aperiam tumulos vestros, & educam vos de tumulis vestris, popule meus: & scietis quia ego Dominus, cum dederō spiritum meum in vobis,*
& vi.

& vixeritis, &c. Daniel xii. 2. *Et multi de his, qui dormiunt in terra pulvere evigilabunt: alii in vitam eternam, & alii in opprobrium, ut videant semper.* Ofeas denique xiii. 14. *De manu mortis liberabo eos, de morte redimam eos: ero mors tua, o mors, morsus tuus ero inferne.*

Mercerus, Grotius, Vossius, Manasses Ben-Israel, & Rabbino- rum complures negant resurrectionem probari ex cap. xix. Jobi, ob diversum sensum quem exhibent hebraea, Scio quod Redemptor meus vivit, & novissimo surget super pulverem, & postquam pellem meam cor- roserint haec, rursum illa circumdabor. Ait ergo Job duntaxat, posse Deum restituere pristina formam corpori ejus morbis, vermibusque propemodum exsco. Verba Esaie, & Ezechielis explicantur a viris do- ctis de insperata liberatione Israelitarum, qui ob summas calamitates mortuis equiparantur. Reliqua nunquam adversus Sadduceos ab an- tiquis Rabbinis prolata sunt, quod nullam vim ad eos revincendos vi- derentur habere. Ex veteri itaque Testamento minime probatur resur- rectio mortuorum. Imo occurrunt ibidem aliqua, quibus haec resurre- ctio oppugnatur. Nam Ps. i. 5. legitur: *Non resurgent impij in judi- cio;* & lxxvii. 39. *Et recordatus est, quia caro sunt, spiritus vadent, & non rediens.* Job resurrectionem negat cap. xiv. 7. *Lignum habet spem; si praefusum fuerit rursum virebit, & rami ejus pullulant. . . . Homo vero cum mortuus fuerit, & nudatus atque consumptus, ubi qua- so est?* Ecclesiastes autem cap. iii. 19. inquit: *Idcirco unus interitus est hominis & jumentorum, & aqua utriusque conditio.* Haec & alia his consimilia corporum resurrectionem potius evertunt, quam evineant.

Verum ex adverso reponimus, sensum Jobi optime a Latino inter- prete expressum. Ut enim mittam quod observat Didacus a Stunica, nostri Ordinis, Comment. in Job. pag. 306. facile commutari quiescen- tes literas, *אקם*, nec mirum esse, si ponitur *קם*, *surget*, pro *קם*, *surrecturus sum*: Vulgata cum hebraico textu non pugnat. Illorum, quippe verborum, *Redemptor meus novissimo surget super pulverem*, sensus est, inquit in hunc locum Guilelmus Estius, *Surget ad susci- tandum sua praesentia mortuos in die judicii, quod ex subjectis verbis est manifestum.* Hanc Estii expositionem probat etiam Codureus. Prae- terea si ad Christum Redemptorem textus referatur; annon praedicatur aperte resurrectio Salvatoris, qui primitiae fuit dormientium, ut ex- plicat etiam Clarus? Referri autem ad Christum, qui resurrectione, sua nostram repromisit, eum ipsa Lectio hebraica manifestum est, tum Graeca, & Syriaca: quarum una habet, *Scio enim quia aternus est, qui me resoluturus est super terram ad resuscitandam cutem meam:* altera, *Ego quidem scio, quod Salvator meus vivens sit, & in con- summatione super terram appariturus.* Vide Biblia Waltoniana Tom. iii. p. 41. Denique Jobum non loqui de sola vermium corrosione, sed

de resolutione proprii corporis in pulverem, post quam ait carnem suam jam contritam, macieque solutam fore resuscitandam, tria comata ostendunt: primum est, וארר נקפו עורר וארר, *Et postquam pellem meam contriverint hanc*, ubi non solum cutis corrosione, sed omnimodam corporis corruptionem demonstrat verbum נקפו, quod est *confringere, occidere, excutere*: unde Anglorum versio apud Sixtinum Amama in Antibarbaro est, *Eiamsi post pellem meam, hoc corpus destruant*; & Scholia Genevensia, *Quand mesmes il me reduiroit a plus grand extremité, e que je seroy du tout consumé*. Itaque ex ipsa Novatorum expositione Job non solum sperabat restaurationem cutis, sed & resurrectionem corporis penitus consumpti, & emaciati. Alterum est illud יקום על-עפר, *surget super pulverem*, quod volunt ad Redemptorem referri. At עפר, non cutem disrptam atque corrosam significat, sed *terram, minutumque pulverem*; ideoque sensus est, potentia Domini non solum corrosam carnem restituendam, sed etiam suscitandum corpus, posteaquam redierit in pulverem. Tertium est, אהור אלה, *Videbo Deum meum*; nam הור, non est experiri divina beneficia corporis sanitate, sed *videre, mente intueri, & contemplari*, & consequenter exprimitur visio Dei, *in carne* surrecturis repromissa. Atque ita ex hebraico textu, quem tam mirifice extollunt Sectar ii: comprobatur sensus Vulgatæ. Nisi ergo Mercerus, Grotius, Amama, Vossius, & alii subscribere velint Augustino, qui libro xxi. de C. D. cap. 29. ait, *Job, sicut in exemplaribus, quæ in hebræo sunt, invenitur, resurrectionem carnis sine dubio prophetavit*; audiant saltem comilitonem suum, Sebastianum Munsterum scribentem in hunc locum, *Aperte adstruitur resurrectio mortuorum*: & quod hic habet Castalion, *Christi resurrectio, quam hominum resurrectio sequetur*.

Saltim Prophetiam Ezechielis non posse accommodari soli Israelitarum restitutioni probat Manassés Ben-Israel, quia Propheta collectionem populi ibidem prænuntiat parabolâ duorum lignorum, in quorum uno scriptum erat nomen Ephraim, in altero Juda: & quia manifeste sepulcra, cadavera, & spiritus vitæ ibidem commemorantur. At dato tam ab Esaia, quam ab Ezechiele annuntiari restitutionem regni Israel sub resurgentium ossium imagine: consequitur etiam ipsam resurrectionem futuram esse; quoniam, ut ait in hunc locum Hieronymus, *Nunquam poneretur similitudo resurrectionis ad restitutionem Israelitici populi significandam, nisi flaret ipsa resurrectio, & futura crederetur: quia nemo de rebus non extantibus incerta confirmat*. Idem demonstrat Tertullianus de Resurrect. Carnis cap. 30. & 31. Danielis verba, ut observat S. P. Augustinus lib. xx. de C. D. cap. 23. confirmantur a Christo Joannis v. 29. & verba Osæ repetuntur ab Apostolo 1. ad Corinth. xv. 59. & utrobique aptantur resurrectioni, unde nequeant nisi impudentissime aliter exponi.

Cur

Cur Sadducæi refutati non fuerint hiſce Propheticis testimoniis in cauſſa eſt, quod quinque libros Moſis recipere, reſectis Prophetis. *Taceo* (inquit Tertull. de Præſcript. cap. 45.) *Judaismi hæreicos, Doſitbeum Samaritanum, qui primus auſus eſt Prophetas, quaſi non in Spiritu ſancto loquutos repudiare: taceo Sadducæos, qui ex bujus erroris radice ſurgentes auſi ſunt ad hanc hæreſim etiam reſurrectionem carnis negare.* Et Hieronymus in cap. 22. Mat. *Sadducæi, inquit, quinque tantum libros Moſis recipiebant, Prophetarum vaticinia reſpuentes.* Id negat Clericus in Proleg. H. E. ſect. 1. cap. 111. n. 9. quia nuſquam a Chriſto, & Apoſtoliſ, nuſquam a Joſepho hoc flagitium Sadducæis expoſtatur. At Ger. Voſſius diſp. x. num. 7. ait aſſertionem Tertulliani, & Hieronymi veriſſimam eſſe, Scaligerum, quem ſequitur Clericus, duci argumentis hauſ fatiſ firmiſ, conſentire hac in re veteres & recentiores, Flavium quoque Joſephum lib. x111. cap. 18. & Joſephum Gorionidem lib. 1v. H. cap. 6. Addamus nonnulla. R. Simon Ben Johay reſellit Sadducæos ex Gen. 111. 9. In Jalkut revincuntur ex Gen. xxxv11. 10. Rab-Mehir illos conſutat ex cap. xv. 1. Exodi. Gamaliel ex Deut. 1v. 1. Raba ex Deut. xxx111. 6. Collegit omnia Manaeſſe Ben-Iſrael in libro de Reſurrect. Mortuorum: nos hæc Rabbiorum argumenta nimis abſtruſa relinquimus ſtudioſiſ: & hinc inferimus Sadducæos præſertim ex Pentatheuco a Rabbiniſ reſelli, quod ſolos Moſiſ libros ſummo honore dignarentur, reliquos aut abjicerent, aut ſaltem pro Canonicis non haberent.

Neque dogma Catholicum ullo contrario textu oppugnatur. Nam Pſalm. 1. *reſurgere* idem eſt ac *juſtificari, conſiſtere, non erubere*: ac ſenſus eſt, impij non juſtificabuntur Deo judice, conſundentur, cauſa cadent. Pſal. lxxv11. *demonſtratur vitam hominiſ ad inſtar venti, eſſe brevis ævi, per ſe ſtatim recedere, nec redire, niſi divinitus, voluptuoſam hanc vitam cito deperdi, & in puncto cum ſumma calamitate commutari, nullam ex gehennæ ſupplicio redemptionem ſperandam.* Jobus reſurrectionem non denegat, ſed ibidem v. 12. futuram ait poſt cælorum tranſitum, & conſtituto tempore: ne repetam exquisitum teſtimonium cap. x1x. abunde a falſiſ interpretationib. vindicatum. Eccleſiaſtæ denique ſenſus eſt, nil mirum ſi in hac vita boni non diſcernuntur a malis, cum vix diſcrimen ſit homineſ inter ac pecudeſ, dum ſimul prodeunt in lucem, ac ſimiliter diſſolvuntur in pulverem: bonorum præmium manere poſt mortem; & Deum tandem, uti habetur in fine libri, omnia adducturum in judicium. Vide 2. Volum. p. 476.

In novo Teſtamento apertiſſime carniſ reſurrectio prænuntiata eſt. Matth. xx11. 31. *De reſurrectione autem mortuorum non legiſtiſ, quod dictum eſt a Deo dicente vobiſ: Ego ſum Deus Abraham, & Deus Iſaac, & Deus Jacob? Non eſt Deus mortuorum, ſed viventium.* Ioan. v. 28. *Veniſ hora, in qua omneſ qui in monumentiſ ſunt, audient vocem filij Dei:*

Et procedent qui bona fecerunt in resurrectionem vitæ; qui vero mala egerunt in resurrectionem iudicii: & Martha Joan. xi. 24. Scio quia resurget in resurrectione in novissimo die. Act. xxiv. 15. Paulus Felici praefidi proficitur credi a se, Resurrectionem futuram iustorum, & iniquorum. Luculenter idem Paulus in 1. ad Corinth. xv. hoc demonstrat I. ex resurrectione Christi versu 12. Si autem Christus praedicatur quod resurrexit a mortuis, quomodo quidam dicunt in vobis, quoniam resurrectionis mortuorum non est? II. ex veritate Apostolicæ prædicationis ac fidei, versu 14. Si Christus non resurrexit, inanis est ergo prædicationis nostra, inanis est & fides vestra. III. ex quo, nisi resurrectionis & melioris vitæ spes superesset, Christiani forent omnium mortalium miserissimi, versu 19. Si in hac vita tantum in Christo sperantes sumus, miserabiliores sumus omnibus hominibus. IV. ex comparatione Adæ v. 22. Et sicut in Adam omnes moriuntur, ita & in Christo omnes vivificabuntur.

Traditionem Catholicorum Patrum nemo unus negabit. Polycarpus apud Eusebium lib. iv. H. Eccl. 15. morti proximus ait: *Benedico te, qui me in hunc diem, & ad horam hanc perducere dignatus es, ut partem caperem in consortium Martyrum, & in calice Christi tui, in resurrectionem vitæ æternæ, animæ simul & corporis in incorruptione Spiritus sancti.* Iustinus resurrectionem asserit in 2. Apologia. Athenagoras & Tertullianus de hoc argumento librum integrum conscripserunt. Irenæus futuram resurrectionem probat libro v. adversus hæreses. S. Pater Augustinus exquisitè hanc quæstionem adversus Gentiles pertractat in locis superius laudatis, quod & præstant alii Patres, Ambrosius lib. 2. de fide, Theodoretus lib. v. H. fab. cap. 19. &c.

Facillimum est Sadducæos & Gentiles refutare opposcentes hanc resurrectionem esse impossibile. Ac 1. Augustinus xx i. de C. D. cap. 5. ingeniosè demonstrat, id cum jam credatur ab universo fere mundo, non esse incredibile. 2. Iustinus in Apologetico demonstrat non esse censendum impossibile Deo, quod est impossibile alicui; sicut naturæ impossibile est sine semine animans producere, quod tamen potuit Deus. 3. Scholastici demonstrant illum, qui compositum produxit ex nihilo, a fortiori posse illud restituere dissolutis quidem principiis, sed remanentibus. 4. Fridericus Episcopus Viennensis probat possibilitatem resurrectionis ex quo Elias suscitavit filium viduæ Sareptanæ, Elifæus filium Sunamitidis, Christus adolescentulum Naimi, puellam filiam Jairi, & Lazarum quadriduanum, Petrus Tabitham, Paulus Eutychem: quos olim suscitatos sacri libri commemorant. 5. Nec sapientes Ethnici id impossibile crediderunt; cum suscitatum Armenium quemdam scribat Plato in x. de Republ. Valerius Max. lib. 1. cap. 8. Plutarchus Sympof. 1x. 5. Macrobius, ac Tullius in Som. Scipionis. Resuscitatam mulierem scribunt Heraclides Ponticus in libro de Exanimi, Dioge-

Diogenes Laertius in Empedocle, Galenus v1. de locis affectis, Plinius lib. v11. cap. 32. Idem accidisse Aristæo narrant Herodotus in Melpomene & Plutarchus in Romulo: quas fabulas literis non mandassent, si incredibiles existimavissent, ut inquit Grotius lib. 11. de Verit. Relig. Christ. cap. v11. Vid. Aencam Gazæum in Theophrasto Tom. v111. Bibl. PP. plura Gentilium testimonia proferentem. 6. Nequit in dubium revocari Christi resurrectio, ut demonstro lib. xxv. cap. 10. neque id negat ex Judæis Josephus lib. xv111. Antiq. cap. 4. R. Jehuda in libro Arcanorum citato ab Huetio Dem. Evang. Prop. 1x. cap. 142. & R. Bechai apud H. Grotium. 7. Omnes Platonici affirmarunt abstrusiora, opinantes Justorum animas facta oblivione veterum miseriarum, postquam cum diis requieverint, velle reverti ad corpora corruptibilia; quod, ut Augustinus observat ferm. 143. de Temp. nunc 241. horrui etiam Virgilius, dum ait 6. Aeneidum Anchisi asserenti redituras ad corpora animas illustrium Romanorum, respondisse Aeneam admiratione percussum:

*O Pater, an ne aliquas ad cælum hinc ire putandum est
Sublimes animas, iterumque ad tarda reverti:
Corpora?*

Opponebat Porphyrius, omne corpus fugiendum esse: sed S. P. eodem sermone illum revincit, ex quo idem Porphyrius crederet mundum animal magnum præditum intellectu, & anima, quam appellabat aut Jovem, aut Hecatem. *Si ergo*, ait Augustinus, *æternus mundus, & sine fine manet mundus, & animal est mundus; anima ista semper tenetur in mundo. Quid est quod dicebas, Corpus est omne fugiendum? Ego dico beatas animas incorruptibilia corpora semper habituras. Tu qui dicis corpus omne fugiendum, occide mundum. Tu dicis, ut fugiam de carne mea; fugiat Jupiter tuus de cælo & terra.*

Platonicos vero negantes terrenum corpus posse consistere in cælo refutamus 1. quia si aves levitate pennarum portantur in aere, possunt quoque divina virtute in cælis immortalia corpora permanere. 2. quia etiam homo sine pennis, cum sit terrenus, carpit vitam de superiori elemento. 3. quia aut Dei, aut demonis virtute Vestalis virgo aquam continuit in cribro. 4. quia & imbres antequam in terram decendant, pendent in nubibus. 5. quia si plumbum ab artifice accipit formam, qua natet super aquam, potest omnipotens corpori humano talem qualitatem concedere, qua feratur in cælum. His exemplis refellit Platonicos opposcentes corporum gravitatem magnus Augustinus lib. xx11. de C. D. cap. x1. & ferm. 147. de Temp. nunc 242. Adde dotes corporis gloriosi, de quibus infra.

Nulla ergo contraria argumentatione mortuorum resurrectio concurrit; eamque etiam ipsa ratio suadet. Spectata enim divinâ retributione, ut anima simul & corpus moralia opera exercent, licet illa tanquam

tanquam causa princeps, hoc tanquam instrumentum, ita debet utrumque pro sua conditione aut præmium aut supplicium referre. *Caro* (inquit Tertullianus de Resurr. cap. 7.) *dum ministra, & famula anima deputatur, conjors, & coheres invenitur: si temporalium, cur non æternorum?* Et Aeneas Gazeus paullo supra laudatus, *Quo pacto justum non erit animæ bonis id corpus frui, cujus in adversis rebus societatem nunquam declinavit?* Vide & Chrysostomi in Epistolam ad Corinth. Hom. 38. & 39. Accedit argumentum Apostoli petiitum ex comparatione Adami cum Christo. Illud urget Tertullianus eodem libro cap. 48. Prætermitto argumentationem depromptam ex Apostolorum ac Martyrum tolerantia; quam adhibet idem Apostolus versu 32. præcitati capitis xv. versatque eleganter Auctor Responsionis ad objecta Græcorum inter Opera S. Justinii. Hæcenus autem primum assertum satis, ut arbitror, confirmatum est.

Deinde affirmo resurrectionem futuram in eodem corpore, quod morte dissolvitur: atque id proxima argumenta corroborant. I. Ipso Resurrectionis vocabulo ostenditur, quod excidit, hoc resurgere. II. Mortuos, qui in monumentis audient vocem filii Dei, nemo, inquit, Tertull. cap. 37., poterit interpretari nisi corpora & carnem, quia nec ipsa monumenta aliud sunt, quam cadaverum *stabula*. III. Christus, ait Ambrosius lib. 2. de Sacram. cap. 6. invenit resurrectionem, *ut redintegraret cæleste beneficium, quod fraude fuerat serpentis amissum*; ideoque restituendum est idem corpus, quod ablatum est morte. IV. Non omnes resurgentes immutabuntur, ut docet Apostolus eodem cap. vers. 51. quoniam multi in ictu oculi requiescent, & reviviscant, ait S. P. Augustinus lib. xx. de C. D. cap. 20. Si autem hi in proprio corpore surgent; cur non alii? V. In resurrectione Christi, & Lazari, quæ sunt typus universals, suscitatum idem corpus membrorum contactu, epulisque probatum est. VI. Hoc, non aliud corpus effecit quæ animus cogitavit, ideoque & istud aut pænæ reservatur, aut gloriæ.

Mirum quanta hoc loco objiciunt increduli! Primo, inquit, si corpus in cineres resolutum est; quomodo iterum coagmentabitur? Deinde quædam corpora mare deglutivit, quædam vorarunt feræ ac pisces, & in membra & carnem aliorum animantium conversa sunt. Præterea cui bono suscitatio abortivorum fœtum, atque monstrorum? Rursus si ulterius non erunt nuptiæ, & concubitus, cur resurgent feminæ? Ad quid sexus discrimen? Num ut fleat ad libidinum oblectamenta? Insuper si idem surgat corpus, habebit pilos, ungues, humores excrementitios, & sanguinem; quæ iterum inducent corruptionem, ac mortem. Denique, nisi in altera vita paratæ sint epulæ turpesque voluptates, superfluum est ad illam corporalia membra evocare.

At reſpondeo hæc omnia revinci ſola fide in ſummam Dei poteſtatem . Brevi ad ſingula aliquid reponamus . Ad primum Apoſtolus aſſert comparationem ſeminis, quod putrefactum humorem circumſuſum, attrahit, radices figit, emittit florem, erigit culmum, ariſtas nutrit, reſuſcitaturque extinctum jam triticum . *Seminatur corpus animale*, inquit Paulus v. 44., *ſurget corpus ſpiritale* . Mire explicat hanc ſeminis comparationem in ſuo Theophrasto, ſive Dialogo de Reſur. mort. Gazaus . Vide & Tertullianum cap. 52. S. Paulinus de obitu Celfi pueri ſatis appoſite :

Nullus eram & faciente Deo ſum natus ut eſſem ,

Nunc jam de proprio ſemine ruſus ero .

Nam licet in tenuem redigantur & oſſa favillam ,

Corporis integri ſemina pulvis habet .

Idem dicendum de membris diſſipatis, atque diſperſis . Tertullianus cap. 63. ait carnem *in ſuam matricem terram, quaſi per ambages reſorberi, ut ruſus ex illa repræſentetur* . S. Pater Auguſtinus, *Abſit* (inquit de C. D. lib. xxii. cap. 20.) *ut ſinus ullus, ſecretumque natura ita recipiat aliquid ſubtractum ſenſibus noſtris, ut omnium Creatoris aut lateat cognitionem, aut effugiat poteſtatem* . S. Paulinus ibidem :

Sed licet e membris inbumum tranſmiſſa ferinis ,

Membra hominum vivo ſemine ſalva manent .

Aſſerendum idem eſt de pueris, monſtris, & abortivis anima informatis, quos omnes ſuſcitandos divina poteſtate integris membris, atque ætate perfectæ, non eſt incredibile : quoniam, ut ait S. Pater Auguſtinus eodem libro, cap. 14. *Hunc perfectionis modum ſic habent omnes, ut cum illo concipiuntur, atque naſcantur : ſed habent in ratione, non in mole ; ſicut ipſa jam membra omnia ſunt latenter in ſemine, cum etiam natis nonnullis adhuc deſiunt* . Feminas in proprio ſexu reſuſcitandas dicimus, cum eodem Auguſtino ſeq. cap. 17. quia *non eſt vitium ſexus femineus, ſed natura* : neque ex ſeminarum aſpectu conſequetur oblectamentum libidinis ; *nam prius, quam peccaſſent, nudi erant, & non confundebantur vir & femina* . Corporibus ergo illa vitia detrabentur, *natura ſervabitur* ; ait ibidem Auguſtinus . Haud vereor, quin S. Patris opinio verior ſit, quicquid viſum aliquibus : adſtipulantur enim illi Tertull. cap. 60. Ambroſ. de Reſurreſt. Hieronymus Ep. ad Pammachium, Eugenius, & Julianus Tolet. lib. iiii. ΠΡΩΤΟΣ . cap. 24. Scholaſtici fere omnes in iv. ſent. diſt. 44. Porro quod nonnullos movet dictum Matth. xxi. 30. *In reſurrexione neque nubeat, neque nubentur* ; & ad Rom. viiii. 29. *conformes fieri imaginis filii ſui*, nequit trahi ad feminei ſexus abolitionem ; cum unum de ſexus uſu accipiendum ſit, alterum de immortalitate, & gloria prædeſtinatorum . Humores deſervientes tantum generationi ac nutritioni, nec non excrementitios non adfuturos in corpore reſurgentium ultro aſſentimur .

Erunt

Erunt tamen reliquæ partes, quia licet plures pristina non exercebunt officia, ut alvei gurges & ubera, spectant tamen ad corporis decorem, & complementum. Ita inquit Tertullianus cap. 60. *Omnis compago pristina necessaria est soli navis saluti, licet vacatura.* Recte ergo Prudentius in fine Apoth.

*Qui modo vivit, erit: nec me vel dente, vel ungue
Fraudatum revomet patefacti fossa sepulcri.*

Si opponas quod ait Apostolus versu 50. non semel laudati cap. xv. ad Corinth. *Caro & sanguis regnum Dei possidere non possunt*; Respondeo carnem, & sanguinem eo loci poni secundum mortalitatem, sive carnis & sanguinis corruptionem; nam sequitur, *Neque corruptio in corruptionem possidebit*; idest, significari corpus, quale nunc habemus, fluidum & fragile: sive etiam intelligi opera carnis & sanguinis, quamvis de incorruptione loqui Apostolum patefeat ex verbis proximiis, & fusiori explicatione demonstret summum vas scientiæ Augustinus Epist. 146. nunc 205. ad Consentium. Sed otiosum erit amplius in hac secunda thesi versari.

Tertio loco dicendum est de qualitate corporum resurgentium. Futura hæc incorruptibilia & immortalia, probatur cum ex Apostolo v. 52. *Canet tuba, & mortui resurgent incorrupti*; tum ex fine Resurrectionis, qui est ut qui bona cgerunt simul cum corpore transferantur in vitam æternam, qui mala in gehennam ac sempiternum opprobrium, Dan. xii. 2. Matth. xxv. 46. Joan. v. 29. Accedit ratio, quoniam otiosa mors esset, si in vitam eandem iterum esset redcundum; inquit Aeneas Gazæus citato Dialogo, qui inscribitur Theophrastus. De futura itaque immortalitate bonis malisque communi non est ulla tenus dubitandum.

Non erunt tamen utrisque eadem omnino affectiones. Beatorum corpora comitabitur incorruptio. De hac Apostolus v. 42. *Seminatur in corruptione, surget in incorruptione*: & Ambrosius de fide Resurrect. *Flos resurrectionis immortalitas est*. Consequetur decor & venustas; de qua Apostolus v. 43. *Seminatur in ignobilitate, surget in gloria*: & ad Philipp. iii. 21. *Reformabit corpus humilitatis nostræ configuratum corpori claritatis suæ*. Afferit Gazæus pulchram similitudinem Artificis, qui statuum Achillis æream minutissime confractam, constat & expurgat in aurum, & inducta priori forma videtur aureus idem ille Achilles, qui fuerat æreus. Ad gloriam hanc demonstrandam utuntur scripturæ comparatione ignis, stellarum, & solis, Sap. iii. 7. Danielis xii. 3. Matth. xiii. 43. quod hæc corpora sint ceteris splendidiora. Imitabor ego laudabilem moderationem Augustini scribentis lib. xxii. de C. D. cap. 21. *Quæ sit autem, & quam magna spiritalis corporis gratia, quoniam nondum venit in experimentum, vereor ne temerarium sit omne, quod de illa profertur, eloquium*. Propterea corpora

pora beatorum mirabili prædita erunt agilitate; de qua Apoſtolus verſu proximo: *Seminatur in infirmitate, ſurget in virtute.* Et S. Pater cap. ultimo ejuſdem libri, *Certe ubi volet ſpiritus, ibi protinus erit corpus.* Iſdem denique corporibus erit ſubtilitas, quam innuit Apoſtolus verſu 43. dicens *ſeminatur corpus animale, ſurget corpus ſpiritale*: quo in loco non ſolum innuitur puritas purgata ab omni labe terrena, & facultas denſos obices permeandi, verum etiam perfectæ ſubjectio ſpiritus, unde oriatur tranquillitas, impeccantia, & ceſſatio ab operationibus mere animalibus, iis ſcilicet, quæ non ſolum perficiuntur corporeis organis, ſed & ad animale vitam ſunt neceſſariæ: quamvis perſeſſerent actus corporei, quos ſive labe exercet ſentiens animus, ut videre, loqui, audire, moveri. Atque hæc eſt interpretatio Auguſtini de Fide & Symb. cap. 6. & D. Thomæ in 1v. contra Gentes cap. 86. Ex his conſtat dotes corporum beatorum eſſe carere corruptione, opacitate, pondere, atque craſſitie, quibus afficitur corpus hoc animale.

Obijciebant Gentiles: Si corruptio non erit, quare poſt reſurrectionem manducavit Chriſtus? quare ſurrexit cum ſuorum vulnerum cicatricibus? At magnus Auguſtinus reſpondet, quod manducavit, poteſtatis fuiſſe, non egeſtatis: manducaſſe etiam Angelos incorruptibiles ab Abraham, & Tobia ſuſceptos hoſpitio: exhibitas cicatrices vulneris, ut ſanaretur vulnus incredulitatis. Legatur ſermo 147. de Temp. nunc 242. n. 2. & 3.

Ut de corpore damnatorum dicamus aliqua: Gerardus Voſſius diſp. xix. num. 28. ait D. Thomam in illud Apoſtoli, *Et mortui reſurgent incorrupti* ſenſiſſe reprobos non reſurrecturos cum iſtorum corporum vitiis. At falſo, & audacter. Doct̃or enim Angelicus in loco citato a Voſſio, ideſt, in cap. 15. Ep̃iſt. 1. ad Corinthios, leq̃. 6. ait tantum Sanctos fore incorruptos, non ſolum eo ſenſu, quod illorum anima non dividetur a corpore, *quam incorruptionem habebunt & corpora damnatorum*, ſed etiam quia *nullam habebunt noxiam paſſionem ſive ab interiori, ſive ab exteriori*. Libro autem 1v. contra Gentes cap. 89. ubi hanc quæſtionem diſſolvit, principio ait verba Apoſtoli, *Mortui reſurgent incorrupti*, de omnibus debere intelligi *tam bonis, quam malis*: ideoque & ipſe cum Hieronymo, quem illi immerito opponit Voſſius, verba Apoſtoli interpretatur de ſtatu immortalitatis. Deinde S. Thomas ait, quod corpora damnatorum non erunt ſpiritualia, ideſt ſpiritus ſubjecta: non agibilia, ſed ponderoſa; non impaſſibilia, ſed magis, quam nunc ſint, ohnoxia paſſionibus; non luce perſuſa, ſed tenebroſa & opaca: optimamque rationem proſert, quia & reproborum anima experietur carnis affectus, averſa erit a Deo, acerbiffime excrucietur, & a lumine divinæ cognitionis erit aliena. Quare Voſſius & in hoc iniquus eſt, quod D. Thomæ præfert Durandum ſcribentem

Tb. IV.

Ecc

in

in IV. dist. 44. art. 6. reprobos cum iisdem vitiis corporum surrecturos; quum hac in re Durandus Magno Aquinati non disconveniat. Eidem nos pollice utroque subscribimus. Atque hæc est nostra *de Resurrectione carnis* dissertatio: de qua si videmur pingui minerva, & jejuna oratione dixisse, adeat Theologus Patrum, & Scriptorum, quos in hoc articulo laudavimus, ornatas suasque lucubrationes.

XII. ARTICULUS.

Ultimus articulus est, *Vitam æternam*. Non explicat hunc articulum Rufinus, nec Venantius Fortunatus: vel quia in eorum symbolis desit, vel quia ex prædictis obviam habeat intelligentiam. Neque nos hic immorabimur: In quo sita sit vita æterna sanctorum diximus superiori libro cap. 6. nunquam post mortem corpora interitura dictum est articulo præcedenti; perpetuas fore pœnas damnatorum ostendimus lib. x. cap. 17. Circulum ac transmigrationem animorum refutavimus libro xii. capite 6. Nunc duobus verbis damnamus Epicureos negantes animæ immortalitatem, Pythagoricos asserentes reditum, fluxumque perpetuum vitæ, & interitus, Gnosticos inficientes remunerationem meritorum, Origenistas statuantes finem exilii, suppliciique reproborum. Verbo dicam; credimus Evangelio-Mat. xxv. 46. *Et ibunt (impii) in supplicium æternum, iusti autem in vitam æternam*; in quem locum Juvenecus:

*Æternum miseri pœnâ sodientur iniqui,
Æternumque salus iustis concessa manebit.*





DE THEOLOGICIS DISCIPLINIS LIBER VICESIMUS TERTIUS

*De Theologicalium Virtutum natura, atque
exercitatione.*



FACILE ex præmissa Symboli Apostolici expositione conicitur nihil esse Christiana fide præstantius, nihil utilius; quoniam divinâ illius claritate perfusi, quæ nec Atheniensium philosophorum assidua contemplatio, nec idololatrarum gentium excogitavit religio, divini cultus præcepta, morum institutiones, virtutum officia, & firmissimam atque inconcussam Theologicorum dogmatum doctrinam absque ulla erroris caligi-

ne assequimur, tradimus, propugnamus. Sed cum sit miserrima illorum hominum conditio, quibus aut non affulget hujusce fidei supernum lumen, aut sponte sedentibus in tenebris & umbra mortis inest pœnalis cæcitas, animique increduli sordes ac dedecus; illorum tamen deterrima via, ac suprema malitia est, qui fidem non consummantes operibus, nec posito fundamento superædificantes probatæ dilectionis aurum, & pretiosos piorum operum lapides, thesaurizant sibi iram in futuro, amittunt sperandarum rerum substantiam, nec adhibent omnem curam, ut peregrini & hospites super terram ad Civitatem, cu-

Ecc 2

jus

jus artifex & conditor Deus, indefesso labore, invicto studio contendant. Ab iis enim, quibus ampliora collata sunt beneficia, usque ad minimum quadrantem reddendam esse rationem docent Evangeliorum parabolæ, commonstrant dispersæ Judæorum reliquæ, flagitat, acriterque postulat ingratisimæ oblivionis meritum singulare. Posteaquam ergo Catholicæ fidei ac religionis munus accepimus, mysteria cognovimus, firmitatem & vidimus & audivimus & contrectavimus; danda est opera, ne fides nostra sit inanis & mortua, sed vividæ spei, & flagrantissimæ caritati conjuncta adipiscatur repromissionem; nec ulterius per speculum & in ænigmate, sed ablato velamine, & facie ad faciem, quod firmissime credimus, atque expectamus, mente aperitissime intueamur, corde jucundissime degustemus. Hujus rei gratiâ quomodo credendum sit, quomodo sperandum, quomodo diligendum proxima dissertatione explicabo, divinæ Sapientiæ, quæ pulchræ dilectionis, & timoris, & agnitionis, & sanctæ spei mater est, numine suppliciter demissæque implorato.

C A P U T I.

*Quid sit illa virtus, per quam prædictis, ceterisque
Ecclesiasticis dogmatibus præstatur
assensus.*

SYMBOLO, & Orthodoxæ Religionis cuilibet veritati adeo firmiter assentimur, ut, quamquam sensum omnem humanum excedant, magis inconcussa & consistentia credamus, quam ea, quæ aut tangimus, aut videmus. Id virtutis, quam *Fidem* dicimus, effectus est: & de hac virtute differentes, nomen, definitionem, & objectum quanta fieri potest perspicuitate ac brevitate inquiremus.

A nomine ut ordiamur, dicta est fides a *Fio*, quod fiat, quod dictum est, inquit in 1. de Off. Tullius. Eo nomine significantur apud Latinos constantia promissorum, patrociniû & clientela, auctoritas, fiducia, veracitas: unde consuetum est dicere, fidem interponere, fidem liberare, in fidem & amicitiam se conferre, fidem fallere, fidem tribuere. Etiam Gen. XLIV. 32. Judas de Benjamin ait: *In meam hunc recepi fidem*; significans promissionem factam patri illum reducenti: & de vadimonio, aut fidejussione Prov. XI. 15. *Affligetur malo, qui fidem facit pro extraneo*. Hic autem fidem accipimus, pro illa animi qualitate, qua firmissime, & absque ulla fluctuatione assentimur iis, quæ a Deo revelata sunt; de qua Gen. xv. 6. *Credidit Abram Deo, & reputatum est illi ad justitiam*; & ad Hebræos XI. 6. *Sine fide autem impossibile est placere Deo*.

Hanc

Hanc fidem definit Aſtoſolus cap. citato verſu 1. *Fides eſt ſperandarum ſubſtantia rerum , argumentum non apparentium* . Eraſmus putat hic fidem laudari , non definiri . Juenin Tom. vi. pag. 163. ait hanc eſſe definitionem deſcriptivam , non eſſentialem : L'Herminier pariſter Tom. viii. p. 34. ait definitionem hanc eſſe minus accuratam ; quod probat primo quia Aſtoſolus non explicat naturam fidei per genus & differentiam , quod enim dicatur ſperandarum rerum ſubſtantia , in hoc certe commendatur fides , non definitur : quum idem ſit , ac baſis , & fundamentum ſpei Chriſtianæ . 2. quia fides non ſe extendit ad reſ ſperandas tantum ; fide enim credimus etiam infernum , quem timeamus . 3. quia fides non modo verſatur circa inevidentia , ſed & circa reſ evidentes , puta Dei exiſtentiam , & immortalitatem animorum . Accuratam ergo hi putant ſolam definitionem illam ſcholasticam : *Fides eſt virtus divinitus infuſa , per quam intellectus firmiter aſſentitur iis , quæ a Deo revelata ſunt , propter ipſius revelantis auctoritatem* .

Eſi vero Aſtoſolus definitionem verbo tenus non tradat more Dialecticorum ; ſi tamen ſenſum inſpiciamus , definitionis utriuſque eadem viſ eſt ; & Aſtoſolica longe ſublimior , & accuratior . Græce ad hunc modum ſe habet , *Ἡ εἰς τὴν ἀληθεύσαν ὑπόστασιν* . Hypoſtaſis , ſive ſubſiſtentia , aut ſubſtantia dicitur fides triplici titulo : primo quia adeo firmam rerum ſperandarum perſuaſionem gignit , ut iis tam firmiter aſſentiamur , ac ſi jam ſubſiſterent , ac præſentia ante oculos noſtros obverſarentur . Subſtantia ergo dicitur metonymice , ſive per tranſnominationem , quaſi dicatur *Virtus faciens ſubſiſtere in intellectu* . Hanc interpretationem tradunt Chryſoſtomus , Theodoretus , Theophilactus , Oecumenius , alique Græcorum , necnon Eſtius , ac Tyrinus , & nos etiam Tom. i. p. 563. Quidquid ergo Scholaſtici allata definitione expreſſere , id affirmavit Aſtoſolus uno vocabulo *hypoſtaſis* . Huius vocis altera ſignificatio eſt , quod fides ſit ſpei noſtræ baſis ac fundamentum : atque juxta hunc ſenſum communiter traditum intelligimus virtutem fidei , quæ ſalutis initium eſt , non eſſe fiduciam illam , quæ eſt ætus ſpei , atque fidem præexiſtentem ſupponit . Tertio apud Lyranum fides dicitur *ſubſtantia* , quoniam eſt inchoatio beatitudinis , & quemadmodum ſubſtantia eſt in rebus qualitatuum omnium ſubſtratum , ita fides eſt prima virtus infuſa , cui aliæ ſuperadduntur . Nomine rerum ſperandarum , intelligitur fidei obiectum , Deus primum , in quem tendimus , gloriam , reſurrectionem ; & ne quiſi putet hæc tantum eſſe credenda , addit Aſtoſolus : *ἀλλ' οὐκ ἔστιν ἀποδείξιον , argumentum non apparentium* . *Ἐνδεχόμενον* non ſolum eſt indicium , ſed etiam firma perſuaſio , & aſſenſus firmiſſimus : ideoque ſenſus eſt , ſicut in dialecticis eſt Elenchus , ſive ratio explorandi argumenta , unde pendet ſcientiæ firmitas , ita in credendis fides eſt illa , per quam habetur certa probatio eorum , quæ non apparent , nec movent ſenſum .

Reſpon-

Respondemus itaque negantibus accuratam esse definitionem Apostoli, in ea vocem *hypothesis* accipiendam metonymice, ideoque non tantum significare Christianæ spei fundamentum ac basim, sed etiam virtutem, ac supernaturalem qualitatem, quæ causâ est firmissimæ illius persuasionis, per quam revelata mysteria menti nostræ constantissime inhaerent. Est enim *substantia* metonymice idem ac virtus, & causâ, quæ facit subsistere. Ad 2. dicimus, ideo Apostolum addidisse *argumentum non apparentium*, ut demonstraret, plura ad fidem spectare, quæ non sperantur, eaque omnia, quæ revelata sunt, & non apparent. Ad tertium vero respondemus immortalitatem animorum, existentiam Dei, & alia nobis evidentia, spectare ad fidem in quantum creduntur ob solam divinam revelationem, etiam ab iis qui demonstrationis vim non percipiunt, non in quantum a nobis certo argumentorum genere comprobantur.

Ex dictis sequitur assensum fidei esse firmissimum; per quod ab opinione, quæ penitus non excludit animi hæitationem, secernitur. Quæri solet an hujusmodi assensus sit liber, an supernaturalis, an discursivus. Si enim, articuli fidei, & Religionis Christianæ rudimenta, ut diximus cap. 3., evidentissime sunt credibilia, quomodo possumus, dum explorata sunt credibilitatis motiva, cohibere assensum? cur autem voluntas gratiæ munere trahenda est, dum inest menti immutabilis persuasio, Deum hæc revelasse, & non posse mentiri? quid vero in hujusmodi assensu eliciendo opus est ratiocinatione, ac discursu?

Respondemus aliam esse evidentiam divini testimonii divinæque revelationis, aliam evidentiam objecti & rei revelatæ. Evidens nobis est, Deum nec falli nec fallere; institutam ab ipso Apostolicam Ecclesiam, hanc ejus spiritu duci, certissimum proinde esse quicquid ea proponit, puta Trinitatem, Incarnationem, Eucharistiam. At hæc obscura sunt, ac tenebris obvoluta; sensum enim subterfugiunt, & supergrediuntur rationem, nec ad ea investiganda possumus in hac peregrinatione pertingere. Itaque assensus fidei est liber, quoniam licet explorata sit auctoritas revelantis, non est evidens objectum, sed impervium, reconditum, obscurissimum. Est etiam supernaturalis, tum ratione revelationis, quia nullo quantumvis perspicuo rationis lumine fidei mysteria Deo non revelante possunt apprehendi; tum ratione firmissimæ certitudinis, quia hæc nulli naturali momento innititur, sed Apostolicæ prædicationi, miraculorum virtuti, & subministrationi Spiritus sancti: tum denique ratione piæ motionis, quia ad hunc constantem firmumque assensum voluntas trahi debet repugnantibus rerum sensibilibus imaginibus, humani intellectus angustiis, superstitionibus gentium, philosophorum placitis, & hæreticorum machinamentis. Denique assensus fidei discursivus est suo modo; quoniam ab evidenti divina revelatione mens ad credendam rem latentem inscitatur,

tur, atque ex noto exploratoque principio subinfert veritatem, quæ nequit ex naturalium scientiarum præceptionibus hauriri.

Sequitur etiam ex dictis objectum *materiale* fidei esse omnem veritatem a Deo revelatam, sive ad credendum propositam: quæ si invidens sit, & excedat sensum humanamque rationem, cuiusmodi est Trinitatis Mysterium; est fidei objectum necessario ac per se, quia nisi revelatum esset, non posset a nobis extorquere certum & constantem assensum: si autem sit aliunde evidens, ut Dei existentia; est objectum fidei tantum per accidens, & in quantum ei præstatur assensus propter auctoritatem Dei revelantis, quum tamen firmissime ea veritas per naturalem quoque philosophiam comparetur, & attingatur. Atque hinc liquet prorsus inutilem esse eam quæstionem, an quod evidens est, possit subesse fidei, sive, quod idem est, an fides consistat cum evidentiæ objecti.

Disputatur in Scholis, an objecta credibilia creverint successu temporis. Antiquiores Scholastici, Magister, D. Thomas, Scotus, Aegidius, & alii tenent fidem quoad substantiam credibilium semper, etiam a mundi exordio fuisse eandem. Recentiores, ut L'Herminier pag. 167. & Cardinalis de Lanrea in 3. Sent. disput. 3. art. 4. tenent usque ad Apostolos & adventum Spiritus sancti semper per novas revelationes objecta fidei crevisse, post illud autem tempus eandem semper fidem perseverasse. Puto utramque sententiam veram esse, sed adhibendam distinctionem. Si objecta fidei secundum substantiam accepta intelligantur præcipua mysteria, aut explicite, aut implicite saltim credenda, eadem semper fuere; una est enim fides, sine qua est impossibile placere Deo, omnesque Patres veteris Testamenti eundem cum nobis spiritum fidei habuerunt, ut inquit Apostolus: ideoque *tempora variata sunt, non fides*, ait Tract. 45. in Joannem S. P. August. Omnes siquidem, ab Adam usque, in Deum, & in futurum Mediatorem crediderunt, etsi non adeo aperte revelata esset Trinitas divinarum personarum, & Christi passio ac divinitas, sed veluti semen continet arborem latentem, & post temporis intervalla explicandam, primæva illa fides esset paulatim exponenda, & insinuanda mortalium animis.

Si vero objecta fidei accipiantur *explicite*, & veluti rami e sua radice foras emissi, atque inter se distincti numero; haud dubium, quod semper creverint usque ad Evangelii promulgationem. Plura enim in lege naturæ Abramo, Jacobo, aliisque Patribus revelata sunt: plura per Moysen ac Prophetas innotuerunt; plura, quæ sub cortice veteris legis latebant, & antiquis mysteriis fuerunt promissa, sub Christo patefacta sunt & completa. At non proinde substantia credendorum immutata est, quemadmodum non est diversa substantia ac materia humani corporis membris nunc perfectis & aspectabilibus compacti, ab ea, quæ antea occulta & invisæ in maternis visceribus latitabat, ibi-

que primum fuit indigesta & informis, postea suis distincta partibus, consolidata, in lucem edita, enutrita, perfecta.

A temporibus autem Christi & Apostolorum omnia fidei objecta, fuerunt adeo expressa, & manifesto revelata, ut nonnisi contingens & accidentaliter mutatio facta fuerit aut particularium rerum eventu, aut singularium propositionum definitione, semper perseverante eadem perspicua plenissimaque veritate, in qua omnia religionis capita; & universalia dogmatum omnium fundamenta certa & invariata consistunt. Oportebat enim, ut Christus Ecclesiam suam adversus omnes hæreses valide præmuniret, & quemadmodum sponderat, missus ab illo Paracletus, Joan. xvi. 13., doceret Apostolos *omnem veritatem*. Quare quidquid temporis decursu aut a Romano Pontifice, aut a plenariis Conciliis statutum est, ex Apostolica traditione, divinisque scripturis proponitur ac decernitur. Frustra ergo a nonnullis obijcitur non semper spectasse ad fidem plura dogmata, quæ nunc refellere nefas est; E. G. Epistolam Judæ esse canonicam, Sanctorum animabus statim post mortem conferri gloriam, Sacramenta esse numero septem, Papam in factis dogmaticis esse infallibilem, Tridentinum Concilium, esse Oecumenicum, Clementem XII. esse legitimum Petri successorem; & alia hujusmodi, quorum aliqua antiquitus definita non erant, aliqua etiam ignota. Enimvero propositiones universales, quas modo tenemus spectare ad fidem, semper in Ecclesia Apostolica obtinuerunt, licet nonnullæ a privatis quibusdam in dubium fuerint revocatz, cuiusmodi sunt, Recipienda est doctrina Romanæ Ecclesiæ circa Canonem Scripturarum, circa Beatorum statum, circa numerum Sacramentorum: particulares vero ex universalibus deducuntur; ut ex quo Papa sit fidelium pastor, & irrefragabilis auctoritatis, sequitur errare non posse in definiendis quæstionibus ad fidem, moresque pertinentibus: ex quo oecumenicum sit omne Concilium plenarium & legitime convocatum, inferitur talem esse Synodum Tridentinam; ex quo omnis Romanus Pontifex canonice electus sit Divi Petri successor, consequitur hoc honoris ac dignitatis loco habendum esse Clementem XII. Quod pari argumentatione de omni orthodoxa veritate concluditur.

Quodnam sit objectum fidei *formale*, Theologi non consentiunt; quibusdam affirmantibus esse summam Dei veracitatem, quibusdam vero divinam revelationem. Movet prioris sententiæ auctores, quod incommutabilis Dei veritas, sive Deus ipse, in quantum fullere & falli nefcius est, nos ad assentiendum propositionibus revelatis pertrahat, idest, icecirco credamus, quoniam revelantur ab Auctore, qui inepax est erroris ac deceptionis. E contra alii inquirunt objectum *formale* esse revelationem divinam, quod hæc sit ratio, sub qua fides attingit suum objectum materiale, & per quam fides a scientia & ab opinione distinguitur. Sunt qui utramque opinionem conciliant, dicendo summam

ſummam Dei veritatem eſſe obiectum formale *quod*, illud nempe quod credendo perpendimus in obiecto *materiali*; cujuſmodi eſt color reſpectu potentie videntiſ; & revelationem eſſe obiectum formale *quo*, ſcilicet rationem illam, ſub qua virtus fidei obiectum proprium attingit, cujuſmodi eſt lux comparate ad facultatem videndi. Placet nobis, omiſſis tot metaphyſicis partitionibus, priorem ſententiam amplecti, & revelationem potius appellare medium, per quod nobis ea, quæ credenda ſunt proponuntur, quemadmodum demonſtratio eſt medium ad acquisitionem ſcientiæ, & lumen ad viſionem corporum coloratorum. Videtur enim divinam revelationem eſſe potius effectricem cauſſam fidei, quam *formalem*; & ad credendum neceſſariam eſſe, ſicuti requiritur ad inſtituendum puerum præceptor aut pedagogus: quod fortaſſis innuit Apoſtolus ſcribens ad Rom. x. 17. *Fides ex auditu, auditus autem per verbum Chriſti*: quibus verbis oſtenditur, per Dei verbum, ſive revelationem ad nos Apoſtolica prædicatione tranſmiſſam percipi auditu quæ ſunt credenda: ex ipſo auditu fidem in cordibus generari.

Reliquum eſt, ut nonnulla dicamus de fidei diſpoſitione, quæ eſt in fidem *aſſuaſam*, & *habituaſam*. Et *aſſuaſa* quidem eſt ipſe aſſenſus, quem auxiliante divina gratia præſtamus propoſitionibus a Deo revelatis: *habituaſa* vero eſt permanens in anima aſſectio, per quam in eundem aſſenſum facilius prorumpimus, & fideles dicimur, tametiſi non ſemper a nobis actus fidei eliciatur, ſicut per *habitum* gratiæ & caritatis juſti Deoque cari efficiuntur, & per *habitum* naturalium ſcientiarum philoſophi aut mathematici. Ita hæc fides etiam in pueris ac dormientibus reperitur, & nullo peccato, niſi, infidelitatis & hæreſis, deleri poteſt. Jure itaque meritoque a gratia ſanctificante, & a caritate diſtinguitur; & amiſſa per peccatum juſtitia remanet, ut deſinit Tridentina Synodus ſeſſ. 6. c. 28. Dicitur tamen ſine caritate & ſine gratia fides *informis*, quoniam caritas forma eſt, & perfectio virtutum ceterarum: ideoque ſi fides ab ordine amoris ſejuncta ſit, non eſt talis virtus, quæ reddere poſſit hominem in genere moris perfectiorem, licet adhuc ſit virtus intellectualis inclinans animum ad aſſenſum ſupernaturalium veritatum. E contra fides gratiæ & caritati conjuncta dicitur fides *formata*: quæ nomina licet ſint a Scholaſticis poſt ſæculum xii. adinventæ, utiliter retinentur ad reſutanda dogmata hæreticorum, adverſus quæ libro undeviceſimo diſceptavimus. Tandem hæc fides quatenus in ipſa juſtificatione cum ſpe & caritate inferitur, ut evenit in Baptiſmo, ex Trident. Conc. ſeſſ. 6. cap. 7. appellatur *inſuſa*; quatenus repetitis actibus gignitur & roboratur, dicitur *acquiſita*: dum per dilectionem operatur, *viva* eſt; ſine operibus, ut inquit Jacobus cap. 11. 26. *mortua eſt*, & quaſi ſine ſpiritu corpus.

CAPUT II.

Non resolvī assensum fidei in humanam rationem, neque in solam Scripturam, neque in privatum spiritum, internamque singulorum hominum persuasivonem, sed in auctoritatem Ecclesiæ eā, quæ credenda sunt, definitientis ac proponentis.

QUÆSTIO, quam pertractant omnes Scholastici de fidei resolutione, & analysi, si a controversiis, quæ inter nos, hæreticosque versantur abstinere, aut contentiosa esset circa verba altercatio, aut inutilis prorsus, & compendio expedienda rei satis apertæ definitio. Ego enim omnia, quæ ad fidem animo inferendam concurrunt, breviter repetens animadverto me adductum motivis efficacissimis ad credendum, religionem Christianam, sive congregationem fidelium sub Romano Pontifice Christi cultum ac legem profectum esse divinitus institutam, & in doctrina & morum institutione immaculatam, ejusque præcepta esse rectissima atque inconcussa, propterea quod auctorem habeant ipsum Deum, ac primam incommutabilem veritatem. Quare illud constantissimo assensu probō, quod mihi per Rectorem suum Ecclesia ipsa, tanquam divinitus traditum, credendum exhibet. Ipsa vero Ecclesia ne infidelium suorum regimine subiciatur errori, præter promissam sibi divini Spiritus assistentiam, quam gravi qualibet controversia emergente suppliciter invocat, tenet dijudicandorum regulam invariabilem, Scripturam nempe divinam & Apostolicas traditiones. Resolvitur ergo fides in motiva credibilitatis, tanquam in præviam quamdam dispositionem, quæ necessaria est, ut certus sim de veritate revelationis divinæ, nec imprudenter, & levi corde iis, quæ mihi proponuntur, assentiar: resolvitur in auctoritatem divini testimonii, tanquam in objectum fidei *formale*, cujus causâ præstitus assensus redditur præ omni alio fixus ac stabilis: resolvitur in divinam revelationem, tanquam in medium, per quod ea quæ credenda sunt Ecclesiæ innotescunt: resolvitur denique in auctoritatem Ecclesiæ, tanquam in causam proponentem, idest, tanquam in vivum Judicem, ad quem spectat de fidei quæstionibus sententiam pronunciare. Atque ita Scholastica disputatio de Resolutione fidei, quæ alioqui videtur implexa, inter Catholicos nullo negotio dirimitur, si hæc accurate distinguantur, motiva credendi, objectum, ut inquirunt, *formale*, Iudex credenda proponens, & regula, sive criterium ab ipso Iudice adhibitum, nimirum Dei verbum scriptum, ac traditum.

At

At non adeo facile hæc quæſtio expeditur, ſi adverſus hæreticos diſputemus. Horum enim aliqui nulla Eccleſiæ, ac divinarum Traditionum ratione habitâ, totum fidei ſtabilimentum in humana ratiocinatione conſtituunt, aſſerentes nihil eſſe credendum; niſi quod rationi conſentaneum eſt, obvium, ac manifeſtum; adeo ut nemo debeat altitudine myſteriorum terreri, nec fides ante rationem ſit imperanda, ſed credendum ſit duntaxat diſcuſſâ, & enodata veritate. Hi ergo fidem, tanquam in regulam dijudicandi, in ſolam rationem reſolvunt; eaque de Scripturis divinis, earum ſenſu, ceteriſque fidei capitibus neglecta alterius Judicis ſententia definiunt. Hujus generis fuerunt olim Manichæi, de quibus S. Pater lib. de util. credendi cap. 1. His acceſſit Abaelardus, ut ſcribit ad Innocentium S. Bernardus Ep. 190: poſtea eadem veſtigia calcarunt hæreticorum omnium pernicioſiſſimi Sociniani. Ceteri autem hæretici unam fidei regulam ſtatuant, divinam Scripturam, prout privato ſpiritu, & divinitus immiſſâ perſuaſione unicuique clareſcit, rejeſtis Apoſtolicis traditionibus, ſpretiſque Paſtorum Eccleſiæ decretis. Ergo, ne tam nefaria placita abſque ulla diſcuſſione prætereant, eliminandus principio eſt error Socinianorum; tum inſtituenda quæſtio, an ad dirimendas controverſias fidei ſufficiat ſola Scriptura, aut privatus, quem hæretici jaſtant, ſpiritus, an potius recurrendum ſit ad Eccleſiæ judicium, & auctoritatem: poſtremo inquirendum eſt, an præter verbum Dei ſcriptum admittendæ ſint, tanquam optima, & minime fallax fidei norma, tranſmiſſæ ad nos traditiones. Atque, ut a priori diſſertatione incipiamus, quoniam de ea perpauci ſcripſerunt, Sociniana autem hæreſis nimium ſerpiſit, fuditque venenum lethiferum, illam ex ſacris literis, ex Patribus, atque ex iis, quæ attulit adverſus Manichæos Auguſtinus, & contra Petrum Abaelardum Bernardus, ſummatim ſimul, ac naviter proſtigabo.

PROPOSITIO I. Statui nequit norma, & libella, ad quam fides exigenda eſt, in ſola humana ratione.

Probat 1. nam Chriſtus Matth. x1. 25. ait: *Confiteor tibi, Pater Domine cali, & terra, quia abſcondiſti hæc a ſapientibus, & prudentibus, & revelavi ea parvulis*: & cap. xv1. 17. *Beatus eſt Simon, Bar-Jona, quia caro & ſanguis non revelavit tibi, ſed Pater meus, qui in cælis eſt*. Paulus in priori ad Corinth. 11. 4. *Et ſermo meus, & prædicatio mea, non in perſuaſibilibus humana ſapientiæ verbis, ſed in oſtenſione ſpiritus & virtutis: ut fides veſtra non ſit in ſapientia hominum, ſed in virtute Dei*; atque 1. ad Theſ. 11. 13. *Ideo & nos gratias agimus Deo ſine intermiſſione; quoniam cum accepiſſetis a nobis verbum auditis Dei, accepiſtiſ illud, non ut verbum hominum, ſed (ſicut eſt vere) verbum Dei, qui operatur in vobis, qui credidiſtiſ*. Collegit hæc, aliaque teſtimonia huc pertinentia Suaſeſius de Fide diſp. 111. ſect. 1. & Card. de Laurea diſp. v11. 1. Ex his vero argumen-

tum istud conficio. Si naturalis ratio esset fidei norma & criterium, non essent mysteria fidei abscondita sapientibus, sed ad ea percipienda magis idonei essent illustres viri, qui multum sapere videntur, quam mansueti & humiles demisse intellectum in obsequium fidei captivantes: non opus esset ad credendum divinæ revelatione, sed sufficerent hominum ratiocinia, & argumenta philosophorum: non confirmanda Apostolica prædicatio patris in Christi nomine signis, sed eruditione, qua utitur hominum sapientia: non infereretur fidei donum virtute Dei, & munere Spiritus sancti, sed animum pervaderet tanquam humana institutio, ingenita ac naturali vi intelligentiæ. Atqui juxta Christi, & Pauli apertissimum testimonium, fidei arcana latent sapientes ingenioque acutissimo præditos; revelantur, pro suo beneplacito, a Patre luminum illiteratis, carentibus acumine & hebescentibus; animoque ingenerantur non dialecticis artificibus, non humanarum scientiarum usu atque exercitatione, sed vi & efficacia divini verbi. Igitur naturalis ratio nequit esse rerum credendarum regula ac norma.

Deinde probatur Sanctorum auctoritate. Basilus enim hom. in Ps. 115. appellat fidem *assensum nulla prævia inquisitione nitentem*. S. P. Augustinus Tract. 45. in Joan. *Credimus*, inquit, *ut cognoscamus, non cognoscimus, ut credamus: quid enim est fides, nisi credere quod non vides?* Athanasius lib. de salut. adventu, *Non enim fides de re evidenter concepta, fides dici poterit*. Ambros. lib. 1. de Abraham cap. 3. *Rationem præveniat fides*. Greg. Magnus in 1. Regum cap. 4. *Fide velut fuma Domini cognoscimus: & hom. 26. in Evangelia, Nec fides habet meritum, cui humana ratio præbet experimentum*.

Præterea Socinianos acutissimos quidem dialecticos, sed captiosos Sophistas ipsa ratione revincimus. Ac primo: Fides aut definitur, aut commendatur, quod sit convictio rerum non apparentium; at quæ ratione percipiuntur, non solum apparent, sed etiam scientiam generant. Ad fidem ergo necessarium non est, ut quæ credenda sunt, ratione percipiantur. II. Si fidei capita ratione expendantur, aut occurrant menti argumenta probabilia, aut certæ demonstrationes: si argumenta probabilia, opinionem gignent, non fidem corroborabunt; neque habebimus firmiorem propheticum sermonem, sed circumferemur omni vento, & distrahemur hæsitazione: si autem invictæ demonstrationes, nullum erit fidei meritum, nec Christiana religio sublimior erit Græcorum philosophia, ut diximus Volum. 11. pag. 42. III. Si non essent credenda ea, quorum rationem reddere non possumus; tanquam falsa ea singula habenda essent, quorum causam non valemus ostendere, ut quod narrant de Agrigentino Siciliae fide, qui admotus igni fluenscit, in aqua vero tanquam in igne crepitat: de fonte Debris apud Garamantum, diurnis horis frigidissimo, nocturnis tam fervido, ut tangi non possit: & de aliis naturæ mirabilibus, quæ com-

memor-

memorat S. Pater lib. xx1. de Civit. Dei cap. 5. his verbis perſtringens infideles negantes æternitatem pœnarum, quod rationem ſuperet corpora perpetuo vivere, & infernalibus ignibus coneremari, *Hi tamen fidei reprehenſores, exaltatoresque rationis, quid ad iſta reſpondent, de quibus ratio reddi ab homine non poteſt, & tamen ſunt, & ipſi rationi natura videntur eſſe contraria?* IV. Vel norma fidei eſt ratio, quæ mens convertitur ad communes ideas & ingenitas atque anteceptas; vel a ſenſibus hauſtas, factitias, & ſingulares; ſi illud affirmes, idem eſt Chriſti fides, ac Platonis vel Cartheſii phiſiologia; ſi alterum afferis, ut una non eſt ſingulorum idea, nec ratio inde petita, ita una non erit fides, ſed pro ſingulorum perceptione multiplex, & tanquam Schola Athenarum in ſectas diſciſſa. V. Quemadmodum animal premente corporeo plasmate ad æthera volare non poteſt, ita mens confortio carnis depreſſa nequit ad myſteriorum agnitionem elevari. At quamvis nonnulli poſſent ratione certa huc perſtingere, quoniam id impoſſibile eſt inſipientibus & univerſæ credentium multitudini, ſtatuenda eſſet communis quædam fidei norma in gravis auctoritatis imperio; ſicut etiam ii, qui poſſent volare, ne cui eſſent periculoſo invitamento, deberent pauliſper incedere, quæ etiam ceteris tutum eſſet, inquit magnus Auguſtinus de util. credendi cap. x. num. 24. VI. Neque in amicitia, & ſocietate generis humani abſque ſumma impietate contemni poteſt quicquid certa ratione non demonſtratur; patrem enim noſtrum credimus interpoſita matris auctoritate, ipſam vero matrem plerumque obſetricibus, nutricibus, famulis enuntiantibus, qui proculdubio poterant parienti filium furari, ſpuriumque ſupponere: quanto ergo magis credendum eſt Catholicæ Eccleſiæ auctoritati, etiamſi myſteria omnia ratione non aſſequamur; quum illam divina teſtimonia immunem ab omni deceptione pronuntient? Vide eo loci num. 26. doctorem maximum Auguſtinum. VII. Si ad fidem neceſſaria eſſet diſquiſitio rerum quæ proponuntur, omniaque eſſent ad rationis trutinam revocanda, neque aliàs exploratæ auctoritati eſſet obſequenter acquieſcendum; immerito laudaretur Abraham, qui divinis promiſſis de futura ſeminiſ ſui propagatione emortuo jam corpore contra ſpem in ſpem credidit: immerito ſanctiſſima Dei Genitrix, quæ Angelo nuntianti, ad ea verba *Non erit impoſſibile apud Deum omne verbum*, rationem fide præveniens humilem præbuit aſſenſum: immerito Apoſtoli, qui ad unius vocis imperium ſequuti ſunt Dominum; immerito denique Patres omnes, qui ad hæc uſque tempora ineffabile Trinitatis myſterium ſola auctoritate contra hæreticos propugnarunt. Commendanda potius foret Sara, quæ ait: *Nam vere paritura ſum.* anus? Commendandus Zacharias, qui fidem ratione tentavit; nec increpandi erant diſcipuli ob duritiam cordis, quando credere noluerant Chriſti reſurrectionem. Atque hoc argumento utitur contra Petrum

trum

trum Abaelardum S. Bernardus: imo & Apostolus cap. xi. ad Hebræos, ubi fidem ex actis veterum Patrum magnificentissime laudat. Vide & Du-Amelium Tom. iv. Traët. 1. cap. 4.

Objicies. Nisi omnia, quæ credenda proponuntur ad rationis normam essent ponderanda; non esset recte ab Ecclesiastico scriptum cap. xix. 4. *Qui cito credit, levis est corde*; & ab Joanne 1. Ep. iv. 1. *Nolite omni spiritui credere, sed probate spiritus si ex Deo sint*. Ratio itaque norma est credendorum; & Catholici ad auctoritatem Ecclesiæ confugiunt, ut plebem superstitione deterreant, ac inferant animis sub mysteriorum nomine absurda, atque aciem ingenii obruant, & effecta imagine religionis perstringant.

Resp. servanda Ecclesiastici, & Apostoli monita, dum nos alloquantur homines dubiæ fidei, pseudoprophetæ, & novorum dogmatum auctores; non vero dum proponuntur credenda ab Ecclesiæ summis Pastoribus, quos in definiendis, ac dijudicandis controversiis novimus duci irrefragabilis veritatis afflatu: quod si alicui Religio Christiana primum annuntiaretur, ei revocanda ad rationis libram motiva credendi, ut prudenter se gerat, ultro concedimus. Sed aliud est requiri rationis criterium in eligenda religione; aliud nihil esse credendum, nisi quod ratione percipitur, & ipsam religionem conculcare, quia plura deprædicat, quorum apertam causam reddere non valemus, atque in ratione, non in auctoritate locare fidei disquisitionem. Ecclesiasticus eo loci, *non de fide in Deum, sed de mutua inter nos loquuntur credulitate*, ait cit. Epist. D. Bernardus. Revera quantum hominibus invidis, subdolisque credere asserat detrimenti, ex Josue a Gabaonitis decepto, & ex Crispo, & Hippolyto injusta cæde sublatis, demonstrat in hunc locum A lapide. Quidam ea verba *Qui cito credit*, ita accipiunt, ac si diceretur, *Qui se committit*, scortis, scilicet, & fornicariis, de quibus est sermo. Joannes accipiendus est de pseudoprophetis, qui a fide Christi Jesu tunc temporis abducebant, negantes hunc venisse in carne. Horum quidem & similium pseudoprophetarum scita probare debemus, an catholicis institutionibus conveniant. Privatorum quoque hominum placita, nova præsertim, & obscura rationis libramento sunt ponderanda, hujusque rationis momenta equâ lance justè rectèque pensanda sunt. Ceterum religione perspectâ, hujus dogmata sunt, quantumvis sublimia appareant, firmissime suscipienda, non ad libellam pensitanda lascivientis ingenii. Ita Apostoli postquam virtutes ac signa præcesserant, & in Christo demirati fuerant occultæ divinitatis majestatem, ita ut dici non posset, quod irrationabiliter sequerentur vocantem, sese illi singulari fidei merito subjecerunt. Vide & Hieronymum in cap. ix. Matthæi.

Honoratum Manichæorum ore mustantem, quod Catholici suadeant absurda, & a ratione aliena, ita S. Pater alloquitur, cap. vii.

n. 17.

17. *At abſurda ibi, dicis, videbantur. Quibus aſſerentibus? Nempe inimicis, qualibet cauſſa, qualibet ratione, non enim hoc nunc quaeritur, tamen inimicis. Cum legerem, per me ipſe cognovi. Ita ne eſt? nulla imbutus poetica diſciplina Terentianum Maurum ſine Magiſtro attingere non auderes: Aſper, Cornutus, Donatus, & alii innumera- biles requiruntur, ut quilibet poeta poſſit intelligi, cujus carmina & iſeatri plauiſus videntur captare: tu in eos libros, qui quoquo modo ſe habeant, ſanctiſi tamen, divinarumque rerum pleni prope totius generis humani conſeſſione diſſimantur, ſine duce irruiſi, & de hiſ ſine præceptore audeſ ferre ſententiam? Eadem a Socinianis præſtat in præſentia repoſcere.*

C A P U T III.

*Sequitur quaſtionis pars altera, ſcilicet an ad dirimendas
controverſias fidei ſola Scriptura
ſufficiat.*

POSTREMA verba Auguſtini aperte docent, ſactos, divinarumque re- rum plenos libros non eſſe abſque duce & præceptore evolvendos. Hæretici e contra, inquiunt divinam ſcripturam adeo eſſe apertam ut unusquiſque, exigui licet ingenii, dogmata ibidem tradita nullo proponente ac declarante aſſequatur. Sibrandus, & Hunnius aliique cita- ti a Jacobo Gretſero viro Societatis Jeſu doctiſſimo lib. 111. deſen. Bel- larm. cap. 1. inquiunt falſo a nobis hoc dogma ipſis hæreticis tribui, quum & iidem fateantur in ſcripturis permulta occurrere ſcitu difficilli- ma, & quæ non idiotis tantum, verum etiam viris doctiſſimis pluri- mum negotii faceſſant. Sed imperitos ſpecioſis verbis decipiunt homi- nes calliſſimi. Eſſi enim alicubi Scripturam intellectu difficilem fa- teantur, & donum quoque interpretationis Eccleſiæ prorfus non dene- gent; nihilominus contendunt dogmata quæque ad ſalutem neceſſaria, in ſacris literis contineri, ea obſcura quidem eſſe ſuperbis & infideli- bus, non autem humilibus, & qui gratiæ fideique ſpiritu aguntur; hos uno verbi ſcripti præſidio omnia quæ ſunt credenda dijudicare; ſi quid abſtruſum ac perdifficile in uno ſcripturæ textu ob implexam ſigni- ficationem verborum invenitur, illud alio in loco abſque ulla ambigui- tate expedite ac dilucide contineri: difficultatem denique, non rerum eſſe, ſed verborum, quibus per Grammaticas inſtitutiones, ac peri- tiam hebræorum, græcorumque ſyntaxeos expoſitis, adinſtar ſolis nubibus omnibus diſſolutis, catholicam doctrinam ſingulari nitore, nimiaque perſpicuitate aſſurgere. At nos ex adverſo ſolam Scripturam ad controverſias fidei componendas ſatis eſſe, atque res omnes in ea tradi-

traditas per se cuique fidelium apertas esse negamus, asserentes temere, ac imprudenter se gerere quisquis Ecclesiæ auctoritate neglecta arrogat sibi munus interpretationis, confugitque ad divinorum librorum oracula, tanquam ad Judicis definientis tribunal.

Distinguunt etiam hæretici duplicem scripturæ perspicuitatem, externam unam, quæ sita est in verbi ministerio, & in ipsius Scripturæ propositione; interiorem alteram in scrutatione & cognitione fidelium: ac de prima inquirunt, omnia per illam producta esse in lucem apertissimam; de altera vero fatentur interdum esse enthusiasmum quemdam, interdum divinam inspirationem, sed ab his, qui spiritum Dei non habent, negant vel unum jota percipi posse: quo misero fallitatis perfugio utitur post Reformatæ, ut vocant, Ecclesiæ antesignanus Jacobus Piceninus in Triumph. cap. 2. quem post P. Semery, Hyacinthum Tonti, & Cardinalem Vincentium Gotti, in Epistolis Polemicis refutavit Abbas Benedictus Bacchini methodo brevi, expolita, ac plurimum elaborata.

Ut quæstionem hanc pro instituti nostri ratione facile dissolvamus, prænotandum est nos inter ac Novatores convenire, quod sacra Biblia tanquam Fidei norma sit agnoscenda: sed illi normam ipsam & Judicem imperite confundunt; nos unum ab altero distinguendum meliori, sanoque judicio existimamus. Hæreticorum vox nna est, *Scriptura, Judex, norma & regula agnoscitur, ad quam, ceu ad lydiæ lapidem omnia dogmata exigenda sunt, & judicanda*: & Piceninus cap. 13. Apologiæ abutitur ad errorem hunc venditandum auctoritate S. P. Augustini in Psalm. xx1. n. 30. ubi tamen, quemadmodum animadvertit Bacchinus 2. Epist. Polem. num. 3. accurate S. P. distinguit allata comparatione litigantium, inter testamentum & Judicem, sive inter judicii criterium, & Judicis sententiam pronuntiantis auctoritatem. Augustini verba paullo infra in 2. prop. afferentur. At vetus est hæreticorum consuetudo ad solas scripturas provocare, easque pro libito in sensum, quem ipsi approbant detorquere, ut S. Pater scribit de Arianis lib. 1. contra Maxim. cap. 1. & de Pelagianis de Nat. & Grat. cap. 39. apud præclarum Ordinis Scriptorem Taddæum Caluschi Mediolanensem in Examine Reformatæ, ut appellant, Ecclesiæ art. 6. Nos itaque Scripturam esse fidei normam, licet non unicam, profitemur, esse normam simul ac Judicem denegamus.

PROPOSITIO I. Sacra Scriptura non est adeo aperta, & perspicua, ut sola ad omnia dogmata definienda sufficiat.

Hanc assertionem fusiori stilo propugnant omnes Controversiarum Tractatores, Bellarminus lib. 111. cap. 1. & Gretserus in ejus Defensione, Thomas Stapletonus lib. x1. Becanus Opusc. 2. Tom. 5. & in Manual. lib. 1. q. 4. Macedo de Clavibus Script. Controv. 3. alique innumeri. Probatur autem primo Scripturâ ipsâ. Cur enim David fidelis quidem

quidem, & humilis, Pfalm. cxviii. 18. ait: *Revela oculos meos, & conſiderabo mirabilia de lege tua?* & v. 34. *Da mihi intellectum, & ſcrutabor legem tuam?* Cur diſcipulis proficiſcens in Emaunte. Lucæ xxiv. 27. incipiens (Jeſus) a Moſe, & omnibus prophetis interpretabatur in omnibus ſcripturis, quæ de ipſo erant. Cur Spado Regina Candacis legens Iſaiam, & interrogatus a Philippo num lecta intelligeret, Act. viii. 31. reſpondit, *Quomodo poſſum, ſi non aliquis oſtenderit mihi?* Cur inquam, ſi ſcriptura, ſolis inſtar, ſeipſâ unicuique ſplendecit? Sane reponere non poſſunt Heterodoxi ſanctiſſimum Davidem, Chriſti diſcipulos triſtitiâ ob illatam Chriſto mortem afflictoſ, & loquentes de iis quæ acciderant in Hieruſalem, atque Eunuchum diſcendi cupidum, & ſacrorum librorum cultorem, fuiſſe ſuperbia tumidoſ, & omni fide deſtitutoſ. Neque regerent percuſoſ tantum difficultate verborum; cum linguam callerent hebraicam, neque huius, ſed latentium myſteriorum poſcerent expoſitionem. Insuper nec externam revelationem & miniſterium verbi petebant, cum non ſemel hanc naſti fuiſſent, ſacroſque libros haberent præ manibuſ. Quæ ergo via hæretici ſe expedient? Num dicent Davidem, Eunuchum, Diſcipuloſ nondam in fide corroboratoſ? At de Davide hoc ſentire non licet. Spado vero, & Diſcipuli, quamquam non omnia completa Redemptionis myſteria firmiter percepiſſent, attamen ſacram ſcripturam eſſe verbum Dei ſeſcebantur. Cur hanc recipientibuſ Prophetarum oracula non fuerunt aperta? Ac ſi in fide nutantibuſ plura apparent ambigua, hi quomodo ad fidem pertrahentur? Miniſterio verbi? iſtud nondam aſſequentur. Interna revelatione? hæc enthuſiaſmus eſt, ac non ſemel, fatentibuſ hæreticis, fallax deceptio. Dicent forte ſcripturarum perſpicuitatem apparuiſſe tantummodo poſt promulgationem Evangelii, & adventum Spirituſ ſancti? Neque id ſolidi crepat aliquid. Nam & in veteri teſtamento, ſi ſcriptura, ſolis inſtar, ſeipſâ diſcernitur, miniſterio verbi propoſita debebat ſinguliſ illuſceſcere. Præterea ex verbis Pauli 2. ad Corinth. iiii. 15. *uſque in hodiernum diem, cum legitur Moſeſ, velamen poſitum eſt ſuper cor eorum;* atque ex Petro ſcribente 2. Epiſt. iiii. 16. de Epiſtoliſ Pauli, *In quibuſ ſunt quædam diſſicilia intellectu, quæ indocti, & inſtabiles depravant, ſicut & ceteraſ ſcripturaſ,* liquet etiamnum perſeverare, niſi aliud lumen adhibeat, antiquam ſcripturarum obſcuritatem.

Probat 2. ex PP. Atque, ut mittam Clem. Alex. lib. 2. Strom. cap. 6. Origen. Hom. 12. in Exodum, Baſilium Epiſt. 75. ad Neocæſarienſeſ, & alioſ, quos improbo labore collegit Coccius; S. P. Auguſtinuſ, quo præſertim abutuntur hæretici, Præf. in Pfalm. cxi. ſcribit: *Sunt in ſcripturiſ ſanctiſ profunda myſteria, quæ ad hoc abſconduntur, ne vileſcant, ad hoc quaruntur, ut exerceant, ad hoc aperiuntur, ut paſcant.* Et in 2. de Doctrina Chriſt. cap. 6. *Sed multiſ & multipli-*

To. IV.

G g g

cibuſ

cibus obscuritatibus, & ambiguitatibus decipiuntur, qui temere legunt, aliud pro alio sentientes; quibusdam autem locis quid vel falso suspicentur non inveniunt, ita obscure quædam dicta densissimam caliginem obducunt. Quod totum provisum esse divinitus non dubito ad edomandam laborem superbiam, & intellectum a fastidio revocandum, cui facile investigata plerumque vilescunt. In Epistola quoque ad Volusianum 111. nunc cxxvii. ait: *Tanta est enim Christianarum profunditas literarum, ut in eis quotidie proficerem, si eas solas ab ineunte pueritia usque ad decrepitam senectutem maximo ocio, summo studio, meliore ingenio conarer addiscere. Quid Patres commemoro? Ipsi hæretici parum sibi constantes hanc veritatem confessi sunt; nam Lutherus Præf. in Psal. ait: Scio impudentissima esse temeritatis. eum, qui audeat profiteri unum scripturæ librum a se in omnibus partibus intellectum. Wtakerus q. 4. cap. 1. Concedimus multa loca obscura esse, & scripturas egere explicatione, & ob hanc causam ministros Dei audiendos esse, & scripturæ peritissimos esse consulendos. Brentii & Kemnitii antilogias vide apud Bellarm. cit. loco.*

Tertio refelluntur hæreticorum suterfugia. Inquiunt enim obscuritatem scripturarum verborum esse, non rerum. At Augustinus citata ad Volusianum Epistola, inquit: *Tanta non solum in verbis, quibus ista dicta sunt, verum etiam in rebus, quæ intelligenda sunt, latet altitudo sapientia, ut annosissimis, acutissimis, flagrantissimisque cupiditate discendi hoc contingat quod eadem Scriptura quodam loco habet: Cum consummaverit homo, tunc incipit.* Deinde in eo Evangelii testimonio, in cuius intelligentia nunquam Lutheri, & Calvini discipuli convenire potuerunt, *Hoc est corpus meum*, quodnam verbum obscurum est? quidnam pronomine illo usitatus? quæ propositio hac planior? cuius vocabuli magis, quam *corporis*, explorata perceptio? Mysterium itaque Eucharisticum, non verborum involucra, deterret Calvinianos. Eadem est ratio verborum illorum, *Verbum caro factum est*, quæ in oppositum sensum trahunt Nestoriani, & Eutychiani. Undenam, nisi ex Mysterii altitudine, illorum hæreticorum alucinatio? Apostolicam quoque sententiam, *Arbitramur justificari hominem per fidem*, quis dixerit involvi difficultate tantum grammatica? Et tamen quid sit hæc fides, quid hominis justificatio, quid ad hanc requiratur, gravissima quæstio est, in qua nobiscum, & invicem Novatores pugnantissime bellum gerunt. Omittimus alia istiusmodi innumera. Affirmant præterea hæretici unum scripturæ textum ex alio innoscere. Sed quid agendum erit, cum plures invicem videbuntur pugnare? Si expendamus utrumque, crescat necessum est hæsitatio: si unum duntaxat locum excipiamus, & viget adhuc mentis perplexio, & sacrilege Dei verbum repudiatur. Quo insuper jure unum locum alteri præferemus? Tandem inquiunt veritatis lucem humilibus affulgere: sed quomodo nobis

nobis perſuadeamus fiduciam illam ab Heterodoxis jaſtatam non eſſe, audaciſſimam temeritatem, nec ſpiritus humilitatis vicem gerere ſpiritus cœnodoxiæ, affirmante Apoſtolo non ſingulis in Eccleſia datam eſſe diſcretionem ſpirituum? At de his paullo infra.

Poſtremo, niſi Deus ſcripturæ interpretationem commiſſiſſet Eccleſiæ illamque omnium menti lucidiſſimam, apertiſſimamque exhiberet, quiſnam inter paſtorem, & gregem diſcerneret? quo jure idem Apoſtolus in 1. ad Corinth. affirmaviſſet non omnes doctores eſſe, non omnes interpretes? quis non poſſet ſibi arrogare munus docendi, Apoſtolicam miſſionem, onus præſbyterii, Evangelistarum ſanctorumque miniſterium? Audent quidem tantum facinus hæreticorum complures; ſed reſclamat coſci, cap. xi. 29. Apoſtolus: *Nunquid omnes Apoſtoli? nunquid omnes Prophætæ? nunquid omnes Doctores: nunquid omnes virtutes? nunquid omnes gratiam habent curationum? nunquid omnes linguæ loquuntur? nunquid omnes interpretantur?* Nota & corporis, membrorumque, quæ ſimul junctæ ſunt, ibidem traditam comparationem: ut enim tolleretur auditus, ſi totum corpus eſſet oculus, & corporis diſrumperetur compago, ſi omnia membra haberent eundem actum; ita abjicitur verbi miniſterium, ſi omnes Scripturam percipiant, & ſcinditur unitas Eccleſiæ, ſi unicuique detur eadem interpretationis auctoritas. Quamobrem hæc præmiſis Paſtoribus collata eſt, *Et Deus temperavit corpus, ei, cui deerat, abundantiorẽ tribuendo bonorem, ut non ſit ſchiſma in corpore*, inquit ibidem Paulus. Revera nulla ſecta hæreticorum ſibi de Scripturarum perſpicuitate blandientium potuit hætenus tenere unitatem; quoniam iſte ad hunc ſenſum, ille ad alterum eadem verba detorquens, dogmata pro libito unusquiſque ſubvertit. Ad Eccleſiæ ordinem accedit ejuſdem divinæ Scripturæ dignitas, quæ poſtulat ut fidei myſteria abſque arrogantia credantur, & Dei oracula aſſiduâ contemplatione verſentur. Ita illuſtiores poetæ, & philoſophi præſtantiſſimi fabulas, & naturæ ſcientiam, ne vulgata vileſcerent, peregrina phraſi, ac mirabili artificio obducere ſtuderunt. Ne repetam Auguſtini alloquium; ipſe Lutherus morti proximus, ut reſert Aurifaber, *Virgilium in Bucolicis*, inquit, *non poteſt intelligere, niſi qui fuerit quinque annis paſtor: Virgilium in Georgicis non poteſt intelligere, niſi quinque annorum agricola: Ciceronem in Epistoſis non intelligit, niſi viginti annis verſutus ſit in aliqua Republica inſigni. Scripturas ſanctas ſciat ſe nemo deguſtaſſe, niſi centum annis cum Eliâ, Eliſæo, Joanne Baptiſta, & cum Chriſto & Apoſtoliſ Eccleſiam gubernariſ.*

PROPOSITIO II. Judicium de fidei quæſtionibus nequit ex ſolis Scripturis repeti, ſublata vivi Judicis auctoritate.

Demonſtratur 1. quoniam poteſt in quæſtionem venire ipſe canon ſcripturarum: hæc autem quæſtio quomodo e ſacris literis componi poterit? Sit impius aliquis, qui utrumque teſtamentum repellat, per

quam alterius Testamenti auctoritatem poterit controversia ista resolveri? Pervulgatum est hoc argumentum, allatumque a Cano lib. 11. cap. 7. & ab aliis. Sed accipe quanto verborum pondere illud urgeat Augustinus lib. x1. contra Faustum cap. 2. *Si non de aliqua particula, sed de toto audies contradicentem & clamantem, Falsus est: quid ages, quo te convertes? quam libri a te prolati originem, quam vetustatem, quam seriem successionis testem citabis? Nam si hoc facere conaberis, & nihil valebis; & vides in hac re quid Ecclesie Catholicae valeant auctoritates, quae ab ipsis sanctissimis sedibus Apostolorum usque ad hodiernum diem succedentium sibimet Episcoporum serie & tot populorum consensione firmatur.* Ratione confimili si de *antographia* unius libri, aut unius textus oriatur contentio, neque occurrit in alio libro, puta. Historiam Susannae, aut Adulterae; undenam componi poterit haec dilectatio? Si praeterea a disputantibus varii textus citentur, & unus neget alterius auctoritatem, & dicat, *Illud quod per te sonat falsum est*, (inquit ibidem Augustinus) *hoc autem quod contra te est, verum est*; quod adversarius confugiet? Contendat insuper aliquis recipiendos in canone libros apocryphos, aut ab haereticis confictos, ut inductos a Basilide Prophetas, Bartholomaei, & Nicodemi Evangelia; aut a nonnullis Patribus commendatos, ut Hermam, Epistolam Barnabae, Apocalypsim Petri; qua scriptura commonstrante hos inter apocrypha scripta rejiciemus? Detur praeterea antiquiorum librorum *antographia* adversus impios possumus vindicare? Quæstio itaque de canone scripturarum, nisi ad iudicium Ecclesiae confugiatur, manebit semper ambigua. Atque hinc est, quod Athanasius in Synopsi rationem afferens, cur non recipiamus Evangelium Thomae, respondet, *Quia non est in Catholico canone.* Et S. Pater lib. 1. serm. Dom. in Monte cap. 3. scribit a nobis censi apocrypham Apocalypsim Pauli, quoniam illam *Ecclesia sana non recipit.* E contra libros Machabæorum, aliosque ab haereticis rejectos ipsius Ecclesiae auctoritate retinemus, juxta regulam S. P. Augustini lib. 11. de Doctrina Christ. cap. 8. & lib. xv 11. de Civit. Dei cap. 36. Accedit in hujus argumenti confirmationem, quod Novatores aliquos veteris testamenti libros rejiciunt, quia non extiterunt in canone Judæorum, ideoque non ad sacrarum literarum iudicium, sed ad Synagogæ tribunal, ut discernant sacrorum librorum auctoritatem, confugiunt, non denegantes Ecclesiae Judæorum quod temere negant Catholicae, & Orthodoxae. Adversus nos etiam obijciunt quod recipiamus libros ab Ecclesia priorum sæculorum nequaquam probatos, a se vero omnes illos retineri, quos ante magni Gregorii tempora Ecclesia ipsa probabat, ut Picensinus ait in Triumpho cap. 2. num. 26. Vel Ecclesia hujus controversie Judex est, vel non est. Si primum affirmant, cur ad solam scripturam nos provocent?

cant? Si Eccleſia caret iudicandi auctoritate; quid ad veterem Synagogam, quid ad Eccleſiam priorum ſæculorum appellant?

Deinde probatur theſis, quia poteſt inſtitui diſputatio circa intelligentiam auius Scripturæ textus, quem utraque pars contendat diverſum habere ſenſum. Sit in exemplo, *Hoc eſt corpus meum*; quæ verba proprie & literaliter accipiunt Lutherani, Calviniſtæ autem figurative, & ſymbolice: aut hæc alia, *Baptizantes eos in nomine Patris, & Filii, & Spiritus ſancti*, quæ Anabaptiſtæ de ſolis adultis, alii de omnibus promiſcuc accipienda eſſe docent. Si ex ſola Scriptura hæc controverſia dirimitur: quare hæretici eundem ſenſum non aſſequuntur? quare idem dogma unanimiter non propugnant? Si allati textus ambigui ſunt, cur non proferuntur alii tam expreſſi, & aperti, ut pars contraria acquieſcat? At etiamſi proferrentur, nonne reſponderet Adverſarius, ut Fauſto Auguſtinus lib. xi. cap. 4. *Quomodo ille, cui non credo proſert mihi ſcripturas, quibus de illo credam; et eis ipſe conatur dare auctoritatem, cum ego ipſi non credam?* Quomodo, inquit Calviniſta, aſſert adverſus me Lutheranus divinam Scripturam, qua ipſi credam, ſi ipſe ſcripturæ ſenſum non percipit? quomodo conatur illam explicare, ſi mihi obvia eſt oppoſita interpretatio? Similia rponet contra adverſarium ſuum Lutheranus. Atque ita, ſi talis iudiciorum forma præſcribatur, ut nullum præter ipſam ſcripturam iudicium expectandum ſit, nullus litigiorum finis erit, &, quemadmodum comprobatur experimentum, perpetuo diſſidia inter Heterodoxos crudeſcent.

Accedit tertium argumentum. Diſtinguendum quippe eſt, ut poſſint utrinque litigantium rationes audiri, *Judex*, & *Norma*. Sit in exemplo, dum condito teſtamento, ac viro defuncto, qui de hæreditate diſpoſuit, propinqui nequeunt ad concordiam revocari, norma quidem ad litem dirimendam ſunt tabulæ a Notario conſcriptæ, ſed neuter jure bona teſtatoris acquireret, ſi unus aut neget producta inſtrumenta, aut ex his petat cauſæ ſuæ patrocinium, neque ſit vivus *Judex*, qui expendat pugillaria, audiat diſſidentes, & ſententiam pronuntiet. Ita poſt Chriſti mortem intentarunt nobis licet ad hæc uſque tempora hæretici, nec fuit eorum quiſpiam, qui teſtamentum, ſacram ſcilicet divinamque Scripturam non proferret; hæc & nos tanquam Dei teſtamentum recipimus, hanc normam fidei, & veritatis regulam eſſe fatemur. At quomodo poterit dignoſci, ad quos pertineat hæreditas, ad quos ſpectet Eccleſia, ad quos cuſtodiendum fidei depositum, ſi proferentibus nobis libros aut Sapientiæ, aut Eccleſiaſtici, aut Machabæorum, reſpondent Scſtarii, Non eſt teſtamentum Domini; aut promentibus Evangelia, reponunt aliam eſſe mentem Teſtatoris? Judicijs vivi ſententia neceſſaria eſt, qui decernat ſacrorum Codicum germanitatem ac ſenſum. Appoſite Auguſtinus in *Psalmum* xx. num. 30.

num. 30.

num. 30. *Quare litigamus? Non intestatus mortuus est Pater: fecit testamentum, & mortuus est. Tandem contenditur de hereditate mortuorum, quamdiu testamentum proferatur in publicam; & cum prolatum fuerit, tacent omnes, ut tabula aperiatur, & recitentur.* JUDEX intentus audit, advocati sedent, universus populus suspensus est, ut legantur verba mortui. Nota alucinationem Picenini ex hoc loco, ut diximus, probantis scripturam esse controversiarum omnium normam, & judicem; quum Augustinus tam aperte *Judicem a testamento* scernat.

Comprobatur Catholica veritas eventu rerum. In veteri namque lege, quisnam, nisi summus Pontifex controversias adjudicabat? Non ad mortuos codices remittebantur diffidentes, sed ad *Sacerdotes Levitici generis, & ad Judicem, qui erat illo tempore*, Deut. xvii. 8. Mentiantur autem Sectarii, dum ajunt ad Sacerdotes non spectasse judicium de controversiis fidei, sed tantum de legalibus. Eorum quippe erat pronuntiare, *Ubicunque questio esset de lege, de mandato, de caeremoniis, de justificationibus*. 2. Paralip. xix. 10. Ipse Herodes congregans principes Sacerdotum, & Scribas populi, Matt. 11. 3. ut sciscitaretur de loco, ubi nasciturus erat Messias, redarguit perverces, qui ajunt Sacerdotes non nisi de ritibus ac caeremoniis protulisse judicium. • Josephus in 2. adversus Appionem ait: *Omnium rerum inspectores, & controversiarum Judices constituti sunt Sacerdotes*. Vide Levit. x. 10. Ez. xlii. 23. & Malach. i. 7. Si ad historiam novi testamenti mentem convertamus, orta questione de necessitate circumcisionis Act. xv. circa annum 49. Ae. V. Antiocheni non appellarunt ad Scripturam, sed ad Apostolos, qui tum temporis Jerosolymis morabantur: atque hi coacto Concilio se illius controversiae idoneos Judices declararunt, dicentes: *Visum est Spiritui sancto, & nobis*, versu 28. Eadem judicii forma, non ad Scripturam, sed ad Ecclesiam appellando, anno 198. finita est causa Quartodecimanorum. Simili judicio damnati anno 255. Novatiani, anno 366. in Concilio Antiocheno Samositenes, anno 325. in Synodo Nicæna Ariani, anno 431. in Ephesina Nestoriani. Quid singulas repetam controversias? Nulla hæresis per solam Scripturam damnata est, nulla causa finita, nulla disceptatio absque vivorum judicium sententia, & examine, terminata.

PROPOSITIO III. Non est idoneum judicium, quod fit ex privato spiritu, & interiori cujusque fidelis persuasione.

Demonstratur primo: Incertum est, num spiritus iste privatus sit a Deo: & quamvis nonnunquam donum interpretationis sit alicui collatum, ut de Antonio sancto, perfectoque Aegyptio Monacho in Prolog. lib. 1. de Doct. Christ. scribit S. P. Augustinus, nullus habet proprii spiritus certam, exploratamque persuasionem, & qui hanc se habere præsumit, insigniter inflatus est, ac superbus. Esse enim Prophetas,

tas, qui ſequuntur ſpiritum ſuum, & nihil vident, affirmat Ezech. xlii. 3. eum, qui loquitur mendacium, ex propriis loqui, quia mendax eſt & pater ejus, inquit ipſa Veritas, Joann. vii. 44. atque in corpore Eccleſiæ omnibus a Spiritu, qui ubi vult ſpirat, non dari interpretationes ſermonum, ſcribit Paulus in 1. ad Corinth. xi. 28. 30. Spiritum autem hæreticorum non ſolum ob hanc rationem incertum eſſe probatur, ſed etiam eſſe ſpiritum mendacii, præſumptioniſque ſacrilegæ, cum ſibi temere attribuant, quod Chriſtus non niſi ſupremis Eccleſiæ rectoribus repromiſit. Teſtem appellamus illius incertitudinis Zuvinglium, qui in Lutheranis palæſtris edoctrus ad Sacramentarios circa doctrinam Cœnæ defecit, alio ſpiritu interpretatus verba conſecrationis; monitoremque habuit in ſomniis, de quo ipſemet ſcribit in *Subſidio de Euch.* non meminſſe, ater iſ fuerit, an albus. Præſumptionis vero exemplum ſingulare tribuit Lutherus ſcribens initio libri contra Regem Angliæ, *Natum ſe ſpiritum inſignem contemptorem tam fraudis, quam furoris Papiſtici.* Et quodnam majus præſumptionis indicium, quam ſibi met arrogare auctoritatem interpretandi Scripturam, illamque auctoritatem Romano Pontifici, & plenariis Synodis denegare? Interpretatio itaque facta privato ſpiritu, tanquam ambigua, fallax, & temeraria debet eſſe ſuſpecta. Ac licet fieret divino ſpiritu afflante, non eſſet tamen ad faciendam fidem idonea, niſi accedente Eccleſiæ comprobatione: nam & Paulus Evangelium acceperat per revelationem Jeſu Chriſti; & nihilominus illud cum Apoſtoliſ contulit, ne forte in vacuum curreret, aut cucurriſſet, ut ipſe ſcribit ad Galatas ii. 2., ſcilicet, ne ſecundum illos credidiſſet, & ne ſecundum illos evangelizaret, ait in iv. contra Marcionem Tertullianus etiam a Grotio laudatus. Quare S. P. Auguſtinus lib. xxvi. ii. cap. 4. contra Fauſtum, *Quis eſt ergo tam demens, inquit, ut credat neſcio cui ex tranſverſo de Perſide poſt ducentos & amplius annos venienti cum ipſe Apoſtolus Paulus poſt aſcenſionem Domini de cælo vocatus, ſi non inveniret in carne Apoſtoliſ, quibus communicando, & cum quibus conferendo Evangelium, ejuſdem ſocietatis eſſe appareret, Eccleſia illi omnino non crederet?* Atque hujus argumentationis hæc ſumma eſt: Spiritus privatus aut eſt ſpiritus mendacii, aut veritatis: ſi mendacii, idoneus non eſt ad rectum judicium pronuntiandum; ſi veritatis, ſuam ab Apoſtolica Eccleſia poſtulat dijudicationem, niſi ſui cauſa, illorum ſaltim, qui ſunt inſtruendi; ideoque nullatenus privatus ille ſpiritus eſt ad formandos dirigendosque fideles ſufficiens.

Deinde privatus ille ſpiritus, vel omnibus communis eſt, vel peculiaris. Si communis eſt, cur non conveniunt in ſingulis fidei dogmatibus Heterodoxi? cur ea verba *Hoc eſt corpus meum*, in tam diverſas ſententias diſtrahunt? cur Saxoni Lutherani in Colloquio Altembur-

temburgensi an. 1568. iudicium Melancthonis respuerunt, Electorales Melanctthoni subscribunt? Privatus est ergo ille spiritus, & qui eo ducuntur, proprio innituntur iudicio, neglectis aliis. At quis non videt idem esse huic spiritui fidem substernere, & libertatem unicuique facere illud, quod magis libet, comminiscendi? Et quidem nonne quod libuit commentus est Lutherus, quod libuit Zuvinglius, quod libuit Osiander, quod libuit hæretici omnes? Rectissime agebat de Præscript. Tertullianus, *Idem licuit Valentianis quod Valentino, idem Marcionitis, quod Marcioni, de arbitrio suo fidem innovare*: meritoque Staplet. lib. x. cap. 4. hanc hæreticorum de privato spiritu affectionem comparat opinioni Socratis, unde Sectatores, ut scribit Augustinus vii. de Civit. Dei cap. 4., *quod cuique placuit, sumpsere*. Præterea ille spiritus, cum privatus sit, erit humanus; & revera divinus esse nequit, qui diversis diversa distat, inspiratque dogmata omnino pugnancia. Quomodo ergo mihi persuadebunt hæretici idoncum esse iudicem hunc spiritum humanum, subdolum, multiloquum, dum ipsi audent asserere obnoxium errori spiritum totius Ecclesiæ, hac tantum de causa, quod humanum putent, & hominibus insidentem? Rursus si incertus sum hunc Scripturæ sensum esse intentum a Deo, cur incertus non ero hunc spiritum privatum a Deo inspiratum esse? Quænam habet validiora argumenta, quænam ampliora veritatis indicia sensus metaphoricus, quem Calvinus affricat verbis consecratoriis, quæ non habet spiritus quo idem Calvinus sensum illum præfert & approbat? At si utrumque incertum est, quomodo per spiritum privatum Scripturæ sensum dijudicabo, incertum scilicet per incertum? Si certam persuasionem requiras, hanc hæretici omnes Calvino adversantes iactitabunt: si velis spiritum esse humilibus precibus petendum, se petiisse reponent; si firmissimam fidem exigas, ajunt omnes se credere. Qualem ergo hæreticorum spiritum, dum in contrarium sensum Scripturam trahunt, censeas alteri præferendum? Ad hæc privato illo spiritu carent proculdubio infideles; nam si hi spiritu recto ducuntur, nihil erit tam sacrilegum & nefarium, quod non sit patrum Spiritu sancto inspirante. Infidelis ergo quomodo ad fidem perducitur poterit? Prædicatione, inquis, & Scripturarum sanctarum lectione: at dum audit, vel legit credendum esse Deum in Personis Trinum, & Dei filium natum ex Virgine, crucique suffixum, hærebit animo, neque tam reconditam doctrinam assequetur. Ipse enim privato spiritu caret, si verum est per illum dirigi solum mentem perfecte credendum. Itaque ut credat, postquam certis indiciis veram Ecclesiam detexit, debet se imbuendum ac dirigendum illius auctoritati committere. Paucis hæc omnia complectar: Privatus spiritus humanus est, fallax, errori obnoxius, multiloquax, non communis, non sibi constans, sed mortalium opinioni se attemperans, varius, levis, diffusio-

sentionis plenissimus; ideoque non ad componendas controversias conducit, sed ad magis ciendas, atque implicandas.

Insuper sapienter scriptum a Basilio Epist. ad Neocæsarienses, *Oportet, ut eadem sint animi industria præditi, & qui alienus scripturas judicaturus est, et qui illas conscripsit*: idque S. Doctor probat, quoniam nec de agrorum cultura potest judicare qui nunquam exercuit manus agricolæ, nec de rythmis, notisque musicis, qui mathematicis non fuit imbutus. Scripturæ ergo assilante divino Spiritu editæ, nonnisi Spiritus sancti diffuso lumine possunt intelligi. Forte id non denegabunt hæretici, sed quomodo nobis persuaſcant privatum spiritum esse Spiritum sanctum? Hoc etiam Pseudoprophetæ audacter præsumunt. Oportet ergo, demonstrant se non esse Pseudoprophetas, ut privatum ipsum spiritum comprobemus: quod nunquam propriæ persuasione testimonio poterunt demonstrare. Hinc Petrus 2. Epist. 1. 20. ex quo Prophetæ locuti fuerint Spiritu sancto inspirati, infert propheticam scripturam non esse privato ingenio exponendam. *Omnis prophetia scripturæ*, inquit, *propria interpretatione non fit*, monetque eo loci a Pseudoprophetis cavendum. In hoc Petri testimonio ea verba *Prophetia scripturæ* significant scriptorum prophetarum, seu verbi divini expositionem, ut ad Ro. x. 11. 7. prima ad Corinthios x. 11. 8. 1. Ad Thessalon. v. 20. nec videtur propriè per *Prophetiam scripturæ* ipsam scripturam propheticam, non scripturæ explanationem significari, ut in hunc locum observat Estius; nec vocabulo *interpretationis*, quamvis interdum alia significantur, melius & in sacris literis frequentius aliud demonstratur, quam interpretatio & expositio. Itaque allati testimonii sensus est, *Scripturæ sacræ explicatio propria interpretatione, sive privata doctrina & auctoritate non fit*: ut inquit Estius, & Tirinus in hunc locum, Bacchinus Epist. 2. num. 4. Quod etsi *Prophetiam scripturæ* intelligamus eandem scripturam propheticam, sensus erit nullam scripturam exponendam esse privato ingenio; qui sensus confluet in præcedentem. Non sunt ergo Scripturæ privato sensu interpretandæ, sed exponendæ eo spiritu, quo scriptæ sunt, spiritu nempe divino, quem Christus promisit Ecclesiæ.

Denique hæretici suorum testimonio possunt revinci. Henricus enim VIII. Anglorum Rex anno 1540. decrevit neminem præter Ecclesiæ Doctores posse Scripturas interpretari, inhibuitque populo ne illas exponere, aut ex illis ratiocinationes inferre auderet. Videatur Bosuët in Hist. Variat. lib. v. 111. num. 64. Zuvinglius ad refellendos Anabaptistas lib. 1. de Baptismo p. 72. demonstrat non ad illos, sed ad Ecclesiæ spectare scripturarum expositionem. Idem scribit Bucerus in Rat. can. exam. pag. 223. Cur demum hæretici ad controversias dirimendas non sæpe Synodes coegerunt, si unusquisque a proprio, privatoque spiritu debet dirigi? Respondere nequeunt ad Synodum.

T. IV.

H h h

conve-

convenire ad statuendam Ecclesiasticam disciplinam, non ad dogmata definienda; nam Synodus Ienensis habita fuit adversus Zuvingianos, Dordrechtana contra Arminianos, Carentonenfis contra Calvinianos; & in singulis Novatorum conventibus actum de eucharistia, de Baptismo, de Justificatione, ceterisque grassantibus controversiis. Quid etiam definiunt, nisi fidei dogmata, tot Confessiones ab hæreticis divulgata? Ipsi ergo velint, nolint, præter Scripturam, & privati spiritus persuasionem coguntur vivum Judicem adire, quem nullibi invenient, nisi in visibili, & Apostolica Ecclesia.

C A P U T IV.

*Explicantur Scripturæ loca, quibus ad veritatem
oppugnandam abutuntur Sæculari.*

AT Scripturam fidelibus singulis apertissimam esse hæretici demonstrare conantur sequentibus argumentis. Principio, inquit, Deuteronomii xxx. 11. legitur: *Mandatum hoc, quod ego præcipio tibi hodie, non supra te est, neque procul positum*. Divinæ ergo legis volumina, & consequenter sacri omnes libri, unicuique fidelium perspicua sunt. Verum hujus argumentationis falsissima est consequentia; nam asseritur tantum hoc loco, Deum non dedisse mandata impossibilia, sed literis consignasse eadem præcepta, quæ lex naturæ inscripserat singulorum hominum cordi: quare non urgent nos laudata Deuteronomii verba, sed ipsos hæreticos asserentes tam difficile esse implere mandata legis, quam caucasum transvolare. At legis præcepta æquissima sunt, levia, jucunda, & lata nimis, *Si caritas, quæ est plenitudo legis habitat in corde*, inquit Augustinus q. 54. in Deut. Hanc interpretationem confirmant proxima verba versus 14. *Juxta te est sermo valde in ore tuo, & in corde tuo, ut facias illum*. Imo & in verbis præcedentibus, ubi legimus *mandatum non supra te est*, habet Hebræus Codex, *נפרד הוא מן הדיבור*, *Non est separatum a te*, scilicet, *inscriptum cordi*. Ipse Fagius Volum. 1. Crit. Sacrorum p. 237. ait: *In corde dicit, quia legem cordibus inscripserat Dominus, priusquam in tabulis lapideis Decalogum insculpisset. Vel in ore tuo, idest in ore Levitarum, qui e popularibus tuis sunt: nam labia Sacerdotis custodiunt scientiam, & legem ex ejus ore requirent*, Malach. 11. 7. Hæc Fagius. Itaque nihil poterunt hinc evincere Protestantes, nisi divina præcepta volentibus eadem implere esse levissima atque facillima.

Deinde obijciunt: Pl. xviii. 9. legitur: *Præceptum Domini lucidum, illuminans oculos*. Pl. cxviii. 105. *Lucerna pedibus meis verbum tuum, & lumen semitis meis*. Ac Petrus 11. Epist. 1. 19. *Habemus firmiorem prophetis sermonem, cui benefacitis attendentes quasi lucer-*

lucerna lucenti in caliginoſo loco. Apertiſſimus eſt ergo, ac per ſe nitiſſimum effundit lumen ſacrorum librorum codex. Reſp. Scripturam quidem lucernam eſſe, & pedibus ac ſemitis, ideſt, peragendis operibus regulam exhibere, ſed revelatione ſuppoſita, & Doctorem Eccleſiæ præmiſſa declaratione; quod idem Pſalmiſta affirmat citato Pſalmo cxvi 11. 18. dicens: *Revela oculos meos, & conſiderabo mirabilia de lege tua*, & v. 130. *Declavatio ſermonum tuorum illuminas, & intelleftum das parvulis*. Petrus quoque non fruſtra caliginoſum locum, commemorat, ſed ut demonſtret, opus eſſe, ut qui lucem non habet, ab aliis, qui ſacras literas callent, illam ſceneretur; quemadmodum fecit Hieronymus dum perrexerit Alexandriam ad Dydimum, & ab eo ſciſcitatus eſt quæ in Scripturis omnibus dubia habebat. Videatur idem Hieronymus Præfat. Comment. in Epift. ad Ephes. Ipſum Hieronymum de Scripturarum quæſtionibus difficillimis conſuluerunt Damafus Papa, Evagrius, Dardanus, & totius ſere Orbis viri Clariffimi. Similiter S. P. Auguſtinum Voluſianus, Marcellinus, Bonifacius, Honoratus, Simplicianus, alii. Atque his exhibita eſt in caliginoſo loco lucerna, quam Seſtarii contemnentes interpretamenta eorum, quibus a Domino dictum eſt, *Vos eſtis lux mundi*, facti rebelles lumini abjiciunt, & in explicandis textibus omnium expreſſiſſimis inter ſe more Andabatarum decertant.

Rurſus opponunt. Iſaiæ vii 1. 20. mandat Dominus, ut in rebus ambiguis, recurramus tanquam ad judicem, *Ad legem magis, & ad teſtimonium*. Et Jeremiæ xxxi. 33. ne quis alienum judicium quærat, ait: *Dabo legem meam in viſceribus eorum, et in corde eorum ſcribam eam*. Reſpondemus autem, apud Iſaiam eo loci damnari illos, qui ad pythones ac maleficos confugiunt, ut cognoscant futurorum eventus, quod diſtrictè prohibetur in lege Domini, Deut. xviii. 9. Atque id liquet ex verbis proxime præcedentibus, *Et cum dixerint ad vos: Quarite a pythionibus, et a divinis, qui ſtrident in incantationibus ſuis*. A Jeremia autem prædicitur novum Teſtamentum, in quo non ſolum lex forinſecus terret minitendo, ſed etiam gratia intrinſecus adjuvat amorem juſtitie inſpirando, neque cordi inſcribitur atramento, ſed ſpiritu Dei vivi, ut inquit Apoſtolus 2. ad Corinth. xiii. 3. Audiat Auguſtinus de Sp. & lit. cap. xxi. num. 36. *Quid ſunt ergo leges Dei ab ipſo Deo ſcriptæ in cordibus, niſi ipſa præſentia Spiritus ſancti, qui eſt dignus Dei, quo præſente diffunditur caritas in cordibus noſtris, quæ plenitudo legis eſt, et perfectio finis?*

Inſuper obijciunt. Joannis v. 39. Chriſtus non ad Eccleſiæ judicium, ſed ad ſolam ſcripturam remittit Judæos, ut veritatem Incarnationis jam peractæ, & Meſſiæ adventum cognoscere, dicens, *Scrutamini ſcripturas*. Reſp. Nihil ex hoc teſtimonio contra nos evinci poſſe. Primo quia nec Romana Eccleſia prohibet, ne veritatis ama-

tores sacrarum literarum studiis inieciunt, sed hoc magnopere commendat, Dei verbum tanquam normam fidei, & fontem veritatis perennem nobis proponendo. At aliud est Scripturam expendere, scrutari, discutere, & ex ea veritatem inquirere; aliud ipsius authenticitatem dignoscere, sensum ambiguum definire, & de fidei controversiis absolute sententiam pronuntiare. Deinde eo loci Christus non remittit Judæos ad solam Scripturam, sed primo ad testimonium Joannis v. 33. postea ad opera a se patrata v. 36. ulterius ad testimonium, quod de illo perhibuit Pater v. 37. Quomodo ergo solam Scripturam hæretici hoc loco abutentes deprædicant? Præterea unde Judæi scripturas acceperant, nisi ex Traditione Majorum, & Ecclesiæ auctoritate? Insuper quomodo probant per illa verba, *Scrutamini scripturas*, Judæos ad sacrarum librorum lectionem remitti? Si fides habenda est Erasmo, non minus Græcis, quam nobis incertum est, utrum *Scrutamini* imperandi modo dictum sit, an indicandi. Idem scribit Vatablus. Cameron contendit esse potius indicativi, temporisque præsentis, imo & hæc est sententia Cyrilli apud citatum Erasmus. Erit ergo verborum illorum sensus, Vos scrutamini scripturas, sed iisdem, quod in eis præcipuum est non creditis, quum enim illæ de me testimonium perhibeant, *non vultis venire ad me, ut vitam habeatis*. Ex quibus inferitur hoc argumento sententiam hæreticorum oppugnari; nam quemadmodum Judæi, licet scrutarentur Scripturas, quia non receperunt Joannis testimonium, non crediderunt Christi miraculis, non audierunt vocem Patris, obcæcati sunt, & videntes non viderunt; ita hæretici solam scripturam perlegentes, & sanctorum testimonia, miraculorum virtutem, & vivam Dei vocem ore summorum Ecclesiæ Pastorum prolatam pervicaciter contemnentes, veritatem pessumdant, & in tenebris delitescunt.

Præterea arguunt hæretici. Act. xviii. ii. Beroenses, ac nobiliores Thessalonice ad prædicationem Pauli *susceperunt verbum cum omni aviditate, quotidie scrutantes Scripturas, si hæc ita se haberent*. Si Apostoli verba ad scripturarum judicium revocata sunt, quidni fas erit ex Scripturis de Pontificis Romani definitionibus judicium ferre? Resp. Beroenses non ad scripturas legendas se convertisse, ut crederent Paulo, jam enim verbum cum omni aviditate susceperant; sed ut in fide proficerent, videntes omnia, quæ de Christo ab Apostolo enuntiabantur, fuisse prædicta vaticiniis Prophetarum. Vidit id etiam Grotius, quem tanti faciunt Novatores, scribens in hunc locum Tom. 2. Op. Th. p. 630. *Non quod dubitarent de veracitate Pauli, & Silæ, sed ut Prophetica scripta cum illorum verbis conferendo, magis magisque in veritate confirmarentur, & haberent unde alios convincerent*. Ilac intentione, animoque proficendi unicuique fas est Scripturas expendere, & ex illis veritatem investigare, judicio discussionis, non judi-

judicio definitionis, quæ duo callide heterodoxi confundunt. Adde diverſam eſſe rationem illorum, quibus nova doctrina proponitur, & illorum, qui jam alicui Religioni ſe nuncuparunt. Illi enim ſi prophetias, ſi miracula, ſi rerum conſonantiam, ſi auctorem fidem explorant, prudenter ſe gerunt, quum nemo teneatur credere, priuſquam *motiva credibilitatis* ad trutinam revocaverit. Tales fuiſſe Beroenſes conſicit Comment. in hunc locum Jo. Lorinus. At qui jam fide imbuti ſunt, & Chriſti Religionem ſuſceperunt, debent in ea ſupremi Judicis agnoſcere auctoritatem; ſine qua Religionis unitas nequit conſiſtere.

Sexto contendunt probare in novo Teſtamento omnia fidelibus aperta eſſe, quoniam Apoſtolus in 2. ad Corinth. 1v. 3. ſcribit, *Quod ſi etiam opertum eſt Evangelium noſtrum; in iis, qui pereunt, eſt opertum*. Et in Apocalypſi v. 9. dicitur *Agnus*, ideſt, Chriſtus *aperuiſſe librum*, & ſolviſſe *ſignacula ejus*: idcoque poſt Chriſti mortem, nullum amplius myſterium latet. Verum Apoſtolus tantummodo affirmat prædicationem Evangelii, & Chriſti fidem diſcipulorum opera per orbem terrarum diſfundi, & ſi permulti Redemptionis myſteria non percipiunt, hæc illis abſcondi, quia idololatriæ, flagitiſque dediti dignos ſe præbent, quos princeps hujus ſæculi, ſinente Deo, in errorem adducat: quod ex ſola Paulinæ Epistolæ lectione obvium eſt. In Apocalypſi autem dicitur Agnus occiſus accepiſſe librum, & ſolviſſe ſignacula ejus, quoniam in Chriſti morte completi fuerunt typi veteris Teſtamenti, ut demonſtravit etiam ſciſſio veli, juxta communem Patrum ac Interpretum expoſitionem: cui adlimus primo, librum ab Agno apertum in medio ſeniorum & quatuor animalium, Evangelistarum nempe, & Apoſtolorum, quibus Dominus aperuit ſenſum, *ut intelligerent Scripturas*. Deinde cum aperuiſſet Agnus unumquodque de ſeptem ſigillis, ait unum de quatuor animalibus, *Veni, & vide*: quæ ſunt verba Petri principis Apoſtolicæ cætus Joannem alloquentis, quia & dignioribus ſummus Eccleſiæ Reſtor pandit oracula. Tandem in libri aperitione ſignificantur hic decreta Dei pertinentia ad Judæos, quæ Chriſtus ſummatim prædixit Matth. xxiv. & Lucæ xx i. Si Novatorum aliquis petat, *Quisnam hoc loci Petrum ſpecialiter nominari exiſtimet*, quis expoſitionem hanc tradat? Reſpondeo, Grotius tuus, quem appellas illuſtrem, eximium, & ſingulis Romanenſibus præferendum. Videſis Tom. 111. Op. Th. pag. 1178. Si reponat hæreticus Grotium decipi; fateatur neceſſe eſt etiamnum librum iis, qui a Novatoribus doctiores habentur, obſignatum.

Addunt quædam loca, quibus videtur comprobari privati ſpiritus judicium. Hujusmodi ſunt quod ſcribit Apoſtolus in priori ad Corinth. 11. 15. *Animalis homo non percipit ea, quæ ſunt ſpiritus Dei. Spiritualis autem judicat omnia, & ipſe a nemine judicatur*. Joannes Epistoia prima, 11. 27. *Non neceſſe habetis, ut aliquis doceat vos, ſed ſicut*

sicut unctio ejus docet vos de omnibus, & verum est, & non est mendacium. Et in Evangelio cap. vii. 17. *Si quis voluerit voluntatem ejus facere, cognoscat ex doctrina, utrum ex Deo sit, an ego a meipso loquar.* At neque ista juvant Heterodoxos. Pro intelligentia testimonii Apostolici oportet inquirere quid sit animalis homo, quid spiritualis. Animalis homo dicitur, qui solum sensum, & naturale rationis lumen, per quod homo factus est in animam viventem, dijudicando sequitur, nulla imbutus Christianæ fidei doctrina, ut Ethnici aut omnino rudes, aut humana instructi philosophia. Spiritualis e contra est, qui fide, & illuminatione Spiritus sancti est illustratus. Sensus ergo est, quod nec philosophi, nec sensuum ductum sectantes percipiunt Trinitatem, Incarnationem, & alia Fidei mysteria, quæ credentes assequuntur; & quod hi optime deprehendunt deliramenta philosophorum negantium aut unius Numinis existentiam, aut animorum immortalitatem, aut rerum creaturarum administrationem ac productionem; neque humana philosophia est adeo sublimis, ut possit de Christianorum rudimentis iudicium ferre. Verum non ait Apostolus spiritualem hominem proprio spiritu omnium Scripturarum arcana pervadere, & ad omnes difficilimas quæstiones definiendas idoneum esse: quod licet alicui eximie sanctitatis viro aliquando concessum fuerit; nos cavere debemus, juxta Augustini monitum in Prolog. librorum de Doct. Christ. tales tentationes superbißimas & periculoßimas, magisque cogitare & ipsum Apostolum Paulum, licet divina & celesti voce prostratum & instructum, ad hominem tamen missum esse, ut sacramenta perciperet, & accipularetur Ecclesia. Et Centurionem Cornelium, quamvis exanditas orationes ejus, & eleemosynas respectas ei Angelus nuntiaverit, Petro tamen traditum imbuendum, per quem non solum sacramenta perciperet, sed etiam quid credendum, quid sperandum, quid diligendum esset, audiret. Accedit quod ea verba, *quæcumque videret, & audiret*, non sunt idem, ac, *omnia definit*, sed, *recipit, approbat*, piaque affectione *judicat*; ut est in Proverbio apud Arist. i. 11. Eth. 15. : *ὁ σωφρων ἄνθρωπος ὅλα ἴσχει*, *Probus de omnibus recte judicat*: quod explicat D. Thomas Lect. 111. in cap. 2. Epist. 1. ad Corinth. comparatione vigilantis, qui recte judicat se vigilare, & alium dormire, quoniam revera, *non sunt res quales videntur dormienti, sed quales videntur vigilantibus*. Alioqui si imbutus fide judicat omnia, cur non expedit difficillima theorematum? cur indiget cum Eunuchis, & discipulis cunctibus in Emmaus expositore, & interprete? cur non cum Apostolo, & Cornelio ad Ecclesiæ magisterium accedit? Præterea haud male conjicit Cl. Estius Paulum in Epist. ad Corinth. spiritualem hominem appellare perfectum & jam Apostolicis documentis instructum, quemadmodum ad Galatas vi. 1. inquit, *Vos qui spirituales estis hujusmodi instruite in spiritu lenitatis*. Consequenter docet *animalem dici*, qui credit utique, sed ob

ob mentis imbecillitatem nondum percipere poteſt altiora myſteria, cujuſmodi ſunt pueri, ac ruſtici, quibus expoſita Fidei Catecheſi, inepte proponerentur quaſtiones Theologicæ. Atque id colligit ex Apoſtoli ſcopo, verborumque complexu; nam principio ejuſdem capitis rationem producens, cur non prædicaverit Corinthiis recondita fidei myſteria, inquit, *Et ego, fratres, non potui vobis loqui quaſi ſpiritalibus, ſed quaſi carnalibus. Tanquam parvulis in Chriſto lac vobis potum dedi, non eſcam.* Atque hanc reſponſionem tradit etiam Canus lib. 11. cap. 8. de locis. Ex qua adverſus hæreticos retorquetur argumentatio. Enimvero ſunt in Eccleſia complures in Chriſto parvuli, adhuc carnales, & qui ad inſtar Corinthiorum nondum eſcam, ideſt, ſublimiorem doctrinam recipiunt, licet ſint & ſpirituales permulti, qui traditas ſibi doctrinas ſenſu ac ratione aſſequuntur. Igitur non omnes in Chriſtum credentes habent ſpiritum, non ſolum interpretationis, ſed nec diſcuſſionis ac diſcretionis. Quod autem ait Joannes in Epistoſola 1. veriffimum eſt, etenim per ſpiritum fidei, & internam unctiorem poterant Parthi dignoſcere quicquid illis in implendis mandatis præſtandum erat, necnon diſtinguere Pſeudoprophetas negantes Verbi divinitatem & Incarnationem; ſed illis hæc myſteria jam per Apoſtolicam prædicationem innotuerant, affirmante ibidem Joanne: *Non ſcripſi vobis quaſi ignorantibus veritatem, ſed quaſi ſcientibus eam.* Ex hoc itaque loco tantum inferitur habentes ſpiritum & unctiorem Dei, niſi ſuis deſint partibus, ſcire quid ſibi ad ſalutem ſit neceſſarium, nec in errorem ab hæreticis induci, ſi teneant acceptam ab Eccleſiæ Paſtoribus inſtitutionem. Addo internam unctiorem non excludere externum Eccleſiæ magiſterium, ſed adjuvare mentem, & inspiratione occultæ virtutis efficere, ut quæ forinſecus dicuntur, formentur in corde, ſicuti ut arbor poma ferat præſtat internus vigor, ſed neceſſarium eſt tamen, ut agricola forinſecus operetur, adhibeatque diligenter culturam. Si magiſterium Eccleſiæ non requiritur, *Quid ergo nos facimus, quia docemus? Si unctio ejus docet nos de omnibus, quaſi nos ſine cauſa laboramus,* inquit S. P. Auguſtinus Tract. 111. in Epistoſt. Joan. paucisque interjeſtis ita ipſum Joannem alloquitur: *Tu diſciſti, quia unctio ipſus docet vos de omnibus, ut quid talem Epistoſolam feciſti? quid illos tu docebas? quid inſtruebas? quid edificabas?* Ac ſubinde producit allatum agricolæ exemplum, confirmatque illud verbis Apoſtoli 1. ad Corinth. 111. 6. *Ego plantavi, Apollo rigavit, ſed Deus incrementum dedit.* Addo etiam ſermonem Joannis dirigi ad Eccleſias, non ad fideles ſingulos in particulari, hoc ſenſu, Spiritus ſanctus veſtras Eccleſias docet, nec opus eſt, ut Pſeudoprophetæ, quorum multi exierunt in mundum, ſe apud vos intromittant quaſi veritatem docturi. Vide Sylvium Opuſc. v. lib. 1. q. 3. art. 6. ad 5. Eadem reſponſione expeditur quod depromitur ex Evangelio ipſius Joannis.

nis. Qui enim fecerit voluntatem Dei, doctrinam sibi in suo statu necessariam habebit cognitam ac perspectam, non tamen sine doctore externo; quemadmodum Judæi, quos Christus alloquitur, Evangelium tantis argumentis annuntiatum & comprobatum receperunt, si divinis præceptis obtemperassent, dum Deus illis dederat Filium suum in ducem, ac præceptorem.

Denique, inquit Sectarii, cum Scriptura sit verbum divinum nequit ab homine testimonium accipere, nam & Christus Jo. v. 34. dixit, *Ego autem non ab homine testimonium accipio*. Quid enim magis absurdum, quam divinam auctoritatem ab humana robur accipere, & confirmari? Respondemus autem, τὸ μαρτυρεῖν λαῶντι, testimonium accipere, apud Joannem duplicem habere sensum; primus est, *alterius testimonium admittere*: secundus *alterius testimonium requirere*, eoque indigere. Priori sensu ait Joan. cap. 11. 32. *Testimonium ejus nemo accipit*, & Ep. 1. v. 9. *Si testimonium hominum accipimus, testimonium Dei majus est*. In altero sensu inquit Christus, *Ego non ab homine testimonium accipio*: de ipso enim propria opera perhibebant testimonium, ut ibidem ait, *majus Joanne*. Nego itaque quod Christus non admittat aliud testimonium, etsi illud non ita requirat, quasi aliunde ipsius veritas non consistat. Eo enim loci versu 32. ait: *Alius est qui testimonium perhibet de me, & scio quod verum est testimonium, quod perhibet de me*: & cap. xv. 27. Apostolos alloquens, ait, *Et vos testimonium perhibebitis, quia ab initio mecum estis*. Igitur Christus & Joannis, & Apostolorum testimonium accepit. Ab hoc autem testimonio veritas non habet in se robur ac firmitatem, sed explicatur, proponitur, exhibetur. Præterea Christus Joan. v. sermonem instituit de propria divinitate ac missione; quam cum probassent tot prodigia ab ipso patrata, testatus esset apud Jordanem cælestis Pater, ac olim prænuntiassem recepta a Judæis prophetarum oracula, non opus erat humano testimonio corroborare. Nunc vero si ambiguum sit judicium de scripturis, de dogmatibus, de emergentibus controversiis, quomodo spreta Ecclesiæ auctoritate poterit veritas definiri?

Objeçant præterea hæretici sanctorum Patrum auctoritatem. Etenim asserere videntur Scripturam unicuique apertam esse, & non indigere vivis iudiciis Justinus, Joannes Chrysostomus, & S. Pater Augustinus. Et Justinus quidem cum Tryphone disputans eundem solis propheticiis testimoniis revincit, eaque tam enucleata esse contendit, ut auditione sola, non interpretatione opus habeant. Chrysostomus hom. 3. in 2. ad Thessalonic. affirmat *omnia ex Scripturis divinis plana esse*. S. autem Augustinus lib. 2. de doctrina Christiana cap. vi. ait: *Magnifice & salubriter Spiritus sanctus ita Scripturas sanctas modificavit, ut locis apertioribus fami occurreret, obscurioribus autem fastidia detergeret. Nihil enim fere de illis obscuritatibus eruitur, quod*

non

non planiſſime dictum alibi reperiatur. Quæ ergo in uno Scripturæ textu apparent inſeſctu difficilia, aliorum textuum collatione enodantur.

Reſpondeo perperam Sectarios ad Patrum auctoritatem confugere. Quomodo enim, ſi Scriptura clara eſt, neque indiget Eccleſiæ approbatione, latere in illa divinorum myſteriorum theſauros omnes aſſeruerunt? Quomodo obſcuriſſimam appellarunt Irenæus lib. 11. cap. 47. Origenes lib. 3. contra Celſum, Clemens Alexandrinus, & Baſilius ſupracitati? Quomodo Chryſoſtomus ait eſſe agrum in quo abſconditus eſt ſapientiæ theſaurus, ejuſque profunditatem miratur hom. 40. in Joannem, 19. in Acta, & in Epistolam ad Philippenſes? Quomodo Ambroſius Epistol. 44. ad Conſtantium ſcribit eſſe mare habens in ſe profundam altitudinem prophetarum ænigmatum? Quomodo Hieronymus ſcribit ad Paulinum, eam ſine magiſtro ac Doctore iatelligi non poſſe, & quæſt. x. ad Hedibiam, tantis obſcuritatibus involutas eſſe Epistolas Pauli, ut ad illas intelligendas Spiritus ſancti indigeamus auxilio? Quomodo ſanctiſſimus parens Auguſtinus eodem, quem obijciunt, loco inquit quædam Scripturæ dicta obducere caliginem denſiſſimam, & edomandam eſſe labore ſuperbiam, atque in illius Operis prologo Pauli Apoſtoli & Cornelii nobis exemplum proponit, ut nos Eccleſiæ magiſterio imbuendos ſubjiciamus, vitemuſque præſumptiones ſuperbiſſimas & periculoſiſſimas? Itaque Juſtinus loquitur de Meſſiæ adventu, & cum Judæo recipiente prophetarum oracula, quibus evidenter demonſtratur veniſſe promiſſum in lege Reparatorem: unde tantum inſertur quædam in Scripturis prænuntiata poſſe propugnari adverſus inimicos veritatis, dummodo & hi ex majorum ſuorum traditione Scripturas ipſas recipiant. Chryſoſtomus intelligendus eſt de ea Scripturarum parte, quæ continet moralia præcepta, quæ ut plurimum dilucide proponuntur: quanquam in iis etiam Eccleſiæ inſtitutionem aliquibus neceſſariam agnoſcit, dum ait citata hom. 3. *Si non potueris aſſiduitate lectionis invenire quod dicitur, accedo ad ſapientiores, vade ad Doctorem.* S. P. Auguſtinus, neque de omnibus Scripturæ locis accipiendus eſt, ut liquet ex illa particula, ſere: neque commendat Scripturas abſque Eccleſiæ auctoritate & conſultatione: ſed de hac ſcribit proximo capite v. 111. *In Canoniciſ autem Scripturis Eccleſiarum catholicarum quamplurimum auctoritatem ſequatur.* Ac lib. 111. ejuldem Operis cap. 2. *Conſulat regulam fidei, quam de Scripturarum planioribus locis, & Eccleſiæ auctoritate percepit.* Similiter libro primo contra Creſconium cap. 33. *Quiſquis falli metuit obſcuritate quæſtionis, Eccleſiam de illa conſulat, quam ſine ulla ambiguitate ſacra Scriptura demonſtrat.* Quid plura? Trita eſt omnium ſermone præclara Auguſtini ſententia cap. 5. contra Epistolam Fundamenti: *Ego vero Evangelio non crederem, niſi me Catholica Eccleſia commoveret auctoritas.*

To. IV.

Iii

Postre-

Postremo hæretici argumentantur a ratione, nobisque obijciunt vitiosum circulum. Enimvero probamus Scripturam ex Ecclesia. Ecclesiam autem unde probamus? Ex Scriptura. Agimur itaque in fallaci circulatione, non minus ac inepte & stolidè vagaretur, qui comprobaret matris alicujus honestatem ex testimonio filii: & interrogatus, undenam sciat filium esse testem idoneum ac probum, reponeret id pat fieri attestatione matris. Addunt penes Ecclesiam nullam haberi auctoritatem irreformabilem, cum omnis homo sit mendax, ideoque minime aptus ad ferendum judicium de verbo Dei, quod subijci nequit errori.

Respond. Si aliquis imperite argutando fallaci ambitu circumagitur, hunc esse Paræum, aut Calvinistam alium similià adversus Catholicos effluentem. Nam unde probant Sæctarii esse normam ad Scripturam dijudicandam privatam inspirationem? Ex ipsa Scriptura? Unde norunt Scripturam esse divinam, atque hoc, vel illo sensu exponendam? Ex privati spiritus persuasione. Ipsi ergo hæretici vitioso ambitu circumaguntur. At nos nequaquam tali circulo agi constat, quia *circulus* committitur, quando hoc per illud, & illud vicissim per hoc probatur apud illum, qui neutrum concedit, atque ita circulator qui apud Judicem probare nititur honestatem matris testimonio filii, & honestatem filii testimonio matris, quum tam filii, quam matris honestas inexplorata sit & ambigua: circulantur hæretici, qui nobis contendunt demonstrare privatum spiritum ex Scripturis apertissimis, eademque Scripturas ex persuasione privati spiritus, dum nos utrumque negamus, & Scripturas quas proferunt esse apertissimas, & privati spiritus persuasionem ad Scripturas dijudicandas idoneam esse. Versamur & nos in tali circulo, si ad refellendum Paganum comprobamus veritatem Religionis Christianæ ex Scripturis, veritatem Scripturarum ex fide, quæ viget in Religione Christiana, dum Paganus ille, utrumque præfracte denegat. Hunc non tali methodo ad fidem pertrahere studeremus; sed propositis argumentis 111. cap., quæ dici solent *motiva credibilitatis*; ac demonstrata summi Dei revelantis auctoritate, illum adigeremus ad præstandam fidem Ecclesiæ ob eandem Dei auctoritatem, implorata, a qua fides est, Christi gratia. At inimicos veritatis, qui ex fidei controversiis aliquam nobiscum propugnant, ex veritate quam probant nitimur refutare. Negant Manichæi vetus testamentum? Manichæos confutamus ex testamento novo quod approbant. Negant Lutherani auctoritatem Ecclesiæ? Lutheranos revincimus ex utroque testamento quod non abijciunt. Negat Catholicorum aliquis incomptum sibi dogma? Catholicum convincimus auctoritate Ecclesiæ, cui se submittit. Atque id non est circulando vagari, sed rectè aggredi oppugnatorem. Ubi autem Novatores omnia fere Romanensium Theologorum dogmata impugnantes nobiscum decertant,

certant, non utimur nos uno duntaxat Scripturæ textu; ſed ubi negant Eccleſiæ judicium, urgemus teſtimonia Evangelii: ubi Traditiones, opponimus Epiſtolas Pauli: ubi Scripturarum canonem, obtrudimus & Traditiones, & Eccleſiæ judicium, quæ duo jam ex Scripturis comprobavimus. Atque ita non ex ignotis ignota, ſed ex probatis ea quæ negantur inferimus. Quod ſi unum Scripturæ locum ex ipſa Scriptura explicamus, confugimus ad contextum magis expreſſum; ad ſacri Scriptoris ſcopum, ad magis probatam Verſionem, ad linguarum etiam proprietatem atque ſyntaxim, & ex iis quæ nota ſunt, ea quæ ignota erant interpretamur, recepto tamen, quod ſpernunt Sectarîi, vivorum Judicium magiſterio. Si hoc ſit vagari circulatione; nulla eſt, quæ non laboret tali vitio, in qualibet ſcientia ratiocinatio.

Dum obijciunt omnem hominem eſſe mendacem, quid aliud probant, niſi mendacem eſſe Lutherum, mendacem Calvinum, mendacem cujuſque hæretici ſpiritum, qui proculdubio eſt humanus? Et quidem hujus mendacii argumentum eſt arrogantia, vanitas, pervicacia, contradicção, & quæ paullo ſupra redarguimus. At ſummus Eccleſiæ Reſtor, licet homo ſit, divino Spiritu dirigitur, juxta factam beato Petro promiſſionem, quod nunquam deficiet fides ejus, & nunquam portæ inferi adverſus eum prævalebunt. Ceteris directio Spiritus ſancti non adeſt, niſi cum ipſo Eccleſiæ Capite conjuncti ſint; ac propterea controverſiarum fidei ſupremus Judex eſt ſolus Romanus Pontifex; cujus auctoritatem alibi vindicabimus.

C A P U T V.

Præter divinam Scripturam ſacras quoque Traditiones eſſe admittendas.

NOVATORES, ut diximus, ſolam Scripturam judicandorum dogmatum normam & regulam ſtatuunt, quoniam illam pro libito in pravam ſenſum detorquentes facilius veritati repugnant, errorumque ſuum inſolenti pervicacia tutantur, facti veterum omnium hæreticorum imitatores. Nam poſt Sadducæos, qui ante Chriſti adventum in Hebræorum gentem plures hæreſes intruſerunt, temere negantes quicquid veteris Teſtamenti ſcriptis non continetur, ut ſcribit Joſephus lib. xiii. Antiq. cap. 18., nullam præter Verbum Dei ſcriptum fidei regulam agnovere priorum duorum ſæculorum hæretici, Valentiniani præfertim, & Gnoſtici, apud D. Irenæum lib. iii. cap. 2. Idem præſtiterunt Ariani rejicientes *Homouſion*, propterea quod in nullo ſacro librorum ſcriptum ſit, ut liquet ex Epiſtola S. P. Auguſtini ad Pafcentium, & ex i. adverſus Maximinum libro: idemque Ma-

cedoniani, & Eunomiani refutati a Magno Basilio in Opere ad Amphlochium, Eutychiani, ut liquet ex Act. 1. Concilii Chalcedonenfis, Pelagiani, apud S. Patrem Auguft. de Nat. & Grat. cap. 39. alique hæretici omnes. At præ ceteris bellum Traditionibus indixere Lutheri, Calvinique gregales: & ex his majori fortassis audacia, extremoque conatu Chemnitius, Dallæus, Georgius Callixtus, ac Bafnagius. Innumeri ex adverfo pii, doctique Theologi Verbum traditum propugnarunt: cumque communia hæreticorum argumenta diluant Canus, Bellarminus, Valemburgenfes, alique fæerarum Controverfiarum Tractatores; Chemnitium refutavit in libris Stromatum Wilelmus Lindanus; Dallæo fatisfecit Nicolaus L'Herminier Tom. 8. pag. 194. & Natalis Alexander differt. xvi. 2. Sæculi, ac Samueli Bafnagio Abbas Benediæus Bacchini in Epiftolis Polemicis vernacula lingua contra Jacobum Piconium confcriptis. Ut ex Noftroatibus aliquos recenscam, præter Hyacinthum Tonti, & Taddæum Calufchi fuperiori capite commemoratos, dignus eft qui legatur Carolus Moreau Tom. 111. Tertull. pag. 716. & feqq.

Ut præfens quæftio dilucide refolvatur, præmittendum eft, quid fit Traditio, quotuplex, & quibus notis difcerni poffit. Ac primo appellantur Traditiones illa quoque dogmata, quæ in Scripturis fanctis continentur: quo fenfu falſi teſtes Act. vi. 14. de Stephano dixerunt: *Audivimus enim eum dicentem: Quoniam Jeſus Nazarenus hic deſtruet locum illum, & mutabit traditiones, quas tradidit nobis Moſes.* Deinde Traditio accipitur pro doctrina, quæ primum prædicatione Apoſtolorum propagata eſt, poſtea facris etiam literis conſignata: ut 1. ad Corinth. xi. 23. *Ego enim accepi a Domino quod et tradidi vobis, quoniam Dominus Jeſus, etc.* Tertio Traditio accipitur prout verbo Dei ſcripto non continetur, ſed ore a patribus derivatur ad poſteros: atque de hac Traditione cum hæreticis ad ſolam Scripturam provocantibus decertamus, affirmantes plura a nobis de fide tenenda eſſe, quæ in Verbo Dei ſcripto minime inveniuntur expreſſa.

Traditionum autem genus multiplex eſt. Aliæ ſunt divinæ, quæ nonniſi a Chriſto Domino ducunt originem, ut quæ ſpectant ad formam & materiam Sacramentorum, a Deo homine, qui ſolus potuit gratiam ſenſibilibus ſignis alligare, inſtitutorum. Quædam ſunt Traditiones Apoſtolicæ, quæ ab Eccleſiæ incunabilis, ab Apoſtolis divino Spiritu affectis Eccleſiis fuerunt propoſitæ, ut jejunum quadrageſimale in Chriſti memoriam, animarumque medelam primitus inſtitutum, & fidei ſymbolum recitandum a Catechumenis ſacro lavacro expiandis. Aliæ ſunt traditiones Eccleſiæ ſano, providoque conſilio inductæ, & paulatim receptæ, cujuſmodi ſunt ritus in Sacramentorum adminiſtratione ſervandi, ordo precum, feſtorum plurium inſtitutio, & alia id genus permulta: in quibus diſtinguendum eſt, quod ſervat univerſalis

Eccle-

Eccleſia, & quod in uſu eſt apud Eccleſias peculiareſ, ut de jejunio ſab-
bati ſcribit S. P. Auguſtinus in Epistoſa ad Caſulanum, & de cantu Ec-
cleſiaſtico lib. ix. Confeſſ. cap. 7. Non contendimus adverſus hæreticoſ
ſervandas eſſe traditioneſ omneſ ſingularium Eccleſiarum, ſed divinaſ,
Apoſtolicas, & univerſaliſ Eccleſiæ uſu, & auctoritate probatas: in
ceteriſ dicimus ſequendum morem illiuſ Eccleſiæ, apud quam commo-
ramur. Harum traditionum quædam ad doctrinam ſpectant, ut dog-
ma de canone Scripturarum, & de perpetua Deiparæ Virginitate: quæ-
dam ad moreſ, ut jejunium, Sanctorum cultuſ, Monachaliſ inſtitu-
tio: quædam ad diſciplinam, ut baptiſmi collatio per immerſionem,
vel abluſionem. Poſtremum locum tenent traditioneſ humanæ, quæ,
ut ab Eccleſiaſticis diſcernuntur, ſunt inſtituta hominum pro libito in-
ducta, ac ſæpenumero legum præſcriptionibuſ adverſantia; ut de tra-
ditionibuſ Phariſæicis diximus huiuſ voluminiſ pagina 35.

Ad diſcernendâſ Chriſti, & Apoſtolorum traditioneſ hiſ reguliſ
utimur. I. Si univerſa Eccleſia tanquam fidei dogma amplectatur, quod
nonniſi ſoluſ Deuſ potuit conſtituere, etſi ſcriptum illud non ſit, de-
ſcendit tamen ex traditione divina. Huiuſ regulæ ratio eſt, quia cum
Eccleſia univerſa non poſſit errare in fide; quicquid tanquam de fide
credendum proponit, id certiffime a Deo revelatum eſt. Traditur hæc
regula ab Irenæo lib. iii. adverſuſ hæreſeſ cap. 2. a Tertulliano de
Præſcript. cap. 28. a Cypriano lib. iii. Ep. 13. & a S. P. Auguſtino lib. 2.
de Baptiſm. cap. 7. II. *Quod univerſa tenet Eccleſia, nec Conciliis in-
ſtitutum, ſed ſemper retentum eſt, nonniſi auctoritate Apoſtolica tra-
ditum rectiffime creditur.* Deprompta eſt hæc regula ex S. P. Auguſti-
no lib. iv. de Baptiſmo contra Donat. cap. 24. huiuſque regulæ ratio
aperta eſt, quoniam vetuſta conſuetudo, cujuſ inſtitutionem ac ini-
tium non invenimus, ad Apoſtolorum uſque tempora debet referri.
III. Doctrina, quam Eccleſia univerſa quovis ſæculo propugnavit, aut
ſi in aliqua particulari Eccleſia vigiſſe non conſtet, perpetuo tamen
ſervata eſt in Eccleſiſ præcipuiſ, atque Apoſtolicis, ex Chriſti, &
Apoſtolorum traditione manavit. Deſumpta eſt hæc regula ex Irenæo
lib. iii. cap. 2. & 3. & ex Vincentio Lirinienſi cap. 2. Commonitoriū:
& liquet; nam dum ſervamus antiqua dogmata Eccleſiarum Apoſtoli-
carum, ab hiſ ſenſibuſ nullatenuſ recedimus, quos majoreſ, ac pa-
treſ noſtroſ habuiſſe comperimus. IV. Si uno ore viri Eccleſiaſtici te-
ſtentur dogmata aut conſuetudinem ab Apoſtoliſ derivaviſſe, aut
contrarium aſſerenteſ tanquam hæreticoſ reprobent; diviniſ aut Apoſto-
licæ traditioniſ certum eſt argumentum. Ita docuerunt PP. Septima
Synodi art. 6. Hieronymuſ in Epistoſa ad Pammach. & Leo Papa Epistoſa 13.
ad Auguſtam: quod & rationi conſentaneum eſt, quia dum adhære-
mus doctõribuſ Eccleſiaſticis, & diſjungimur ab hæreticis, ſequimur
ſpirituſ veritatiſ, rejicimurque Pſeudoprophetaſ, homineſque men-
daceſ.

daces. Vide Melch. Canum libro 111. cap. 4. Franc. Sylvium lib. 11. Controv. Q. 111. art. 5. Gasp. Juenin. Dissert. IV. q. 11. cap. 3. &c. E contra traditio divina, aut Apostolica censenda non est, si non ab universa Ecclesia servetur, sed vigeat duntaxat in aliqua Ecclesia particulari: si perantiqua non sit, ejusque institutionis designetur origo: si a perpaucis, licet antiquis, Scriptoribus commemoretur, sed repugnent alii numero, doctrina, & auctoritate præcipui: si denique viri Ecclesiastici, & Apostolica præsertim Ecclesia, tanquam novellam adinventionem illam repudiant, atque proscindant. Legatur S. Vincentii Lirinensis Commonitorium cap. 20. 21. 22. 28. His præmissis sit

PROP. Admittendæ sunt divinæ, & Apostolicæ Traditiones.

Demonstratur primo; quoniam nemo sanæ mentis negare potest, Ecclesiam antiquiorem esse Scripturis, & aliquandiu solam traditionem veræ fidei normam fuisse. Etenim in lege naturæ nulla Scriptura extitit, quæ divinam haberet auctoritatem. Primus omnium canonicos libros ad Ecclesiæ institutionem aut Jobus scripsit, aut Moses, nam librum Enoch, aliosque vetustos neque Synagoga tanquam divinos unquam habuit: & nihilominus ad notitiam usque nostram pervenerunt sacrificia, quæ obtulit Abel, Dei cultus confirmatus ab Enos, immolata a Noe holocausta, acceptum a Deo mandatum circumcisionis, & posteris Abrahami annuntiatum, altaria a Jacob erecta, aliaque legis naturæ instituta, absque membranis, tabulisque servata. In lege itaque naturæ fidei regula non erat verbum scriptum, sed traditum, per quod filii a parentibus religionem, ritumque colendi Deum edocebantur; quemadmodum innuit S. David, dicens: *Quanta mandavit patribus nostris nota facere ea filiis suis, ut cognoscat generatio altera, &c.* Ps. LXXV11. 5. In lege autem Moysei, etsi plura sacris literis fuerunt conscripta, plura tamen alia fide certissima tenebantur ex sola traditione majorum. Atque ut mitem, quæ negant hæretici, ut sacrificia pro defunctis, quæ ante Machabæorum tempora nulla Scriptura legis exprefferat; aut quæ speciatim designare non possumus, ut remedium pro femellis ad originalem maculam expiandam: undenam acceperunt Judæi Moysen esse Auctorem librorum, qui sub ejus nomine circumferuntur, eosque fuisse Deo inspirante exaratos, nisi ex traditione? unde ceterorum sacrorum librorum, nisi tradente Synagoga, canonem habuerunt? unde cruentis victimis didicerunt præsignari Christum Reparatorem? Profecto ex Patrum institutione, de qua idem Regius Vates Psalm. XL111. *Deus auribus nostris audivimus, Patres nostri annuntiaverunt nobis.* Si denique de Evangelica lege sermonem instituiamus, Christus Dominus nihil scripsit, quod canonicum esse sciamus; nec Apostolis præcepit, ut literis mandarent Evangelica dogmata, sed ut ea universis hominibus annuntiarent, adeo ut Christi fides, juxta Prophetarum vaticinia, prius cordibus, quam tabulis inscripta fuerit.

rit . Præcessit itaque Traditio Scripturam , & aliquando Ecclesia & Religio absque Verbo Dei scripto sublitterunt .

Demonstratur secundo ; nam , ut liquet ex præcedenti capite sola Scriptura non est dijudicandorum dogmatum norma . Sine Ecclesiæ auctoritate Evangelio nemo prudens assentiretur ; illius iudicio canonicos libros secernimus ab Apocryphis , & sensus Scripturarum ambiguos non privato spiritu definimus , sed docente Ecclesia tantummodo , sine erroris periculo assequimur . Arbitror id paullo supra fuisse sufficienter comprobatum . At Ecclesia qua regula uti potest sive ad canonem sacrorum librorum definiendum , sive ad sensum obscurum perplexumque enodandum , nisi forte traditione Majorum ? Ipsa commonstrante quatuor tantum Evangelia suscipimus , & spuria ac fictitio nomine intrusa repellimus , ut lib.v i . H. E. cap. 10. & 19. probat Eusebius testimonio Serapionis , & Origenis . Neque est necessaria aliorum testium auctoritas ; postquam vidimus inepte probari ex scriptura scripturæ ipsius canonem , aut inspirationem . Idem asserendum de Scripturarum interpretatione ; quam ex unanimi Patrum sensu petendam esse , jure meritoque scribit Agatho Papa in Epistola , quæ extat Aët. iv. Synodi sextæ . *Si enim* , ut verbis utar Lyrinenfis cap. 38. , *divinis eloquiis , sententiis , promissionibus Diabolus & discipuli ejus utuntur : quid facient Catholici omnes , & matris Ecclesiæ filii quonam modo in Scripturis sanctis veritatem a falsitate discernent ? Hoc scilicet facere magnopere curabunt , quod in principio Commentarii istius sanctos , & doctos viros nobis tradidisse scripsimus , ut divinum canonem secundum universalis Ecclesiæ Traditiones , & juxta Catholici dogmatis regulas interpretentur* . Traditio itaque tam ad discernendas divinas Scripturas ab apocryphis , quam ad illarum sensum legitimum disquirendum est summopere necessaria .

Tertia demonstratio sit . Plura nobiscum hæretici propugnant dogmata , quæ nequeunt ex Scripturis probari , quum ibidem aut nullo pacto , aut nonnisi obscure contineantur . Perpauci sunt , qui adversus Helvidium non fateantur perpetuam Deiparæ virginitatem , & contra Apollinaristas descensum Redemptoris ad Inferos . Baptizandos pueros ante usum rationis defendunt adversus Anabaptistas cum Lutherani , tum Calvinistæ : utrique censent valere collatum ab hæreticis baptismum . Nequeunt hæc ex sola scriptura demonstrari . Alia ex scriptura quidem inferuntur ; at non si traditionem contemnas : processione Spiritus sancti a Filio , divinarum personarum in una , eademque substantia æqualitatem , Sacramentorum numerum , aliæque multa non ita expresse in canonicis Scripturis invenies , ut inde possint adversarii prorsus refelli . Imo si quæ in Scripturis expressa sunt , facile in contrarium sensum detorquentur , Patrum traditione rejecta . *Et jam Protestantes* (inquit Grotius in Annotatis ad Consult. Cassandri) *qua*
tuen-

tuentur, ea non sunt omnia *ἀποδείκνυμι*, ad verbum, in sacris literis: Dicunt admittendas consequentias. At ipsi consequentias sæpe admittunt ex privato cuiusque ingenio: unde tot & tam gravia inter ipsos dissidia, & quotidiana divortia. Catholici vero eas admittunt consequentias, quas admisit vetus Ecclesia antiquo, & universali consensu. Atque ita stat omne verbum in duobus testibus, in Scriptura & in Traditione, quæ mutuo facem sibi allucent. Vidit hujus argumenti firmitatem etiam vir ille peracutus, a communione nostra alienus.

Quantum argumentum depromitur ex confutatione hæresum, quæ non solum Scripturis, verum etiam Traditione, & hac præsertim fuerunt refutatae. Gnosticos refellit S. Irenæus lib. 1.11. cap. 3. primum ex Traditione Ecclesiæ Romanæ, cujus dogmata probat esse inconcussa ex legitima successione Pontificum a Petro usque ad sedentem eo temporis Elcutherium; deinde ex Traditione Ecclesiæ Smyrnenfis, quæ Episcopum ac magistrum habuit virum ab Apostolis edoctum, & cum eisdem conversatum, sanctissimum scilicet, inviolissimumque Christi martyrem Polycarpum: tertio ex Traditione Ecclesiæ Ephesiænæ, quam fundavit Paulus, ac diu rexit Joannes, & quæ poterat traditionis Apostolicæ verax testimonium præbere. Confutatos Arianos in magna Nicæna Synodo ex vetustis Episcopis, & Scriptoribus, qui ante eandem Synodum eos, qui Filium Dei facturam esse dicerent, non autem Patri consubstantialem reprehenderant, scribit libro 1. H. E. cap. 8. Theodorus. Quinta Synodus, sive Constantinopolitana, 11. can. 9. anathematizavit Nestorianos autumantes Verbum incarnatum adorandum non esse eadem adoratione cum assumpta humanitate, sicut ab initio Dei Ecclesiæ traditum est. In Sexta Synodo, seu Constantinopolitana tertia, discussa sunt omnium præcedentium Patrum testimonia ad evincendas duas in Christo voluntates, & profigendam hæresim Monothelitarum, ut liquet ex Aët. 1v. x. & xv. 111. Septima vero, idest, secunda Nicæna nonne in definitione fidei confirmavit sacrarum Imaginum cultum ex Ecclesiastica Traditione? Idem præstittisse adversus subortas alias hæreses posteriora Concilia, neque hæretici denegant. Tenuerunt eandem viam sancti Patres, de quibus paulo infra. Incredibile autem est Ecclesiam Christi in refellendis hæresibus usam fuisse incertis, fluxisque argumentis. Si ergo adversus inimicos veritatis semper objecit Veterum Traditiones; sunt istæ Ecclesiasticorum dogmatum fulcrum firmissimum atque inconcussum.

Sit argumentum quintum petium ex sacris literis. Proverbiorum 1. 8. legitur: *Audi fili mi disciplinam patris tui, & ne dimittas legem matris tuæ*; quod de Traditionibus sanctæ matris Ecclesiæ interpretatur laudandus infra Epiphanius. Joannes ultimo: *Sunt & alia multa, quæ fecit Jesus, &c.* ex quo loco Traditiones comprobat S. Thomas 11. 2. p. q. 83. art. 4. Apostolus Paulus 1. ad Corinth. x. 1. 3. commonstrans

sc

ſe plura Corinthiis traditurum, quæ in Epiftola prætermittebat, cetera, inquit, cum venero diſponam: hinc enim S. Pater in Epiftola ad Januarium 118. nunc 54. cap. 6. probat ex Apoſtolica traditione deſcendere quod Euchariftia nonniſi a jejunis accipiatur, & ab Apoſtoliſ ordinatum eſſe quod univerſa per orbem ſervat Eccleſia, neque ulla morum diverſitate variatur. Idem Apoſtolus 2. ad Theſſalonicenſes 11. 14. ait: *Itaque fratres ſtate, & tenete traditiones, quas didiciſtis ſive per ſermonem, ſive per Epiftolam noſtram.* De quo teſtimonio Orat. 1v. Chryſoſtomus: *Hinc eſt perſpicuum quod non omnia tradiderunt per Epiftolas, ſed multa etiam ſine ſcriptis, & ea quoque eſſe fide digna. Quamobrem Eccleſia quoque traditionem cenſemus eſſe fide dignam. Eſt traditio: nihil quæras amplius.* Similia Damascenus lib. 1v. cap. 17. Timotheum vero idem Apoſtolus 11. Epiftola cap. 1. ita alloquitur: *Formam habe ſanorum verborum, quæ a me audiſti. Bonum depositum cuſtodi per Spiritum ſanctum.* Quo in loco apertiffime traditiones commendare primo teſtatur prælaudatus Chryſoſtomus ſcribens in ea verba: *Non modo per literas, ſed etiam verbis diſcipulo quæ eſſent agenda diſſuavis: quod plurimis aliis in locis oſtendit, dicens: Sive per verbum, ſive per Epiftolam, quaſi per nos miſſam. Ne igitur minus aliquid doctrinæ habere putemus, plurima illi abſque ſcripto tradidit, quæ illi modo ad memoriam revocans, dicit, Formam habe ſanorum verborum, quæ a me audiſti.* Deinde quid eſt depositum, niſi doctrina per manus tradita, & quaſi theſaurus alteri creditus, ut inquit Vincentius Lirinienſis cap. 27. Formatorum? His itaque, aliisque Scripturarum ſanctarum oraculis Traditiones Apoſtolice commendantur.

Sextum argumentum ſententiis ſanctorum Patrum conſtruitur. Ex illorum autem numero ſeligam, quos hæretici magna doctrinæ laude celebrari, ac ſumma præſtare auctoritate non denegant, & quos ad ſe trahere irritò conatu nituntur, Irenæum ſcilicet, Tertullianum, Epiphanium, Baſilium, Cyprianum, Auguſtinum. Nam de Papia, Hieropolitano, Ignatio Martyre, & Clemente Alexandrino, aliisque fat eſt, ſi loca breviter indigitando aliquid contracte dicamus. Igitur Irenæus lib. 111. cap. 2. demonſtrans eam eſſe hæreticorum hominum vaſtritiem, ut dum Scripturis arguuntur, in accusationem convertantur iſparum Scripturarum, Cum autem, inquit, ad eam iterum traditionem, quæ eſt ab Apoſtoliſ, quæ ſucceſſione Presbyterorum in Eccleſia cuſtoditur provocamus eos, adverſantur Traditioni: atque ex his inferunt hæreticos neque Scripturis, quas pro libito temerant, neque Traditioni, quam repellunt, conſentire. Cap. autem 111. Valentinianos primum traditione, deinde Scripturis conſutaturus, illius firmitatem his verbis corroborat: *Traditionem itaque Apoſtolorum in toto mundo manifeſtatam in omni Eccleſia adeſt reſpicere omnibus, qui reſta velint videre: & habemus adnumerare eos, qui ab Apoſtoliſ inſtituti*

situti sunt Episcopi in Ecclesijs, & successores eorum usque ad nos, qui nihil tale docuerunt, neque cognoverunt quale ab his deliratur. Atque eo loci præfert Irenæus traditionem Romanæ Ecclesiæ a duobus Apostolis Petro & Paulo erectæ & constitutæ, nec non Ecclesiæ Smyrnenfis, & Ephesinæ, quarum illa a Polycarpo, hæc a Joanne Evangelista edocta fuit. Refutatis postea Gnosticis ex Traditione, S. Irenæus cap. 5. eisdem Scripturis impetens ait: *Traditione igitur quæ est ex Apostolis sic se habente in Ecclesia, & permanente apud nos, revertamur ad eam quæ est ex scripturis ostensionem.* His respondere nequeunt hæretici Irenæum Traditionem accipere pro ipsi Scripturis, aut pro Fidei Symbolo, ut comminiscitur Gravius. Enimvero aperte Irenæus Traditionem a Scriptura distinguit, & duplici telo Valentinianos confodit: deinde ait hanc traditionem etiam sine charta & atramento ab innumeris barbarorum gentibus, quæ in Christum crediderunt, custodiri: ulterius affirmat ordinem traditionis fuisse tenendum, etiam si Apostoli Scripturas non reliquissent nobis. Vide Irenæum eodem libro cap. 4. Symbolum autem qua fronte nunc callidi hæretici obtrudunt, cum ab Apostolis editum denegent, & si editum fateantur, admittant nihilominus dogmata, quæ in Symbolo non continentur, ut parvulorum baptismum, & originalis peccati propagationem?

Hæc cum erudite pertractaverit Rhenanus Massuet suis in Irenæum Adnotationibus, ac præsertim prævia dissertatione III. art. 3. effugiumque omne adversariis præcluserit, id ægre ferens Joannes Franciscus Buddeus irritò conatu Massuetum refellere aggressus est. Ait primo eruditissimum virum dum initio dissertationis scribit, *Scripturas sacras esse regulam veritatis certam, & immutabilem, cui nihil addere, vel detrabere fas est*, confiteri opus non esse traditionibus. Sed quid insulsius, ineptiusque potuit proferri? Divinæ quidem Scripturæ sunt istiusmodi regula, eisque non licet scripturas alias apponere, neque eas fas est interpolare, & mutilas reddere; sed ad hanc regulam Massuetus adjicit alteram, quam ab Irenæo prædicari invicte demonstrat, ut non nisi securiliter se gerat Buddeus affirmans confessionem. Massueti sibi esse gratissimam, dum vir clarissimus exornat hæretici dogmatis refutationem. Deinde Buddeus ex verbis Irenæi afferentes hæreticos dum scripturis exagitantur confugere ad Traditiones, infert hæreticos esse, non orthodoxos, qui traditiones ipsas recipiunt. Firmum sane hæreseos præsidium, dignumque, ut est in proverbio, patella operculum! Enim vero S. Irenæus lib. III. cap. 2. num. 1. scribit Valentinianos, dum Scripturis premuntur, in accusationem converti ipsarum Scripturarum, affirmantes recipiendam esse traditionem, de qua Apostolus ait, *Sapientiam loquimur inter perfectos*; verum hanc traditionem, ac sapientiam ab unoquoque adinventiri, *ut digne secundum eos sit veritas aliquando quidem in Valentino, aliquando in*

Mircio-

Marcione, aliquando in Baſilide; unusquisque enim ipſorum omnimode perverſus ſemetipſum regulam veritatis depravans prædicare non confunditur. Poſt hæc Irenæus n. 2. provocat Valentinianos ad eam traditionem, quæ eſt ex Apoſtoliſ, quam ex ſucceſſione Epiſcoporum demonſtrat perſiſtere in Eccleſia Romana; cujus Pontifices enumerat uſque ad Eleutherium tunc temporis ſedentem. Apertiffimum ergo eſt, S. Irenæum hæreticos appellare qui rejiciunt traditiones Romanæ Eccleſiæ, probantesque doctrinam poſt Apoſtolos ab hominibus excogitatam, ut Valentini deliramenta nunquam Romæ ante Hyginum audita, atque rejeſtâ veritatis regulâ ſemetipſos, propriamque ad inventionem deprædicantes; cujus generis ſunt Novatores ſectantes placita Lutheri, aut Calvini, contemnentes Romanæ & Apoſtolicæ Eccleſiæ doctrinam, atque ad normam proprii ſpiritus Scripturarum ſenſum dijudicantes. Nemo quippe neſcit, ut diſſert. vi. in libros Irenæi cap. 5. animadvertit Nicolaus Nourry, paganos, atque hæreticos contra naſcentem Chriſti Eccleſiam uſos traditionum ſuarum argumento, cum tamen hæ traditiones ex corruptiſſimo nefandi erroris fonte manaverint, & admittendæ ſint illæ traditiones tantummodo, quæ ab Apoſtoli� ad nos tranſmiſſæ probantur. At, inquit Buddeus, eo tempore adhuc ex traditione colligi poterat Eccleſiæ ſententia, quam Irenæus opponeret Gnoſticis adeo inflatis, ut ſe Apoſtoli� ſapientiores eſſe jactarent. Principio hæc adverſantur hujus Scriptoris ſcopo; neque cohæret, Irenæum loqui contra hæreticos aſſertores traditionum, & traditiones tunc temporis fuiſſe inconcuſſas, atque ad revincendos hæreticos ab Irenæo recte, ſapienterque productas. Præterea Irenæus traditiones ad nos tranſmiſſas probat ex legitima ſerie Epiſcoporum, ſcribens cap. iii. n. 3. *Hæc ordinatione & ſucceſſione ea quæ eſt ab Apoſtoli� in Eccleſia traditio, & veritatis præconatio pervenit uſque ad nos: & eſt pleniffima hæc oſtenſio unam & eandem vivificatricem ſilem eſſe, quæ in Eccleſia ab Apoſtoli� uſque nunc ſit conſervata, & tradita in veritate.* Ex eadem legitima Epiſcoporum ſucceſſione Apoſtolicam doctrinam dignoſci ſcribit lib. iv. cap. 63. Nequit ergo demonſtrari in Eccleſia Romana adulterata Traditio, quum in ea perſeveret legitima Epiſcoporum ſucceſſio. Ac tandem cum traditiones Apoſtolicæ in univerſam Eccleſiam antiquitus dimanaverint, ſi illas Romana Eccleſia laſeſactaſſet, id ex aliarum Eccleſiarum traditione deberet commonſtrari, ideoque adhuc perſiſteret Traditionum fundamentum firmiſſimum atque inconcuſſum. Hactenus de Irenæo, qui tam aperte refellit hæreticorum figmenta.

Tertulliani Latinorum antiquiſſimi teſtimonia adeo ſunt inviſta; ut excuſi nulla ratione valeant. De cultu ſem. cap. 3. ait: *Cum Enoch filio ſuo Methuſale nihil aliud mandaverit, quam ut notiſſiam eorum poſteris ſuis traderet: igitur ſine dubio potuit Noe in prædicationis ſucceſſione*

cessione deligere. De jejunio cap. 10. *Eorum, inquit, quæ ex traditione observantur tanto magis dignam rationem adferre debemus, quantum carent Scripturæ auctoritate.* Idem de Corona cap. 4. pluribus commemoratis, quæ ad baptismum, Eucharistiam, oblationesque pertinent, *Harum, inquit, & aliarum ejusmodi disciplinarum, si legem exposules scripturarum, nullam invenies: traditio tibi præstatur autrix, consuetudo confirmatrix, & fides observatrix.* In v. contra Marcionem cap. 17. Sermonem instituens de Epistolis Pauli, ait, *Ecclesiæ veritate Epistolam istam ad Ephesos habemus emissam, non ad Laodiceos, & de Carne Christi cap. 2. ex traditione evincit originalia esse instrumenta, quæ delere ausus est Marcion.* Demum de Præscript. 28. protulit pervulgatam illam sententiam, *Quod apud multos unum invenitur, non est erratum, sed traditum.* Plura colligit Carolus Moreau Tom. 3. v. *Traditio.* His autem constat Tertullianum Traditionem comprobare ex primævæ legis institutis: ex traditione repetere Ecclesiasticos ritus: traditione autographas Scripturas fecernere a suppositis; traditionis quoque criterium statuere, multarum scilicet Ecclesiarum consensionem. Tertullianus itaque omnia, quæ supra dicta sunt, collustrat, confirmat, corroborat.

Quid autem Epiphanius? Is H. 60. pag. edit. Petavianæ § 11. inquit: *Sed & traditione quoque opus est; neque enim ex Scripturis peti possunt omnia.* Idcirco alia scripto, traditione alia sanctissimi Apostoli reliquerunt. *Quod ipsum ita Paulus affirmat. Quemadmodum tradidi vobis. Item alio loco: Ita doceo, & ita tradidi in Ecclesiis. Item, Si meministis, &c.* indigitans loca in quinto argumento præcitata. Atque H. 76. pag. 912. *Potest vero, inquit, quisquam maternam sanctionem, aut legem patris evertere? quemadmodum a Salomone scriptum est, Audi fili sermonem patris tui, & ne repellas legem matris tuæ. Quibus Patrem, hoc est unigenitum Deum cum Spiritu sancto declarat scripto, partim sine scripto docuisse: matrem vero nostram Ecclesiam decreta quædam habere penes se, quæ dissolvi evertique nequeunt.* His pariter, quibus nil proferri potest expressius, quintæ argumentationi robur accedit.

At Basilii in libro de Spiritu sancto ad Amphiloichium tam splendide, & enucleate Traditiones adstruit, ut nullum alium effugium suppetat Refractariis, quam aureum illud opus magno Basilio adjudicare: quod in cassum tentari etiam ex ingenua suorum confessione ostendi lib. viii. cap. 9. Ergo Basilii cit. libri cap. 27. ait: *Dogmata, & instituta, quæ in Ecclesiis prædicantur quædam habentur ex doctrina scripto prodita, quædam rursus ex Apostolorum traditione; quorum utraque parem vim habent ad pietatem, nec his quisquam contradicit quisquis sane, vel tenuiter expertus est quæ sint jura Ecclesiastica.* Enumerat ibidem aliqua, quæ ex traditione servantur, ut communire se signo crucis,

crucis ; præmittere preces confecrationi Euchariftiæ , delinire unctio-
nis oleo neophytum , abrenuntiare in baptifmate Satanæ & angelis
ejus , aliæque plura , quæ confirmat exemplo Moyſis ſtatuentis pro-
fanos extra cancellos , quem imitati ſunt Apoſtoli ac patres , a quibus
plurima in occulto , & ſine ſcripto fuerunt tradita , ut myſteriis ſuam
ſervarent dignitatem , nec dogmatum cognitio propter aſſuetudinem
veniret in contemptum . Atque hæc a nebulone quodam infera per-
peram jaſtat Hermannus , cum allata Baſilii verba integra proferat in
1. Orat. de Imagin. Jo. Damascenus , & Eraſmi conjecturæ , quæ dece-
perunt Hermannum , Scultetum , ac Proteſtantium alios , ſint , ut ali-
bi diximus , nimium futiles . Cap. 29. ejuſdem libri , *Arbitror* , inquit
Baſilius , *Apoſtolicum eſſe etiam non ſcriptis traditionibus inherere* .
Laudo , inquit , *vos quod omnia mea meminiftis , & quemadmodum*
tradidi vobis , traditiones tenetis : & illud , Tenete traditiones , quas
accepiſtis ſive per ſermonem , ſive per Epistolam . Quo in loco Baſi-
lius interpretatur de Traditione non ſcripta textus Apoſtoli paullo
ſupra citatos . Addit Baſilius ſatis idoneam comparationem ; ſi enim
legibus revinci nequeat adverſarius , conſuetudine refutatur : Ergo ,
ait Baſilius , *ſi apud Tribunal probationibus e ſcripto deſtituti multos vo-*
bis teſtes produceremus , nonne ſententiam abſolventem a vobis confe-
queremur ? Quid ſi etiam temporis diuturnitatem pro nobis facientem
vobis evidenter oſtenderimus , annon videbimur vobis probabilia dice-
re , non poſſe litem iſtam jure nobis intendi ? Atque hæc comparatio
movit etiam Hugonem Grotium , ut liquet ex ejus diſcuſſione Apolo-
getici Rivetiani ; ubi illam confirmat auctoritate Calliſtrati ; & Paulli
Jurisconſulti . Non poterat ergo Baſilius de ſacris traditionibus loqui
magnificentius , quàm illis parem cum verbo ſcripto vim tribuere ,
illis fulcire ſacrorum myſteriorum dignitatem , illis denique religionis ,
fideique cauſas definire .

Dicamus nonnulla de Cypriano . Hunc propugnaffe ſententiam
de Rebaptizandis innixum ſuppoſitæ traditioni liquet ex Epistolis ad
Pompejum , ad Quintum , ad Jubajanum , ad Stephanum ; & licet
erraverit pro traditione obtrudens conſuetudinem ſolius Africæ , aſſe-
ruit tamen definiendi dogmatis normam eſſe conſenſum , & auctori-
tatem Majorum : quare Epistolæ omnes a Cypriano de hoc argumento
conſcriptæ & Traditiones commendant , & ſimul commonent has in
Eccleſiis Apoſtolicis requirendas . At inquis , nonne Raymundus Miſ-
ſorius palam fecit Epistolas illas doctrinamque de Rebaptizandis Cy-
priano ſupponi ? Dixi alibi non unum eſſe de ſententia Miſſorii judicium
Eruditorum : virum eſſe H. E. peritiſſimum , emunctæ naris criticum ,
ejuſque ſtilum perſpicuum ac perpolitum , non ſolum Rotignus ſcribit ,
verum etiam qui ediderunt Acta Eruditorum Lipſiæ an. 1736. pag. 60.
Idem fateri debet quiſquis limatam , elaboratamque diſſertationem
perle-

perlegerit. At S. P. Augustinus, quemadmodum ait non deesse, qui hoc Cyprianum non sensisse contendant, sed sub ejus nomine a præsumptoribus atque mendacibus fuisse confectum, perspectaque hæreticorum fraude aliquando de hac re hæsitet fluctetque: ita ubi opinionem suam profert, aperte literas ac de Rebaptizatione sententiam adjudicat Cypriano, ductus duplici argumento; quorum unum petitur e stilo S. Martyris singulari, & quasi certis, quibus distinguatur, affectus delineamentis; alterum ex unitate Ecclesiæ ipsis Epistolis Cyprianicis vindicata, quam sane tanto studio minime servasset Epistolarum illarum architectus, si fuisset aliquis Donatista. *Nos tamen*, inquit S. Pater Epistola ad Vincentium Rogat. 48. nunc 98. num. 39. *Nos tamen duas ob res non negamus illud sensisse Cyprianum: quod & stilus ejus habet quamdam propriam faciem, qua possit agnosci; & quod ibi magis contra vos nostra causa monstratur invictior, vestraque separationis præsumptio, videlicet ne macularem peccatis alienis, tota facilitate subvertitur, cum apparet in literis Cypriani communicata esse cum peccatoribus Sacramenta, cum admissi sunt in Ecclesiam, qui secundum vestram, & sicut vultis, illius sententiam baptismum non habebant, & tamen Ecclesiam non perisse, &c.* Addo Augustinum Epistolas Cyprianicas suo auctori absque ulla hæsitacione tribuere lib. v. l. de Baptismo cap. 7. num. 10. & lib. 1. de An. cap. 9. num. 11. Meminit etiam Concilii opera Cypriani celebrati lib. 111. de Bapt. cap. 3. num. 4. & lib. v. l. cap. 6. num. 9. Cum Epistolas, tum Concilium commemorat S. Hieronymus in Altercatione Orthodoxi & Luciferiani edita an. 378. Tom. iv. pag. 303. & 305. edit. Martianæi. Verum quicquid de his censeas; Cyprianus alibi traditionem aperte commendat scribens ad Cecilium: *Admonitos autem nos scias, ut in Calice offerendo dominica traditio servetur, neque aliud fiat a nobis, quam quod pro nobis Dominus prior fecerit; ut Calix, qui in commemorationem ejus offertur, mixtus vino offeratur.*

Sanctum parentem Augustinum comprobare sacrarum Scripturarum autographiam ex traditione, & auctoritate Ecclesiarum quæ fundatæ sunt ab Apostolis, habentque seriem sibi succedentium Episcoporum, demonstratum est Prop. 2. capitis x. ex lib. adversus Faustum, de Civitate Dei, & de Doct. Christiana. Idem Augustinus lib. 2. contra Julianum cap. 1. ait Pelagianorum dogmata esse *Eloquiis redarguenda Sanctorum*. Peccatum originale & futuri Reparatoris adventum antiquis Justis, etiam ante diluvium ac datam legem per traditionem innotuisse affirmat lib. 2. de peccat. Origin. cap. 24. Libro iv. de Baptismo cap. 24. tradit præclaram dijudicandæ traditionis regulam superius allatam, meritoque a PP. Maurinis grandiusculis literis editam. Scripserat præcedenti libro 11. cap. 7. de consuetudine non repetendi baptismum: *Quam consuetudinem credo ex Apostolica traditione venientem:*

nientem: Cſicut multa quæ, inveniuntur in literis eorum, neque in Conciliis poſteriorum, & tamen quia per univerſam cuſtodiantur Eccleſiam nonniſi ab iſtis tradita, & commendatæ creduntur:) hæc ergo ſaluberrimam conſuetudinem, &c. Sunt enim Auguſtini etiam quæ clauduntur parentheſi, licet abſint a plurimis Mſs., ut comminſtrat repetitio illius vocabuli conſuetudinem, ob orationem parentheſi intercluſa diſtractam. Libro v. ejuſdem Operis cap. 26. loquens de Cypriano inquit: *Quod autem nos admouet, ut ad fontem recurramus, ideſt ad Apoſtolicam traditionem, & inde canalem in noſtra tempora dirigamus, optimum eſt, & ſine dubitatione faciendum.* Recte a Benediſtiniſ adnotatum in Margine: *Certiſſima regula veritatis exploranda Apoſtolica traditio.* Idem Auguſtinus Epiſtola ad Januarium 118. nunc 54. num. 1. *Illæ, inquit, quæ non ſcripta ſed tradita cuſtodimus, quæ quidem toto terrarum orbe ſervantur, datur intelligi vel ab iſtis Apoſtoliſ, vel plenariis Conciliis, quorum eſt in Eccleſia ſaluberrima auctoritas, commendata atque ſtatuta retineri, ſicuti quod Domini paſſio, & reſurrectio, & adſcenſio in cælum, & adventus de cælo Spiritus ſancti anniverſaria ſolemnitate celebrantur, & ſi quid aliud tale occurrat quod ſervatur ab univerſa, quacunque ſe diffundit, Eccleſia.* Adeat qui plura cupit Hieronymi Torrenſis Confeſſ. Aug. libro 1. cap. 7. art. 5. & 6.

Ceteros Patres Traditionibus ſuffragari eſt exploratiſſimum. De Ignatio Martyre, Papia, Polycarpo, & Clemente Alexandrino id teſtatur Euſebius in Eccleſ. H. collegitque loca omnia Nat. Alexander. Hieronymus Traditiones commendat adverſus Luciferianos Tom. 1v. edit. PP. S. Mauri p. 304. ſcripſerat ſupra pag. 294. *Nim & alia multa quæ per traditionem in Eccleſiis obſervantur, auctoritatem ſibi ſcripta legis uſurpaverunt.* Vide & Epiſtolam 52. ad Lucinium eodem Tomo pag. 579. Plura collegit in Confeſſione Hieronymiana Cornelius Schultingus. Sed hæc & genuina, & inviſta. Afferunt Patres reliquos Bellarminus lib. 1v. cap. 7. & ibidem Bellarmini Vindex Gretſerus, Iodocus Coccius in Theſauro libro v. 1. cap. 3. Moreau in Tertull. Tom. 3. pag. 716. Laurea in 111. ſent. tom. 3. diſput. 4. DD. ſuperius laudati, aliique plurimi; ut nullum ſit dubium, quin Traditio unanimi ſanctorum Patrum ſenſu probetur.

Poſtrema argumentatio ſit. Ipſi quoque hæretici, velint, nolint, ad Traditionum præſidium, dum inter ipſos gravia emergunt diſſidia, conantur fugere. Quomodo enim Peyrerium Syſtematiſ Prædamentiſ auctorem reſutarunt, niſi Traditione Majorum, quod ipſum impulſit ad Calvinianam ſectam ejurandam, ut ipſe teſtatus eſt in ſua ad Alexandrum. VII. Deprecatione? Socinianos ſenſum Scripturæ pervertentes nonne teſtimoniis Patrum confodiunt? Nonne vindicata Antenicænorum fide Georgius Bullus, aliique ſeſe tandem ad Majorum placita.

cita inquirenda convertunt, ne his abdicatis tanquam novæ doctrinæ assertores infimulentur qui aut Presbyterianis adhærent, aut certæ Religioni nomen dandum esse fatentur? David Blondellus Apologiam pro sententia, ut putat, Hieronymi, de primitiva Episcopi & Presbyteri *securia* contexit testimoniis Clementis, Hermæ, seu Pastoris, Justinii, Papiæ Hieropolitani, Irenæi, aliorumque, inanem dans operam ut evincat sententiam oppositam Ecclesiasticæ traditioni adversari. Simplicius Verinus, idest Salmasius, nititur Transsubstantiationis dogma impugnare coacervatis verbis Cyrilli, Theophylacti, Augustini, Eusebii Cæsariensis, Theodoretii, aliorumque ætate posteriorum. Hæc tantum exempla sat est protulisse. Accedit hæreticorum confessio; nam Calvinus contra Pighium, *Non diffculter*, inquit, *inter me, & Pighium in hac de Traditionibus contentione conveniri posset, si modo Ecclesiæ traditionem ex certo & perpetuo Sanctorum & Orthodoxorum consensu demonstraret.* Philippus Melanchthon apud Grotium Tom. iv. Op. Th. pag. 724. *Universalis consensus omnium temporum est testimonium quod hæc ordinatio est Apostolica.* Chemnitius in Examine Conc. Trid. pag. 306. scribit: *Hanc traditionem quæ nobis in manus dantur sanctæ Scripturæ libri reverenter suscipimus.* Drusius, Grotius, & alii docent Paulum ex traditione Jannis & Mambri magorum Pharaonis nomina didicisse. Ex eadem traditione notum Petro lapsum angelorum, scribit in ejus Epistolam 2. Thomas Smith. Trinitatis mysterium traditione Judæis innotuisse testatur in Hist. Relig. Jud. Jacobus Basnagius. Bucerus adversus Latomum, pag. 224. profitetur se in hac quæstione de Traditionibus loqui de novis noxiisque inventis, non de iis, quæ sancti Patres, & Ecclesiæ auctoritas tradidit. Vide citatum Grotium ad Consultationem Cassandri pag. 569. Hic vero cum eo loci, tum in Animadversionibus adversus Andreæ Rivetum, & in discussione Apologetici nobiscum plane in hac quæstione consentit. Jacobum quoque Piceninum asserere sacros libros recipi ex traditione priorum sæculorum dixi cap. x. prop. 2. Confirmatur ergo catholica veritas etiam hæreticorum hominum lubricationibus, & consensione.

C A P U T VI.

Hæreticorum adversus Traditiones præcipua argumenta.

NITUNTUR principio Sæclarii evertere Traditiones Scripturarum sanctarum præsidio. In Deuteronomio, inquirunt, cap. iv. 2. & cap. xii. 32. præcipitur ne Verbo scripto addatur aliquid, vel detracta-

detrahatur. *Non addetis ad verbum, quod vobis loquor, nec auferetis ex eo, & Nec addas quicquam, nec minuas.* Id in novo quoque Testamento præceptum eſſe liquet ex poſtremo Apocalypſ. cap. v. 18. *Si quis appoſuerit ad hæc, apponet Deus ſuper illum plagas ſcriptas in libro iſto.* Traditiones a Phariſæorum ſecta intruſas legi divinæ adverſari conqueritur Dominus Matth. xv. 6. & 9. eoſdem Phariſæos alloquens, *Irritum feciſtis mandatum Dei propter traditiones veſtras, & Sine cauſa me colunt docentes doctrinam, & mandata hominum:* quod & monet Apoſtolus ſcribens ad Coloffenſes cap. 11. 8. *Videſe ne quiſ vos decipiat per philoſophiam, & inanem fallaciam, ſecundum traditionem hominum.* Idem Apoſtolus intrudentibus præter Evangelium ex humana traditione doctrinam ad Galatas 1. 8. inſtigat pœnam ſegregationis atque anathematis, dicens: *Sed licet nos, aut Angelus de cælo evangelizet vobis præterquamquod evangelizavimus vobis, anathema ſit.* Et jure quidem: enimvero ad formandos mores, fidem inferendam, reſellendas hæreſes, impiosque arguendos, teſte eodem Apoſtolo in 2. ad Tim. 11. 16. *omnis Scriptura divinitus inſpirata utilis eſt.* Quænam alia inquirenda ſunt documenta? Eſt innumera Dominus Jeſus fecit, & docuit, non omnia tamen Evangeliſtæ mandarunt literis, ſed ea tantum, quæ videbantur ſufficiens fidei fulcimentum; unde ait Joannes cap. xx. 31. *Hæc autem ſcripta ſunt ut credatis.* Hæc rhetoricantes hæretici, ut imperitis fucum faciant, in diſſerendo verſuti & vaniloqui amplificanc. Si nefas eſt, inquiunt, Verbo ſcripto adjicere aliquid, ſi hæc Traditionum additio Phariſæorum inducit morem, legiſque contemptum, ſi inani fallacia infirmam decipit plebem, ſi contra illam Apoſtolus intorquet vibratque fulmen anathematis, ſi literis ſacris, præceptionibusque Evangelicis in fide ſatis inſtruimur; cuinam commodo, niſi forte pravorum, novorumque dogmatum patrocinio inveſtæ in Eccleſiam traditiones deſerviunt?

Reſp. Hæc omnia a Novatoribus aut callide, aut imperite urgeri contra Catholicum dogma. Etenim in Deuteronomio præſcribitur cæremonialium, & ſacrificiorum exacta obſervatio, quam nihil immutando curare debebant Levitæ, nec non præceptorum Domini inviolata cuſtodire: nam ſtatim additur cap. 1v. *Cuſtodite mandata Domini Dei veſtri, & x11. Quod præcipio tibi, hoc tantum facito.* Tantum dixit, ne Judæi in Idololatrarum regionem ingreſſi ſuperſtitioſos ritus ſeſtantes Religionem idolorum cultu commacularent. Vide ibidem verſu 30. Si his vetitum alia tradere; curnam Prophetarum recipimus vaticinia? cur Evangeliorum volumina? cur Epiſtolas Apoſtolicas, quæ tanto poſt Deuteronomium intervallo fuerunt conſcriptæ? Cur etiam novæ inſtitutæ feſtivities, quas ſacræ Judith, Eſtheris, & Machabæorum commendant hiſtorię? Ergo in Deuteronomio legis præcepta integre ſervanda proponuntur, reſectis Gentium moribus,

204.

L11

idolo.

idolorumque superstitionis immolationibus. Quis præterea ignorat *verbum* דבר, non solum divinam Scripturam, verum etiam latam, ore legem significare? Vidit, irrisitque Sectariorum cavilulam etiam Grotius Arminianus scribens ad 1v. Deuteronomii: *Hoc dictum neque traditionibus scriptum interpretantibus, neque præceptis humanis legem sapientibus repugnat*. Idem dic de verbis Apocalypseos: in quibus etiam notandum est *non ad hæc, in quæ*, quibus repellitur additio ipsi libro, ejusque vaticiniis apposita. At nemo est, qui istud, aut aliud Volumen sacrum audeat temerare, nisi magnopere audax heterodoxus.

Pharisæorum traditiones & nos repudiamus, spuræ enim sunt, ineptæ, aniles fabulæ, & divinis præceptis contrariæ. Quædam enim Pharisei servabant ex continua & a Moyse derivata disciplina, quædam ex institutis Sammai, & Hillel, unde exorti sunt, ut inquit Hieronymus lib. 111. Comment. in Isaiam Tom. 111. pag. Edit. Martianæ 79. Traditiones prioris generis perutiles erant, aliæ vel iniquæ, vel futes, nec dignæ obolo. Primæ etiam a Christo commendantur Matthæi xx111. 2. ut observat in Psalmum 2. Hilarius: secundæ rejiciuntur Matth. xv. 6. Illæ ab universa Synagoga, exceptis Sadducæis, recipiebantur: istæ in sola Phariseorum secta vigeant. De illis traditionibus perantiquis, & a tota Synagoga receptis pertractat R. Moses Maimonides in libro, quem *Chazakah* inscripsit, & vir eruditus Joseph de Voisin de Lege divina cap. 9. spectantque ad benedictionum, & expiationum ritus. Alias Phariseorum traditiones a Sammai, & Hillel inductas, & quas Salvator apposite indigavit iis vocabulis, *propter traditiones vestras*, probus quilibet irridet. Harum nonnullas adversas filiorum erga parentes pietati explicavimus hujus voluminis pag. 35. atque de his liquet sermonem institui cap. xv. Matthæi. Alias cum sædas, tum risu dignas recenset Magnus Hieronymus in Epist. ad Algasia pag. 207. Tom. 1v. ejusdem Editionis Martianæ, scilicet, ignominiosam consuetudinem probandi gustu munditiem sanguinis menstruatæ, & ambulare in domo unaquaque sabbatorum bis mille pedes. Inter has traditiones, quas Hieronymi ætate vocabant *superstitiones*, connumerandum est, quod scribit S. P. Augustinus lib. 2. contra Advers. legis cap. 1. *Judeos habere quasdam traditiones suas, quas non scriptas habent, sed memoriter tenent; inter quas illud est, Denum primo homini duas creasse mulieres*. Revera in Talmud Babylonico, quod Augustino superstite nondum prodierat, absolutum enim dicitur anno 473. in libro *Erubin*, & in libro *Ben-Siræ* commemorantur duæ illæ Adami uxores, Lilit dæmonum genitrix, & Eva protoparens hominum: quod ad intelligentiam illius Augustiniani loci non abs re fuerit adnotasse. In Talmud pariter libro *Sanhedrin* cap. 10. habetur duo illa Phariseorum capita Sammai, & Hillel

Hillel gloriam suam gloriæ Dei præferentes fecisse schismata in Israel. Quod ergo obijciunt ex traditionibus Phariseorum hæretici, hac ratione repellitur; nam Christus damnas a Sammai, & Hillel inductas, non derivatas a Patribus, ac præsertim erga Parentes impietatem. At vide lib. xx. cap. 6. harum nostrarum lucubrationum.

Ait Clericus in Prolegomenis ad H. Ec. scēt. 1. cap. 2. seposita divina Christi auctoritate constare e Judæis scriptoribus, Phariseos multa quasi legitima tradidisse populo accepta a Patribus, quæ non sunt scripta in legibus Moysi. Fateor: id Josephus scribit Antiq. xiii. c. 18. sive 10. num. 6. in postrema Editione Amstelædami Tom. 1. pag. 663. Verum quid Criticus iste contendit? Num, qui Traditiones propugnant, sequuntur consuetudinem Phariseorum? At eo loci Josephus ait Patrum traditiones rejici a secta Sadduceorum. Atque Sadducæos fuisse Phariseis longe deteriores, quoniam negabant Deum auctorem bonorum, & permancere animas, & præmia, suppliciaque dari apud inferos, idem Josephus scribit Antiq. xviii. 1. & de Bello 11. 8. Respuentes itaque Traditiones æquiparandi sunt Sadducæis, Clericus maxime liberi arbitrii cum Sadducæis ostentator. Verum Josephus Phariseorum, quibus addictus erat, sectam nimium celebrat. Quamvis hi Traditiones optimas tenerent, V. G. de immortalitate animorum, & resurrectione corporum, quas Paulus probat Act. xxiii. 8. istis traditiones alias humanas, & paullo ante Christum excogitatas commiscuerunt. Si petas, qua norma hæ ab antiquis possent scerni; Phariseos ipsos interroga: qui, ut Hieronymus scribit citata ad Algasiam Epistola, q. 10. illorum mores redarguentibus solent respondere: *Barabbas, & Simeon, & Helles magistri nostri tradiderunt*. Hieronymo, ut diximus, consentit Talmud; & perperam Drusius de tribus scētis Jud. lib. 2. c. 10. & Basnagius Tom. 1. Annal. pag. 549. contendunt Hieronymum errare, quia Hellel fuit centum ante excidium Templi annis, nec Judæus, sed Babylonius; quasi non possit idem nomen pluribus convenire. Ita ergo quæ ab hominibus tradita, neque antiquitus in Apostolica Ecclesia viguisse comperimus, ad hominum adinventam amandamus: atque in his certum judicii criterium requirimus; ne quis nos decipiat *per philosophiam, & inanem fallaciam*, juxta D. Pauli præmonitionem.

In Epistola ad Galatas Apostolum loqui de illis, qui ab Evangelio abducebant, contententes cum lege Christi jungendam circumcisionem & cæteris cæremoniis, Epistolæ argumentum evincit. Ergo versu 8. particula *præter* idem est, & *contra* quam. Ita S. P. Augustinus scribens libro xx. contra Faustum cap. 22. *Longe aliud annuntiat Faustus, aliud Paulus. Sed quoniam quisquis vobis evangelizaverit præter quam quod accepistis, anathema sit: verum dicit Christus in Paulo, anathema sit Manicheus in Fausto*. Vide & Enarrat. in Psalm. 115.

Consentit Hieronymus Tom. 1v. pag. 228. Extat in Græco *παρ' ἡμῶν*. Particulam *παρ' ἡμῶν* interdum esse *contra*, liquet ex Lexicis Constantini Medici, Henrici Stephani, & Joannis Scapulæ. Tria exhibet exemplum in Solone Plutarchus. *παρ' ἡμῶν*, ut hic extat, valere *contra quam*, probat in Commentariis Linguae Gr. Guil. Budæus pag. 246. Similia promittit Grotius ex Aët. xv 111. ac tribus in Epistola ad Romanos expressis locis. Versio Arabica, & Aethiopica habent: *Si nos, aut Angelus de caelo annuntiet vobis quicquam diversum, &c.* non solum in Bibliis Max. Tom. xv. pag. 6. verum & in Waltonianis N. Test. pag. 756. Oecumenius utique, ac Theophylactus docent reprehendi a Paulo non tantum qui contraria addunt, sed etiam qui adjiciunt *aliud quodlibet parum a prædicto diversum*, sed accipiendi sunt de iis, qui licet Evangelio non opponantur aperte, illud tamen, ut inquit Chrysostomus, quem sequuntur ipsi Oecumenius & Theophylactus, *predicatione corrumpunt*. Ac tales erant qui Galatis imponebant simul Evangelium, Moïsique legitima. Demum Verbum evangelizatum tam Scripturam complectitur, quam Traditionem.

Recte idem Apostolus in 2. ad Timotheum appellat Scripturam idoneam atque perutilem, at non ait Scripturam solam sufficere: nam in eadem Epistola 1v. 11. Marcus dicitur *utilis in ministerium*, nec tamen supervacanei erant Lucas, Titus, Timotheus, Onesimus. Utilis est etiam cibus ad nutriendum, nec tamen rejiciendus est potus. Adde loqui Apostolum de scripturis veteris Testamenti, nam præmittit, *Ab infantia sacras literas nosti, quæ te possunt instruere ad salutem*; Timotheus vero infans non legit Testamentum novum, quod nondum erat conscriptum, & sacrarum Scripturarum canoni agglutinatum. Vide in hunc locum Estium, ac Sylvium Opusc. v. q. 2. art. 1. Becanum etiam in Manuali lib. 1. cap. 2. Sensum Apostoli paucis expressit Syrus: *Omnis Scriptura, quæ a Deo inspirata est, utilis est etiam ad docendum*.

Simili ratione Joannes in cap. Evangelii vicesimo ait, *Hæc autem scripta sunt, ut credatis*: non quod Evangelium omnia credenda contineat, nam aliquin ipse nec Epistolas, nec Apocalypsim edidisset, & supervacanea essent pariter, quæ literis mandavit Paulus, quæ Lucas, quæ Jacobus, quæ Judas; sed quia enarrata in Evangelio Joannis, & a Christo facta in conspectu discipulorum, postquam surrexit a mortuis, abunde comprobant ipsum esse Dei Filium, plenissimamque fidem faciunt legentibus de veritate Evangelii, & resurrectionis eventu. Atque hanc explicationem traditam a Cyrillo, & D. Thoma in Joannem ipsa Evangelici textus lectio confirmat. Ex quibus liquet Catholicum de Traditionibus dogma nec veteris, nec novi Testamenti locis ullatenus concuti, qualescunque nugæ garriant, oblatrentque Sectarii.

Tradi-

Traditiones non poſſe ex libris PP. comprobari contendunt hæretici proximis argumentationibus . Primo ignoramus num Patrum ſcripta haud mutilata , nec ſpuria ad nos temporis viciffitudo tranſmiſerit . Negari quippe non poſſumus interpolata fuiſſe Aëta Concilio- rum , veteres Liturgias , ac Patribus codices plures adulterinos ſuppoſitos : quod non ſolum aſſeruit Dallæus , Rivetus , Clericus , ſed etiam erudita diſſertatione oſtendit Gërmon . Quæ ad nos incorrupta pervenerunt , ut plurimum ambigua ſunt , nec exhibent ſacrorum dogmatum integritatem : nam invenies in libris Veterum repudiatum homouſion a Synodo Nicæna probatum , & uſiam , hypoftaſim , aliaque plura diverſo plane ſenſu prolata . Etiam Corpus pro ſubſtantia uſurpavit Tertullianus . Præterea Patres a priſcis ſæculis falſa dogmata pro legitima traditione venditarunt . Papias apud Euſebium ex traditione non ſcripta intruſit peregrinas Salvatoris parabolas , regnumque Chiliaſtarum . Impegere in eundem ſcopulum Juſtinus , Irenæus , Tertullianus , Laſtantiuſ . Tertullianus de Corona ait cap. 3. vetitum ex traditione die dominico *de geniculis adorare* . Cyprianus adverſus Stephanum traditione contendebat tinctos ab hæretico rebaptizandos . Trinam in baptiſmo immerſionem ſervandam ex Apoſtolica traditione docuerunt Alcuinus Epift. 81. ad Paulinum , & Walfridus libro de Rit. Eccl. cap. 26. quod tamen Synodus iv. Toletana abrogavit . Mitto exempla alia . Traditio itaque dogmatum puritatem commaculat . Inſuper ſi ex traditione Patrum comprobatur doctrinæ veritas , nulla erit hæreticorum ſecta quæ propugnari non poſſit . Nam Baſilides , Valentinus , Marcion , aliæque peſtes ſe audiviſſe Apoſtolorum diſcipulos gloriabantur . Pro nihilo itaque valet in fidei definitionibus antiquorum auctoritas .

Reſp. ad 1. temere dici interpolatos Patrum libros univerſos , etſi nonnulli aut amanuenſium incuria , aut fraude hæreticorum fuerint viatiati : neque ex his , quæ dubiæ ſunt fidei , dogmata confirmamus , ſed ex receptis , vindicatis , & qui Scriptorum aliorum magnæ in Eccleſia auctoritatis teſtimonio non reſragantur . Quamquam etiam ſine ſcriptis Patrum traditio poteſt conſtare , ut de barbaris gentibus inquit lib. 111. cap. 4. Irenæus : *Cui ordinationi aſſentiuntur multorum gentes barbarorum , eorum qui in Chriſtum credunt , ſine charta & aſtramento ſcriptam habentes per ſpiritum in cordibus ſuis ſalutem , & veterum traditionem diligenter cuſtodientes* . De codicibus , qui depravati creduntur , vide Vindicias doctiſſimi Patris Couſtant . Quod ſequitur de varia ſignificatione vocabulorum , facile expeditur ; percipiuntur enim ſingula , ſi Scriptorum ætatem , graſſantes hæreſes , ſtili conſuetudinem , & interdum verborum penuriam , qua laborant qui græcæ latine reddunt , ſedulo perpendamus , maxime autem Apoſtolicæ Eccleſiæ iudicium : nam Traditionis regula nemo bene utitur , qui Eccleſiæ

ſiæ

sive spernit auctoritatem. Proximum ex ipso Basnagio, qui argumentum istud urget, diluitur. Dissert. enim ix. adversus Tradit. exornata n. 16. agens de canone Scripturarum, ait, quod etsi complures de Epistola Judæ, de Jacobæa, & de Apocalypsi olim dubitarunt, non tamen *in eam calamitatem incidit Ecclesia; ut communi omnium Christianorum conspiratione liber qui divinus esset canone pelleretur*. Idem tenent Novatores alii ex Ecclesiæ conspiratione Scripturarum canonem, ut inquirunt, recipientes. At eo prorsus pacto traditio a Papia evulgata homine ingenii exigui, dogma communi aliorum sensu probatum commaculare non potuit, ut ostendi lib. 111. cap. 9. præsertim cum ipse Papias apud Eusebium lib. 111. H. E. aliique Chiliastræ Traditiones comprobant, tametsi minus accurate inductas a Cerinthianis cum veris & Apostolicis intruserint. Tertullianus autem in 3. de Corona labitur, traditionem appellans, quod repugnat Scripturæ Act. xx. 36. cum utrumque tenendum sit, Verbum scriptum ac traditum; & traditio repugnans aperte verbo scripto nequeat esse Apostolica. Illud vero quod de trina immersione additum est, spectat ad disciplinam & ritum, non ad dogma: potuitque variari, quoniam sicut trina immersio significat *triduana sepulture sacramentum*, ita una comonstrat *in tribus subsistentiis unam substantiam*, inquit Epist. 41. Magnus Gregorius; cujus auctoritate freti Patres Toletani decreverunt c. 45. ut conferretur baptisma sive *trina*, sive *simplici* immersione. Ergo id reprehendere non debebant post annos fere 200. Alcuinus, & Walfridus: quorum zelum coercere studuit an. 868. Synodus Wormaciensis confirmans canone 5. Toletanæ definitiones. Sed legendus Martene de Antiq. Rit. libro 1. art. 14. Ipse Basnagius, qui hæc post Dallæum objectat, num. 29. scripserat num. 24. *Dum pietatis dogmata morumque præcepta salva maneant, de ceremoniis pax esse poterit*. Postremum de hæreticis facillimæ est solutionis; illi quippe cum traditione, tum scriptura abutuntur; sed quemadmodum Scripturæ canonem debemus inquirere in Apostolica Ecclesia, ubi est continuata ab Apostolis Episcoporum successio; ita ibidem, juxta Irenæi & Augustini documenta superius producta, legitimæ traditiones custodiuntur.

Deinde obijciunt hæretici innumeras Patrum sententias. Ac primo inquirunt Irenæum lib. 111. cap. 1. hæc habere: *Non enim per alios dispositionem salutis nostræ cognovimus, quam per eos, per quos Evangelium pervenit ad nos: quod quidem tunc præconiaverunt, postea vero per Dei voluntatem in Scripturis nobis tradiderunt, fundamentum, & columnam fidei nostræ futurum*. At liquet eo loci Irenæum Traditiones non excludere, sed refellere Marcionitas, qui Apostolicis scriptis alia præferebant a se mutilata, gloriantes emendatores se esse Apostolorum, nec in Apostolis Spiritum sanctum locutum, sed reperti veritatem aliquando in Valentino, aliquando in Marcione, aliquando

quando in Cerinto; ut ibidem ait Irenæus, necnon Tertullianus lib. 2. adv. Marcionem, & Epiphanius hæreſi 42. Inſiſtunt hæretici: Nonne Irenæus proximo capite inquit Valentinianos, dum e Scripturis arguuntur, ad Traditiones converti, *quafi non poſſit inveniri veritas ab his, qui neſciunt traditiones*? Reponimus autem iſtic Irenæum eos inſectari, qui obtrudunt traditiones humanas exploſis Apoſtolicis: ſequitur namque num. 2. *Cum autem ad eam iterum traditionem, quæ eſt ab Apoſtolis, quæ per ſucceſſiones præbyterorum in Eccleſiis conſtituitur, provocamus eos, adverſantur traditioni, dicentes ſe non ſolum præbyteris, ſed etiam Apoſtolis exiſtentes ſapientiores ſinceram inveniffe veritatem*. Vides quantum hæc cum ſuperioribus cohære ant. Sed heterodoxi rgerunt: Irenæus lib. 2. cap. 47. ait *ſcripturas perfectas eſſe*; ac lib. iv. cap. 66. inveniri in illis *univerſam actionem, & omnem doctrinam, & omnem paſſionem Chriſti*. Nihil tamen hæc probant; nam lib. 2. cap. 47. ſive ex diſtinctione Maſſuet 38. num. 4. invehitur in eos, qui adverſus ſcripturas aperte unum Deum annuntiantes, commenti Ennææ, & Verbi, & Vitæ nativitates, ipſam Dominum dicebant *labi fructum, & ignorantia prolationem*. Hi erant Valentiniani fabricatores Aeonum. Lib. autem iv. cap. 66. ex diſtinctione Maſſuet 34. num. 1. reſellit Marcionitas autumantes ab altero Deo eſſe prophetas, ex quo hi a Chriſto facta prædixerint, & novum Teſtamentum vaticiniis antiqui conſentiat. *Legite, inquit n. 1. diligentius id, quod ab Apoſtolis eſt Evangelium nobis datum, & legite diligentius prophetas, & invenietis univerſam actionem, & omnem paſſionem Domini noſtri prædictam in iſtis*. In ſubjecta itaque materia, de qua cum hæreticis decertabat Irenæus Scripturas commendat, non rejectis traditionibus, ſine quibus nec Scripturarum ipſarum perſiſtcret auctoritas.

Provocant præterea nos ad Tertullianum, qui contra Hermogenem cap. 22. *Adoro, inquit, ſcripturæ plenitudinem; paucique interſectis, Væ illud adjicientibus, aut detrabentibus deſtinatum*. At ibidem reſutatur Hermogenes aſſerens mundum ex præjacenti materia conditum. contra apertam Geneſeos hiſtoriam, quæ initio Factorem manifeſtat & facta, illis nempe verbis, *In principio creavit Deus cælum & terram*; quibus allatis ait Tertullianus, *An autem de reliqua ſubjacente materia mundum fecerit uſquam legi. Væ illud adjicientibus*, ideſt mundum eſſe factum ex materia Deo cœterna, aut detrabentibus deſtinatum, ſcilicet in principio Deum e nihilo cælum terramque condidiſſe: væ ſcripturam, qua pleniffime Deus aſſeritur Conditor univerſorum, temere mutilantibus. Solet opponi & quæ ſcribit de Carne Chriſti cap. 7. *Non recipio quod extra Scripturam de tuo inferi*. Sed notandum eſt Marcionem, ne humanam Chriſti fateretur generationem, pluribus Evangelii verbis reſciſſis,

ver-

versum 47. cap. xii. Matthæi, *Ecce mater tua, & fratres tui, &c.* hac ratione eludere studuisse, *Tentandi gratia nuntiaverant ei matrem & fratres, quos non habebat*; hæc ibidem Tertullianus, qui ostendens laudato in versu non esse materiam tentationis, ut est cap. xix. 3. & xxii. 35. *Non recipio*, inquit, *quod de tuo inferi*, nuntiatum Christo, *Ecce mater tua, & fratres tui*, non quod haberet matrem, fratresque, sed tentandi animo: quibus non traditiones eliminat, sed miserrimum Marcionis effugium. Idem Tertullianus de Resurrect. Carnis cap. 3. arguit hæreticos, quod cum Ethnicis sapiant, nec de Scripturis solis quæstiones suas sistant. Verum quid sibi velit, satis explicat dicens, *Interstruunt unde sciunt facile capi mentes de communiore favorabili sensuum*, nimirum hæretici, licet Scripturas recipere videantur, more Ethnicorum probant tantummodo obvia sensibus, nec solis scripturis nituntur, sed humani sensus fallacia. Quare mirandum est Novatores tam confidenter abuti verbis Tertulliani; quum is de Præscript. demonstret hæreses refellendas ex quo aliquid novi in Religionem intrudent, viamque confutandi illos scripturis esse longam ac perdifficilem, quia vel sacros libros non recipiunt, vel corrumpunt ac temerant, vel sensus prave illis affigunt; inquirendam ex successione Episcoporum Ecclesiam, cui scripturæ concreditæ sunt, & antiquissimam ejus doctrinam tenendam, nuporam vero repellendam tanquam extraneam & falsam; ne repetam quæ attuli capite præcedenti.

Urgent & Cypriani verba ex Epistola ad Stephanum 74. in qua ad illam sententiam Pontificis, *Nihil innovetur, nisi quod traditum est*, respondet Martyr sanctissimus: *Unde est ista traditio? Ea facienda esse, quæ scripta sunt, Deus testatur*. At Cyprianus ad sacras literas provocat, quoniam hoc loco arbitratur Traditionem præscriptam a Stephano commentitiam esse, scripturisque unam Fidem, & unam Ecclesiam commendantibus repugnantem, paratus tamen recipere traditionem perantiquam & Apostolicam, ut ait sub finem ejusdem Epistolæ: *Si in aliquo vacillaverit veritas, ad originem Dominicam, & ad Evangelicam, atque Apostolicam traditionem revertamur*. Liquet etiam ex Epistolis Cyprianicis ad Pompejum, & Jubajanum, sanctum martyrem opposuisse consuetudinem, traditionemque Ecclesiæ Africanæ; ut etiam S. Pater Augustinus animadvertit lib. v. de Baptismo cap. 23. sed huc consuetudini præferendam, consuetudinem universæ Ecclesiæ etiam Conciliis universalibus roboratam, ex ejusdem Cypriani sententia, ut S. Pater Augustinus scribit proximo libro vi. cap. 7. Haud repetam quæ protuli ex Epistola 63. ad Cecilium de Calicis consecratione, scripta a Cypriano jam Episcopo, ut ex Auctore Annalium Anglorum probat Dupinius.

Obtrudunt & Basilium, quo nullus Traditiones commendavit

ex-

expreſſius. Inquiunt illum in Regulis brevioribus n. 95. aſſerere de Epifcopo, *E divinis literis edifcat rectum, & neceſſarium*. At præterquamquod ex Paulinis Epiftolis poteſt Epifcopus illud etiam addiſcere quomodo fit cuſtodiendum *depoſitum*, quomodo traditiones ſervandæ, ut idem Baſilius ſcribit ad Amphiloſchium, in breviori illa Regula 95. ait poſſe Epifcopum edifcere ex prima ad Corinth. iv. 1. ut ſit *miniſter Chriſti, & diſpenſator myſteriorum Dei*; & ex 2. ad Theſſalonicenſes 11. 16. ut fratres *confirmet in omni opere, & ſermone bono*: quæ duo Epifcopum rectum, probumque conſtituunt: ſed ut his polleat, opus illi eſt doctrina ſana, vitæ integritate, & ſacræ eruditionis ornatu. Objeſtant & Baſilii Epiftolam 80. ubi ait: *Stemus arbitratui inſpiratæ a Deo Scripturæ*. His tamen verbis cautos nos reddidit ne ad libitum, & ante Eccleſiæ definitionem, ſacræ dogmata explicemus vocabulis ambiguis & apud Patres inuſitatis, & *quæ ejuſdem generis eſſent, ut præter vocis novitatem, ſenſum etiam nobis novum, & inuſitatum afferrent, & apud ſanctos Viros nuſquam in uſu fuiſſe reperirentur*: quibus an traditiones evertat, an roboret, judicet cordatus lector. Addunt Baſilium in Aſceticis *de vera ac pia fide* commone- re ut fugiamus *omnem a Dominica doctrinam alienam, & vocem & ſententiam, & infidelitatis maniſeſtiſſimum indicium eſſe Scripturis adſicere, & ea quæ non ſunt ſcripta introducere*. At hæc ſive Baſilius, ſive Euſtathius Sebaſtenus, cui Adſcetica tribuit lib. 111. cap. 15. Sozomenus, ſcripſit adverſus hæreticos; de quibus Joannis x. 5. præſcriptum Chriſti ovibus eſt: *Non noverunt vocem alienorum*.

Ex Chryſoſtomo hæc promunt. Primum ait ille in Pſalmum 95. *Si quid dicitur abſque Scriptura, auditorum cognitio claudicat*. At iſtic eos vellicat, qui ſacras Conciones ſtruunt profana tantum loquentia, aut e ſuo cerebello ratiocinationes effingunt, *ſine teſtibus, ſolaque animi cogitatione*, inquit ibidem Chryſoſtomus: in quem lapidem impingunt tam qui paradoxa eruſtant, quam ii, qui e ſuggeſtu nihil crepant, niſi Tullium, Boccacium, Caſam, naſci auditores a Paulo prænuntiatis, & auribus prurientes. Addit Chryſoſtomus, inquiunt, Hom. 49. in Matt. *Volentes firmitatem accipere fidei ad nullam rem fugiant, niſi ad Scripturas*. At de his auctor homiliæ, quem alium eſſe a Chryſoſtomo, & Ariana labe inquinatum, Sixtus Senenſis, Savilius, Bellarminus, Maldonatus, Labbeus, Dupinius, Alexander, omneſque conſentiunt; de his, inquam, loquitur, qui Antichriſto adveniente nullum alium Redemptorem agnoſcent, niſi quem viderint palam deſcendentem de cælo, juxta divina oraſcula Matth. xxiv. 27. Imo in eadem homilia pag. editionis Commelinianæ 954. affirmatur nos in fide fore perfectos, ſi non tantum *Scripturis*, verum etiam *doctrinæ Sacerdotum aſſidui fuerimus*. Præterea obijciunt quod in Hom. x111. in 2. ad Corinthios appellat Scripturam exactam rerum

To. IV.

M m m

omnium

omnium *lancem ac normam*; quod de ipsa Scriptura dici ego fateor, sed agit eo loci Chrysostomus de præceptis, moribusque ad illorum præscriptionem formandis, ac præsertim de divitiarum contemptu, allatâ parabola divitis & pauperis Lucæ xvi. 19. & sententia illa Matth. xix. 24. *Facilius est camelum per foramen acus transire, quam divitem intrare in regnum cælorum*. Scripturam autem esse formandorum morum exactam regulam, maxime Patrum commentariis collustratam, non est qui deneget.

Veniamus ad Hieronymum. Inquiunt præclarissimum hunc Ecclesiæ Doctorem scripsisse in Psalmum 86. Tom. 2. pag. 350. *Quamvis ergo sanctus sit aliquis post Apostolos: quamvis discretus sit, non habet auctoritatem*. Respondemus asserere istie Hieronymum privata scripta non esse Apostolicis comparanda, & quæ paucis scripta fuerunt, abscindenda a canone eorum, quæ principes Ecclesiæ, & principes Christi non scripserunt paucis, sed universo populo. Rejicitur ergo a Hieronymo privata commentatio, non universalis Ecclesiæ traditio. Deinde opponunt quod scribit in cap. 1. Michææ Tom. 111. pag. 1503. egressam non esse Ecclesiam *de finibus suis*, idest, *de scripturis sanctis*. Sed inepte & imperite; reprehendit enim ibidem hæreticos, qui contortis explicationibus sacras literas pervertentes, domum suam non in scripturis construunt, sed in vicinia Scripturarum: quod mirifice adversariis nostris convenit. Addunt Hieronymum in 1. Aggæi eodem Tom. p. 1690. hæc habere: *Quæ absque auctoritate & testimoniis Scripturarum, quasi traditione Apostolica sponte reperiunt, atque confingunt, percussit gladius Dei*. Optime: quæ sponte confingunt hæretici, nec a majoribus acceperunt, ut *observationes varias, Chameunias*, idest, *humidum dormitiones*, & *Empyras*, idest, aridas epulas, ineptiasque de Tæciani radice crescentes, quibus hæreticorum conciliabula deceptis populis blandiuntur. Nil ergo hoc loco efficit auctor Apologiæ Anglicanæ. Obijciunt & quod ait contra Helvidium. Tom. 1v. pag. 141. *Ut hæc quæ scripta sunt non negamus, ita ea quæ non sunt scripta renuimus*. At quænam isthæc sunt? Mariam nupsisse post partum; quod tradidit ante Helvidium Ebion, & Theodotus Byzantinus. Accedit quod ibidem Hieronymus scribit posse Helvidium etiam traditione refutari: *Nunquid non possim tibi, inquit, totam veterum Scriptorum seriem commovere, Ignatium, Polycarpum, Brenanum, Julinum Martyrem, multosque alios Apostolicos, & eloquentes viros?* Sed Scripturis garrientem apposite iisdem armis revincit. Rursus opponunt, quæ Hieronymus habet in Caput 23. Matth. eodem Tom. 1v. pag. 112. *Hoc quia de Scripturis non habet auctoritatem, eadem facilitate contemnitur, quæ probatur*. Verum quid est Hoc? Zachariam filium Barachia occisum inter templum & Altare, esse Zachariam patrem Joannis, quod aliqui affirmabant ex quibusdam apocry-

apocryphorum ſomniis : quare ibi reſelluntur ſcripta apocrypha, non legitimæ traditiones. Demum Hieronymus in caput 1. Epiſt. ad Titum eodem Volumine pag. 419. inquit : *Sine Scripturarum auctoritate garrulitas non haberet fidem* : quæ cum ſcripta ſint adverſus ſubdolos, qui deſtituti præſidio veritatis nituntur *perverſam doctrinam etiam divinis teſtimoniis roborare*, non pugnant adverſus nos, qui præter Scripturam utimur Traditione; ſed contra garrulos ſubverſores, Scripturarum auctoritate, ſine qua non haberent fidem, hæreſim diſſeminantes, uti fecerunt quidam de circumciſione Judæi, ut adverſus naſcentem Eccleſiam præcepta legalia introducerent.

Proximus eſt Auguſtinus, ex quo ſex loca producantur faciliſſimæ ſingula expeditionis. Ac primus eſt, ut librorum teneamus ordinem juxta PP. S. Mauri editionem Pariſienſem, in Epiſtola ad Hieronymum 82. alias 19. ubi num. 3. ait ſolis Scripturarum libris hunc honorem deferendum, *Ut nullum eorum auctorem ſcribendo aliquid erraſſe, firmiſſime credendum ſit*. Quo in loco iſtud tantum Auguſtinus contendit, nullius privati Scriptoris libros excipiendos, *tanquam Prophe-tarum & Apoſtolorum*: de quorum ſcriptis quod omni errore careant dubitare nefarium eſt. Ita S. Pater eadem Epiſtola, eodemque numero, pag. 190. Tom. 11. Quid vero de iis, quæ non ſcripta, ſed tradita a Catholica Eccleſia cuſtodiantur? Hæc, *vel ab Apoſtoliſ, vel a plenariis Conciliis, quorum eſt in Eccleſia ſaluberrima auctoritas, commendata atque ſtatuta eſſe*, ideoque inviolabiliter ſervanda, eximius doctor ſcribit eodem Volumine, pag. 124. in Epiſtola 54. olim 118. ad Januarium. Alter locus extat Tom. 111. de Doctrina Chriſt. lib. 11. cap. 9. num. 14. ubi ait : *In iis enim, quæ aperte in Scripturis poſita ſunt, inveniuntur ea omnia, quæ continent fidem, moreſque vivendi*. At hæc accipienda eſſe de præceptis, fideique myſteriis, quæ unicuique perſpicua ſunt in Chriſti Eccleſia, non de complexu dogmatum, univerſorum, liquet ex quo ibidem ſequatur, *Spem ſcilicet atque caritatem*; & ex quo S. Pater lib. v. de Baptiſmo cap. xxiii. num. 31. ſcribat : *Sunt multa, quæ univerſa tenet Eccleſia, & ob hoc ab Apoſtoliſ præcepta bene creduntur, quamquam ſcripta non reperiantur*. Vide Tom. ix. pag. 156. Tertius petitur ex eodem Tom. 111. 2. p. pag. 619. ideſt, Tract. 49. in Joannem, ubi hæc leguntur : *Electi ſunt quæ ſcriberentur, quæ ſaluti credentium ſufficere videbantur*. Aſt horum verborum ſenſus eſt, ſufficere ſigna in Evangelio enarrata, imo ſolam Lazari reſurrectionem, ut *datiſ velut ſua virtutis iudiciis, credamus in Chriſtum*; nec ibi ſermo eſt de credendorum dogmatum plenitudine. Depromptus eſt quartus ex libro de Bono Viduitatis cap. 1. num. 2. Tomo vi. pag. 269. *Sancta enim Scriptura noſtræ doctrine regulam figit*. Verum neque his verbis diſpungitur Patrum traditio; neque de alia re agitur, niſi de quaſtione ad vitam moreſque pertinente,

de professione scilicet viduitatis. Quintus habetur Tom. vii. pag. 704. live libro 11. contra Maximinum cap. 14. num. 3. Est autem: *Sed nec ego Nicanum, nec tu debes Ariminense tanquam præjudicatus proferre Concilium. Nec ego hujus auctoritate, nec tu illius detineris. Scripturarum auctoritatibus, non quorumque propriis, sed utrisque communibus testibus, res cum re, causa cum causa, ratio cum ratione concertet.* Sed ibidem Augustinus hæreticum nullo in pretio habentem Concilium Nicænum, illique opponentem Ariminense, compellit ad recipiendum *Homoousion* auctoritate Scripturarum, idest, versu 20. capitis v. Epistolæ 1. Joannis: *Hic est verus Deus, & vita æterna*; non quod Augustinus aut Concilia nanci faciat, aut Traditionem contemnat, nam ibidem ait: *Hoc est illud Homoousion, quod in Concilio Nicæno adversus hæreticos Arianos a catholicis Patribus veritatis auctoritate, & auctoritatis veritate firmatum est*; sed ut confugientem ad Scripturas, scripturis vellicet, & confodiat. Recole quæ diximus cap. præcedenti, argum. 1v. probatum in Nicæna Synodo ab Athanasio *Homoousion* ex Patrum traditione, ut inquit Theodoretus lib. 1. cap. 8. pag. edit. Moguntinæ 29. Postremus locus occurrit Tom. x. pag. 70. idest libro 11. de Peccat. mer. cap. 36. num. 59. *Ubi de re obscurissima disputatur, non adjuvantibus divinarum Scripturarum certis, clarisque documentis, cobibere se debet humana præsumptio nihil faciens in partem alteram declinando.* Utilissimum quidem monitum in questionibus obscurissimis, (qualis tunc erat de animorum traduce eo loci pertractata,) a differentibus religiose servandum, ut magis, inquit ibidem sanctus Pater, *inquisitio cauta laudetur, quam precipitata reprehendatur assertio.* At negamus questionem esse obscurissimam, ubi sit explorata Apostolicæ Ecclesiæ traditio.

Eruuntur ex dictis quatuor Regulæ ad quælibet alia Patrum testimonia explicanda: quarum prima est, Patres dum ad solas scripturas provocant hæreticos, solis illis catholicam fidem asserere, quoniam in subiecta materia, idest, ad errorem illum refellendum sufficiunt, posteaquam Traditione Ecclesiæ affectui sumus Scripturarum ipsarum Canonem, & sensum. Ita Irenæus Scriptura revincit Marcionem, Tertullianus Hermogenem, Augustinus Maximinum: atque ita Athanasius orat. 3. contra Arianos, & magnus Constantinus apud Theodoretum lib. 1. cap. 7. inquit scripturis comprobari Verbi divinitatem. Altera regula est, ut distinguantur ea quæ ab omnibus promiscue credenda sunt, ut Deum esse unum, & Trinum, Verbum hominem factum, ab iis quæ custodiuntur ab Ecclesia, ejusque Rectoribus, ut hanc Scripturam esse Canonicam, illam Traditionem perantiquam: & de iis, quæ generatim ad singulos spectant, accipiamus sententias Patrum, ubi docent in Scripturis omnia contineri. Atque hac regulâ explicamus non solum Basilium in Regulis brevioribus, Chrysostomum

mun hom. 13. in 2. ad Corinth. Auguſtinum 2. de Doſt. Ch. 9. verum etiam Cyrillum Jeruſolymitanum in Catecheſibus, alioſque permultos. Regula tertia eſt, ut dum nihil præter Scripturas probandum afferunt, & ſacrorum librorum exigunt auctoritatem, eos accipiamus ſive de quaſtionibus obſcuriſſimis, quæ traditione nequeunt reſolvi, ſive de hominum in ſacris diſciplinis nudo infirmoque ratiocinio, ſive de hiſtoriolis e ſcriptura apocrypha hauſtis, ſive denique de novitate dogmatum innixa libris ſpuriiſ ac ſuppoſitis. Atque hoc ſenſu loquitur Hieronymus in cap. 23. Matth. Auguſtinus lib. 3. contra literas Petiliani cap. 6. num. 7. nec non Theophilus Alexandrinus in 2. Paſchali, Theodoretus in 2. Dialogo, imo & Origenes Hom. 1. in Hierem. & in cap. 3. Epiſt. ad Rom. quo loco abutuntur Prædicantes, ut liquet ex Colloq. Ratiſbonenſi ſeſſ. 8. Poſtrema regula eſt, ut dicta Patrum intelligantur de Scripturis rite explicatis, juxta ſenſum, quem tenet Romana Eccleſia, ut docet Catecheſi 1v. Cyrillus ſcribens: *Diſce ab Eccleſia, quoniam ſunt veteris teſtamenti libri, quoniam novi, nec leges, inſtitutaque Patrum evertes.* Quam regulam tradi etiam a D. Patre Auguſtino in 11. de Doſt. Chriſt. cap. 8. non ſemel diximus. His ergo regulis fabulonum procacitatem contundito.

Deinde hæretici nituntur demonſtrare Romanam Eccleſiam in cuſtodiendis traditionibus inſidam eſſe, & ignaram. Nam nonnullas antiquavit, ut de lacte & melle porreſto Neophytis, de Euchariftia privatis in domibus ſumpta, de eadem ſub utraque ſpecie laicis miniſtrata. Nonnullas e contra Traditiones tanquam Apoſtolicas intruſit, ut jejunium quatuor temporum, Sanctorum cultum, Crucis adorationem, immaculatam Conceptionem Deiparæ. Nonnullas denique in oppoſitas commutavit, ut de Animorum beatitudine ad judicii diem differenda, & de vinculo matrimoniorum indiſſolubili; pro quarum prima adulteravit D. Leonis collectam, alteram innumeris diſpenſationibus labefaſtavit. Hæ vero traditiones non ſpectant ad ſolum ritum aut diſciplinam, ut aliquæ ſuperius commemoratæ.

Reſp. traditiones prioris generis utique ad ſolam diſciplinam, ritumque ſpectare, ideoque admittere, ut inquit lib. de Velandis Virg. cap. 1. Tertullianus, *novitatem correſtionis, operante, & proſpiciente uſque in ſinem gratia Dei.* Uſus tribuendi baptizatis lac & mel non ſolum probatus fuit ætate Hieronymi, ut liquet ex ejus Dialogo adverſus Luciferianos; ſed etiam perduravit uſque ad medium ſæculum nonum, perſeveratque etiamnum apud Aethiopes, ut oſtendit Martene de Antiq. Ritibus lib. 1. cap. 1. art. 5. At tali uſu ſublato, ſicut & immerſionis, perſiſtit fidei integritas, mellisque ac lactis ſymbola ſunt auguſtioribus ceremoniis expreſſa; illa vero recte ſublata, poſteaquam infani homines ea adhibuere etiam in Calicis conſecratione, ut olim Ethnici in ſacris Leoninis. Euchariftiam ad privatas domus de-

ferri

ferri cœptum sævientibus persecutionibus, ne absque Communione quis obiret; & dum unica missa, cui omnes adesse non poterant, celebrabatur; invaluitque diutius id consuetudinis apud anachoritas: at sumendam de manu *presidentium*, idest, sanctorum ministrorum, ait olim Tertullianus cap. 3. de Corona militis; demandatumque illam dispensandi munus Diaconis constat ex Ambrosio lib. 1. de Offic. cap. 41. & Magno Leone serm. 2. de S. Vincentio. Institutum propterea optime, ut sacris in ædibus manu presbyterorum, si adsint, disper-tiatur. Communionem sub utraque specie nec Apostolorum ætate, nec prisca sæculis semper servatam alibi demonstrandum, quemadmodum & iustis de causis laico interdictam.

Nec Romana Ecclesia falsas unquam traditiones intrusit. Etenim jejuniū Quatuor temporum, sive a Victore, sive a Callisto institutum, eo sensu dicitur a D. Leone serm. 47. cap. 1. defendere *ex traditione Apostolica*, quod ab Ecclesia, cujus definitiones dicuntur Apostolicæ, sit *in consuetudinem devotionis receptum*; ut inquit ibidem. Leo: aut quia jejuniū Apostoli commendarunt, Ecclesia autem statuit juniorum fixos dies, ut ait Lupus in Notis ad Synodum Victoris. De Sanctorum cultu, & adoratione Crucis alibi. Ad instituendum festum Conceptionis B. M. V. sat est pia fidelium opinio; nec fide Catholica adhuc creditur, quod nefas est oppugnare. Non est tamen certa traditio opposita; nam Patres, qui aliter videntur sensisse, exponi possunt de debito contrahendi peccatum. Non fuit Occidentalis Ecclesia, quæ omnium prima coluerit Deiparæ Conceptionem: sed longe ante Latinos illam celebrarunt Græci. In Hispania institutum hoc festum a D. Jacobo scribit Flavius Dexter in Chronico. Auctor suppositus est, ac narratio fluxa nimis ac dubia. At quid plura? Religiosum est Deiparam venerari, & momento illi plaudere, quo Reparatrix Generis nostri procreata est. Id fidelium pietatem commendat, id confratrum sodalitia, id Scriptorum præconia, id sacramenta Theologorum, quæ anno 1574. Parisiis tanto ardore Maldonatus exagittavit.

Traditio de Sanctorum præsentī beatitudine a nobis lib. 3. fuit propugnata. In antiqua beati Leonis Collecta Sancti Pontificis animæ non essentialem gloriam, sed accidentalem deprecabatur Ecclesia, ut diximus eodem libro, Tom. 1. pag. 261. Non tamen inficias ibo olim deprecamat etiam pro sanctis Confessoribus, scribente Augustino de Virginit. cap. 45. num. 46. *Notum est, quo loco Martyres, & quo defunctæ Sanctimoniales ad altaris sacramenta recitentur*; & serm. 17. de Verbis Apost. nunc 159. num. 1. *Martyres eo loco recitantur ad altare Dei, ubi non pro ipsis oratur: pro ceteris autem commemoratis defunctis oratur. Injuria est pro Martyre orare, &c.* Aliquando ergo etiam pro sanctis Confessoribus orare consuetum fuit. At male hinc

Dallæus

Dallæus inſert , errare modo Eccleſiam , dum orat tantum pro anima-
bus Purgatorii , non eadem ratione pro Sanctis : nam aliquando in ve-
tuſtiſſimis diptychis Martyrum Conſeſſores eximie virtutis commemo-
rantur ; licet tria eſſent diſtincta , diptycha Martyrum , diptycha de-
functorum fidelium , diptycha vivorum . Quare orationes olim factæ
pro ſanctis Conſeſſoribus neque oppugnant oblationes pro mortuis ,
neque præſentem Sanctorum gloriam . Legi poterunt viri doctiſſimi
Mabillonius Præfat. ad v. ſæculum Benediſt. §. 6. & Martene in Antiq.
Rit. lib. 1. cap. 1v. art. 8. & 12. Matrimonium rite celebratum nun-
quam Eccleſia diſſolvit : diſpenſationes juſta de cauſſa impetitur : ma-
jorum ſtatuta propugnat acerrime ; ac fruſtra hæretici ad illam colli-
dendam conatus omnes impendunt .

Poſtremo hæretici pugnant nobiſcum ratione . Apoſtoli , inquit ,
miſſi dicuntur , nec aliud homines docuerunt , quam expreſſa in Evan-
gelio Magiſtri doctrinam . Quis enim a Rege legatus alia præter Regis
præſcripta audeat populis intimare ? At ſi quid aut Apoſtoli ipſi , aut
ſucceſſores ſuperaddiderunt , quod perſiſtente fidei integritate non
fuit in dogmate , humanum iſtud erat , mutationi obnoxium , tem-
poriſque exiguo intervallo interiturum ; nec aliquid iſtiusmodi poteſt
eſſe fidei divinæ fulcrum , & horti concluſi , ideſt , immaculatæ Ec-
cleſiæ propugnaculum ac ſepimentum . Quid , quod ea quæ tranſeunt
de aure in aurem continuam ſubeunt immutationem ? Adde tam lon-
gam annorum ſeriem ab Apoſtolorum ætate ad hanc uſque , antiquo-
rum indiligentiam , nec non exilia , diſperſiones , ſimplicitatem , ſum-
mamque ignorantiam : quamobrem non potuit humana aliqua tradi-
tio incorrupta ad nos pervenire . Demum ſi talis ſit norma credendi ,
ut quicquid traditum eſt , illud recipiatur ; Pythagorica erit diſciplina
noſtra , non Chriſtiana , imo Saracenorum more , Arabumque inſtar ,
pſeudomagiſtris præbebitur a nobis aſſenſus ; quod ducti infideli & in-
certa traditionum regula miſerando experimento verum eſſe confir-
mant .

His respondemus , audacter , ignominioſe , imperite hæc putido
ore Novatorum effundi . Apoſtoli miſſi quidem ſunt , & Legati , ſed
cum poteſtate præciendi , & quemadmodum Conſul & Imperator plu-
ra præter conſilium & imperium faciunt , ſuo tamen officio convenien-
ter , ita illi multa præter mandata Evangelica præſcribere poterant
dummodo iſdem mandatis utilia , nec Apoſtolorum nomine indigna .
Atque ita Regum miſſi , ut recte fungantur commiſſo munere , ad præ-
ſcripta principum univerſalibus inſtitutis comprehenſa , quædam par-
ticularia , quæ tempus & occaſio poſtulant , non pugnantia , ſed co-
hærentia adjiciunt ſæto , perutili , providoque conſilio . Sed & falſum
eſt Apoſtoliſ nihil præter Evangelica ſcripta commiſſum ; cum e con-
tra nec ſcripta tunc extarent , quando dictum eſt eis , *Prædicare Evan-*
gelium ,

gelium, nec Christus illos omnia prorsus docuerit, antequam in cælum conscenderet: imo ait, Joan. xv. 12. *Adbuc multa habeo vobis dicere: sed non potestis portare modo. Cum autem venerit Spiritus veritatis, docebit vos omnem veritatem.* Ecquid vero Spiritus docuit, nisi quæ nondum acceperant, & quæ ante adventum ejusdem Spiritus portare non poterant? Multa ergo, quicquid Calvinus blateret, Apostolis Spiritus sanctus suggessit nondum audita: & nemo jure negabit commentatione Calviniana æquiores esse interpretationem Augustini Traët. 98. in Joannem num. 8. *Quod itaque ait Dominus, Adbuc multa habeo vobis dicere, sed non potestis portare modo, adjicienda illis fuerant quæ nesciebant, non quæ didicerant evertenda.* Enim vero, ut ibidem Augustinus demonstrat, non relinquitur fundamentum dum alia adduntur ad construendum ædificium, neque evertitur fides si ad ipsius incrementum, & Scriptura, & traditio, & utilia documenta plurima post ascensum Christi accesserunt.

Cum autem Traditiones, sive Apostolicæ, sive Ecclesiasticæ a Spiritu sancti inspiratione descendant, temere & inique ad hominum inventa amandantur: alioqui humanum esset Testamentum per Moysen constitutum & promulgatum, humana Evangelia ab hominibus literis conscripta, humanæ Epistolæ Pauli manu exarata: quod nemo dixerit, nisi qui denegat Moysen, Prophetas, Apostolos fuisse afflatos Spiritu sancto, adversus testimonium Petri Epistola 11. cap. 1. 21. *Spiritu sancto inspirati locuti sunt sancti Dei homines.* Homines ergo sunt Traditionum promulgatores, non auctores, eisque testimonium addunt, non firmitatem, & quemadmodum qui regia diplomata exhibent, ita qui Apostolicas institutiones proponunt, promerentur fidem, & hi eo majorem, quo politicorum ministrorum munus antecellit doctrina, ac pietas sacerdotum. At homines, inquis, hi sunt. Quid vero inde? Recipis ab his Scripturas, non recipis Traditiones? Si conspirare non potuerunt omnes in sacris libris mutilandis, supponendis, eradendis; suspicaris ad confingendas Traditiones in Ecclesia per orbem diffusa singulos consensisse? Non patitur Spiritus sanctus, quos posuit regere Ecclesiam Christi, omnes simul deficere. *Quicquid ergo vel omnes, vel plures uno, vel eodem sensu, manifeste, frequenter, perseveranter, velut quodam consentiente sibi magistrorum concilio, accipiendo, tenendo, tradendo formaverint, id pro indubitato, certo, ratoque habeatur.* Tene præclarum istud Lirinensis Commonitorium.

Sed, regeris, nonne potuerunt tanto annorum intervallo, in tanta rerum vicissitudine, quæ excipiuntur auribus excidere, & variari? Si providentiam, ac sollicitudinem, quam de Ecclesia sua Christus gerit, tu perneges, nec verbum traditum, nec scriptum servatum esse fateberis; nam ut illud disperdi in auribus, & lingua vitiari potuit,

potuit, ita istud potuit amanuensis adulterare, tinea corrodere, ignis incendere, & injuria temporum depravare. Si providentiam curamque illam confitearis; illà utrumque Verbum, Scriptum ac Traditum servatum est. Adde singularia Traditionum adminicula, perpetuum Ecclesiæ usum, successionem Episcoporum, Conciliorum canones, scripta Patrum: quibus ea quæ transeunt de aure in aurem firmanur moribus fidelium, consuetudine, disciplina, præceptionibus, & munimentis literarum, ut deleri non possint oblivione. Scitum Pythagoræ, ut discipuli responderent, *Ita visum Magistro*, etiam Christifidelis probat dum hanc dogmatum suorum rationem profert, *Ita tradiderunt Apostoli*; & nisi hæc ratio sit inculpabilis, in recipiendis quoque Scripturis est irrationalis & rusticus, quippe illarum canonem definiuit Ecclesia: sed absit, ut id effutiamus; cum ad credendum Ecclesiæ certa nos pertrahant momenta, quæ non habebat ad credendum Pythagoræ juvenus Atheniensis. Vide hujus libri cap. 111. & v. In u. demonstrata est falsa Saracenorum Religio: quæ una cum omnibus hæresibus etiam ex hoc refutatur; quoniam figmentum humanum est quicquid antiquæ Traditioni adversatur. Verum hæc disputatio concludi jam potest; nam satis ostendimus servandum vetustum morem, & perantiquum dogma,

Quod semel invecitum est Majorum TRADITIONE,
inquit in Carmine Eucharistico Paulinus.

C A P U T VII.

De interioris fidei ad salutem necessitate.

CONTRA Ebionæos, Arminianos, Libertinos, aliosque hujus farinae homines quarto hujusce libri capite demonstravi veram non esse Fidem aut Verbi divini Incarnationem, aut individuan Trinitatem negantium. Nunc inquirimus, an hæc fides ita ad salutem sit necessaria, ut qui ejus inculpabili ignorantia laboraret, eam tamen haberet in animi præparatione, quamvis hæc mysteria non profiteretur *explicite*, adhuc salutem sempiternam consequeretur. Nam qui in Ecclesiæ gremio nutritur, & sensuum pollet integritate, si mysteria hæc negligat, neque gratia Sacramentorum, neque gloria, ob voluntarium negligentiam crimen, donari compertum est. Immo huic Ecclesiastico Jure præscribitur, ut etiam memoria teneat Symbolum, Decalogum, & Orationem Dominicam: *Nescio enim qua fronte se Christianum dicat, qui paucos versus in Symbolo, vel oratione Dominica parare dissimulat*; inquit Serm. 265. num. 2. Ap. Augustinus, aut Cæsarius. In ceteris servandi canones Cap. xi. lib. xxi.

To. IV.

N n n

Haud

Haud dubium est, quin in adultis requiratur fides interna; cum scribat Apostolus ad Rom. x. 10. *Corde enim creditur ad justitiam, & ad Hebr. xi. 6. Sine fide autem impossibile est placere Deo*: cum insuper hæc fides necessaria sit ad justificationem, ut definit sess. 6. cap. 6. & 8. Synodus Tridentina, & nos demonstravimus Tom. 111. pag. 492. Neque potest id de fide exteriùs tantum expressa intelligi, quoniam Apostolus præcipit fidem *cordis*, Tridentina Synodus fidem, *qua libere*, animoque *movemur in Deum credentes quæ divinitus revelata, & promissa sunt*: neque Deus attendit sermonem oris, sed voluntatis affectum. Deberet quidem hæc fides in nobis continua esse, & si non actu, virtute; ut omnia opera in Dei cultum, ac in finem ultimum referrentur, ideoque excitanda est actuum frequentatione: hi saltem repetendi dum Sacramenta recipiuntur, maxime Eucharistia, dum urget adversus fidem tentatio, dum solemnî ritu ab Ecclesia recoluntur sacra mytheria: nec memoria excidat, quod Scriptura ait, *Iustus autem meus ex fide vivit*: ad Rom. 1. 17. & proscripta ab Innoc. XI. proposito, *Sufficit mysteria fidei semel credidisse*.

Igitur de hac interna fide quærimus, an ita debeat esse *explicita*; ut necessitate *medii* ad salutem necessarium sit credere Deum unum, ac Trinum, & Verbum Deum & hominem pro nobis crucifixum ac mortuum. Illud autem dicitur a Theologis necessarium necessitate *medii*, sine quo finis nulla ratione potest haberi, ut baptismus, sive martirium puerulis, Sacramentum pœnitentiæ adultis post lapsum; quemadmodum appellatur necessarium necessitate præcepti, quod adhiberi debet, quando id fieri potest; at si non possit, sat est votum ac desiderium, ut adultis sacramentalis Confessio, Communio, jejuniû, Sacrum. Instituitur vero quæstio tam de veteris, quam de legis Evangelicæ statu, & de hoc quidem an fides explicita tam ad justificationem, quam ad salutem necessaria sit; sunt enim qui ad salutem illam requirunt, sed ad justificationem non aliam fidem, quam Dei auctoris gratiæ, sine explicita Incarnationis ac Trinitatis exigunt. Tribus ergo thesibus quæstio univërfa concluditur.

PROPOSITIO I. In veteri Testamento necessaria erat fides Mediatoris, sed non *explicita* in ejus divinitatem, ac individua Trinitatis. Mytherium.

Demonstratur 1. ex Apostolo scribente ad Galat. 111. 12. *Quoniam autem in lege nemo justificatur apud Deum, manifestum est; quia iustus ex fide vivit*: & ad Hebræos xi. 2. *In hac enim testimonium consecuti sunt senes*. Profecto loqui Apostolum etiam de fide Mediatoris liquet ex cap. 111. Epist. ad Romanos, ubi versu 22. inquit: *Justitia Dei per fidem Jesu Christi in omnes, & super omnes, qui credunt in eum: non enim est distinctio*. Et de hac fide paullo infra: *Unus est Deus, qui justificat circumcisionem ex fide, & præputium per fidem*. II. Pro-

batur ex D. P. Auguſtino, quĩ Epistoła 157. ad Hilarium num. 14. inquit, *etiam antiquos juſtos habuiſſe ipſum ſpiritum fidei, hoc eſt Incarnationis Chriſti*. De Catechiz. rudibus 28. *Ipfum antiqui ſancti venturum in revelatione Spiritus cognoverunt, & prophetaverunt: & ſic ſalvi facti ſunt credendo quia venit, ſicut nos ſalvi efficitur credendo quia venit*: & de Nat. & Grat. cap. 44. num. 51. *Ea quippe fides juſtos ſanavit antiquos, quæ ſanat & nos, ideſt, mediatoris Dei; & hominum hominis Jeſu Chriſti, fides ſanguinis ejus, fides crucis ejus, fides mortis, & reſurrectionis ejus*. III. Confirmatur ratione, nam fides eſt una, & unum ſpiritum ingenerat, eandem ſalutem aſſert, & ab exordio generis humani fuit ſemper una & invariata, ut idem S. Pater commonſtrat in Epistoła ad Deogratias c 11. xii. ad Optatum cxc. 6. & in Pſalmum L. 17. Hoc loci aliam rationem S. Pater indigitat, quia nemo ſine Chriſto ſalvari potuit. Videſis Aët. Apoſt. iv. 12. & quæ ſcripſimus cap. 4. hujus libri.

At non fuiſſe neceſſariam fidem *explicitam* divinitatis Chriſti liquet I. ex Apoſtolo ſcribente ad Hebræos x. 1. *legem habuiſſe umbram futurorum bonorum*. II. ex Auguſtino ſcribente ad Dardanum Epist. 187. cap. xi. num. 34. *Erat tamen antiquis juſtis aliquod occultum, cum tamen & illi eadem fide ſalvi fierent, quæ fuerat ſuo tempore revelanda*. III. ex diſcrimine utriuſque Teſtamenti, in quorum primo myſteria, quæ nunc ſunt revelata, legaliũ involucris tegebantur.

Opp. adverſus primam partem. At qui lege deſtituti erant? Hi per rationis lumen abſque ulla fide legem implebant, ideoque ſalutem conſequebantur. Id aſſerit Apoſtolus ad Rom. 11. 14. *Gentes, quæ legem non habent, naturaliter quæ legis ſunt faciunt*. Confirmat Joannes in Apocalypſi v 11. 9. connumerans præter Judæos turbam magnam, *ex omnibus gentibus, & tribubus, & populis, & linguis*. Aſſerit & Clemens Alexandrinus inter electos recensens in 6. Strom. Græcorum Philoſophos præſtantiffimos.

Reſp. eos, qui lege deſtituti erant, niſi ſingulari beneficio ſuperum illis lumen aſſuſit, periſſe. De Verbis Apoſtoli in 2. ad Romanos plura diximus Tom. 111. pag. 398. & 412. nec neceſſum eſt ea repetere. Abſque fide exercentur aliquando officia virtutum, at non, quæ vitam ſempiternam promereantur; & Apoſtolum loqui de Gentibus ad fidem converſis demonſtrat Auguſtinus de Spiritu & lit. cap. xxvi. num. 44. & ſeqq. De iſdem Gentibus, quæ ſunt ſpolia Iſraelitarum, & linguis, populisque ſejunctæ, fit ſermo in Apocalypſi, ut recte idem Auguſtinus in 111. de Doctrina Chriſt. cap. xxxv. num. 51. Ipſæ enim ſimul cum electis Judæorum conſtituunt Sanctorum univerſitatem, de quibus eodem cap. 7. Apocalypſeos v. 14. *Laverunt ſolas ſuas, & dealbuverunt eas in ſanguine Agni*. Clemens Alexandrinus docet tantum Gentilium philoſophorum aliquos divinitus luce fidei il-

lustratos, quamquam extra Judæorum fines, salutem fuisse consecutos, quod & Origenes, & Chrysostomus alicubi docuerunt; sed Gratiani fidei cuique necessariam Clemens affirmat in 11. Strom. pag. edit. Morelli 364. & Chrysost. hom. 2. in Epistolam ad Rom. pag. edit. Commel. 22. Idem discretissime Origenes lib. 4. in Epist. Pauli pag. edit. Frobenianæ 387.

Adversus 2. partem objicies. Sacerdotes Math. xxvi. 63. Christum interrogarunt, *Dicas nobis si tu es Christus filius Dei?* Nathanael Joan. 1. 49. ait: *Tu es filius Dei.* Martha Joannis xi. 27. *Tu es Christus filius Dei vivi.* Quomodo nisi *explicite* in Christi divinitatem Judæi credidissent, tam singularis confessio? Eftius in dist. 25. lib. 3. §. 4. respondet fortassis Nathanaelem non intellexisse *filium naturalem*; censendum quippe est aliquid minus enuntiasse, quam Petrus Matthæi xvi. 16. Probo responsum Eftii: de Nathanaele namque idem scribit Augustinus Tract. vii. in Joan. num. 20. Aliter asserendum de Martha cum eodem D. Patre Tract. xlii. num. 15. Sed hæc pia mulier quandiu a Domini ore pependit? Caiphas hæcne a semetipso dixit? Si id putas, dico aut principi Sacerdotum aliquid manifestum quod plebs ignorabat, aut illum commemorasse attributum a Patribus Messiae characterem non tamen sibi plane compertum. Si afflatu divino loquutus est, ut dum ait Joan. xi. 50. *Expedis vobis, ut unus moriatur homo pro populo*; nil urget opposita argumentatio.

PROPOSITIO II. In hoc novæ legis statu necessaria est ad salutem fides *explicita* Dominicæ Incarnationis, ac Trinitatis.

Quod hæc fides necessaria sit demonstratum est supra c. iv. p. 353. idemque firmatur præcedenti propositione. Quod vero hæc fides debeat esse *explicita* probatur primo ex Scripturis; nam Marc. xvi. 15. legitur: *Euntes in mundum universum prædicate Evangelium omni creatura. Qui crediderit & baptizatus fuerit salvus erit: qui vero non crediderit condemnabitur.* Evangelium autem fidem *explicitam* Incarnationis ac Trinitatis insinuat, eamque fidem Matth. ultimo vers. 19. profiteri debemus in suscipiendo baptismo, sine quo Dei regnum non obtineri affirmat Dominus Joan. 111. 3. Deinde confirmatur ex Augustino, qui Epistola 157. num. 24. ait: *Postea vero quam magnum pietatis sacramentum manifestum est in carne, & vocandis omnibus Gentibus Christi adventus illuxit, in quem & illi Patres crediderant, sed hujus fidei obiviam suo tempore manifestandam, in illius arboris, de qua Apostolus loquitur, tanquam radice servabant, &c.* Ac Epist. 177. num. 12. Puto autem fidem Christi, quæ postea in revelationem venit, in occulto fuisse temporibus patrum nostrorum, per quam tamen etiam ipsi Dei gratia liberati sunt. Et infra num. 14. *Cum dicit, Apostolus, manifestata est, ostendit quia tunc erat, sed tanquam illa pluvia, quam Gedeon impetravit, tunc velat in vellere occulta, nunc autem velut*
in

in aëre manifestata. His Augustinus fidem, quam, ut vidimus supra, in utraque lege requirit, nunc ob Evangelii revelationem, explicitam manifestam, apertam, *explicitam*. Accedit ratio: etenim in hoc lex nova differt a veteri, quod tunc Christus sub legalium caeremoniarum nube promittebatur, nunc annuntiatur venisse, divinitatem suam comprobasse, ac antiqua vaticinia complexisse. Ut ergo Judæi sub legis velamine implicitam fidem habebant, ita Christianis Evangelii lumine effuso, fides explicita necessaria est.

PROPOSITIO III. Hæc fides non solum ad salutem, sed etiam ad justificationem omnino requiritur.

Demonstratur primo ex Apostolo ad Galatas 11. 16. *Scientes autem quod non justificatur homo ex operibus legis, nisi per fidem Jesu Christi: & nos in Christo Jesu credimus, ut justificemur ex fide Christi*. Et ad Hebr. x. 19. *Habentes itaque fratres fiduciam in introitu sanctorum in sanguine Christi*. II. Ex Tridentino sess. 6. cap. 6. *Disponuntur autem ad ipsam justitiam, dum excitati divina gratia & adjuti fidem ex auditu concipientes libere moventur in Deum, credentes vera esse, quæ divinitus revelata ac promissa sunt; atque illad in primis a Deo justificari impium per gratiam ejus, per redemptionem, quæ est in Christo Jesu*. III. Ex magno Augustino de Nat. & Grat. cap. 2. num. 2. *Si autem non gratis Christus mortuus est, ergo omnis humana natura justificari & redimi ab ira Dei justissima, hoc est vindicta, nullo modo potest, nisi per fidem, & Sacramentum sanguinis Christi*. Et de peccato Originali cap. 24. num. 28. *Itaque sine ista fide, hoc est, sine fide unius mediatoris Dei & hominum hominis Christi Jesu, sine fide inquam resurrectionis ejus, quam Deus hominibus definitur, quæ utique sine incarnatione ejus ac morte non potest veraciter credi: sine fide ergo incarnationis & mortis & resurrectionis Christi nec antiquos justos, ut justii essent, a peccatis potuisse mundari, & Dei gratia justificari veritas Christiana non dabitur*. IV. Ex ratione; enimvero si quis absque fide in Christum potest justificari, poterit etiam salvari, quoniam & de justificatione & glorificatione idem prorsus tradunt divinæ literæ ac Patres, fidem in Christum ad unam atque alteram requirentes; & justus nisi a gratia excidat, habet arrham promissionis, & adoptionem filiorum, ideoque & jus ad gloriam: quare si salus est ex fide Christi; etiam vita, etiam gratia, etiam justitia, dicente Apostolo, ut redeat, unde processit oratio, *Justitia Dei per fidem Jesu Christi*.

Opp. 1. Necessitas fidei in Christum *explicitæ* nequit ex Scripturis evinci, primo quia indiscriminatim loquuntur tam de justis antiqui Testamenti, quam de Christifidelibus, & consequenter si illi per fidem in Christum *implicitam* justificati sunt, sat est hæc fides in præsentiquoque statui. Atque idem dicendum est de Augustino exigente in omnibus

nibus justificandis cum Apostolo *eandem spiritum fidei* pro quacunque, siue vetusta, siue nunc labente hominum ætate, ut liquet ex prima propositione. Rursus quia Act. x. 22. Cornelius Centurio dicitur *justus, & timeus Deum*, nec tamen tunc erat per Apostolum Petrum fide in Christum *explicita* imbutus. Deinde Apostolus ad Heb. x. 6. non aliam fidem necessariam affirmat, quam in Deum remuneratorem; nam ait: Credere enim oportet *accedentem ad Deum, quia est, & inquirentibus se remunerator sit*. Non ergo fides saltim *implicita* ad justificationem necessaria est.

Ad primum respondeo non solum Apostolum & Augustinum agnoscere unum spiritum justorum omnium, unam Christi fidem, unumque Mediatorem, verum etiam affirmare legem veterem fuisse umbram futurorum, & fidem Christi tanquam pluviam in vellere, nunc autem manifestatam ac revelatam, & quasi pluviam in area. Quare sicut ex unitate fidei, Mediatoris, & justificantis gratiæ inferitur antiquis justis, necessariam fuisse fidem Christi, & gratiam Reparatoris; ita ex utriusque Testamenti discrimine in quorum uno latebant, quæ fuerant in altero suo tempore revelanda, concluditur fidem olim *implicitam*, nunc apertam & absque velamine requirendam. Quod sequitur hac ratione expeditur. Aut Cornelius nondum manifestata Evangelii veritate habebat fidem *implicitam*, ut inquit S. Thomas 2. 2. quæst. 10. art. 4. aut si Evangelium jam promulgatum erat, habebat quidem justitiam operum per gratiam actualem, at non justificationem per gratiam *habitualement*, & Spiritum sanctum inhabitantem. Hoc secundum videtur conforme Augustino, qui de Prædest. SS. cap. vii. num. 12. ait Cornelii acceptas fuisse elemosynas & exauditas orationes antequam credidisset in Christum, *nec tamen sine aliqua fide orabat, & donabat*: nimirum quia per gratiam moventem & fidem *implicitam* recte operabatur: at nondum fuisse justificatum affirmat S. Pater verbis sequentibus: *Sed si posset sine fide Christi esse salvus, non ad eum edificandum mitteretur architectus Apostolus*. Potest tamen utraque sententia ad concordiam revocari, dicendo quod sicut Cornelius vixit, cum legis fieret translatio, ante promulgationem Evangelii justificatus erat per fidem *implicitam*; Evangelio promulgato in justitia confirmatus est per fidem *explicitam*. Neque enim Augustinus ait, *si fuisset justus*, ut legit Aurelius Piette Tom. i. pag. 293. sed, *si posset sine fide Christi esse salvus*. Necessarium quippe erat ad salutem, ut qui per fidem *implicitam* fuerant ante promulgatum Evangelium justificati, eo promulgato in ædificium Christi per fidem *explicitam* coaptarentur. Ait quidem S. Pater Cornelium justificatum ante baptismum Quæst. 84. in Levit. & 33. Num. 9. necnon lib. iv. contra Donat. cap. 21. num. 28. & cap. 22. num. 29. At si putas Cornelium ante Petri prædicationem non fuisse sanctificatum, dicas Augustinum loqui de tempore, quo ante-

susce-

ſuſceptum baptiſmum jam fide imbutus erat, & Spiritum ſanctum acceperat, ut legitur Act. x. 44. Si juſtificatum velis antequam ad Petrum accederet, explicabis Auguſtinum de juſtitia augmento, & de viſibili Spiritu ſancti deſcenſu. Proximum hac ratione diluitur. Aut Apoſtolus illa duo tantum commemorat, quia non agit de fide juſtificante ex toto, ſed nominat quæ poſſimum exſtimularunt antiquos juſtos ad pie Deum colendum, & adverſa toleranda, quod nempe Deum ante oculos haberent, & remunerationem ſperarent: aut ſi exponit fidem quæ ad ſalutem ſufficiat, ea verba *Inquirentibus ſe etiam*, fidem Mediatoris comprehendunt, in quantum debemus Deum inquire ipſum orando pro ſalute, pro juſtitia, pro remiſſione peccatorum eo modo & ordine præſtandis, quo ipſi viſum fuerit. Ita in Paulo Eſtius.

Præterea objicies. Haud credibile eſt, Deum, qui *vult omnes homines ſalvos fieri, & ad agnitionem veritatis venire*, damnaturum, eos, qui legem naturalem ſervantes nequeunt auſire Evangelium, laborantque myſteriorum fidei ignorantia invincibili. Ob quam enim culpam inter barbaros degentem, honeſtamque ducentem vitam juſtus & miſericors Dominus deſeret? Sane, etſi Evangelium per univerſum orbem dicitur annuntiatum, non deſunt tamen juxta Auguſtinum de Nat. & Grat. cap. 2. *ultima gentes, licet, ut perbibetur, pauciſſimæ*, ad quas nondum Chriſti nomen pervenit. Hanc Auguſtini opinionem, quamvis ei diſſentiant nonnulli, comprobant remotiſſimæ a nobis gentes adhuc magna ex parte Chriſtianam fidem penitus ignorantes. Saltem iis ſufficiens erit fides *implicita*, aut in animi præparatione; nam ſi credentibus ſat eſt baptiſmus in voto, quando re ipſa applicari non poteſt: cur facientibus quod in ſe eſt non erit ſufficiens fidei votum ac deſiderium, quando *explicita* fides nequit haberi? Poſtremo ſi puer baptiſmate regeneratus derelinquatur in ſylvis, aut mutus ac ſurdus ſit, neque Evangelium perveniens ad uſum rationis valeat audire, nonne ſaltem iſte Chriſti ſacramento expiatus, & ornatus inhærente juſtitia ſalutem conſequetur? Non eſt ergo fides in Chriſtum *explicita* adeo neceſſaria, ut in aliquo ſaltem caſu nequeat ſine hujusmodi fide haberi juſtitia, regnumque cælorum.

Reſp. Non ſufficere ad ſalutem, ſi quis naturalem legem non frangat, quamquam & id abſque gratia actuali, & aliqua in Chriſtum fide, juxta ſententiam noſtram alibi confirmatam fieri non poſſit, *ut oportet*, & omnium conſenſu fieri non poſſit, ut ſufficiat ad juſtificationem. Enimvero, *ſi de lege, quam accepit gens una Judæorum ait Apoſtolus* (ad Galatas 11. 21.) *Si enim per legem juſtitia, ergo gratis Chriſtus mortuus eſt, quanto juſtius dicitur de lege natura, quam accepit univerſum genus humanum?* inquit Auguſtinus cit. cap. 11. De Nat. & Grat. num. 2. Vult quidem Deus ſalutem hominum univerſorum; ſed

sed non voluntate absoluta, efficaci, &, ut inquirunt, consequente. Hæc ad solos spectat prædestinatos. *Ac per hoc*, ait S. Pater de Corrupt. & Grat. cap. 7. num. 11. *& qui Evangelium non audierunt, & qui eo audito in melius commutari perseverantiam non acceperunt, & qui Evangelio audito venire ad Christum, hoc est, in eum credere noluerunt, quoniam ipse dicit, Nemo venit ad me, nisi ei datum fuerit a patre meo: & qui per ætatem parvulam non credere potuerunt, sed ab originali noxa solo possent lavacro regenerationis absolvi, quo tamen non accepto mortui perierunt, non sunt ab illa conspersione discreti, quæ constat esse damnatam, euntibus omnibus ex uno in condemnationem.* Barbaræ ergo gentes reprobatæ propter originale peccatum iusto Dei iudicio in massa perditionis derelinquuntur, nec tamen damnantur ob ignorantiam invincibilem Christianæ fidei, sed vel *reatu originis, vel additamento propriæ voluntatis*, ut ex ipomet Augustino dixi pag. 254. Quod si gentes illæ sint ab originali damnatione divinæ gratiæ largitate discretæ, *Non est dubium quod & procuratur eis audiendum Evangelium, & cum audiunt credunt, & in fide, quæ per dilectionem operatur usque in finem perseverant:* inquit idem S. Pater citato cap. vii. num. 13. Ex his liquet quid dicendum sit de puero. Si post baptismum ad usum rationis perveniat, nec Deum voluntariæ transgressionem deferat, ei Evangelium annuntiabitur aut ab homine, aut ab Angelo, aut per intimam divinamque inspirationem. Ostendit enim Deus in Cornelio, in spadone Reginæ Candacis, & in Macedone, quem vidit per noctem Paulus Act. xvi. 9. quantam electorum suorum curam gerat. Si decedat ante rationis usum, aut suscipiendæ prædicationis sit incapax, salvabitur per Sacramentum regenerationis: in quo, *vi sacramenti & divinæ gratiæ, quam Dominus donavit Ecclesiæ, dum parvuli fidem per verba gestantium quodammodo profitentur, constituuntur fideles, & eorum per quos renascuntur iustitiæ spiritus responsione sua trajicit in eos fidem, quam voluntate propria, nondum habere potuerunt, sicut eorum, per quos nascuntur earo peccati trajicit in eos noxam, quam nondum vita propria contraxerunt.* Vide Augustinum de peccatorum meritis lib. 1. cap. 19. num. 25. & lib. 111. cap. 2. num. 2. Quid vero, si ad gratiam baptismi non perveniant? Jam audisti sanctum Parentem: *Non sunt ab illa conspersione discreti.*

At enim, inquis, sufficit baptismus in voto: ergo sufficit fides *explicita* in voto. Non video hujus consequentiæ æquitatem. Principio, in ipso voto baptismatis est fides in Christum *explicita*; nemo enim cupit baptizari, nisi ut conspuectus cum Christo ipsius iustitiæ vivificetur. Deinde fides in voto est fides *explicita*, quæ enim non creduntur, nec desiderantur; sicut non desideraretur baptismus, nisi crederetur ipsius necessitas & efficacia. Præterea susceptio baptismatis, cum sit actus a voluntate *imperatus*, & exercendus extrinsecis adju-

mentis,

mentis , poteſt abſque voluntatis culpa impediri ; ſecus fides , cum ſit actus *elicitus* , ſi quis velit credere , nequit ab aliqua exteriori cauſa a fidelium corde amoveri . Prætermitto vulgarem objectionem de iis , qui abſque fide *explicita* Deum ſuper omnia diligere . Sententia enim noſtra , ut diximus lib. xiii. cap. 4. , *hæc dilectio eſt a Deo Patre per Jeſum Chriſtum in Spiritu ſancto* . Imo & ii , qui docent poſſe ſine gratia Chriſti diligere Deum tanquam auctorem naturæ , fatentur quod diligere nequeat ut auctor gratiæ abſque ordine ad Chriſtum , & ſine ipſius gratiæ largitate , ita ut dilectio ſine fide non poſſit ad juſtificationem ſufficere . Addo tantum pro hujus quæſtionis coronide , Sanctum Franciſcum Xaverium percontanti Japoniæ Regi cur illuc acceſſiſſet , hoc dediffe reſponſum , ed ſe miſſum *divinæ legis prædicandæ gratia* , quippe *cum nemo , quin Deum ejusque filium Jeſum Chriſtum omnium gentium vindicem ac Salvatorem caſte , pieque coleret , ſalvus atque incolumis eſſe non poſſet* . Ita Indorum Apoſtolus Epit. 7. libri 111. ab Horatio Turſellino latine reddita , pag. edit. Rom. 115. Revera ſi abſque fide in Chriſtum qui Evangelium non audierunt ſalutem conſequi poſſunt , cur Xaverius Japoniam , cur e noſtratibus Didacus Ortiz , Joannes Ximenes , Eſtathiſ , alique Mexicanam ac Peruanam , & regiones reliquas barbarorum incultiſſimas ac remotiſſimas , Apoſtolorum exemplo , adierunt ? Jure itaque Facultas Lovaniensis vetuit ne edoceatur in hoc ſtatu fidem *explicitam de Deo Trino , & Salvatore Chriſto Jeſu non eſſe ita neceſſariam , ut ſine tali fide non poſſit obtineri ſalus* , ut reſert in Theſibus Lovaniensibus anni 1721. Antonius Rolliers . Jure Innocentius XI. declaravit prop. 64. non eſſe capacem abſolutionis qui ignorat ſanctiſſimæ Trinitatis , & Incarnationis myſteria . Jure denique Eccleſia in Symbolo , quod tribuitur Athanaſio , iſdem myſteriis expoſitis inquit : *Hæc eſt fides Catholica , quam niſi quiſque fideliter firmiterque crediderit , ſalvus eſſe non poterit* .

C A P U T VIII.

De externa Fidei Confeſſione .

DIXIMUS de interno fidei actu , nunc de externo dicendum eſt : atque inquirendum primo an liceat fidem negare ; deinde an ſaltem fides diſſimulari poſſit ſervando infidelium ritus , & conſuetudines : tertio an Tyranno interroganti fas ſit fidem occultare ; poſtremo an liceat in perſecutione fugam arripere . Omnia hæc uno capite expediemus : nam libro Viceſimo cap. x. agentes de ſimulatione in ſervandis legalibus omnia fere argumenta diluimus .

PROPOSITIO I. Nunquam licitum eſt negare fidem .

Tb. IV.

O o o

Eſt

Est hæc thesis contra Elcesaitas, qui apud Eusebium lib. vi. H. E. cap. 38. & S. Patrem Augustinum de Hæres. h. xxxii. docuerunt fidem in persecutione negandam ore, & corde servandam: contra Priscillianistas, qui apud eundem Augustinum h. lxx. propter occultandas contaminationes & turpitudines suas, habebant in dogmatibus ea verba,

Jura, perjura, secretum prodere noli,

& contra Georgium David Anabaptistam, Anglosque Libertinos.

Probatur 1. ex Scripturis. Ait enim Apostolus ad Rom. x. *Corde creditur ad justitiam: ore autem confessio fit ad salutem.* Oris ergo confessio necessaria est. Quo autem tempore, nisi eo potissimum, cum interrogante Tyranno, atque de religione percontanti, debemus fidem nostram profiteri, & aperta confessione Christo debitum obsequium reddere? Deinde cur Salvator nos tam ardenti oratione Mat. x. hortatur, ut imitemur prudentiam serpentis, idest Capitis nostri tueamur honorem, etiam si corpus nobis dilanietur? Cur ait, *Nolite timere eos, qui occidunt corpus, animam autem non possunt occidere?* Cur non inquit potius, Servate interiori animo fidem, si forte necessum sit ad evitandam tyrannorum sævitiam, aut dejerare, aut uti simulatione, aut mentiri? Præterea quid proferri potest expressius dominica illa sententia, citato capite x. 33. *Qui negaverit me coram hominibus, negabo & ego eum coram Patre meo,* aut altera Lucæ ix. 24. *Qui voluerit animam suam salvam facere perdet illam?* Etiam Apostolus in 2. ad Timotheum 1. 12. *Si negaverimus,* inquit, *& ille negabis nos.* Secundo demonstratur auctoritate Ecclesiæ: quæ, ut colligitur ex libro Cypriani de lapsis, *Libellarios*, scilicet habentes de facta idolis immolatione chirographum, quod sæpenumero a tyrannis ad evitandam mortem pecunia extorquebant, etiam scelere non patrato, ad pœnitentiam vix recipiebat post vehementem notissimamque concepti doloris amaritudinem. Innocentius XI. & ipse propositionem illam num. 18. confixit: *Si a potestate publica quis interrogatur, fidem ingenuè confiteri, ut Deo, & fidei gloriosum consulo; ut peccaminosum per se non damno.* Tertio confirmatur S. Patris Augustini doctrina: nam ait S. Pater de Fide, & Symbolo num. 1. *Fides officium a nobis exigit & cordis, & linguæ.* Tract. lxxvi. in Joannem: *Qui negat hominem Christum, non reconciliabitur per Mediatorem Deo;* & Tract. cxiii. *Petrus si negato Christo ires, quid aliud, quam perires?* Augustino omnes alii consentiunt. Denique probatur ratione. Quum enim quodlibet mendacium iniquum sit, & veritati contrarium: quale putas flagitium esse, cum magno Christiani nominis dedecore aut Christi fidem, aut, quod perinde est, se ejusdem discipulos abnegare? Si vitam animæ tribuit, auctore Augustino Tract. in Joannem 36. Christum profiteri, nonne maximum detrimentum afferet negare ipsum Christum? Postremo, ut adversus Priscillianistas scribit Doctor sanctissimus

ſtiſſimus lib. contra Mendacium cap. 2., ſententia propugnans quod cum iis, qui nobiſcum non ſunt ſocietate ac religione conjuncti, liceat loqui mendacium, nonne *Martyres exbonorat, imo vero non auferit ſancta om̃ino martyria?*

Contraria argumenta digna non videntur, quæ proponantur Theologiæ candidatis. Inquiunt Adverſarii, ſcriptum eſſe Pſalmo xiv. 3. *Qui loquitur veritatem in corde ſuo*, tanquam id ad juſtitiam ſufficiat; at ſequitur in Pſalmo, *Qui non egit dolum in lingua ſua*: & inquit Apoſtolus, *Ore autem confeſſio fit ad ſalutem*. Addunt Chriſtum interroganti Herodi, ac Præſidi Lucæ xxiii. 9. & Joannis xix. 9. nulum dediſſe reſponſum. Verum tunc non de fide Dominus interrogabatur, ut ſupra Lucæ xxiii. 3. & Joan. xviii. 33. quando ad interrogata reſpondit; ſuitque in ceteris ſilentium ejus humilitas ſingularis, ſumma prudentia, atque deriſionum, contumeliarum, mortisque contemptus. Aſſerunt Tyrannum non eſſe judicem legitimum, cui neceſſum ſit reddere fidei noſtræ rationem. Sed niſi confeſſionem ſinceram exigit obſequium debitum Potēſtati, eam poſtulat veritas, religio, & honor illi exhibendus, qui etiam de mercede paſcens, *Qui confitebitur*, inquit, *me coram hominibus, confitebor, & ego eum coram patre meo*. Quamobrem iſtiusmodi argutiolas, gerraſque Siculas prætermittimus.

PROPOSITIO II. Nunquam fas eſt uſurpatione rituum, ciborum; veſtium, nominumque gentium idololatrarum, ubi ſint ſuperſtitioſi cultus indiçium, religionem callide ſimulare.

Demonſtratur 1. ex Scripturis. Enimvero 2. Machab. vi. Eleazarus hortantibus amicis *iniqua miſeratione* commotis, ut ſimularet veſci ſacrificii carnibus, reſpondit non eſſe ætati ſuæ *dignum fingere*, ſed futuram potius ſimulationem illam ſenectuti ſuæ *maculam & execrationem*: & quod præcipuum eſt, *Eſſi*, inquit verſu 26, *in præſenti tempore ſuppliciiſ hominum eripiar, ſed manus omnipotentis nec vivus, nec defunctus effugiam*. Narratur proximo capite vii. illuſtre ſeptem fratrum ob eandem cauſam martyrium. Etiam Apoſtolus in 1. ad Corinth. x. 28. ait: *Si quis autem dixerit: Hoc immolatum eſt idolis; nolite manducare propter illum qui indicavit, & propter conſcientiam*. Ad hæc non ſolum Matt. x. prohibemur negare Chriſtum, ſed etiam jubemur illum confiteri: & Lucæ ix. 26. *Qui me erubueris*, inquit Dominus, *& meos ſermones, bene Filius hominis erubeſcet, cum venerit in majeſtate ſua*, &c. At fidem ſimulare eſt illam non confiteri, & Deum pro nobis crucifixum erubeſcere. Prob. II. ex Patribus: veſcentes enim immolatitias carnes, quamvis illas ſimulate manducaſſent, Ireneus lib. i. cap. 1. Tertullianus de Idololatria cap. 13. Cyprianus de lapſis, S. P. Aug. de Bono conjugali cap. 16, aliique omnes, imo & antiqua Concilia damnant, ac reprobant. Vide pag. 75, & 87. Deinde docent

confessionem fidei faciendam nulla ambiguitate, nullaque adhibita simulatione: *Non enim satis est*, ait S. Ambrosius lib. x. in Lucam, *involuta responso contentis Jesum, sed aperta confessio. Quid prodest verba involvere, si videri vis denegasse?* S. Pater Augustinus contra Mendacium cap. 6. retundens illorum consuetudinem, qui ut facilius hæreticos, ethnicosque vitent & refellant, horum dogmata & ritus approbant mentiendo, ait: *Sed multo facilius, inquires, eorum latibula penetramus, si quod sunt nos esse mentiamur. Hoc si liceret aut expediret, potuit Christus præcipere civibus suis, ut lupinis amicta pellicibus ad lupos venirent, & eos hujus artis fallacis invenirent.* Plura ibidem Augustinus ad rem nostram utilissima. Fulgentius lib. i. ad Trasim. cap. i. inquit. *Compertum esse non ambigo apud eos, qui Christianæ gratiæ participatione redempti sunt, pene id esse fidem nolle asserere, quod negare.* Et infra: *Cum de Deo res agitur non levis reatus est, si quod ad salutem pertinet taceatur.* Corroboratur 111. præfata thesifatione. Nam veritas postulat, ut unusquisque talem se exhibeat exterius, qualis est; id enim veritatis idea suadet, traditque D. Thomas 2. 2. q. 111. art. 1. Atque ideo pag. 89. omnem simulationem esse illicitam pronunciamus. Accedit, quod sicut interiorem animum patefciant non solum verba, sed etiam cetera signa: ita eodem crimine sese obstringit, qui verbis orisque confessione, & qui moribus, consuetudine, ritibus tali ratione se gerit ut Christum videatur aut negare, aut erubescere. Argumenta, quæ videntur positionem hanc oppugnare petita ab observatione legalium, ab auctoritate Græcorum Patrum, a nonnullis divinarum Scripturarum, nec non Ecclesiasticæ Historiæ exemplis, soluta a nobis sunt lib. xx. cap. 10. ubi de concertatione S. Parentis Augustini cum beato Hieronymo liberiori filo disputatum est.

Duntaxat animadvertendum est, quando ritus, signa, verba, epulum, vestimenta, aliaque hujuscemodi superstitionem redolant, quando vero civilem tantummodo consuetudinem. Nam qui necessitate coactus templum profanum ingreditur, ac domino etiam thura adolenti exhibet famulatum, ut diximus de Naamano, & contingere interdum potest cuilibet barbarorum mancipio, is dummodo non prætergrediatur civilis obsequii jura, nullumque exhibeat cultum idolis, ab omni culpa est immunis. Ab his pendet gravis de Sinesibus Ritibus controversia tanta animorum contentione agitata: nam quæ cultum politicum referunt, ut die natali coram parentibus procumbere, & Imperatoris quoque nomen mense impositum venerari, Confucium etiam in gymnasiis honore prosequi, tanquam philosophicæ disciplinæ præceptorem, non viderentur omnino flagitiosa. At inspicendum, num cetera sint hujus generis, neque in his lateat specimen cultus idololatrici. Fas pariter erit juxta patrium morem Regem Anglorum salutare

lutare genuflexo. Veſci idolothytis, ſi abſit periculum ſcandali, neque præſeferat pravi animi ſuſpicionem, licitum eſt. *Omne quod in macello venit, manducate*, inquit Apoſtolus in 1. ad Corinth. x. 25. ſecus ſi adſit ſcandalum, aut id jubeat princeps idololatra ad confeſſendam religionem; ut diximus pag. 98. Imitari eo in caſu debemus Eleazari fortitudinem, ac traditam ibidem ab Apoſtolo præceptionem: *Si quis autem dixerit: Hoc immolatum eſt idolis; nolite manducare*. Idem aſſerendum eſt de Judæorum azimis, de convivii hæreticorum, de fidelium in horum domo, templiſque conventibus. Servanda eſt eadem regula in uſu veſtium; ut quæ regionis ſunt, ubi opportunum eſt, adhibeantur: ita Apoſtolici viri aliquando Perſicis, Indicisque, cum non poſſint propriis incedere, induuntur. Idem aſſerendum de veſtibus, quæ ſunt honeſti muneris, aut collatæ dignitatis argumentum; ut quas induerunt Joſeph inter Aegyptios, Daniel inter Chaldæos, & Jeſuitæ, quos Mandarinos appellant, inter Sinenſes. At cavendum, quod paulo ſupra monuit Auguſtinus, ne Chriſti oves pel- libus lupinis ſe contegant; nam indumenta ſuperſtitionis *profeſſativa* ſunt penitus abjicienda. Adhibenda autem hæc regula in rebus ceteris. Quicquid hæreſim, aut impietatem redolet, fugiendum omnino: huc ſpectant intereſſe cœnæ Calviniſtarum, ſuſcipere a Lutherano miniſtro Euchariftiam, & extra caſum neceſſitatis etiam Baptiſmum, communicare hæreticorum ritibus, adire illorum templa & frequen- tare conciones alio fine, quam irridendi, & refutandi doctrinam hæ- reticam: atque ita ratiocinandum de reliquis ſuapte naturâ Catholiciæ, & Orthodoxæ fidei contrariis.

PROPOſITIO III. Inculpatim Chriſtiani, etiam Epifcopi, Perſecu- toribus ſe fugiendo ſurripiunt, niſi aliter ſuadeat Fidei cauſa, plebiſ- que Chriſtianæ periclitatio.

Demonſtrat apertiſſime hæc propoſitionem S. Athanaſius in Apo- logia de Fuga ſua ſcripta anno 357. cum Leontius Antiochenus, Nar- ciſſus Neroniadis, & Georgius Laodiceus Ariani Epifcopi ægre feren- tes, quod Syriani Ducis cruentas manus evaſiſſet, criminabantur il- lius fugam. Sunt autem argumenta Athanaſii quæ ſequuntur. Primum demonſtrat pag. 326. Tom. 1. edit. ultimæ Pariſienſis, quod fas ſit in perſecutione fugam arripere exemplo Moſis, qui fugit in terram Ma- dian commendatus ab Apoſtolo ad Hebræos xi. 27. Davidis qui latuit in ſpelunca, ut Abimelechum, ejuſque inſidias declinaret, Helix qui Jezabelis & Achabi ſe ſubtraxit indignationi. Addit exemplum diſci- pulorum, qui ſe occultarunt metu Judæorum percuſſi, & Pauli qui ad vitandas inſidias Aretæ Damafci præſidis per murum in ſporta demiffus eſt. Idem confirmat pag. 327. Chriſti doctrina & operibus, produ- citque fugam in Aegyptum, narratam Matth. 11. 13. fugam de tem- plo Joan. vii. 1. 59. fugam in Ephrem Joan. xi. 54. demonſtrans eam, quæ

quæ de Salvatore secundum humanitatem scripta sunt, ad commune hominum genus referenda. Nec prætermittit Dominicam sententiam Matth. x. 23. *Cum autem persequantur vos in civitate ista, fugite in aliam*: quam in Evangelica lectione repetit Ecclesia in ipsa beatissimi Athanasii festivitate. Profert etiam rationes perspicuas. Ac prima est, quoniam fugæ ærumnas perferre gravius aliquando est ipsa morte, ideoque fugam arripere non est semper inanis timoris argumentum: quod pag. 330. confirmat exemplo Jacob, qui fugiens a facie Esau præsentem mortem nequaquam timebat, & pag. seq. exemplo Apostolorum Petri & Pauli, qui cum aliquando persecutores vitaverint, Romam tamen venire non detrectarunt ibi mortis subituri supplicium. Altera ratio est, quod Deus Sanctis suis in ipsa fuga plures impertivit honores, ut Jacob, & Mosi. Postrema ratio est, quod ex ipsa fuga multum utilitatis accedit Ecclesiæ: nam qui prædicassent Evangelium, nisi fugam Apostoli arripuissent? Fugientes itaque sancti quasi medici in usus indigentium servantur. Has rationes proponit S. Athanasius pag. 332. & sequenti. Hæc satis assertum corroborant. Legi tamen poterit etiam Cyprianus de Lapsis pag. 375. edit. Baluzii, necnon Epistola 54. ad Cornelium pag. 173.

Dixi tamen nefas esse in Persecutione fugam arripere, dum fidei causa, & salus Christianæ plebis periclitatur. V. G. Si populus absque Rectore ullo sub Tyrannorum sævitia permaneat, & ad eum qui fugit cura ovium Christi pertineat, nec totus grex fugiens persecutoribus se surripiat. Egregie id commonet, probatque in Epistola ad Honoratum 180. nunc 228. S. Pater Augustinus. Primo ait num. 2. verba Domini dicentis: *Cum persequantur vos in civitate ista, fugite in aliam*, non ita servanda, *Ut necessario ministerio, sine quo vivere nequeunt, deserantur greges, quos suo sanguine comparavit*. Ostendit in eo casu non valere exemplum Christi fugientis in Aegyptum, quia nondum Ecclesiam congregaverat, nec Apostoli, qui per fenestram in porta submissus est, quoniam *deserta non fuit Ecclesia qua ibi erat necessario ministerio*. Deinde num. 3. urget præceptum Caritatis, de quo Joan. Epist. 1. cap. 111. 16. *Quoniam ille animam suam pro nobis posuit: & nos debemus pro fratribus animas ponere*: commonstratque id non quadrare iis, qui dum fugiunt, vel suis devincti necessitatibus fugere non possunt, & comprehensi patiuntur; sed illis tantum, qui propterea patiuntur, quia fratres, qui eis ad Christianam salutem indigebant, deserere noluerunt. Quod profecto per se satis compertum est. Præterea demonstrat num. 6. Episcopos nequaquam debere imitari mercenarium, qui videt lupum venientem, & fugit, quoniam non est ei cura de ovibus; ut Christus ait Joan. x. 13. *Cum enim (inquit Augustinus) plebs manet, & ministri fugiunt, ministeriumque subtrahitur; quid eris nisi mercenariorum illa fuga damnabilis, quibus*

non est cura de civibus? Excusat ibidem fugam Athanasii, de qua supra, quoniam fugit, nequaquam a ceteris ministris deserta plebe Cathedralica, quæ in Alexandria commanebat.

Solvit eo loci Augustinus quæ possunt in contrarium opponi. Aje-
bat Honoratus nil aliud efficere Episcoporum præsentiam, nisi ut irri-
tentur magis persecutores, ita, ut spectantibus pastoribus viri cadant,
feminæ constuprentur, incendantur Ecclesiæ. At respondet S. Pater,
propter ista quæ incerta sunt non debere nostri officii esse certam deser-
tionem: si certa mala ista forent, omnes fugam arrepturos, atque
Antifistiti tunc non futuram manendi necessitatem: magis timendum ne
lapides vivi extinguantur deferentibus Episcopis, quam ne illis præsen-
tibus incendantur lapides & ligna terrenorum ædificiorum: majus fore
detrimentum si interiori sensu pereat castitas fidei, quam si feminæ vio-
lenter constuprentur in carne: in persecutione denique magnum fieri
in Ecclesia utriusque sexus concursum, aliis baptismum flagitantibus,
aliis reconciliationem, aliis etiam penitentiae ipsius actionem, omni-
bus consolationem, Sacramentorum confectionem, & erogationem.
Hæc ad num. usque 8. *Querenti an liceat fugere, ut serventur alii,*
qui residuis fidelibus ministrant; respondet quando est commune peri-
culum, cavendum Episcopo ne magis fugiendi obfit exemplo, quam
vivendi profit officio: fugiendum si non desint alii, per quos supplea-
tur Ecclesiasticum ministerium: si laici non quærantur ad mortem, pos-
se ab iis occultari Clericos, & Episcopos suos; ceterum non tanti pen-
dendam esse Ecclesiæ navim, ut debeant eam nautæ, & maxime gu-
bernator periclitantem deserere, etiam si in scapham transiliendo, vel
etiam natando possint effugere. Atque hæc ad num. 12. *Petenti denique*
quid agendum sit dum plebes decipiuntur, cum ideo non fugiant,
quia manere suos præpositos cernunt; ait declinandam hanc invidiam
alloquendo easdem plebes, eisque significando quod ideo Episcopi re-
maneant, ut fidelibus ministrant quicquid eorum salutis noverint neces-
sarium; nec omittendam hanc orationem, si utile videatur ad loca
tutiora migrare: si abire plebs nolit, aut non possit, aut eundem sit
ad incerta suffugia, & non ad finienda, sed ad mutanda pericula, non
esse Christiano ministerio deserendam: si autem abire maluerit, nec
Episcopis manendum esse, qui propter ipsam plebem manebant. Hæc
ad numerum usque postremum. Ergo cum Augustinus tam valide ner-
voseque quæstionem istam diluerit, recte ipsa Doctoris omnium præ-
clarissimi documentis concluditur.



CAPUT IX.

Quenam sit de Sinenſium ritibus controverſia.

CONSCELERATAM non eſſe Sinenſium rituum conſuetudinem in iis, quæ referunt duntaxat cultum politicum & civilem, dixi prop. 2. Capitis præcedentis. An autem interſit idololatrica ſuperſtitio, ignarus rerum, ac tanta locorum intercapedine diſſitus deſignare vix poteſt. Standum omnino Apoſtolicæ Sedis definitionibus: quæ ſpectatis diverſis circumſtantiis, & Miſſionariorum relationibus, diverſa fancivit, judicio ſemper librato, atque irreformabili. Nam anno 1645. die 12. Septembris ad quæſita Patris Joannis Baptiſtæ Moraliſ Ordinis Prædicatorum, reſpondit Sinenſium cultus eſſe illicitos: anno autem 1656. die 23. Martii affirmavit permitti poſſe, ſublatis ſuperſtitionibus, fideique proteſtatione præmiſſa, audita tunc relatione P. Martini Martini Societatis Jeſu in Sinarum Regno Miſſionarii. Remanet ergo difficultas, an poſtremo decreto emanato Sinenſium ritus ſuperſtitioſi cenſeri debeant, an permitti, & num decretum primum adhuc in ſuo robore maneat. Cum pro utraque parte innumera ſcripta prodierint, miſſus ad Sinas Reverendiſſimus Carolus Maigrot prohibuit anno 1693. cultum a Sinenſibus Confucio, & Progenitoribus exhibitum, tabellas eiſdem appenſas, vocabulum *Xang Ti*, ac *Tien*, quo ſignificant ſummum Deum, & inſcriptionem alteram *King tien*. Grave hinc ſubortum diſſidium circa Ediſtum Domini Maigrot: ac pro uſu ipſarum tabellarum ſcripſerunt plures Apologiſtæ; plures quoque illas reprobarunt; horum autem Scriptorum illuſtiores paullo infra commemorabo. Tandem in Sinam profeſtus juſſu & auctoritate Clementis XI. Carolus Thomas de Tournon, decreto ſuo emanato Pudicherii die 23. Junii anno 1704. complura alia Sinenſium uſu recepta proſcripſit, poſtea Vaticanâ purpurâ ornatus: ejuſque decretum confirmavit anno 1710. die 25. Septembris idem Clemens XI. & anno 1727. die 12. Decembris Benediſtus XIII. Etiam de Cardinali ampliſſimo ætate hac diſputatur, an conſuetudines Sinenſium fatiſ exploraverit, an innocuas tanquam ſuperſtitioſas deceptus errore inhibuerit: etenim de Confirmatione ſummi Pontificis, dummodo Cardinalis de Tournon exploret ſententiam dixerit, nemo ambigit quin rata ſit, & religioſe ſervanda. Videtur ergo mihi ampliſſimam de Sinenſium ritibus controverſiam ad tria capita poſſe revocari; nimirum an juxta decretum Sacræ Congregationis anni 1656. Sinenſes ritus permitti debeant: an ediſtum Reverendiſſimi Maigrot fuerit librato emanatum: an conſuetudines proſcriptæ ab Eminentiſſimo Cardinali de Tournon ſint revera ſuperſtitioſæ.

Quan-

Quantum ad primum caput attinet; dico per decretum anni 1656. non fuisse permiffos ritus omnes Sinenfes, fed tantum aliquos, qui ex relatione P. Martinii videbantur effe politici, ideoque decretum emanatum a S. Congregatione de Propaganda anno 1645. femper in fuo robore viguiffe. Probatur 1. quoniam Sacra Congregatio præfato anno 1656. cenfuit permittendas Sinenfibus Chriftianis ceremonias a P. Martino *prænominatas, & propofitas*. At Martinus retulerat in cultu Confucii nullum intereffe facrificulum, nihil omnino fieri ab idololatris institutum, nullas oblationes, aut facrificia, fed inclinationes tantum, quales fiunt viventi Magiftro, neque in templo, & facra æde, fed in aula, aut gymnafio: diffimulavit etiam infcriptionem tabellarum, de quibus infra; tametsi e Sinarum regno grande volumen detulerit, in quo omnes Sinenfium confuetudines erant expofitæ, ut ad illius ingenuam fidem comprobendam testati funt PP. S. J. in fupplici libello exhibito Summo Pontifici Innoc. XII. At quicquid in amplo illo volumine contineretur; nunquid Sacræ Congregationi fignificavit Confucio facras ædes erigi, appendi tabellas infcriptas aureis literis, *Sedes animæ fanctiffimi, & superexcellentiſſimi Confucii*, celebrari in ejus honorem ſolemnitates in æquinoctio veris, & autumnii, fungi ſacerdotum munere Mandarinos, adolere thurem, immolare viſtimas, offerre pilos & ſanguinem porci, effundere calicem vini in homunculum e paleis fictum, comburere pannum ſericum, nummoſque papyraceos, literatos omnes gradibus initiatos in ſacram Confucii ædem, venientes accenſis cereis quater genua fleſtere, proſtratosque ſpiritum Confucii adorare, & frontem in terram percutere? Nunquid expoſuit Sinenſes parentibus aviſque conſtruere templa, locare ibidem tabellas infcriptas literis cubitalibus, *Sedes, aut thronus animæ, vel ſpiritus NN.*, vere & autumnio inſtitui ſolemnia, patremfamilias gerere Sacerdotis vicem, maſtare porcum capramque, effuſo in aurem vino probare viſtimas, libare fructus, & legumina; & qui tenuis fortunæ ſunt, eadem peragere aut privatis in domibus, aut extra urbes ad mortuorum ſepulcra? Hæc, quæ a Sinenſibus exercentur, ut non ſolum narrat Navarretta, & Varus inclyti Prædicatorum Ordinis, fed etiam docti viri Sinenſium ceremoniarum Apologiſtæ, Didacus Morales, Jacobus Faber, Franciſcus Brancatus, Bartholomæus Roboredus, alique complures: hæc, inquam, Martinus alto ſilentio præterit; ideoque vi decreti emanati anno 1656. cenſeri non poterant permittenda. II. Laudatum P. Martinium plura præteriſſe ſilentio commonſtrant ejuſdem quæſita appoſita ad calcem Apologiæ FF. Prædicatorum editæ typis Colonienſibus anno 1699. comprobant quæ apud Sinas evenerunt poſt Martinii reditum; nam, ut refert Navarretta Tom. 2. pag. 332. Pater Adamus Schaal Mandarinus S. J. decretum anni 1656. improbavit ob minus ſinceram Martinii expoſitionem:

To. IV.

P p p

quod

quod & fecisse P. Antonium a S. Maria Ordinis Minorum testatur in sua Epistola etiam F. Dominicus Sarpetri Jesuitarum partibus addictissimus: confirmat ejusdem P. Antonii a S. Maria juramentum, quo anno 1659. asseruit P. Martinium in Civitate *Nang Cben* palam affirmavisse corruptelam exorandi animas defunctorum apud Sinas ab hinc retro trecentis annis inductam, cum tamen cultus proavorum esset ab antiqua institutione civilis tantummodo, & politicus. At hanc corruptelam Sacrae Congregationi, Romanoque Pontifici minime significavit. III. Anno 1669. die 13. Novembris in Congregatione Generali S. Officii Eminentissimi PP. declararunt, *Decretum Sacrae Congregationis de Propaganda Fide latum sub die 12. Septembris 1645. secundum tum exposita in dubiis, esse in suo robore, neque per decretum S. Congregationis S. Officii latum sub die 23. Martii 1656. fuisse circumscriptum, sed omnino secundum quaesita, circumstantias, & omnia in dictis dubiis expressa esse servandum, ut jacet: quemadmodum servandum declararunt decretum Sacrae Congregationis S. Officii, latum ut supra die 23. Martii 1656. juxta quaesita, circumstantias, & omnia in eis expressa.* Similiter an. 1674. ad quaesitum P. Dominici Navarrette xii. ex mandato ejusdem S. Congregationis Clarissimi viri Laurentius de Laurea, postea S. Rom. Ecclesiae Cardinalis amplissimus, & P. Cajetanus Miroballus S. Officii Qualificator responderunt, *Quod si obsequia illa, quae Confucio exhibentur sint mere politica, possunt permitti; si religiosa, nequaquam.* Ex quo ergo per decretum anni 1656. permittantur politicae quaedam ceremoniae, non consequitur permitti tabellas cum inscriptionibus paullo supra commemoratis, neque oblationes, neque adoraciones factas spiritibus, aut progenitorum, aut Confucii, neque solemnias æquinoctiorum, neque alia quae redolent superstitionem, & quae decreto anni 1645. fuerant prohibita: sed utrumque decretum apposite, librate, & juxta Missionariorum quaesita latum fuit, nec unum alterum irritat, abrogatque: quod de iisdem decretis erat demonstrandum.

I I.

Edictum quoque Caroli Maigrot recte, provideque superstitionis cultus eliminabat. I. Revera aedes Confucii templum est, non gymnasium, & oblationes ibidem factae, praesertim in æquinoctio veris & autumnii, superstitione ac profanae: primo quoniam Aedes illa Sinarum lingua appellatur *Miao*, quo vocabulo appellantur quoque Bonziorum *Pagoda*, sive templa idolorum: & revera fanum ac templum esse, scribunt Matthæus Ricci lib. 1. de Christiana expeditione apud Sinas cap. 10. pag. 108. Daniel Bartoli lib. 1. pag. 72. Kirkerus in suo libro, qui inscribitur *China illustrata* p. 3. cap. 1. alii-que S. J. praelari Scriptores; tamen Aedes Confuciana non sit templum commune, sed *sanum literatorum*, ac prope gymnasium erigatur.

gatur: De laudato Matthæo Riccio Maceratenſi tradunt primum, fuiſſe, qui anno 1581. ad Sinas penetraverit; ſed ibidem antea Evangelium prædicarunt Dominicani, noſtrique ordinis Fratres, & præſertim anno 1575. P. Martinus Herrada, ut non ſolum affirmat Auctor Apologiæ FF. Prædicatorum pag. 109, ſed etiam demonſtratur ex libro, cui titulus, *Hiſtoria Regni Sinarum*, auctore noſtro Joanne Gonzalez de Mendoza edito Italâ linguâ Romæ an. 1586. pag. 136. Deinde Confucii cultum illicitum ac ſuperſtitioſum declararunt die 23. Novembris ann. 1669. ex mandato Sacræ Congregationis Laurentius Brancatus de Laurea, & Joannes Bona, uterque Romanâ purpurâ clarus, doctriâ autem clariffimus: imo idem definivit Summus Pontifex Clemens XI. in Bulla emanata die 19. Martii, anno 1715. quæ incipit, *Ex illa die*. Præterea cultum Confucio exhibitum eſſe ſuperſtitioſum, nonne evincit ipſius ſimulacrum cum adoratoribus pictum in libro Italo, *Raccolta di varie principali Scritture de' PP. della Comp. di Geſù*, pag. 34. inſcriptio tabellæ, oblationes, & libamina ſuperius commemorata, & comparatio cum oblationibus factis idolo *Chin boan*, ſive Spiritui tutelari urbium, ab omni etiam aliorum rituum propugnatore damnatis? Sunt enim Confucio, & idolo *Chin boan* eadem omnino ſacræ viſtimæ, iſdem ceremoniis, eademque miniſtrorum pompa, & actione; ſi verum refert auctor Hiſtoriæ Cultus Sinenſium pag. 17. Denique Confucii cultum, & idololatricæ ceremonias etiam Miſſionarii Jeſuitæ interdixerunt anno 1628. decretis editis in urbe *Kia Tſing* provinciæ Nankinenſis, ut Navarretta demonſtrat Tom. II. pag. 110. ideoque falſum eſt a primo ipſorum in Sinarum regnum ingreſſu fuiſſe permiſſas. II. Idem aſſerendum de cultu progenitorum: quem politicum non eſſe liquet primum ex tabella, in qua non tantum defunctorum nomina inſcripta ſunt, quod tolerabile foret, verum & *Xin Goey*, aut, *Xin Chu*, quæ vocabula idem valere ac, *Sedes*, aut *thronus animæ*, vel *ſpiritus*, fatetur eruditus Apologiſta Tellier Tom. II. pag. 254. ideoque non ſunt appoſita, tantum ad excitandam, ut inquiunt, memoriam parentum, verum etiam ad commonſtrandum, quod tabellis inſideat ſpiritus defunctorum. Sufficeret enim ad revocandos parentes in memoriam filiorum inſcriptio nominum demortuorum. Ad hæc fatentur Apologiſtæ ſuperſtitioſam rem fore, ſi a defunctis eorumque ſpiritibus viventes aliquid peterent & expectarent: & Martinus, ut diximus, cum tabellarum inſcriptionem, tum expectatum a ſpiritu proavorum beneficium obtulit. At compertum eſt Sinas, cum ejuſdem ceremoniis interſunt, bona & proſpera a defunctis petere, neque id poſſe in dubium revocari; ut ſcribit Gregorius Lopez ordinis Prædicat. Episcopos Baſilitanæ, quem aliàs Apologiſtæ pro ſe laudant, apud Varum, & Scriptorem Hiſt. Cult. Sinenſ. pag. 42. imo idem affirmant

Jesuitarum Historici Alexander de Rhodes lib. 1. c. 27. Operis cujus inscriptio, *Relazione de' felici successi della S. Sede*, Joannes Maffei Historiarum Indicarum lib. 6. p. 101. alique narrantes inopias Sinarum in defunctorum cultu ceremonias. Rhodes quidem de Tunkinensibus loquitur; sed Tunkinensis ac Siniæ gentis eundem esse circa demortuos cultum, haud diffitetur Tellier in sua defensione Parte 2. pag. 314. Ac Martinus ipse, ut diximus, minime negavit corruptelam, & superstitionem consuetudinem exorandi spiritus defunctorum in politicos Sinensium ritus irrepsisse. Quare si progenitorum cultus dubio omni procul supersticiosus est, cum aut spiritus insidere tabellis creduntur, aut defuncti referuntur in Numina, aut ab illis sine Christi fide demortuis temporalia beneficia expectantur: nequit istiusmodi cultus tanquam politicus permitti, quemadmodum anno 1674. de Laurea & Miroballus declararunt, & laudata Constitutione *Ex illa die*, definiuit Pontifex Opt. Max. Clemens XI. Quis insuper credat quod in suo Prælium edito anno 1682. nititur demonstrare P. Franciscus Xaverius Philippuci, oblationes superius recensitas, exhibitasque defunctis porcorum, caprarum, libaminum, suffimentorum, esse munera defunctis oblata, non sacrificia? Ac si munera sunt, nonne qui illa exhibent, putant spiritus adesse qui munera illa recipiant? Quid si rogam, pyramque excipias, interest discriminis inter Sinensium deliramenta, & parentalia ab Ethnicis celebrata, ut defunctorum animæ excitarentur, & oblata munuscula gratanter exciperent? Parentalia illa ita in 11. Fastorum narrat Ovidius:

Est honor, & tumulis animas placare paternas,

Parvaque in extructis munera ferre pyras.

Parva petunt manes: pietas pro divite grata est

Munere; non avidos Styx habet ima deos.

Regula porrectis satis est velata coronis,

Et sparsæ fruges, parvaque mica salis,

Inque nero mollito ceres, violaque soluta.

Adde preces positæ & sua verba focis.

Sane parum discrepant istæ a Sinensium ritibus cæremoniæ. De his propterea querimus, cur superstitione non sint, & interrogamus:

Eccæ Deos manes cur inficiaris haberi?

Ipsi patrum monumenta probant: Dis manibus illis

Marmora scæla lego,

cum Prudentio in priori ad Symmachum: at pro marmore ponam e ligno castaneo tabellam inscriptam, *Xin Goey*. III. Opportune Maigrotius vetnit, ne Deus Sinica lingua appelletur *Xang Ti*, aut *Tien*, & ne templorum aris appendatur tabella cum inscriptione, *King Tien*, & tabella hac prohibita decrevit appellandum Deum recepto a Missiionum originae vocabulo *Thien Chû*: quæ omnia sancivit quoque laudata

in

in Bulla Clemens XI. Enimvero *Xang Ti*, quod latine reddunt, *ſupremus Imperator*, auctore Nicolao Longobardi S. Jeſu in lingua Sinica plurimum exercitato, conſtat ſignificare ſubtiliſſimam materiam, & quaſi quintam eſſentiam, quam Sinenſes idololatræ ſummum Deum credere, nedum nos ſcripſimus libro 1. cap. 2. ſed & aſſerunt P. Alvarus Semedo in Relatione Monarchiæ Sinenſis P. 1. cap. 17. P. Jo. Maffejus Indicarum Hiſtoriarum lib. 6. p. 100. P. Ludovicus Le Comte de Præſenti ſtatu Sinici Imperii Tom. 2. pag. 181. oppugnatores vero Sinenſium Rituum proſuſ omnes. *Tien* vero ſignificare cælum, & *King Tien*, idem eſſe, ac, *Cælum coſito*, nullus negat. Quomodo ergo hæc nomina uſurpanda ſunt, quibus idololatræ percipiunt eundem eſſe Chriſtianorum numen, & diſſuſum ætherem, orbiumque cæleſtium gyros, & neophyti pariter & Chriſtianam religionem amplexi ante iſtiusmodi tabellas proſtrati antiquam retinent ſuperſtitionem. Deinde quod ajunt Apologiſtæ, & in ſupplici libello exhibitio Innoc. XII. ampliſſima Societas Jeſu, Dei nomen a Sinenſibus proferri non poſſe latino vocabulo, etiam Dei nomen ab Ethnicis tributum cælo, lunæ, ſideribus, nec tamen a nobis repudiari, divinam quoque Scripturam interdum cæli nomine Deum ſignificare, conſuetam eſſe locutionem iſtam, *Roma Pelagium damnavit*, *Curia hunc abſolvit*, perſuaſum denique eſſe Sinenſibus unum Deum a Chriſtianis coli, non cælum materiale: id inquam, nullum movere debet, poſtquam iis omnibus ponderatis, Apoſtolica Sedes præſata vocabula expreſſe prohibuit. Et quidem non jubentur Sinenſes adhibere latinum vocabulum *Deus*, ſed ab iſſis receptum *Tien Chu*, ideſt, *Cæli Dominus*: neque *Xang Ti*, ac *Tien*, nomina ſunt appellativa, quemadmodum eſt *Deus*, ut poſſint vero, falſique nominibus convenire; nec quæritur quid prædicta vocabula poſſint metaphorice ſignificare, ſed quid nativa inſtitutione ſignificent, & an Chriſtianis fas ſit eidem tabellæ cum idololatræ genua ſteſtere, & profiteri ſe colere *Xang Ti*, ac *Tien*, numen ſcilicet, quod alii omnes tenent eſſe cæleſtem materiam: ideoque Apologiſtarum conjecturæ videntur ſuiles atque ineptæ. Poſtremo ipſi Miſſionarii Jeſuitæ circa ſignificationem, uſumque vocabuli *Xang Ti* minime convenerunt: nam, ut dixi, Nicolaus Longobardi contendit ſignificare ſubtilem, æthereamque materiam, Miſſionarii Societatis anno 1628. in Conventu celebrato in urbe *Kiating* ſtatuervnt *Xang Ti* non eſſe verum ſpiritum: Palmerius Miſſionariorum viſitator anno 1629. prohibuit ejusdem vocabuli uſum. At Riccius qui anno 1581. ad Sinas pervenit, tradiderat vocabulum illud ſignificare verum Deum: atque id in cauſſa fuit, ut revocaretur in uſum, & P. Franciſcus Hurtado anno 1645. ad componenda diſſidia ſcriptum P. Nicolai Longobardi flammas damnaret; ſi verum narrat Auctor Hiſt. Cultus Sin. pag. 121. Saltim ergo *Xang Ti*, tanquam ſignificationis ambigux erat pro-

proscribendum : ac sapientissime Clemens XI. definivit admittendum esse *Tien Cbu*, nomina vero *Tien*, & *Xang Ti* penitus rejicienda.

I I I.

Caput hujus disquisitionis tertium spectat decretum Cardinalis de Tournon a Clemente XI. & Benedicto XIII. confirmatum, quod universam controversiam definiret, si liquido constaret virum illum integerrimum vera ad Apostolicam Sedem rectulisse. Id vero mihi non videtur in dubium revocandum. Enim vero idem Clemens XI. Pontifex Maximus decretum illud inviolabiliter observandum esse sancivit die 25. Septembris anno 1710. pro illius executione dedit Epistolas officii, & sollicitudinis plenissimas ad Joannem Portugalliæ Regem die 20. Januarii an. 1711. Deinde accepto nuncio mortis Cardinalis eximii, in Epistola ad Franciscum Archiepiscopum Manilæ data sub die 15. Junii anno 1713. ipsum Cardinalem appellavit *magnum Catholica Religionis præsidium, magnum Apostolicæ Sedis propugnaculum, magnum Romanæ Ecclesiæ decus ac lumen*; atque Apostolicis verbis istud eidem contexit elogium, *Bonum certamen certavit, cursum consummavit, fidem servavit*. Die denique 19. Martii anno 1715. Bulla, *Ex illa die*, post maturam discussionem, nec sola relatione Cardinalis de Tournon ad examen revocata, sed Missionariorum plurium cujusque Ordinis, etiam formulam juramenti præscripsit, qua omnes ac singuli in Sinarum regno missionem exercentes spondeant se ritus ac tabellas, & nomina superius exposita reproburos, & decreta servaturos Cardinalis præclarissimi. Quis ergo de tanto viro, tali Romani Pontificis commendatione exornato, ac post tam longam accuratissimamque adjudicationem, accedente etiam Benedicti XIII. sententia: quis inquam nisi audacter ac temere pronuntiabit aut decreta edidisse rebus omnibus non inspectis, aut Sinenfibus Christianis superstitionem affricasse, aut Sedi Apostolicæ imposuisse, maxime cum innumera pericula & vitæ rerumque discrimina invicto animo pro Catholica fide subierit? Quæ autem Edicto Cardinalis de Tournon inhihentur, scite, opportune, ac juste prohiberi demonstrat erudito Opere Aloysius Maria Lucini Ordinis Prædicat. S. Officii Commissarius Generalis: quem oppugnare conatur Scriptor Anonymus, Opere tripartito, cuso ante paucos annos typis Genuensibus. Hujus quidem Auctoris commendamus stilum, eruditionem, ingeniique acumen: sed in Causa Apostolicæ Sedis judicio finita parum valet mentis acies, verborumque delectus. Missis etiam quæ Lucinus nervose & luculenter pertractat: aperte damnat tesseram illam nuptialem cum imagine idoli *Polleyarris*, sola effigies apud eundem Scriptorem pag. 169. postremæ editionis, & resticula centum & octo filis contexta, & eroceo suceo delinita. Negantibus autem adesse effigiem idoli, præfixumque filorum numerum, ne illos arguamus mendacii, respondemus amplissimum esse Sinarum regnum,

ncc

nec ubique coli nuptiarum genium aut *Diſtam*, aut *Polleyarem*: at ubi colitur, tam apertam ſuperſtitionem eliminandam. Quis præterea æquo animo ferat institutionem feſtorum ob muliebria, dum primum ſuunt in pubertate, & apparet puella apta viro? Quis ob fordidiffimum fluxum templum, & Sacramenta mulieribus interdicat, tametsi eo decidente fas eſſet feminam latitare? Quis in nuptiis arborem Arefciomaram, & palmæ nucem ad auſpicia conſtractum patiatur in profanis ſimul, Chriſtianisque conjugiiſ? Illud præterea, quod Miſſionarii accedere nolint ad Sacramenta miniſtranda infirmis infimæ conditionis, *Parreas* vulgo dicunt, qui a nobilioribus ſummo ludibrio habentur propterea quod boum carnibus veſcuntur, quas occidere Brahamanis flagitium eſt inexprabile, ut Vincentius Maria Carmelita excalceatus ſcribit lib. 111. pag. 314. illud inquam, aperte immanitatem, nobilium ſtudium, ac ſuperſtitionem præſeſert. Denique conſperſos in fronte cineres conſectos e vaccæ ſtercore, impreſſaque ſigna delineata in Opere Lucinii pag. 412. neſcio quo jure poſſint a nota ſuperſtitionis excuſari. Atque hæc eſt mea de Sinenſium Ritibus perſuaſio. In quibus tamen, ſi nullum adeſſet ſuperſtitionis indicium, ut contendunt Aloyſius Le Comte, Jacobus Faber, Scriptores librorum, qui inſcribuntur, *Vera Sinenſium ſententia, Monumenta Sinica, Expoſitio facti oblata ſacra Congregationi juffu Innocentii XII. anno 1699.* aliorumque editorum anno 1700. atque ſi inconvulſa: eſſent teſtimonia Proſperi Intorcetta, Martini Martinii, & Dominici Mariæ Sarpetri, aſſerentium ſuperſtitionem omnem a Chriſtianis vitari, poſſent Miſſionarii omnes facile convenire, eademque doctrinæ conſpiratione commiſſum munus explere. Id gravi Concione nuper, id eſt, die XXI. Decembris præteriti anni 1739. in Quirinali aula coram Purpuratorum Patrum Senatu proloquutus eſt vir doctrina, ætate, exemplo plurimum venerandus F. Bonaventura Barberini Concionator Apoſtolicus, & Generalis *Capuccinorum*. Fieri id poteſt, ſi penitus rejiciantur vota, ſacrificia, ſuffimina, ac libamenta,

Quæ non miſiſta Deo vacuis in nubibus hærent,

Nec penetrant ſuperi ſtellantem Regis in aulam,

ut S. Paulinus ſcribit in quarta ad Auſonium Epiſtola.

C A P U T X.

*An permaneat fides in homine impio, in homine hæretico,
in homine vitâ ſancto.*

INQUIRENDUM nunc eſt de Fidei ſubjecto: nam Heterodoxi qui ſanctificantem gratiam a fide non diſtinguunt, docent conſequenter

ter iustum esse quisquis fidem servat; nec gratiam amitti nisi peccato apostasiæ & infidelitatis: eisque accedunt, qui autumant fidem divulgatam a caritate non operari Christianas virtutes, neque fidem, quæ est bonum germen ac semen, esse absque amore & fiducia; ut habetur in propositione 11. & 111. Quenelliana. At in iis, qui in hæresim prolabantur, & pravo dogmati hærent pertinaciter, fidem deficere communiter docent contra Durandum Scholastici: quamquam multi distinguant inter Catholicam, integram, inviolatamque fidem, & fidei partem, teneantque illam quidem in hæretico deperire, sed remanere fidem aliquam, sive priorem supernaturalem illuminationem falsitati permixtam, ut docet S. Bonaventura, & probare videtur in 111. dist. 23. §. 13. magni nominis Theologus Guilelmus Estius; etsi utramque partem disputet, nec rem definiat. At istud inter Scholasticos dissidium facili ratione componitur, si quod appellant objectum *materiale*, & quod *formale* dicunt, dispescamus. Enimvero hæretici plura nobiscum tenent, ut Trinitatem, Incarnationem, Baptismum, quæ etiam divina revelatione, non perceptione naturali ad illorum notitiam pervenerunt; sed his minime assentiuntur ob divinam auctoritatem ab Ecclesia propositam, ideoque non fide divina, sed humana duntaxat, acquisita, & historica. De illis autem, qui concesserunt naturæ, exceptis animis purgantium adhuc a cælesti patria extorribus, quæritur, num in iis ad ornatum, aut ad religionis symbolum *habitus* fidei persistat. Atque hæc congrua brevitate resoluturus de priori parte sic statuo.

PROPOSITIO I. Remanet fides in homine impio, dummodo infidelitatis crimine non se commaculet.

Liquet primo ex Apostolo, qui in 1. ad Corinth. xiiii. 2. aperte fidem a caritate sejungit, quod & præstat Augustinus de Fide & operibus cap. 14. Produximus loca Volumine 111. pag. 494. Accedit definitio Tridentini sess. 6. can. 28. *Si quis dixerit amissa per peccatum gratia, simul & fidem semper amitti; aut fidem quæ remanet non esse veram fidem, licet non sit viva; aut eum qui fidem sine caritate habet non esse Christianum, anathema sit.* Huc spectat propositio 12. damnata ab Alex. VIII. *Quando in magnis peccatoribus deficit omnis amor, deficit etiam fides, & etiamsi videantur credere, Non est fides divina, sed humana:* & 52. Quenelliana, *Fides non est absque amore & fiducia.* Suffragatur & ratio; nam fides & caritas diversum habent *objectum*, atque illa tendit in Deum ut verax est, hæc in Deum ut summe bonum; possumus autem odisse etiam ea, quæ existere non ambigimus, dummodo non sic appareant, ut animum ad se trahant necessaria & vehementissima dilectione, uti contingit in patria. At fides, etiamsi sit *rerum sperandarum substantia*, scilicet, summum bonum tam firma persuasione credat, ut de ejus existentia non hæsitet, non

co

eo tamen prasente ac perspicue viso adeo allicitur, ut nequeat ab illo casta dilectione divelli. Adde nullum virtutis *habitus* in hac mortali vita deperdi, nisi per oppositam qualitatem; unde Synodus Tridentina cit. sess. 6. cap. 15. recte sancivit sola *infidelitate* ipsam fidem amitti.

Moverunt adversarios nonnulla, quæ ex hætenus disputatis habent facillimam solutionem. Ajunt fidem, Scriptura divina concla- mante, sine operibus mortuam esse, & a caritate sejunctam esse nihil, nihil prodesse: addunt juxta Augustinum solam fidem, quæ per dilectionem operatur, mundare cor, piamque fidem sine spe & caritate non esse; ita nimirum S. Pater in Pfalm. 31. num. 6. serm. 53. in Matth. cap. 9. num. 11. & Epist. 120. num. 8. Postremo, inquit, nulla, si desit caritas, datur virtus, quæ faciat Christianas actiones; nulla sine ordine amoris in Augustiniana Theologia vera virtus censenda est.

Sed hæc nimium futilia sunt, & recocta. Fides enim sine caritate *informis* est, mortua est, & etiam ab actuali amore penitus separata ad justificationem non sufficit; sed nunquid omnino extinguitur, & sine gratia sanctificante exercere nequit actus suos? Mortua sine hujus gratiæ ornatu appellatur, quia non est illa fides, qua justus vivit, qua promeremur vitam æternam, qua separamur ab immundis; at etiam in peccatore pios sine gratia habituali motus operatur, qui non imputantur, nisi inchoate, ad justificationem ac vitam: ad quam impii disponuntur, *dum credunt vera esse, quæ divinitus revelata sunt, atque illud in primis a Deo justificari impium per gratiam ejus*; ut loquitur Tridentinum. Recte proinde Augustinus affirmat piam fidem esse cum dilectione, & sine dilectione cor non emundari per fidem; quoniam *Fides per dilectionem operatur*, inquit Apostolus ad Gal. v. 6. &, *Si caritatem non habuerit, nihil mihi prodest* 1. ad Corinth. x. 11. 3. Igitur concludit fidissimus Apostoli interpret Augustinus Tract. 6. in Joannem n. 21. *Magna est fides, sed nihil prodest, si non habeat caritatem*, & alibi, *Fides sine caritate potest esse, non tamen prodesse*. Verum, inquis, quomodo id, si nulla absque caritate datur virtus? Principio ad virtutem non requirit Schola Augustiniana caritatem *habitualement*; sed ordinem dilectionis, qua virtus non sit inflata dum ad seipsam refertur, nec vicio labefactetur dum marcescit cupiditate; de quibus plura lib. xv. 111. cap. 3. Deinde proficitur *habitus* virtutum, etiam supernaturalium a caritate distinctos; tametsi caritas actibus ceterarum virtutum tribuat formam, ac perfectionem: ut explicavi supra pag. 208. Denique contendit humanam volentem in quolibet exercitio virtutis duci vario ipsius amoris affectu, five boni cupiditate, quæ nec deest in fide *informi*, auctore Divo Thoma 2. 2. q. 5. art. 2. ad 2. sed non requirit ad cujuslibet virtutis actum *explicitum* illum amorem, qui tendit in Deum ut summum bonum, constituitque

virtutem peculiarem, ceterisque præstantiorem, quæ speciali quadam ratione dicitur *Caritas*.

PROPOSITIO II. Non permanet vera fides in homine hæretico.

Solet a quibusdam hæc thesis comprobari verbis Apostoli in 2. ad Tim. 1. 17. *Sermo eorum, ut cancer serpit: ex quibus est Hymenæus, & Philetus, qui a veritate exciderunt*: at non satis percipio hujus argumenti robur, docente ibidem Paulo Hymenæum ac Philetum aberrasse a fide resurrectionis, ut constat ex textu, ex Tertulliano de Resurrect. Carnis, & ex Augustino serm. 362. num. 22. an vero hi fidem omnem amiserint, hæc tantum verba minime evincunt. Videntur magis efficacia quæ idem Paulus scribit ad Galatas v. adversus asserentes legalium ad salutem necessitatem, dicens v. 4. *Evacuati estis a Christo*, scilicet *a spiritu fidei*, ut explicat versu proximo: cujus rei & rationem subinde assert, quoniam non auctoritatem Dei revelantis consectabantur, sed humanam, errorique obnoxiam opinionem: *Persuasio*, inquit, *hæc non est ex eo, qui vocat vos*. Quod sane faciunt hæretici omnes, dum privato spiritu, aut hominum doctrinis seducti ea duntaxat credunt, quæ proprio ingenio & voluntati magis consentanea sunt. Quare S. Pater Augustinus ita Manichæos alloquebatur lib. contra Faustum xvi. cap. 3. *Qui in Evangelio quod vultis creditis, quod vultis non creditis, vobis potius, quam Evangelio creditis*. Addit laudatus Apostolus in 1. ad Corinthios 11. 11. *Fundamentum enim aliud nemo potest ponere præter id quod positum est*: quæ verba S. P. Augustinus in Enchirid. cap. 5. num. 1. explicans de fide Catholica inquit: *Necque hoc ideo negandum est proprium fundamentum esse fidei catholicæ, quia putari potest aliquibus hæreticis hoc nobiscum esse commune. Si enim diligenter quæ ad Christum pertinent cogitentur, nomine tenus invenitur Christus apud quoslibet hæreticos, qui se Christianos vocari volunt: reipsa vero non est apud eos*. Ex quibus omnibus hoc pacto ratiocinamur. *Qui credunt humana persuasionem, nec fidei catholicæ fundamentum tenent, hi supernaturalem fidem nequaquam servant*. At hujusmodi sunt hæretici.

Ratio ex his depromitur manifesta. Fides enim non humanæ persuasioni innititur, non privato spiritui, non anteceptæ hominum insinuationi; sed cum sit divina, eliciatque assensum immobilem, atque firmissimum, nititur divinæ auctoritati per Ecclesiam propositæ. Cum ergo nullus hæreticorum unum aut alterum fidei articulum in dubium revocans, aut præfacte negans ad hanc inconcussam, certissimamque normam propriam fidem exigat: quomodo credit fide supernaturali ac divina? Audiatur D. Thomas, cui major Scholasticorum pars assentitur, 2. 2. q. 5. art. 3. *Dicendum, inquit, quod in hæretico discredente unum articulum fidei non manet fides, quia species cujuslibet habitus dependet ex formali ratione objecti, qua sublata species habitus remane*

re

nere non poteſt . Formale autem obiectum fidei eſt veritas prima , ſecundum quod manifeſtatur in Scripturis ſacris , & doctrina Eccleſiæ , quæ procedit ex Veritate prima . Unde quicumque non habet , ſicut inſallibilis , & divina regula , doctrina Eccleſiæ , ille non habet habitum fidei .

At dices : Discipuli , quibus Marci ult. verſu 14. exprobravit Dominus incredulitatem , & duritiam cordis , quia iſi , qui viderant eum reſurrexiſſe , non crediderunt ; & Thomas , cui Joan. xx. inquit , *Noli eſſe incredulus , ſed fidelis* , nunquid fidem prorsus amiſerant ? Reſpondet Lyranus , utique diſcipulos , de quibus Marci ultimo , tunc fuiſſe incredulos , quoniam Reſurrectio Domini pluribus argumentis fuerat declarata ; niſi velimus dicere increpatam a Domino incredulitatem , quæ antea in illis fuerat , dum mulieribus , ceteriſque diſcipulis credere noluerunt . Arbitror tamen per incredulitatem , qua aliquis non vult præſtare fidem privato homini myſterium nondum ſibi exploratum narranti , ſi habeat paratum animum credendi aut Eccleſiæ proponenti , aut Domino revelanti , fidem nequaquam amitti ; & hanc fuiſſe incredulitatem Thomæ , aliorumque diſcipulorum , longe diverſam ab hæreticorum pervicacia . Legitur quidem in vulgaribus libellis candelas , quæ in majori hebdomada extinguntur ſignificare extinctam in Chriſti morte fidem Apoſtolorum : verum id a Theologis explodi obſervat Gavantus ſect. vi. cap. 13. n. 22. & Rupertus Abbas lib. v. de divinis Officiis cap. 26. docet ſignificare tenebras factas Chriſto mortuo ſuper univerſam terram , Judæorum cæcitatem , & mortem Prophetarum , qui , ut candelæ poſt ſingulos extinguntur pſalmos , occiſi ſunt expleto prophetiæ ſuæ miniſterio : candelam vero ceteris ſublimiorem ſignificare ipſum Dominum , tanquam unum ex prophetis occiſum , & poſtea redivivum a mortuis : quod poſtremum probat etiam noſter Angelus Rocca de Campanis cap. 25.

Præterea objicies : Auguſtinus de unico baptiſmo cap. v. num. 7. Judæo ad Eccleſiam venienti ait , *Tene fidem reſurrectionis mortuorum ſicut tenebas , ſed crede jam Chriſtum reſurrexiſſe a mortuis quod non credebas* : ac ſimiliter hæretico , *Tene Chriſtianum baptiſmum in nomine Patris , & Filii , & Spiritus ſancti , ſicut tenebas , ſed agnoſce Chriſti Eccleſiam , toto , ſicut prophetatum eſt , orbe creſcentem , cui ſacrilega voce maledicebas* : agnoſcit ergo Auguſtinus in Judæo veram fidem reſurrectionis , & in Donatiſta veram fidem baptiſmatis . Idem S. Pater de Patientia cap. 26. num. 23. laudat patientiam Schiſmatici , qui *ne Chriſtum neget , paſitur tribulationes , anguſtias , ſumem , &c.* & proximo num. demonſtrat , non eſſe viribus tribuendam voluntatis humanæ , ſed eſſe donum Dei , licet donum exvaredatorum , quoniam per elationem vel timorem , non per dilectionem operatur . Ac ſimilia docet lib. 111. de Baptiſmo cap. xix. num. 27. Agnoſcit ergo

Augustinus in hæreticis & schismaticis fidem inter Dei munera computandam.

Resp. Sive in Judæis, sive in hæreticis esse aliquam fidem *materialem*, inspecto scilicet aliquo objecto, quod credunt, V. G. resurrectionis articulo, & necessitate baptismatis; at non fidem *formaliter* talem, quæ nimirum assensum præbet ob divinam auctoritatem propositam ab Ecclesia: nam S. P. in libro de unico baptismo demonstrat non solum in hæretico vel Judæo, verum etiam in idololatra aliquid esse, quod probat fides catholica; & quemadmodum dicitur Judæo, *Tene fidem resurrectionis*, aut hæretico, *Tene Christianum baptismum*, ita dicitur idololorum cultori, *Tene ab uno vero Deo mundum conditum esse, quod tenebas, sed noli credere Deos esse ligna, & lapides, & ipsius mundi quaslibet particulas, quas colebas: Dei enim veritatem, qua credis ab ipso mundo conditum, in tua detines iniquitate, qua Deorum cultor vis esse falsorum*. Ergo quemadmodum hæc idololatæ fides, qua credit mundum a Deo conditum, orta ex naturali philosophia, supernaturalis non est; ita neque fides Judæi, vel hæretici acquisita monitis parentum, atque hominum institutis. Sed, inquis, hanc Augustinus computat inter Dei munera in libro de patientia, & in 3. contra Donatistas. Si naturam *objecti* inspicias, fides etiam hæretici hominis, supernaturalis est, nisi enim Deus revelasset mysteria, nunquam ad ejus notitiam pervenissent; at si spectetur *motivum credendi*, naturalis est, neque enim captivat voluntatem in Dei revelantis obsequium, sed vel est coacta, & rerum evidentia, ut in Dæmonibus, naturaliter gignitur; vel imbecillis & fallax est, & humanæ innititur persuasioni. Agnosco itaque librum de patientia tanquam genuinum Augustini opus, licet aliter visum Erasmo: & nego laudabilem esse aut patientiam schismatici, aut fidem hæretici, nisi ut laudatur Fabricius & Catilina: quod monuerunt in Præfat. ad hunc librum PP. Benedictini, & nos diximus Tom. III. pag. 384. quamquam est in fide hæretici aliquid divini muneris sensu explicato. Atque ex his corrumpit, quæ opponit Esius, fieri posse ut innotescant credenda sine Ecclesiæ propositione, aut revelatione speciali, ut Abrahamo; aut virtute miraculorum, ut Apostolis, aut fine ullo hominum ministerio, ut parvulis infunditur in baptismo fides *habitualis*: etenim quisquis hoc pacto vocaretur ad fidem, si recte crederet, haberet saltim animi præparationem credendi quicquid divina auctoritate firmatur: quod non faciunt hæretici ab Ecclesia alieni, & tanquam sarmata inutilia de vite præcisa.

Quod si opponas: Nonne in hæreticis remanet eadem credendi facilitas, eademque immobilis persuasio? Respondeo in primis nec eandem fidei firmitatem manere, quoniam medio fallaci & labili, non fundamento Ecclesiæ fides hæreticorum innititur: atque hinc est tanta hære-

hæreſum variatio , tanta Apoſtatarum inconſtantia , tanta novorum dogmatum ſeges . Deinde cum doctiſſimo Cardinali de Laurea diſput. 111. de Fide art. 14. præter fidem ſupernaturalem *inſuſam* , admitto habitum fidei *acquiſitæ* , aut majorum inſtitutione , aut conſuetudine , aut Catechiſtarum doctrina : qua fide permanente , etiam habitu fidei ſupernaturalis per infidelitatem deleta , hæretici adeo nonnulla credunt , & tam firma adhæſione , ut pro illis fundere ſanguinem parati ſint , & martyrium affectent , quemadmodum de Donatiſtis ſcribit Auguſtinus in Breviculo , & in 111. contra Creſconium , necnon de Montaniſtis Euſebius lib. v. H. Eccl. cap. 6. quod tamen Balduinus in Hiſtor. Carthag. Collat. pag. 364. recte appellat *fatuam xurdeſiam* .

Si denique objicias non deſtrui ſcientiam , per hoc quod in una concluſione aberretur , non violari omnia præcepta per hoc quod unum frangatur , non derogari fidem homini , per hoc quod in una re ipſi non præbeatut aſſenſus ; optimam arbitror reſponſionem S. Thomæ cit. artic. 3. quod concluſionibus unius ſcientiæ aſſentimur propter diverſa media , fides autem propter unum medium , ſcilicet divinam veritatem ab Eccleſia propoſitam , ſingulis inhæret articulis : & præcepta etiam ob diverſa motiva ſervantur ; nam ſi quis unum transgrediatur ob motivum princeps , quod noli Deo perfecte obedire , ut Jacobus inquit cap. 11. 10. *factus eſt omnium reus* . Atque huic divi Thomæ reſponſioni addo , poſſe nos ſimiliter ratiocinari de fide *acquiſita* , & naturali , quæ diverſis motivis inniti poteſt ; at non de ſupernaturali , quæ ob unam tantum rationem aſſenſum præſtat revelatis a Deo veritatibus . Cum Deo ipſo fallere & falli neſcio comparari nequeunt ,

*Cimmerias inter tenebras quos error opacat ,
Vanaque pro vero ſe oſtentat opinio menti .*

PROPOSITIO III. In animabus corpore ſolutis , ſuoque in termino conſiſtentibus habitus ſupernaturalis fidei non permanet .

Vel enim de beatorum ſpiritibus loquimur , vel de in gehennam detrufis . Si de illis verba faciamus , ſaltim quoad præcipuum *objectum* fides non manet ; quoniam non vident *per ſpeculum* , & *in ænigmate* , ſed *facie ad faciem* . Videtur id ab Apoſtolo definitum in priori ad Corinth. 111. 12. ubi etiam ceteris virtutibus præfert caritatem , eo quod nunquam excidat . Apoſtolo conſentit Auguſtinus ſcribens lib. xiv. de Trinit. 11. num. 4. *Neque enim jam fides erit , qua credantur quæ non videntur ; ſed ſpecies qua videantur quæ credebantur* . Neque neceſſum eſt fidem beatis ſpiritibus tribuere ad ornatum , quum omnem ipſis decorem conferat ſplendor gloriæ ; & virtutum munera ob ſupernaturalia præſertim opera ſint collata .

Si autem ſermo ſit de damnatis ; hi omnium ſupernaturalium donorum ornameto exſpoliantur , permanente duntaxat *charactere* quo fideles

fideles ab infidelibus secernuntur. Ait quidem Jacobus cap. 11. 19. *Et demones credunt, & contremiscunt*: sed ut ostendat non prodesse ad salutem fides, qua malorum vindicem pertimescimus, nisi serventur mandata; non ut comparationem instituat inter fidem demonum, hominumque fidelium. Illi namque credunt perspicaci mentis acumine, rerum eventu, expletis vaticiniis, proprioque experimento coacti; isti Spiritu sancti illustratione, pio mentis affectu, ac libera voluntate.

C A P U T XI.

De Spe fidelium, ejusque necessitate, & certitudine.

EX fide, inquit S. P. Aug. cap. clv. Ench. n. 30. *nascitur spes bona fidelium*; cum enim fides rerum sperandarum præstantiam statuat ob oculos, illarum gignit desiderium atque expectationem, sine qua humana studia, laboresque flaccescerent. Nam ut temporalium actionum altrix est præterfluentium bonorum fiducia, canente Tibullo,

Spes alit agricolas, spes sulcis credit aratri

Semina, quæ magno fœnore reddat ager;

Hæc laqueo volucres, hæc captat arundine pisces;

Cum tennes hamos abdidit ante cibos.

Spes etiam valida solatur compede victum,

Crura sonant ferro, sed canis inter opus:

ita fideles bonis operibus vehementius insudant, dum fiduciam, & gloriam spei, juxta Apostoli monitum ad Heb. 111. 6. *firmam* retinent. De Spe itaque hoc loco pertractandum est. Spei autem nomine non intelligimus rerum adversarum expectationem, ut Virgilius in iv. Aen. ab Augustino laudatus cap. 8. Ench. dum ait,

Hunc ego si potui tantum sperare dolorem,

& ipsemet Augustinus in Psalmum 64. scribens, *Profers spinas? ignem spera*; sed expectationem duntaxat bonorum: atque utimur hoc vocabulo spei non tantum ad significandum spei nostræ objectum, ut dum dicimus cum Psal. x111. 6. *Domine spes ejus est*, vel gratiam & auctoritatem eorum, quibus intercedentibus sempiterna bona speramus, ut dum quotidie salutamus his verbis Deiparam, *Spes nostra, salve*; verum etiam ad significandam inditam divinitus virtutem, quam pium desiderii & fiduciæ motum exerimus. Atque virtutem hanc definire solent Theologi: *Spes est virtus divinitus infusa, per quam certa cum fiducia nostra salutis, & aeterna vita bona expectamus*: aut cum Haymone, *Spes est certa expectatio futura beatitudinis veniens ex Dei gratia, & meritis præcedentibus*.

Hujus Spei objectum, ut appellant, materiale est ipse Deus, in-

quan-

quantum eſt immortalium animorum vita , merces , & finis ultimus ; nam alioqui ſpes non eſſet inter virtutes Theologicas connumeranda ; cum illa ſit virtus Theologica , quæ Deum habet pro objecto . At cum permulta nos ad Deum ipſum perducant , gratia præſertim , peccatorum remiſſio , & finalis perfeverantia ; etiam hæc ſunt ſpei noſtræ *objectum* , ſed veluti ſecundarium , eò quod a nobis ratione ultimi finis tanquam media expetantur , neque cor noſtrum attrahant , niſi ob ſummi boni conſecutionem . Nam ſicut fides Catholica , quæ Deum ſummam veritatem credit , etiam alias veritates complures proſitetur ſub ea ratione , quod ore ipſius Dei revelata ſunt : ita ſpes , quæ in Deum ejuſque beatitudinem tendit , reſpicit etiam gratiarum munera , quatenus viam ſternunt ad ipſam beatitudinem capeſſendam ; ac etiam caritas , qua Deum ſummum bonum diligimus , ſeſe extendit ad proximum , quem tamen ob ſummum bonum directo amore proſequimur . Ac juxta hanc finis mediorumque diſtinctionem accipiendum eſt , quod vulgo a Theologis traditur , ſpem oratione Dominica , fidem Symbolo , caritatem decalogo contineri . Objectum autem *formale* ſpei non eſt in Schola noſtra finis ultimi arduitas , ſed potius Dei omnipotentia ac miſericordia , quibus opitulantis æterna vita , quæ nobis reſpromiſſa eſt , acquirere poſſumus , & ſine quibus arduitas illa animum noſtrum potius excruciet , ac deterreret . Extat in ſententiis a Sto- bæo collectis pag. 460. illud Lini ,

Omnia ſunt ſperanda , nihil ſperare negatum ,

Nam nihil eſt , quod non valeat divina poteſtas .

Poteſtati autem divinæ ſi beneficentiam , miſericordiam , largitate m- que ſupremi Numinis addas , habes quo in ſpem vivam animus eri- gatur .

Spes a fide , & a caritate diſtinguitur , etiamſi ad actum ſpei requiratur amor aliquis inchoatus , quo Deus diligitur , ut inquit Eſtius in 111. diſt. 26. §. 2. quatenus ab intellectu proponitur , ut ſummum ac beatificum noſtrum bonum , licet ſemper non adſit amor caritatis , quo voluntas affecta cetera omnia ſummo bono poſtponat . Et ſpem quidem a fide diſtingui ſatis liquet , cum aliqua credantur , quæ ſpei noſtræ objectum non ſunt , ſed potius horroris . *Quis namque fidelium pœnas non credit impiorum ? nec ſperat tamen* , inquit cap. 8. n. 2. Enchiridii Auguſtinus . Diſtingui autem ſpem ab habitu caritatis docent Catholici omnes , atque his momentis evincunt . Primo Tri- dentina Synodus ſeſſ. v1. cap. 6. ait peccatores ad juſtificationem diſ- poni , dum *ad conſiderandam Dei miſericordiam ſe convertendo in ſpem eriguntur , fidentes Deum ſibi propter Chriſtum propitium fore* : & can. 3. definit poſſe hominem ſuſſultum præveniente Spiritus ſancti inſpira- tione & adjutorio , *ſperare ſicut oportet* ; ideoque ſpes tanquam diſpo- ſitio juſtificationem præcedit , & ab ipſa ſeſungitur . Deinde proſcripta eſt

est a Clem. XI. 57. propositio Quesnelli, *Totum deest peccatori quando ei deest spes; & non est spes in Deo, ubi non est amor Dei*; quam secundam propositionis partem *de amore Dei regnante*, scilicet de caritate, quæ justificat, recte exponit Fulgentius Bellelli postremo in Opere Vol. 2. pag. 192. Præterea S. P. Augustinus Tract. 83. in Joannem spem aliquam esse *informem* aperte affirmat his verbis: *Frustra quidem, sed tamen potest sperare veniam, qui non diligit*. Postremo qui inops est meriti, sed illud tamen eupit propria industria, aliorumque beneficio comparare, etiam sine præsumptionis nota præmium expectat, non absolute & immediate, sed conditionate, meritoque præmissio. Hoc enim pacto laudabiliter adolescentes literis dant operam, ut scientia præditi acquirant virtutis mercedem atque ornamentum; & qui potest augere divitias, sperat ampliorem rei domesticæ possessionem. Quamvis ergo iniquus & scelestissimus nullum habeat gloria meritum, quia tamen donec vita fungitur, potest a Dei munificentia gratiam & remissionem obtinere, perseverat in illo virtus spei, qua confidit se æternam vitam consequuturum, conditionate tamen, & si respiciat; nam alioqui foret hæc inanis fiducia, ac temeraria præsumptio.

Itaque dum Apostolus ait ad Rom. v. 5. *Spes autem non confundit, quia caritas Dei diffusa est in cordibus nostris*; & dum Augustinus docet serm. 31. de Verbis Domini, nunc 110. *Solis filius spes esse*, & in cap. 8. Enchiridii, *Spes vero esse sine amore non potest*, cujus generis plura occurrunt in aureis ipsius libris frequentissima: si amorem & caritatem accipiamus pro gratia sanctificante; non intelligenda sunt hæc; & similia de spe *informi*, sed de spe *viva*, qua aliquis expectat beatitudinem *per merita, quæ jam habet*, ut exponit S. Thomas 1. 2. q. 65. art. 4. ad 3. & Fulgentius Bellelli loco citato. Quamquam Augustinum loqui de amore tantum inchoato scribat viri alii in Augustiniana lectione exercitissimi, Guilelmus Estius paullo supra laudatus, Joannes Lensæus lib. v. 1. Summ. Christ. Piet. cap. 3. Florentius De Cocq. Tract. 1 v. cap. 5. aliique permulti. Sane spem esse cum aliquo amore constat, quoniam nihil speratur si nulla ratione diligitur, & quemadmodum spes humana & carnalis non est absque amore humano, & carnali, ita spes Christiano homine digna, & spiritualis non est absque omni prorsus amore spirituali & recto, amore scilicet sempiternæ felicitatis.

Liquet ex his Spei *habitum* etiam in magnis peccatoribus permanere, uti erat ante justificationem in Publicano, quem dum adhuc premebat conscientia, spes sublevabat. In Beatis spes, saltim quoad *objectum primum*, non adest; nam inquit Apostolus ad Rom. vii. 24. *Spes autem quæ videtur, non est spes: nam quod videt quis, quid sperat?* Et S. P. Augustinus cap. 8. Ench. *Spes autem non nisi bonarum*

verarum

veram est, nec nisi futurarum. Existere adhuc in illis spem futuræ gloriæ corporis, in qua Deo adhæreant vehementiori dilectione, potest propugnari; quamvis mihi oppositum videatur verisimilius, & quia sublati objecto principe necessum non est permanere virtutem; & quia in beatis expectatio futuræ glorificationis non solum est firma certitudine spei, sed etiam certitudine immutabilis cognitionis, orta ex æternæ vitæ securitate, ac statu patriæ. Aliter de animabus in Purgatorio degentibus asserendum est; nam in his quemadmodum fides, ita spes manet proculdubio. At in dæmonibus ac damnatis, quoniam extrema miseria non compatitur rerum meliorum expectationem, etsi ad maximum cruciamentum perseverat inditus animo amor beatitudinis, nullum spes locum habet. Quid vero de hæreticis? Qualemcunque hi fiduciam jactitent, nequit esse spes Christianorum; nam destituti sunt fide, quæ est *substantia rerum sperandarum*. Hinc S. Pater Tract. 45. in Joannem num. 2. ait: *Non est autem cuiquam spes vera, & certa semper vivendi, nisi agnoscat vitam quod est Christus, & per januam intret in civitatem.*

Vertunt in quæstionem Scholastici, an spes in eo persisteret ulla, cui divinitus facta esset futuræ damnationis revelatio. Ac affirmativam partem tenent Hurtadus, Azorius, Gavardi; negativam Gonet, Suarez, Salmanticenses, cum quibus in partes ceteri discessi sunt. Nituntur vero qui affirmativam sententiam propugnant argumentationibus illiusmodi. Primo, inquirunt, stat cum certa revelatione salutis timor, ut in Paulo ad Corinth. 1x. 27., ideoque consistere potest spes cum futuræ damnationis revelatione. Deinde revelatio hæc nequaquam everteret testimonia apertissima Scripturarum, quibus divina misericordia pœnitentibus repromittitur; & consequenter essent in eo casu divina eloquia Christianæ spei basis ac fundamentum. Accedunt PP. docentes de nullo esse desperandum, quandiu in hac mortali vita deget impius. Videtur denique niti hæc sententia rationi, quoniam in hac hypothesi teneretur quisque vitare peccata, & legem implere, non enim præscientia futuris affert necessitatem, nec arbitrium evertit, nec legis naturam immutat: imo posset quis reprobari ob peccatum desperationis, quod adhuc teneretur effugere; ac proinde semper ei incumberet sperandi præceptum.

Oppositæ tamen sententiæ assertores suis minime destituuntur prædiis. Ac primo proferunt auctoritatem Augustini scribentis lib. xxv. de Civ. Dei cap. 15. Ecclesiam, si sciret quinam sint reprobat, pro eis non oraturam, *quemadmodum non orat pro demone*. At oratio spei invictissimum est argumentum. Addunt eundem Augustinum lib. 2. de Genes. ad lit. cap. 17. & 18. affirmare Angelum non præcisse proprium lapsum, quia aliàs non posset sperare. At S. P. eo loci disputat adversus Genethliacos propugnatores fati, quo sane orandi

To. IV.

R r r

caussa

caussa & spes auferretur; unde locus ille ad hanc rem nihil valet. Producunt & D. Thomam q. 23. de Verit. art. 8. ad 2. ubi ait Deum non posse ordinata potentia revelare alicui suam damnationem, *quia talis revelatio cogeret eum desperare*. Addunt validam rationem, quia actus spei dependet a practico judicio, quo æterna salus nedum percipiatur possibilis, sed etiam proponatur tanquam probabiliter futura; spes enim, ut Augustinus ait, *est futurorum*. Alioqui si ad excitandam spem fat esset metaphysica beatitudinis possibilitas, sperare possent etiam dæmones ac damnati.

Sententia nostra est non posse hujusmodi casum contingere in hac rerum constitutione, in qua Deus decrevit unumquemque, quandiu vivit, posse consequi salutem, præcepitque singulis ut gratiam & gloriam a divina misericordia expectent: unde si alicui fieret damnationis revelatio, hæc nonnisi comminatio foret, & accipienda de rebus sic stantibus, nimirum si ad meliorem frugem non revocaretur peccator. Quare revelatione accepta non spem deponere deberet, sed Ninivitarum exemplo in cinere & cilicio agere pœnitentiam. Ille enim, qui iniquo diceret, *luminet tibi inevitabilis perditio*, ait quoque: *Nolo mortem peccatoris, sed magis ut convertatur & vivat*. Atque idem docet citato loco S. Thomas, necnon S. Bonaventura in 1. dist. 48. & in libro de Judicio animæ Richelius. At nonne, inquirunt, revelavit Deus sempiternum interitum Antichristi? Utique: præmonuit quomodo seductor ille dignoscetur, ait futurum ejus adventum in signis, & prodigiis mendacii, exitum ipsius miserrimum prænuntiavit. At quis Antichristum salvum fieri speraret? quis pro ipso oraret Deum? De Antichristo itaque, & ceteris hominibus impiis dissimilis ratio est; quia ille in hac rerum serie, in hac Scripturarum sanctarum revelatione est filius perditionis manifestus; alii occulti sunt, iisque indictum ut convertantur, ut ingemiscant, ut sperent.

At si de absoluta, ut inquirunt, potentia hæc fieret revelatio, nec in dubium posset revocari, nec esset comminatio, sed definita & immutabilis præscriptio ac sententia; subscribo iis, qui tenent spei locum non superesse: quoniam spei *objectum* non est bonum duntaxat possibile, sed quod apprehenditur tanquam futurum. Quis autem futurum esse probabili ratione percipiat, quod certa præscientia non futurum præsensit? Neque enim inviçtæ sunt argumentationes contrariæ. Nam Paulus dum ad Corinthios scripsit, non habebat plenam salutis suæ certitudinem, ut Gregorii Magni, & Prosperi auctoritate demonstrant Esius, Menochius, Tirinus, A Lapide, Tom. xv. Bibl. Max. pag. 473. Quamquam dicere poterat, *Castigo corpus meum*, &c. non pertimescens damnationem, sed commonstrans afflictationes corporis ad illam evitandam requiri. Scripturæ, ac Patres universim loquuntur, rebusque sic stantibus: non vero in hypothefi, de qua discepta-

ſceptatur, nec de homine impio ſingillatim, ac in individuo. Ratio denique nihil evincit, quoniam ut quis teneatur ad implenda præcepta, ſufficit quod hæc poſſibilia ſint, vigeatque libertas: at ad ſpem excitandam non ſat eſt beatitudinem eſſe poſſibilem, niſi etiam prudenter apprehendi poſſit tanquam futura. In illa ergo hypotheſi, quamvis nemo poſſet deſperare *ex motivo contrario ſpei theologica*, ut inquirunt Salmanticenſes, ſcilicet ex parte omnipoſtentia, & miſericordiæ Dei, quod ſane ſceleſtum eſſet atque neſarium; nihilo tamen minus ſperare non poſſet ex eo capite, quod beatitudo non eſſet futura, neque ut talis poſſet prudenti iudicio proponi. Sed adeat qui adhuc dubitatione diſtrahitur recenſitos, accuratiſſimoſque Scriptores.

Hac, quæ nunquam re eveniet, excepta hypotheſi, tenetur quilibet ſperare a bonorum omnium largitore gratiam & gloriam. Nam Paralip. 1. cap. x. 14. inter iniquitates Saul ea præſertim perſtringitur, quod *non ſperaverit in Domino*. Sublata ſpe immortalitatis impioſ noxias tantum appetere voluptates, liquet ex cap. 2. Sapientia: & Alex. VII. eam propoſitionem conſixit: *Homo nunquam ullo vitæ ſua tempore tenetur elicere actum fidei, ſpei, & caritatis ex vi præceptorum divinatorum*. Revera quis non videat ſpem a nobis exigere divina promiſſa, ſacra eloquia, accepta hæcenus beneficia, & in omnes profuſam Salvatoris noſtri Dei caritatem, miſericordiam, & redemptionem? Sperandum eſt ergo, ac præſertim dum accedimus ad Sacramentum reconciliationis, & dum ad januam magni Patrisfamilias oratione pulſamus; nam ſpem ad juſtificationem diſponere definiſt Seſſ. v1. cap. 6. Synodus Tridentina; & orationem eſſe ſpem, ac *deſiderium pauperum*, ait in Pſalmo 1x. 17. regius Vates.

At quanta eſt ſperantium certitudo ac fiducia? Maxima quidem, ac multiplici ex capite orta. Primum ex tam apertis Dei in ſacra Scriptura promiſſis, de quibus Apoſtolus 2. ad Timoth. 1. 12. *Scio, cui credidi & certus ſum, &c.* & Auguſtinus in Pſalm. 123. num. 2. *Sperantem noſtra tam certa eſt, quaſi jam res perfectæ ſit; neque enim tiſ memuſ promittente veritate. Veritas enim nec falli poteſt, nec fallere*. Deinde ex Chriſti Redemptione, dicente Apoſtolo Petro Epiſtola 11. cap. 1. 3. *Secundum miſericordiam ſuam magnam regeneravit nos in ſpe vivam, per reſurrectionem Jeſu Chriſti ex mortuis*; & S. Pater in 4. de Doctr. Chr. cap. 15. *Quanta ſe fiducia ſpes credentium conſolatur conſiderans quantus quanta pro mundum credentibus paſſus ſit!* Vide & ſerm. 157. alias 22. de Verbis Apoſtoli. Præterea ex collatis in nos innumeris benefactis, & accepta præſertim baptiſmatiſ gratia, & mortis Chriſti beneficiis quamplurimis: unde Paulus ad Rom. v. 5. *Spes, inquit, non confundit, quia caritas Dei diſfuſa eſt in cordibus noſtris*; & magnus Auguſtinus in Pſalmum 148. num. 8. *Promiſſionis Dei tales arrhas accepimus, tenemus mortem Chriſti, tenemus ſanguini-*

nem Christi, &c. Atque ex his liquet quam imbecillis sit & infirma terrena spes, ejus nec objectum est certum, nec incommutabile, nec summe bonum: sponsor autem infidus, impotens, iniquus, & sine arrha, sine vade, sine futurorum eventuum præsentia.

Hæc tamen certitudo spei salutarem timorem minime excludit; ut adversus Heterodoxos demonstravi Tom. 111. pag. 537. Cavenda est ergo inanis jactantia, ac temeraria præsumptio: & juxta Apostoli monitum ad Philipp. 11. danda bonis operibus opera, *cum timore & tremore*: apprehendenda est disciplina, *ne quando irascatur Dominus*, ut inquit David Ps. 2., & humilitas exercenda, *ne homo dum quod Dei est deputat suum, amittat quod Dei est*, ait de Nat. & Gratia cap. xxxii. num. 36. præstantissimus morum magister Augustinus. Illustria sunt etiam, nec prætermitti debent, verba S. Hieronymi de Custodia Virginitatis ad Eustochium. *Nolo tibi venire superbiam de proposito, sed timorem. Onusta incedis auro, latro tibi vitandus est. Stadium est hæc vita mortalibus, hic contendimus ut alibi coronemur. Nemo inter serpentes & scorpiones securus ingreditur. Et inebriatus est, inquit Dominus, gladius meus in calo: & tu pacem arbitraris in terra, qua tribulos generat & spinas, quam serpens comedit?* Et infra: *Quandiu hoc fragili corpore detinemur, quandiu habemus thesaurum istum in vasis fictilibus, & concupiscit spiritus adversus carnem, & caro adversus spiritum, nulla est certa victoria.* Plura ibidem Hieronymus scite & eloquenter, etsi affirmat nullam esse in illa Epistola *Rhetorici pompam sermonis*. Ex quibus patet quod definitum est alibi, certitudinem spei conditionatam esse, neque hæsitacionem, & formidinem omnem expellere.

C A P U T XII.

Timorem Domini esse bonum, & commendandum.

POST Lutherum, etiam Janseniani pessime de timore Domini disseruerunt; quos præstat breviter hoc loco refutare: nam utrum timor ad talem perfectionis gradum perveniat, ut excludat omnem voluntatem peccandi, & sufficiat ad gratiam in Sacramento Pœnitentiæ recipiendam, non est loci hujus definire. Ostendam duntaxat timorem, quem *servilem* appellant, esse substantiâ suâ bonum, utilem, donum Dei, neque reddere hominem impium, neque viam sternere ad desperandum, neque sibi repræsentare Deum tanquam durum & intractabilem; ut hæretici, novique dogmatistæ contendunt. Exponam autem veram Augustini sententiam, quam præ ceteris affectuos arbitror beatum Thomam 2. 2. q. 19. D. Bonaventuram in 111. dist. 34.

p. 2. Aegidium noſtrum ſect. 25. in cap. 8. ad Romanos, Eſtium in diſtinct. 34. lib. 3. Joannem Morinum in poſthumo Opere de Contrit. cap. 4. Chriſtianum Lupum in Tract. ejusdem argumenti cap. 15. & nec ceteros perſequar; Fulgentium Bellelli lib. v. adverſus Bajanam & Janſenianam hæreſim; tametſi ex uno Auguſtino curabo controverſiam, dirimere.

Ac principio timoris ſpecies accurate ſunt diſtinguendæ. Alius eſt ergo timor naturalis incuſſus a malo, quod unusquiſque naturaliter reſugit, nec imperatus a voluntate; alius rationalis & liber, elicitus ex aliqua cognitione & amore. Naturalis timor paſſio animi potius dicendus eſt, quam liber ipſius animi motus; unde nulla ratione poteſt inter peccata connumerari, ſcribente Auguſtino q. 77. inter LXXXIII. *Omnis autem paſſio, in quantum ipſa paſſione patimur, non eſt peccatum; ſic & ſi patimur timorem, non eſt peccatum.* Timor autem voluntarius & rationalis eſt, qui ex libero amore proficiſcitur: vel ex amore, quo animus inhæret bonis fluxis ac mutabilibus, tanquam ultimo fini; vel ex amore ſui ipſius; vel ex amore ſimul ſui ipſius, & Dei; vel ex amore Dei tantummodo. Primus dicitur timor *mundanus*, de quo ait S. Pater in Pfalmum 127. num. 7. *Tantum timent, ne aliquid mali in terra patiantur, ne illis egritudo accidat, ne damnum, ne alicujus amiſſio cari, ne exilium, ne damnatio, ne carcer, ne aliqua tribulatio.* Alter eſt timor *ſervilis*, de quo ibidem Auguſtinus: *Alius timet unde terruit & Dominus. Audiſtis cum Evangelium legeretur, Ubi vermis eorum non morietur, & ignis eorum non extinguetur. Audiunt hæc homines, & quia vere futura ſunt impiis, timent, & continent ſe a peccato: timent quidem, ſed non amant juſtitiam.* Tertius eſt timor *initialis* medius inter ſervilem & caſtum, quo abſtinent ſe a malo ob timorem pœnæ concipit aliquem Dei amorem, de quo ſequitur Auguſtinus: *Cum autem per timorem continet ſe a peccato, fit conſuetudo juſtitiae, & incipit quod durum erat amare.* Poſtremus eſt amor *filialis* & *caſtus*, non alia ratione timens, niſi quatenus filii timent offenſam patris, & caſta ſponſus deferat; de quo S. Pater ibidem: *Jam incipit propterea juſte vivere, non quia timet pœnas; ſed quia amat æternitatem. Excluſus eſt ergo timor a caritate, ſed ſucceſſit timor caſtus.*

In timore ergo *ſervili*, qui ita appellatur, quoniam ſervorum eſt ob timorem pœnæ dominis obtemperare, intervenit fides eundem timorem excitans, dum gehennam impiis proponit, æternumque ſupplicium, & amor quo rationalis homo bene ſibi ipſi vult eſſe futuro in ſæculo. Secundum hunc amorem timor inordinatus eſſe poteſt, atque, ut vocant, *ſerviliter ſervilis*; ſi nempe timens ſui ipſius delectationem fruatur, atque ea de re pertimeſcat quicquid ſibi tale damnum inferat, nullam ſentiens honeſtatis & juſtitiae delectationem. Poteſt etiam eſſe

ordina-

ordinatus & rectus; quia potest formidare gehennam ob sui amorem, qui non sit vitiosa cupiditas, nec summum bonum sibi ipsi postponat, sed ita seipsum diligit, ut in summi boni comparatione sibi ipsi vilescat. Quare *servilitas* ad substantiam timoris non pertinet; sed potest a timore *servili* sejungi: quoniam potest quis ita timere gehennam, ut tamen semetipsum non diligit inordinate. Timor ergo *servilis* naturā suā respicit duntaxat sempiternum gehennæ supplicium, & recte definitur ab Augustino ferm. 18. de verbis Apost. nunc 161. cap. 9. num. 9. *Servilis timor est, quo times cum diabolo ardere*. Sed an id timeatur ob vitiosam cupiditatem, sive ob directum amorem sui, ad substantiam timoris non attinet. Quibus prænotatis sit

PROPOSITIO I. Mundanus timor vanus est, perversus, & noxius. Ita sacræ literæ, Augustinus, omnesque Theologi. Divina enim Scriptura suadet, ut istum a nobis timorem pellamus. *Nolite*, inquit Dominus Mat. x. 28. *timere eos qui occidunt corpus, animam autem non possunt occidere*. Et Petrus Epist. prima cap. 111. 14. *Timorem autem eorum ne timueritis, & non conturbemini*. S. P. Augustinus citato ferm. 161. num. 7. ait: *Timor vanus est omnium hominum timentium amittere temporalia, quandoque migratarorum, & migrare trepidantium, volentium semper disferre quod non possunt auferre. Vanus est ille timor hominum, & tamen est, & vehemens est, & resisti ei non potest. Hinc increpandi, hinc objurgandi, hinc legendi homines timentes mori, & nihil aliud agentes, nisi serius mori*. Theologi idem probant, quoniam cum timor oriatur ex amore, *metuendi enim causa est ne quod amamus aut adeptam amittamus, aut non adipiscamur speratam*, ut docet idem Augustinus q. 33. inter LXXXIII. nec non S. Thomas 2. 2. q. 19. art. 3., mundanus timor procedens ex noxia cupiditate, & amore, quo rationalis creatura hæret tanquam fini fluxis bonis, nonnisi *ex mala radice* gignitur, & malus est. Advertas tamen, quod si hujusmodi timor naturalis sit, neque ex perversa cupiditate, & prædominante rerum creaturarum dilectione oriatur, nequam culpandus est, sed est innoxia *passio* naturæ imbecillis, atque infirmæ; ut paullo supra diximus cum Augustino. Illud quoque animadvertas non esse timorem mundanum & malum eum, quo aliquis timet sæcularem potestatem, judicemque terrenum; dummodo hunc timeat, quatenus a Deo constitutus est, nec *sine causa gladium portat*, ut ait Apostolus ad Rom. x111. 4. *Dei enim minister est, vindex iram ei, qui malum agit*. Nam istiusmodi timor rectæ rationi consentaneus est, neque naturā suā excludit amorem justitiæ. Sed ille est timor mundanus, qui innixus temporalium honorum cupiditati corporis vitam vitæ animæ, & corporis interitum præfert gehennæ supplicii; ideoque nec recta ratione ducitur, neque ullo amore æquitatis. *Timet enim carcerem, & non timet gehennam, timet quæstio-*
narios

varios tortores & non timet infernales angelos, timet cruciatum temporalē & non timet pœnas ignis æterni, poſtremo timet ad modicum mori, & non timet in æternum mori: inquit S. Pater eodem ſerm. 161.

PROPOSITIO II. Timor ſervilis eſt bonus, utilis, ſupernaturalis, & donum Dei.

Hoc etiam commonſtrat divina Scriptura, Auguſtinus, cœtuſque Orthodoxorum Scholaſticorum. Et quidem ipſe Dominus, poſtquam Mat. x. humanum timorem reprehendit, ad ſervilem his verbis hortatur, *Sed potius timete eum, qui poteſt & animam & corpus perdere in gehennam*. Atque de hoc timore legitur Prov. xiv. 27. *Timor Domini ſons vitæ, ut declinent a ruina mortis*. Et Iſaïæ xxvi. 18. *A facie tua Domine concepimus, & peperimus ſpiritum*. S. Pater laudato ſermone 161. num. 8. adductis Evangelicis verbis, *Modo, inquit, cum dicis mihi, Gehennam timeo, ardere timeo, in æternum puniri timeo, quid diſturus ſum? Male times? vane times? Non ardeo, quandoquidem ipſe Dominus ablato timore ſubiecit timorem: pauciſque interjectis: Cum ergo Dominus timorem incuſſerit, & vehementer in- cuſſerit, & repetendo verbum comminationem ingeminaverit, diſturus ego ſum, Male times iſta? Non dicam. Plane time, nihil melius times, nihil eſt quod magis timere debeas*. Et in Pſalmum 127. num. 8. delineato timore ſervili, quo aliquis *non timet ne perdat amplexus pulcherrimi ſponſi, ſed timet ne mittatur in gehennam*, de ipſomet timore inquit: *Bonus eſt & ipſe timor, utilis eſt*. Eundem timorem commendat S. P. in libro de ſancta Virginitate cap. 38. De Catechiz. rudib. cap. 5. num. 9. ſerm. 13. de Verbis Apoſt. nunc 156. cap. 13. aliſque in locis. Et Auguſtino aperte conſentiunt Tertullianus cap. 12. de Pœnit. Cyprianus de Lapiſis, Baſilius Hom. in Pſalm. 33. & Patres omnes. Theologica autem ratio eſt, quod hunc timorem, ut diximus, excitet fides ſupernaturalis, qua credimus futurum iudicium, & ſempiterna reproborum ſupplicia, coerceat a malo, ac plura aſſerat ſalutis virtutiſque adjumenta mox ex Auguſtino enumeranda: atque ex alia parte nullam naturâ ſuâ inferat perverſam cupiditatem, reſpiciat tantummodo pœnas a juſto Judice reprobis infligendas, quas ſine ulla noxia delectatione poſſumus pertimeſcere.

Inter bona autem provenientia ex timore primum eſt, quod *ſaltem intra clauſtra cogitationis coerceat malam cupiditatem*, ait S. Pater lib. 2. contra Epiſt. Petilianî cap. 83. Alterum, quod ita malam cupiditatem coerceat, ut impium contineat, & quaſi pedagogus legis, & animæ cuſtos, *volentem peccare animo interiore non ſint*. Serm. de verbis Apoſt. 18. num. 8. Tertium, quod cohibendo cupiditatem, & continendo ab externo peccati actu eradicat habitus pravos frequentatione malorum actuum ingeneratos; & *pramiſſus timor in cor noſtrum*

strum pellit inde consuetudinem malorum operum: Epist. 120. ad Hon. nunc 140. Proximum, quod viam sternit caritati, quoniam *ex eo quia mala coves, corrigis te, & incipis bona desiderare*: Tract. 1x. in Epist. Joannis num. 5. Postremum, quod adversus tentationes corroborat, dum ne impius relabatur in pristinum, instat Dominus *in occultis severa misericordia flagella ingeminans timoris, & pudoris*: Lib. viii. Confess. cap. 11. Quamquam vero huic timori aliqua imperfectio permixta est, quoniam, auctore eodem Aug. de Nat. & Grat. cap. 57. ille, *qui timore supplicii, quod lex minatur, non amore justitiae sensit abstinere ab opere peccati, nondum liber est, nec alienus a voluntate peccati*; id tamen non timoris vitium est, sed timentis, qui adhuc visco cupiditatis detentus timet ne damnetur, ne puniatur, ne crucietur, non vero ne offendat gaudium paternum, ne displiceat oculis amantis. Quod ubi paullatim exuit introeunte delectatione justitiae, timor *servilis* fit *initialis*, remanetque substantiâ idem, *servilitate* abjectâ. Hæc proinde *servilitas*, quatenus conglutinata est prævæ cupiditati, non est a Deo, a quo tamen est timor incussus horrore gehennæ: quod affirmarunt etiam Scholarum lumina S. Thomas, & D. Bonaventura: quorum ille 2. 2. q. 19. art. 4. ait: *Dicendum quod timor servilis ex parte servilitatis habet quod sit malus*: quod probat, *quia contra rationem servilitatis est quod aliquis ex amore operetur*; alter vero de vii. donis Spiritus sancti: *Timor dicitur servilis, quo quis magis timet pœnam, quam culpam: qui secundum essentiam dicitur esse a Deo, non tamen sub ratione qua servilis est, &c.* His subscribit cum Theologis, qui de Augustini nomine gloriantur, Estius in 111. dist. 34. §. 7. dicens: *In timore servili duo consideranda, timor & servilitas; quorum alterum bonum est, alterum malum, eadem allata ratione, quod servilitas ista contraria sit caritati*. Verum hæc *servilitas*, ut præmonui, non est de essentia timoris, ideoque non efficit quin sit substantiâ bonus, supernaturalis, & donum Dei; quemadmodum fides supernaturalis & utilis est, licet *informis*; quia, ut inquit ibidem S. Thomas, *servilitas non pertinet ad speciem timoris servilis, sicut nec informitas ad speciem fidei informis*; sive quia *timor servilis secundum se non importat nisi timorem pœnæ*.

Liquet ex dictis etiam hunc timorem esse *initium sapientiæ*; quoniam hinc incipit peccator resipiscere, dum timor parat locum caritati, & sicut videmus per setam introduci linum, quando aliquid fuit, *sic timor primo occupat mentem, ut introducat caritatem*. Ita docet Augustinus cit. Tract. 1x. in Ep. Joan. num. 4. Et S. Franciscus Salesius Tract. de Amore Dei lib. v. cap. 16. Consequitur etiam esse donum Dei, & supernaturalem, quia alioqui non disponderet ad gratiam; ideoque merito Alex. VIII. perstrinxit illam propositionem, *Timor gehennæ non est supernaturalis*. Num vero sit connumerandus inter

inter ſeptem dona Spiritus ſancti, licet ſit a Spiritu ſancto, DD. non conſentiant. Negat S. Thomas 2. 2. q. 19. art. 9. cui plures ſubſcribunt cum Florentio De Cocq Tract. 4. cap. 5. ſect. 6. & Bellelli citato libro 5. cap. 3. propterea quod *ſervilis* timor pellitur a caritate, & habet annexam aliquando voluntatem peccandi. At affirmat S. Bonaventura in 111. diſt. 34. p. 2. art. 1., & Saleſius eodem lib. cap. 18. nec diſſentit Eſtius in eamdem diſt. §. 7. quibus & ego aſſentior, nam *ſervilitas*, quæ a caritate pellitur, non eſt de eſſentia timoris, ſed affectio timentis: ideoque D. Thomas loquitur de timore *ſervili* reduplicative, ut *ſervili*; nam ſubſtantiam timoris *ſervilis* cum caritate permanere docuerat præcedenti artic. 6. Sequitur tertio iure Tridentinam Synodum definiſſe ſeſs. 6. can. 8. hunc timorem non eſſe peccatum, neque peccatores peiores facere, & eadem ſeſs. cap. 6. nec non 14. cap. 4. docuiſſe eſſe donum Dei, & hoc timore utiliter iniquos concuti, & ad gratiam diſponi: rectiſſime denique proſcriptam a Clem. XI. in Bulla *Unigenitus* propoſitionem 60. Quenellii cum ſeptem ſequentibus, timorem gehennæ tanquam exitialem, nihilque boni afferentem temere deprimentis.

Corruunt ex his adverſariorum argumenta omnia. Objiciebat Lutherus in Apologia articulorum ſuorum quod ſcribit Paulus ad Romanos v. 20. *Lex ſubintravit, ut abundaret delictum*, id accipiendū de effectu legis, ideſt, de inculſo pœnarum metu. At fallitur ſeductor. Aliud enim lex præſtat: redarguit nimirum prævaricatorem, ut convictus ad Dei gratiam conſugiat, ſine qua lex nec aſſert juſtitiam, nec efficit quin magis concupiſcentia exardeſcat: ut ait S. Pater q. 166. ſuper Exodum, & de Sp., & lit. cap. 6. explanatque luculenter Eſtius in Paulum. Plura & nos de hoc Pauli loco adverſus vituperatores legis pag. hujus voluminis 43.

Addunt hæretici verba Joannis Epift. 1. cap. 1v. 18. *Timor non eſt in caritate, ſed perfectæ caritas foras mittit timorem*. At hujus loci ſenſus legitimus eſt, quod dum timor excruciat animum, niſi per Spiritum ſanctum caritas in cordibus noſtris diſfundatur, perſeverat cordis nequitia. *Timor non eſt in dilectione, ſed perfectæ dilectio foras mittit timorem, quia timor tormentum habet. Torquet cor conſcientia peccatorum, nondum facta eſt juſtificatio*; ait Sanctus Pater Tract. 1x. in Epift. Joannis num. 4. Deinde ſignificat Apoſtolus caritatem, quantum perficitur, tantum pellere timorem, non inſpecta timoris ſubſtantia, & objecto, eſt enim etiam timor Sanctorum; ſed ſpectata *ſervilitate*, & defectu quem importat non eſſentia ſua, ſed ex prava diſpoſitione timentis; adeoque primum peccator concutitur timore gehennæ, ſed adhuc prava detinetur cupiditate: tum incipit delectare juſtitia, & ad timorem pœnæ accedit deſectatio offenſæ: deinde hæc expiatur, regnatque caritas juſtificans:

To. IV.

S s s

poſt-

posthac perseveratur in gratia, & persistit timor ad caritatis custodiam tentationesque pellendas, veluti in maris tranquillitate, inquit Salefius citato lib. v. cap. 17. remi, & dolones, si forte procellæ insurgant; ac denique in patria, ubi est caritas consummata, & securæ, etiam hæc sollicitudo, sive custos timor deponitur. Igitur caritas quo magis perficitur, timentis corrigit, roboratque infirmitatem, ita tamen ut timoris substantia cum ipsa caritate persistat. Recte Augustinus serm. 161. n. 9. *Illa intrante incipit timor exire: quanto plus illa intraverit, tanto timor minor erit. Intrat ergo caritas, pellit timorem, non autem intrat & ipsa incomitata. Habet secum suum timorem, quem introducit ipsa, sed illum castum permanentem in sæculum sæculi.* Demum timor, qui a caritate omnino pellitur, est timor mundanus, & noxius: de quo S. Pater in libro de S. Virgin. cap. 38. *Timor, inquit, non est in caritate; sed perfecta, sicut scriptum est, caritas foras mittit timorem, sed timorem hominum, non Dei, timorem temporalium malorum, non divini in fine iudicii. Noli altum sapere, sed time: ama Dei bonitatem, time severitatem.*

Præterea opponunt, Augustinum sæpenumero affirmare timorem tormentum habere, ut cit. Tract. 9. num. 4. timentem ardere igne sempiterno laudandum non esse, ut producto serm. 161. n. 8. non fieri ex corde quod fit formidine pænæ, ut in Ps. 77. num. 10., & alia consimilia. At liquet ex præmissis id non ex timore proficisci, sed ex *servilitate* timentis, qui etiam timore percussus retinere potest malam cupiditatem, quæ ad substantiam timoris non pertinet, sed per accidens, & ex prava timentis dispositione ei annectitur, cujusmodi est in fide *infirmas*. Verum *servilis* timor etiam nondum *servilitate* depulsa, bonus est, utilis est; inquit S. Pater in Ps. 127. num. 8. *continet te, & volentem peccare animum interiore non sinis*; addit eodem serm. 161. n. 8. *locum preparat caritati*; ait Tract. 1x. in Epist. Joan. n. 4. Quomodo ergo filii perditionis asserunt timorem nihil prodesse? Igitur in eodem Tract. 1x. Augustinus docet timorem habere tormentum, quia torquet cor conscientia peccatorum: quia sic vulnerat, quomodo medici ferramentum; putredinem tollit, & quasi videtur vulnus augere: quia vulnus plus dolet cum curatur, quam si non curetur. In serm. autem 161. non ait laudandum non esse timorem, quem ibidem num. 7. appellat *utilem*, & num. 8. *custodem legis*: sed inquit: *Quia times ardere in igne sempiterno, nondum laudandus es: non quidem ita dolendus ut ante, sed tamen nondum laudandus.* Audin? Non te pejorem reddidit timor, cum non sis, ut antea, dolendus. Nondum tamen laudandus es, quia etsi bene timeas, nec sit aliquid, quod magis timere debeas, adhuc peccati labe inquinaris, & *formido est mali, nondum dilectio boni*: quod non est vitium timoris te custodientis, sed pravitas tui, nondum habentis *amorem non peccantem, amorem bene*.

bene viventem . Ita quod sit formidine pœnæ, non sit ex corde ; quia quantum attinet ad facta, quæ forinsecus aguntur , & qui timent pœnam , & qui amant justitiam non furantur , & ideo pares sunt manu , dispares cordes pares opere , dispares voluntate . At cor pravam , & voluntatem malam nunquid tibi indidit timor ? Invenit ; atque ut curet vulnerat , stimulat , torquet , & quomodo medici ferramentum fecat , ut succedat caritas sanitas . Bonus ergo timor , malum timentis cor iniquitate tabescens .

Denique obijciunt : Servilis timor provenit ex amore sui . Est ergo pravius . At falsa est consequentia . Nam amor sui non est semper inordinatus , & noxius . Si quis diligit se absque ullo ordine in Deum , perverse diligit : & dum illi incutitur timor gehennæ , hanc timet ut principale malum , & quia ipsum a voluptaria vita , & temporalibus bonis sejungit . Malus timor . Si ordinate se diligit , timet gehennam , sed non tanquam principale malum , quia magis timet offensam Dei . Bonus timor . Sane timor servilis comparari potest ad objectum , scilicet ad pœnam impio infligendam , & ad subiectum , nempe ad timentem . Ab objecto mutuatur naturam timoris : a subiecto habet quod sit servilis , si regnet ibi prava cupiditas ; quod sit initialis , si timeatur pœna , & inchoate diligatur justitia ; quod sit filialis , si timeatur offensâ patris , ac pœna inquantum ab illo separat . Amor ergo sui inordinatus non est de substantia & essentia timoris , quæ in quolibet habitu attenditur ex objecto ; sed ad timorem indifferenter se habet : ideoque timor servilis substantia sua bonus est , & permanet etiam cum caritate ; licet servilitas , sive pravius amor , per quem timens est adhuc servus peccati , sit mala ; ut supra diximus . Atque hæc doctrina est D. Thomæ 2. 2. q. 19. art. 4. & D. Bonaventuræ in 111. dist. 34. p. 2. art. 1. q. 2. & 3. Ideoque dum Augustiniani Theologi propugnant in timore servili esse aliquod vitium , quod se tenet ex parte timentis , non timoris ; nec latum ungem distant ab Augustino , præcipuique Scholæ Luminibus .

PROPOSITIO III. Præ ceteris laudandus est timor castus , quo timet anima ne a Deo deferatur .

De hoc enim timore legimus in Psal. xviii. 10. *Timor Domini sanctus permanens in sæculum sæculi* . Hunc Augustinus serm. 161. num. 9. ait esse timorem caritatis . Eundem Tract. ix. in Epist. Joannis n. 6. & in Psal. 127. num. 8. comparat timori castæ uxoris timentis ne deferatur a sponso . De ipso timore proximo num. 9. sic loquitur : *Si diceret Deus , Faciem meam nunquam videbis : ecce omni ista terrena felicitate , omnibus rebus abundabis , circumfluent te bona temporalia , non illa amittis , non illa deseris ; quid vis amplius ? Fleret quidem , & gerneret timor castus , & diceret , Imo tollantur omnia , & faciem suam videam . Timor castus exclamaret de Psalmo , & diceret , Deus*

virtutum converte nos, & ostende faciem tuam & salvi erimus. Timor castus exclamaret de Psalmo, & diceret, Unam petii a Domino. Vide quomodo ardeat amor iste castus, amor verus, amor sincerus.

Si queras quomodo timor permaneat in sæculum sæculi; Respondeo pelli paulatim, ut diximus, a caritate imperfectionem timoris; cumque timor respiciat aut pœnam infligendam, aut patris offensam, aut majestatem cui reverentia exhibenda est; ac timor *servilis* spectet duntaxat pœnam, timor *initialis* pœnam simul & offensam, & timor denique *filialis* offensam ac reverentiam: in Patria, ubi regnat perfecta caritas, tollitur timor pœnæ & offensæ, permanetque timor reverentiæ; ideoque in beatis neque est timor *servilis*, neque *initialis*, neque *filialis* in quantum metuit offensam; sed tantum ut reverentiam Deo exhibendam præscribit. Atque ita secundum præstantiorem effectum *timor Domini sanctus permanet in sæculum sæculi.*

C A P U T XIII.

Brevis Dominicæ Orationis Expositio.

EA ad spem pertinere, quæ in oratione Dominica continentur, recte asseruit S. Pater cap. 114. Ench. num. 30. De oratione ergo, quæ Christianam spem fovet, atque exercet nonnulla dicam, præsertim de Oratione Dominica ceteris ob auctoritatem Institutoris, ob petitionum ordinem, æquitatem ac plenitudinem, & ob gravitatem brevitatemque verborum præferenda. Ac de oratione in genere plura Mystici. Eam definiunt aut cum Damasceno lib. 111. de Fide Orthodox. cap. 24. *Oratio est ascensio mentis ad Deum*; aut cum eodem Dam. ibidem, & cum D. Th. 2. 2. q. 83. art. 1. *Oratio est decentium a Deo petitio*; aut cum Augustino in Pl. 85. *Oratio est locutio hominis ad Deum*. Petuntur vero quæ decent, dum servatur ordo desiderii & amoris, & animus *temporalibus æterna præponit*; ut idem Augustinus docet Epist. 130. ad Probam num. 14. Hunc ordinem ipsa Dominica Oratio tenet, atque demonstrat. Eapropter etiam sine lingua quis orat, dum recte diligit. Demonstrat orandi necessitatem divinum præceptum, nostra a Deo dependentia, & divinarum gratiarum, maxime finalis perseverantiæ libera Dei collatio. Videatur S. Pater de Peccatorum meritis lib. 11. cap. 4. De Corrept. & Grat. cap. 3. num. 5. Serm. 164. num. 12. Excitat in orantibus fiduciam ac spem quod Dei misericordia orantes prævenit, quod plura non rogatus donavit, vitam, rationalem animam, redemptionem, baptismum, filiorum adoptionem; quod Veritas dixit Joannis xv. 24. *Petite, & accipietis*; quod denique ipse Christus sit hominum apud Patrem Mediator, & Patris apud homi-

homines fidejuſſor. At de his plura agentes de Myſtica Theologia. Itaque nos brevi Orationem Dominicam explanabimus, ut ſceimus de Symbolo ſpectante ad Fidem pag. 373. & de præceptis Decalogi pertinentibus ad Caritatem pag. 61. ut ſpem firmam fidelium anchoram orantes exerceamus. Quæ ſubjicimus deprompta ſunt ex Cypriano Tract. de Orat. Dom. Aug. citata Epiſt. ad Probam, de Dono Perſev. & libro 2. ſerm. Dom. in Monte, ex Commentariis in Matth. Lyrani, Eſtii, & Menochii, ex Venantio Fortunato in Expoſitione hujusmet Orat. & ex duobus illuſtribus Auguſtinianis Scriptoribus Auguſtino Triumpho, & Angelo Rocca, ex lib. 1. Martene de Antiq. Ritib. cap. 1. art. 12. & cap. IV. art. 11. Hi omnes Exegeſim noſtram colluſtrabunt.

Præmittitur in hac Oratione præſatiuncula, *Pater noſter, qui es in cælis*. Aug. de ſerm. Domini in M. lib. 2. num. 15. docet uſurpari *Patris* nomen ad benevolentiam conciliandam, & n. 16. ad excitandam caritatem. Apud Martenem in Expoſ. antiqui Miſſal. Gallic. dicitur vox plena libertatis, & plena fiduciæ: Lyranus id præmitti docet ob creationem, & gratiam adoptionis. Addit Auguſtinus Triumphus titulum gubernationis ſpectantis ad Patremfamilias. Eſtius notat quoque legis gratiam; quod veteres Patriarchæ Deum orantes minime uterentur Patris appellatione. Idem Angelus Rocca, animadvertens commendari his verbis legem amoris. Pronomen *noſter* Aug. ibidem poſitum declarat, ut nos fratres eſſe cognoſcamus: ideoque nullus hac oratione orat pro ſe tantum, ut animadvertit Venantius Fortunatus. Dicitur *Qui es in cælis*: ideſt, juxta Auguſtinum ibi. n. 17. in ſanctis & juſtis: non enim ſpatio locorum continetur Deus. Liranus putat cælos connumerari, quia ibidem Sanctos glorificat, tametiſi ubique eſt per eſſentiam, præſentiam, potentiam. *Cæli* dicuntur plurali numero, quoniam non habent in Hebraica lingua ſingulare, inquit Eſtius.

I. PETITIO.

Omnium quæ petuntur primum eſt, *Sanctificetur nomen tuum*. Sic petitur, ut Dei nomen ſanctum habeatur ab omnibus, ait Auguſtinus eodem lib. 2. num. 19. ut nomen ejus ſanctificetur in nobis, addit ex Cypriano de Dono Perſev. cap. 2. num. 4. ut benedicatur inceſſanter omnium linguis, & univerſis in locis, inquit Venantius: ut ſanctificetur in nobis noſtro actu, ait Expoſitio Anonymi ante annos nongentos apud Martenem: ut ſanctitas ejus eluceat in creaturis, exponit Lyranus: ut longe lateque fama ejus pervadat, eique omnes obtemperent, explicat Eſtius. *Sanctificetur* dictum eſt, non *manifeſtetur*; quoniam Dei notitia omnibus naturaliter indita eſt, inquit Auguſtinus Triumphus. Oratio autem conſeſtatio eſt gratiæ, ait S. Pater de Perſect. juſſit. cap. XIX. num. 40.

II. PE-

II. PETITIO.

Sequitur, *Adveniat regnum tuum* : quibus verbis petimus primo ut Dei regnum per doctrinæ propagationem manifestetur hominibus, ait Aug. de serm. Dom. num. 20. deinde ut perveniat ad nos beatitudo Sanctis omnibus præparata, inquit Cyprianus, & idem Augustinus de Dono Perf. num. 5. tum ut adveniat Christus Dominus universos judicaturus, ait Venantius : id tamen ratione beatitudinis, non supplicii ; quoniam istud non spei objectum est, sed timoris, ut animadvertit Aug. Triumphus. Amplissima est petitio, at non præsumptuosa nimis, quia regnum illud nobis paratum est a constitutione mundi, ut habetur in Evangelio, & Christi sanguine ac passione acquisitum est, inquit vetus interpret apud Martenem. Humilitatis nostræ argumentum est, quod petimus ut prius ad nos veniat, quia viribus nostris assequi illud non possumus ; ita Lyranus. Estius causam affert, cur in hac, & in præcedenti petitione non apponitur *nobis* ; quia nempe oramus ut perveniat etiam ad alios.

III. PETITIO.

Tertia petitio est, *Fiat voluntas tua, sicut in cælo, & in terra* : Ad divina præcepta refertur ab Augustino, maxime ad caritatem, per quam Angeli in cælis Deo adhærent : de Serm. Dom. num. 21. addit num. 22. *sicut in justis, ita etiam in peccatoribus* : & num. 24. *sicut in Domino, ita & in Ecclesia*. Similia Triumphus cæli nomine intelligens Christum, Angelos, justos. Multa sunt in terra pro diaboli voluntate, pro sæculi nequitia, pro desiderio carnis, inquit antiqua apud Martenem Expositio. At in cælo nil fit, nisi ob Dei gloriam. Commendatur etiam hac petitione gratiæ necessitas apud August. de Dono Perf. num. 6. nam idem est *Fiat voluntas tua*, ac, *Fac me facere voluntatem tuam*, & implere præcepta. Similia Venantius Fortunatus. Ideo Pelagius, inquit Estius, hanc petitionem derisit.

IV. PETITIO.

Proxima est petitio quarta, *Panem nostrum quotidianum da nobis hodie*. Habent Codices plurimi, *super substantialem*, ex Græco *invium*. At hoc vocabulum significat etiam panem *crastinum*, idest, necessarium pro tempore, quod imminet, alimentum, & idem demonstrat vocabulum *סוד*, in Evangelio Nazarenorum ; necnon panem *advenientem*, apud Ambrosium lib. v. de Sacr. cap. 4. Augustinus de Serm. Dom. num. 27. interpretatur panem necessarium corpori, visibile Sacramentum, & invisibile verbum Dei. Cyprianus præsertim Eucha-

Eucharistiam; & hanc solam Expositio Missalis Gallicani. Græcorum *Αφρα* etiam edulium significat, Tob. 1. 10. Haud male Tirinus interpretatur *panem*, cibum frugalem vulgatum. Superflua ergo petenda non sunt. Triumphus observat hæc ad cultum corporis pertinentia, peti post spiritualia bona; temporalia enim nonnisi propter beatitudinem sunt expetenda. Idem docet in Ench. cap. 115. S. Pater. Ea verba *Da nobis* commonstrant Dei liberalitatem, *qui dat omnibus assenter*; ait Jacobus cap. 1. 5. Plura in hæc Angelus Rocca. *Hodie* nimiam solitudinem damnat: nam idem est, ac *in hunc diem*: est enim apud Lucam, cap. xi. 3. *ναδ' ημιν*. Demonstrat etiam preces quotidianas repetendas.

V. PETITIO.

Quinta petitio: *Dimitte nobis debita nostra, sicut & nos dimittimus debitoribus nostris*. Omnes *debita* interpretantur peccata, ob quæ poenas debemus: unde Lucas posuit *ἀμαρτίας*. Monemur peccatores nos esse, dum pro peccatis orare compellimur, inquit post Cyprianum S. P. Augustinus de Dono Persev. num. 8. Quæ sequuntur demonstrant & nos veniam impetiri iis, qui in nos deliquerunt, juxta præceptum Domini paullo infra ab Evangelista repetitum cap. vi. num. 14. & olim ab Ecclef. xxv. 11. 2. Hanc petitionem etiam iusti facere tenentur, cum in peccata saltim venialia frequenter labantur. De his permulta prompta ex Aug. diximus lib. xviii. cap. 6. Quid vero de Christo? Talia orare poterat pro Ecclesia, membrisque suis. Etiam Virgo, quam sine labe conceptam tenet pietas fidelium, dicenda est hæc verba sæpenumero protulisse propter gratiarum actionem, propter aliorum absolutionem, propter Filii recordationem. Ita Augustinus Triumphus.

VI. PETITIO.

Post hæc habetur, *Et ne nos inducas in tentationem*. Quamvis Deus dicatur *tentare* homines, in quantum tentatio nihil aliud est, quam sumptum de illorum obedientia experimentum, quo sensu *tentavit Abraham*, Gen. xxii. 1. repugnat tamen divinæ sanctitatis tentare, in quantum tentatio est ad mala culpæ incitamentum. *Deus enim intentator malorum est*, inquit Jacobus 1. 13. Facere tamen dicitur Deus quæ occulto judicio permittit: ut Exodi vii. 3. & ad Rom. 1. 24. Orta est hæc phrasis ex proprietate verborum hebraicorum in constructione *Hipbil*. Itaque idem valet, *Ne inducas*, &, *Ne patiaris induci*. Ita legit Cyprianus. In tentationem induci est ita illecebris involvi, & periculis subijci, ut non extricemur. Non tentationes

tiones refutamur, sed ne succumbamus enixe petimus, ut recte Estius; aut ne contumaciter euntes ad tentationis laqueos Deus gratia sua derelinquat, ut Auctor perantiquæ Expositionis apud Martenem.

VII. PETITIO.

Ultima petitio, *Sed libera nos a malo*. Videtur membrum priori oppositum, & significare, *sed eripe nos a tentatore*. Sane Lucas id non apposuit, nec explicavit Venantius. Extat & in Græco ἀπὸ τοῦ κακοῦ, *a maligno*; scilicet, a pravitatis auctore, ut legitur in Missali Gallicano. Expressius vetustior Interpres, *Hoc est a Diabolo, qui totius mali auctor est, & origo*. Consulas eruditum Martenem. Non dissentit Cyprianus: unde Estius putat hanc, & superiorem petitionem non esse distinguendas. At Augustinus, quem sequuntur recentiores Catechistæ, utramque distinguit, quia non solum orandum est ne inducamur in malum, quod sexto loco petitur, sed etiam ut liberemur ab illo, quod jam patimur. Vide lib. 2. de Serm. D. in Monte num. 35. Illustrat opinionem S. Patris Augustinus Triumphus: eandemque confirmat conveniens petitionum numerus: de quo idem S. Pater cit. libro de Serm. Domini num. 36. S. Thomas 2. 2. q. 83. art. 9. & Angelus Rocca Tom. 2. pag. 458. Nil in oppositum probat Græca lectio ἀπὸ τοῦ κακοῦ, *a malo*. Derivari enim potest a neutro τὸ κακόν, *malum*. Hanc petitionem haberi in Græcis Lucæ codicibus affirmat pag. 419. laudatus Ang. Rocca: cui tamen non subscribo; nam desideratur in Græcis Oxoniensi, & Velefiano, in editis anno 1628. Parisiis, & in Bibliis Complutensibus: in Polyglottis autem Regiis, & Waltonianis appositis notis dignoscitur studio intrusa. Quare emendatissima est hoc in loco Vulgata; licet in quinque petitionibus Lucæ septem Matthæi contineantur, sicut in quatuor illius Beatitudinibus octo istius. Ad dunt Græci clausulam, sed cum orationi Dominicæ, tum Angelicæ salutationi superaddita: pie tamen; nam appositam Dominicæ Orationi approbat, explicatque Chrysostomus pag. Edit. Commel. 201. Lege & Exposit. Chromatii Tom. v. Bibl. PP. pag. 987. Hæc de Orat. Dominica, quam Juvenus Presbyter in Evang. Hist. his carminibus complexus est:

*Sydereo Genitor residens in vertice cali;
Nominis, oramus, veneratio sanctificetur
In nobis, Pater alte, tui: tranquilloque mundo
Advenet, regnique tui lux ampla patefcat.
Sic calo, ut terris fiat tua clara voluntas.
Vitalisque bodie sancti substantia panis
Proveniat nobis. Tua mox largitio solvat
Innumera indulgens erroris debita pravi.*

Et

Et nos haud aliter concedere saniora nostris.

Petri seiva procul tentatio demonis abstet;

Eque malis tua nos in lucem dextera tollat.

Amen dictis succinit, petita approbat, atque ut fiant postulat. Hebraica vox, *אמן*; quam Græci reddiderunt *amen*, *profecio*, aut *profectio*, fiat: Latini, *quæso*, vel, *utinam*. Ex prima Pauli ad Corinthios cap. xiv. 16. liquet idiotas ab Ecclesiæ incunabulis respondisse, *Amen* Sacerdotum benedictionibus, & orationibus: quod etiamnum servat fidelium consuetudo.

C A P U T XIV.

De Caritate, & dilectione Dei.

AD orationem Dominus exhortans Lucæ xi. 11. ait: *Quis autem ex vobis Patrem petit panem, nunquid lapidem dabit illi? Aut piscem: nunquid pro pisce serpentem dabit illi? Aut si petierit ovum: nunquid porriget illi scorpionem?* Opponit panem lapidi, piscem serpenti, ovum scorpionem; quoniam in lapide dura corda quæ respuunt caritatem, & in pane caritas ipsa significatur: in serpente qui Evæ venenosâ fraude persuasit ne Deo crederetur hæresumque tergiversatio; & in pisce propter aquam baptismi fides, quæ in hujus sæculi fluctibus integra est: in scorpione nunquam se in anteriora extendenti, & cui consuetum est retro respicere amor temporalium bonorum: atque in ovo, in quo vita pulli expectatur, spes futurorum. Ita oratione Dominica fides, spes, & caritas exercentur. Legite Augustini Epistolam 121. nunc 230. num. 16., & 18. Congruum est ergo, ut post fidem atque spem, caritatem omnium virtutum potissimam, excellentissimamque explicemus.

Caritatis vocabulum significat *gratiam, benevolentiam, amicitiam*: & accipitur semper in bonam partem, secus ac *amor*, & *cupiditas*, quæ interdum usurpantur ad significandum pravum animi affectum; & *cupiditas* maxime. Proprie etiam communstrat sanctificantem gratiam, qua regenerati, & iusti redduntur Deo grati, & accepti: sed aliquando designat actum casti amoris, sive qui ad justificationem disponit, sive qui elicitur ab homine iusto: nonnunquam etiam significat piam inspirationem, & cupiditatem boni, quamvis non sit actus dilectionis explicitus. Ipsa tamen caritas amor, & dilectio indiscriminatim appellatur, ut demonstrat S. P. lib. xiv. de Civ. D. cap. 7. ideoque omnis caritas est amor, sed non e contra omnis amor caritas.

Dividitur ergo Caritas in *habitualem*, & *actualem*. De prima disputatum est libro xix., & nihil est aliud quam *habitus* a Deo infusus

To. IV.

T t t

per

per quem voluntas redditur recta, & iusta, & ad diligendum Deum, propter se, & proximum propter Deum vehementiori nisi excitatur. De hac loquuntur Scripturæ, dum affirmant per caritatem nos reddi Dei filios, hæredes, amicos, signatos Spiritu promissionis sancto: ac Patres, dum caritatem describunt vitam, qua Deo copulamur, amicitiam hominis ad Deum stabilitam per inhabitantem Spiritum sanctum, Dei hominisque mutuam communicationem, atque his consimilia. Plura de hac *habituali* caritate disputantur: sed a nobis expedita citato libro XIX. ubi adversus hæreticos demonstravimus inhærentem esse, & habere æternæ vitæ condignum meritum, sed non importare firmissimam iustitiæ certitudinem, ac posse in hac vita augeri, minui, deperdi; cum aliis Catholicorum Theologorum decretis, quæ modo non repetam. *Habitum* hunc a Deo infusum esse virtutem Theologicam, cum in Deum tendat, in quæstionem verti non potest. Huius *objectum* præcipuum esse Deum, tum cetera quæ propter ipsum diligenda sunt ordine exposito in hoc volumine pag. 18. 205. aliisque in locis, allata Caritatis descriptio, omniumque consensus demonstrat. Quod pariter appellant *formale* objectum, esse summi boni præstantiam, quæ nos allicit, attrahitque, nequit controversi.

Restat tantum Scholastica quæstiuncula, num hæc per caritatem inter Deum hominesque firmata benevolentia sit vera amicitia. Negant cum Durando perpauci, ceteris omnibus assentientibus. Durandi opinio fulcitur his momentis. Primum est, quod in eo sita est amicitia, ut unus velit bonum alteri ex affectu erga ipsum: quod nequit excogitari in Deo respectu hominum, cum omnia nobis largiatur ob sui gloriam. Alterum, quod amicus alteri benefacit: id vero convenire non potest homini erga Deum. Tertium, quod amicitia nonnisi inter æquales intercedit, juxta Aristotelis philosophiam.

Habemus nos aliam amicitie perceptionem ac ideam. Nihil aliud est amicitia, quam *rerum humanarum & divinarum cum benevolentia & caritate consensus*. Hanc amicitie descriptionem tradit lib. 3. contra Academicos cap. 6. & in Epistola ad Marcianum 155. nunc 258. sapientissimus Augustinus. Consentit cum omnibus Platonice Marcellus Ficinus in Platonis Epistolas, & in Lyfidem. Aristoteles quoque lib. v. 11. Moralium cap. 7. tradit speciem amicitie, quam appellat *supereminentia*, in qua eadem utrique ab altero neque exhibentur, neque sunt requirenda: talis est amicitia patris erga filium, & principis erga subditum. Etiam de amicitia bonorum scripserat Aristoteles capite tertio ejusdem libri, quod *bi mutuo sibi bona similiter volunt, quatenus sunt boni*. Quod est ergo per se bonum summum, & incommutabile, jure amicitie nil ab eo, quem redamat, petit, nisi ut seipso fruatur. Legendus in hunc locum Aspasius pag. edit. Aldi 410. Idcirco autem inter hominem & hominem amicitia unius alteri benefacit, quoniam is bene-

beneficentiâ melior redditur. Beneficentiâ ergo amicitia præſtat, non quia amicitia eſt, ſed quia alter amicorum miſer eſt: & recte illam Auguſtinus conſtituit *in ſola caritatis conſenſione*. Nec ſola perfectâ æqualitas amicitiam parit, ſed vel æqualitas in animi pulchritudine, ut mutua Platonis Dionifque benevolentia: vel in moribus etiam ſerinis & agreſtibus ſimilitudo, ut amicitia Oreſtis & Pyladis: vel in eruditione & doctrina, ut amor Socratis in Phædrum & Alcibiadem. Recte Auguſtinus lib. v. 111. de Civit. Dei cap. 25. benevolentiam firmari docet *per bonæ voluntatis ſimilitudinem*: quod eo firmius præſtat, quo voluntas perfectior eſt, & amor magis caſtus & vehementis.

Eſt ergo inter Deum & hominem juſtum amicitia vera, ceteriſque omnibus longe præſtantior; quoniam inter utrumque eſt caritatis conſenſio: & ſi Deus nil vult propter hominem, tanquam finem ultimum, neque id vult juſtus, ſciens longe melius eſſe hunc finem conſtitui in bono incommutabili, quam in creato & finito; & e contra ſi homo nil commodi Deo aſſert, neque id quærit Deus, felix ſatis, diſtiſſimæque ſe ipſo: ſed cum perfectâ voluntas ſit ſummo bono adhærere, eoque frui, utrumque vult tam homo juſtus, quam Deus. Excellentiffima hæc eſt animorum conſenſio. Igitur amicitia vera, diuturna, mutua, jucundiſſima, optima. De qua amicitia loquebatur Sponſus his verbis Sponſam alloquens Cant. 11. 13. *Surge Amica mea, ſpecioſa mea, & veni*. Lucæ x11. 4. *Dico autem vobis amicis meis*. Joan. xv. 14. *Vos amici mei eſſis*; & alia complura.

Contraria itaque argumenta me nihil movent, quoniam legibus illis amicitiam non circumſcribo, niſi ubi uterque amicorum poteſt alterius benefactis augeri; quod ſi ad veram amicitiam requirebant Gentiles Philoſophi, ignorabant hi munera caritatis, divinumque conſortium. Erit tamen qui ad primam objectionem reſpondeant factâ diſtinctione finis *cui*, & finis *qui*: ad alteram reponent ad amicitiam ſufficere mutuum benevolentiam in alicujus boni communicatione: ad poſtremam, æqualitatem præſtari a Gratia ſanctificante, per quam, effimur *divina conſortes naturæ*, ut ait Petrus Ep. 2. cap. 1. 4. Egi de hac æqualitate Tom. 111. pag. 478.

Veniamus jam ad caritatem actualem. Hanc S. Pater in 111. de Doct. Chriſt. cap. 10. ait eſſe *motum animi ad fruendum Deo propter ipſum, & ſe atque proximo propter Deum*. Brevis, perſpicua, & expedita definitio. Hujus caritatis actus non ſemper in Auguſtiniana Schola eſt juſtificans, ſed quemadmodum caritas *habitualis* juſtificat formaliter; ita actualis inchoate, & diſpositive, plus, minusve, prout caritas vehementior eſt, aut remiſſior; ita ut diſectio tenuis & languida perſiſtat cum peccato, licet in aliquo extremo caſu cum voto Sacramenti juſtificet: vehemens tamen & flagrantiffima Deo reconci-

liet priusquam Sacramentum actu suscipiatur. Quare nos dividimus caritatem in inchoatam & perfectam, & negamus omnem dilectionem Dei benevolam statuta lege absque Sacramento adminiculo conciliare Deo peccatorem. Caritatem perfectam consistere cum peccato defendi non potest, repugnatque Tridentino sess. xiv. cap. 4. *Qua in re pessime erravit Bajus; & excessit etiam Guilelmus Estius.* At dari caritatem inchoatam sine peccatorum remissione, ad hanc tamen disponere, haud obscure colligitur ex eodem Tridentino sess. vi. cap. 6. maxime si legatur Hist. Pallav. lib. viii. cap. 14. & Tridentinum conferatur cum 2. Arauxicano cap. ultimo. Demonstratur etiam exemplo Magdalene, quæ accessit ad Christum ægra ut rediret sana, Catechumenorum, qui ante baptismum, etsi Deum amore casto diligere incipiant, adhuc tamen portant sarcinam iniquitatis; nec non Augustini, quem Deus ante acceptam baptismi gratiam sagittaverat caritate. At hæc trutinam revocabuntur, ubi disputabitur de Pœnitentiæ sacramento. Interim fat est repetere verba S. Patris in postremo capite de Nat. & Grat. nom. 84. *Caritas ergo inchoata, inchoata justitia est: caritas provecta, provecta justitia est: caritas magna, magna justitia est: caritas perfecta, perfecta justitia est, &c.*

C A P U T XV.

Quomodo, & quando actualis erga Deum caritas sit exercenda.

FUERUNT, qui præceptum diligendi Deum solis externis actibus impleri autumarunt; adversus quos calamum strinxit Merbesius in prima secundæ, Vanroy de Carit. cap. 3. Piette q. 4. aliique permulti: extiterunt etiam qui docuerunt nullo unquam vitæ suæ tempore teneri hominem ad eliciendum caritatis actum: sunt fortassis, qui ignorant qualis a nobis dilectio exigatur. Magni momenti sunt ista, sed obvia: ideoque explicanda, brevi tamen.

PROPOSITIO I. Deus etiam interiori caritate diligendus est.

Probat. 1. His verbis præceptum dilectionis exprimitur: Deut. vi. 5. *Diliges Dominum Deum tuum ex toto corde tuo, & ex tota anima tua, & ex tota fortitudine tua.* Repetitur Matthæi xxi. 37. *Diliges Dominum Deum tuum ex toto corde tuo, & in tota anima tua, & in tota mente tua.* Quis adversus tantam lucem adeo cæcuet, ut dicat Deum diligendum non esse affectu cordis? Deinde si proscripserit ab Innoc. XI. ea propositio, *Non tenemur proximum diligere actu interno*: quanto magis hæc damnatio ferit non diligentes interiori affectu summum Bonum, cum proximo aliquid externa officia afferant commo-

commodi, Deus autem voluntatem attendat, non cenſum? Ad hæc ſi caritas eſt *motus animi*, ut ſupra diximus; ſi ad Deum graditur, ut ait S. Pater ſerm. 344. num. 1. *non penniſ & pedibus, ſed affectu*: quid eſt, niſi figmentum, illa ſine affectu, & ſine animi motu dilectio? Præterea ſine caritate, qua creatura intellectualis Deo adhæreat, ut Auguſtinus ait lib. x. de Civ. Dei cap. 4. nullus eſt Dei cultus, nulla vera religio, nulla recta pietas, nulla Deo debita ſervitus. Poſtremo ſi externa ſufficiunt officia; quomodo nobilior hominis pars Creatori ſuo ſubjicietur? quomodo erit ſacrificium Deo cor humiliatum? quomodo adorabitur ſupremum Numen in ſpiritu, & veritate? quomodo abominabiles erunt qui Deum labiis honorant, cor autem eorum longe eſt ab illo? Faceſſat ergo fallax, pernicioſa, ac ſtuliſſima eorum opinio, qui affirmare auſi ſunt cordis dilectionem ad præceptum non pertinere: obbrutuerunt enim, factique rebelles luminis, nec inditam legem, nec ordinatam per angelos in manu Mediatoris, nec demonſtratam a Luce, quæ illuminat omnem hominem, paululum inſpexerunt.

Nefcio autem quid ſibi velint frivolis ineptiſque argutiunculis. Joannis xiv. inquiunt, legimus: *Si diligitis me, mandata mea ſervate*; nulla ergo præter obſervantiam præceptorum nobis dilectio injungitur. Adjiciunt: Nonne poſſumus implere omnia mandata ex ſolo timore pœnæ? Inſiſtunt: At Bernardus Sermone 50. in Cantica ſcribit. *Eſt caritas in actu, & in affectu, & de illa quidem, quæ operis eſt, puto datam legem hominibus, mandatumque firmatum; nam in affectu quis ita habeat ut mandetur?* At nugæ hæc ſunt, ſupra quam dici poſſit archetypæ, atque bullatæ. Enim vero Apoſtoli, quibus dictum eſt, *Si diligitis me, mandata mea ſervate*, jam proculdubio diligebant, eiſque imperatur ut diligant, & mandata conſervent, ut accipiant, manifeſta, *Spiritum ſanctum*, atque innotefcat quod habent. Ita Aug. Tract. lxxiv. num. 1. Ergo non diligentibus præcipitur ut diligant: diligentibus vero ut dilectionem factis comprobent, in eaque proficiant. Qui autem præcipit argumenta amoris, vult potius amorem ipſum: ait enim S. Doctör in libro de Magiſtro, cap. ix. num. 25. *res, quæ ſignificantur, pluriſ quam ſigna eſſe pendendas*. Timorem laudo, & legis pedagogum appello cum ipſomet Auguſtino ſerm. 161. n. 8. ſed timendum eſt, ut *formido cuſtodiat, & perducatur ad dilectionem*; quæ, auctore Apoſtolo ad Rom. xiii. 10., eſt plenitudo legis. Ex divo Bernardo quid inferitur, niſi caritatem æternalem præceptam eſſe, eam vero quæ guſtat, ſapit, afficitque ſuaviter, & quam appellat caritatem in affectu, non ad meritum dari, ſed ad præmium? *Neque hoc dico*, ait ſeq. num. 3. *ut ſine affectione ſimus, & corde arido ſolaſ moveamus manus ad opera*: diſtinctaque triplici affectione, quam vocat carnis, rationis, & ſapientiæ, *Igitur*, inquit, *per ſecundum opera ſiunt, &*

in ipsa caritas sedet, non illa affectuālis, quæ sūle sapientiæ condita, pinguescens magnū mentī importat multitudinem dulcedinis Domini, sed quadam potius actualis: quæ etsi nondum dulci illo amore suaviter reficit, amore tamen amoris ipsius vehementer accendit. Caritas ergo in affectu, quæ datur in premium, est juxta Bernardi sensum caritas reficiens post opera, & dulcis beatorum amor. Imo non negat S. Doctor pertinere etiam ad mandatum caritatem affectuālem, dummodo non intelligatur caritas illa plena, & dulcissima, quæ est merces Sanctorum; ait enim: Aut si placet tibi magis de affectuali datum fuisse mandatum, non inde contendo, dummodo acquiescas & tu mihi, quod minime in vita ista ab aliquo hominum possit, vel poterit adimpleri. Quid plura? Docet animam non posse seipsam toto nisu ad Deum colligere, & divino infigere vultui, quandiu eam huic fragili, & ærumnoso corpori intentam, & distentam necesse est subvenire: sic enim seipsum explicat Tract. de diligendo Deo cap. x. num. 29. At hæc non in gratiam contrarii argumenti, sed in melliflui Doctoris venerationem dicta sunt.

PROPOSITIO II. Rationalis creatura semper debet aut actu, aut virtute Deum diligere.

Demonstratur; nam Ecclesiasticus xii. 18. ait: *Omni vita tua dilige Deum*; & S. Pater lib. 1. doct. Ch. cap. 22. docet *nullam vitæ nostræ partem relinquī, quæ vacare debeat, & quasi locum dare ut alia re velis frui, sed quicquid aliud diligendum venerit in animum, illuc rapiatur, quo totus dilectionis impetus currit.* Rationem affert idem S. Pater de moribus Ecc. cath. cap. vii. num. 13. quia *Deus est nobis summum bonum: neque infra remanendum nobis est, neque ultra querendum; alterum enim periculosum, alterum nullum est.* In hoc sita est hæc dilectio continuo tenenda, ut nulli rei creatæ amore tanquam fini ultimo, & propter se inhæreamus: quod proculdubio humanus actus inquinaret; sed studeamus Bono incommutabili toto affectu adhærere, quod, ut docet eo loci S. Pater, reddit hominem optimum: aut saltem operemur ob inditam ingenitamque legem honestatis, ne opera moralium virtutum inani gloria, aut cupiditate labefactentur. Quamquam igitur actus dilectionis nequeat omni momento elici, neque ad hoc obligent præcepta affirmativa; sic tamen semper affecti esse debemus, ut amor animi nostri pondus cor ad fluxa bona non deprimat, neque a caritate Dei creatura aliqua illud prava cupiditate divelat. Vide Riccium in Prop. damnatas disput. 11. pag. 101.

Actus autem dilectionis quo præcise tempore sit eliciendum arduum est definire. Alex. VII. die 25. Septem. anno 1665. proscriptis mores luxantem, perniciosissimamque sententiam, quod neminem id obstringat aliquo vitæ tempore: & Innoc. XI. die 2. Martii anno 1676. quod ad hoc non teneamur ne singulis quidem rigoroſe quinquenniis.

Inno-

Innovandum quotannis caritatis actum cenſuit Ledeſina: ſingulis ſeſtis diebus Merbeſius, a quo non recedit Vanroy. Urgere hoc præceptum ſtatim ac pervenitur ad rationis uſum demonſtrat S. Thomas 1.2. q. 89. art. 6. eo quod prima rationalis creaturæ inſpectio ſit præſigere ſibi finem, ad quem cetera ſunt referenda: quam ſententiam propugnant Noſtrates, & Dominicus Viva S.J. in Trutina damnatarum Theſ. Vol. 1. pag. 31. fatetur eſſe inconcuſſam. Perſuaſum nobis eſt requiri actum aliquem benevolæ dilectionis ut peccator Deo reconcilietur, etiam in Sacramento: quamvis oppoſitum teneant permulti. Præterea in mortis articulo conſtitutum tenci ad caritatis actum, perſpicuum eſt: tunc enim dirigenda potiſſimum eſt a nauclero navis, cum in portum conjicitur; illamque prædones diripere, tempeſtates frangere, & anguſtus aditus, litorifque ſtatio facile poſſunt in naufragium impellere. Si etiam advertas institutionis feſtorum cauſam, Deum colendi, hoſtias immolandi ſpirituales, rebusque divinis vacandi; haud improbabiliſ videbitur Merbeſii, Cabezudi, Vanroy, aliorumque ſententia. At in his, quod monet etiam Suareſius de Carit. diſp. v. ſect. 3., ſequere prudentiorum conſilia.

PROPOſITIO III. Diligendus eſt Deus ex toto corde, in tota anima, in tota mente.

Hunc diligendi modum præſcribit Deut. vi. 5. & Matth. xxii. 37. Fit autem dum præcipuum ſtudio in eo locatur, ut ſummo bono adhæreamus: dum nihil Deo præfertur: dum creaturis utimur, ut Deo fruamur. Quod ſedulo implendum *ratio urget, & juſtitia naturalis*, inquit S. Bern. de dilig. Deo cap. 5. num. 15. Ratio petitur ex quo Deus ſit bonum qualibet alia re pluris æſtimanda; necnon ſit ipſe caritatis cauſa efficiens & finalis: nam ſolus *præcedit benignior, rependitur juſtior, expectatur ſuavior*, ait idem Doct̃or eodem libro cap. vii. num. 22. Juſtitia oritur ex plurimis ac maximis beneficiis, quibus nos cumulavit, atque ex illo maxime, quod *filii ejus nominemur & ſimus*, Joan. Ep̃iſt. 1. cap. iii. 1. noſtrique cauſa Unigenitum ſuum dederit. Scite, qui ad Crucifixi imaginem in Florentino S. Spiritus Templo ſcripſit:

Hic me ſolus amor ligno confixis in alto.

Diligitur autem Deus ex toto corde, dum in eum referuntur omnia conſilia noſtra, omnis cognitio, omnis vita, omnis intellectus, & dilectio Dei nullum a ſe rivulum duci extra patitur, cujus derivatione minuatur. Vide Auguſtinum de Morib. Eccl. cap. vii. num. 13. & in 1. de Doct̃. Chriſt. cap. xxi. num. 21. Paulini Ep̃iſtolam ad Celantiam, Saleſium lib. 1. cap. 6. Diligit toto corde, qui omnem cognitionem in Deum conſert: tota mente, qui intellectum Deo ſubjicit, ac tota anima, qui appetitus ſecundum Deum regit. Haud male in Matthæi viceſimum ſecundum Lyranus.

At

At dices : Si ita est , nullus in hac vita poterit implere dilectionis præceptum . Respondeo , quod aliquid ex toto corde , & in tota anima , in tota mente facere dicimur duplici sensu ; primo si affectio tanto caritatis ardore impendatur , ut non possit vehementius intendi : secundo si in ea præcipuam curam studiumque collocemus . Primo modo non impletur præceptum dilectionis , nisi in patria , ut docet S. Pater Augustinus de Perfect. justit. cap. 8. & de Spirit. & lit. cap. ult. ac D. Bern. ferm. 50. in Cant. & de dilig. Deo cap. 10. Altero modo impletur etiam in hac vita , etiamsi extinguere non possimus concupiscentiæ luctamen præpediens impetum casti amoris vehementiorem ; dummodo nihil appetatur illicitum . *Aliud enim est totam non assequi caritatem , aliud nullam sequi cupiditatem :* inquit Augustinus eodem libro de Sp. & lit. num. 65. Legite Estium in 111. dist. 27. §. 8. & in caput 6. Deut. Horstium in D. Bern. Annot. &c. Addo & sacra , & profana locutione dici aliquid fieri toto corde , & ex tota anima , quando in id mente intenti sumus . Nam de Josia 1v. Regum 22. 11. 3. legitur fœdus coram Domino percussisse custodiendi præcepta & ceremonias , *in omni corde , & in tota anima :* de Davide Eccles. xlv. 11. 10. *De omni corde suo laudavit Dominum :* & 111. Regum xiv. 8. *Custodivit mandata , & secutus est me in toto corde suo :* de ceteris justis omnibus Psalm. cxv. 11. 2. *In toto corde exquirunt eum .* Profana exempla ex Catullo , Thucydide , Antonino vide apud Grotium in Matthæum . Jure ergo meritoque Tridentina Synodus sess. vi. cap. 11. & can. 18. damnavit Sectarios autumantes mortalium neminem posse præceptum caritatis implere .

C A P U T XVI.

De Amore , ut vocant , puro , damnatoque Quietismo .

POSTEAQUAM anno 1311. damnati fuerant in Viennensi Concilio Begardorum errores : posteaquam extincta fuerat Illuminatorum secta , quæ Hispali eruperat circa annum 1623. præcisusque anno 1656. surculus vetusti erroris , quo aliqui adeo se in Dei amore profecisse jactabant , ut nacti spiritus libertatem , quicquid agerent , nunquam a caritate desisterent , erupit idem error , pestiferumque venenum effudit , navante operam Michaelæ de Molinos . Perniciosam is Mysticam scholam fabricaturus asseruit primo annihilandas esse potentias animæ , hanc non debere in aliquo opere active se gerere , debere se regendam committere divinæ voluntati , nihil ab ea petendum , omnemque sollicitudinem propriæ salutis , spem , timorem , desideria quæque virtutum deponenda . Ficta istiusmodi sine voluntatis actu indifferentia , consequen-

ſequenter affirmavit, animam in ſua quiete orare etiam dum ſomno abripitur, dum impuræ occurrunt cogitationes, imo dum aut dæmonis inſiſtente, aut alterna maris & feminæ ſollicitatione carnales actus exercentur, proptereaquod hæc omnia, licet eveniant in vigilia & ſine mentis offuſcatione, non commaculent ſuperiorem partem illius, qui ſemel Deo proprium ſubjecit arbitrium. Proſcripſit tamen ſaria dogmata in Bulla *Cæleſtis Paſtor*, emanata die 20. Novembris anno 1687. Innoc. XI. Romanus Pontifex.

Non quidem in tam ſœda & abſurda, ſed in *Quietiſſimam* tamen incautus prolapſus fuerat Cameracenſis Antifiteſ Franciſcus de Fenelon in libro Gallice inſcripto, *Explication des Maximes de Saints*, in lucem edito an. 1697. Quo in libro docuerat dari ſtatum quemdam *habitualem* amoris Dei, qui eſt caritas *pura*. Hunc eſſe ſtatum ſanctæ indifferentiæ, in quo nec æternam ſalutem volumus: dari in eo extremas probationes, in quibus non ſolum ſpes omnis amittitur, verum etiam poteſt anima invincibiliter credere ſe juſte a Deo reprobatam, & tunc myſtica morte, & a Deo dereliſtam quaſi cum Chriſto in cruce *ſpirare*: iſtam tamen perturbationem cieri inferiori in parte cæca, & involuntaria paſſione, ita ut in ſuperiori regnet caritas, dum inferiorem percellit deſperatio. Gravi cenſura perſtrinxerunt Cameracenſis Archiepiſcopi errorem ampliſſimi Antifiteſ Parisienſis, Meldenſis, & Carnotenſis; pluraque ſcripta utrinque prodierunt eodem anno 1697. At proximo anno damnatis ab Innocentio XII. iis de Amore *puro*, & indifferentiæ ſtatu documentis, horum auctor ſe Pontificis Maximi ſententiæ ſubmiſit, erroremque ſuum palam, & e ſuggeſtu reprobavit. Quæritur ergo an in caritate proficientibus permitti debeat *oratio quietis*, ſive interior vita abſque facultatum animæ, ſenſuumque motione: an in hoc ſtatu ſit animæ cum indifferentia, ac *puro* amore permanendum: an *purus* ille amor abſque ſpe remunerationis, propriæque ſalutis ſollicitudine rectus ſit, vel perverſus.

PROPOSITIO I. Datur aliquandiu animarum caritate flagrantium *quietes*, ſed ei, quam Molinoſius invexit, e diametro oppoſita.

Demonſtratur pars prima. De Anima quippe Chriſti ſponſa legimus in Cant. Cap. 11. 7. *Adjuro vos filia Jeruſalem per capreas, ceruoſque camporum, ne ſuſcitetis, neque evigilare faciatis dilectam quoadusque ipſa velis*; & cap. v. 2. *Ego dormio, & cor meum vigilat*. De Maria contemplantium typo, Lucæ x. 39. *Sedens ſecus pedes Domini audiebat verbum illius*. Ac de Joanne in ejus Evangelio, x111. 23. *Erat recumbens annus ex diſcipulis ejus in ſinu ejus*. At Myſtici his *quietem* illam explanant, quâ anima, quaſi dulci ſomno abrepta, & veluti puer innixus mammis, lactemque ſugens, divinæ dulcedinis jucunditate perfunditur, illamque exteriores potentie ac ſenſus ad objecta.

Tb. IV.

V v v

alia

alia non distrahunt, nec evigilare faciunt, & avolare: sed colloquentem Dominum audit, & in sinu ejus recumbit; ut Sancti viri scripserunt, edocti præsertim experimento, Theresia, Joannes a Cruce, Salesius.

Altera pars probatur 1. Oratio *quietis* a Mysticis comprobata, nihil est aliud quam, dum anima se ad cordis intima retrahens nec videt, nec sentit nisi Deum. Ita eam describit S. Bonaventura de stimulo Amoris p. 2. cap. 7. S. Theresia cap. 14. vitæ suæ, Salesius lib. v. 1. cap. 7. & 8. Harpius Theolog. Myst. lib. 3. p. 5. cap. 32. Balthasar Alvarez Tom. 3. p. 2. cap. 12. Card. de Laurea opusc. de Contemplat. cap. 6. In hac, ut inquirunt, recollectione cessat anima a terrenis tumultibus, & quiescit a cogitationibus supervacuis, ut docet de interiori domo D. Bernardus. At Michael de Molinos e contra, in sua *Quiete* vult animam cum indifferencia pati etiam dæmonum, si occurrant, violentias, turpesque libidinum incitationes, nec *quietem* illam turbari, tametsi animus alia videat, alia sentiat, etiam impura, & horrenda. II. Et si in Oratione *quietis* a Theresia explicata, aliquando anima dulcedine caritatis perfusa quasi dormitans nil agere videatur; ait tamen cap. 14. potentias se interius retrahere, non tamen deperdi, aut abripi somno: & proximo cap. 15. docet *quietem* illam esse Divini amoris scintillulam, quam Dominus incipit in anima excitare, & accendere, & quæ servilem timorem expellit, inseritque filialem. Salesius quoque licet animam in oratione *quietis* constitutam comparet puerulo in sinu matris dormienti, & consistenti in sede simulacro, cap. 9., & 11. ejusdem libri; imo cap. 8. afferat voluntatem *nihil agere*, sed recipere duntaxat amoris dulcedinem, atque delectationem; ait tamen id evenire, quoniam non de se cogitat anima, sed de eo, cujus præsentia delectatur: eodemque cap. 9. explicat, quo pacto voluntas non exerceat potentias alias, operetur tamen superiori parte, & quamquam nullam habeat sensuum exercitationem, in delectatione tamen caritatis non dormitet. Falluntur ergo, qui aut ex Theresiæ, aut ex Salesii lectione probari autumant orationem *quietis*, in qua anima nihil agat; cum in ea quiete magis intellectus per fidem Deum intueatur, & voluntas per caritatem magis summo Bono adhæreat: quemadmodum dum ageretur de Theresiæ canonizatione, matura discussione operum ejus compertum est. Vide Annal. FF. Carmel. Discalc. lib. 2. cap. 44., & Cardinalem de Laurea opusculo paullo supra laudato. Huic ergo sanctæ *quietis* orationi directe illa opponitur, quæ voluntas non colligit attrahitque potentias ne avolent, & vagentur, sed laxatis ipsarum habenis indifferenter se habet, nec fidei, spei, caritatisque actus elicit. *Ad quid enim*, inquit de Laurea seq. cap. 7., *homo se constituit ante Deum, si de eo nec vult cogitare, nec cum amare, neque cum eo mentaliter al- loqui, petendo, laudando, vel gratias agendo? Meo videri hæc actuum suspen-*

ſuſpenſo, ſi dari poſſet naturaliter, quod non credo, irreverentia potius eſſet in Deam, quam devotio. Operari ergo debet intellectus inſuendo per fidem, & voluntas diligendo per caritatem. III. Debet voluntas exercere in alias potentias imperium, & caritas ceteris affectibus dominari, ut Saleſius demonſtrat lib. 1. cap. 6. ideoque caſtus amor præcipit ſingulis animæ facultatibus, ne contemplationis tempore divagentur, veluti domina ad ſe ornandam in penetralia ſe conjiciens famulas hortatur ad domus cuſtodiam, & rege in aula commorante, ad januaſ milites agunt excubias: unde in Proverbiis cap. 1x. 3. ſcriptum eſt, *Miſit ancillas ſuas, ut vocarent ad arcem, & ad munia civitatis.* Præcipit etiam, ut quandiu in oratione quietis fruitur ſponſo, ſileant ſenſuum tumultus, *ne evigilare faciant dilectam*, ut in Canticis ſemel, iterumque repetitur. Quæ eſt ergo illa Molinoſii *quies* ementita, ac diabolica, in qua voluntas non regina, ſed captiva nil imperat, eamque ancillæ tumultuoſæ, atque errabundæ excitant, exturbant, a ſponſi amplexibus ſeparant, adulteriſque amatoribus ſubjiciunt? IV. Tandem *quietem* a Myſticis probatam eſſe ſpecialem Dei gratiam, quam nullus debeat præſumere, docet cap. xi. Chriſti Sponſa Thereſia. At falſi Myſtici commenti ſunt frui hac *quiete* illos, qui ſemel arbitrium Deo ſubjecerunt, nec in poſterum ulla angî ipſos ſolicitudine, ſpecialia Dei beneficia, cuique quantumvis improbo, impuriſſimoque temere tribuentes.

PROPOSITIO II. Status *puri amoris*, & indifferentiæ, in quo anima nullam gerat propriæ ſalutis curam, vel tanquam a Deo reprobatæ, nullam habeat ſpem nullumque perſugium, atque a ſemetipſa diviſa unicc ſe Divinæ voluntati committat, *ſanatiſſimus* eſt, non caritatis perfectio.

Demonſtratur primo. Hæc de Amore *puro* doctrina a nullo antiquorum Patrum tradita eſt, ut fatebatur Cameracenſis Antiſtes in damnata prop. 22. *Quamvis hæc doctrina eſſet pura, & ſimplex perfectio Evangelica, antiqui Patres eam non proponebant paſſim multitudini juſtorum.* At nulla Evangelica doctrina verbum ſalutis excludit; neque putandum eſt Eccleſiæ Paſtores tanquam arcanum ſervaviſſe neceſſaria *pure* amantibus documenta. Non eſt ergo Evangelica, quæ de Amore *puro* elapſo tantum ſæculo erupit, nova, & inaudita doctrina. Deinde non ſolum Evangelica non eſt, ſed Evangelio repugnat: in quo diligentiſſimis Deum præſcribitur obſervantia mandatorum, Joan. xiv. 15: ac inter præcepta connumerantur fides, ſpes, caritas, poenitentia, oratio, jejunium, aliqua virtutum officia a caritate, & amore imperata. Spem præſertim, quæ *puro* amori juxta pravam opinionem repugnat, nonne commendatur ab Apoſtolo in 2. ad Corinth. 111. 12. ad Philipp. 111. 14. ad Titum 11. 13. aliſque in locis compluribus? Præterea cum ſacri libri nos ad virtutum omnium exercita-

tamenta exhortentur; nihil magis iniquum est, nihil scelestius, quam indifferenter se gerere, & studia bonorum operum relaxare: nec frustra alloquitur Paulus Philippenses 1v. 8. *Quaecumque sunt vera, quaecumque pudica, quaecumque iusta, quaecumque sancta, quaecumque amabilia, quaecumque bona fama, si qua virtus, si qua laus discipline, hæc cogitate. Quæ monita caritati repugnarent, si nobis fas esset in puro amore indifferenter quiescere.* Insuper indifferentia ista non caritate purgat, sed trahit ad sempiternum interitum omnium hominum genera. Enimvero si propriam infirmitatem ac patrata scelera minime penſitamus, prolabimur in perditionem; cujus primus gradus est dissimulatio propriæ infirmitatis, alter ignorantia, quæ vulnera animorum mortales non vident, tertius præsumptio, quæ vulnera non esse contendunt, ut docet serm. 11. in Pf. *Qui habitat*, S. Bernardus. Si vero dicamus accepta libertate spiritus neque nobis orandum, ut Deus nos adjuvet, ne peccemus; superbia est Pharisei, quam ut evitemus vehementer hortatur lib. 2. de Peccat. meritis cap. 5. sapientissimus Augustinus. Quomodo ergo poterat in hominum mentem venire, nisi inspirante dæmone, illud nefarium dogma: *Qui suum liberum arbitrium Deo donavit, de nulla re debet habere curam, nec de inferno, nec de paradiso, nec debet desiderium habere propriæ perfectionis, nec virtutum, nec propriæ sanctitatis, nec propriæ salutis, cujus spem purgare debet.* At hæc est *Quietistarum* sententia, ut liquet ex prop. 12. Molinosii. Ad hæc: derelinquit quidem ad tempus cælestis Sponsus, subtrahitque consueta spiritualis dulcedinis argumenta, incusso quoque reprobationis timore, prædilectis sibi animabus; quemadmodum fecisse traditur Florentinæ Sanctimoniali Mariæ Magdalene, quæ decus Carmeli est, Pazziorumque profapiæ gloriæ immortalis. At id præstat, ut tentationibus vexatæ præbeant exempla humilitatis ac patientiæ; neque illas penitus deserit: neque purificatur amor certa persuasione reprobationis; hæc enim est Caini, & Judæ peccatum, caritatem non purificans, sed extinguens. Quare Theresia cap. 17. Vitæ suæ ait, nunquam Christi sponſam, animam caritate flagrantem, sive in cælum, sive in infernum absque Sponſo cogitatione deferri. Ea ergo derelicta, qua anima *puro* affecta amore etiam desperando, ac se reprobata in invincibili persuasionem credendo, superiori parte Sponſo adhæreat, inferiori spiret atque tabescat, *fanatissimus* est, singularisque deceptio. Denique nullus amor est rectus, qui divinæ voluntati adversetur. At hæc est voluntas Dei, ut abſtineamus ab omni immunditia, ut unusquisque vas suum possideat in sanctificatione & honore, ut habentes donationes secundum gratiam, quæ data est nobis, *simus sollicitudine non pigri: spiritu ferventes: Domino fervientes: spe gaudentes*; Ad Rom. xxi. 11. Itaque quisquis in statu indifferentiæ pigrum, teporem, ignaviam, desperationem, aut turpi-

turpitudinem aliquam approbat , ſpecioſo Caritatis nomine tranſgreſſionem divinæ voluntatis condecorat .

Opponebant *Quietiſtæ* exempla Chriſti , Moyſis , & Pauli : quorum primus in cruce a Patre dereliſtus clamavit , Matth. xxv. 11. 46. *Deus meus , Deus meus , ut quid dereliquiſti me ?* Alter Exodi xxxi. 1. 32. ait : *Aut dimitte eis hanc noxam , ani ſi non facis , dele me de libro viventium .* Tertius denique ad Rom. ix. 3. *Optabam enim ego ipſe anathema eſſe a Chriſto pro fratribus meis .* Igitur , *Quietiſtæ* aiebant , perfecta caritas omnem cum Chriſto patitur deſolationem , & cum Moyſe & Paulo etiam propriam reprobationem amori poſtponit .

At primum ab iis , qui in pravum ſenſum hæc exempla detorquent , petimus ubi eluceat hæc omnimoda indifferentia , ſi Chriſtus deſolationem illam reſugit , & Moyſes ac Paulus tam vehementer dolent de cognatorum ſuorum ſcelere , & damnatione ? Neque enim inferior illorum pars orabat ; ſed ſuperior pro inferiore , quam afflicbat deſolatio , ac triſtitia . His ergo exemplis non trahimur ad indifferentiam , & quietem , ſed ad gemitum , & orationem , ut Deus ariditatem ac deſolationem noſtram diſſipet rore , ac dulcedine amoris ſui . Atque ita ſe geſſit S. Maria Magdalena de Pazziis , quæ in majori ſpiritus deſolatione magis lacrymabatur , & orabat , ut reſert in ejus vita Vincentius Puccini cap. 38. & Aët. Bolland. Tom. vi. Maji , cap. 6. Deinde non negamus inferioris , ac ſuperioris animæ partium ſeparationem , cum ſermo Dei ſit *efficax & penetrabilior omni gladio ancipiti , & pertingens uſque ad diſiſionem animæ ac ſpiritus* ; ut inquit Apoſt. ad Hebræos iv. 12. ſed negamus poſſe in ſumma parte ſpiritus eſſe indifferentiam , quæ conciliari poſſit cum deſperatione , certaſque perſuaſione reprobationis . De verbis Chriſti in Cruce pendentis , vide lib. xxv. cap. 9. ubi demonſtro ſupplicem illam fuiſſe Orationem cum ſpe & fiducia conjunctam , & exclamaſſe tantum ob ea quæ patiebatur humana natura , nullum accipiens a divina poenarum levamen . Sane deſperariſſe Chriſtum blaſphemia eſt hæreticorum ; & aperte reſellitur , ex quo Patri paulo ante ſpiritum ſuum commendaverit . Quantum ad Moyſen attinet ; S. Hieronymus in Epiſt. ad Algaſiam cap. 9. illius verba interpretatur de occiſione corporis , & RR. Salomon , & Jonathan de libro Legis : & interpretatio Hieronymi liquet ex cap. xi. 15. Num. non enim aliquis de libro Prædeſtinatorum deleri poteſt ; de qua re ſecurum fuiſſe Moyſen , & ratio commonſtrat , & Auguſtinus affirmat in Pſalmum cv. num. 21. Quare Eſtius cum Hieronymo ait Moſen locutum *de libro viventium hac viſa præſenti* , tum in 1. diſt. 40. tum in loca difficiliora Script. Quamquam fieri poteſt , ut hæc Moyſes proloqueretur humano quodam affectu , rationi tamen non repugnante , ad confidentiam fiduciamque ſuam conteſtandam , ut Rachel marito Gen. xxxi. 1. *Da mihi liberos , alioquin moriar* : qua loquendi conſuetudine amici fami-

familiariter uti solent, haud ignari nolle eos, a quibus impense diliguntur, se tanta anxietate torqueri. Atque hanc etiam responsionem tradit S. Pater q. 147. in Exodum. Utraque responsio aptari potest verbis Pauli, *qui optabat perire in carne, ut alii salvarentur in spiritu*; inquit eo loci Hieronymus. Videtur tamen Paulus revera loqui de separatione, & exitio animæ, non enim ait duntaxat, Optabam *anathema* esse, sed addit, *a Christo*: quare Chrysostomus negat Apostolum loqui tantum de corporis occisione; & sententia Chrysostomi multis aliis probatur. Verum nec Chrysostomus *Quietistis* juvat, nec ait posse aliquem reprobationem propriam expetere; sed primo observat, in Græcis extare, non *Optabam*, sed *optarim*, *in xpium*; deinde ait, precatur sibi Paulum anathema, hypothetice, *si modo fieri posset*, pro Dei gloria, ut cessarent Judæorum convicia. Vide Chrysost. in Paulum Tom. 1. pag. edit. Commel. 185. Sensus ergo Pauli est, Optarem discendi a Christo pro ejus gloria, si per legem, justitiamque Dei liceret: in quibus non desiderium apparet reprobationis, sed amantium emphasis, demonstrata etiam pronominis repetitione, ut adnotavit Erasmus. Adde nonnullos caritate successos exquisita tormenta desiderare, ut ipforum aliorumque animæ summo bono agglutinentur: quo sensu aiebat Ignatius in Epist. ad Rom. n. 5. *Diaboli tormenta in me veniant, tantummodo ut Jesum nanciscar*; atque id non est propriam contemnere beatitudinem, sed vehementius illam appetere.

PROPOSITIO III. Non repugnat caritati fervare legem intuitu sempiternæ mercedis.

Probatur primo ex Scripturis. David enim Psalm. cxviii. 112. ait: *Inclinavi cor meum ad faciendas justificationes tuas propter retributionem*. Matth. vi. 10. Christus illam nos orationem docuit, in qua dicimus, *Adveniat regnum tuum*; & vers. 33. *Querite*, inquit, *primum regnum Dei*. Apost. ad Coloss. 1. 4. 5., *Audientes fidem vestram in Christo Jesu, & dilectionem, quam habetis in Sanctis omnes, propter spem, qua reposita est vobis in cælis*; atque ad Hebr. xi. 26. loquens de Moyse, *Aspiciebat enim in remunerationem*. Confirmatur ex Tridentino sess. vi. can. 31. *Si quis dixerit justificatum peccare, dum intuitu æternæ mercedis bene operatur, anathema sit*. Corroboratur PP. auctoritate: Ambrosii scribentis lib. v. in Lucam cap. 6. *Studia virtutum sine remuneratione torpescunt*: Augustini serm. 345. sive 32. inter Sirmondianos, *O tu, homo, si titubas in re, eslo firmus in spe, si autem te opus turbat, erigat ipsa merces*: atque Ecclesiæ universæ in Natali Martyrum, *Tradiderunt corpora sua propter Deum ad supplicia, ut hæredes fierent in domo Domini*. Accedit postremo manifesta ratio. Finis quippe bonorum operum est vita æterna, & hunc finem non sibi constituit perversa cupiditas, sed statuit divina liberalitas, proponit Evangelium, inquit fides, præstolatur spes, & inviolata ju-

sticia

ſtitia rependit . Quis autem dixerit nefas eſſe hunc ſibi finem præſigere tot , tantique titulis commendatum ? Aequum eſt igitur pro conſecutione æternæ vitæ bonis operibus inſudare .

Dixi pro conſecutione æterna vita , quam ſitam eſſe in Dei fruitione , non in qualibet re creata demonſtravi libro XXI. cap. 5. neque in dubium revocari poteſt , quin pervertat ordinem caritatis quiſquis Deo ſervit fallaci ſpe illeſtus , & intuitu temporalium fluxorumque bonorum . De iſtiusmodi fine operantibus Auguſtinus ſerm. xxxi i. in Pl. 144. alias xx. de diverſis , num. 22. interpretatur verba Davidis . *Dextera eorum , dextera iniquitatis* , ſcribens : *Dexteram enim iniquitatis dicit felicitatem huius ſæculi : non quia non invenitur apud bonos , ſed boni quando illam habent , in ſiniſtra illam habent , non in dextera . Felicitatem perpetuam habent in dextera , felicitatem temporalem habent in ſiniſtra . Cupiditas autem rerum æternarum , & felicitatis æternæ non debet miſceri cupiditati rerum temporalium , ideſt felicitatis præſentis , & temporalis .* Atque illa æterna felicitas mercesque Sanctorum , nihil aliud eſt præter ipſum Deum , animorumque noſtrorum perpetuam cum illo unionem . Quare idem Deus Gen. xv. 1. ait Abrahamæ , *Ego merces tua magna nimis* . Ad hanc mercedem accipendum eſt deſiderium illorum , qui nullum aliud præmium ſibi repromiſſum opinantur , quam cæleſte domicilium , ſocietatem angelorum , & corporum immortalitatem : hæc enim conſectaria ſunt longe melioris felicitatis , quæ ſita eſt in Dei perfectæ contemplatione , & jucundiſſima caritate : atque huius intuitu bonis operibus danda eſt opera , aliaque bona , non niſi ut medium , quo ad illud ſummum , & incommutabile pervenitur , a nobis ſunt expetenda .

At obſciunt I. Amor perfectus eſt amor gratuitus , nec quærit caritas , quæ ſua ſunt . At qui operatur intuitu mercedis , non amat gratis , & quærit quæ ſua ſunt . Non ergo recte diligit . II. Amor , qui proprium commodum ſpectat , eſt amor concupiſcentiæ , non caritatis . Qui autem æternam mercedem expeſtat , propriam diligit utilitatem . Igitur non caritate ſagrat , ſed amore concupiſcentiæ . III. Quamvis juſta merces poſſit & peti , & deſiderari ; magis tamen commendandus eſt amor liberalis , qui nullum impenſi operis præmium quærit . Licet ergo fas eſſet operari propter retributionem ; perfectiſſus Deum amat qui ejuſdem retributionis ſpem abjicit .

Reſp. ad primum negando minorem : gratis enim amat , qui nullam aliam quærit mercedem præter bonum ipſum quod amat ; quia tunc nulla alia re , niſi bono quod amat , delectatur ac fruitur . In hoc enim ſita eſt natura amoris gratuiti , ut S. Pater Auguſtinus explicat ſerm. 340. alias 39. inter additos a Sirmondo , ubi ait : *Et tamen quia gratis amamus , quia oves paſcimus , mercedem quarimus . Quomodo ſic iſtud ? quomodo convenit , Gratis amo , ut paſcam , & Mercedem poſco* ,

pasco, quia pasco? Nullo modo feret Loc; nullo modo merces quaeretur ab eo, qui gratis amatur, nisi merces esset ipse qui amatur. Habentur similia Tract. 51. in Joannem, & in Psalm. 53. Imo nisi sit spes adherendi firmissima caritate summo Bono, in qua adhaesione consistit beatitudo, non erit amor gratuitus, quia verus & castus amor percipi nequit sine boni incommutabilis aut desiderio, aut fruitione. Qui ergo non habet spem beatitudinis, perfecte non amat, quia non desiderat frui summo bono. Frui enim est amore inhaerere alicui rei propter seipsam: inquit Sanctus Pater lib. 1. de Doctrina Christi. cap. 4. Recte S. Thomas consimili argumentatione probat 1. 2. q. 65. art. 5. non dari veram sine spe (in hac vita) caritatem. Etiam S. Bonaventura in 111. dist. 26. art. 1. q. 1. docet gratuitum amorem non expectare temporalem mercedem, at non ita ratiocinandum de gloria aeterna, Quia maxima caritas maxime desiderat uniri Deo. Hinc Hugo Victorinus lib. 2. de Sacram. cap. 8. eos qui dicunt, Diligimus Deum, sed non quarimus premium, ne mercenarii simus, ait esse tam stultos, ut seipsos non intelligant, eadem producta ratione, quoniam, si aliud quæreretur ab ipso, gratis non amares: sed non amares, si non desiderares. Atque his diluitur etiam tertia obiectio

Ad 2. respondemus hoc *concupiscentia* nomen significare tam pravam, quam rectum desiderium, ut explicavimus Tom. 2. p. 533. negamus autem amorem *concupiscentia*, sive spei, qui fertur in sempiternam felicitatem, tendere in creaturam rationalem tanquam in ultimum finem. Qui enim finem amoris, quo Deum diligit in propria utilitate constituit, impius est, & sacrilegus: & amor spei, quem dicimus amorem *concupiscentia*, debet esse amor *concupiscentia* in finem ultimam directæ, ita ut propriam felicitatem quisque amet comparate ad Deum, ut scilicet ipsi amore jucundissimo inhaereat. Ita docet S. Franciscus Salesius lib. 11. de Divino amore cap. 17. Quare amor *concupiscentia*, & spei, qui fertur in propriam beatitudinem, ac posset in pravam finem deflecti, non defectu ipsius spei, sed vitio sperantis, dirigi debet caritate; ita ut præcipuus finis sit Deus, idest, ut diligamus quidem æternam vitam, sed intentione adherendi Deo summo, & incommutabili bono. Id vero fit, quando petimus ut regnum Dei adveniat, non ut Deus mutetur in nobis, veluti dum appetimus cibum; sed ut nos immutemur in Deo, & in ipso vivamus, perficiamur, beatificemur; eundemque perpetuo contemplemur, & diligamus. Quapropter sicut dum appetimus cibum, ut convertatur in carnis nostræ substantiam, illum appetimus causa nostræ; ita dum æternam expetimus felicitatem, ut nos caritate convertamur in Deum, tenet ipse Deus ultimi finis, ac primæ causæ rationem. Docuit nos hanc præclaram doctrinam S. Pater Augustinus scribens lib. v111. Confess. cap. 10. *Inveni longe me esse a te in regione dissimilitudinis, tanquam audiret vocem tuam*

tuam de excelfo, Cibum ſum grandium, creſce, & manducabis me: nec tu me in te mutabis, ſicut cibum carnis tuæ; ſed tu mutaberis in me. Legite librum inſcriptum *Les véritables maximes de Saints*, editum Pariſiis anno 1699. adverſus illum, quem ante duos annos evulgaverat Archiepiſcopus Cameracenſis.

C A P U T XVII.

De Amore proximi, & ordine Caritatis.

CARITATIS ſecundarium obiectum eſſe proximum, liquet ex præc. cap. 14. ac proximum diligendum eſſe propter Deum, demonſtrat ipſemet ordo caritatis. Inſinuatur præceptum dilectionis proximi Levit. XIX. 18. Matth. XXII. 39. Joannis XIII. 34. & Epiſt. I. cap. IV. 21. aliſque in locis compluribus. Exercetur autem cum proximo caritas, dum hoc cum eo agitur, ut etiam ipſe toto corde, tota anima, tota mente diligat Deum, juxta Auguſtini doctrinam in I. de Doct. Ch. cap. 22. Decipitur quifquis putat ſe proximum diligere; dum externa tantum amoris exhibet argumenta, neque illum interno affectu proſequitur: quæ fallax opinio, ut diximus cap. 15. ab Innoc. XI. proſcripta fuit. Nam primo caritas non eſt, quæ ex corde non oritur; ſed caritatis diſſimulatio, improbata ab Apoſtolo 2. ad Corinth. VI. 6. Deinde præcepta recto ſine ſervari debent; atque non habetur finis rectus abſque caritate ſinceri cordis, auctore eodem Apoſtolo 1. ad Timot. I. 5. Præterea niſi omnia membra compatiantur & congaudeant, quod non fit abſque interiori amoris ſenſu, aut mortua ſunt, aut eſt in corpore ſchiſma, ut inquit idem Apoſtolus cit. Ep. ad Corinth. XII. 25. Igitur non *verbo, vel lingua* diligendus eſt proximus, ſed, (inquit Ioan. I. Ep. III. 18.) *opere, & veritate*; id eſt; cum ſinceritate cordis, tum operum exhibitione. Quænam ſint hæc opera novit quifque puerulus ex Chriſtianis catecheſibus: nec paucioribus verbis queunt ad memoriam revocari, quam vulgari diſtichio:

Viſito. Poto. Cibo. Redimo. Tego. Colligo. Condo.

Conſule. Carpe. Doce. Solare. Remitte. Fer. Ora.

Dixi pag. 18. cur latum non ſit ſpeciale præceptum diligendi ſeipſum; ſed hoc comprehendere in dilectione proximi facile demonſtrat, quoniam cum dictum eſt, *Diliges proximum tuum ſicut teipſum*, ſimul & tui abs te dilectio non eſt prætermiſſa. Deinde ille ſe ſatis diligit, qui ſedulo agit, ut ſummo & vero perfruatur bono: ideoque actum ſatis de amore ſui ipſius, ubi præſcriptus eſt amor Dei; ille quippe ſolus ſe novit diligere, qui Deum diligit. Agnoſcis, opinor, ſcita S. Patris ex I. de Doct. Chriſt. cap. 26. & ex libro de Morib. Eccl. cap. item 26.

To. IV.

X x x

mutua.

mutuata. Nisi homo seipsum diligit, ut perfecto amore inhereat Deo; erit amor, qui tantum differt a caritate, quantum a virtute vitium, eritque cupiditas radix malorum, quæ non habet Deum creatorem, sed hominis deceptorem. Appellari solet *amor proprius*, quo homo vel se, vel quæ sunt extra se, diligit propter se. Ne subrepat tam perniciosus amor; gaudendum hominibus de prole temporali, si spiritu junguntur Deo, ut docuit Christus, quando mulier clamavit, *Beatus venter, qui te portavit, & ubera qua suxisti*, Lucæ x1. 27. Lucere debet splendor doctrinæ, vel probitatis; ut quibus lux illa affulget, *glorificent patrem, qui in calis est*: ait idem Christus Mat. v. 16. Laudanda est animorum virtus, corporum pulcritudo, decus auri, cum pietate venerandi Creatorem, non cum libidine possidendi creaturam: inquit S. Pater lib. 1v. contra Julian. cap. 14. num. 66. Contemnendum denique quicquid ad Dei caritatem non refertur; divitiæ, fama, incolumitas, cultusque literarum: nam & improbus amator Nemesis ajebat Elegia 4. libri 11.

Ite procul Musæ, si non prodestis amanti.

Tenent in proximorum ordine priorem locum Parentes; quorum tamen amor divino præferri non debet, cum & illos præcipiamur deferre, quando in via salutis experimur adversarios. Videtis 1v. præcepti exegesis pag. 68. In hac dilectione præsertim servandus est ordo amoris commendatus in Cant. 11. 4. quia in diligendis parentibus, filiis, uxore, solet carnalis amor motus vividiores exerere. At memoria repetendum, esse nobis Patrem alium, quem oratione quotidiana commemoramus, suam nobis hæreditatem cælesti in patria servantem. In hoc præcellit Genitores, quod hi patris quidem sunt carnis nostræ, at Deus est Pater spirituum, ideoque huic *multo magis obtemperabimus*, ait Apost. ad Hebr. x11. 9. Præterea genuerunt nos homines, at non formarunt, ignorantes quis, aut qualis esset eorum semine nasciturus; unde pia Machab. parens 2. lib. v11. 22. ajebat: *Nescio qualiter in utero meo apparuistis: neque enim ego spiritum & animam donavi vobis & vitam, & singulorum membra non ego ipsa compegi*. Deinde homines genuerunt filios morituros, Deus creavit in æternitate manfuros. Patres nutriverunt natos, sed non de suo panem pro esurientibus instituerunt; sed Deus panem de terra produxit, ac terram ipsam frumenti altricem e nihilo. Genitores denique filios hæredes instituunt dum moriuntur, eosque derelinquant; sed Deus post mortem filios suos in hæreditatem assumit nunquam postea derelicturus. His argumentis demonstrat Augustinus serm. 344. alias 31. inter Sirmondianos, quantà curà amor parentum sit dirigendus in Deum.

Asserendum idem est de amore parentum erga filios. Ut enim Deus demonstraret quanta ipse præ filiis caritate sit diligendus, præcepit olim, ut sibi offerrentur primogeniti, qui solent impensius amari.

ri . Extat hoc præceptum Exodi xlii . 2. exemplaque Samuelis i . Regum i . 25. Sampſonis Judicum xlii . 7. Joannis Baptiſtæ Lucæ i . 15. Si ergo filii declinant a via Domini , corripiendi ſunt , aſſiduiſque flagellis plectendi , ne genitoribus fiat ſevera objurgatio , inferaturque ſupplicium lib. i . Regum cap. iv. ob nimiam indulgentiam inſiſtunt He- li . In eodem libro Regum cap. vi . legitur vaccas , cluſis domi vitulis , dum plauſtrum cum arca deferrent iſſe in directum pergentes , & mu- gientes , & non declinantes ad dexteram , neque ad ſiniſtram . Præ- clarum quod erga filios imitentur patres exemplum , omnem rei do- meſticæ curam dirigentes in Dei gloriam , neque ob filiorum gemitus vel inopiam a recto caritatis ordine declinantes .

Uxorem diligendam habemus in ſacris libris Gen. i . 24. Matth. v . 32. ad Coloffenſes i . 19. & nihil utiliſſimum , quam vir & mulier bene ſibi conſentientes , docet Eccl. xxv . 1. Licitam eſſe humanam erga con- juges caritatem ob vinculum glutenque neceſſitudinis , & adeo lici- tam , ut ſi deſuerit reprehendatur , demonſtrat S. Pater ſerm. 349. alias 52. de tempore num. 2. At optime advertit caritatem iſtam poſſe eſſe etiam impiorum , paganorum , Judæorum , hæreticorum . Iccirco diſtinguit eo loci caritatem humanam licitam , illicitam , & divinam . Humanam appellat , quam exigit naturæ neceſſitudo , ſentiantque etiam aſpides , tigrides , leones : illicitam eam dicit , quâ unâ fit caro in permixtione mœreticis , & amatoris ; non enim locum habet in vi- ro & uxore , ubi licet , ubi conſeſſum eſt , ubi honeſtum eſt : ſed ubi turpe , ubi illicitum , ubi damnable : divinam illam , quæ cum huma- nâ licitâ permanet , ſed amat conjugem , filioſque ſecundum Chriſtum , ſecundum Deum eis conſulens , & in eis odio habens , ſi Chriſtum ha- bere noluerint . Scripſi nonnulla de hujusmodi honeſto , divinoque amore Tom. i . 111. pag. 399. Legi poterit Ludovicus de Ponte de Chri- ſtiana perf. Tom. 2. Tract. v. Apoſtolus ad Ephēſios v. ait diligendam a viro uxorem , ut diligitur a Chriſto Eccleſia , atque ut diligitur cor- pus ſuum : ſcilicet , ut ſtudeat ejuldem ſaluti , neque ullis immunditiis eam polluat , aut pollui ſinat , quemadmodum Chriſtus ſanctificavit Eccleſiam mundans lavacro aquæ in verbo vitæ , ut eam ſibi exhiberet non habentem rugam , neque maculam . Exemplum autem corporis eò ſpectat , ut quemadmodum caput corpori , ita vir uxori ſalutaria ac neceſſaria provideat . Quare prior mariti inſpectio eſt , ut uxor vi- tam ducat probam , honeſtam , mundiffimam .

Reſelluntur tam expreſſa Apoſtoli doctrinæ , qui poſt Nicolaitas probantes promiſcuum uſum mulierum , aſſeruerunt licere uxori viro conſentiente alteri ſciſſam ſubmittere : quod tam abſurdum eſt , quam opinari , an Chriſtus queat tradere diabolo Eccleſiam ſuam . Adverſus obſcenos illos conclamant ſœdiſſima adulterii ſagitia : quæ damnat lex naturæ , nec ignota Ciceroni libro 2. de legibus , Horatio libro 1. ſerm.

Sat. 3. & Ulpiano adulterium recensente *inter probra naturæ turpia*; damnat lex divina Exodi xx. 14. Matth. v. 32. Ad Thessalonicenses prima 1v. 4. damnant humanæ leges citatæ libro xx. 20. damnat Augustinus serm. 9. de decem Chordis num. 11. serm. 51. num. 22. lib. 1. de serm. Dom. in M. cap. 16. ac in 1. de libero arb. cap. 3. num. 6. Augustino consentiunt alii Patres apud Nat. Alex. dissert. xx 1x. primi Sæc. Accedunt illata marito injuria, morum corruptela, confusio prolis, ac patrimoniorum alienatio. Adde quæ consequuntur scelera, cum veneficia ad partum abjiciendum ne formæ dissimilitudine prodant maternum crimen, tum virorum cædes, ut Candaulis Lydii, Agamemnonis, Fabriciani, Argyropili, ac, ne aliunde petamus exempla, quam ex historia sacra, Uriæ. Demum adulterii turpitudinem confirmant condigne mulctati auctores, necati ab Hippomene juncti curribus, cæsi mille plagis, sectique ab Aegyptiis, Romæ præcipitati e Tarpejo, obruti Hebræorum lege lapidibus. Legite Heraclidem, Briffonium, & Laurentium Lucensem, VI. & VIIII. Volum. Græc. Antiq.

At Jacobus Platelius in Synopsi pag. edit. Duac. 159. scribit Augustinum lib. 1. de Serm. Domini in monte cap. 29., non audere peccati damnare eum, qui ad evadendam mortem usum uxoris suæ alteri viro permiserit. Paucis excutiendus Platelli error. Primo citato cap. 29. nunc 16. S. Pater ait: *Sed non ita est æstimandum, ne hoc etiam femina viro permittente facere posse videatur; quod omnium sensus excludit; quamquam nonnulla causæ possint existere, ubi & uxor mariti consensu pro ipso marito hoc facere debere videatur.* Quorum verborum sensus est, nunquam esse licitum consentiente marito uxorem adulterari; quoniam, tametsi videatur id aliquando exigi ab amore maritali ad salvandam conjugis vitam, id tamen **OMNIUM SENSUS EXCLUDIT**, ut pro vita corporis anima fornicationis crimine commaculetur. Deinde affert quod imperante Constantio narrabatur contigisse Alexandriæ circa annum 343. excusatque amorem mulieris, quæ non libidinis causâ, sed ut vitam mariti redimeret, eo jubente, sui copiam fecerat Accindyno. Tum factò narrat: *Nihil, inquit, in alteram partem disputo, liceat cuique æstimare quod velit; non enim de divinis auctoritatibus deprompta historia est, sed tamen narrato hoc factò, non ita respuit hoc sensus humanus quod in illa muliere viro jubente commissum est, quemadmodum antea cum sine ullo exemplo res ipsa poneretur, borruimus.* Quibus duo affirmat: unum, nolle disputationem instituere de veritate historiæ, quæ negari posset; cum non sit e sacris libris deprompta: alterum hoc factum non ita horrorem incutere, ut adulteria patrata absque ullo mortis discrimine, neque illud ita respui ab humano sensu; respui tamen, quia omne adulterium *omnium sensus excludit*. Accurate ista notanda sunt, nam

nam alii cum Platelio mentem Auguſtini non perceperunt . At legite Norbertum Elbecque in diſſert. Theolog. de Advert. req. ad peccandum pag. 210.

Quæ dixi de amore conjugum , eadem affirmo de dilectione omnium propinquorum & amicorum : hos enim recte diligimus , dum recti rerum æſtimatores ordinatam habemus caritatem , non æque diligentes quod vel minus vel amplius diligendum eſt , omniaque diligentes propter Deum , Deum vero propter ſeipſum . Vid. Aug. in 1. de Doct. Chriſt. cap. 27. At religioſi fratres etiam majori , quam fratres carnis ſunt amore diligendi , proptereaquod inſtitutæ ſunt cœnobiorum regulæ , ut imitemur Chriſti diſcipulos , & naſcentis Eccleſiæ fervorem , atque mutua dilectione gratiæ ſpiritum foveamus & augeamus , ut Chriſtus præcepit Joan. xiii. 34. Quo in loco caritatis ordinem non prætermiſit , ſed præcipiens ut diligamus invicem , ſicut ipſe dilexit nos , oſtendit fratres diligendos propter Deum , illorumque ſalutem exemplo Chriſti curandam , ut una fruamur Patris hæreditate , quam nobis Salvator tanta dilectione promiſit , acquiſivit , diſpoſuit . Habet hæc fraterna caritas perfectionis ſuæ formam , ſi quantum ad animum ſpectat , idipſum dicamus omnes , in eodem ſenſu , eademque ſententia : quantum ad corpus attinet , habentes alimenta , & quibus tegamur , hiſ contenti ſimus : quantum ad officiorum munera , exequamur omnia ſine murmurationibus & baſitationibus . Tradidit hæc præcepta Apoſtolus 1. ad Corinth. 1. 10. Prima ad Timoth. v. 1. 8. ad Philip. 1. 14. ac diligentius ſervanda ſunt , quam vota ſcribentis carmine cv 11. ad Lesbiam ,

Ut liceat nobis totâ producere vitâ

Alternum hoc ſanctæ ſædus amicitie :

Diligendi præ ceteris pauperes , ſubſidioque elemoſynarum juvandi . Nil vehementius urgent ſacræ literæ : nam largiri elemoſynam Eccleſiaſticus iv. 8. appellat *reddere debitum* : ſemen illam eſſe gratiarum ac repromiſſæ benediſtionis , teſtatur Apoſtolus 2. ad Corinth. ix. 6. non poſſe Deum diligere , qui habens hujus mundi ſubſtantiam non ſublevat pauperum indigentiam , docet Joan 1. Ep. 111. 17. de hoc præſertim in extremo judicio reddendam eſſe rationem , liquet ex Mat. xxv. 42. Pluribus argumentis eandem elemoſynam inculcant Patres : Baſilius hom. adverſus divites , ex quo meminiffe oporteat communis naturæ : Chryſoſtomus hom. 2. de Lazaro , ex quo rapina ſit ſuperflua denegare iis , pro quorum neceſſitate nobis collata ſunt : Auguſtinus tract. 5. in Ep. Joan. ex quo divites ac pauperes redempti ſint uno pretio : Thomas de Villanova Conc. de Divo Martino , ex quo tenacitas convincat incredulitatem noſtram , & exprobet maximam , erga bonorum omnium largitorem , ingratiitudinem . Veterum quoque Gentilium legibus filii pauperum ac divitum eodem

eodem cibo alebantur, nec fas erat publice festum agere, nisi iis, qui omnibus vici sui pauperibus prospexissent. Legi poterit in Strenarum historia Lipenius.

Quæri solet, qui ad faciendam eleemosynam teneantur, quid debeant elargiri, & quibus mendicis. Tenentur ii, quibus est liberum distribuendarum rerum dominium: unde uxor, filiique imperti non possunt, nisi quæ iis, ut impendant pro libito, conceduntur, ut sunt in conjugè *parapherna*, idest, quæ sponso dantur præter dotem; & in filiisfamilias *castrensia*, scilicet, quæ aut ex officinis, aut in militia acquiruntur. Utrique tamen distribuere possunt, quæ Rector domus tacita consensione permittit, nec gravant familiam inopiâ. Idem asserendum de iis, qui voto paupertatis sese obstrinxerunt: in quibus tamen animadvertendum est, cedere quicquid acquirunt in jura communitalis. Distribuendum autem est *quod superest*, ex cap. 111. Lucæ 11. & x1. 41. at non quod superest cupiditati, & avaritiæ, cui nihil superest; nunquam enim impletur avaritiæ cupido, ut inquit cap. v. 9. Ecclesiastes. Quærendum igitur quod sufficiat operi Dei, non quod sufficiat cupiditati, ut inveniantur superflua pauperibus eroganda, juxta Augustini præceptionem in Psalmum cxlv11. n. 12. Quicquid possidetur mala fide, aut furto, aut vitioso ludo comparatum, clamat ad Dominum; neque potest pauperibus erogari: nam scriptum est, Tob. 1v. 7. *Ex substantia tua fac eleemosynam*, & Prov. 111. 9. *Honora Dominum de tua substantia*. Falluntur ergo qui ad pecuniam iniquitate acquisitam referunt ea verba Lucæ xvi. 9. *Facite vobis amicos de mammona iniquitatis*; nam eo sensu *mammona iniquitatis* dictum est, quo *dextera iniquitatis*, cap. præcedenti: quia nempe divitias hujus sæculi *habent etiam iniqui*. Ita Augustinus serm. 41. num. 6. & 49. num. 11., aut quia umbræ divitiarum sunt, non veræ divitiæ, & in illis soli iniqui *constituunt spem, atque copiam beatitudinis suæ*; inquit idem Augustinus lib. 2. qq. Evang. q. 34. Deum eroganda est eleemosyna pauperibus etiam improbis, neque avertenda facies *ab illo pauperum*, ut inquit eodem loco Tobias; at quoniam *multam malitiam docuit otiositas*, auctore Ecclesiast. xxx11. 28. contingere potest, ut melius sit erroneos in operationem mittere, quam fovere beneficiis acediam.

Eleemosynarum ordo est, ut prius quisque sibi victum, & vestitum provideat *sufficientem ac mediocrem*, non deliciosum ac pomposum: deinde parentibus, si pauperes sint, quantum prævalet, largiatur: postea servos, & ancillas nec esurire, nec algere permittat: posthac quicquid, excepto medlocris, & congruo victu, & vestitu, sive de militia, sive de agricultura, sive aliunde provenierit, tanquam Christo petenti, & esurienti, pauperibus humiliter, hilari vultu, ac profusa beneficentia distribuat; eo quidem fine, ut orationes ejus exaudiantur,

diantur, vita commutetur in melius, deleantur mala præterita, adveniatque ſempiterna felicitas. Hæc ex Auguſtino epiſt. 243. num. 12. ſerm. 39. num. 6., & lib. 2. de ſerm. Domini in M. cap. 2. quibus & caritas erga proximum, & hujus caritatis ordo explicatur, *breviſſimis teſtimoniis, ſed niſi fallor, idoneis, & quibus ſuſcepta rei ſatis fiat.* De morib. Eccl. Cath. cap. xxvi. num. 50.

C A P U T XVIII.

*De dilectione inimicorum, necnon de bello,
& monomachia.*

INIMICORUM quoque dilectionem eſſe in præcepto, liquet ex Matth. v. 44. ubi Scribis interpretantibus verſum 18. cap. xix. Levitici, *Diliges amicum tuum ſicut te ipſum*, de ſolis Judæis, ac ſibi ſanguine ac progenie conjunctis, ait Chriſtus, *Ego autem dico vobis diligite inimicos veſtros*: non novam legem ferens, ſed interpretans veterem, in qua præſcriptam etiam dilectionem inimicorum, haud obſcure colligitur ex cap. xxiii. 5. ubi præcipitur ſublevandum & aſinum odientis jacentem ſub onere. Inferitur eadem inimicorum dilectio ex Matth. vi. 12. ubi oratione dominica petitur debitorum dimiſſio ea paſſione, ut pariter homo dimittat injurias odio habentibus. Eandem urgent Paulus ad Rom. xii. 17. ac Petrus in priori Epiſtola, 111. 9. Patres, ac Theologi omnes, docentes teneri nos ad exhibenda hoſtibus communia dilectionis officia; cum externa ſolutationum, hortationum, eleemoſynarum; tum interna affectus, compaſſionis, & precum. Quod & rationi conſentaneum eſt, quia habent nobiſcum communem naturam, quia eodem pretio redempti ſunt, quia eandem hæreditatem expectant.

Si forte objicias, præcepiſſe Dominum Deut. xx. 17. ut Hebræi omnes hoſtes in ore gladii interficerent, neque ſœdus cum Amalecitis unquam inirent. Eſt in promptu reſponſio, quod bellum erat adverſus idololatrias, quos Dominus juſſerat delendos, Amalecitas quidem, quod populum Iſrael proficiſcentem in terram Chanaan injuſto bello laceſſirent; Amorrhæos, alioſque idololatrias, quod abominationes Deorum ſuorum promoverent. Neque enim caritati repugnat gerere juſtum bellum, præſertim ſi interſit religio, & reipublicæ cauſa; ſed caritas, quæ præcipit ut diligatur inimicus, præſcribit etiam, ut majus bonum præferatur minori. Quare de bello hic breviter aſturi ſumus, maxime quod illicitum dixerint Manichæi, Anabaptiſtæ, atque Erasmus: quos reſellunt cum omnibus Theologis Bellarminus Controverſia v. lib. 111. cap. 14. Eſtius in 3. diſt. 37. §. 20.

Lupus

Lupus de antiq. disc. Christ. milit. Stephanus Valentinus de Justo Bello, Abulensis in Deuter. nec non Hugo Grotius de Jure belli & pacis lib. 1. cap. 2. At hic videtur nobis pingere virtutem Gentilium, dum probat licitum esse tractare arma, ex quo principium justitiae sit studere propriae conservationi: ac oratorem agere, non philosophum, dum argumentum petit ex armis brutorum, tot poetarum accitis testimoniis. Bruta enim utuntur armis, quia ratione carent, nec homini fas est vim adhibere, si hostem compescere possit ratione. Imo & Gentiles vitam profuderunt pro incolumitate Reipublicae, quo titulo laudantur; tametsi fuerit haec virtus inanis, & gloriae cupiditate marcescens. Hinc merito Grotius in pluribus a Joanne Feldeno refellitur.

Prænotandum est autem tria ad justum bellum requiri, legitimam auctoritatem, ordinem æquitatis, ac rectitudinem intentionis. Adeest legitima auctoritas, dum bellum suscipitur, *sive Deo, sive aliquo legitimo imperio jubente*, inquit S. P. August. lib. 22. contra Faustum, cap. 74. & cap. proximo, *Suscipiendi bellum auctoritas atque consilium penes principem sit*. Est ordo æquitatis, sive iusta causa, dum bellum geritur, *vel ad terrendam, vel ad obtinendam, vel ad subjugandam mortalium superbiam*, inquit eo loci Augustinus, idest, dum homines impii aut Religionem perturbant, aut contra mores peccant, aut patriam libertatem invadunt, nec possunt ratione frenari, ut explicat Reginaldus Polus S. R. E. Cardin. in Epist. ad Philippum Angliæ Regem scripta, dum huic Julius III. R. P. enssem ac pileum dono mitteret, nec non Oratione habita in funere Nannis Strozæ vir eloquentissimus Leonardus Aretinus. Rectus finis est, *si totum bellum agit ratio, & nihil sibi vindicet furor*, ut inquit Hugo Floriacensis in Miscel. Baluz. lib. IV. pag. 42. scilicet, si nequaquam intersit *nocendi cupiditas, ulciscendi crudelitas, impacatus atque implacabilis animus, feritas rebellandi, libido dominandi*, ait S. P. August. cit. cap. 74. & Cap. *Quid culpatur*, XXI. quæst. 1. sed pugnatur pacis studio, ut mali coerceantur, ac boni subleventur, ut docet idem August. Epist. 189. n. 6. & Cap. *Apud veros*, citata Causa XXI.

PROPOSTIO I. Dummodo intersint hæ conditiones, fas est Christianis bellum gerere.

Demonstratur primo. Nisi enim bellum esset aliquando licitum, nunquam Deus bellandi jura præscripsisset, neque bellatores viri in sacris libris, atque ab Ecclesiæ Patribus summis laudibus cohonestarentur; sed esset Deus veteris Testamenti auctor dissensionis, ac malus: Moyses vero, Josue, Gedeon, Machabæi, alique fortissimi viri improbi, ac scelestissimi. At ipse Deus Deut. xx. bellandi præscripsit leges; & qui adversus hostes salva æquitate præliarunt, commendantur ab Ecclesiastico 46. ab Apostolo ad Hebræos 11. ab Ambrosio lib. 1. de Officiis cap. 4. atque ab Augustino citato libro XXI. adversus

Mani-

Manichæorum criminationes vindicantur. Licitum est ergo, & aliquando necessarium cum hostibus dimicare. II. Ne quis putet aliud in Evangelica lege, aliud in veteri fuisse jus belli; Lex Moysis in iis, quæ cum lege naturæ habet communia, ac spectant ad civicam pacem, tutelam populi, & improborum vindictam, viget adhuc; ideoque, ut Moyses Amalecitas multitudini vim inferentes, ut Josue Amorrhæos, Jephte Ammonitas, Sampson & David Philisthæos oppugnaverunt; fas nunc erit Christianis principibus infideles aggredi, hostes pellere, tum multuarios compescere. III. Joannes Lucæ 111. 14. interrogantibus eum militibus, quid ipsis agendum esset, *quia sciebat*, inquit Augustinus cit. cap. 74. *non esse homicidas, sed ministros legis, non ultores injuriarum suarum, sed salutis publicæ defensores*, non respondit, *Arma abijcite, militiam istam deferite, neminem percutite, vulnerate, prosternite neminem*: sed inquit, *Neminem concutiat, neque calumniam faciat, & contenti esote stipendiis vestris*. Christus pariter Centurionis dicentis Matth. v 111. 9. *Nam & ego homo sum sub potestate constitutus, habens sub me milites, &c.*, ut ibidem S. Augustinus animadvertit, *fidem laudavit, non illius militiæ desertionem imperavit*. Idem contigisse Cornelio liquet Act. cap. 10. Joannes ergo, Apostoli, Christus militiam non prohibuerunt. IV. Finis præcepti non est res illicita, sed provehens communem utilitatem caritas. At Christus præcepit Matth. xx 11. 21. ut tributa pendantur Cæsari; & iccirco tributa præstantur, quoniam principes ministri Dei sunt, & gladium portant tanquam vindices in iram iis, qui malum agunt, auctore Apostolo ad Rom. x 111. 4. 6. Unde Augustinus ibidem, *Ad hoc enim tributa præstantur (inquit) ut propter bella militi stipendium præbeatur*. Bellare ergo fas est, alioqui injustum foret tributa & vectigalia perfolvere. V. Nunquam ab Ecclesia ob solam militiam fuerunt fideles rejecti, ac objugati; sed militibus baptismum petentibus hoc injunctum tantummodo, ut ab immolationibus & vexationibus abstinere suis contenti stipendiis. Vide Apostolic. Constit. lib. v 111. cap. 32. Militasse in castris Decii, Valeriani, Maximiani, Licinii Christianos milites probatissimos, nec cingulum abdicasse, nisi ubi trahebantur ad simulacra, narrat Sanctorum Acta. Precibus Christianorum militum sub Aureliano Imperatore impetratum imbrem, narrat in Apolog. Tertullianus. A Romanis Pontificibus solemnî ritu benediciensem, & dono mitti Imperatoribus militum, constat ex 2. p. Pontif. VI. Tandem ipse caritatis ordo aliquando postulat, ut bellum geratur: primum, quia justissimæ rationis imperium est sceleratos punire; ut docet S. Pater lib. 1. de Civit. Dei cap. 21. potest autem contingere, ut nisi armis arceantur, convenient prædonum manus, irruatque scelerum omnium illuvies. Deinde etiam hostibus aliquando consulitur infestis pugnis: quia *debilitata membra, quibus non bene utebantur*,
To. IV. *Y y* *cessa-*

cessabunt a malo opere : cap. *Si quis*, xxiii. q. 2. Denique sine hostium everfione haberi nequit Reipublicæ falus, & civium tranquillitas : ideoque dum pacem habet voluntas, indicit bellum neceffitas, ac fervata æquitate pugnatur, *ut liberet Deus a neceffitate, & conservet in pace*, inquit S. Pater in Epift. ad Bonifacium Comitem 189. alias 205. n. 6.

Opponent adverfarii I. quod lex Chriftiana præcipit ne refiftamus malis, Matt. v. 39. ne malum pro malo reddamus, ad Rom. xii. 17. ne militemus fecundum carnem, 2. ad Corinth. x. 3. ne fit nobis adverfus carnem & sanguinem colluctatio, ad Ephes. vi. 12. II. quod nobis imitanda fit Chrifti manfuetudo, & implendum fub Evangelio propheticum vaticinium Efaie 11. 4. *Conftabunt gladios fuos in vomeres, & lanceas fuas in falces*. III. quod 12. Canone Nicæno indiéta fit decem annorum pœnitentia iis, qui depofito militari cingulo redeunt ad militiam. IV. quod Patres bella damnant tanquam cædium, rapinarum, omniumque flagitiorum diluvium.

Sunt hæc omnia facillimæ expeditionis. Ad primum enim respondemus Mat. v. & ad Rom. xii. prohiberi privatam vindictam, non bellum fufceptum legitima auctoritate imperante; in 2. autem ad Corinthios nobis præcipitur, ne vivamus fecundum defideria carnis, & more politicorum; ac in Epiftola ad Ephesios admonemur graviora, effe certamina, quæ nobis funt cum immundis fpiritibus, quam pugnæ adverfus homines; ut recte Auguftinus ferm. viii. de Verbis Dom. nunc 67. num. 4. & Prudentius in Hamartigenia. Ad 2. respondemus non adverfari Chriftianæ manfuetudini inire pugnam, dum pacem habet bona voluntas, bellum neceffitas; & dum bellando expugnentur iniqui, ut victi ad pacis utilitatem perducantur: quemadmodum non opponebatur Chrifti manfuetudini percutere templi profanatores textis & funibus flagello, nec Apoftolis fpiritualibus armis enfe quolibet fevioribus punire Ananiam, Simonem, Elimam, Corinthium incefti reum, Hymenæum, Alexandrum; cum falus totius corporis magis curetur, dum putrida membra fecantur, ubi nullum prodeft vulneribus medicamentum. Efaïas vero prædixerat tempus natiuitatis Chrifti, qui natus eft imperante Augufto, claufo Iano, ac toto orbe in pace compofito: quamquam & in lege Evangelica pax illa regnat, ubi omnes Chriftiane vivunt projecta invidentia, ac perniciofa cupiditate. Ad 3. dico Imperatores idolorum cultores, milites qui nollent Diis facrificare, militari cingulo ignominie cauffa exuiffe; unde in facra hiftoria legimus pro Chrifto cingulum abieciſſe ſub Diocletiano in Armenia milites MCV. ſub Licinio Arfacium, & Auxentium, & ſub Iuliano Apoſtata Viſtricum, & Valentinianum poſtea Imperatorem, a D. Ambroſio funebri præconio condecoratum, aliofque ab Euſebio, ac Theodoretis laudatos. Qui ergo cingulum ſemel abieci-

abjecerant, ad militiam redeuntēs videbantur probare cultum idolorum. Addo cum eximio Lupo ad præcatum canonem, duplex fuiſſe militiæ genus, ſuperioris, cui erat neceſſitas immolationis, & inferioris, quam Tertullianus lib. de Idololatria cap. 14. appellat *caligatam*, & canonem latum eſſe adverſus priorem. Præterea a pœnitentibus, & a Clericis ſeverior exigebatur diſciplina, ab illis ad aliorum terrorem, ab iſtis vero ad exemplum. Ad poſtremum reſpondeo utique e bello derivare multiplices clades, diſaſque neceſſitates; ſed iniquitas partis adverſæ, etiam dolenda, ſi nulla ex ea bellandi neceſſitas naſceretur, *juſta bella ingerit gerenda ſapienti*, ut inquit S. Pater XIX. de Civ. Dei cap. 7. quare Patres damnant iniquitates quæ bellum pariunt, non bellum quod geritur ut iniquitas puniatur, ut pax acquiratur, ut genus humanum vexationes non patiatur.

PROPOSITIO II. Illicita eſt monomachia, ſive initum ex condiſto ſingulare certamen.

Probatur, quoniam Tridentinum Concilium ſeſſ. 25. cap. 19. declarat deteſtabilem duellorum uſum fabricante diabolo fuiſſe introductum, ut cruenta corporum morte animarum quoque perniciem lucraretur: provocantes autem, & ineuntes plerit excommunicationis pœna, perpetua infamia, proſcriptione bonorum, & ſi moriantur in pugna, Eccleſiaſtica ſepultura. Idem decreverunt ſummi Pontifices Pius IV. Gregorius XIII. Clemens VIII. Etiam Alex. VII. proſcripſit illam proſitionem: *Vir equeſtris ad duellum provocatus poteſt illud acceptare, ne timiditatis notam apud alios incurrat*. Idem demonſtrat evidens ratio; nam ſi duellum inſtituatur ad oſtentationem virium, deteſtabilis ſuperbia eſt, & immanis crudelitas haud honeſtior flagitioſo gladiatorum congreſſu: ſi ad notam timiditatis vitandam, eſt ſingularis dementia ac temeritas, ob improborum exiſtimationem præſentis, ac ſempiternæ vitæ inire periculum; necnon imprudens rerum dijudicatio fortitudinis præſtantiam in corporis viribus, non in virtute animi conſtituere, cum illæ brutis, barbariſque hominibus ſint communes; hæc propria rationalium, honeſtiſſimorumque virorum: ſi denique ſingularis pugna aſſeipiatur honoris cauſa, cum honor vitæ hominis non debeat æquiparari, niſi ſit verus honor ſitus in vitæ honeſtate, virtutiſque decore; extrema ſtultiſſa eſt ob famam ſterilem atque inanem corpus & animam devovere. Hæc tamen non tenent, ſi ad finem imponendum truci bello, ex condiſto utriuſque partis, aut duo, aut plures decertent monomachia; tunc enim non temere, ſed juſſu legitime poteſtatis pugnatur, ac propria vita non pro ſterili fama, vel inani oſtentatione profunditur, ſed pro reipublicæ incolumitate, & communi ſalute. At de his plura qui data opera moralem Theologiam exornarunt.

Si objicias in Religionē Equitum D. Jacobi in Hiſpania celeberrima,

rimi, & S. Sedis approbatione confirmata, exigi a candidatis juramentum, quod nunquam recularint singulare certamen; respondet Andreas Mendo disquisit. 111. q. 2. num. 16. non ejici a nobilissimorum Equitum numero, qui recusavit duellum, ne Deum offenderet; sed qui id egerit præferendo timiditatem, & commonstrando se ad pugnam vel pro religione, vel pro Regni tranquillitate incundam nequaquam idoneum esse.

C A P U T XIX.

An violeatur caritatis præceptum, si occidatur vitæ injustus aggressor.

QUAMQUAM non continet hoc volumen moralis Theologiæ quæstiones singulas, sed universales tantum caritatis, ceterarumque virtutum præceptiones: quæstio tamen de occisione invasoris tam est difficilis & implexa, ut jure exposulet peculiarem aliquam disquisitionem. Abeunt enim in diversas partes Theologi; affirmantque licite injustum aggressorem occidi non solum benigniores quidam, ac pervulgati Casuistæ, verum etiam graves, accuratque Theologi, inter quos non absque præconio laudis commemorandi sunt Dominicus Soto lib. v. de Justit. & Jure cap. 1. art. 8. Estius in dist. 37. libri 3. §. 21. ac fere omnes Thomistæ in 2. 2. D. Th. q. 64. art. 7. Continuator Theologiæ Tournely de Justitia P. 3. cap. 3. art. 2. sect. 5. alique ab eodem auctore laudati, nec non ex Nostratibus Salonijs in præcitatum articulum D. Thomæ, Petrus de Aragona ibidem, stilo autem fusiori Barth. Riccius ad proposit. xxx. damnatam ab Innoc. XI. in quo invenies quicquid alii, etiam posterioris ævi, collegerunt. At lædi ea occisione caritatis præceptum docent viri alii doctissimi; atque ut mittam Accursium, Gersonem, Ricardum a S. Viêt. a Petro de Aragona eo loci commemoratos, aliosque a Friderico Gavardi q. 2. de lege nat. §. 4., inter Nostrates idem exquisitis argumentationibus contendunt Augustinus Triumphus de Potest. Eccles. q. 52. art. 3. Cardin. Norisius in Vindicijs cap. 1v. §. 9. Christianus Lupus de Opin. Probabili cap. 8. Leonardus Vanroy de Justit. & Jure cap. 6. q. 9. prælaudatus Gavardi Tom. 1v. cit. loco, Aulus Picte P. 1v. cap. 4. q. 4. alique recentiores.

Prænotandum est autem, Doctores, qui propugnant licite occidi aggressorem in vitæ suæ defensionem, necessarium requirere *moderamen inculpatae tutelæ*, quod in eo situm est, ut defensor nihil aliud moliat, quam id, quod necessarium putat ad intentatam necem propulsandam; ita ut si evadere possit ferientis ictus arripiendo fugam,

fugam, non traſtet arma; ſi hoc ſat eſt, nec invaſorem vulneret; ſi poſſit levi vulnere aggreſſentem repellere, non inſingat lethale. Neceſſe eſt etiam, ut aggreſſor ſit iniuſtus, ſcilicet in alterum non irruat abſque accepta auctoritate; alioqui peccaret quoque miles, & carniſex, quod nullus dixerit. Addit S. Thomas conditionem hanc, ut deſenſor intendat conſervationem propriæ vitæ, non mortem aggreſſoris ſui: quam conditionem non eadem ratione interpretantur Theologi. Nam Cajetanus in 2. 2. q. 64. art. 7. ait mentem eſſe Doctoris Angelici, ut nullo modo intendatur mors invaſoris, vel tanquam finis, vel tanquam medium, itaut mors illa ſequatur tantum per accidens, tanquam aliquid conſequens ex neceſſitate finis, ut *ex medicina ſanante ſequitur ægroti debilitatio*. At Soto contendit mentem S. Thomæ eſſe, quod fiat illicitum homicidium ex intentione, quando quis alterum aggreſſitur ipſum præveniens vel ad vindicandam præteritam injuriam, vel ad cavendam futuram: ſecus ſi laceſſitus videns ſe non poſſe alio pacto mortem evadere, intendat mortem aggreſſoris, & etiam ſi opus ſit, mucrone ipſius jugulum petat. S. enim Thomas, inquit Soto, ſeipſum explicat, dum ait occidere ex intentione licere, tantum ei, qui habet publicam auctoritatem; cui proſecto fas eſt aggreſſi hoſtem, ac prævenire occidendum, ut defendatur reſpublica. Accedit Soto Continuator Th. Tournely, dicens fieri non poſſe, ut qui plumbeam glandem explodit in caput inimici, mortem ejus non intendat. Et tamen, ni fallor, melius mentem D. Angelici aſſecutus eſt Cajetanus. Enim vero S. Thomas aperte docet, ejuſdem actus aliquando dari duos effectus, *quorum alter ſit in intentione, alius vero ſit præter intentionem*: morales actus ſuam ſpeciem deſumere ab eo, quod intenditur, non autem, ab eo quod eſt præter intentionem, cum ſit per accidens, ut ex ſupradictis patet: atque ex D. Thoma illud per accidens dicitur evenire, quod eſt præter intentionem agentis, ut idem Doctor explicat ſupra q. 43. art. 3. & 1. 2. q. 12. art. 7. At qui aggreſſoris mortem intendit, ut propriæ ſaluti conſulat, non ita ſe gerit, ut mors illa ſequatur tantum per accidens, & præter intentionem, cum tam finis, quam medium ſint intentionis objectum, ut evidenter demonſtrat Salonius noſter, atque abſque ulla demonſtratione per ſe manifeſtum eſt. Igitur S. Thomas permittit tantum actionem invaſoris, ſi ſequatur per accidens, ut in ægroti deliquium, non vero ſi intendatur, ut finis, aut medium, quemadmodum explicat Cajetanus. Nec urget Soti animadverſio, quod S. Thomas proferat exemplum, occidentis publica auctoritate; is namque iecirco non peccat, quia intendit publicum bonum, ad quod referri debet vita privati hominis. Quod ſi cum Salonio reponas veram eſſe interpretationem Cajetani, ſed fieri non poſſe, ut in praxi, atque in actuali conſpectu mors aggreſſoris non intendatur ut medium ad vitam propriam ſervandam;

vandam ; subinferent Nostrates etiam illicitum esse petere cor , aut jugulum aggressoris , quod licitum alii putant ; & perperam adversarios in suas partes S. Thomam pertrahere .

Præmittendum pro nostra sententia , in hoc situm esse ordinem caritatis , ut homo rerum integer æstimator ordinatam dilectionem habeat , nec amplius diligat quod minus est diligibile , ut liquet ex supradictis , & docet S. P. in 1. de Doctrina Christi. cap. 27. num. 28. Diligendum quoque est corpus nostrum , & citra vitium amari potest corporalis vita , ut idem Augustinus docet præcedenti cap. 25. n. 26. sed præcipiendum est homini , *quomodo corpus suum diligat , ut ei ordinate prudenterque consulat* : ita ut amplius alius homo diligendus sit , quam corpus nostrum , quia cum omnia diligenda sint propter Deum , nobiscum alius homo potest Deo perfrui , quod non potest corpus , cum corpus per animam vivat , qua fruimur Deo . Atque id negari nequit , nisi palam repudiata Augustiniana doctrina , imo ipsa caritatis lege contracta , præscribente talem dilectionis ordinem , quo cetera in Deum confluant . Id etiam scribit Norisius culpans duntaxat amore libidinis , quo vita corporis fruimur , eique conglutina-mur , implicati amore rerum , quæ amitti possunt , & quas rationi subiectas esse oporteret . Quare Barth. Riccius immerito Norisium redarguit pag. 314. quasi scriptor clarissimus asseruerit *dilectionem corporis officium esse brutalem* , perperam accitis Augustini testimoniis , ubi affirmatur dilectionem corporalis vitæ esse licitam : nam iisdem locis , quæ Riccius objectat , ac præsertim de Doctrina Christiana , requirit S. Pater , ut corporalis vita diligatur *ordinate ac prudenter* , ut constat ex dictis . Puto idem tradere S. Thomam , ubi demonstrat 2. 2. q. 25. art. 4. quomodo debeat unusquisque seipsum amare *secundum naturam rationalem , ut sibi velit eo bona , quæ pertinent ad perfectionem rationis* ,

PROPOSITIO . Occisio injusti aggressoris licita est , si talis occisio a noxia cupiditate sequestretur , idest , amor proximi non præferatur amor corporis , & defensionem sui moderetur pacatum rationis imperium ; quod tamen in praxi raro , difficulter , & forte nunquam continget ,

Hæc est sententia , ni fallor , Augustinensium Doctorum , etsi videantur affirmare nefas esse iniquum grassatorem occidere : saltem id sentit , qui mihi instar omnium est , Henricus Noris Tom. 1. p. 1094. male pro sententia negativa absolute citatus , cum accurate utramque ad Augustini effata componat , & perperam a Riccio impugnetur . Licitum esse cum pacato rationis imperio , & non violato ordine caritatis eum , qui mortem intentat , occidere , probatur primo . Exodi XXII. 2. legitur : *Si effringens fur domum , sive suffodiens fuerit inventus , & accepto vulnere mortuus fuerit : percussor non erit reus sanguinis .* Quod

si cōto

ſi orto ſole hoc fecerit , homicidium perpetravit , & eſt reus ſanguinis . In quem locum S. P. Auguſtini q. 84. in Exodum ait: Intelligitur ergo tunc non pertinere ad homicidium , ſi fur nocturnus occiditur : ſi autem diurnus , pertinere . Hoc eſt enim quod ait , Si orietur ſuper eum ſol . Poterat quippe diſcerni quod ad furandum non ad occidendum , veniſſet , & ideo non deberet occidi . Hoc & in legibus antiquis ſecularibus , quibus tamen iſta eſt antiquior , invenitur , impune occidi nocturnum furem quoquo modo , diurnum autem , ſi ſe cum telo defenderit ; jam enim plus eſt , quam fur . Licite ergo occiditur , qui venit ad occidendum , &c.

Reſpondet Vanroy legem Exodi eſſe judicalem , ideſt , præſcribere formam qua in iudicio adverſus reos procedendum eſt ; præſertim , quod in eadem lege dicitur quod poſſit occidi fur diurnus , qui ſe telo defendat , quod in ſolo foro externo licitum eſſe docet univerſa Auguſtiniana Schola . Addit in veteri lege multa fuiſſe impunita , quæ tamen erant illicita , ut pœna tallionis , & libellus repudiî : obſervat etiam Auguſtinum ſcribere furem nocturnum *impune occidi* , non , *licite occidi* : addit quod niſi hæc accipiamus de ſolo foro externo , fiet conſequens , poſſe occidi furem etiam quando aliàs poteſt repellî , & ejus occiſio ad propriæ vitæ conſervationem non eſt neceſſaria .

Hæc non abſque magna probabilitate diſta ſunt : & in eorum confirmationem addi poteſt , quod verſio Græca , *ὁ ἐν τῷ αὐτῷ φόρῳ* , non eſt illi cadet , Arabica , *erit impunitus* , Syriaca , *non habebit actionem capitalem* , aperte commonſtrant legem Exodi eſſe judicalem , & ſpectare ad politiam , & Reipublicæ tranquillitatem . Falſum eſt tamen in foro interno reum eſſe homicidii , qui neceſſitate coactus , & propriam vitam defendens , graſſatorem interimit . Primo , quia Vulgata noſtra habet , *Non erit reus ſanguinis* , & Auguſtinus , *Intelligitur tunc non pertinere ad homicidium* , & olim R. Jonathan , *Non erit ei reatus effuſionis ſanguinis* , & R. Salomoh , *Non eſt hoc homicidium , de quo in Decalogo* . Quod ſi occiſio non pertineat ad homicidium in Decalogo prohibitum , porro nec in foro interiori labes contrahitur . Deinde , ut argumentatur Norſius , licet lex illa data eſſet ad regendam rempublicam Judæorum , in ea tamen lege divina voluntas permiſit homicidium , uti permiſit lex Aquilia , & aliæ antiquæ ſæculares : at qui occidit inſaſorem , non agit contra voluntatem ſæcularis legiſlatoris ; ergo neque adverſus voluntatem divinam , ideoque non peccat . Præterea tam lex Exodi , quam verba Auguſtini comprehenduntur in cap. *Si perſodiens* , De homicidio ; leges autem Canonice etiam pro interiori foro latæ ſunt . Sane prior reſponſo Vanroy , quod poſſet occidi etiam fur diurnus , *qui ſe telo defendit* , inanis eſt ; quoniam id nec habetur in Exodo , nec citatur ab Auguſtino ut lex divina , ſed ut lex civilis , ex ff. ad leg. Aquiliam l. 4. de qua pro.

proinde inquit, furem illum qui telo se defendit, occidi *impune*: at de occisione furis nocturni ait hanc *non pertinere ad homicidium*. Falsum est etiam fuisse illicitum dare libellum repudii, & infligere tallionis poenam, dum hæc mittebantur a lege: sed illicitus erat finis, quo Judæi lege abutebantur causa odii, aut vindictæ; quam ob rem necesse fuit, ut Christus poneret Judæorum licentiæ repagulum. Neque fit consequens posse occidi, aut nocturnum furem, aut grassatorem, si possit mors aliunde vitari, quoniam eo in casu pervertitur, ut paullopost explicabo, ordo caritatis.

Probatur 2. ex Romano Catechismo P. 3. De quinto præc. n.8. ubi legitur: *Qua etiam ratione, si quis salutis suæ defendendæ causâ omnî adhibita cautione alterum interemerit, hac lege (Non occides) non teneri satis apparet*. Respondet idem Vanroy agi ibidem de homicidio casuali: quod, inquit, planum fit ex textu, quia loco citato numerantur cædes aliquæ non peccaminosæ, quæ præter voluntatem inferuntur, unde mox subjungitur, *Qua etiam ratione, &c.* Verum falsa est responsio Vanroy: de casuali enim homicidio agitur superiori num. 6. & 8. pertractatur de occisione aggressoris, quæ fit non fortuito, non casu, sed *salutis defendendæ causâ*; ac sat est Catechismum legere, non enim eget majori explicatione, inquit in Elucidatione Scholastica Catechismi Joannes Chapeville Leodienfis. Profecto illis verbis: *Qua ratione, &c.*, innuitur, quod sicut homicidium casuale, non imputatur ad culpam, quia non inferitur voluntate, & industria; ita non spectat ad scelerosam eadem homicidium aggressoris, quo intenditur duntaxat conservatio propriæ vitæ, quoniam homicidium illud præter intentionem inferitur, uti medicinali pharmaco accidit ægroti deliquium. Ubique enim Romani Catechismi auctores sequuntur præceptiones D. Thomæ, cujus sententiam supra explicavi.

Tertio probatur ex PP. Cyrillus enim lib. 1. in Joannem cap. 35. ait: *Unde nam Petrus gladium habuit?* Ac respondet, *Quia secundum legem gladio se defendere licebat*. Et ibidem, *Si vi multitudinis invitatus ad necem traberetur Christus, omni modo fortassis debuissent illum discipuli defendere*. S. Ambrosius lib. 1. de Officiis cap. 36. num. 178. Neque in inferenda, inquit, sed in depellenda injuria lex virtutis est. *Qui enim non repellit a socio injuriam si potest, tam est in vitio, quam ille qui facit*. Unde sanctus Moyses hinc prius orsus est tentamenta bellicæ fortitudinis. Nam cum vidisset Hebræum ab Ægyptio injuriam accipientem defendit, itaut Ægyptium sterneret, atque in arena absconderet. Plura Estius in cit. dist. 37. ubi ex auctoritate Ambrosii infert, quod si hoc pacto defendere socium liceat, licet & seipsum. Verum tamen est, quod S. P. August. lib. 22. contra Faustum ait, consulta æterna lege non debuisse virum Ægyptium, licet injuriosum, & improbum occidi ab eo, qui nullam ordinatam potestatem gere-

gerebat: unde nos ſupra lib. xx. cap. 7. alia ratione Moyſen defendimus. Hæc vero quomodo cohæreant, dicam infra.

Probaturo quarto; nam occidere injuſtum aggreſſorem, niſi aliter propriæ ſaluti poſſimus conſulere, omnes leges, omniaque jura permittunt, ut habetur in cap. *Significasti* 2. de Homicidio, & cap. *Si vero*, de ſent. Excommunicat. In cap. etiam *Si furioſus*, decernitur cum, qui mortem aliter vitare non valens ſuum occidit, vel mutilat invaſorem, non contrahere irregularitatem. Nec quicquam officit, quod de irregularitate ante hanc Clementis V. conſtitutionem contrarium ſenſerint antiqui Scholaſtici, nam irregularitas etiam abſque deſiſto contrahi poteſt, ut a milite, ac judice. Poſſe vim vi repelli, ſi fiat cum moderamine inculpatæ deſenſionis, diſtat lex naturæ, de qua Cicero in Orat. pro Milone: lex civilis ſuperius laudata: lex Canonica, de qua modo. Quare in Ediſto Theodorici cap. 15. habetur: *Qui percufforem ad ſe venientem repulerit ferro, non habetur homicida; quia deſenſor propriæ ſalutis videtur in nullo peccaſſe.* Quomodo ergo damnabimus, quem omnes prorſus leges abſolvunt?

Dixi tamen licitam eſſe occiſionem graſſatoris, ſi ſequeſtretur a noxia cupiditate. Noxia autem cupiditas intervenit, ſi vel ſubrepat deſiderium ulciſcendi, vel animus conglutinetur dilectione proprio corpori, itaut pro hujus vita, quam unice intendat, nullam adhibeat in repellendo hoſte cautionem, & ſalutem proximi parvipendat; vel denique ſi non ſiſtat in actu deſenſionis, dirigatque in aggreſſorem gladium vel enſem eo fine, ut ipſum interimat. Ita ut in foro interiori reus ſit homicidii quicquid injuriam propulſans agitur vindictæ libidinet: quicquid in ſui deſenſionem impellitur ea cupiditate, qua etiam bruta ſeſe roſtro unguibusque tutantur, non dirigens naturæ motum rationis imperio, ne hæreat tanquam ultimo fini vitæ corporali: quicquid denique tali animo comparatus eſt, ut fervente ira ſterneret invaſorem, quamquam poſſet alia via intentatam ſibi cædem evadere.

Illicitam eſſe occiſionem aggreſſoris, ſi interſit ulciſcendi libido, patet ex Scriptura, Matth. v. 39. 1. ad Corinth. vi. 7. 1. ad Theſſalon. v. 15. aliſque in locis. Unde Auguſtinus in Epistoſa ad Publicolam 154. nunc 47. num. 5. ait: *De occidendis hominibus, ne ab eis quicque occidatur, non mihi placet conſilium, niſi forte ſit miles, aut publica functione teneatur, ut non pro ſe hoc faciat, ſed pro aliis, vel pro Civitate, ubi etiam ipſe eſt, accepta legitima poteſtate, ſi ejus congruat perſona.* Liqueat autem Auguſtinum loqui de occiſione qua Chriſtianus, cum poſſit repellere aggreſſorem, illum interimit ut hoſtem ulciſcatur, quod nulli licet, niſi ſulciatur publica auctoritate: nam & de hoc interrogatus fuerat a Publicola præcedenti Epistoſa 9. 12. & S. Pater poſt recitata verba, inquit: *Qui vero repelluntur aliquo terrore, ne male faciant, etiam ipſi aliquid fortasſe præſtatur.* Hinc au-

To. IV.

Z z z

tem

tem dictum est, Non resistamus malo, ne nos vindicta deleat, quæ alieno malo animum pascit, non ut correctionem hominum negligamus. Quibus verbis S. Pater, uti permittit correctionem, qua aggressores sine interfectione repelluntur, vel impugnantur; ita damnat occisionem quæ non fit publica auctoritate, quæ non spectat commodum civitatis, & quæ peragitur ulciscendi libidine.

Peccare etiam, qui aggressorem interimit inhærendo amore vitæ corporis, & huic posthabendo proximum suum, nequit in Augustiniana Schola contrōverti. Ac probatur, quia S. P. Augustinus lib. 1. de lib. arbitrio cap. 5. probat sententiam Evodii dicentis: *Quomodo possum arbitrari carere istos libidine, qui pro his rebus digladiantur, quas possunt amittere inviti; aut si non possunt, quid opus est pro his usque ad hominis necem progredi?* Id confirmat ex quo si vita corporalis amitti potest, debet contemni, nec haberi in tali pretio, ut ejus intuitu frangatur æterna lex, quæ vult ut omnia sint ordinatissima, & proximus plusquam corruptibile corpus diligatur. *Quomodo enim* (ait) *apud eam legem sunt isti peccato liberi, qui pro his rebus, quas contemni oportet, humana cade polluti sunt?* Idem corroborat cap. 15. ejusdem libri, ubi posteaquam docuit temporali vita utendum esse, non fruendum, ait: *Cum igitur eisdem rebus alius male, alias bene utatur, & eis quidem qui male amore inbareat, atque implicetur, scilicet subditus eis rebus, quas sibi subditas esse oportebat, & ea bona sibi constituent, quibus ordinandis beneque tractandis ipse esse utique deberet bonum: ille autem qui recte his utitur, ostendat quidem bona esse, sed non sibi, non enim eum bonum melioremve faciant, sed ab eo potius fiant. Et ideo non eis amore conglutinetur, neque velut membra sui animi faciat, quod fit amando, ne cum refecari ceperint, eum eruciato ac tæbe fœdens, sed eis totus superferatur, & habere illa atque regere cum opus est paratus, & amittere, aut non habere paratior.* At qui pro libidine corporalis vitæ occidit aggressorem, temporali bono quod potest amitti hæret amore, & corpori conglutinetur; igitur corporali vita non utitur, sed fruitur, & caritatis ordinem pervertit. Hanc doctrinam tradit S. P. de Doctrina Ch. ut supra diximus; ideoque falluntur, qui putant illum retractasse quæ scripserat de libero arbitrio, tamen hoc opus exornarat nondum sacra eruditione imbutus, in eoque plura inquirendo potius, quam definiendo tradiderat. Norisius, *Non est necesse, inquit, ut dicamus sanctum Doctorem priorem sententiam retractasse, cum precipue ab scripto libro primo de libero arbitrio post triginta, & amplius annos libros retractionum scribens illam priorem sententiam non expungeat, iterum approbasse censendus sit.* Male itaque de Norisio scribit Riccius pag. 307. *Falso dicit Augustinum eam retractasse, &c.*

Non latuit S. Thomam hæc Augustiniana doctrina; citata enim quæ-

quæſtione 64. docet illicitum eſſe, quod homo intendat occidere hominem ut ſeipſum defendat, niſi ei qui habet publicam auctoritatem, qui intendens hominem occidere ad ſui deſenſionem, reſert hoc ad publicam bonum, ut patet in milite pugnante contra hoſtes, & in miniſtro judicis pugnante contra latronem, quamvis etiam & iſti peccent ſi privata libidine moveantur. Si ergo privata libido reddit illicitam occiſionem paratam ab eo, qui habet occidendi publicam auctoritatem; a fortiori damnablem reddet cædem a privato homine illatam. Huc etiam ſpectat momentum, quo utitur Auguſtinus Triumphus; quia ſcilicet animam proximi plus tenemur diligere, quam corpus proprium, quod poſſumus amittere inviti; unde qui ne perdat temporalem vitam non conſulit ſaluti animæ aggreſſoris, diligit ſemetipſum inordinate, ac pervertit ordinem dilectionis. Sunt ejuſdem generis argumenta a Magiſtro Gavardi producta. Quibus reſponderi ſolet cum Soto lib. v. de Juſtitia, & jure q. 1. art. 8. exigere quidem caritatis præceptum, ut corporalem vitam pro incolumitate reipublicæ, & pro ſalute proximorum ſpirituale impendamus, at non quando ipſimet proximi ſciunt ſe male agere, & poſſunt a monomachia, & inſeſtatione ceſſare, nec ceſſant ſua culpa; quippe neceſſum non ſit ob aliorum voluntariam perſicaciam vitam profundere. At primo ex ſententia Soti ſequitur, quod neſas ſit occidere etiam cum moderamine deſenſionis inculpata ebrium, aut amentem, quem probabiliter exiſtens non eſſe in gratia, eo quod per peccatum mortale inciderit in amentiam, vel ebrietatem; tunc enim invaſor neſcit ſe male agere: atque id arbitror inconcuſſum, & ex momento Auguſtini Triumphi legitime illatum; ut vidit etiam Florentius de Cocq Tom. 2. Traſt. v. cap. 3. Præterea diſtinguendum eſt opus externum ab animi intentione: & licet non teneat ob furorem alterius vitam profundere; vitam tamen meam tueri debeo pacato rationis imperio, ob bonum reipublicæ, ob neceſſitatem familiæ, atque ut moriar cum majore probabilitate ſalutis, non motus illa cupiditate, inquit Noriſius, qua ad ſui deſenſionem etiam bruta impelluntur: non quod amor propriæ vitæ ſit illicitus & brutalis, ſed quia *motus natura ſenſitiva*, in qua communicamus cum brutis, regi debet imperio rationis juxta ordinem caritatis, quæ præcipit ut magis diligatur anima proximi, quam corpus proprium, ut inquit in reſponſo ad 1. Triumphus.

Poſtremo peccare qui ira aggreſſorem proſternit, nec vitæ ſuæ deſenſionem, ſed alterius mortem intendit, expreſſe docet ibidem ſanctus Thomas, demonſtratque lex naturæ, quæ nullum nobis in alterius vitam juſ impertitur, niſi in caſibus enumeratis pag. 70. quando nempe id poſtulat ſalus reipublicæ, juſtitia æquitas, bonumque præſtans. Atque hinc ſequitur vix in praxi poſſe contingere, quando ſine culpa occidatur aggreſſor. Enim vero fieri non poteſt, ut in prom-

ptu sit recta rationis consideratio, qua pacato imperio frenetur motus cupiditatis, nec animus vitæ temporali subjiçiat: ut ita repellatur injuria, ne ira & indignatione animus concitetur: ut *per accidens* tantum, non intentione occidentis prosternatur grassator. Quamobrem Theologi Augustinenses, nec non PP. S. Mauri in Notis ad Augustinianam Epistolam 47. negativam sententiam propugnant; illamque tradidit S. Ambrosius lib. 111. de Off. cap. 4. num. 27. scribens: *Non videtur quod vir Christianus & justus, & sapiens quævere sibi vitam aliena morte debeat, utpote qui etiam si in latronem armatum incidat ferientem referire non possit, ne dum salutem defendit, pietatem contamine. De quo in Evangelii libris aperta, & evidens sententia est, Reconde gladium tuum; omnis enim qui gladio percussit, gladio ferietur. Quis latro detestabilior, qui venerat ut Christum occideret? Sed noluit se Christus persecutorum defendi vulnere, qui voluit suo vulnere omnes sanare.* Ex hoc loco intelligitur, cur idem Ambrosius lib. 1. cap. 36. commendaverit fortitudinem Moyfi, qui non per accideas, sed datâ operâ percussit Aegyptium, quia scilicet non contaminavit pietatem, nec vitam sibi aliena morte quæsit, sed quia præclara animi intentione, in qua prima vis fortitudinis, honestas, & illud ~~opere~~ cernitur, ut inquit eodem cap. n. 181. studuit proximum eripere; quod non licet carnali affectu impellente, nec in illud, quod honestum ac decorum proponitur, intentione directâ. Quoniam vero occidere ex intentione non licet, nisi ordinata potestate; Moysen, quem Ambrosius defendit ex fortitudine animi ob quam non contaminavit pietatem, Augustinus scribens contra Faustum lib. 22. cap. 70. ait dedisse signa vitiosa magnæ fertilitatis, quia peregrinum fratrem non observato ordine potestatis inultum esse non pertulit, sed Quæst. 2. in Exodum etiam ex hoc capite excusat, quoniam videtur jam divinitus admonitum, dandam per ipsum salutem fratribus, ut colligitur ex cap. v11. Act. Atque ex his Augustini & Ambrosii sententiæ facile conciliantur.

DIFFICULTATUM ENODATIO.

At nunquam absque culpa occidi injustum vitæ aggressorem probant 1. ex quo *Non occides*, præceptum divinum sit, in quo nulla præsumi debet exceptio, nisi ipsa divina lege exprimitur. Quare S. P. Augustinus lib. 1. de Civit. Dei cap. 21. assignatis tribus capitibus, ex quibus occisor excusatur a culpa, quæ sunt, si bella Deo auctore gerantur, si occidatur iniquus publica potestate, & si aliquis seipsum interimat speciali instinctu, *Hic igitur exceptis*, inquit, *quos vel lex justa generaliter, vel ipse fons justitia Deus specialiter occidi jubet, quisquis hominem, vel seipsum, vel alium quemlibet occideris homici-*
diis

dii crimine innectitur . Et lib. 22. contra Fauſtum cap. 10. *Ille utitur gladio male , qui nulla legitima poteſtate vel jubente , vel concedente in ſanguinem alterius armatur* .

Reſpondemus illum , qui ſe cum moderamine inculpatæ tutelæ deſenſans interimit graſſatorem , uti publica auctoritate ; talem quippe occidi lex naturæ , lex divina , lex canonica , & lex civilis permittit , ideoque niſi violetur ordo caritatis , & niſi intendatur mors aggreſſoris ob concitationem iræ , & noxiam libidinem , qua vita proprii corporis præferatur ſpiritali proximorum ſaluti , damnari nequit occiſor . Sane Auguſtinus in lib. 1. de Civitate Dei demonſtrat , *nullam eſſe auctoritatem , quæ Chriſtianis jus voluntariæ necis attribuat* ; & contra Fauſtum loquitur de illo , qui cædem intentans *in ſanguinem alterius armatur* . Non intentat vero mortem , non arrogat ſibi jus voluntariæ necis , non armatur in alterius ſanguinem , qui intendit propriæ duntaxat vitæ conſervationem , idque non affectu brutis communi , ſed per rationis imperium directo . Eodem pacto explicatur quod ſcribit Epiſt. ad Publicolam , in qua prohibet ne quis adverſus aggreſſorem armetur ut illum occidat , ſive id faciat ulciſcendi libidine , ſive abſque ordinata poteſtate , ut ſupra diximus : ideoque S. Thomas 2. 2. q. 64. art. 7. ad 1. ait : *Ad primum ergo dicendum , quod auctoritas Auguſtini intelligenda eſt in eo caſu , quo quis intendit occidere hominem , ut ſeipſum a morte liberet* . Quoniam tamen vix percipi poteſt , quomodo in praxi non intendatur mors aggreſſoris , & animus ſuperferatur vitæ corporali , quæ poteſt amitti ; fatemur quoque vix contingere , ut iniquus aggreſſor abſque culpa occidatur .

Præterea objicies . Prohibentur Chriſtiani reſiſtere malo , Matth. v. 39. , & malum pro malo reddere , ad Rom. xii. 17. At quomodo non reſiſtit malo , quomodo malum pro malo non reddit , qui invaſorem mutilat , & obtruncat ? Chriſtus etiam Petro gladium in ejus deſenſionem evaginanti , Matth. xxvi. 52. inquit : *Converte gladium tuum in locum ſuum : omnes enim qui acceperint gladium gladio peribunt* . Quæ autem juſtior eſſet occiſio ea , quam pro Chriſti vita diſcipulus intentabat ? Si ergo non licuit Petro gladio ſatellites coercere , nec licet cuiilibet in ſui , vel alterius deſenſionem alium percutere , & enecare . Hinc Ambroſius lib. x. in Lucam cap. 22. num. 53. Petri factum expendens ſcribit , quod referre licuit tantum *uſque ad Evangelium* . Habet ſimilia lib. 111. de off. cap. 4. de quibus ſupra .

Reſpondemus hiſ locis redargui tantum ulciſcendi cupidinem , ut vidimus præcedenti cap. 18. alioquin neſas quoque eſſet Chriſtianis bellum gerere , ſeiſpoſ defendere , & iniquos hoſtes coercere , quod nullus dixerit , niſi heterodoxus . In Petro quid reprehendendum fuerit , paucis oſtendam . Primò ad repellendos hoſtes gladio utendum non eſt , niſi prius adhibeatur ratio ac prudentia ; hæc enim arma nobis natura dedit ,

dedit, non rostra, non cornua, non ferarum unguis; ac Petrus non ratione ac prudentia, sed cæco amoris impetu ducebatur: quid enim adversus multitudinem solus poterat consequi tractando gladium? Id observat Victor Antiochenus in Catena Græcorum Posservini pag. 327. Deinde, quia sponte Dominus mortem subibat, & implenda erant Scripturæ: quamobrem alias Petrum redarguerat Matth. xvi. 22. quum prædicente Domino futuram passionem, inquit Apostolus, *Absti-
te, Domine*. Atque id observat Chrysostomus Hom. 84. in Matth. pag. edit. Commel. 327. Tandem impedienda non erat mors decreta pro humani generis redemptione, ut docet cit. lib. 3. de Offic. S. Ambrosius. Illa autem verba, *Omnes qui acceperint gladium gladio peribunt*, auctore ibidem Chrysostomo non ad Petrum spectant, sed ad illos, qui Christo insidiabantur, supplicium: sive ad illos, qui mortem vel punitionem intentant absque legitima potestate, ut exponunt Lyranus Ertius, & Menochius xiii. Volum. Bibliorum Max. pag. 312. Porro Ambrosius in Lucam ait quod non referre pertineat ad perfectionem Evangelii; atque id nullus negat. Ait enim: *Lex tamen referre non vetat, & ideo fortasse Petro duos gladios offerenti, Satis est, dicit, quasi licuerit usque ad Evangelium, ut sit in lege aequitatis eruditio, in Evangelio bonitatis perfectio*. Aut Ambrosius culpatur referre absque præclara intentione animi, quod magis bonum est, præferentis: ob quam intentionem lib. 1. cap. 36. commendavit Moyses fortitudinem.

Insuper objicies: Ait Augustinus in 1. de lib. arbitrio cap. 5. demonstrantque Augustiniani Theologi, illum qui in sui defensionem occidit alterum, amore corpori conglutinari, & noxia moveri libidine. Producta sunt paullo supra testimonia Augustini, & Augustinensium argumenta.

Resp. nos neque ab Augustino, neque a nostratibus recedere: negamus tantum interesse noxiam libidinem, dum occisori non movetur ulciscendi cupidine, dum in sui defensionem vigilat pacato imperio rationis, dum non intentat aggressori mortem, & hæc accidit præter intentionem se defendentis: quod fatemur perraro in praxi contingere: Hinc S. Pater Epist. 153. alias 54. ad Macedonium inquit: *Cum homo ab homine occiditur, multum distat utrum fiat nocendi cupiditate, vel iniuste aliquid auferendi, sicut fit ab inimico, sicut a latrone; an ulciscendi vel obediendi ordine, sicut a iudice, sicut a carnifice; an evadendi, vel subveniendi necessitate, sicut interimitur latro a viatore, bestia a milite*. Eam ob rem Norisius, cui subscribimus, ait diversa Augustini effata componenda ex verbis S. Patris lib. 1. de lib. arb. cap. 5. *Potest ergo illi legi, quæ tuendorum civium causa vim hostilem eadem vi repelli jubet, sine libidine obtemperari*; ita ut occisio invasoris sit licita, si a noxia cupiditate sequestratur, uti sequestratur in milite, qui bonum Reipublicæ, & civium incolumitatem intendit, peccat tamen

men

men & ipſe , ſi privata libidine moveatur , inquit ſanctus Thomas .

Opponeſ 4. Peccare etiam qui occidit ſalutis ſue cauſſa ſcribit S. Baſilius Epiſt. ad Amphiloſchium can. 8. 43. 55. S. Bernardus de Præcepto , & diſpenſat. cap. 7. n. 13 , & de Nova milit. cap. 1. Sacri etiam Canones citati a Lupo de Opin. Probabili cap. 8. præſertim 28. in Append. ad capitul. Reginonis , indicunt pœnitentiam quadraginta dierum iis , qui Diaboli membra interficiunt , ſine odii meditatione , & ſe ſuaque liberando . Etiam S. Cyprianus Ep. 56. , & 37. ait Chriſtianis nefas eſſe occidere nocentem , & eſſe neceſſarium occidi .

Reſp. His nos nequaquam urgeri , cum aſſeramus illicitam eſſe occiſionem , qua mors aggreſſori intentatur , & queritur vita corporis morte aliena , non ordinata caritate , ſed noxia libidine . Deinde reſpondemus S. Baſilium cit. canone 8. loqui de occiſore , qui enſem , ſecurim , aut alia instrumenta jaculando ſatis præſentis ſe animi perturbatione vitam homini non peperciſſe . Canon. 43. illum homicidam appellat , qui prior percuffit , ſive ultus eſt : & can. 55. inquit arcendos ab Eccleſia , qui abſque ordinata poteſtate ſe latronibus adverſos abſciſiunt . S. Bernardus priori in loco agit de homicidio voluntario , quod perpetratur neceſſitate quidem ſe defendendi ; ſed intendendo mortem aggreſſoris : nam pertractat de iis , qui libera voluntate legem tranſgrediuntur , atque ob diverſum finem inquinantur graviore , aut leviore facinore . Ac de nova militia perſtringit illam occiſionem , in qua occiſor lethaliter peccat , & occiſus æternaliter perit : non peccat autem , qui cædem alteri non intentat , nec eſt voluntaria cauſſa damnationis , quam aggreſſor pervicaciſſime incurrit . In canone 28. Reginonis , primo pœnitentia indicitur iis , qui interficiunt latronem , cum poſſit comprehendi abſque præda , deinde iis , qui ſine odii meditatione interficiunt diaboli membra , voluntarie tamen occidunt pro vita corporali quos ſciunt in æternam perire : atque in priori caſu deest moderamen ; in altero pervertitur caritatis ordo . Cyprianus denique pertractat de tempore perſecutionis , quo fidei cauſſa debet quiſque ſubire martyrium : quo ſenſu etiam Lucifer Calaritanus ait in libro ad Conſtantium , Non occidere , ſed occidi propter Dei filium docemur .

Ultimo objicies : Si omnia jura permittunt , ut viſ hoſtilis vi repellatur , ſi occiſor furis nocturni eſt immunis a culpa , ſi ordine caritatis non tenemur magis alienæ vitæ , quam propriæ conſulere : cur etiam non poterit occidi injuſtus aggreſſor mortem illi intendendo , & dum nulla alia via eſt evadendi , etiam illius cor , aut jugulum armis petendo ?

Reſp. id ſententia noſtra eſſe illicitum , quoniam idem jus naturale , quod permittit ut vim vi repellamus , præſcribit etiam ut vi ſenſuum , qua movemur ad propulſandam injuriam animo ulciſcendi , repellatur vi rationis præcipientis ut ordo caritatis non pervertatur : quod

quod si vis rationis consequatur, dicimus licite aggressorem occidi. Affirmamus eo pacto non peccare qui pro familiæ suæ incolumitate occidit furem nocturnum nesciens num venerit ad occidendum aut furandum, si aliàs non succurrat consilium, ac ratio vitandi periculum; quoniam salus sui ipsius, uxoris, & filiorum præferenda est vitæ unius grassatoris. Eadem ratione asserimus prætermittendam non esse, ut inquit S. Thomas, moderatam defensionem *ad vitandam occisionem alterius, quia plus tenetur homo vitæ suæ providere, quam vitæ alienæ*: sed negamus posse occidere aggressorem ut seipsum defendat, illi mortem intendendo; quia nefas est quærere vitam propriam morte aliena, quam supremus Iudex juri suo, ac ordinatæ potestati, infligendam improbis reservavit. Postremo dicimus vitam proprii corporis diligendam; sed cum amitti possit, debeatque pro salute spiritali proximorum nostrorum contemni, ita servandam illam esse, ut hæc salus voluntate nostra non periclitetur: ut animum nostrum regat caritas, nec frangat ira, nec fleat noxia cupido: ut denique nos defendamus non tanquam bruta, quorum præstantius bonum est vita corporis, sed tanquam rationales homines, quorum summa felicitas est vita animæ. Hæc autem vita haberi nequit sine virtutum omnium nobilissima ac jucundissima, de qua hætenus disputavi, idest, CARITATE.





DE THEOLOGICIS DISCIPLINIS LIBER VICESIMUS QUARTUS

*In quo pertractatur de corporis , animique
Oblectamentis .*



Ix dum superiorem librum abfolveram , & ecce
viii. Idus Februariæ supremus Eccleſiæ Rector,
Aſſertor Fidei , Juſtiæ Vindex , literarum Pa-
tronus , & Decus Aetruriæ noſtræ immortale,
CLEMENS XII. , ut definitum erat , naturæ con-
ceſſit . Univerſam Urbem ejus munificentia am-
pliſſimis ædificiis , Capitolino Muſæo , Fontium ,
Temploꝝque majeſtate , atque innumeris aliis
vetuſtæ , ac novæ dignitatis monumentis orna-

tam acerbiffima mors in luſtum , mæroremque convertit . Parenta-
tum illi quidem incruentis ſacrorum miniſtrorum holocauſtis , ſplen-
dido funebrium pegmatum apparatu , excultis Epitaphiſtarum nœniis ,
elaborata panegyri , Purpuratorum Patrum frequentia , magno popu-
lorum conventu , univerſorum denique precibus , atque lacrymis : ſed
hæc omnia neque potuerunt ſatis Demortui merita celebrare , neque
viventium conſolari dolorem . Quamobrem Eccleſiaſtica plebs opti-
mo viduata Paſtore , ſanctiſſimoque orbatâ Magiſtro inſiſtit quotidiana
obſecrationibus , ut celeſtis Soſpicator , qui pollicitus eſt ſe nun-
quam nos orphanos dereliſturum , Eccleſiæ ſuæ talem Sponſum exhi-
beat , in quo CLEMENTIS beneficentiam , religionem , pietatem , ſoli-

To. IV.

A a a a

citudi-

citudinem, studiumque erga nos maximum experiamur. Nec aliquem futurum arbitror, qui ægro animo patiatur inhiberi hac de causa popularia Bacchanalium tripudia, & præcedentia Quadragesimale jejuniū oblectamenta: in quibus licet servant nonnulli debitam moderationem, solet nihilominus multitudo, quæ semel concessis abutitur, vere bacchari, modum excedere, atque insanire. Quare de his proposui festivo quodam, lepidoque disserendi genere pertractare; ut nemo moleste ferat, si careat istiusmodi voluptatibus, eisque omnes utantur sobrie ac temperanter, si affluant: ii tandem qui nos patiuntur insipidos ineptosque disputatores, conditum aliquid profanæ eruditione delibent.

C A P U T I.

De Bacchanalium consuetudine.

QUO ergo tempore agendis Bacchanalibus dat operam, insanitque plebs Christianorum, contigit ut scribendo libros de humanis Officiis vim facultatemque meam exercerem. Ipsa temporis occasio me impulit, ut præcedentibus istum superadderem & argumento priorum non dissimilem, & morum institutioni percommodum, & rerum dicendarum lepore & venustate jucundum. Pertracto enim de oblectationibus, quarum causâ plura exercentur humanorum actuum officia, neque solas trado moralis Theologiæ præceptiones, verum etiam Veterum mores, & quædam insuavis disputationis condimenta. Primo autem loco de Bacchanalibus instituo sermonem.

PROPOSITIO I. Bacchanalium origo, & usus antiquus est, fuitque olim magnopere detestandus, & execrabilis.

Ipsum Bacchanalium nomen, institutio, auctor, & ritus propositionem commonstrant. I. *Bacchanalia* dicuntur, quasi Bacchi sacra: Bacchus vero nomen habet *αἰ τοῦ θάξιν*, *incomposite vociferari*, aut *αἰ τοῦ θάξιον* *furore agitor*. Appellatur & Liber a vino, quod liberat a tristitia: dum enim perpotatur immodice, *Tunc venit risus*, *tunc pauper cornua sumit*, inquit Ovidius. Dixere & Dionysium, quod fabulæ tradant infantem perductum ad antrum Nyse, Semele matre a Jove compressa fulgure ac tonitru exanimata. & extincta: atque ita a Deo Jove, & Nyse nympha Dionysii nomen derivatum est. Scribunt Poetæ & a Parcis immanibus cinctum anguibus, discerptumque a Titanibus. Cornibus taurinis Bacchi simulacra ornarunt Græci, quod *cornu* antiqui biberint; unde vini propinator dictus *Pineerna*. In altera manu thyrsum, in altera scyphum desert, insidetque vehiculo.

eulo cum Pardis bijugibus. Hæc omnia vini, atque ebrietatis effecta, & ebriofis infaniam, furoremque demonſtrant. De ipſius autem Bacchi obſcœnitate & flagitiis vide Laſtantium lib. 1. Inſtitut. cap. x. Arnobium in v. pag. 72. Clementem Alexandr. in Admonit. ad Gentes, Commodianum Inſtruct. xii. & L. Gyraldum Ferrarienſem Synt. vii. Deorum. Ab ipſo ergo nomine Bacchi liquet Veterum Bacchanalia, fuiſſe quædam ſacra infanæ, & execrabilis ſuperſtitionis. II. Execrabiliora autem deprehendantur, ſi dicamus, quinam fuerit Bacchanalium primus inſtitutor & auctor. Conſtat enim ex Jul. Firmico de. Errorum Proſan. Relig. cap. 6. huiusmodi auctorem fuiſſe Liberum Thebanorum Tyrannum, *ut mente captas nobiles feminas & libidinum miniſtras haberet, & ſcelerum*. Conſentit Tacitus, qui lib. xi. Annal. cap. xxxi. ſcribit Meſſalinam ludicrum tale celebraviſſe, ut tegeret adulterium; & Livius, qui lib. ix. dec. iv. appellat Bacchanalia, viam unicam corruptelæ. Obſcœniſſimum ergo auctorem habuere Bacchanalia, & obſcœnitatis gratia fuerunt inſtituta. III. Ritus Bacchanalium quanta impudentia, & inverecundia, necnon flagitioliſſimis verbis fuerit pernicioſum ac turpe, narrat S. P. Auguſtinus lib. vii. de Civit. Dei cap. xxi. Sat eſt honeſtiſſimas matres familias palam, perſeſſiſſe, quæ nec meretrix, ſi matronæ ſpectarent, facere poterat in theatro. Minus improba erant quæ narrat Blondus lib. 2. de Roma Triumphante, conveniſſe nudos viros cum nudatis omnia membra mulieribus, matronis, viduis, virginibus, veluti omne amiſſent diſcrimen. Iidem pene ritus erant Madianitarum, & Moabitaram in cultu idoli *Beel-Phegor*, de quo Num. xxv. 3. & Pſalm. cv. 28. Idem eſt enim Hebræis *בַּעַל פְּגֹר*, ac Latinis, *aperire, exponere, denudare*: unde *Beel-Phegor* idem eſt, ac Deus turpitudinis, quem *וְיָצָא* dixerunt, ut in caput ix. Oſee animadvertit D. Hieronymus, & quem in ſacris Bacchi ploſtellis impositum circumferebant, ut citato loco Auguſtinus; cumque hoc turpiſſimum idolum colerent liquidis ſeminibus fructuumque liquoribus, hortis quoque cuſtodiendis præſciebant, Itaque ſive ſpectes Bacchanalium inſtitutionem, ſive auctorem ac finem ſive denique celebrationem ac ritum, indubitatum eſt deteſtabiliſſimum eſſe omnibus aliis oblectamentis. Atque hinc eſt, quod etiam Romanus Senatus non modo ab Urbe, ſed ab univerſa Italia olim Bacchi ſacra eliminavit, ut reſert Tertull. cap. 6. Apoſtoretici: Scythæ autem apud Herodotum lib. iv. cap. 18. ea reprehenderunt tanquam infanæ turpitudinem; & Phœnices hæc & conſimilia deliramenta fieri patiebantur duntaxat in nemore poſito in parte præalti montis, quod nemo honeſtus audebat accedere; inquit Euſebius lib. xii. de Vita Conſtantini.

PAPOPOSITIO II. Bacchanalia quomodo nunc celebrantur ab aliquibus, qui conniventia, & conſeſſione Principum abutuntur, connumerari nequeunt inter honeſta & licita oblectamenta.

citudinem, studiumque erga nos maximum experiamur. Nec aliquem futurum arbitror, qui ægro animo patiaturs inhiberi hac de causa, popularia Bacchanalium tripudia, & præcedentia Quadragesimale jejuniū oblectamenta: in quibus licet fervent nonnulli debitam moderationem, solet nihilominus multitudo, quæ semel concessis abutitur, vere bacchari, modum excedere, atque insanire. Quare de his propofui festivo quodam, lepidoque differendi genere pertractare; ut nemo moleste ferat, si careat istiusmodi voluptatibus, cisque omnes utantur sobrie ac temperanter, si affluant: ii tandem qui nos patiuntur insipidos ineptosque disputatores, conditum aliquid profanâ eruditione delibent.

C A P U T I.

De Bacchanalium consuetudine.

QUo ergo tempore agendis Bacchanalibus dat operam, infantique plebs Christianorum, contigit ut scribendo libros de humanis Officiis vim facultatemque meam exercerem. Ipsa temporis occasio me impulit, ut præcedentibus istum superadderem & argumento priorum non dissimilem, & morum institutioni percommodum, & rerum dicendarum lepore & venustate jucundum. Pertracto enim de oblectationibus, quarum causâ plura exercentur humanorum actuum officia, neque solas trado moralis Theologiæ præceptiones, verum etiâ Veterum mores, & quædam insuavis disputationis condimenta. Primo autem loco de Bacchanalibus instituo sermonem.

PROPOSITIO I. Bacchanalium origo, & usus antiquus est, fuitque olim magnopere detestandus, & execrabilis.

Ipsum Bacchanalium nomen, institutio, auctor, & ritus propositionem commonstrant. I. *Bacchanalia* dicuntur, quasi Bacchi sacra: Bacchus vero nomen habet ἀὐτὸ τοῦ θάξιου, *imcompositæ vociferari*, aut ἀπὸ θάξιου *furore agitor*. Appellatur & Liber a vino, quod liberat a tristitia: dum enim perpotatur immodice, *Tunc venit risus, tunc pauper cornua sumit*, inquit Ovidius. Dixere & Dionysium, quod fabulæ tradant infantem perductum ad antrum Nyse, Semele matre a Jove compressa fulgure ac tonitru exanimata, & extincta: atque ita a Deo Jove, & Nyse nympha Dionysii nomen derivatum est. Scribunt Poetæ & a Parcibus immanibus cinctum anguibus, discriptumque a Titanibus. Cornibus taurinis Bacchi simulacra ornarunt Græci, quod *cornu* antiqui biberint; unde vini propinator dictus *Pincerna*. In altera manu thyrsum, in altera scyphum defert, insidetque vehi-

culo.

tulo cum Pardis bijugibus. Hæc omnia vini, atque ebrietatis effecta, & ebriofa infaniam, furemque demonſtrant. De ipſius autem Bacchi obſcœnitæ & flagitiis vide Laſtantium lib. 1. Inſtitut. cap. x. Arnobium in v. pag. 72. Clementem Alexandr. in Admonit. ad Gentes, Commodianum Inſtruct. x11. & L. Gyraldum Ferrarienfem Synt. v111. Deorum. Ab ipſo ergo nomine Bacchi liquet Veterum Bacchanalia fuiſſe quædam ſacra infanæ, & execrabilis ſuperſtitionis. II. Execrabiliora autem deprehenduntur, ſi dicamus, quinam fuerit Bacchanalium primus inſtitutor & auctor. Conſtat enim ex Jul. Firmico de. Error. Proſan. Relig. cap. 6. huiusmodi auctorem fuiſſe Liberum Thebanorum Tyrannum, *ut mente captas nobiles feminas & libidinum miniſtras haberet, & ſclerum*. Conſentit Tacitus, qui lib. x1. Annal. cap. xxx1. ſcribit Meſſalinam ludicrum tale celebrâſſe, ut tegetet adulterium: & Livius, qui lib. 1x. dec. 1v. appellat Bacchanalia, viam unicam corruptelæ. Obſcœniſſimum ergo auctorem habuere Bacchanalia, & obſcœnitatis gratia fuerunt inſtituta. III. Ritus Bacchanalium quanta impudentia, & inverecundia, necnon flagitioliſſimis verbis fuerit pernicioſum ac turpe, narrat S. P. Auguſtinus lib. v11. de Civit. Dei cap. xx1. Sat eſt honeſtiſſimas matresfamilias palam, perfeciſſe, quæ nec meretrix, ſi matronæ ſpectarent, facere poterat in theatro. Minus improba erant quæ narrat Blondus lib. 2. de Roma Triumphante, conveniſſe nudos viros cum nudatis omnia membra mulieribus, matronis, viduis, virginibus, veluti omne amiſſent diſcrimen. Iidem pene ritus erant Madianitarum, & Moabitaram in cultu idoli *Beel-Phegor*, de quo Num. xxv. 3. & Pfalm. cv. 23. Idem eſt enim Hebræis *באל*, ac Latinis, *aperire, exponere, denudare*: unde *Beel-phegor* idem eſt; ac Deus turpitudinis, quem *אשת* dixerunt, ut in caput 1x. Oſee animadvertit D. Hieronymus, & quem in ſacris Bacchi poſtellis impoſitum circumferebant, ut citato loco Auguſtinus; cumque hoc turpiſſimum idolum colerent liquidis feminibus fractuamque liquoribus, hortis quoque cuſtodiendis præſciebant. Itaque ſive ſpectes Bacchanalium inſtitutionem, ſive auctorem ac finem ſive denique celebrationem ac ritum, indubiatum eſt deteſtabiliora, eſſe omnibus aliis oblectamentis. Atque hinc eſt, quod etiam Romanus Senatus non modo ab Urbe, ſed ab univerſa Italia olim Bacchi ſacra eliminavit, ut reſert Tertull. cap. 6. Apoſtoli: Scythæ autem apud Herodotum lib. 1v. cap. 18. ea reprehenderunt tanquam infanæ turpitudinem; & Phœnices hæc & conſimilia deliramenta fieri patiebantur duntaxat in nemore poſito in parte præalti montis, quod nemo honeſtus audebat accedere; inquit Euſebius lib. 11. de Vita Conſtantini.

PROPOſITIO II. Bacchanalia quomodo nunc celebrantur ab aliquibus, qui conniventia, & conceſſione Principum abutuntur, connumerari nequeunt inter honeſtâ & licita oblectamenta.

Si enim superstitiosæ idololatriæ ritus, & nefariam illam turpitudinem sacrorum Liberi prætermittimus: hæc Bacchanalia licentiam longe superant antiquorum. I. Primo id comprobat hodiernus usus personarum, sive larvarum. Primus personarum usus fuit in Scenis auctoribus Cincio, & Falisco, ut scribit M. A. Muretus in Præf. ad Terentium. Causam vero profert Satyra IV. Horatius, ut personati actores majori libertate recitarent,

*Si quis erat dignus describi, qui malus, aut fur,
Qui mæchusve foret, aut sicarius, aut aliqui
Famosus.*

Priori ergo Bacchantium ætate personati improbos notabant: nunc in bonos æque ac malos obloquuntur, & absque fabularum venustate jaciunt in singulos dicteria. Imo in Theatris proprio vultu, & perfricata fronte convitatores bacchantur. Extra scenas autem, nunc quoque, ut canit in 2. Georgicon Virgilius,

*Versibus incompitis lulant, risuque solato,
Oraque corticibus sumunt horrenda cavatis.*

Retinet ergo hac in parte præsens consuetudo veterum Bacchanalium deformitatem. II. Quod mulieres incedant virili habitu, virique muliebri, dicitur Deut. XXII. 5. *res abominabilis apud Deum*. R. Maimonides scribit hanc sexus permutationem institutam in honorem Martis, ac Veneris: & quidem Veneri in Cypro viros sacrificasse in veste muliebri, & mulieres in virili veste, scribit etiam Servius in II. Aen. Verum idolorum cultu sublato, adhuc jure clamat Satyricus:

*Quem præstare potest mulier larvata pudorem,
Qua fugit a sexu?*

III. In comœdiis, choreis, conviviis, ludisque etiam nunc laxari, ut in perantiquis Bacchanalibus, intemperantiam atque libidinem res per se loquitur, nec non evincit veritas proximis capitibus declaranda. IV. Quamquam usus Bacchanalium innumeris flagitiis minime redderetur illicitus; non deberet Christianus, eo tempore, quo Ecclesia deponit vestimenta jucunditatis, atque ad poenitentiam invitatur, quod in Dominica Septuagesimæ, & sequentibus præstat, crapulæ & Veneri turpiter indulgere; maxime, quod Catholicis Romanis solent hoc præsertim crimen Novatores objectare. Neque enim sufficientem excusationem præbet proximum Quadragesimale jejunium: quippe ad istud nequit parari aditus per temulentiam, quomodo ad justitiam non devenitur per fraudem, neque ad sobrietatem per lasciviam; ut docet Hom. I. de laud. Jejunii Magnus Basilii.

PROPOSITIO III. Excedens, atque immoderata Bacchanalium voluptas, quamvis expers pervetustæ malitiæ, Christiano homine, etiam quâ rationali duntaxat, indigna est.

Quantum ad Christianum, nulla est difficultas: quippe illum non latet,

latet, Ecclesiasten asserere cap. ii. 11. *Vidi in omnibus vanitatem, & afflictionem animi.* Novit insuper terrenas voluptates fluxas esse, & comparari aquæ, de qua legitur Joannis iv. 13. *Omnis, qui biberit ex aqua hac, sitiet iterum.* In quem locum Augustinus Tractatu in Ioan. xv. *Quid est (inquit) qui biberit de aqua hac, sitiet iterum? Es verum est secundum hanc aquam: & verum est, secundum quod significat illa aqua. Etenim aqua in puteo voluptas sæculi est in profunditate tenebrosa. Hinc eam hauriunt homines hydra cupiditatum.* Præterea Fidelis credit repromissam sempiternam felicitatem lugentibus, abnegantibus semetipsos, crucemque ferentibus. Haud ignorat se peregrinari a Domino, iter suum dæmones quasi latrunculos obsidere, instare undique pericula, occasiones peccandi, mortem, incertum exitum, atque exitium irreparabile. Etiam fide destitutus experitur inanum voluptatum amatores substantiam ac bona temporalia dilapidare, ut de luxurioso adolescente narrat Lucas cap. xv. 2. afficere semetipsos ignominia quemadmodum de Salomone legimus Ecclesiastici xlviii. 22. 3. in ipsa voluptatum consecutione sentire excruciantem ægritudinem, laboremque molestum. *Vacat enim (inquit Seneca) pudicitia, libido occupatissima est: omnium virtutum tutela faciliior, vitia magno coluntur.* 4. Cum in recte factis abeat labor, & maneat honestas, in voluptatibus transit delectatio, & remanet turpitudine. Tandem, ut in Proverbio est, *extrema gaudii luctus occupat:* atque ut aiebat Boetius:

*Habet omnis hoc voluptas,
Stimulis agit fruentes.*

Ipsa itaque humana ratio, ipsumque experimentum demonstrant quam perniciosum sit voluptate nimia gestire.

C A P U T II.

De Theatris, & Comædiis.

POSTEAQUAM noxias Bacchanalium voluptates generali oratione perstrinximus, operæ pretium est illas expendere, quæ ex Theatrorum frequentia percipiuntur.

PROPOSITIO I. Major interdum apparet luxus & insaniens libido in quibusdam hodiernis Theatris, quam in iis, quæ primum in cultum Veneris instituere Gentiles.

Demonstr. 1. ex Theatri structura. Athenienses non aliud, quam ligneum erigebant, ut illud transactis diebus spectaculorum statim dissolverent: atque hinc apud Hesychium Theatra appellantur *ligna tabulata.* Idem servatum est Romæ, antequam faxeum construeret Q. Gallus: unde Aufonius de ludo Sapientum inquit:

Aedi-

*Aedilis olim scenam tabulatam dabat,
Subito excitatam, nulla mole saxea.*

Nuda ut plurimum erant, & sine tecto; ideoque Chrysostomus hom. iv. in Esaiam ait: *Sudans in Theatro, nudo capite solis ardorem excipiunt, ut fiant captivi mortis, & scorti mancipia.* Scenæ, quamquam Muræna posuit elegantissimam, & argenteam, fuisse a principio arborum rami cum frondibus, & corymbis. Servius,

*Illic quas tulerat numerosa palatia frondes
Simpliciter posita scena sine arte fuit.*

Compara nunc, Lector, cum his moles Theatricas in urbibus nostris erectas, picturis ornatas, undique cinctas, & coopertas, & quotannis scenas, & orchestras dispendio maximo renovatas. II. Ex subfelliis, eorumque dispositione. Ex quo enim spectatores sedere coeperunt, cum antiquitus starent, Athenis Senatoribus destinatus fuerat locus dictus Bulcuticus, tum ceteris servato ordine, ita ut mulierum, & virorum, auctore Aristophane in Avibus, sedes fuerint semper divisæ. Atque mulieres & hospites spectabant circa alnum sedentes, in loco scilicet Theatrorum remotissimo. Romæ pariter stabant Senatores, in Orchestra primisque subfelliis, tum cives, & alii dispositi, & a mulieribus separati. Quanto ergo sunt Christianorum Theatra detestabiliora veteribus, cum in istis confuse sedeant viri ac mulieres, proci & puellæ, nobiles ac plebei? III. Ex facta Actoribus Scenicis donatione. Quinque enim denarios singulis tantum distributos liquet ex Epistola Senecæ LXXXI. Cum autem Tiberius munerum corrupisset impensas, Marcus Antonius statuit, ut Scenici nonnisi quinos aureos acciperent. Nunc vero Cantoribus, & cantantibus feminis, quingentorum saltem aureorum munera scenica donatione tribuuntur; quæ certum est subripi ex debita pauperibus eleemosyna. IV. Ex Histrionum ornatu. Tragici quippe prodibant capite gibbero & perfonato, deferebantque cothurnos, vestemque talarem, Syrmam dictam: de quo ornatu plura lib. i. de Theatro Bulengerus. Comitorum vero intorta pallia, exiguis amictus, chlamydesque describunt Donatus, & Muretus, exhibentque figuris æneis Comædiæ Terentii Romanis typis nuper impressæ. At Scenici Actores qualem modo non ostentant vanitatem, immodestiam, luxuriam, obscenitatem? V. Ex feminis, quæ modo cum viris theatra conscendunt: quod nunquam passi sunt Romani, vel Græci, ut sancta permotus indignatione scribit n. xvij. de Comædia doctissimus Bossuetius. VI. Ex pretio tandem a Spectatoribus oblato. Solon tres tantum drachmas solvendas decrevit. Scholiastes Aristophanis, *Spektævi* (inquit) *duos obulos ferens.* Ut spectarent pauperes, obuli hi duo viritum accipiebantur de ærario. Jam vero ut luxuriose omnia dilapidentur, nummus saltem aureus solvendus est.

Quic-

Quicquid igitur ad Theatrum ſpectat, undique majorem redolet, quam apud veteres, improbitatem.

PROPOSITIO II. Comparatione antiquarum deſpiciendæ magis ſunt nonnullæ Comædiæ recentiores.

Nihil aliud erat Comædia vetus, quam hymnus, aut carmen in honorem Divorum, ad cujus exemplum conſcripta traditur ab Homero Odylſſæ: ideoque non male Florentinus Dantes editum a ſe Etruſcum Carmen elegantiffimum inſcripſit *divinam Comædiam*. Huic comædiæ veteri quis auſit incomptas theatricasque fabulas comparare? Fertur primus omnium Aëſchylus pro uno hiſtriones tres poſuiſſe: parvus adhuc numerus, & abſque feminis; quod ſane Comicoꝝ noſtrorum multitudini, ſexuſque diſcrimini nota eſt dedecoris, & infamiae. Adinventæ poſthac poemata Dramatica, Tragicum, Comicum, Satyricum, & Mimicum: & Tragædiam dicitur inveniſſe Theſpis, atque Syracuſis excoluiſſe Epicharmus, Romæ autem Livius Andronicus, omnium primi. Finis quidem horum voluptas: ſed non alia, quam parit ſermo *conſtans rythmo, harmonia, & numero*, inquit Ariſtoteles de Arte Poetica capite 6. Nunc voluptatem Scenici excitant verborum improprietate ac turpitudine, impudico Corporis geſtu, ornatu veſtium immodico, & moribus debacchantium. Liberior quidem ſermo in aliis a Tragædia Carminibus, ſed incredibile diſctu, verum tamen! honeſtior Thais, & Bacchis Terentiana, quam Coriſca, & Dorinda Guarini. In antiquis Comædiis etſi aliquando acclamatum; plauſum vix expleto opere captabant Aëtores: eratque id, ut Quintilianus ſcribit, pars Epilogi. Abſolvebatur enim fabula, ut in Truculento Plauti, verſu, *ſpectatores bene valet, plaudite, exurgite*; aut in Eunucho, vel Phormione Terentii, his verbis, *Vos valet, & plaudite*; aut conſimilibus aliis. Plena nunc omnia ſtrepitu, cachinnatione, riſuque ſoluto. Etiam profano decore expoliata eſt Comædia recens: in qua invenies Cataſtrophæ in Protati, nec diſtinguere vales motoriam a ſtataria: nec ſervatum præceptum Horatii in Arte,

Verſibus ornari Tragicis res comica non vult:
imò nec alterum,

Neve minor quinto, neve ſit productior, aëtu.

Doctis itaque ob dramata incompta ac ſpiñoſa, ſciolis propter plebis cachinnos atque tumultus, cunctiſque ob verborum Aëtoꝝque licentiam, novæ magis, quam antiquæ Comædiæ, ſunt fugiendæ.

PROPOSITIO III. Hiſtriones inverecundi, aliique inhoneſtæ Comædiæ aëtores ſunt hominum iniquiſſimi, & infamia notandi.

Probatur I. ex VI. I. I. libro Apoſtolicarum Conſtit. cap. 32. *Scenicoꝝ ſi quis accedat vir, ſive femina, vel auriga, vel gladiator, vel ſtadii cuſſor, vel lanista ſeu ludorum curator, vel Olympicus, vel*
Cuo-

Chorales, vel Citarista, vel Lyristes, vel saltationem ostentans, bi aut finem faciant, aut rejiciantur. II. Tertullianus cap. XXI. de Spectaculis, ait: *Etenim ipsi actores, & administratores spectaculorum, quadriganos, Scenicos, Xysticos, Arenarios illos amantissimos, quibus viri animas, femina, aut illi etiam, corpora sua substernunt, propter quos in ea committunt, quæ reprehendunt ex eadem arte, quam magni faciunt, deponunt, imo manifeste damnant ignominia & capitis minutione, arcentes curia, rostris, senatu, equite, ceterisque honoribus omnibus, simul ac ornamentis quibusdam.* III. Augustinus lib. II. de Civit. D. cap. XIII. in hujus rei confirmationem recitat verba Scipionis apud Tullium de Republica, *Cum artem ludicram, scenamque totam in probro ducerent, genus id hominum non modo honore civium reliquorum cavere, sed etiam tribu moveri notatione censoria voluerunt.* Excipiebantur tamen ab hac lege Actores Attellanarum, quæ erant fabulæ severiores ad memoriam revocantes prisam Italianam disciplinam. Quamobrem & nos insectamur tantummodo Comœdias turpes, atque inhonestas. IV. D. I. 2. de iis, qui notantur infamia habetur: *Infamia notatur qui artis ludicræ, pronuntiandique causa in scenam prodierit:* necnon I. 2. §. ultimo ibi inquit Ulpianus, *Qui in scenam prodierit, infamis est.* Legite etiam Cyprianum Epistola 61. Hieronymum in Hilarione, Novellam Justiniani XXII., Genetum ad VI. Præceptum, Natalem Alexandrum lib. IV. in Decalogum Reg. XV. & Christianum Lupum ad Canonem LXI. Trullanum.

PROPOSITIO IV. Ingresses Theatrum, ludicramque scenam spectantes peccant gravissime, nisi Comœdia, quod raro contingit, sit honestissima.

Rationem profert Lactantius lib. VI. Institut. c. 20. scribens: *In Scenis nescio an sit corruptela vitiosior; nam Scenicæ fabulæ de stupris virginum loquuntur, aut amoribus meretricum, & quo magis sunt eloquentes qui flagitia illa finxerunt, eo magis sententiarum elegantiam suadent, & facilius inhaerent audientiam memorie versus numerosi & ornati.* Tertullianus pariter citato libro de Spectaculis appellat Theatra *Veneris sacrarium*, & adinventæ scribit *ad stuprum, vagamque licentiam.* Exclamat Cyprianus in Epistola ad Donatum: *Adhuc deinde morum quanta labe, quæ probrorum fomenta, quæ alimenta vitiorum bisfrionis gestibus inquinari!* Tonant consimili voce Patres reliqui. Nec Patres tantum: etiam Petrarcha dialogo XXX. Bolengerus ipse citato superius libro, & Hæretici atque Catholici uno ore. Extant Canones arcentes Theatricos a fidelium communione, quod in Spectatorum animis illicitam pariant delectationem, ut V. Synodi, I. Arelatenfis, & Apostolicæ Constitutiones paullo supra productæ. Quid plura? Imperatoriæ leges statuunt gravissimam esse causam repudiî, si conjuges viris invitis & prohibentibus interfint *vel Circensibus,*

ſibus, vel Theatralibus ludis, vel arenarum ſpectaculis, ut liquet ex L. Conſenſu, C. De repudiandis mulieribus.

Quod vero vix poſſit contingere, ut Scenica Opera ad noxias voluptates non præbeant incitamenta; conſtat primum ex eo, quod nullum careat verſu aliquo amatorio, illumque poetæ cantantium, affectibus, deſinentibus vocibus, & jucundiori ſono debeant accommodare, ut de Comædiis Lulli ſcribit n. 111. Clariffimus Boſſuetius. Ac præterea ſolent Cantores Scenarum exſecti ſimul cum feminis commorari, ac non ſemel tarpi conſuetudine implicati verba quoque, ſi qua ſunt, illibata cantus modulatione, ſuſpiriis, voluptaria compoſitione, atque indecentia habitus labefactare. Præterea Scenica ipſa, matrimonia quid ſunt aliud, niſi inditæ concupiſcentiæ fomenta ſpectatoribus oculos in ſcenam conſcientibus? quam concupiſcentiam ut Sponſorum connubia frenarent, matrimonia ſerio peracta ſunt inſtituta, addito poſtmodum ſolemni ritu cum Eccleſiæ benediſtione. Ad hæc infeſtantur Scenici aut maritorum zelotypiam, aut averſionem puellarum, aut rigidam ſolitudinem; unde paulatim diſponuntur mariti ad morem gerendum uxori, virgines ad obſequendum amatoribus, religioſiores homines ad convictum, atque ſocietatem, quamlibet frequentandam. Quid inſuper efficiunt Mimici, Satyrici, jocolatores, ſervi, ancillæ, & paraſiti ſcenarum, niſi forte complures docent, quo pacto derideant, mordeant, decipiant, ſupplantent? Ipſæ denique ſimulationes, in quibus agendis celebris Comicus Molier indutus perſonam ægroti mortali ac repentino eventu decubuit, ut reſert idem Boſſuet n. v., nihil ſunt aliud, quam inanis oſtentationis, & deteſtandæ hypocryſis documenta. Atque hæc ſunt honeſtiſſimarum comædiarum condimenta ſalubriora. Videtiſ quo loco habendæ ſunt reliquæ. Prætermitto Feſtorum profanationes; compertum eſt enim Comædiarum ſpectatores unam vix horam dare divino cultui, noctis vero dimidium ſpectaculis.

Adverſus prædiſta opponi ſolet I. quod S. Thomas 2. 2. q. 169. art. 2. doceat officium Hiſtrionum non eſſe per ſe illicitum. II. Scenicas Actiones in nullo Evangelici voluminis textu reprehendi. III. Quæ in Scenis aguntur, non vera eſſe, ſed apparentia. IV. Nihil eſſe quod improbis nequeat exhibere nequitæ argumentum, ut in 2. Triftium ajebat Ovidius,

Omnia perverſus poſſunt corrumpere mentes.

Quinto demum aliquam concedendam eſſe unicuique voluptatem.

Ad primum autem reſpondent Natalis Alex. citato lib. iv. Decal. Reg. xv. & Jacobus Boſſuet de Comædia n. xx 111. a Divo Thoma uſurpatum vocabulum *Hiſtrionis*, ampla ſignificatione ad homines, qui honeſtis facetiis delectationem pariunt, deſignandos. Ad alterum, num. xx. idem Boſſuet reſpondet, neque in Evangelio expreſſe damnari

To. IV.

B b b b

ludos

ludos Gladiatorum, & atratas sanguine in Amphitheatris pugnas: Christum Iſraelitis potiſſimum verba facere, eorumque laudem eſſe maximam nulla excitafſe theatra: damnari demum illecebras & invitamenta libidinum ubicunque reprehenditur concupiſcentia. Ad tertium vero reſpondet Joannes Chryſoſtomus hom. vi. in Matth. etiam ſimulatione plurimos blande allectari. Ad proximum dico non eſſe, morum regulam pulſum in exilium ob ludicra carmina Poetam: neminem poſſe probare quæ idem addit:

Nec tamen eſt facinus verſus evolvere molles,

Multa licet caſte non ſacienda legant.

Ovidium ipſum hanc præmittere confeſſionem,

Ut tamen hoc fatear; ludi quoque ſomnia præbent

Nequitia.

Ad ultimum eſto reſponſum: Delectari fas eſt, ſed ſervata regula, quam Epistoſta ix. tradit Auſonius,

Salva mihi Veterum maneat dum regula morum.

C A P U T III.

*De facie hiſtrionica, perſonis, larvis, & ſeminet
ſexus imitatione.*

TAMETSÏ quædam de perſonatis attigi ſecunda propoſitione i. Capitis, poſtulant licentia, & abufus, ut propriis theſibus aliqua edifferam.

PROPOSITIO I. In perſonis, larviſque penes nonnullos improbos immoderationeſt ætate noſtra, quam regnante ſuperſtitione, luxuries.

Antequam facies fictas, ſive perſonas pro ſcenicis ludis excogitaſſet Aefchylus dictus ab Horatio in Arte Poet. *Perſone, palſaque repertor honeſte*, conſueverunt hiſtriones vultum minio tantum ac ſcicibus oblinire: nec in agendis triumphis uſus alius perſonarum, præter factas thriis, ideſt, ſiculneis foliis, a quibus derivatum *Triumph* nomen ſcribit in Diocletiano Zonaras. Motum arbitror a Dæmone, primum adverſus pudicitiam perſonarum inventione bellum, unde conſultum Geneſeos iii. 7. Adæ, uxoriſque pudori. Cum iſta tamen tam ſimplici conſuetudine perſonatorum, arbitror neminem intemperantiam, & uſum præſentis temporis collaturum; præcellit enim harum perſonarum nequitia non modo ſiculneas illas, verum etiam quas Aefchylus, alique veterum uſurparunt. I. Id ex antiquarum uſu & inſtitutione, probatur. Non alia ratione perſonas primus auctor invenit, niſi ut os conſectum undique ſonitus ederet claros, atque canoros, ut ſcribit Gellius lib. v. cap. vii., commonſtratque forma earundem. At

ab hoc

ab hoc fine aberrant novæ, quæ ſunt deriſionis, libertatis, inſanientisq; libidinis adminiſtræ. II. Comprobatur ex facierum ſimilitudine. Fingeantur enim veteres ad riſum quidem accommodatæ, propter quod perſonati dicebantur *gumia*, aut *manduci*, quæ nomina occurrunt apud Plautum, Juvenalem, & Lucilium, deſignantque perſonas diſſortas, oribusque deformes: erantque terriculamenta puerorum, unde Martialis ait in Epigrammate 176. lib. 14. *Quæ tu derides, hæc timet ora puer*. Hinc & *Larvæ* dictæ a *Laribus*, foco ſcilicet, & vaporario. Cautum tamen ne alicui ex principibus viderentur adſimiles, tunc enim in certum diſcrimen capitis veniſſent poeta, & actores. Nunc vero tanta perſonati incedunt licentia, ut cujuſque ordinis hominum aſſumant imagines, parumque abeſt, quin ſacros quoque habitus ferant in hippodromo, atque in ambitu platearum. III. Perſonis iſtis curarunt Ethnici inſinuare noſtræ mortalitatis memoriam: conſueverunt enim ponere in cœnaculis larvam, quæ varie vertebis & articulis ſſecteretur, hoc prolato diſticho:

Hæu, hæu, nos miſeros, quam totus homuncio nil eſt!

Sic erimus cuncti, poſtquam nos auferet Orcus.

Nunc autem larvis exultant juvenes, mortisq; imagine triſtique ſcneſta quaſi non morituri bacchantur. Atque ideo in ipſorum fronte, inſtituit Eccleſia cinerem ſpargere, ſententia reſolutionis in pulverem ſingulis repetita. Ita jure merito larvas Chriſtianorum dixi idololatrarum perſonis turpes magis & inquinatas.

PROPOſITIO II. Detestabile eſt, mulieres habitu virorum perſonatas incedere, & viciffim viros veſtimentis mulierum.

Hæc argumenta in hanc rem congeſſere Theologi. I. Depromitur ex capite ſuperius citato Deuteronomii, in quo legitur: *Non induatur mulier veſte virili, nec vir utetur veſte fœminea: abominabilis enim apud Deum eſt, qui facit hæc*. Quod non ſolum videtur præceptum ob idololatriam, cujus gratia diximus excogitatam veſtium commutationem; ſed etiam, quod res ſit per ſe turpis & inhoneſta, cum ibidem præſcribantur quæ pietati, & rationi conveniunt. II. Petitur ex antiquo Canone Bracharenſi: *Si quis faciem ſuam tranſmutaverit in habitu mulierum, & mulier in habitu virili, emendatione pollicita, tres annos pœniteat*. Et ex Canone XI I I. Gangrenſi: *Si qua mulier propter eam, quæ exiſtimetur pietatis exercitationem veſtem mutet, & pro ſolita veſte muliebri virilem ſumat, anathema ſit*. Hoc tamen Canone minime privantur fidelium communione perſonati viri, aut fœminæ, ut ſcribit Nat. Alex. citato lib. IV. Reg. XI I. Nam ferit anathemate mulieres, quæ aſſumpto habitu virili putabant ſe juſtificari, ut prave docuerat Armenus quidam Epiſcopus: quod liquet ex verbis, & obſervatum a Lupo in Schol. ad LX I I. Trullanum. Reprehendit tamen Canon Gangrenſis cum perverſo illo fine veſtium commutationem,

nem, & profertur a Theologis, nec non C. *Si qua mulier*, dist. xxx. III. Sequitur argumentum ab auctoritate Patrum, qui docent ipsam abhorrere naturam, si homo mulieris speciem adsumat. Ita nempe tradunt Ambrosius Ep. LXIX. Hieronymus Ep. VIIII. & XXII. Petrus Chrysologus Sermon. CLV. alique magno numero laudati a Theologis, atque a Joan. Fabricio, & Alberico Gentili, qui plura de hoc argumento scripserunt.

Vulgaribus istis addamus aliqua. Ac primum sit ab antiquiori hujus mutationis vestimentorum institutione. Dictum supra factam in cultum Martis, ac Veneris. Mulieres togis prætextatis indutæ sacrificabant in Sacello Mutini, quem Mutunum appellat Lactantius lib. I. Instit. c. XX. Adsumebant pariter virilem habitum Ludis Megalensibus, idest, a die ante nonas Aprilis usque ad v. Junii, in honorem Matris magnæ. Etiam Antistes Herculis stolam muliebrem induebat, auctore Plutarcho Græcarum QQ. LVIII. Est ergo incessus mulierum in veste virili superstitionis, & idololatriæ purum putum vestigium: & quamvis non exerceatur modò cum idololatriæ cultu, singularis saltem dementia. Addo præterea profanorum Auctorum testimonia. Philo de Fort. *Voluit lex (inquit) virum in vestitu, se ut virum gerere, longe submouens tam effeminatos viros, tum plus æquo viriles feminas*. Iosephus sub finem IV. libri Orig. *Cavete autem, ut neque mulier habitu virili utatur, neque vir stola muliebri*. Zeno apud Laetium in ejus vita magnopere vituperatur, quod præceperit promiscuum usum vestimentorum. Columella lib. I. affirmat se mirari gestus effeminatorum, quod a natura sexum viris denegatum muliebri motu mentiantur. Sed plura de his illustribus Scriptor Albericus Gentilis de A&E. & Spect. Fabularum cap. V. Postremo: quænam hujusmodi vestimentorum prudens causa? Quænam honesta delectatio? Qualis in hac permutatione forma decoris? Recte Poeta, etsi alias polluti oris, Fastorum VI.

Cur vagus incedat tota Tibicen in urbe?

Quid sibi persona, quid toga pila volunt?

Oppones I. adhiberi has personas lætitiæ causâ, non superstitionis, ideoque non sacrilegium esse, sed jocum. II. Etiam Meletium Antiochenum antistitem pagani Sacerdotis filium indutum fœminea veste paterno subtraxisse furori. III. Virgines quoque integerrimas vixisse cum Cœnobitis assumpto habitu Monachorum. Vide citato loco Christianum Lupum.

Respondet ad I. S. Petrus Chrysologus: *Erras, homo, non sunt hæc ludicra, sunt crimina. Quis de impietate ludit, de sacrilegio quis jocatur? Tyrannus est, tyranni habitum qui presumit. Imaginem Dei portare voluit, qui Idoli voluerit portare personam*. Alterum diluitur dicendo factum Meletii pueri periculo excusari: nec reprehendi quæ sunt causæ religionis, aut caritatis, sed quæ patrantur immodice, in-

intempeſtive, licenter. Reſpondeo ad ultimum, in Theodora, aliſque ſœminis, quæ dicuntur Monachorum induiſſe cucullum, mirari nos extraordinariam vocationem, ſeveram pudicitie cuſtodiam, exemplum rarum, & ſingulare; quæ in perſonatis deſiderantur: atque his libenter largimur commutandas veſtes, ſi vitæ, pudoriſque imminet periculum; damus, ut imitentur Achillem, qui hortante matre adſumpſit ſpeciem ſœmineam ad fatum Trojæ vitandum; de quo Ovidius in Arte:

Turpe, niſi hoc matris precibus tribuiſſet Achilles.

C A P U T IV.

De Choreis, Saltatoribus, & Funambulis.

CONSEQUITUR, ut quarto loco dicamus de tripudiis, quæ corporis motu ſaltuque peraguntur, & quibus florens ætas non paullum oblectatur, & ducitur.

PROPOSITIO I. Saltationes, quarum in ſacris literis fit mentio, damnant quamplures præſentium chorearum abuſus.

Occurrit primo commemoranda ſoror Moſis Maria duſtrix ſœminei chori, de qua Exodi xv. 20: *Sumptit ergo Maria prophetiſſa ſoror Aaron tympanum in manu ſua: egreſſæque ſunt omnes mulieres poſt eam cum tympanis, & choris.* Porro in hoc tripudio habetur finis laudis, & jubilatio pro ſoluta populi captivitate: quo ſine carent adoleſcentularum noſtrarum choreæ. Deinde mulieres plaudebant hymno, & ſaltu ſeorſum a choro virorum, ut colligitur ex textu, & adnotavit Philo in primo libro de Vita Moyſi; ſaltant vero noſtrates cum viris, junctis palmis, brachiisſque quandoque implicatis. Ducebat præterea choros puellarum ſoror principis: eamque reliquæ proſequebantur, cum ſint modo in ſaltatione duſtrices vulgares, & meretriculæ. II. Addunt ſacræ literæ exemplum filiz Jephthe, quæ patri revertenti a cæde Ammonitarum, Judic. xi. 34. *occurrit cum tympanis, & choris.* Plaudebat enim ſingulari patris victoriæ. Quod & præſtiterunt mulieres egreſſæ de univerſis urbibus Iſrael, poſteaquam David percufferat Philiſtæum. Habes utrobique ſingularem lætitiæ cauſam, ideſt, idololatrarum proſtrationem: unde hæc ſœminarum tripudia dicuntur a Joſepho libro xii. Originum xii. *quidam de tunc iſtæ, Luſones in victoriis.* Funæſtæ fuere ſaltationes iſtæ, nam ex una Jephthe amaritudo, filiz maſtatio, & puellarum Iſrael anniverſarius planctus derivarunt: ex altera vero ira, & indignatio Saulis, & tam impia in Davidem perſecutio. Vide cap. xvi. li. libri i. Regum. Et tamen hæc filiarum Iſrael tripudia ob ſejunctos a viris choros virginum, communemque

nemque lætitiā sunt harum comparatione honestissima. III. Habes exemplum aliud in Davide, quem legimus 11. Regum vi. 15. 16: *In jubilo, & in clangore buccinæ, subsilientem, atque saltantem coram Domino*. Hanc in Dei obsequium choream vetus religio commendat; atque ut scribit Ambrosius in Ps. 118. n. 27: *Saltatio in honorem Dei laudabilis habetur*. Vidimus alicubi in Festo Corporis Christi castas adolescentulas choros ducere ante Arcam viventem, meminimus Davidis, nec reprehendimus consuetudinem, nisi tamen avértat a devotione. Verum quid hæc mysteria cum circulis Satanæ? IV. Saltationum documentum, ac specimen exhibet filia Herodiadis apud Marcum cap. vi. 22. & seqq. Nemo quidem tam horrendam tripudii catastrophē pro chorearum statuenda honestate producturus est. Audiemus infra de hac saltatrice orationem Ambrosii, nam sufficit in presentia, nullam aliam fuisse Prænuntii Christi necatricem, nisi quam his verbis describit lib. 3. Presbyter Juvenius:

*In medio juvenum reginæ filia virgo
Alternos laterum celerans sinuamine motus,
Compositas citbara jungit modulante choreas.*

At de sacerorum librorum exemplis hæc tantum.

PROPOSITIO II. Ab antiquis Ethnicis saltatoribus edocemur quantum dedecet inhonestas frequentare choreas.

Legimus quarto libro Antiqq. Homericarum cap. 5. etiam apud Cultores idolorum antiquum morem extitisse, ut scorum viri, ac mulieres choreas agitent, ac primos omnium septem adolescentes, qui cum Theſeo fuerunt servati, cum totidem puellis saltasse: quod illustris auctor confirmat testimonio Eustathii. Damnatur ergo antiquiori hæc consuetudine promiscua virorum, ac mulierum saltatio; & etiam mos per socios Theſei inductus reprehendit adolescentium cum nuptis, & adultorum cum virginibus motus saltatorios. II. Tradunt historica monumenta Juvenes tam Romanos, quam Cretenses saltasse cum armis; atque ob eam rem scribit Socrates optime saltantes esse bello aptos, exaggeratque Homerus Iliad. xv. 1. Morionis ejusdam fortitudinem, quod bonus esset saltator; & e contra lib. xx. v. ait Priamum reprehendisse filios, quod choreas effeminatas mollesque agitent. Igitur veterum saltatio fuit honestum pro bello gerendo exercitium, & hostes oppugnandi, non pudicitiam contaminandi gymnasium. III. Saltatores posthac instituti in cultum Deorum. Consueverunt Atticæ mulieres ad Bacchi sacra proficiscentes saltare per viam. Idem factum in sacris aliorum Deorum, & maxime Apollinis in Delpho: ac Romæ instituti in honorem Martis, & Herculis Salii, idest Sacerdotes juxta Aram saltantes. Veruntamen hinc infertur agitare choreas, quales adhuc aguntur, imitando Herculem furem, Cyclopa, Daphnem, Nioben, Satyrum, esse profanum morem idololatrarum. IV. Instituta

ſtituta etiam fateor inhoneſta tripudia , præſertim Feſcennina , & Lupercalia ; ſaltationeſque impudicas , uti fuere Bachtriaſmos , Machtriſmos , Apochinos , de quibus eruditus Meurſius . At hæc ſoli probarunt , qui impenſius Venerem coluere : imo eadem aſpernatur etiam contaminatus Poeta , dum ait in Epigrammate LXXIX. libri v.

*Nec de Gadibus improbis puella
Vibrabunt ſine ſine prurientes
Laſcivos docili tremore lumbos ;
Sed quod non grave ſit , nec inſacetum ,
Parvi tibia condyli ſonabit .*

V. Quem corporis motum in ſaltantibus noſtris ab idololatriſ iſtis uſitatum non offendis ? Eſt quidem , ut demonſtrat Julius Cæſar Scaliger de Comædia cap. xiv. flexus , procurſus , ſaltus , conquiſcentia , divaricatio , claudicatio , ingeniculatio , manuum connixio , conſertio , compeſtinatio , comploſio , agitatio , commutatio , elatio , ſaſtatio , pedum permutatio , alternatio : quid plura ? etiam femorum fluctuatio , quæ ab eodem Scaligero appellatur abominandum ſpectaculum , & in uſu dicitur in ſaltantibus more Hiſpanico . VI. Ne quid veteris infantiæ obſoleſcat , dantur inter Chriſtianos etiam funambuli , ideſt , ſuper funes ambulantes & ſaltantes . Horum infaniam deſcribunt Manilius lib. 5. Petronius , & alii apud Bulengerum Tom. ix. Antiqq. Rom. pag. 903. & Joan. Baptiſtam Caſalium de Trag. cap. 2. Nos contenti erimus exſcribere Prudentii verſus .

*Inde per aerium pendens audacia ſunem
Ardua ſecuris ſcandit proſcena plantis ;
Inde ſeras volucri temeraria corpora ſaltu
Transiliunt , mortisque inter diſcrimina ludunt .*

PROPOSITIO III. Qui choreas immodice agit , & ſaltat , a culpa vix erit immunis .

Habes enim , Saltator , in Eccl. cap. ix. 4. *Cam ſaltatrice ne aſſiduus ſis , nec audias illam , ne forte pereas in efficacia illius .* Damnant præterea ſaltationes Eccleſiæ Patres . S. Baſilius Hom. de Ebrietate & lux. ſcribit *terram pedibus laſcive ſaltando contaminari , & pedibus geſſientes juvenum intemperantiam in ſe provocare .* Tertullianus de Corona ſcribit in ſaltatione hominem contaminari ipſo ritu , & apparatus idolothytorum . Hieronymus in Epist. ad Marcellam idem probat ex eo quod ſaltator *nunc Herculem robuſtus oſtendit , nunc mollis in Venerem frangitur* : addit in Hilarione , *nunc tremulus in Cybele* . S. Ambroſius lib. 2. de Pœnit. docet cap. 6. ſaltationem comitem eſſe deliciarum , atque luxuriæ . In tertio autem de Virgin. inquit : *Ibi enim in tanta verecundia , illecebra ſuſpecta eſt , ubi comes deliciarum eſt extrema ſaltatio . Ab hac virgines Dei procul eſſe deſidero . Nemo enim , ut dixit quidam ſecularium Doct. , (Cicero in Orat. pro L. Muræna) ſalcat ſobrius ,*
niſi

uifi insan'at. Quod si juxta sapientiam secularem saltationis aut temulentia auctor est, aut demencia: quid divinarum Scripturarum cautum putamus exemplis, cum Joannes prænuntiatus Christi saltatricis optione jugulatus exemplo sit plus nocuisse saltationis illiccebram, quam sacrilegi furoris amentiam? Atque post multa eloquenter de morte Præcursoris, iterum ad mulieres orationem convertit: Quid dicitis vos sancta femina? Videte quid docere, quid etiam dedocere filias debetis? Saltem, sed adultera filia. Quæ vero pudica, quæ casta est, filias suas religionem doceat, non saltationem: Ita alii Patres. Accedit ratio: cum enim mulier, virgo etiam & pudica nimis virorum sensus illiciat: quid futurum speras, si cum saltatrice saltans & ipse verferis? Quantum sit amoris in saltatione lenocinium, novit Poeta qui artem amandi impuro carmine tradens agebat:

Quis dubitat, quin seire velim saltare puellam?

Adde incitamento saltationis verba, manus, oculos: quæ Franciscum Petrarcham Scriptorem præclarissimum impulerunt, ut in Dialogo xxxiv. scriberet: *Chorem Veneris præludium, libidinum stimulum, laxamentum licentiæ; ubi libera manus, liberi oculi, libera voces.*

PROPOSITIO IV. Festis diebus a choreis, & saltationibus est omnino abstinendum.

Mandant enim ne festivitates Sanctorum, & dies præsertim Dominici tripudiis, & saltationibus polluantur, innumeri Canones. Profert canonem 23. Concilii tertii Toletani, decretum Concilii 111. Mediolanensis Tit. 1. de Festorum dierum cultu, præscriptionem Concilii Turonensis anni 1583. aliosque Canones Natalis Alex. lib. iv. Theolog. moralis, de 111. Præcepto Regula 111. Canones Africanos, qui etiam statuunt esse hac in re interpellandam legem Imperialem, producit Lupus ad Canonem 11. Trullanum. II. Augustinus de x. Chordis cap. x111. instituens sermonem de observatione Sabbati: *Dicitur (inquit) tibi ut spiritualiter observes sabbatum, non quomodo Judei observant sabbatum, carnali otio. Vacare enim volunt ad nugas, & ad luxurias suas. Melius enim faceret Judeus in agro suo aliquid utile, quam in Theatro seditiosus existeret; & melius semina eorum die sabbati lanam facerent, quam in Neomenniis suis impudice saltarent.* Atque Conc. 1. in Ps. xxx11. *Melius utique tota die foderent, quam tota die saltarent.* III. In promptu est ratio manifesta. Cum enim prohibeantur diebus festis servilia opera, non quod suapte natura mala sint, sed quia a divino cultu possunt retrahere: consequens est, ut speciali titulo vetita dicantur tripudia, choreæ, & oblectamenta istiusmodi, quibus non solum a Dei cultu avertitur animus, verum etiam torpescit noxiarum cupidinum nexibus illaqueatus, & irretitus. IV. Civilia quoque jura proscribunt habitas in festis saltationes; & ne proferamus

mus plura, liber vi. Capitularium Caroli Magni, & Ediſtum Henrici III. emanatum an. 1579. in Comitiiis Blcenſibus. Epiſcoporum autem objurgationes & monita ad Saltatores, & Profanatores Feſtorum exhibent omnes de Theologia morali accuratiores Tractatus, Diœceſanæ Synodi apud Genetum, editæque de Chriſtiana Inſtitutione Catacheſes.

Objicies probari a doctis viris ſententiam Cornelli Nepotis ſcribentis in Præfat. ad Vitas Vir. Illuſtrium, ſaltationes non omnibus honeſtas eſſe, vel turpes, ſed judicari ex inſtitutis Majorum. Sed reſpondeo habere me loco majorum non Bathyllum, non Theſeum, non Lucianum, ſed Arnobium, Laſtantium, Baſilium, Ambroſium, cæterumque Sanctiſſimorum Epiſcoporum. Quamquam Corneliuſ ipſe ſcribit eodem loco leve multis viſum iri, quod in Epaminondæ virtutibus commemoretur ſaltaviſſe eum commode. Animadverti etiam paullo ſupra ſaltationes veterum fuiſſe exercitationes ad bellum, & adoleſcentium ac puellarum ſeorſim. Demum etſi talia habenda videantur indifferentia, atque ex majorum inſtitutis judicanda; longe eſſe diverſa in praxi, ſive, ut loquuntur Theologi, *in individuo*, commonſtrat juvenum intemperantia, multiplex libidinum incitamentum, ipſaque maſtra rerum experientia.

Præterea objicis, beatiffimum Franciſcum Saleſium ſaltationes permittere P. tertia Introductionis ad Vitam devotam cap. 34. Verum quos alloquitur Director ille caſtiſſimus? *Philotheam* ſuam, Virginem ſcilicet honeſtiſſimam, Dei amore ſuccenſam, cum propinquis noſiſque, coram parentibus, cœtu honorifico, maximoque ornameto decoris commorantem. Quid putas dicturum Saleſium cum ignotis feminis, facie obliterata, blandiloquis, perſonatis, ornatiffique citra pudorem, choreas incompoſitas, aſſiduasque ducentibus? Sed & Philothæ præſcribit Franciſcus ne ſaltet ludatque. I. Animi duntaxat recreandi gratia. II. Ut id agat ad breve tempus. III. Per raro. IV. Servatis prudentiæ regulis. V. Ita ut ad choream invitanti obſequatur puella non deviando ab ordine caritatis. Quæ nonniſi Philothea ſervabit, bene ſcilicet morata, ſanctis imbuta inſtitutis, præventa divino auxilio, tripudia anxioſe non quæritans, & quam albo notabis carbone. Conſueta ergo tripudia devites; nam & Perſius Satyra vi. inquit:

*Hæc miſcere nefas, nec cum ſis cetera ſoſſor,
Tres tantum ad numeros Satyri moveare Bathylli.*



CAPUT V.

*De Cantu Musicorum, & Symphoniiis
impurisque carminibus.*

PROXIMO a voluptariis saltationibus loco ponenda sunt oblectamenta, quæ capiuntur Musicis cantilenis, & numerofo sono instrumentorum.

PROPOSITIO I. Quidam cantores & Musici, nisi superant, adæquant veterum improbitatem; & fingulare erit exemplum, nisi aliqui sint flagitiosi, flagitiorumque administri.

Fuerunt I. olim Citharædi, Tibicines, aliique pulsatores instrumentorum frugi & modesti. Præter exemplum Davidis, legimus apud Athenæum, Agamemnonem cantorem reliquisse monitorem. Clytemnestræ, cui non prius intulit stuprum Aegisthus, quam in insula occidit cantorem. De hac Cantorum modestia legatur Joseph Laurentius Lucensis in libro de Præconibus, & Citharædis. Quis nunc relinqueret Musico pudicam uxorem custodiendam? II. Non alia veste utebantur olim Musici, quam ad pedes usque demissa, ut scribit Apul. 11. Florid. atque hanc vestem pallam dicebant. *Salta sic cum palla*, inquit Plautus in Menæch. Neque fas erat Musicis sudorem abstergere, nisi ea ipsa veste, qua erant induti, auct. Tacito lib. Annal. xvi. At nostræ ætatis Musici vestimentorum luxu superant Optimates, principesque Matronas; quibus etiam superbia elati, plausuque tumidi audent se comparare. III. Ad genus quod attinet cantus, veteres *probabant tantum simplices modulationes*, inquit Plutarchus in Institutis Laconicis. Antiquam hanc musicam immutari prohibet Plato in lib. de Musica, *ne pristini mores labascant*: Lacedæmoniorum autem *erat musica modesta, & severa, moribusque eorum consentanea, gravitatem cum vetustate representans, non levis aliqua, vel ludicra aut aures voluptate demulcens*, ait lib. 3. de Repub. Laced. Tab. vii. Inst. 9. Nicolaus Cragius. Ad morum nunc corruptelam omnis modulatio theatrica, hilaris & profana, cantica etiam sacra corruptit. IV. Cantare maxime in sacris cum Tibiis Alcibiades apud Plutarchum refugit tanquam rem fordidam & illiberalem, quod vix possis vultum dignoscere instanti tibiam, & hujus sonus obstruat vocem, & versus incidat. Utebantur tali sono Spartani, & Cretenfes in Bello, ut refert Jo. Meursius. Quis ergo rationis compos probet in templo tumultuosam musicen, qua personante exultant theatra, currunt equi, & armati disponuntur ad pugnam; & non gravem illam, dulcisonam, nobilissimamque, qua Romæ in Pontificio Sacello divina celebrantur officia? V. Donatio Musica olim tenuissima, licet postea modum excessisse.

ceſſerit, ut Poetarum, unde miratur Horat. lib. 2. Ep. 1. Cherilum pro ſingulis verſibus, iſſque incultis, accepiſſe ab Alexandro aureos ſtateres. Verum quis Cantoribus noſtris locupletior, in quos effundi videmus ſubſidia pauperum, philoſophorum ſtipendia, nec non poetarum, quorum illi carmina concinunt, mercedes? VI. Inter vitia Neronis connumerat cap. xx. Suetonius artes, quibus ad molliendam vocem utebatur: neque has duntaxat adhibent hodie Muſici; evirant præterea pueros, ut vocem imitentur femineam: quod ſane deteſtandum eſt, & crimen proximum homicidio: & cum omnes reprehendant jure merito Origenem, qui ſe ſervandæ caſtitaſis gratia imprudenter exſecuit, nonniſi ſceleſtiſſimus erit exiſtimandus, quiſquis ad vocis illecebram, & lenitudinem, facit ſpadones, ſive, ut veteres appellant Canones, *vix iuventus eſt impudens, eunucbos per injuriam*. VII. Etſi non perſequor mores ad civilem inſtitutionem; otii tamen, & peſſimæ occupationis apertum eſt argumentum, quod cantores non ignorant *tempus ſlendi & tempus ridendi*, quod diſtinguendum monet Eccleſiaſtiq̃s cap. 111. v. 4. nam & in hos quadrat proloquium vetus Horatii lib. 1. Sat. 3.

*Omnibus hoc vitium cantoribus, inter amicos
Ut nunquam inducant animum cantare rogati:
Injuſſi nunquam deſiſſant.*

Atque ex his conſtat, ſæpe modum excedere oblectationes, quibus Chriſtiani recreantur in Muſicis cantilenis, fidibuſque numeroſe ſonantibus.

PROPOSITIO II. Oportet, ut Chriſtianus gravem, & honeſtum cantum, vel ſonum amet; aſpernetur autem mollem, inverecundum, & illiberalem.

Neque enim damnamus ſæcra Cantica in Eccleſiis, vel uſum Organorum, in quæ ſolent Novatores, contemptoresque ſacrilegi Eccleſiaſticorum rituum contumelioſa verba profundere. I. Commendat iſtorum uſum Sacrum antiqui fœderis volumen. Moſes Domino cecinit, & cantavit, idemque præſtitit Maria, Exodi xv. Canendum ſuper holocauſtis, & pacificis victimis, præcipitur cap. x. Num. 10. A Salomone parata pro Sanctuario Muſicalia instrumenta narrat caput x. tertii Regum. Numerum Cantorum habes apud Eſdram lib. 7. cap. 11. 65. Neque in veteri teſtamento tantum; lætandum eſſe pſalmis, & hymnis ſpiritualibus, docet Apoſtolus ad Ephēſios v. 19. ad Coloſſ. iii. 16. Conſentiant Patres: Tertullianus in Apologetico, *Quiſquis de Scripturis ſanctis, inquit, vel de proprio ingenio poteſt, provocatur in medium Deo canere*. S. Pater Auguſtinus lib. 1x. Conf. cap. x11. ait, *Pſalterium arripuit Evodius, & cantare cepit pſalmum, cui reſpondebamus omnis domus*. Ambroſius, & Gregorius etiam cantus rudimenta Clericis tradiderunt. II. At cantus non diſpicet hæreticis omnibus: nolunt in Eccleſiis pulſari organa. Attamen hæc etiam ſacri

libri, traditio, eademque ratio defendit. Legimus enim 2. Paralip. xxxiv. 12. fuisse Levitas, *scientes organis canere*, & Psalmista ait Ps. cl. 5. *Laudate eum in cordis, & organo*. Traditionem in his, quæ ad ritus, & disciplinam pertinent, necessum non est explorare; cum possit Ecclesia instituere quicquid ad pietatem excitandam loco, ac tempori videt magis congruere. Legi tamen in Thesauro Martene Tom. 3. p. 488. Chronicon Sancti Bertini scribentis Constantinum Imperatorem Leonis filium anno 758. misisse Pupino encæniam quædam, & Organum unum. Non nego veteres Christianos frequenter cecinisse absque instrumentis, sive, ut scribit Auctor QQ. ad Orthod. Resp. cv. 11. *affa voce*. Sed non omnia, quæ ad templi ornatum, & Sacrificiorum decorem conferunt, habere potuerunt antiquiores Christiani. Fallitur autem Calvinus dicens, organa reponenda inter ritus legis Mosæicæ abrogatos: nam organa non sunt figuræ quædam futurorum post consummationem abjiciendæ: sunt, quomodo hymnorum cantus, spiritalis lætitiæ causa; nec adinventæ a Mose, sed persistente lege, naturæ a Jubal, Gen. iv. 21. Similiter sacræ vestes, candelæ, incensum, & alia a Romanis Clericis usurpata, cum excitent devotionem in populo, & distinguant sacra ministeria a profanis, perperam ab impiis subsannatoribus irridentur. III. Idcirco fateor modulationes a devotione amoventes, aut theatricarum cantionum numeris conformatas a Templis eliminandas Christianorum, ne videantur hi minus sapere Plutarcho, Platone, & Lacedæmoniis, de quibus prop. præced. n. 3. necnon Decemviris, quorum lex erat in Tabulis: *Popularem lætitiâ in cantu, & fidibus moderant, eamque cum Divum honore jungunt*. Laconicis demum, quos in festivitatis adhibuisse cantum simplicem, & gravem, liquet ex libro Ubbonis de Laconum Republica. Devotionis autem incitamento addimus sacrorum hymnorum, psalmodiarumque castissimam venustatem; quam violare non debent cantores scenici, ne de Ecclesiæ Canticis sit repetendum, quod de Officiis impuris cantoribus, unde nomen obscenitatis deductum, quoniam eodem modulamine canebant sacra, arbitror dictum a Juvenali Sat. 111.

Et divina Opici rodebant carmina mures.

IV. Præter sacra, honesta Cantica dummodo cum sobrietate temperantur, arbitror permittenda. Tympanistras enim virgines, & Citharæstos sæpe divinæ literæ laudant. Content & rustici culturæ agrorum intenti. Vocem molæ, idest, puellarum molam torquentium memorat Jeremias cap. xxv. 10. quale censet Grotius canticum illud:

Mola, tu molito, molito:

Facit & Pittacus isurâ

Magna dominator Mylena.

V. A canulenis autem amatoriis, tanquam a veneficio, & peste animorum

morum caveto. Ait enim Ambroſius in 1. de Officiis cap. xvi11: *In ipſo canendi genere prima diſciplina verecundia eſt.* Et Auguſtinus de x. Chordis cap. 1v. *Quare ambulemus delectati vanis cautiſis, nulli rei profuturis, ad tempus dulcibus, in poſterum amaris? Taliſus enim turpitudinibus cantionum animi humani illeſi enervantur, & decidunt a virtute deſluentes in turpitudinem, & propter ipſas turpitudines poſtea ſentiunt dolores, & cum magna amaritudine digerunt, quod cum dulcedine temporali biberant.* Verum in eundem ſcopum collineant mox dicenda de Carminibus Poetarum.

PROPOSITIO III. Chriſtiani prohibentur figmenta legere poetarum. Habetur cap. *Ideo prohibetur*, diſt. xxxv11. & ratio ibidem redditur: *quia per oblectamenta inanium fabularum mentem excitant ad incentiva libidinum.* Deſumptus eſt Canon ex lib. 3. Sent. Iſidori de ſummo Bono cap. x111. Perſtringit fabulas Poetarum S. P. Auguſtinus in Epist. ad Memorium, lib. 2. de Civit. Dei cap. x1v., alibi. *Demonum cibum* appellabat Hieronymus. Inter Regulas damnandorum, librorum ad calcem Tridentini, habetur conſequens: *Libri, qui res luſivas, ſeu obſcenas ex profeſſo tractant, narrant, aut docent, omnino prohibentur, &c.* Et jure, meritoque; cum enim corruptant bonos mores colloquia mala; nil poteſt illos magis inquinare, quam cantus, & carmen obſcenum, quoniam & hæc colloquia mala ſunt, atque ſermonis venere, numeris, fabulis, verbiſque flexanimis aures artificio, veneficioque demulcent. Atque idem aſſerendum eſt de fabulis ſoluta oratione conſcriptis, & extra pudoris limites divagantibus.

C A P U T VI.

*De ludis, in quibus homines delectationis
cauſa exercentur.*

JAM vero dicam de ludis, quorum nomine non ſcholam ſignifico, unde appellatur præceptor cum Iſocrate, & Epicuri patre Ludi magiſter, ſed de iis, quos Tullius dixit ludos luſionis, ſcribens ad Q. Fr. *Ducebam Ciceronem meum in ludum diſcendi, non luſionis.*

PROPOSITIO I. Ludere permittantur pueri communibus, & perantiquis luſionibus, quæ innoxie ſunt, & ab adultis ratione ipſa ſuadente rejiciuntur.

Sunt hi ludi. I. Trochus, & bombex: cujus generis duo ex Magno Baſilio Orat. 5., Platone lib. 4. de legibus, & Ovidio 2. Trist., etiam antiquitus extiterunt: trochi ſcilicet, qui ſcutica agitantur, & qui cuſpidem habentes loro ejeſti circumvolvuntur: atque iſtud ludi genus dixere latini, *trochum agitare*, aut, *buxum torquere*. II. Muſca

ſca ænea, quo ludo puer clauſis oculis circumambulat, donec aliquem manu apprehendat; ſic luſio diſta, quod apud Græcos puer ille olim dixerit, *χέλαια μὲν ἀνέστη, Αἰνέαν μίſſεον* *venabor*; ceteri reſponderent, *ἀλλ' ἢ λῆξαι, venaberis, ſed non capies*. III. Ludus diſtus Pentaltha, ideſt, quinque ſapillorum, de quo Pollux lib. 1x. cap. 7. ſcribit, ſapillos aut calculos furſum propelli, & cadentes recipi vola converſæ manus ſuperiori. IV. Accedit quem vocant Græci Artiazein, dum in talorum multitudine jubetur puer divinare numerum, aut par, vel impar: de quo ludo Pollux ibidem, Suetonius in Auguſto, & Venuſinus Poeta lib. 2. Sat. 111.

Ludere par, impar, equitare in arundine longa.

Reliquas puerilium ludorum ſpecies tradit ſingulari libro Meurſius. Fortaſſis præter modum, hæc perpauca exempla propoſuiſſe.

PROPOſITIO II. Permitti poteſt Adoleſcentibus ludus latrunculorum.

Latrunculorum ludum appello, quod Itali dicimus Scaccia, vel Scacchos, appellabant autem antiqui Græci *ζατρίκιον*; quamquam nonnulli putant inter latrunculos, Scaccia, & zatricion aliquid intereſſe diſcriminis. At referebant hi omnes ludi belli imaginem, ut obſervarunt Meurſius, Daniel Souterius, Dempſterus, alii. Hoc ludi genus innoxium ſcribunt Panormitanus, Navarꝛus, & complures laudati a Cl. Ordinis Scriptore Angelo Rocca in Commentario contra ludum Alearum. Probant omnes licitam hanc luſionem, propterea quod non ſorte aliqua conſiſtit, ſed ingenio. Præter iſtos viros illuſtres non probarunt ſolum, verum & celebrarunt ludum huiusmodi carmina Poetæ, ac Theologi percelebris Hieronymi Vida Epifcopi Albenſis. Inter ejus Poemata extat Scaccheides, cujus initium eſt:

Ludimus effigiem belli, ſimulataque veris

Prælia, buxo acies fœctas, & ludicra regna:

Ut gemini inter ſe reges, albuſque, nigerque

Pro laude oppoſiti certant bicoloribus armis.

Verum tamen eſt, S. Petrum Damianum Epifc. x. libri 1. ludum latrunculorum reprehendere non minns, ac alearum. At, quomodo animadvertit laudatus Angelus Rocca, ſcribit Damianus ad Epifcopum, qui nimia frequentia, & coram ſæcularibus tempus latrunculis ludendo tenebat. Tenendus eſt autem etiam in oblectamentiſſimo modo; pluraque exerceri poſſunt ab adoleſcentibus, quæ non decent Epifcopum. Poſteſt etiam loci, & perſonæ conditio honeſtatem ludi vitare: neque enim in ludo latrunculorum laudanda eſt ars, quam puellæ tradidit Ovidius in 111.

Cautaque non ſtulte latronum prælia ludat.

Unus cum gemino diſcolor hoſte perit.

PROPOſITIO III. Ludus alearum, tanquam omnis nequitie ſeminarium, eliminandus, & abjiciendus omnino eſt.

Di-

Dicitur Alea non ſolum ludere depiſtis chartis, verum & quolibet ludo, in quo rationi conſilioque prævalet caſus, & temeritas: ſive chartis ludatur, ſive taxillis. Hujus autem ludi pravitatem Ethnici ipſi, Patres, Leges, Canones, & manifeſta ratio commonſtrant. I. Commemoravi Gentiles ipſos Scriptores; nec immerito. Etenim inter Latinos Cicero 2. Philipp. Antonium appellat hominem nequiſſimum, quod non dubitaret, vel in foro alea ludere. Suetonius in Auguſto ſcribit, juvenem infamia notatum, quod luſiſſet alea. Seneca eam ſententiam protulit: *Aleator quanto in arte melior eſt, tanto eſt nequior*. Horatius lib. 111. Od. 24. ait, *Vetita legibus alea*: & Ovidius 2. Trift.

Sunt aliæ ſcriptæ, quibus alea luditur, artes:

Hæc eſt ad veſtros non leve crimen avos.

Ex Græcis autem, legimus apud Laertium lib. 3. a Platone graviter caſum adoleſcentem, quod alea luſiſſet. Chilus a Spartanis miſſus Corinthum, ut una jungeret fœdera, videns ibidem nonnullos ludentes alea, *Absit*, inquit, *ut Spartani eam Aleatoribus ineant ſocietatem*. Ariſtoteles ajebat, tam aleatorem, quam furem eſſe illiberales, & turpis lucri ſectatores. Xenophon aleæ luſum dicebat deceptricem dominam voluptatem. Plura de his Angelus Rocca, & Daniel Souterius.

At veniamus ad Patres: Clemens Alexand. lib. 3. Ped. cap. 2. ait: *Inconſideratum luxuria amorem otioſiſ iſtlib. ec aleæ oblectamina ſuppeditare, deſidiamque in cauſſa eſſe*. S. Cyprianus, aut alius antiquus Scriptoꝝ de Aleatoribus inter Cypriani Opera: *Alea tabulam dico, ubi Diabolus præſto eſt, ad capiendum ſummiſſus, & cum cæperit de capivo triumphum, perfidia, falſa teſtimonia. Tabulam aleæ dico, ubi dementia, & furia, & venale perjurium, & colloquium ſerpentinum: Illic rabioſa amicitia, illic atrociffimi ſceleris fraternitas diſcordans, illic convicia, & audacia ſæva, & mens inſana, & fera impatientia. Alea tabulam dico, ubi poſſeſſionum amiſſio, & pecuniarum ingentium perditio, monſtrum, & demonſtrans litigioſum furax dementia. Appellat idem Auſtor Aleatores crudeles, truces, noxios, inſomnes, armigeros. Chryſoſtomus hom. xxxiii. in Ev. Joan. Quis enim Aleatorum (inquit) aliquod Chriſtiano dignum opus aggreditur? Et Iſid. lib. xviii. Orig. cap. 67. Ab hac arte fraus & mendacium nunquam abeſt, poſtremo & odium, & damna rerum.*

Quantæ autem leges in Aleatores latæ ſunt! Prohibuerunt ludum aleæ Ferdinandus Rex Aragoniæ, Philippus Adeodatus Rex Galliarum, Jacobus I. Rex Magnæ Britanniæ, S. Ludovicus, Henricus III. Carolus VII. Reges Franciæ: quorum omnium, aliorumque Principum adverſus Aleatores Statuta aſſert citato libro Souterius. Producimur nos tantummodo legem Juſtinianeam, *Commodis ſubjeſtorum proſpicientes hac lege decernimus, ut nulli liceat in publicis vel privatis*

tis domibus, vel locis alea ludere: i. 3. tit. 43. Cod., & Ulpianus docet juxta leges non dari judicium, si quis verberaverit, aut damnum attulerit ei, apud quem habetur ludus aleæ, D. tit. v. de Aleatoribus L. Prætor. Consentiant leges Canonice, cap. Inter dilectos, de Excessu Prælatorum, & c. 8. dist. 35. canon. L. Synodi vi., Concilii Lateranensis sub Innoc. III. caput xv. Concilium Mediolanense sub D. Carolo, & Aquilejense celebratum regnante Clemente VIII. Sed hos Canones accurate collegit Angelus Rocca, quem videas.

Rationem experimento comprobata jam teneto. Nemo quantumvis flagitiosissimus universum decalogum frangit, quemadmodum Aleator. Is Deo cultum denegare convincitur ab erudito Scriptore inter Opera Cypriani, de quo paullo supra; quoniam diabolus, *cum olim se in statunculis & finalacris formaret, aliud crimen adinvenit, quo se ab imitatoribus suis colendum, & sibi sacrificandum instituit.* In Divos vero quantum Aleatores irreverentes sint, cum quotidianum experimentum evincit, tum series mirabilium eventuum, quæ sub finem laudati Operis enarrat Rocca. Divinum nomen contemnere qui ludunt aleam, dum *insaniunt, & ferocissimis vocibus pejerant*, res est in propatulo; nec male de Aleatoribus quidam apud Souterium,

Vulnera per Christi jurant, per numina Patris:

Omnes per divos, omnia perque sacra.

Quantum vero præcepta secundæ tabulæ transgrediantur Aleatores, testatur ipsemet Auctor inter Opera S. Martyris Cypriani, scribens: *Invicem sibi manus inferunt, maledicunt, se devovunt, parentum originem turbis præsentibus debonorant.* Et ibidem: *Hic concrepat aleæ sonus, illic silentio operatur incestus, &c.* Etiam Livius scripsit lib. xlv. *Ludentes aleam esse in venerem proniores.* Haud male ergo appellavi aleam seminarium omnis nequitæ: & cum plura adversus Aleatores scripserim, majora tamen prætermitto legenda apud Scriptores nuper laudatos, aliosque, Jurisconsultos, Concionatores, atque Theologos.

C A P U T VII.

De bastiludio, & feroculum Animalium venatu.

ET cum sint aliqui ita a natura, & ingenio comparati, ut oblectentur ludis interdum cruentis, cujusmodi est torneamentum, vel Trojæ lusus, aut quælibet decursio ludicra, necnon venatione immaniorum bestiarum, & furentibus in circo tauris, operæ pretium erit hæc quoque oblectamina vellicari.

PROPOSITIO I. Christianis decursio ludicra, vel agmen Troicum prohibetur.

De

De iis loquor, quæ ſerio animo ad vires oſtentandas cum magna animi audacia peraguntur. Vetari enim conſtat a Concilio Lateranenſi ſub Alexandro III. cap. 20. & hab. cap. *Feliciſ memoria*, Extra, de Torneam: *Deſteſtabiles illas nudinas, vel ſeriat, quas vulgo torneamenta vocant, in quibus milites ex condiclio convenire ſolent, & ad oſtentionem virium ſuarum & audacia temere congregiuntur, unde mortes hominum & animarum ſape proveniunt, fieri prohibemus, &c.* Privandi ibidem dicuntur Eccleſiaſtica ſepultura, qui in huiusmodi congreſſione occumbunt, tametiã ante mortem pœnitentiam poſcant, eamque obtineant: quod confirmat proximum cap. *Ad audientiam* depromptum ex Romana Synodo ſub Innoc. II. nec non Remenſe Concilium canone x. Item Clem. V. in Conc. Viennenſi huiusmodi decurſiones prohibuit ſub excommunicatione Sedi Apoſtolicæ reſervata, & ſub interminatione generalis interdicti: quas tamen cenſuras revocavit Joan. XXII. Extrav. unica de Torneamentis. Accedit ratio; quandoquidem inſanientis eſt ludere cum vitæ periculo: & ludus omnis ut inculpatuſ ſit, oportet. Neque vitatur periculum ſi milites congregiantur cum haſtis ligneis: ut comprobat miſerabilis caſus Henrici II. Regis Galliarum. Quamobrem requiri arbitramur etiam in ludo Piſanorum, quem Pontis appellitant, aliquod moderati animi temperamentum. Pertur Selimi Turcarum Regis frater cum ludicraſ haſ decurſiones ſpectaſſet, dixiſſe, parum ſibi videri, ſi Trojæ luſus fiat ſerio: ſi joco, nimium. Vide Gonzalez ad Tit. xii. lib. v. Decretalium. Prætermittendum non eſt, exhiberi hiſ ſpectaculiſ imaginem quamdam veterum Gladiatorum: qui, ut Iſidoruſ ait lib. xviii. Orig. cap. 53. ſic atroci perfeverantia inibant pugnam, ut alter in alteriuſ mortem proſiliret. Hanc vero monomachiam ſpectare, nobiſ interdiciuſ doceant antiqui Patreſ, & præſertim Theophiluſ Epicoꝝp Antiochenuſ apud Baroniuſ ad annuſ cxx. n. 30. Dicuntur habuiſſe originem ab excidio Trojæ, in cujuſ memoriam Aſcaniuſ inſtituerit hoſ luduſ, ut innuit Virgiliuſ in v. Aen.

Hunc morem, hoſ curſuſ, atque hæ certamina primuſ

Aſcaniuſ longam muris eum cingeret Albam

Retulit, & priſcoſ docuit celebrare Latinoſ.

Ac propterea dicitur Trojanuſ agmen, & torneamentuſ; non, ut vulgariſ fert opinio, a græco *δωρεα*, quod eſt *circuire*. Nec oppoſitaſ permiſſiſ certamina, quæ virtutiſ cauſſa ſunt, ut habetur L. Unica, Cod. de Glad. l. 12. Id enim nullatenuſ tenet, ubicunq; aliquod occurrit periculuſ.

Ad hunc ſere moduſ ſe habet congreſſio Senenſiuſ pugniſ certantium, ubi tamen minuſ occurrit periculuſ, ideoque & levior noxa: maxime quod bene morati ſunt juveneſ congregienteſ, imbuti optimiſ diſciplinis, & præ ceteriſ Italiſ honeſtatiſ, literaruſque cultoreſ.

T. IV.

D d d

tores.

tores. Quos pugno contententes pingere videtur Plautus in Bacchi-
de Aët. 3. sc. 111.

*Ibi cursu, luctando, basta, disco, pugilatu, pila,
Saliendo se se exercebant magis, quam scorto, & suaviis.
Ibi suam aetatem extendebant, non in latebrosis locis.
Inde de bypodromo, & palestra ubi revenisses domum,
Cinticulo praeinctus in sella apud magistrum affideves:
Cum librum legeres, si unam peccavisses syllabam,
Ficeret corium tunc maculosum, quam est nutricis pallium.*

PROPOSITIO II. Detestanda prae ceteris sunt ea spectacula, in
quibus tauri & ferae agitantur in circo, maxime si cum illis homines
congradiantur.

Sub Ecclesiasticis enim censuris a summis Pontificibus Pio V.
Gregorio XIII. & Clemente VIII. fuisse damnata, nec non reprehendun-
tur a Patribus, & a profanis quoque Scriptoribus. I. Bulla S. Pii, quae
incipit, *De salute Gregis, Considerantes* (inquit) *haec spectacula, ubi*
tauri, & ferae in circo vel foro agitantur, a pietate & caritate chris-
tiana aliena esse, ac volentes haec cruenta turpiaque demonum, & non
hominum spectacula abolere; sub excommunicationis, & anathematis
pœna ipso facto incurrendis prohibemus & interdiciamus. Privatur Ec-
clesiastica sepultura quisquis ibidem mortuus fuerit, & Clerici prohibe-
bentur sub excommunicationis pœna iisdem spectaculis interesse. Ha-
bent similia aliorum Pontificum Constitutiones. II. Athenagoras in
Apologia pro Christianis ait: *Sed nos existimamus cernere eadem affi-*
ne esse homicidio, prohibentes gladiatoria munera, venationes, & hu-
jusmodi spectacula. Legantur etiam Lactantius lib. vi. divin. Instit.
cap. 2. Ambrosius serm. viii. in Psalmum 118. Salvianus lib. 6. &c.
III. Ipsemet Cicero libro viii. Epist. Ep. 1. *Qua potest esse, inquit,*
homini politico delectatio, cum homo imbecillus a valentissima bestia la-
niatur? Bulengerus in libro, quem inscripsit de Venatione Circi, de-
monstrat ideo hanc fuisse institutam, ut homines Manibus litarent, &
civium animos ad cædes assuefacerent. At plura de hoc argumento hi-
storiarum Romanarum Pater Onuphrius noster Panvinus in Opere de
Ludis Circensibus, & in Notis ad Panvinium Joannes Argolus.

Ferarum tamen inter se congressio, dummodo nulla hominum
cædes impendeat, neque spectatores sint Clerici, tali careant immani-
tate. Hujusmodi sunt, quæ describit lib. 1. sive de Spectaculis Mar-
tialis, & Ovidius xi. Metamorph. ut pugna cervorum cum canibus,
tauri cum leone, rhinocerotis cum urso, aquilæ cum tauro. De
tali congressione ait Prudentius prope finem lib. 2. in Symmachum,

*Nam solis contenta feris infamis Arena
Nulla cruentatis homicidia ludat in armis.*

PROPOSITIO III. Venatio sylvatica solet conjungi cum violatione
festi-

festorum, ideoque non recte omnino exercetur festis diebus aucupium, ferarumque captatio.

Liquet propositio I. ex his, quæ diximus cap. IV. prop. 3. & in Expositione III. Præcepti Decalogi cap. VIII. de Legibus. Non enim vacandum est ad nugas, & oblectamenta, sed ut reddamus Domino censum servitutis. II. Nulla apparet in venatione necessitas, nullaquo excusatio, ob quam permittatur in die festo; quemadmodum apparet in testamentis, & venditione rerum, quæ aut ad illius diei victum sunt necessariæ, aut pro ægrotis parantur, & eapropter non sunt in festis prohibitæ. At venationis, cui dantes operam vix sacro interfunt, & integra die, cum robustiores sint, ac liberi, recedunt sponte ab omni Ecclesiæ supplicatione, quænam vel minima excusans causa potest proferri? III. Expresse etiam, ne diebus festis exerceatur venatio, præscribunt Concilium Meldense cap. LXXV. Caroli Magni Capitula, cap. XXII. alique canones, de quibus pertractantes cumulatius de morali Theologia. IV. Benigniores Theologi, qui aucupium probaverunt in festo, non denegant saltem prohiberi venationem, in qua deferantur casses, caduntur rami arborum, & similia sunt servitutis officia; quæ perraro contingit a venatoribus prætermitti.

C A P U T VIII.

*De immoderato sumptu circa vestes, corporisque
ornamenta.*

AT quoniam permulti omnem curam studiumque ponunt in cultu corporis, & cum spernant voluptates reliquas, mirifice delectantur apparatu, & luxu vestimentorum, in his præsens disquisitio versabitur.

PROPOSITIO I. Summopere detestandus est vigens in præsentia vestimentorum cultus immodicus.

Quippe parum distat præsens luxus a veteri Romanorum, quem ipsi profani scriptores ac Patres tam vehementi reprehensione persecuti sunt, nisi forte quod antiqui luxus nutrimentum erat copia divitiarum & reipublicæ amplitudo, nunc illum fovet intemperantia, licentia, & cum sordida paupertate libido. Etenim utuntur & nunc mulieres, & effeminati viri vestibus pressorio nitentibus, quas in veteribus damnat lib. 28. Ammianus, apud Meursium de luxu Romanorum: nec deponunt conchyliæ & purpuras, quibus, ut scribit Plinius lib. IX. cap. 35. eadem mater luxuria paria pene etiam margaritis pretia fecit. In usu sunt & antiquorum lacernæ, vel penulæ, si non spectata forma vestimentorum, quam multivola luxuria permutat, immoderatis profecto

D d d d 2

sum-

sumptibus, ita ut illud Martialis cum admiratione sit repetendum: *Emit lacernas millibus decem Bassus*. Gerunt auribus feminae, quemadmodum Seneca aiebat de Beata vita cap. 17., *Locupletis domus censum*. Atque insiunt uno filo unionum, auctore Hieronymo in vita Pauli Eremitarum patris, *villarum pretia*. Etiam in peronibus, ut phrasi utar Tertulliani de Hab. mulierum, uniones emergunt de luto. Quid plura? Non in unam fœminarum quadrat præclara Propertii lib. 3. sententia:

Mistrona incedit census induta nepotum.

Igitur adversus tantam vestimentorum licentiam, producimus primo sententiam gravissimam Apostolorum. Nam horum princeps beatissimus Petrus Epistolæ prioris cap. 111. v. 3: *Quarum* (ait de fœminis) *non sit extrinsecus capillatura, aut circumdatio auri, aut indumenti vestimentorum cultus*. Capillaturam appellat Petrus flexum capillum, sive, ut loquitur Cicero, calamistratam comam, idest, crinem crispantem: cultum autem vestimentorum, mundum omnem, muiebrem. Et Paulus in 1. ad Timoth. cap. 11. v. 9: *Mulieres, inquit, in habitu sancto, cum verecundia, & sobrietate ornantes se*. Deinde plura adversus vestimentorum ornatus scripsere Patres, ac præfertim Tertullianus de Habitu mulierum, Cleinens Alexandrinus in libro Pedagogi secundo, & tertio: S: Cyprianus de habitu virginum, & D. Hieronymus in Epistola ad Lætam. Is etiam refert Prætextatam nobilissimam quondam fœminam ab Angelo reprehensam, & manibus arescentibus punitam, quod jubente viro Hymetio Eustochii virginis habitum, cultumque mutaverit. Sed hos Patres perlegas, maxime ad christianam plebem verba facturum. Tertio enim loco nonnulla promam ex profanis Scriptoris. Julius Cæsar apud Suetonium cap. 43. usum conchyliatæ vestis, & margaritarum nonnisi certis personis, & ætatibus concessit, ac vestem præscripsit cum forma, tum colore perhumilem. Docet Aristoteles in Oeconomicis, utendum veste, & reliquo apparatu minore etiam, quam liceat per leges. Pynthis Pythagorica inter præcepta data mulieribus hoc habet: *Auro aut smaragditi prorsus ne ornemini*. Ceteros vide apud Clementem Alex. loco citato. Addam 4. rationem theologicam, ac moralem, quod scilicet, *Cum omnes templum Dei simus illato in nos, & consecrato Spiritu Sancto, ejus templi ædificia, & antilista pudicitia est, quæ nihil immundum, vel profanum inferri sinat, ne Deus ille qui inhabitat inquinatam sedem offensus derelinquat*. Atque rationem hanc præclarissimam exscriptimus ex libro 2. Tertulliani Op. nuper laudati. Perplacet & quam tradit ep. cit. Hieronymus, docere ipsum habitum, cui promissa, & mancipata sit mulier. Accedit, omnes Christifideles in baptismo pompis solemniter abrenunciavisse. Nec prætermittenda est D. Bernardi ad Sophiam virginem exhortatio Ep. cx111. ubi demonstrat mu-

muliebrem ornatum aliquem habere decorem, ſed non præbere: talem veſtis dicendum eſſe, ſed non veſtiti: indignum eſſe virginem: chriſtianam formam a pellibus murium, & operibus vermium ſibi mutuari: mundum nudis exeuntibus vano deditis ornamento, iſtud retinere, eodem vano vanas ſimiliter alias ſeduciturum. Lege Epistolam illam elegantiffimam. Moral̃is autem ratio erit, quam innuit Sixtus V. Pontifex Maximus in Bulla emanata anno 1536. quæ incipit, *Cum in unaquaque bene, & recte inſtituta republica, &c.* Ubi oſtenditur ex immoderato circa indumenta ſumptu, familias imminuto patrimonio, & re familiari abſumpta ad paupertatem redigi, & plurima hinc damna, & pericula provenire, cum tamen ad univerſam republicam pertineat cives habere locupletes, ejuſque interſit, ne privati rebus ſuis male utantur. Quam Pontificis rationem comprobant, quæ ſupra recitavi ex Hieronymo, & Propertio, & quod ait Tertullianus lib. 1. de Cultu ſcæm. cap. 8. ab iis *de breviffimis loculis patrimonium grande proferri*. Mitto, quæ hinc emanant, graviffima incommoda a Theologis, & Concionatoribus enarrata, baſphemias maritorum, muliercularum cum matronis comparationem, mutuum ſcæminarum invidentiam, templorum ludibria, & pericula innumera pudicitix. Poſtremo prætermittendum non eſt exemplum tam mulierum ornatarum, quas nos divina Hiſtoria docet in flagitia fuiſſe, ut Dinæ, Herodiadis, & quas Ezechiel commemorat capite tertio, ac viceſimo; quam eorum, qui moderationis veſtium ſpecimen exhibuere: qualis inter viros fuit protoparens Adam animalium pellibus coopertus; inter ſcæminas vero Rebecca, de qua Paulinus Epithalamio ad Julianum:

Pulchra Rebecca ſacrum cum ſponſa veniret ad Iſac,

Simpliciter velo teſta pudoris erat.

Non legitur variis veniſſe ornata lapillis,

Sed ſuper obduſto prædita palliolo.

PROPOSITIO II. At conſuetudo mulierum, quæ faciem ceruſſa, rubore, & conſimili ſuco obliniunt, nequiſſimi flagitii complectitur turpitudinem.

Adverſus hanc ſcæminarum infaniam legendus Clemens Alexandrinus in tertio Pedagogo: ubi illam commaculandi acceptam a creatore formam, muliebrem conſuetudinem belle delineans ait: *Supercilio ſlava habes aliqua? Depingit fuligine. Alicui, ut ea nigra ſint, contingit? Tollis ceruſſa nigrorem. Sunt alicui nimis alba? Unguento ei rei factò dedit alborem, &c.* S. autem Cyprianus de habitu virginum morem illum diabolicum ſequentibus argumentis perſtringit. I. Demonſtrat demones ut Dei imaginem ſummo ludibrio poſſent afficere, docuiſſe oculos circumducto nigrore fucare, & genas mendacio ruboris inficere, & mutare adulterinis coloribus erines, & expugnare omnem oris, & capitis veritatem. II. Docet non virgines tantum,

tum, aut viduas, sed & nuptas, atque omnes omnino fœminas admonendas, *Quod opus Dei, & factura ejus, & plastica adulterari nullo modo debeat, adbibito flavo colore, vel nigro pulvere, vel rubore, aut quolibet denique lineamenta nativa corrumpente medicamine.* III. Probat exemplo artificis, cui gravem afferret injuriam quicquid, posteaquam ille vultum alicujus, speciemque pictam formavit, colorem obduceret signato jam, consummatoque simulacro; atque similiter manus Deo inferunt, qui id, quod ille formavit, reformare, & transfigurare contendunt, nescientes quia opus Dei est omne, quod nascitur, & Diaboli quodcumque mutatur. Quam postremam rationem tangit quoque cap. 6. de cultu fœminarum Tertullianus scribens: *In Deum delinquant, quæ cutem medicaminibus ungunt: genas rubore maculant: oculos fuligine colliniunt: displicet illis nimirum plastica Dei: in ipsis redarguunt, reprehendunt artificem omnium.* Quod & reprehendit S. Paulinus commemorato ad Julianum Epithalamio, scribens:

Non fucis male ficta cutem, neque lamina nigro

Pulvere, nec flavo tincta colore comam.

Parum natura decus aspernata superbo

Crimine divinum in se sibi damnat opus.

Frustra hæc se mulier jactaverit esse pudicam,

Quæ se tam variis ornat adulteriis.

Igitur tam prava fœminarum consuetudo nequit a gravi culpa excusari: cumque in omni compta, nuptaque sit detestabilis, habet in virgine improbæ temeritatis audaciam: & merito Hieronymus ita Lætam, compellat: *Cave, ne cerussa, & purpurisso consecrata Christo ora depingas.* At vêtulæ, quarum nonnullæ in his flagitiis operam quandoque perdunt, ad memoriam nostram revocant festivissimum illud Plautinum in Mostellaria:

Nam isthæc veteres, quæ se unguentis unctitant,

Interpoles vêtula edentula, quæ vitia corporis fūco occultant,

Ubi sese sudor cum unguentis consociavit, illico

Ididem olent, quasi cum una multa jura confundit coquant.

PROPOSITIO III. In cultu vestium maxima præferenda est moderatio.

Servandum id præsertim a Clericis. I. Ex præscripto Canonum; nam 27. Trullanus ait: *Nullus eorum, qui in Cleri casalogum relati sunt, vestem sibi non convenientem induat: & Synodus Aquisgranensis apud Christianum Lupum in Scholio ad Canonem mox laudatum: Inter utrumque (ait de humili, & ornata veste) virtus discretionis moderatissime tenenda est.* II. Ex sententia Patrum, inter quos Hieronymus scribens de Clericis qui mollia induunt in Epistola ad Eustochium ait: *Tules cum videris, sponso magis existimato, quam Clerico.*

III. Exem-

III. Exemplo ſanctiſſimi Patris Auguſtini: de cujus indumentis ſcribit in ejus vita Poſſidius: *Ex moderato, & competenti habitu erant, nec nitida nimium, nec abiecta plurimum, quia iis plerique vel jaſtare ſeſe inſolenter homines ſolent, vel abjicere.* Ubi animadvertit rationem productam hoc loco a Poſſidio nec latuiſſe Ariſtotelem ſcribentem lib. iv. Eth. cap. 7. exceſſum pariter, ac defectum in veſtimentis Lacedemoniorum arrogantiae ſpecimen habuiſſe. Quod dictum volo generaliter: quibus enim placere rudis habitus, cilicium, & faccus, ſpeciali ducti ſunt ſpiritu humilitatis, ac poenitentiae. Pro mulieribus autem tenenda eſt regula Auguſtini in Epiſtola 199. nunc 262. ad Ecdiciam num. 9. *Qua vel ad inavum pompam, vel ad illecebram forma adhiberi ſolent, merito reprehenſa ſunt: ſed eſt quidam pro modulo perſona habitus matronalis a viduoli veſte diſtinctus, qui poſeſt fidelibus conjugatis ſalva religionis obſervantia convenire.* Legendum etiam documentum Franciſci Saleſii ad Philotheam P. 3. cap. xxv. Placeat nobis haec veſtimentorum moderatio ob vitae honeſtatem, non vero ob pervulgatum, lepidumque proloquium;

*Vir bene veſtitus, pro veſtibus eſſe peritus
Credetur a mille, quamvis idiota ſit ille.
Si careas veſte, nec ſis veſtitus boneſte,
Nullus eſt laudis, quamvis ſcis omne quod audis.*

Nos quippe neque tangit veſtimentorum amor immodicus, neque inanis gloriae, aut popularis exiſtimationis cupido.

CAPUT ULTIMUM.

De celebritate conviviorum, atque intempeſtivis compoſitionibus.

SUNT denique permulti, quorum oblectatio eſt opipare parare convivia, cenophora delibare, & gelidas calidasque ſorbere potiones: ad quos dirigere congruum eſt partem huiusce libri poſtremam.

PROPOSITIO I. Splendidus conviviorum apparatus nonniſi a luxu corruptae Gentilitatis emanavit.

Et quidem non ſolum divina hiſtoria nos docet, quanta abſtinentia ante diluvium Noeticum ad annos plurimos vitam antiqui Patres protraxerint, verum etiam parce admodum ſeſe Gentes reliquas aluiſſe, ipſarum prodidere Scriptores. Nam Servius in primum Aeneidos ſcribit, quod tantum in atrio & duobus ferculis epulabantur antiqui: farre ſolo, ac pulte uſi ſunt primi Romanae urbis habitatores; & ſibi manu ſua paraſſe cibos, ſcribit Seneca de Conſolatione cap. 1x. Hinc de Curio ait Juvenalis xi. Sat.

par-

*parvo quæ legerat horto
Ipse focis brevibus ponebat oluscula, quæ nunc
Squalidus in magna possidet compede fossor.*

At posteaquam Romanorum luxur confregit temperantiæ repagula, modum excessit etiam epularis accubitus. Nam Suetonius refert Julium Cæsarem ad mensam in aureo lecto decubuisse: argenteos legimus posuisse Heliogabulum: eburneos ac testudineos magni Principes habuere. Imperator Claudius scyphum aureum adhibuit, Lucius Crassus cælaturæ artificis manu, crystallinum immensi pretii Cæcilius Agricola. Miræ tenuitatis amphoras in templo Capitolino legimus consecratas. Accessit luxur in mensarum ministris: nam Dionysius Tyrannus, ut ait Tullius in Tusculanis, eximia forma pueros delectos iussit consistere, eosque ad nutum illius intuentes diligenter ministrare. Virgilius pariter de convivio Didonis ait interfuisse magnam puerorum copiam, *Qui Dapibus mensas onerent, & pocula ponant.* Nec defuit delectus luxurque ciborum, quem Seneca admirans exclamavit: *Dii boni, quantum anius venter deglutit!* nec male Musonius: *Cui majore studio, quam agricola parantur, & convivia quidem apparant, in quibus agrorum pretia consumunt.* Quæ omnia si florente Romanorum potentia, divitiarum eopia, cultuque superbo ipsorum profanorum Scriptorum confessione temperantiæ limites excessere, tolerari non debent in hoc rerum statu, & maxime inter fideles: sed ornent magnifice ac splendide convivia illi, de quibus Libro x. cecinit Lucanus:

*Insudere epulas auro; quod terra, quod aer,
Quod pelagus, Nilusque dedit, quod luxur inani
Ambitione furens toto quæsoit in orbe,
Non mandante fame multas volucresque, ferasque.*

Sed de convivorum luxu hæc pauca. Vide Tomi viii. Romanarum Antiq. postremas elucubraciones.

PROPOSITIO II. Inebriari vino scelus est nefarium, detestabile, atque turpissimum.

Quod demonstratur I. ex Scripturis. Legitur enim Prov. xx. i. *Luxuriosa res vinum, & tumultuosa ebrietas.* Is. v. 11. *Va qui consurgitis mane ad ebrietatem sectandam, & potandum usque ad vesperam, ut vino astutis.* Apostolus autem ad Rom. xiii. 13. monet, ne ambulemus in comessationibus, & ebrietatibus: & ad Eph. v. 18. *Nolite (inquit) inebriari vino, in quo est omnis luxuria.* Vide & primam ad Timotheum cap. iii. v. 8. atque priorem Petri cap. iv. v. 3. Effecta etiam ebrietas, ac portentosum incestum filiarum Lot profert liber Genesios cap. xix. 32. Fortuitam quoque ebrietatem Noe, qui primus omnium plantavit vineam, sanctissimi viri inquinasse modestiam, neque scandalo caruisse, liquet ex cap. viii. ejusdem libri.

v. 22.

v. 22. in quem locum ornatè Viſtor Maſſilienſis libro 111. Alethias :

*Forſe Noe Domini celebrat dum lætus honores
Indulgens epulis, & dulcia pocula libans,
Perſenſit vivos latices, ſomnoque gravante
Viſtus membra toro poſuit neglecta fideli:
Et revoluta ſimul veſtis ſecreta retexit
Corporis, ac riſum tibi, Cham deterlime, movit.*

II. Demonſtratur ex Patribus; quorum magno ex numero duos tantum producam, unum ex Græcis, Magnum Baſilium, qui adverſus ebrietatem ſcripſit celeberrimam Homiliam ordine XIV., alterum ex Latinis, ideſt, Doctorem maximum Auguſtinum. Et Baſilius quidem principio ſcribit: *Ebrietas demon eſt voluntarius, militia mater, virtutis inimica, fortem virum reddit ignavum, ex temperato facit laſcivum, juſtitiam ignorat, prudentiam extinguit.* Tum probat ebrium nequaquam a brutis diſſerre hoc ſingulari argumento: *Nonne rationis manere, quam a Deo omnium conditore accepiſti, reliqua creaturæ omnis factus es dominus, & imperator? Hoc igitur mentis lumine per ebrietatem qui ſe privat, jumentis inſipientibus comparatus eſt, & ſimilis factus eſt illis.* Poſthac demonſtrat ebrium eſſe brutis ipsis deteriorem, quod nullum animal, ut ebrius homo, ita viſu audituque debilitetur. *Nonne (inquit) ebrii familiariffimos interdum ignorant, alienis vero ſæpe ut domeſticis congregiuntur? An non umbras ſæpe numero tanquam ſuleos, & loca prærupta tranſiliunt?* Deinde recenſet damna quæ proveniunt ex ebrietate in ſpiritum, quorum præcipuum eſt voluptatis incontinentia omnis, quæ ex vini fonte originem vimque trahens præcepſit ruit ad omnem impuritatem, atque intemperantiam. Ulterius oſtendit quomodo ebriofi corrumpant ipſum habitum corporis, dum non ſolum abundantia voluptatum ad laſciviam inſunientium illos labefaciunt, & diſſolutos reddit; ſed & corpus tumidum, putridum, mucoſum; & vitali humore privatum circumferant. Ad hæc comparat ingenioſe ebrios idolorum ſimulacris, de quibus in Pf. cxxxiv. 16. legitur, *Oculos habent & non videbunt, aures habent & non audiunt, &c.* quoniam manus paralyſi affectas habent, pedes infirmos, atque emortuos. Addit perorationem elegantiffimam. Ex qua Baſilianæ orationis analyſi ſatis turpitudinem ebrietatis arbitror apparere. At Auguſtinus Latinorum nobiliſſimus in fine enarrationis in Pfalmum LIII. de Sanctis Martyribus inquit: *Modo eos ebriofi calceibus perſequuntur, quos tunc furioſi lapidibus perſequebantur, propter ebrietates, & commeaſiones in Sanctorum ſolemnitatibus.* In Pfalmum vero cIII. n. 14. exclamat: *Quid inſanius ebrio? quid plerumque iracundius?* Quantam demum diligentiam adhibuerit, ut ab Africanis nequitiam hanc maximam in ſacris præſertim diebus evele-

Tb. IV.

E c c c

ret

ret atque amoveret, constat ex illius Epistola xxii. n. 3. & ex xxxix. ad Alipium Episcopum Tagastensem. Ill. Haftenus dicta etiam rationes suppeditant. Commonstrant enim oriri ex vinolentia innumera incommoda, profanationem festorum, rixas, luxuriam, blasphemias, domesticorum perturbationes atque contemptum, dilapidationem bonorum, omnemque morum corruptelam: emanare inde corporis, sensuumque hebetudinem, ac tantam mentis conturbationem, ut in iii. de Rerum natura non male Lucretius:

*Denique cur hominem, cum vini vis penetravit
Acri, & in venas discessit diditus ardor:
Consequitur gravitas membrorum, præpediuntur
Crura vacillanti, tardefeit lingua, madet mens,
Nant oculi, clamor, singultus, jurgia gliscunt,
Et jam cetera de genere hoc quacunque sequuntur,
Cur ea sunt nisi quod vehemens violentia vini
Conturbare animam consuevit corpore in ipso?*

Vinitamen usum non damnamus; sed in comotationibus sequentia ex D. Paulo colligimus servanda esse temperamenta. Ac primum illud sit, quod scribit Apostolus in priori ad Timotheum, cap. v. 23. *Noli adhuc aquam bibere, sed modico vino utere propter stomachum tuum, & frequentes tuas infirmitates.* Utendum ergo vino, sed bene diluto, & modico, præsertim stomacho laborantibus. Nam ut scribit Justinus ad Zenam: *Aqua necessitatis est, vinum jucundi corporis gratia datum est.* Documentum alterum spectans ad Clericos habetur in eadem ad Timoth. Epistola, cap. iii. v. 8. *Diaconos similiter pudicos, non bilingues, non multo vino deditos, &c.* Quod attendentes Ecclesiastici Canones jubent ab officio, vel beneficio suspendi Clericos, qui in vinolentia se exhibuerint culpabiles, nisi a Superioribus communiti satisfecerint; ut habetur Cap. *A Crapula*, Extra, de Vita, & honest. Clericorum. Monitum tertium Apostolicum spectat ad Matronas, quas, ne sint *multo vino servientes*, hortatur, ac præcipit Paulus ad Titum cap. ii. 3. Legendum & præclarum exemplum S. Matris Monicæ lib. ix. Confess. Augustini cap. vii. n. 18.

PROPOSITIO III. Argumenta, quæ Cardinalis Franciscus Maria Brancacius, aliique viri docti producunt ad probandum, quod portione cocolatæ Ecclesiasticum non frangatur jejunium, non videntur frugi Theologo penitus satisfacere.

Est argumentorum illorum princeps, quod haustus cocolatæ portio sit, non cibus, atque potu forbeat. Est autem potus non per rarus, sed Americanis, atque Hispanorum pluribus familiaris, atque communis. At quod natura sua ad genera potionum pertinet, sive Americani, sive Itali forbeant, nequit alimentum inducere substantiam.

tiam . Atque hoc argumentum Brancacii a priori ſententia revocavit celebrem Hiſpanum Medicum Calderam , qui in Traſtatu , cui titulus *Tribunal Medico-magicum* , ſtatuerat cocolatis potu jejunium Eccleſiaſticum frangi . Sed huic argumento reſponderi poteſt cocolatam , etiamſi poculo exhauriatur , inter eſculenta , & quidem majoris ſubſtantię , connumerandam . Nam Stube Medicus Anglus experimento monſtravit plus unctuoſi , & nutrientis humoris elici ex una uncia Cacao , quam ex libra bovinę carnis , ideoque cocolatam ſolidum eſſe alimentum . Thomas Gage refert audiviſſe ſe a fide dignis Americanis , illic eos , qui plus cocolatis pocula forbent , fieri quadratos ac pingues . Atque rationem aſſert , quoniam licet cacao partes permultę ſint frigidę , ſunt tamen & alię permultę butyroſę ac nutrientes , atque hiſ calida alia ingredientia , cinnamomum præſertim , atque vaginula ſunt ad inſtar vehiculi , ut ad hepar , & viſcera diſcurrant , ibique in carnem & pinguedinem coaleſcant . Et quamvis e contra Brancacius ait non ſemel ſe fuiſſe expertum , quod poculum unius conſuetę potionis cocolatis vix ad ſeptem horas vires ſtomacho languenti ſuppeditat , unde inferſ falſum eſſe , quod duę cocolatis uncie plus dent nutrimenti , quam tres uncie carnis : communis tamen eſt Medicorum ſententia cocolatam optimum præbere nutrimentum , ut demonſtrat in Bibliotheca Pharmaceuticomedita Jacobus Mangetus . Et quilibet forte experiri poterit falſum eſſe allatum a Cardinali Brancacio experimentum , cum non ſemel uno cocolatę poculo iter agentes perfeverent uſque ad veſperam viribus validiſſimis : quamquam fateor eſſe , qui poſt ſeptem horas eſuriant , non ſolum exhausto poculo cocolata , ſed a prandio quoque , vel cœna . Porro cocolata , etiamſi forbeat , & ad poculenta quodammodo ſpectet , uti etiam lac , capique ſtillatus liquor , non ad extinguentiam ſitum , ſed ad vires reſcillandas exhauritur : ideoque exculenti rationem habet , non potio- nis ; aut ſi potionis , talis quidem , quę nutriat , atque ſuſtenter . At quod iniquiunt Americanis cocolatam potum eſſe commune , poteſt principio retorqueri . Si enim inter Americanos jejunium non frangit , quoniam ibi vulgaris eſt potio ; violabit proſecto jejunium apud Italos , quorum ſinguli tali luxuria non bibunt . Deinde reſpondet noſter Nicephorus Sebaſtus , qui de cocolatis potione diſſertatiunculam edidit , quod licet cocolata eamdem in America , & Italia habeat naturam , uſus tamen regionum debet attendi . Quippe & Gręci jejunium frangunt , ſi cętis feriis , & maxime majori hebdomada , non ſe abſtineant a vino , ac piſcibus ſanguine concretis : quod in conſuetudine non eſt apud Italos ; ac ſimile exemplum profer de reſectiuncula , quam appllellitant collationem . Melius tamen reſpondebis , ſi dixeris Americanos ſtomacho eſſe debiliores , & ſpectata regionum diverſitate

varias potiones, epulasque adhibendas. At de uuo argumento multa fatis: cetera jam breviter persequamur.

Probant ergo secundo loco jejunium cocolatâ non frangi, eo quod neque illud frangat vinum, neque cervisia, quamvis utrique insit vis nutritiva, & quidem tanta, ut olim ante certamina yina propinarentur athleticis, & aliqua ex Galeno æque nutriant, ac porcina caro. Nec cervisia inter esculenta censetur, tametsi ex frumento, hordeove paretur. At potest hæc argumentatio elidi primum negando cervisia vinoque jejunium non violari, cum oppositum ex ipsa vi nutrimenti demonstret in Thefisbus Lovanienfisbus cum magna eruditorum caterva Gummarius Huygens. Atque ut demus Brancacio hanc opinionem communiter esse explosam, si loquamur de vino aqua diluto, mensisque vulgaribus usitato, certa quidem est si sermo instituitur de vino meraciori, quale aut Galenus commemorat, aut propinabatur athleticis. Deinde sunt, qui negant habere vinum nutriendi vim, perse, cum non alat natura sua, sed efficiat duntaxat digestionem alimentorum. Insuper nemo dixerit nequaquam jejunium frangi vino, cui saccharum, cinnamomum, & aliquid esculenti permisceas. Occurrit Brancacius reponens ea permixtione accedere vino alendi vires robustiores; cum e contra pulvis cocolatis in aquam demersus vigore pristino destituatur. Sed fallitur fortasse. Enimvero cum cocolatæ massa partes habeat aliquas frigidas, sed permultas unctuosas, sulphureas, atque inflammabiles, quæ omnes cacao insunt, addantur præterea in cocolatis præparatione saccharum & cinnamomum; cocolates redactus in pulverem, & demersus in cocumam calida aqua, lingoque dentato iterum permixtus fit esculentum stomacho frigido percommodum; & particulæ calidiores, ut dictum est supra, solutæ magis ac liberæ fiunt cum humidis aptius vehiculum unctuosarum, atque nutrientium: unde cocolata hoc pacto soluta non minus nutrit, ac si illam sumas massa, aut pastillis, sed longe melius, salubrius, aptoque stomachis tam calidis, quam frigidis temperamento. Ex quibus diluitur tertia ratio Brancacii, qui contendit demonstrare cocolatem aquæ permixtione exuere propriam esculenti naturam, cum illam e contra nanciscatur perfectiorem.

Argumentum quartum Cardinalis Clarissimi est, quod parvitas materiæ juxta communem Doctorum sensum non frangit jejunium Ecclesiasticum. Verum si uni cocolatis uncia tanta est vis nutritiva, ut præclarissimi Medici Mangetus, Pasquius, Zacchias, Stubcus, aliique observarunt; non minus attendenda est cocolatis quantitas, quam potionis, ac nutrimenti natura; idque in jejunio maxime Quadragesimali, quod credimus in Elia & Moyse præfiguratum, Christi consecratum exemplo, & antiqua & Apostolica traditione firmatum,

tum, ut eo religioſius ſervari debeat, quo fuit majori auctoritate præſcriptum.

Poſtremum argumentum ad hunc modum ſe habet. Non læditur jejunium medicamentorum potione. Atqui cocolata (inquit Brancacius) *roborat naturalem calorem, generat puriorem ſanguinem, cordis ſubſtantiam vivificat, diſſipat ſtatus, & prodeſt ad ſtomachum roborandum*; habet ergo medicamenti naturam, ac tali medicamento uti poſſumus abſque fractione jejunii. Aſt utraque hujus ſyllogiſmi præmiſſa corruiſit ſponte ſua, & univerſam molem evertit. Nam quantum ad majorem, ut vocant, attinet: vel ægroto medicamentum exhibes, vel ſano ac robuſto. Si ægroto, ejuſdem ſaluti providendum eſſe demonſtrat lex ipſa naturæ. Si autem ſano ac valenti, oportet, ut expendatur qualitas medicaminis: Quod ſi fuerit nutritivum atque eſculentum, nego conſiſtere cum jejunio. Atque ita prior illa propoſitio fluctuat & labascit. Sed altera propoſitione tota machina excidit: nam ſi cocolata roborat naturalem calorem, generat puriorem ſanguinem, cordis ſubſtantiam vivificat, diſſipat ſtatus, & prodeſt ad ſtomachum roborandum; quomodo frigida eſt admodum, nec nutrit, nec cibus eſt, nec ſuſtentat, nec vim habet eſculentorum? Quomodo ſtomacho roborati, & naturali calore robuſti ſervabunt jejunium, ab Eccleſia eo fine inſtitutum, ut fideles ab alimentis abſtinentes carnem macerent, & corporis afflictatione ſenſus a noxiis retrahant exceſſibus? Reſte ergo ſtatui, argumenta pro cocolatis potione allata nequaquam cuilibet frugi Theologo ſatiſfacere.

Ne tamen alicui injiciam ſcrupulum, ſi valida alicui videntur, nec reſponſionibus noſtris ullatenus diſſoluta, meminerit is omnes prorſus Theologos, ipſumque Cardinalem ampliffimum Franciſcum Mariam Brancacium, deſignare potionem cocolatis non admodum dilutam, ſed concretam ac denſam jejunio dubio procul oppoſui. Et licet Turrianus quantitatem permittat non excedentem uncias cocolatis duas, dimidium tantum uncie quidam alii exiſtimant permittendum: unicam vero unciam idem Brancacius, Sebaſtus noſter, atque benigniorum Theologorum pars major. Sed vereor, ne parvam hanc quantitatem complures excedant; nam ſemel inductæ corruptelæ modum ſervare non poſſunt. Eſt autem illa duarum unciarum portio plurimorum conſuetudine recepta; & vir quidam eximius deſcribens eleganti carmine quomodo cocolatæ pararet ſibi potionem, ut extat in notis ad Dichyrambum viri Clariffimi Franciſci Redi, canebat:

*Quin & ſiccbuream deciſa in fragmina metum
Comminuo, cumulusque pari mihi pondere ſurgit,
Mixtaque ſtat juſto ſimul uncia, & uncia metro.*

Atque hunc finem habet noſtra de oblectamentis diſſertatio. In qua

qua si oratione usus sum festiva, & poetarum versibus phalerata; indulgendum tempori, quo eam scripsi, tibiue, Lector benevole, propono legendam. Neque enim erit qui mihi jure succenseat, si vel ipsa librorum meorum lectione honestam aliquam perceperis voluptatem, vel ego a noxiis oblectationibus retrahar hoc scribendi, vel differendi genere nunquam fortasse a Scholasticis usurpato. Non deerunt tamen in libris nostris dogmata sublimiora, atque in his maxime, quos proximis voluminibus exornabo.

Explicit Liber vicesimus quartus.



QUARTI VOLUMINIS

PROPOSITIONES.

I. R <i>Ecce ratio imperandi & prohibendi, quam Legem appellant, & qua voluntatis actum complicitur,</i>	5
II. <i>Certas, ut obstringat, postulat conditiones:</i>	6
III. <i>Quasi adsint, etiam insti legibus subjiuntur.</i>	9
IV. <i>Ac primum inter leges locum tenet Aeterna, ceterarum omnium, fons & origo:</i>	11
V. <i>Cujus participatio est lex natura menti rationalium inscripta, &</i>	15
VI. <i>Rectam Dei, proximorumque dilectionem praescribens.</i>	17
VII. <i>Hec autem naturalis lex neque abrogari potest,</i>	21
VIII. <i>Neque propriam admittit dispensationem.</i>	24
IX. <i>Sequitur lex scripta, qua Deum habet auctorem,</i>	33
X. <i>Congruis, non pravis, ut quidam haeretici commenti sunt, constituta praeceptis.</i>	36
XI. <i>Id demonstrans adversus Faustum Augustinus non erravit, contra quam sentiat Phereponus, aut exponens verba illa Deuteronomii, Maledictus omnis, qui pendet in ligno;</i>	45
XII. <i>Aut alia, Erit vita tua quasi pendens ante te.</i>	46
XIII. <i>Probabiliorem quoque sententiam tenuit, dam ait Saram fuisse Abrahami neptem, & consanguineam.</i>	48
XIV. <i>Scriptae legis promulgator Moses hebraico appellatur vocabulo:</i>	49
XV. <i>Non fuit Polygamus,</i>	50
XVI. <i>Nec homicida,</i>	51
XVII. <i>Nec Heliopolitanus infectus lepra,</i>	53
XVIII. <i>Eique non tribuunt cornutam faciem Catholici, ut haeretici calumniantur.</i>	55
XIX. <i>Non videtur fuisse primus literarum inventor.</i>	57
XX. <i>In tabulis Moysi ita distributus erat Decalogus, ut prima tabula tria tantum praecepta contineret, altera septem reliqua.</i>	59
XXI. <i>Primo praecepto simulacra duntaxat idolorum, & imagines ad adorandum conflate, non omnes promiscue, prohibebantur Judaeis.</i>	61
XXII. <i>Hoc autem, ceterisque praeceptis, ut liquet ex nostra interpretatione, traditur rectissima agendarum rerum mensura.</i>	Ibid.
XXIII. <i>Ritus etiam legales, & secundaria Judaeorum praecepta fuerunt optimo, providoque consilio instituta.</i>	74
XXIV. <i>Hec, quamvis abrogata fuerunt in Christi morte,</i>	82
XXV. <i>Non tamen fuerunt statim exitiosa, & mortifera,</i>	83
XXVI. <i>Eaeque Apostoli absque ulla simulatione aliquandiu usurpaverunt.</i>	87

- xxvii. *At quoniam neminem obstringebant, recte Paulus restitit Cæphæ: quem alium a Petro perperam quidam existimant.* 93
- xxviii. *Veteri successit lex nova longe præstantior, suis etiam præceptis obstringens, quicquid hæretici obganniant.* 103
- xxix. *Ut obligent leges humanæ, nisi aliter statuat Legumlator, sat est si ad notitiam subditorum pervenerint:* 109
- xxx. *Neque pendent ullo pacto a populorum acceptatione.* 112
- xxxi. *Humana autem leges ligant quoque in interiori conscientia foro,* 119
- xxxii. *Excepto tamen gravissimo nocumento, proximoque vitæ discrimine.* 124
- xxxiii. *Operi, quod tam in se inspectum, quam attentis rerum circumstantiis leve est, parvique momenti, nequit Legislator adnectere obligationem sub pœna mortalis culpæ.* 127
- xxxiv. *Potest Ecclesia interiorem quoque actum per se, ac directe præcipere.* 129
- xxxv. *Non habent Potestates seculares auctoritatem aliquam, aut imperium statuendi leges Ecclesiasticas:* 133
- xxxvi. *Sed aliquas duntaxat leges ferre possunt ad Ecclesiasticas, divinasque promovendas, non tanquam Ecclesiæ Iudices, sed tanquam defensores, ac vindices.* 134
- xxxvii. *Ecclesiæ autem Pastoribus non solum competit munus suadendi & declarandi; sed etiam auctoritas & potestas coactiva, qua possunt suarum legum fractores vi, & imposta necessitate compescere,* 135
- xxxviii. *Non pugnat cum spirituali Ecclesiæ regimine temporalis jurisdictionis regniq; potestas.* 137
- xxxix. *Et reapse summo Ecclesiæ Pastori utraque simul potestas competit, Ecclesiastica videlicet, & politica.* 139
- xl. *Ad natum Pontificis quælibet civilis potestas, quæ in corpore Ecclesiæ tenet imperium, deberet arma tractare, & cetera complere propria auctoritatis officia.* 143
- xli. *Ipse Legislator aliquo pacto legibus a se latis obstringitur.* 144
- xlii. *Advenæ, ac peregrini locorum, ad quæ accedunt, legibus subjiciuntur.* 145
- xliiii. *Clerici legitime bona possident temporalia;* 147
- xliv. *Neque cogi debent ad tributa solvenda, neque ad munia laicorum obeunda,* 148
- xlv. *Immunitatem Ecclesiasticam, quocunque jure inducta sit, nequeunt Principes seculares temerare, aut minuire.* 153
- xlvi. *Recte in Latina Vulgata connumerantur quatuor civitates assyli in Tribu Ruben,* 157
- xlvii. *Decretales autè Siricium Epistola, licet sint magna ex parte suppo-*

- suppositæ, non sunt rejicienda tanquam doctrinis Apostolicis repugnantes.* 161
- XLVIII. Collecti a Gratiano Canones non aliam habent auctoritatem, quam fontium, locorumque, unde sunt derivati.* 164
- XLIX. Definiri non potest Canonum Apostolicorum certus numerus;* 167
- L. Tameſſi aliqui a primis Eccleſiæ ſeculis obtinuerint.* 168
- LI. Romanorum leges ab Atticis, iſtas vero ab Hebræis derivaffe mira ſingularum concordia demonſtrat.* 170
- LII. Eximunt interdum a legum onere Privilegia, Dispensationes, Conſuetudines.* 177
- LIII. Legibus conformari debent humana Officia, quorum libertatem penitus non evertit aut metus incuſſus, aut alliciens concupiſcentia.* 187
- LIV. Sunt vero omnia, quæ cum libertate patrantur, in individuo vel honeſta, vel prava:* 192
- LV. Et externum opus nihil per ſe interiori voluntati in rem honeſtam, iniquamve deliberate vergenti, addit decoris, vel turpitudinis.* 198
- LVI. Virtus juxta Auguſtinum nihil eſt aliud, quam ordo amoris;* 205
- LVII. Ac virtutis premium, & ſempiterna felicitas, quamquam ex viſione, & amore Dei coaleſcit,* 214
- LVIII. Potiſſimum tamen ſita eſt in amore, quo Deo fruimur.* 216
- LIX. E contra ſcelus, & culpa eſt amoris inordinatio, & conſiſtit in reſiſtendi privatione.* 219
- LX. Intercedit inter peccata diſcrimen, & quædam ſunt genere ſuo venialia.* 225
- LXI. Quæ mortalia dicuntur, habent nequitiam moraliter infinitam.* 234
- XLII. Non requiritur ad imputationem peccati, ut animum ſubeat ſancta cogitatio, per quam advertat ad peccati malitiam.* 241
- XLIII. Fictitium eſt peccatum philoſophicum.* 243
- XLIV. Excusaſ a culpa ignorantia juris naturalis, dummodo ſit invincibilis;* 246
- LXV. Sed nullus hominum compos ſui tali ignorantia laborat quantum ad univerſalia principia, & proximas conſecutiones.* 248
- LXVI. Propriè ignorantia, & deſectatio aliquando culpabilis cenſenda eſt, aliquando excuſanda.* 256
- LXVII. Idem de conſcientia dicendum; cui tenemur morem gerere, ſi recta ſit, moraliter certa, nec voluntario errore obcæcata.* 259
- LXVIII. Dum in opinione verſamur, ſi tenuis adſit probabilitas, eidem adverſus legem morigerari iniquum eſt.* 277
- LXIX. Opinio quippe probabilis niſi conſcientiam moraliter certam,* 277

- ingeneret, baud est firmissima morum regula. 280
- LXX.** Nefas propterea est sequi opinionem minus probabilem stantem pro libertate, in concursu opinionis probabilioris, quæ stet pro lege. 292
- LXXI.** Viro Theologo non licet ex sententia, quam ipse oppugnat, censetque minus probabilem, alteri consilium dare. 313
- LXXII.** Nec homini ignaro fas est varios adire Casuistas, eo animo, ut tandem inveniat aliquem benigniorem, affirmantem esse probabile, quod alii improbant, sibi que fas sit eligere quod magis libet. 315
- LXXIII.** Confessarius pariter non debet absolutionem impendere iis, qui sequuntur opinionem minus probabilem stantem pro libertate, eamque nolunt deponere. 316
- LXXIV.** Sequi tamen possumus in qualibet materia, sive juris, sive facti, sententiam probabilem, quæ post diligentem veritatis investigationem appareat sententia opposita probabilior. 319
- LXXV.** Atque his imbuti præceptis execramur in primis idololatricam, ac summam eorum dementiam, qui coluerunt masculos Deos Consentes. 327
- LXXVI.** Habemus eodem loco, qui in numero Deorum Consensum locarunt feminas. 330
- LXXVII.** Rifu pariter excipienda est fabularis selectorum Deorum historia. 334
- LXXVIII.** Et ana cum iis amandanda profana numina, quæ vetus Testamentum commemorat. 337
- LXXIX.** Repudianda est etiam, atque execrabilis religio, quæ viget apud Turcas & Mahumetanos. 340
- LXXX.** Ceteris autem omnibus preferenda est Christiana religio, quam constat evidentissime veram esse. 346
- LXXXI.** Ab eadem religione Christiana alieni sunt qui Christi divinitatem, & Incarnationem non consentur. 353
- LXXXII.** Necnon hæretici omnes, & secta Calvinistarum, Lutheranorum, aliorumque Protestantium. 361
- LXXXIII.** Romana itaque Ecclesiæ divina gratia adscripti, illius symbolum tanquam Apostolicum veneramus. 366
- LXXXIV.** Et ab Apostolis revera conditum fuisse defendimus. 369
- LXXXV.** Nihil commentitium huic symbolo fuit appositum; ideoque propugnamus etiam Christi descensum ad inferos. 379
- LXXXVI.** Asserimus expectandam esse universalem corporum resurrectionem. 392
- LXXXVII.** Eamque futuram in eadem numero carne, quæ morte dissolvitur. 398
- LXXXVIII.** Quamvis non eadem futura sint omnium resurgentium corporum affectiones. 400

lxxxix.	<i>His, aliisque a Deo revelatis assentimur virtute Fidei, quam recte definit Apostolus cap. xi. ad Hebræos:</i>	405
xc.	<i>Quæ fides semper quoad substantiam credibilium a mundi exordio ad hæc usque tempora fuit eadem.</i>	407
xcI.	<i>Statui nequit ejusdem fidei norma, & libella in sola humana ratione, ut contendunt Sociniani.</i>	411
xcII.	<i>Neque sufficit ad omnia dogmata definienda, ut passim reliqui Novatores autumant, scriptum Dei Verbum: quod non est omnibus apertum, atque perspicuum.</i>	416
xcIII.	<i>Judicium enim de fidei questionibus nequit ex solis scripturis peti, sublata Judicis viri auctoritate;</i>	419
xcIV.	<i>Nec idoneum erit judicium, si fiat privato spiritu, & intima cujusque fidelis persuasione.</i>	422
xcv.	<i>Præter divinam scripturam sacra quoque Traditiones sunt admittenda.</i>	435
xcvi.	<i>Fides vero Mediatoris in veteri quoque Testamento fuit necessaria, sed non fides explicita in ejus divinitatem, ac individua Trinitatis mysterium.</i>	466
xcvII.	<i>Verum in hoc nova legis statu ipsa explicita fides requiritur,</i>	468
xcvIII.	<i>Non ad salutem æternam tantummodo, sed etiam ad justificationem obtinendam.</i>	469
xcix.	<i>Requiritur & externa fidei confessio, & nunquam licitum est fidem ipsam negare:</i>	473
c.	<i>Immo nec religionem simulare profanorum rituum, ciborum, vestium, nominumque gentium idololatrarum usurpatione, ubi sint supersticiosi cultus indicium.</i>	475
ci.	<i>Fas est aliquando in persecutione fugam arripere.</i>	477
cII.	<i>At quid de Sinenjium Ritibus? Falsum est omnes promiscue approbatos anno 1656. a Sacra Congregatione.</i>	481
cIII.	<i>Edictum Caroli Maigrot recte, provideque supersticiosos eliminavit.</i>	482
cIV.	<i>Decretum quoque Cardinalis de Tournon a Clemente XI. & Benedicto XIII. confirmatum complures jure, meritoque proscriptis.</i>	486
cv.	<i>Permanet vera fides etiam in homine impio.</i>	488
cvI.	<i>Non tamen in hæretico,</i>	490
cvII.	<i>Neque in solutis corpore animabus, jam in termino consistentibus.</i>	493
cvIII.	<i>Datur spes a fide, & a caritate distincta:</i>	495
cix.	<i>Quæ in eo non persisteret, cui facta esset futura damnationis certissima revelatio.</i>	497
cx.	<i>Spes certitudo, quamquam admodum firma, salutarem timorem minime excludit.</i>	499
	FFFF 2	CAL

<u>CXI. Licet autem timor mundanus sit perversus & noxius ;</u>	<u>502</u>
<u>CXII. Timor servilis est summo opere utilis, supernaturalis, & donum Dei :</u>	<u>503</u>
<u>CXIII. Illo tamen laudabilior est timor castus, & permanens in saculum seculi .</u>	<u>507</u>
<u>CXIV. Ea, qua ad spem pertinent, in oratione Dominica continentur .</u>	<u>508</u>
<u>CXV. Caritas omnium virtutum maxima veram parit inter Deum, & hominem amicitiam .</u>	<u>514</u>
<u>CXVI. Ante omnia Deus etiam interiori caritate diligendus est :</u>	<u>516</u>
<u>CXVII. Diligendus semper, actu, aut virtute :</u>	<u>518</u>
<u>CXVIII. Et diligendus ex toto corde, in tota anima, in tota mente .</u>	<u>519</u>
<u>CXIX. Animarum Dei caritate flagrantium datur aliquandiu quies, sed ei, quam Molinosius innoxit, e diametro opposita .</u>	<u>521</u>
<u>CXX. Status item puri amoris, in quo anima nullam gerat propria salutis curam, fanaticismus est, non caritatis perfectio .</u>	<u>523</u>
<u>CXXI. Nec repugnat caritati servare legem intuitu sempiterna mercedis .</u>	<u>526</u>
<u>CXXII. Proximi etiam diligendi sunt propter Deum, servato ordine caritatis, parenti, filii, uxor, fratres, ac pauperes, .</u>	<u>529</u>
<u>CXXIII. Atque hi subsidio eleemosynarum juvandi .</u>	<u>533</u>
<u>CXXIV. In praecepto quoque est inimicorum dilectio ;</u>	<u>535</u>
<u>CXXV. Tametsi liceat Christianis adversus hostes, servatis conditionibus, bellum gerere .</u>	<u>536</u>
<u>CXXVI. At illicitum prorsus est initum ex condito singulare certamen .</u>	<u>539</u>
<u>CXXVII. Ut licita sit occisio iniusti aggressoris, sequestrari debet a noxia cupiditate .</u>	<u>542</u>
<u>CXXVIII. Ipsa malorum origo cupiditas illicitis inbiat oblectamentis, inter quae sunt connumeranda Veterum Bacchanalia .</u>	<u>554</u>
<u>CXXIX. Haec nequeunt censerī honesta, ut celebrantur ab aliquibus, qui concessione Principum abutuntur .</u>	<u>555</u>
<u>CXXX. Interdum quippe, si non omnia, quaedam saltem theatra superare videntur Gentilium luxum, & insanientem libidinem .</u>	<u>557</u>
<u>CXXXI. Et nonnulli recentiores comediae sunt magis, quam antiqua despicienda .</u>	<u>559</u>
<u>CXXXII. Quapropter iniquissimi censendi sunt histriones inveterandi, ibid.</u>	<u>ibid.</u>
<u>CXXXIII. Graviterque delinquunt, qui ludicram scenam spectant, nisi comedia sit honestissima .</u>	<u>560</u>
<u>CXXXIV. In personis autem, larvisque penes nonnullos improbos immoderatio est aetate nostra, quam regnante superstitione, luxuriet .</u>	<u>562</u>
	<u>CXXXV.</u>

- exxxv. *Detestabile est mulieres habitu virorum personatas incedere, & viros vicissim vestimentis mulierum.* 563
 cxxxvi. *Saltationes, quarum in sacris literis fit mentio, damnant quamplures presentium chorearum abusus.* 565
 cxxxvii. *Ab antiquis Ethnicis saltatoribus edocemur quantum dedecet inonestas frequentare choreas.* 566
 cxxxviii. *Quisquis ergo immodice choreas agit, a culpa vix erit immunis.* 567
 cxxxix. *Festis autem diebus a choreis, & saltationibus est omnino abstinendum.* 568
 cxl. *Cum adaequent nonnulli cantores (probos excipimus) improbitatem veterum,* 570
 cxli. *Oportet, ut Christiani aspernentur cantum mollem, atque inverecondum.* 571
 cxlii. *Prohibentur etiam Christiani fragmenta legere Poetarum.* 573
 cxliii. *Adolescentibus permitti potest ludus latrunculorum.* 574
 cxliv. *Ludus autem alearum, tanquam omnis nequitiae seminarium, eliminandus, & abjiciendus omnino est.* Ibid.
 cxlv. *Inhibetur quoque Christianis decursus ludicra, vel agmen Troicum:* 576
 cxlvi. *Ac detestanda praeter ceteris sunt ea spectacula, in quibus tauri & ferae agitantur in circo, maxime si cum illis homines congreantur.* 577
 cxlvii. *Conjungi solet venatio sylvatica cum violatione festorum.* 578
 cxlviii. *Summopere detestandus est vixens in praesentia vestimentorum cultus immodicus.* 579
 cxlix. *Consuetudo autem mulierum, quae faciem cerassa obliniunt, nequissimi flagitii complectitur turpitudinem.* 581
 cl. *Maxima ergo in cultu vestium praefenda est moderatio.* 582
 cli. *Splendidus convivorum apparatus non nisi a luxu corruptae Gentilitatis emanavit.* 583
 clii. *Inebriari vino scelus est nefarium, detestabile, atque turpissimum.* 584
 cliii. *Argumenta, quae Cardinalis Brancaeus producit ad probandum, quod cocolatis potione Ecclesiasticum non frangatur jejunium, non videntur frangi Theologo penitus satisfacere.* 586



